





*Angelus Teat.*

*minus mara*  
*lib.*





822  
Georgius Sakka

Aloysius Terzaghi

Petrus Bardoni

1773

E: S: 8:





# TRIENNIVM PHILOSOPHICVM

quod

P. ANDREAS SEMERY REMVS  
E Societate IESV .

In Collegio Romano

*Philosophiæ iterum Professor  
dictabat*

IO: BAPTISTA PASSERVS  
eiusdem Discipulus

Eminentissimo , ac Reuerendissimo

P R I N C I P I

CAROLO CARD.  
BARBERINO

D. D. D.

Annus Secundus.



ROMÆ, Typis Tinaſſij. 1674.

---

*Superiorum Permiſſu .*



Eminentissimo, & Reuerendissimo

PRINCIPI

CAROLO CARDA

BARBERINÓ

IO: BAPTISTA PASSERVS  
Felicitatem.



Omum suam ingredi-  
tur Philosophia no-  
stra, dum in Concla-  
ue tuum admittitur  
Emin. Princeps. Neque enim  
peregrinatur apud te vlla pars  
Sapientiae, nec in ædibus Barbe-  
rinis hospes est amor & studium  
Veritatis. Inueniet apud te, quas  
vnice amat, virtutes reliquas,  
tuoque in sinu, quasi suo in do-  
micilio, simul cum cæteris con-  
quiescet: mitto igitur & grandia  
illa nomina quibus & VRBANI  
OCTAVI & Barberinorum  
Principum inter belli pacisque  
artes, virtutes eximiae sui admi-

ratione terrarum orbem imple-  
uerunt, & pronum eorumdem  
in addictissimam sibi familiam  
nostram fauorem, & animum, in  
huiusce Philosophiæ nostræ pa-  
trocinium aduocare. In te vno  
quamuis gentilitia hæc decora  
hæreditario iure non modo vi-  
geant, sed incrementum acci-  
pian; vnum sui amorem amat  
Sapientia; tuisque non vt Pur-  
purati & Principis, sed vt sui  
amantis oculis obuersari se ges-  
tit. Præfert illa splendidior  
noua semper tuæ lucis accessio-  
ne Barberinū Solē, qui dū OB-  
SCURA illa mellificantis natu-  
ræ mysteria suauissimo tuarum  
apū RECLVDIT in opere; quā  
apte, & hæc & ipse in tuæ gentis  
& Emblemata & Stemma coale-  
scant, ostendit. Neque enim  
quam suauiter, non sibi, sed  
toti generi humano adlaborent  
apes, vnquam patuit illustrius;

quam



quam cum in Propatruī tui Vr-  
bani Octaui splendidissima be-  
neficentia patuit orbi terrarum,  
id vnum Barberinos amare, vt  
amentur ab omnibus, omnesque  
in amorem sui pertrahant blan-  
dissima vi beneficiorum. Huius  
tu dum fortunam mereris, æmu-  
laris virtutes: quas inter singu-  
laris tua humanitas monimen-  
tum sui apud me ponet æternū;  
si me meumq, hoc quaecumq;  
munusculum amico vultu, ami-  
co animo non dedigneris exci-  
pere.

# LECTORI BENEVOLO.

*IO: BAPTISTA PASSERVS.*



Riennalem Philosophiæ cursum quem à Magistro meo diligenter excepi, habes hic amice lector, suos ita distributum in annos; vt nulla ex tribus Scientijs quæ toti cursui nomen imponunt, sine aliarum consortio prodeat; sed Metaphysica physicis, vtrisque Logica, ex more iam in hac Vniuersitate recepto, promiscua videantur. Atque hoc, puto æqui boniq; consules, cum ad id maxime impulerit commodum tuum, & meum: tuum quidem, cui quæ singulis annis agitari solent in Scholis, singulos diuisa dantur in tomos, meum vero cui seruatum in scribendo ordinem, nec fas nec animus fuerit in rescribendo inuertere. Res autem hic ita explicatas inuenies, vt similitudines & exempla e numero discipulorum, e cathedra, e scamnis ex ipso Gymnasio alijsque id genus petantur, quæ & di anti & scribentibus maxime obuiaerant. & familiaria. Quæ facile omnia condonabis, si non cogitantem de publica luce, cui tamen non omnino inuitus annuit vt darentur, sed dictantem discipulis suis, ac iisdem familiariter doctrinam suam insinuantem Magistrum meum, tibi, dum ipse hæc lectitas, repræsentes. vale.

# I N D E X

## Q V A E S T I O N V M.

### D I S P V T A T I O P R I M A

#### De principijs corporis naturalis.

- Qu. 1. **D**E ratione principij ut sic. p. 3.  
Qu. 2. **D**E principijs intrinsecis corporis naturalis. pag. 13.  
Qu. 3. **D**E compositione corporis naturalis. pag. 30.

### D I S P V T. I I.

#### De principijs corporis naturalis in particulari.

- Qu. 1. **D**E quidditate & proprietatibus materie primæ. pag. 71.  
Qu. 2. **A**n, & quomodo materia sit pura potentia. p. 83.  
Qu. 3. **A**n in rebus creatis essentia realiter distinguatur ab existentia. p. 97.  
Qu. 4. **D**E potentia materie ad formas. 142.  
Qu. 5. **A**n materia omnium sublunarium sit una. p. 149.  
Qu. 6. **D**E appetitu materie ad formas. pag. 154.  
Qu. 7. **A**n materia possit esse sine omni forma. p. 196.  
Qu. 8. **D**E forma. p. 205.  
Qu. 9. **D**E Priuatione. p. 220.  
Qu. 10.

Qu. 10. *De Vnione.* p. 245.

DISPUT. III.

In Aristotelis libros de natura, & arte.

Qu. 1. **D**E Natura. p. 276.

Qu. 2. **D**E Violento. p. 287.

Qu. 3. *De Arte.* p. 295.

DISPUT. IV.

De causis extrinsecis.

Qu. 1. **D**E causa efficiente. p. 303.

Qu. 2. **D**E subiecto actionis. p. 309.

Qu. 3. *De causa finali.* p. 318.

Qu. 4. *An omnia agentia agant propter finem.* p. 337.

Qu. 5. *De Causa exemplari.* p. 339.

Qu. 6. *De Causis per accidens.* p. 348.

DISPUT. V.

De Causis extrinsecis.

Qu. 1. **Q**uomodo materia causet formam. p. 354.

Qu. 2. *Quomodo materia & forma causent totum.* p. 363.

Qu. 3. *An eadem actione producantur & unio & forma.* p. 369.

Qu. 4. *De Toto.* p. 376.

Qu. 5. *De Subsistentia.* p. 384.

Qu. 6. *De Prioritate nature.* p. 406.

DISPUT. VI.

De Motu.

Qu. 1. **D**E quidditate & proprietatibus motus. p. 440.

DIS-

- Qu. 1. **D**E quidditate & proprietatibus  
loci. p. 455.
- Qu. 2. De penetratione corporum. p. 462.
- Qu. 3. De replicatione. p. 465.
- Qu. 4. De Loco intrinseco. p. 487.
- Qu. 5. An extrema simul unita sint sepa-  
ratim replicabilia. p. 496.
- Qu. 6. De Vacuo. p. 516.
- Qu. 7. De Tempore. p. 533.
- Qu. 8. De Tempore intrinseco. p. 536.
- Qu. 9. De nunquam & nullibi creature  
existentis. p. 543.

## DISPUT. VIII.

## De Infinito.

- Qu. 1. **Q**uid sit & quotuplex infinitum.  
p. 557.
- Qu. 2. De Creatura omnium possibilium  
perfectissima. p. 563.
- Qu. 3. An sit possibile infinitum. p. 530.

## DISPUT. IX.

## De Quanto.

- Qu. 1. **Q**uid sit & effectus forma-  
li quantitatis. p. 607.
- Qu. 2. De compositione continui. p. 614.

## DISPUT. VLT.

## In Libros de Mundo &amp; Coelo.

- Qu. 1. **A**N Mundus sit unus & perfe-  
ctus. p. 666.
- Qu. 2. De partibus Mundi. p. 670.
- Qu. 3. De Systemate uniuersi. p. 674.
- Qu. 4. De Coelo. p. 679.
- Qu. vlt. De Aeternitate Mundi. p. 705.

*Imprimatur,*

Si videbitur Reuerendissimo  
P. Magistro Sacri Palatij  
Apostolici!

*I. de Angelis Archiep. Urbini  
Vicesgerens.*

---

*Imprimatur,*

Fr. Raimundus Capisuc-  
chus Ord. Prædic. Sa-  
cri Palatij Apostolici  
Magister.


IN ARISTOTELIS  
LIBROS  
PHYSICORVM,  
SEV  
DE PHYSICA  
AUSCULTATIONE.



Itulus ipse, quo rerum  
naturalium discipli-  
nam Naturæ genius  
Aristoteles insigni-  
uit, quanti momenti  
illa sit, satis, superq; demonstrat;  
dum enim libros, quibus Physi-  
corum scientiam compræhendit  
acroamaticos inscripsit, hoc est  
auscultatorios, arrectis eorun-  
dem explicationem auribus, mē-  
te arrectiori excipiendam esse  
suis auditoribus indicavit. Id  
verò eos præstare decet libera-

liter, & libenter, qui id sibi cum Philosopho proposuere hoc anno, vt rerum sensibus nostris patentium latentes causas, & inquirent diligenter, & feliciter assequantur. Agimus igitur hoc anno de Ente naturali, inquirendo primo eius principia, & causas; deindè proprietates, effectus, & alia, quæ ad totius naturæ perfectam intelligentiam ducunt. Et quia in octo libris Physicorum de ijs dumtaxat agendum est, quæ sub lunaria sunt: ijs libros de Mundo, & Cælo superaddere oportet, vt cælum, & terra, & quidquid vtriusq; ambitu continetur in nostrorum Auditorum notitiam veniat. Nihil autem dicturi sumus, nihil docturi gratis. Speramus enim laboris nostri mercedem amplissimam: discipulos sapientes.





# DISPUTATIO I.

*De principijs corporis naturalis.*

## QVAESTIO I.

*De ratione principij ut sic.*

### ARTICVLVS I.

*Quid sit esse principium.*

**D**EFINITIONEM principij traditurus Aristoteles 5. Metaph. cap. 1. varias principiorum species prius enumerat, quorum alia sunt principia rei in fieri, alia in facto esse, alia in cognosci. His enumeratis sic concludit: *Omnibus igitur principijs commune est esse primum, unde quidpiam est, aut fit, aut cognoscitur.* Ut ab ultimo incipiamus: principia, unde aliquid cognoscitur, seu principia in cognoscendo sunt suppositiones, ut ait Philosophus, seu axiomata, seu propositiones, ex quibus scientiae suas eruunt conclusiones, puta apud Mathematicos est primum principium: *Omnis linea potest secari bifariam.* In Physica: *Omne alterabile est corruptibile.* In omni scientia, immò apud otanem intellectum:

*Quodlibet est, vel non est. Omne totum est maius sua parte. Et sic de alijs. Dicuntur autem propositiones huiusmodi principia cognoscendi, quia quælibet scientia ita ijs innititur, ut ea ulterius non probet, puta Geometria non probat principia Geometriæ, nec Physica Physicæ, sed supponit. Quod si aliquid contra ea opponatur, spectat ad aliam scientiam opposita dissolvere, ut docet Philosophus initio Physicorum disputans contra Parmenidem, & Melissum: ubi ostendit non teneri Physicum demonstrare, quod dentur multa entia; adeoque quod omnia non sint unum. Iure enim assumit Physicus in natura oriri multa, multa interire, cum utrumque ad sensus pateat. Quod si contra, sophismata aliqua proponantur, non tenetur ea solvere Physicus, cum iure suo possit contemnere. Poterit tamen ad abundantiam.*

*Principia cognoscendi vocantur communiter principia complexa. Quænam autem sint incomplexa varij variè. Aliqui incomplexa vocant terminos ipsos, ex quibus prædictæ propositiones constant, alij apprehensiones ipsas, prævias huiusmodi propositionibus; alij objecta ipsa, per quæ in aliorum obiectorum cognitionem venimus. Hæc controuersia non tanti est, ut in ipsa, vel momentum inmoremur.*

*Principia unde res est, aut fit: sunt ea, ex quibus primo est, aut fit, puta principium navis; unde est, & fit, est carina: principium domus est fundamentum, ut exemplificat idem Philosophus: quia nimirum & motus, per quem fit navis, incipit à carina, & motus, per quem fit domus, incipit à funda-*

mento. Item primum, quod in naui est, est carina, sicut primum quod in domo est, est fundamentum.

Quia verò hæc principij definitio æque principijs extrinsecis, ac intrinsecis conuenit, oportet hæc principia diuidere in intrinseca, & extrinseca. Intrinseca sunt, ex quibus res, tamquam ex constitutiuis constat, seu tamquam ex partibus componentibus. In homine, v. g. principia intrinseca sunt corpus, & Anima: ex corpore enim, & anima constat homo. Extrinseca autem sunt ea, vnde res habet vt sit, tamquam ab exteriori mouente. Ità principium huius fabricæ est Architectus: principium totius vniuersitatis creatæ est Deus.

Aduertendæ sunt in hac eadem definitione præsertim duæ particulæ, videlicet: *Primum*, & *Vnde*, dicitur enim: *Primum vnde aliquid est*, &c. Porro manifestum est per hanc particulam: *Primum* importari prioritatem quamdam principij respectu rei, cuius principium est; & per hanc aliam, *Vnde* connexionem aliquam inter vtrumque, & consequutionem quandam vnius ad alterum: hæc autem consequutio non necessario requiritur talis; vt sit dependentia rei à principio: nam etiam in diuinis Pater dicitur propriissimè principium Filij; cum tamen Filius non dicatur habere dependentiam à Patre: idem dic de Patre, & Filio, qui sunt vnum indiuisibile principium Spiritus Sancti; qui tamen à neutro dependet. Propterea D. Thomas 1. par. quæst. 23. art. 1. ait: per hoc nomen *principium* nihil aliud significati, quam id, à quo aliud procedit. Quia verò, etiam

si ratio principij non dicat excellentiam supra terminum, cuius dicitur principium; ratio tamen principij ex usu, & modo loquendi sonat apud Latinos inferioritatem quandam respectu principij: propterea dicunt correlatiuum principij non esse *Principiatum*: dixi apud Latinos, quia ut notat D. Thomas inuenitur apud Græcos de Filio, & Spiritu Sancto, quod principientur. In hoc autem toti sunt Patres, tam Latini, quàm Græci, ut perfectam inter Personas Sanctissimæ Trinitatis æqualitatem contra hæreticos tueantur: huic timent nè officiant Latini, si vnam personam principium vocent, alteram principiatam. Non timent Græci: vtriq. sapienter: ob diuersum usum eiusdem penè sermonis. Vbi aduerte totam hanc doctrinam D. Thomæ intelligendam esse de principio extrinseco: principium enim intrinsecum, quale est v.g. in substantia physica, & materia, & forma non nisi valde improprie dicitur esse id, à quo totum procedit; rectè autem id, ex quo primo res constat.

Diximus prioritatem simul, & connexionem aliquam requiri inter *A*, & *B*, ut *A*. respectu *B* rationem principij sortiatur. Neque enim quælibet præcedentia vnius ad alterum facit vnum esse principium alterius. Bellum Cretense superioribus annis absolutum præcessit bellum Ollandicum, quod nunc est: absurde tamen diceres bellum Cretense principium fuisse belli Ollandici: non absurde autem dixeris leuem aliquam contentionem, siue iurgium inter homines vtriusq. partis, belli principium extitisse;

sicut

sicut Helenæ raptus belli Troiani principium appellatur.

Sed neque prioritas quælibet sufficit ad rationem principij; requiritur enim, ut non solum præcedat, sed etiam ut in illa serie, siue in illo ordine, à nullo alio præcedatur. Ità in duratione horaria non rectè dixeris, etiam si loquaris versus finem eiusdem, secundum quadrantem esse principium talis durationis; quia quamuis secundus quadrans præcedat finem, habet tamen ante se alium quadrantem, constitutum eiusdem durationis horariæ.

Dices: ad rationem principij non requiritur vlla prioritas: ergo primum requisitum à nobis est falsum. Probatur antecedens, quia in diuinis Pater est principium Filij; Pater, & Filius principium Spiritus Sancti; & tamen nec Pater habet prioritatem respectu Filij, nec Pater, & Filius respectu Spiritus Sancti. Imò hanc prioritatem expressè negat loco citato D. Thomas; aiens per hoc nomen: *Primum*, non significari prioritatem, sed originem.

Resp. neg. antec. Ad probationem dic in Diuinis nō dari prioritatem, nec naturæ, nec temporis. Non temporis, quia æqualiter sunt æternæ, imò eadem indiuisibiliter eternitate sunt æternæ. Non naturæ, quia vna non est causa alterius; hanc prioritatem D. Thomas à Patre, respectu Filij, à Patre, & Filio respectu Spiritus Sancti amolitur: non autem prioritatem originis, per quam videlicet non importetur vlla præcellentia vnus personæ supra aliam, nulla significetur inæqualitas inter ipsas.

## ARTICVLVS II.

*Respondetur nonnullis dubitationibus.*

**D**Vbitabis primò, an idem sit in creatis esse principium, ac esse causam. Dixi *In creatis*, quia ex dictis apparet rationem principij reperiri in diuinis, vbi non inuenitur ratio causæ. Occasionem huic dubitationi præbet Philosophus, qui 4. metaphys. textu 3. hæc habet *Si itaque ens, & vnum idem, ac vna natura sunt, propterea quod se inuicem sequuntur; quemadmodum principium, & causa: sed non quod vna ratione significantur.* Quibus videtur disertè affirmare Philosophus, principium, & causam ad conuertentiam dici, sicut ens, & vnum: adeoq. & omne principium esse causam, & omnem causam esse principium, sicut omne ens est vnum, & omne vnum est ens.

Ex alio capite idem Philosophus 5. de Generat. animal. cap. 7. ait ad rationem principij pertinere: *Vt ipsum quidem causa sit multorum, sed ipsius nulla sit superior causa, cui si subdideris: sed ad rationem causæ non spectat, vt ipsius nulla sit superior causa: statim inferes, ergo aliquid requiritur ad rationem principij, quod non requiritur ad rationem causæ: & consequenter principium, & causa non dicuntur ad conuertentiam.* Minor est manifesta, nam ignis *B* est causa ignis *C*, habens ignem *A* causam sui: & in creatis datur series infinitarum causarum sibi inuicem succedentium, vt inductione cōstat enu-

me-

merando ab Adamo vsque ad vltimum, quæ ex eiusdem stirpe nascetur.

Præterea idem Philosophus 5. metaphys. cap. 1. post enumerata varia genera principiorum; dicit: *Toties autem cause quoque dicuntur: Omnes namq; cause principia.* Atque aduertendum est ibidem supponere Philosophum se rationem principij adæquatè suas in species diuississe: cōcludit enim: *Omibus igitur principijs commune est esse primum, unde, &c.* quod dicere non posset, nisi supponeret enumerata à se omnia principia.

Respondetur ex his omnibus apparere Philosophum rationem principij, & causæ modo in maiori, modo in minori amplitudine accepisse. Si accipiatur nomen causæ secundum quandam restrictionem; dicetur minus; si secundum quandam amplitudinem; dicetur magis latè patere; secundum vnā acceptationem dicetur, secundum aliam non dicetur ad conuertentiam cum principio. Vbi Philosophus dicit principium, & causam ad conuertentiam dici, causam accipit in maiori, vbi dicit non conuerti, causam accipit in minori amplitudine.

Ad illud ex 5. de Generat. anim. vbi nimirum dicit de ratione principij esse, quod ipsum quidem causa sit multorum, sed ipse nulla sit superior causa; dicit Philosophum ibi non loqui de principio vt sic, sed de aliquo principio, quod sit simpliciter, & absolutè primum: principij autem simpliciter, & absolutè primi non datur aliud principium: sed neque causæ simpliciter, & absolutè primæ datur superior causa. Imò per

hoc ipsum, quod tam principium, quàm causa sustineant rationem primi; excludunt in ea ratione, siue in illo ordine, quodlibet prius se.

<sup>a</sup> <sup>r</sup> Dices: Priuatio non est causa; & tamen Philosopho, & Peripateticis communiter eponitur inter principia corporis naturalis: est enim familiare Peripateticis ponere corporis naturalis in fieri tria principia: materiam, formam, & priuationem: duo in facto esse: materiam, & formam.

Resp. Philosophum 12. metaph. textu 10. etiam priuationi nomen causæ impertiri; ubi dicit: *Tres igitur causæ. & tria principia: materia, forma, & priuatio.*

Dubitabis secundò. An quæcumq. dicuntur principia, & sunt entia positiua, sortiantur etiam in rigore rationem causæ. Qui sic dubitat supponit rationem causæ non sumi rigorosè, quando tribuitur priuationi; adeoq. improprie sumi, quando ita amplè accipitur, vt conuertatur cum ratione principij. Ratio autem dubitandi est, quia in multis, vt obseruat Suarez, vsurpamus nomen principij, in quibus non vsurpatur denominatio causæ: putà Aurora rectè dicitur principium diei, nec tamen dicitur causa diei. Item Petri habentis plures filios primogenitus rectè dicitur principium filiorum: cum tamen dici nequeat causa filiorum eiusdem Petri.

Resp. principium in vtroque casu allato idem significare, ac initium. Aurora eniur est initium diei, & primogenitus inter filios Petri est initium sobolis, hoc est filiorum eiusdem Petri. Certum est autem initium,




& quamlibet partem cuiuslibet totius esse causam intrinsecam eiusdem : & consequenter & Aurora , cum sit prima pars diei , est causa intrinseca diei, & primogenitus Petri, cum sit pars intrinseca totius proles, est causa intrinseca illius totius.

Denique satis apparet ex dictis , principium secundum totam suam latitudinem acceptum non conuerti cum causa: nam in diuinis datur ratio principij, cum non datur respectu diuinorum ratio causæ . Hinc D. Thomas ait principium communius esse quam causam; sicut causa est quid communius quam elementum , nam omnis quidem causa principium est , non autem omne principium causa: sicut & omne elementum est causa, non omnis causa elementum: quod si omne elementum est causa, & omnis causa principium, manifestum est, quod omne elementum est principium . Propterea passim confusa reperies apud Philosophum, & Peripateticos nomina elementi, & principij.

Vide autem ne nomine elementi intelligas hic ignem, aerem, aquam, & terram; quæ tamen à vulgo quatuor elementa vocantur. Per elementa enim debes intelligere ea, quæ per inexistenciam sui constituunt quodlibet compositum. Hoc modo litteræ, quibus quodlibet vox describitur, eiusdem vocis elementa dicuntur. Dicit igitur D. Thomas quod omne quidem elementum est causa , intrinseca videlicet, rei cuius dicitur elementum; non autem omnis causa est elementum: quandoquidem præter causas intrinsecas , materiam puta, & formam , dantur etiam causæ extrinsecæ; puta efficiens, & finalis.

Dices: quodlibet elementum est principium: quodlibet constitutivum intrinsecum est elementum: ergo quodlibet constitutivum intrinsecum est principium: ergo quodlibet instans constituens horam *A* est principium horæ *A*: sed, tam ultimum, quam primum instans horæ *A* constituit horam *A*: ergo tam ultimum, quam primum instans horæ *A* est principium horæ *A*. Hoc autem est ineptum ex terminis.

Resp. hoc nomen: *principium* in motu idem sonare, ac initium: tam autem ultimum instans, quam primum non esse initium horæ; manifestum est. Ex hoc patet ad argumentum. Omne constitutivum est elementum; sed non omne constitutivum est initium. Porro quemadmodum hanc vocem: *amor* resolvit in sua elementa, dum resolvit in quatuor characteres, quibus componitur: ita horam resolvit in sua elementa, dum resolvit in instantia, quibus constat. Male autem usurpas nomen principij pro quolibet instanti, quia ex modo loquendi, in tempore, & quolibet motu successivo principium accipitur pro initio: quamvis non magis primo, quam ultimo instanti conveniat esse id, ex quo fit, & est talis motus: vno verbo dicere posses: quodlibet instans est principium acceptum pro initio: nego; acceptum pro intrinseco componente: concedo.



## QVÆSTIO II.

*De principijs intrinsecis corporis  
naturalis.*

### ARTICVLVS I.

*Definitur principium intrinsecum & exa-  
minatur hoc dictum. Ex nihilo  
nihil fit. &c.*

**D**E principijs. Extrinsicis nihil hic ex-  
professo. Intrinseca definit Philo-  
sophus 1. Physic. textu 42. *Opor-  
tet principia neque ex alterutris esse, neque  
ex alijs; sed ex his omnia:* hoc est principia  
intrinseca cuiuslibet rei sunt ea, quæ neque  
ex se inuicem, neque ex alijs; sed ex quibus  
omnia fiunt. Definitionem hanc, si accipia-  
tur ut sonat, insufficientem esse contendit  
Hurtadus; cum etiam ad principia extrinseca  
extendatur. Et primò quidem principium  
extrinsecum si sit primum, oportet non esse  
ex alio, ut supra dictum est ex Philosopho.  
An autem etiam ipsi rigoroſe conueniat, ut  
alia sint ex ipso, multi Physici grammaticè  
certant pugnam insituentes inter particulas  
*ab* & *ex*: aientes respectum rei principiatæ  
ad principium extrinsecum, præcipue autem  
ad principium efficiens non recte explicari  
per particulam *ex*; sed duntaxat per parti-  
culam *ab*.

Verumtamen Hurtadus ipse licet hanc  
videtur dirimere, dum dicit ex Evangelio:

*Qui*

*Qui ex Deo est verba Dei audit; & Iudæis perfidis & rebellantibus: Vos ex patre Diabolo estis.* Vbi particula *ex* significat respectum ad principium extrinsecum. Et quia possent aliqui ab Euangelio ad Grammaticam appellare; ideo etiam Marcus Tullius pro particula *ex* inuocatur; qui in tertia Tusculana: *principij*, inquit, *nulla est originem ex principio oriuntur omnia; ipsum autem ex re nulla alia nasci potest.*

Nos vero inutile putamus, hæere tamdiu in particula *ex*. Dicimus igitur principia corporis naturalis intrinseca esse, quæ neque ex alijs, neque ex alterutris, sed ex quibus omnia, vt in existentibus sunt. Per hanc particulam *vt in existentibus* totam controuersiam de particula *ex* refecimus: etiam si enim respectus ad principium extrinsecum significari possit per ipsam: nulli tamen extrinseco conuenit esse id, ex quo inexistente aliud fiat.

Axioma autem in titulo possum, *ex nihilo nihil fit, & in nihilum nihil reuertitur*; consentientes de sui veritate habet Philosophum, & Veteres, cum quibus Philosophus disputauit. Facile tamen est, vt in errorem inducat incautos vt ipsa induxit ex veteribus non paucos. Sensus axiomatis non est; nihil poni in natura de nouo, quod non ex aliquo constet sibi præexistente: sed sensus est. ea, quorum Philosophus hic, & veteres principia inquirebant; necessario ex aliquo sibi præexistente constari. Inquirebant autem principia eorum omnium, quæ sensu teste oriuntur, & occidunt; hæc est omnium corporum generabilium, & corruptibilium.

Hoc

Hoc igitur posito fuit opinio satis commu-  
nis inter veteres omnia componi ex atomis :  
hoc est corpusculis quibusdam indissolubi-  
bus, quæ diuersimode inter se composita, di-  
uersas, quas videmus substantias, conflarent.

Hanc autem combinationem seu motum  
illum, per quem prædicta corpuscula com-  
binarentur alij casui, alij Menti cuidam om-  
nia gubernanti adscribebant. Plerique au-  
tem corpuscula huiusmodi putauerunt æter-  
na; præter entia autem sensibilia nulla alia  
dari. Errabant in vtroque nam & præter sen-  
sibilia necesse est alia multa admittere; vt  
ostendetur in loco: & Mundus ipse, & quid-  
quid in mundo est, temporale est, non au-  
tem æternum.

Inter cæteros autem insignis est error De-  
mocriti, qui omnia casu fieri asseribat. Con-  
tra hunc non solum Augustinus in libris de  
ciuit. Dei; sed etiam sapientes ex gentibus,  
tamquam contra delirum senem inuehuntur:  
inter quos legi potest Marcus Tullius de na-  
tura Deorum. Profecto nemo sapiens dicit  
Homeri Iliadem factam esse ex casuali, &  
fortuita congregatione omnium characterū,  
ex quibus constat: sed omnes in ea, admira-  
bile Homeri ingenium recognoscunt, à quo  
tam eleganter, tam sapienter prædicta Ilias  
compacta est. Ab Homeri Iliade animum  
transfer ad admirabilem structuram Vniuer-  
si; & vide an in animum sapientis cadere  
possit hæc insana suspicio, totum videlicet  
hunc Mundum ex atomorum concursu for-  
tuito natum esse. Idem argumentum habes  
in Pictura, in Palatio, & in quolibet alio  
huiusmodi. His argumentis etiam Gentiles,

ipsi contra Atheos efficacissime philosophantur. Et huiusmodi argumenta longe validiora sunt quam quædam alia, quibus existentiam Dei demonstrare conati sunt, qui sibi sapientiores visi sunt, quam D. Thomas, Augustinus, & alij huiusmodi.

Atomistæ recentiores in huiusmodi erroribus non versantur: nec enim suas atomos casu componi seu congregari existimant. Earum autem motui Mentem aliquam præsidere alij aiunt, alij, atomos ab atomis trahi, siue atomos ad atomos ferri existimant; ea fere ratione qua Magnes attrahit ferrum, & quæquælibet virtus sympatica similia similibus coniungit. Potissimum autem fundamentum opinionis huiusmodi, sensibilia omnia ex atomis componentis; est, quia *nihil ex nihilo*. Nihil autem ex nihilo fiet, si sola atomorum dispositio immutetur: nam eadem atomi vno modo dispositæ vnum; alio modo, aliud corpus constituent: ipsa autem dispositio, etiamsi de nouo sit, & ex nihilo: non propterea ex nihilo est vllum corpus sensibile, vt est manifestum.

Hanc autem Atomistarum sententiam, vt melius intelligas, placet breuiter ob oculos ponere. Non omnes vno modo de ijs philosophantur: has enim alij asserunt esse omnes eiusdem rationis; substantias autem seu corpora, quæ ex ipsis constantur differre inter se per diuersitatem figuræ, ordinis, & situs earundem atomorum. Hoc modo ex viginti quatuor litteris Orationes, Epigrammata, Tragædiæ, & Comediæ sũt. Rursus ex iisdem omnino litteris diuersissime inter se ordinatis sũt voces diuersæ. Puta ex litte-

ris vno modo ordinatis fit hæc vox : *amor* ; & ex iisdem , sed alio modo dispositis fit : *Roma* , & ex iisdem : *Mora* , &c. Quæ apud Humanistas dicuntur anagrammata pura : ita aiunt ex iisdem omnino corpusculis diuersimode ordinatis corpora fiunt , inter se omnino diuersa. Hæc sententia non ponit diuersitatem inter elementa huius , & illius corporis naturalis. Alij non iisdem , sed diuersis atomis diuersa componunt : diuersitatem autem atomorum constituunt in diuersitate figuræ : in hac sententia vna substantia differt ab alia , non sicut hæc vox : *Roma* ab hac alia : *Mora* ; sed sicut hæc : *Roma* , ab hac alia : *Deus*. Constant enim hæc duæ diuersis characteribus , non vero iisdem diuersimode collocatis .

Alij præter differentiam in figura , & ordine ; aliam differentiam obseruarunt , quam dicunt in situ : itavt eadem atomi eiusdem figuræ , & ordinis , diuersimode situate , corporum diuersitatem efficiant . Exemplum habes item in litteris Alphabeti , si enim litteram *p* hoc vel illo modo inuertras , videbis te diuersas litteras efficere , per solam diuersitatem situs eiusdem omnino characteris. Idem habes in littera *n* , quam ita invertere potes , vt facias *u* , & in alijs huiusmodi.

Per huiusmodi atomorum congregationē , & earundem disgregationem explicat etiam recentiores generationem , & corruptionem substantiarum sensibilium . Has autem atomos plerique nihil aliud esse existimant , quam minutissimas elementorum particulas , ex quibus sensibilia omnia coagmentantur. Si igitur petas ab Atomistis quid sit generari  
de

de nouo Canem? respondent nihil aliud esse, quam innumeram multitudinem atomorum tali dispositione, & ordine inter se congregari: si petas quid sit destrui seu corrumpi illum eundem? nihil aliud esse, quam congregationem illam dissolui, & atomos ire in dispersionem gentium.

Quia verò ex mutationibus, quas ob oculos habemus, aliæ ex Philosophis vocantur generationes alię alterationes, & magnū inter utraq. discrimen est; generationē ab alteratione discernūt per hoc, quod ad primā notabilis atomorum dissolutio, vel variatio; ad secundam leuis, immò & leuissima requiratur: putà longè alia variatio fit, quando ex ligno fit ignis, quod dicitur generatio, ac quando lignum ipsum ex frigido fit calidum, aut ex humido siccum, quod dicitur alteratio. Porro huiusmodi corpuscula Christiani Atomistæ non ponunt æterna, sed creata in principio, quando Deus creauit Cælum, & terram. Quamuis autem diuersitatem atomorum non in sola figura constituent, diuersis tamen diuersas figuras attribuunt, per quas earundem motus, & actiuitas facilius explicetur: putà particulis terreis cubicam, igneis pyramidalem, seu cuspidatam, aqueis rotundam, aereis conicam.

Mutationes igitur, quas dicimus accidentales, ità concedunt; vt tamen accidentia realia, si non omnes, saltem plerique ex ipsis, omninò negent. Ità incallescere subiectum aliquod, nihil aliud aiunt esse, quam ad illud plures particulares igneas accurre-re, illiq. adhærescere; infrigidari verò est, vel coniungi cum ipso corpuscula aquea,  
vel



vel terrea, vel ab ipso auolare corpuscula ignea.

## ARTICVLVS II.

*Ostenditur dari aliqua accidentia.*

**Q**uia Atomistæ in hoc præcipuè incumbunt, vt accidentia planè excludant, oportet illa cum Peripateticis sustinere. Et primo quidem motum, impulsu, dispositionem localem atomorum, quæ omnia ab atomis distinguuntur, negare nullo modo possunt; ipsi enim per motus locales corpusculorum rerum generationes explicant: adeoq. non sunt adeò fatui, vt negent quidquam omninò de nouo poni in rerum naturâ.

Præterea dari accidentia intentionalia, cognitiones, volitiones, & alios huiusmodi actus distinctos tum à principio, à quo eliciuntur, tum à subiecto, in quo recipiuntur; ita vnusquisq. experitur, vt non possit, nisi insipienter in dubium reuocari. Propterea controuersia reducitur ad accidentia, vt vocant, realia, seu physica, qualia sunt lux, color, calor, sapor, & alia huiusmodi; quæ ab Atomistis explicantur per atomos transmissas ad organa illorum sensuum, quæ circa huiusmodi exercentur: v. g. sentire calorem nihil aliud est, quam organum tactus titillari per corpuscula ignea: sentire frigus est titillari per opposita: puta per terrea, vel aquea: videre colorem est organum visus titillari per corpuscula immissa ab illis corporibus, quæ colorata dicuntur. Fit autem

ialis.

talis titillatio per tensionem, aut compressionem, rarefactionem, aut spissationem fibrarum, neruorum, aut aliorum huiusmodi concurrentium ad illos actus, quos vitales, & sensitiuos vocamus. Cum igitur ea omnia hiant tum per corpuscula immissa ab obiectis, tum per motus locales organorum, constituentium potentiam sensitiuam; aiunt Atomistæ, pro commentitijs habendæ sunt qualitates, & accidentia, quibus scatet tota physica Peripatetica. Dixi: *Tum per motus locales, &c.* quia tensiones illæ, & compressiones aliæq. sensuum affectiones habentur formaliter per motum localem: tendi enim fibræ *A*, v. g. nihil est aliud, quam partem fibræ *A* ab alijs partibus eiusdem magis remoueri, comprimî est motus oppositus, vt experientia constat.

Hanc Atomistarum sententiam vt principijs Catholicæ fidei param consentaneâ cōmuniter dānāt Catholici peripatetici. Impugnatur autē primò ex mysterio fidei. Est de fide quod in venerabili Sacramēto Eucharistiæ destructa substantia panis, remanent species panis; & destructa substantia vini remanent species vini; ergo dantur accidentia realia. Consequentia probatur, quia per species panis intelligunt omnes Catholici colorem panis, saporem, grauitatem, calorem, vel frigus, humiditatem, & siccitatem & alia huiusmodi. Idem dic de speciebus vini. Hæc autem sunt accidentia realia de quibus Philosophus, & nos cum illo. Hinc ista passim apud scriptores Catholicos confusa reperies: *accidentia & species*: habent enim pro eodem remanere species, ac remanere accidentia, Hoc

Hoc argumentum est maximi roboris. Huic tamen satisfacere conantur Atomistæ sic. Remanere species panis in Eucharistia nihil aliud est, quam remanere apparentiam panis, pane realiter non remanente: idem enim intelligunt Concilia sub nomine specierum, quod sub nomine apparentiæ; cum nihil aliud velint, nisi quod Corpus Christi Domini sit in Sacramento vere, & realiter, sed sub apparentia panis: in doctrina Atomistica Christus est in Sacramento sub apparentia panis: ergo Atomistæ nihil sentiunt, nihil docent, huic mysterio aduersum. Minor probatur, quia Corpus Christi Domini Sacramentatum determinat ad omnes illas sensationes, ad quas determinabat panis. Puta immittit ad potentiam visuam tales atomos, ut determinet ad illam sensationem, quæ dicitur perceptio coloris. Ad palatum alia corpuscula immittit, quæ determinant ad gustationem, & sic de cæteris. Dum igitur ita decipiuntur omnes sensus, circa Sacramentum Eucharistiæ, ut inducant, quantum est ex se, ad iudicium, quod sit panis; recte dicitur corpus Christi Domini latere sub speciebus. Idem dic proportionaliter de speciebus vini. Quemadmodum autem loquuntur de speciebus, sic etiâ loquuntur de accidentibus, si per nomen accidentis vergeantur.

Hæc tamen responsio Atomistarum est insufficiens, & eorum principijs aperte inimica. Nam substantia panis apud ipsos nihil aliud est, quam prædicta corpuscula congregata; quæ, dum immittuntur ad sensus, sui sensationem efficiunt: si igitur remanent in Eucharistia corpuscula, quæ ita afficiant sen-

sum; remanent in Eucharistia ea, ex quibus constat panis: & cum panis nihil sit, præter ea corpuscula, ex quibus constat; remanet in Eucharistia vere, & substantialiter panis.

Duo reponere possunt Atomistæ, alterum falsum, alterum ineptum. Primum est si dicant in qualibet substantia præter atomos, quibus constat, dari alias atomos, quibus scilicet immmediate afficiat. Secundum est Christum Dominum in Eucharistia decipere omnes sensus, supplendo defectum atomorum, quæ huiusmodi sensationes efficerent. Hoc secundum est omnino ineptum. Ad quid enim hæc figmenta, nisi ut Atomistæ positum tueantur? præterea falsum esset quod aiunt tum Concilia, tum Patres; remanere videlicet species, & accidentia panis: non enim iudicamus falsum, dum iudicamus remanere in Eucharistia colorem, saporem, gravitatem panis: sed solum quando iudicamus ex illis accidentibus in Eucharistia existere panem. Primum autem, quod scilicet præter atomos, quibus constat panis, dentur aliæ atomi quibus sentimus panem; & istæ remaneant, pereuntibus alijs, in Sacramento; est falsum, & principijs Atomistarum repugnans; nam omnes atomi, quomodocunque congregati, constituunt substantiam, & consequenter panis, unmixtus huiusmodi atomis, esset substantia immixta alteri substantiæ, quod est ineptum. Adde, quod fingere præter atomos componentes substantiam, alias atomos ipsam qualificantes, est rejicere nomen qualitatis, rem retinere; cum minori probabilitate.

Infuper: ſi ea, quæ immituntur ad ſenſum, ſunt corpuscula: per motum localem immituntur ad ſenſum. Eſt autem evidens quæcunque mouentur motu locali ſucceſſiue moueri: rurfus manifeſtum eſt ſpecies emiſſas ob obiectis non ſucceſſiue, ſed inſtanteæ ad oculum ferri: igitur manifeſtum eſt, ſpecies, quæ emittuntur ad ſenſum, ad obiectis, non eſſe corpuscula. Minor experientia patet, qua conſtat obiecta remota, ſimul cum propioribus, viſu attingi. Hinc dubitatur an ſonus propagetur per ſpecies, quia videlicet non inſtanteæ venit ad aurem. Habes in hac re familiare experimentum. Si ſis in aliqua diſtantiâ à ſera, quam ferit venator, & etiam ab ipſo venatore; videbis prius ſeram occiſam, quam audias ictum ſclopeti. Imo prius videbis ignem erumpentem ab ipſo ſclopeto, quam ictum exaudias. Ex quo apparet aliter ferri ad viſum obiectum viſus, quam ad aurem obiectum auditus.

Probat ſecundo dari accidentia realia ex diſſuſione lucis, quam videmus, quamque impoſſibile eſt ſaluari per emiſſionem corpusculorum. Petere enim quod à ſole, vel quolibet alio corpore lucido inſtanteæ emittantur corpuscula lucida, totum emiſpherium replentia; magna, inquit Philoſophus, hoc eſt, ridicula poſtulatio eſt: quantalibet enim velocitate moueantur, ſucceſſiue mouentur in ijs autem, quæ mouentur velociſſime, ſi ad magnam diſtantiâ moueantur, ſemper per ſenſum ſucceſſio deprehenditur. Apparet hoc in motu Firmamenti, & Syderum, quæ ad motum firmamenti mouentur. In ſole, &c. Igitur ſi prædicta corpuscula pro-

propagantur per motum localem, est physice impossibile in huiusmodi motu non deprehendi successiuitatem.

Præterea corpuscula lucida sunt de natura ignis; est autem contra naturam ignis deorsum moueri, nisi ab extrinseco mouente moueatur. Quomodo igitur tanta celeritate per immensum spatium deorsum cadunt; ut non solum velocissime sed instantanee moueri videantur?

Denique lucem instantanee diffundi, in candela patet, qua accensa statim medium illuminatur: Qua extincta statim obscuratur: numquam enim explicabit Atomista quo tam cito abeant infinita illa corpuscula lucida ad extinctionem lucerna.

Sunt qui putent se aliquid boni inuenisse: dum excogitarunt corpuscula lucida esse semper, & per omne medium diaphanum dispersa, sed nō ultimo actuata; actuari autem ad præsentiam luminosi. Noctu v. g. totus aer plenus est corpusculis lucidis: sed apparente sole illa actuantur, & constituunt aerē lucidum. Hoc pacto probabile est colorata etiam noctu diffundere vndeque species sui, species autem illas mouere Sensum visus dumtaxat, quando, lumine superueniente, ultimo ad id præstandum actuantur.

Hæc tamen speculatio vel nihil dicit, vel recurrit ad doctrinam peripateticam; si enim ad præsentiam luminosi prædicta corpuscula actuantur, vel actuantur per emissionem aliorum corpusculorum, & idem dic de illis quod de illis; vel per productionem qualitatis, à luminoso diffusæ per totum medium: & tunc admittitur qualitas, quam petūt

Peripatetici, solumque superadduntur corpuscula, quod non facit ad rem : nec enim Peripateticus negat corpuscula, seu minimas quasdam particulas corporum vndecunque dispergi : negat solum per huiusmodi corpuscula saluari mutationes tum substantiales, tum accidentales rerum naturalium.

### ARTICVLVS IIL

*Præter dispositionem localem Atomorum requiritur alia forma in toto naturali.*

**C**Irca ea, quæ articulo Superiori explanata sunt, desiderare posset Auditor aliquid vltcrius. Dictum est enim Atomistas explicare sensationes, puta visiones, auditiones &c. per meram tensionem, compressionem, aut aliquem alium huiusmodi motum localem partium, constituentium organum sensus, determinatarum ad motus huiusmodi à corpusculis, quibus feruntur. Hoc autem non videtur reprobatur, quamuis à Schola peripatetica reprobetur. Dicendum est hoc quidem reprobatur iri, sed in libris de Anima, vbi ostendetur visionem, auditionem & alios actus vitales non saluari per prædictos motus, qui etiam in carentibus anima sunt, cum tamen, quæ Anima carent, nec audiant, nec videant. Interim scopus præsentis Articuli est ostendere, præter atomos prædictas, requiri in quolibet corpore naturali aliquid aliud, quod à Peripateticis dicitur forma totius.

Probatnr autem hoc primo ex differentia inter totum naturale, & totum artificiale,

Nam diuersi effectus, qui ab utroque procedunt, notabile inter utriusque discrimen manifestant. Quaecunque atomorum variatio fiat in artefactis; hoc est quomodocunque varietur localis dispositio primo componentium artefacta; numquam hæc in pristinum statum sese restituant. Fac enim, vel leuissime, decrustari hunc parietem: per totam æternitatem modicum illud crustæ non reparabit in se paries; sed si uis recrustari, accersendus est ab extrinseco recrustator. Secus accidit in naturalibus: constat enim viuientia labefactata suas ab intrinseco labeles reparare. Quod indicio est, dari in toto aliquod principium, consulens bono totius.

Explicatur hæc nostra ratio progrediendo per plures species substantiæ naturalis. Certum est primo in homine rationem, per quam illud totum est, saluari non posse per meram dispositionem localem atomorum, seu corpusculorum, ita ut homo a statua hominis solum differat per hoc, quod in statua solum extrema corpuscula recte collocentur, interlora autem inepte ad rationem compositi humani; cum in homine tam intima quam extrema aptissime inter se compingantur ad hoc ut sint principium humanarum operationum. Hoc inquam certum est in homine, & etiam ab Atomistis utro concessum. Ab homine gradum faciamus ad Brutum. Sine aliquo principio continente omnes partes compositi equini, & ordinante illas in bonum totius, saluari non potest compositum equinum. Hoc autem principium est illud ipsum, quod Peripatetici vocant formam substantialem prædicti compositi. Quod autem principium

habet.



huiusmodi debeat admitti in equo; probatur primò à pari, quia videmus equum, canem, & alia huiusmodi in operationibus proprijs vitæ sensitivæ eodem plane modo se habere, ac se habet homo: Nam equus gustat, tangit &c. allicitur ab objectis sibi proficuis, putà ab hordeo, & palea; terretur à sibi noxijs, putà à saxo, vel baculo; habet species memoratiuas, sicut homo &c. ergo quemadmodum in homine ponitur principium aliquod substantiale, &c. ita etiam ponendum est in bruto: principium, inquam, ordinatum operationum in bonum totius. Omnes enim operationes huiusmodi non habere aliud sui principium, quam meram vocationem, seu dispositionem localem atomorum, ex se indifferentium, ut constituent vel viuens, vel non viuens; est incredibile sapienti. Hoc enim est assignare pro differentia adequata, & totali inter viuens, & non viuens, puram dispositionem localem, ex quo alia etiam absurda inferemus inferius. Interim.

Confirmatur hoc idem experientia. Constat enim Canem, Equum, & alia huiusmodi componi ex multis organis, & partibus heterogeneis: hoc est dissimilibus, quæ omnes conspirent in bonum totius. Constat insuper, quod si illa organa discordent inter se, & aliquid deperdant requisitum ad operationes proprias animalis, vel aliquid recipiant noxium eidem animali; datur aliquid in animali remouens ab ipso id, quod est noxium, & distribuens in ipso secundum eiusdem indigentiam id, quod est ipsi proficuum. Quomodo autem hoc fiat facillime explicat Peripatetici, ponentes in quolibet toto sub-

stantiali formam quandam, quæ qualitates, & accidentia toti consentanea vel conseruet, vel producat, & qualitates noxias, quantum potest, ab eodem repellat.

Ab Homine, & Bruto descendendum est; vel si vis ascendendum ad Arbores, quæ etiã ipsæ in multis, hoc est in omnibus pertinentibus ad vitam vegetatiuam assimulantur animalibus. A Plantis ad alia mixta, à mixtis veniendum ad Elementa. Et quidem pro elementis, in quibus Peripatetici compositionem agnoscunt ex materia & forma, res apparet satis manifeste in aqua: certum est enim dari in aqua principium aliquod, per quod reducitur ad frigus sibi debitum, si quando ab aliquo agente extrinseco calefiat; hoc autem principium nequit melius assignari, quam dicendo illud esse formam substantialem totius: ergo &c. Maior experientia constat: nam aqua calefacta in lebere ab igne supposito, si remoto igne sibi relinquatur, ipsa paulatim reducit se ad pristinum frigus: uomine autem formæ substantialis nihil aliud intelligunt Peripatetici; nisi id, quod in toto est veluti radix accidentium & qualitatum, quæ debentur toti: cum igitur aquæ debeatur frigus, dum videmus hanc sine adminiculo agentis extrinseci ad frigus suum reuerti; congruenter arguimus dari in ipsa principium intrinsecum, expulsum caloris & frigoris recuperatiuum. Hoc idem apparet in plumbo, & quolibet alio metallo liquefacto, quod habet vim reducendi se & ad frigus, & ad soliditatem debitam suæ naturæ.

Dices primò talem reductionem ad frigus tribui posse agenti extrinseco, puta aeri

cir-

circumfuso, refundenti in aquam corpuscula frigida. Sed contra est primò, quia & aqua & prædicta metalla magis frigesunt, quam aer circumfusus: aer autem nequit magis frigefacere, quam ipse frigescat. Secundo corpuscula frigida sunt secundum Aduersarios substantialiter aqua, vel terra: ergo aer, refundendo talia corpuscula in lebetem, nouam aquam refundit: quod quis credat? Tertio huiusmodi responsio pugnat contra principia Atomistarum. Nam manifestum est in aqua bulliente, & plumbo liquefacto plus esse caloris, quam frigoris, & consequenter plura esse corpuscula calida, quam frigida: cum itaque secundum ipsos simile accurrat ad simile, congruentius dicerent corpuscula calida, quæ in aere circumfuso circumuolitant, ad sua similia accurrere, adeoque aquam semel calidam semper magis magisque incallescere. Hoc est maxime secundum ipsorum principia, sed contra manifestam experientiam. Adde, quod corpuscula calida sunt omnium actiuissima, & omnium, ut ita dicam, attractiuissima suorum similium: ita ut vel vnica scintilla ex visceribus pulneris tormentarij, vastissimum trahat incendium, hoc est infinitam scintillarum antea delitescentium multitudinem.

Dices secundo in aqua calefacta, in plumbo liquefacto, &c. remanere quasdam particulas, siue quasdam corpuscula frigida, à quibus calida, que ab igne intrusa fuerant, expelluntur; & simul similia reuocant, quæ ad contrariorum introductionem fuerant dissipata.

immergat in plumbum liquefactum, difficile inueniet corpuscula illa refrigerantia; idem dic, si hauriat. Desipientis est negare in tali massa plura esse, & quidem longe plura corpuscula calida, quam frigida. Cur igitur calida expelluntur à frigidis, & non è conuerso? Ex hoc eodem sequitur in aqua bulliente plus esse ignis, quam aquæ; & alia huiusmodi. Sapienter igitur Peripatetici in aqua, aliisque substantijs sensibilibus ponunt principium quoddam intrinsecum, quod sit radix proprietatũ, debitarum substantiæ. Hoc principium non oculis patet, sed intellectu.

## Q V A E S T I O I I I.

### *De Compositione Corporis naturalis.*

#### A R T I C V L V S I.

*Proponitur sententia Peripatetica & probatur.*

**A** Tomistarum Argumentis satisfacemus post assertam veritatem peripateticam. Interim ad intelligentiã dicendorum, distinguere debes in eodem cõposito duplex genus partium. Alię enim dicuntur partes integrantes, alię essentielles. Integrantes sunt, quarum si aliquam abstuleris, non illico rem destruis, secundum suum conceptum quidditatum. Secus in essentialibus accidit, quarum altera ablata, totum destrui-

destruitur secundum conceptum quidditatum ipsius. Exemplum habes in homine, à quo si manum, vel auriculam amputaueris, non propterea non remanet substantia ex corpore & Anima rationali constans: at si vel Animam, vel corpus abstuleris: hoc est si Animam à corpore separaueris, non remanet homo in rerum natura. Auris, brachium, nasus, & alia huiusmodi, dicuntur partes hominis integrantes; corpus & Anima dicuntur partes essentielles.

Vt autem essentialem corporis naturalis compositionem inuestiget Philosophus: supponit cum antiquis principium illud: *ex nihilo nihil fit, & in nihilum nihil reuertitur*: in omni igitur generatione præsupponitur aliquid in rerum natura, ex quo illud fiat, quod de novo fit. Puta quando gignitur ignis, ignis ille non fit ex nihilo, sed ex aliqua materia, in quam per virtutem, & actionem ignis applicati, introducitur ratio ignis.

Rursus alia mutatio est ea, per quam in combustionem ligni ex non igne fit ignis; ab illa, per quam lignum ex non albo fit album, ex non calido calidum. Quando enim ex non calido fit calidum per acquisitionem caloris, non destruitur in esse ligni; sed remanet simul & lignum, & calidum. At per acquisitionem illius rationis, seu formæ, quæ constituit ignem, corrumpitur in esse ligni, nec est simul & lignum, & ignis. Hæc dicitur mutatio substantialis, per quam nimirum ex vna substantia fit alia; illa dicitur mutatio accidentalis; per quam vna eademque substantia, à priuatione alicuius accidentis, tra-

fit ad habitum illius eiusdem.

Quemadmodum autem in mutatione accidentali, quæ etiam dicitur altitatio, subiectum, puta lignum, transit à priuatione ad habitum formæ accidentalis; ita etiam in mutatione substantiali, quæ etiam dicitur generatio, debet dari aliquod subiectum, quod à priuatione formæ substantialis transeat ad habitum eiusdem. Quando ex non albo fit album, aliquod subiectum, transit à non albedine ad albedinem; quando ex non igne fit ignis, aliquod subiectum transit à non ratione ignis ad rationem ignis. Hoc autem quod transit ex non igne in ignem, seu potius hoc subiectum, quod ex non habente formam ignis, fit habens formam ignis; non est lignum ipsum: lignum enim non manet sub forma ignis; quando quidem per productionem ignis lignum destruitur: igitur illud idem quod in ligno sustinebat formam ligni, in igne sustinet formam ignis, ut patebit inferius.

Naturalem hanc corporis sensibilis compositionem frequentissime declarat Philosophus per mutationem artificialem. Ars enim imitatur naturam. Quando ex marmore fit Statua Alexandri; illud idem marmor, quod per actionem Statuarij recipit in se figuram, & similitudinem Alexandri, transit à priuatione talis figure ad hanc eandem. Figuram: adeoque & sub priuatione, quæ est terminus à quo, & sub figura, quæ est terminus ad quæ, idem omnino subiectum reperitur. Hoc autem subiectum, ante talem mutationem, erat Statua Alexandri solum in potentia, & per talem mutationem euadit Statua Alexandri

in.

in actu. Idem proportionaliter contingit in qualibet mutatione substantiali; est enim de conceptu mutationis esse transitum non habentis, nisi in potentia, formam, ad habens formam in actu: puta in mutatione ex non igne in ignem, aliquid transit à non forma ignis ad formam. Id autem quod in instanti *A* caret forma ignis cum aptitudine ad illam recipiendam; est illud idem subiectum, quod in instanti *B* illam recipit, & illa informatur. Propterea Peripatetici communiter aiunt tria esse principia corporis naturalis in fieri: materiam, scilicet, formam, & priuationem, duo autem in facto esse: materiam, scilicet, & formam.

Tria ponuntur in fieri, quia fieri aliquam substantiam, ut de facto fit, est subiectum acquirere aliquam formam substantialem, quam immediatè antea non haberet: hoc autem in suo formali conceptu intrinseco importat materiam, formam, & priuationem. Nam subiectum transire à non forma ad formam, siue à priuatione ad habitum: dicit subiectum sub utroque termino, & ab vno transiens ad alterum: hoc modo corporis in fieri prædicta tria principia declarantur. Si enim intelligas solum materiam simul, & formam; intelligis quidem compositum, sed non intelligis fieri: hinc est, quod rei in facto esse duo tantum principia sunt: materia scilicet, & forma, quæ duo remanent quamdiu manet res ipsa.

Dari autem materiam primam efficaciter probat Philosophus hoc pacto. Dantur trās-mutationes substantiales: ergo datur materia prima, seu primum subiectum talium.

transmutationum. Antecedens experientia constat. Elementa in se inuicem transmutantur: aqua in aerem: aer in ignem, &c. & ex quolibet per mutationes, vel mediatas, vel immediatas, fit quodlibet. Constat hoc in nutritione animalis, per quam cibus in Chylum, Chylus in sanguinem, et tandem sanguis in substantiam alicui transmutatur, et fit pars animalis. Palea, lignum, stipula, et cætera mutantur in ignem: et negare huiusmodi transmutationes est apostatare à sensibus. Probatur iam consequentia, quia si in huiusmodi mutationibus non datur commune subiectum, substans tam formæ, quæ expellitur, quam formæ, quæ de nouo inducitur; substantia, quæ corrumpitur, non potest dici transmutari in eam, quæ gignitur; nec ea, quæ gignitur, generari ex ea, quæ corrumpitur. Et consequenter non erit mutatio vnius in aliud, sed reductio vnius ad nihilum, & alterius productio ex nihilo, contra assumptum. *Ex nihilo nihil fit, & in nihilum nihil reuertitur.*

Explicatur hoc idem, quia nisi datur subiectum commune, in igne nihil est, quod antea esset in palea: ergo ignis est secundum se totum adequatè ex nihilo. Item si in corruptione paleæ nihil remanet, quod antea esset in palea, manifestum est paleam abire in nihilum.

Promouetur hæc eadem ratio. Si de substantia, quæ corrumpitur, nihil remanet in ea, quæ gignitur; non est cur agens naturale faciat ignem potius ex ligno, quam ex lapide, immò quam ex nihilo. Hoc autem est manifestè absurdum. Sequela probatur, quia



in ligno nihil concurrit ad productionem ignis, nec in ligno quidquam est, ex quo confletur ignis: non igitur magis concurrit lignum, quam lapis. Cur igitur ex ligno facilius, quam ex lapide ignis generet ignem? Respondet Peripateticus, quia ignis facilius expellit à subiecto communi formam ligni, quam formam lapidis: ratio huius est, quia quamuis in neutro casu materia secundum se repugnet, aut expulsionì veteris formæ, aut introductioni nouæ, cum æqualiter se habeat ad omnes formas, tamen accidentia, quæ concomitantur in materia formam ligni, constituunt illam magis dispositam ad formam ignis, quam accidentia, quæ in eadem materia cōcomitantur formam lapidis: adeoq. sicut ex ligno sicco facilius, quam ex viridi, facimus ignem; ita proportionaliter ex ligno facilius, quam ex lapide, aut aliqua alia substantia minus disposita ad formam ignis. Item cur potius ex ligno, aut qualibet alia substantia, ignis generat ignem, quam ex nihilo: nisi quia in qualibet substantia sensibili datur materia, quæ adiue agit, vel sustentando ipsius actionem, & recipiende in se formam, quæ de nouo producit, vel aliqua alia ratione cooperando, quod præstari nequit à nihilo.

Probat. secundò. Eadem Conclusio. Anima rationalis dicitur creari à Deo, & superare vires, & actiuitatem cuiuslibet alterius agentis; & tamen prærequirit subiectum, in quo recipiatur, & in subiecto dispositiones quasdam præuias, quibus subiectum sit recipienda forma idoneum. Hoc Aduersarij concedunt: loquimur enim hic cum Chri-

stianis : nequeunt igitur iidem asserere agent naturale non prærequirere vllum subiectum nec vllas dispositiones in subiecto ad productionem nouæ substantiæ, ergo illam producit ex nihilo modo quodam excellentiori, quam Anima rationalis producat a Deo. Probatur hoc, quia terminus productus ab agente naturali esset adæquatus, & secundum se totam substantia; adeoque terminus, qui ponitur in rerum natura ab agente naturali, in nullo subiecto recipitur : substantia enim adæquata non est in subiecto.

Probatur tertio. Experientia. In multis mutationibus substantialibus est evidens substantiam, quæ corrumpitur, non perire secundum se totam, ita vt nihil de ipsa remaneat; ergo ita contingit in omnibus. Consequentia patet, quia natura pariformiter operatur in omnibus, & ab ijs, quæ patent, arguere debemus ad ea quæ latent. Antecedens autem probatur in morte cuiuslibet viuentis, homo mutatur per mortem in cadauer; idem dic de Bruto, & Planta: certum est autem, & evidens remanere aliquid & de substantia hominis, & de substantia Bruti, & de substantia Plantæ. Aduersarius nihil hic sapienter negabit. Non negabit hominem mori, aut Prutum, aut Plantam: si autem neget quidquam remanere ex ipsis; non inueniet qui ipsi credat. Hoc autem, quod remanet, est illud ipsum, quod cum forma Plantæ faciebat Plantam; cum forma Bruti faciebat Brutum, & iam cum forma cadaueris facit cadauer. Propterea vocatur subiectum commune.

Hoc autem subiectum esse primum subiectum,

Num, seu materiam primam facile probabis. Nam, vel supponit; aliquid aliud ante se, vel non: si non supponit; eo ipso est primum: si supponit; de hoc eodem quæritur unde sit, & an sit primum. Si est ex aliquo alio; illud aliud est primum, si non ex alio; ipsum primum erit, adeoque manifestum est in quolibet naturali composito dari primum subiectum: cum repugnet numquam deueniri ad vnum, ultra quod non sit aliud inquirendū.

Iam vero præter illud subiectum commune, & indifferens, quod promiscue primum, & vltimum nuncupatur; detur aliquid aliud, per quod quælibet substantia physica sit hæc potius, quam illa secundum speciem, manifeste apparet. Implicat enim hanc, & illam substantiam constitui in hac, vel illa specie determinate per id præcise, quod secundum se est indifferens ad hanc, vel illam, ex omnibus speciebus substantiæ sensibilis. Planta igitur & lapis: lignum & ignis: equus & canis præter id, quod est utrisque commune; debent habere aliquid, per quod inter se differant, & constituantur substantiæ dissimiles substantialiter. Hoc autem est id, quod dicitur forma. Habitis vero materia & forma simul, habes totam substantiam naturalem. Hoc idem clarissime explicatur à Philosopho per artificialia: Idem æs est indifferens ut sit phiala, vel vrcus; adeoque non sunt diuersa phiala, & vrcus per ipsum æs: sunt autem diuersa per hoc, quod æs in vno habeat formam hanc: in alio, illam aliam.

Denique sicut euidentius est, quod habitis materiam, & forma simul, habes rem: ita euidentius est te non habere per hæc præcise rem in fieri

fieri, seu primo poni rem : rem enim primo poni in natura, est ita poni, vt immediate antea non esset. Propterea, vt dicatur res fieri, oportet vt subiectum à priuatione formæ transeat ad habitum eiusdem, & hoc est dari tria principia corporis naturalis in fieri: materiam videlicet, formam, & priuationem. Materia est subiectum transiens ab vno extremo ad aliud: transit enim à priuatione formæ ad formam: hinc in illo transitu priuatio dicitur terminus à quo: forma vero terminus ad quem. Ita compositionem corporis naturalis explicauit Philosophus; Philosophum autem sequuti sunt quotquot inter Philosophos sapientiæ nomine clauuerunt, vt sunt D. Thomas, Scotus, & alij infiniti.

Pro hac eadem sententia afferuntur alia argumenta. Præcipue autem, quod quando vnum gignitur ex alio apparent ingenito quædam, quæ præerant in corrupto. Puta vermes, qui gignuntur ex caulibus, retinent colorem caulium; qui ex floribus rubris, vel flauis, rubri etiam sunt, vel flauis. Constat etiam ignem, seu flammam ex diuersis lignis; diuersi coloris esse pura quæ ex ramis oliuæ, alterius coloris est, quam quæ ex vitæ, vel quercu. Hinc inferunt accidentia huiusmodi, prædictos videlicet colores, transire ab vna substantia in aliam; adeoque & subiectum talium colorum: accidentia enim ab vna in aliam rem transmigrare non possunt, nisi per transmigrationem subiecti, cui inhaerent. Subiectum autem hoc, est materia prima. Datur igitur materia prima communis vtrique composito, seu vtrique corpori, & ei, videlicet, quod fit; & ei, quod destruitur.

itur. Hoc argumentum est bonum, sed eludi facile, propter diuersitatem opinionum in ipsamet Schola peripatetica circa subiectum accidentium, & circa possibilitatem, vel impossibilitatem transitus accidentis de subiecto in subiectum. Quæ quia hic pro dignitate tractari nequeunt, vtpote pertinentia ad libros de ortu & interitu, ideo solum obiter indicasse sufficiat.

## A R T I C V L V S I.

*Satisfit obiectionibus contra numerum Principiorum.*

**O**biicitur primò. Ad habendum adequate compositum non sufficit habere materiam, & formam; sed, insuper requiruntur utramque vnio, per quam constituent vnum. Item requiritur subsistentia, per quam tale compositum sit in genere entis vltimo completi. Item impossibile est esse tale compositum, quin duret, hoc est quin aliquando sit: quin vbicetur, hoc est: quin alicubi sit: ergo & vnio, & subsistentia, & duratio, & ubicatio sunt alia principia rei in facto esse.

Resp. trans. ant. neg. conseq. Vt autem intelligas quid obijciat Aduersarius; scias oportet nomine durationis intelligi accidens quoddam modale, per quod formaliter res est in aliquo determinato tempore: nomine vocationis, aliquid; per quod res est in aliquo loco nomine subsistentiæ rationem aliquam, per quam ens aliquod constituatur in genere entis vltimo terminati seu completi. His positis dic vnionem non esse principium; sed;

sed nexum, seu vinculum, quo materia, & forma simul principiant, & constituunt intrinsicè totum; quod ideo dicitur constare ex materia, & forma unitis; subsistentiam non esse principium, vel quia præsupponit totum compositum naturale, cui superuenit: quærentur autem hic principia: corporis naturalis; vel quia ratio subsistentiæ habetur per hoc præcise, quod materia, & forma unitim existant, & nulli alteri uniantur. Duratio, ubicatio, & alia huiusmodi sunt mera accidentia, quæ non ingrediuntur constitutionem substantiæ physiciæ, cuius adæquata quidditas præscindendo ab his omnibus, recte intelligitur, & habetur.

Obijcitur secundò. Materia constat ex partibus ipsam intrinsicè componentibus. Idem dic de forma materiali, puta de forma ignis, ligni, & cæteris huiusmodi: ergo & materia, & forma fiunt ex alijs: ergo non sunt principia. Hæc vltima consequens probatur, quia de ratione principiorum est, quod non fiant ex alijs.

Resp. dist. ant. materia, & forma materialis constant ex partibus integralibus; omitto ant. ex partibus essentialibus: nego ant. & eodem modo distincto primo consequenti; nega vltimam consequentiam. Dicitur est supra nos agere hic de principijs essentialibus. Quamvis autem tam materia, quam forma materialis utpote diuisibiles, in plures partes, constent ex pluribus partibus: tamen vna pars materiæ respectu alterius non se habet, sicut actus ad potentiam; ut contingit in compositio ex materia, & forma; quarum hæc quidem est actus, illa autem

tem potentia. Nomine formæ materialis intellige quamlibet formam cuiuslibet substantiæ sensibilis, vna Anima rationali excepta.

Dices: Etiam materia, & quælibet forma constat partibus essentialibus: ergo nulla responsio. Probatur ant. quia & materia, & quælibet forma est definibilis per genus, & differentiam: genus & differentia sunt partes essentielles: ergo, &c.

Resp. neg. antec. Cuius probatio probat etiam formas spirituales, & quamlibet rem, quantumvis simplicissimam, constare partibus. Genus, & differentia non sunt partes physicæ, vt vidimus in Logica; sed partes, seu potius gradus metaphysici, de quibus hic nihil dicimus.

Obijcitur tertio. Priuatio est principium corporis naturalis in fieri: ergo dantur quatuor principia corporis naturalis in fieri. Conf. probatur, quia si priuatio est principium, etiam forma antecedens est principium: si forma antecedens est principium dantur quatuor principia: ergo si priuatio est principium, dantur quatuor principia. Quando dicimus: *forma antecedens*: intellige formam, quæ expellitur per introductionem nouæ. Probatur iam maior, quia materia in mutatione substantiali tam transit à forma veteri, quam deponit quam à priuatione formæ, ad nouam formam v. g. quando ex palea fit ignis, materia tam transit à forma paleæ, quam à priuatione formæ ignis, ad formam ignis. Idem contingit in qualibet alia transmutatione. Cum enim materia prima nunquam existat spoliata omni forma substanti-

stantiali; numquam transit à pura, & præcisa priuatione formæ ad formam; sed insuper ab vna forma transit ad aliam, & consequenter addendum est quartum principium, forma videlicet antecedens.

Resp. cone. ant. neg. conseq. Ad probationem varij varie. Sunt qui dicant formam, quæ expellitur includi in tertio principio, videlicet in priuatione: ratio est, quia priuatio non est præcisa carentia formæ in subiecto, sed carentia cum aptitudine ad formam: per formam autem antecedentem aptatur subiectum formæ subsequenti, puta per formam ligni, aut paleæ, formæ ignis. Hæc eadem doctrina ponit sub nomine priuationis omnia accidentia, per quæ subiectum disponitur ad nouam formam. Hoc posito non dantur quatuor principia, sed carentia formæ cum omnibus, quomodolibet constitutentibus aptitudinem ad ipsam, habent rationem termini à quo, seu priuationis.

Alia responsio est negando mai. Ad probationem omitte ant. quod videlicet subiectum tam transeat à forma veteri ad nouam, quam à priuatione ad formam; & nega conf. quod videlicet tam forma vetus, quam priuatio sit principium. Ratio disparitatis est, quia transitus ille, in quantum mutatio est, dicit per se priuationem formæ, vt terminum à quo: formam autem veterem solum per accidens. Mutari materiam consistit in hoc, quod ex non habente formam fiat habens formam. Hoc idem exemplificat Philosophus in ijs mutationibus, in quibus subiectum non transit à forma ad formam, sed præcise à non forma ad formam: quæ tamen sunt veræ, & proprie muta-



mutationes. Puta cum homo ex immusico fit musicus, ex immathematico mathematicus: non transit à forma ad formam, quamvis mutetur, neque enim aut immusica, aut immathematica formæ sunt, sed carentiæ formarum. Idem contingit quando aer ex tenebroso fit lucidus.

Dices: nisi materia transfret ab vna forma ad aliam formam, talis transitus, seu talis mutatio non esset naturalis: ergo ad conceptum corporis naturalis in fieri per mutationem naturalem requiritur trāsitus ab vna forma ad aliam formam. Cum igitur hic sermo sit non de mutatione vt sic, non de corpore naturali in fieri quomodocunque sed de corpore naturali in fieri per mutationem naturalem; debet in ipsius conceptu includi tam forma, à qua transit subiectum, quam ipsa met priuatio: & consequenter nisi forma vetus includatur in priuatione, erunt quatuor principia corporis naturalis in fieri.

Confirmat hoc argumentum Fonsēca; quia: agens, inquit, naturale agere nequit in materiam nudam; prærequirit enim in ipsa dispositiones quasdam. Hinc si igni v. g. approximaretur materia spoliata omni forma, non posset ex ipsa educere formam ignis: ergo ad hoc, vt materia mutetur per agens naturale ex non igne in ignem, mutari debet hæc substantia in illam substantiam. Immo ex communi modo loquendi non dicitur mutari materia, sed ipsa met substantia.

Resp. 1. fortasse falsū esse id, quod supponitur à Fonsēca; quod videlicet ignis non induceret in materiam nudam, & omni accidente spoliatam formam ignis. Quamvis

enim verum sit formam ignis non induci, nisi post prævias dispositiones: hoc non facit ad rem; quasi vero ignis ipse nequiret in eandem materiam, inducere prius dispositiones, & postea formam ipsam, sicut de facto facit, cum ex ligno facit ignem. In huiusmodi autem casu vere haberes ignem in fieri: quamvis materia non transiret à forma ad formam; sed præcise à priuatione ad formam: Et quidem rem in fieri naturaliter; quamvis enim præsuppositio ipsa materiae carentis omni forma sit præsuppositio alicuius miraculi: tamen id, quod fit per actionem ignis applicati ad talem materiam naturaliter fit.

Præterea est discrimen inter priuationem, & formam antecedentem satis notabile, quoad punctum præsens. Fieri ignem de nouo determinate dicit priuationem formæ ignis, à qua transeat subiectum: non autem determinate dicit formam paleæ, aut formam ligni: quamvis, igitur æque necessarium sit materiae transire ab aliqua forma, ac transire à priuatione: tamen quia nulla determinate forma, determinate autem priuatio formæ inducendæ requiritur; recte priuatio, secus forma antecedens, sortitur rationem principij. Assignat enim hic Physicus pro principijs ea, quæ determinate requiruntur ad conceptum rei inferi.

Denique conceptum mutationis, per quæ res fiat de nouo, habes præcise per hoc, quod intelligas transire materiam à priuatione ad formam: quamvis enim, si formam antecedentem excluderes, fortasse non conciperes rem in fieri modo naturali: tamen, dum præscindis, non concipis rem fieri aliter, quàm modo.

modo naturali. Hic igitur conceptus : *materia transiens à priuatione formæ ad formam*, est adequatus rei naturalis in fieri; quamuis præscindat an simul cum tali priuatione in eadem materia existeret, vel non existeret forma positiua impossibilis cum subsequente. Ex his omnibus habes formam antecedentem impertinenter se habere ad rationem principij.

Obijecitur quartò. Non est potior ratio cur priuatio antecedens formæ nouæ ponatur pro principio, quam priuatio subsequens formæ destructæ : ergo vel vtraque poni debet, vel neutra. Antec. probatur, quia tam necesse est necessitate naturali per mutationem prædictam destrui formam veterem, ipsiusque priuationem succedere, quam poni formam nouam, & ipsius priuationem expelli : ergo vtraque priuatio pertinet ad conceptum rei in fieri. Exemplo res patet. quando ex stuppa fit ignis per aduentum formæ ignis; tam ponitur in materia priuatio formæ stuppæ, quam excluditur ab eadem priuatio formæ ignis. Quemadmodum igitur priuatio formæ ignis habet rationem termini à quo, priuatio formæ stuppæ habebit rationem termini ad quem: ad hanc enim ab illa fit transitus.

Resp. neg. ant. Priuatio formæ de nouo productæ est de conceptu intrinseco, & essentiali rei in fieri; secus priuatio formæ destructæ : quamuis realiter vtraque priuatio sit naturaliter necessaria cum res de nouo sit. Concipe materiam transire à non forma ad formam substantialem; habes rem fieri per mutationem substantialem. Hic autem nihil

attingis formaliter de priuatione formæ destructæ, quamuis hanc inferas consequenter: aliud autem est id, quod pertinet ad conceptum rei in fieri per modum constitutui; aliud, quod pertinet ad eundem, per modum legitimi consequentis. Esse autem de conceptu formali rei in fieri priuationem formæ, quæ ponitur, est euidens: nam primo esse est ita esse, vt immediate ante non esset.

Præterea si priuatio formæ destructæ, quia est in materia, ponenda esset pro principio; deberent poni principia infinita: neque enim est in illa materia simul cum forma ignis sola priuatio formæ ituppæ, sed insuper priuatio omnium formarum, quarum est capax materia, impossibile cum forma ignis. Adde, quod natura in operando bene habet pro termino a quo priuationem formæ acquirendæ; priuationem vero formæ destructæ, habere nequit, neque pro termino a quo, quia stat cum forma producta, neque pro termino ad quem, quia non tendit ad non ens; solum autem per accidens ad terminum à natura intentum consequitur aliquod non ens, propter impossibilitatem vnius cum alio. Hoc D. Thomas ex Philosopho passim, & fusc explicat ostendens actionem ignis tendere ad alium ex intentione naturæ primaria: ponere autem simul priuationem formæ, quam destruit est præter intentionem primariam, & solum propter impossibilitatem vnius formæ cum alia.

Obijc. quintò. Si Deus in eodem instanti crearet simul materiam cum forma, vt potest, & vt fecit in prima creatione rerum; tunc non præcederet priuatio formæ ignis:

&

& tamen vere fieret ignis de nouo ; ergo falsum est, quod fieri ignem de nouo includat essentialiter antecedentem priuationem formæ ignis. Quod fieret ignis de nouo, est euidentius : quod non præcederet priuatio formæ ignis ostenditur, quia priuatio est carentia formæ in subiecto apto ; sed in casu posito non præcessit subiectum aptum : ergo in casu posito non præcessit priuatio.

Resp. sermonem hic esse de conceptu rei naturalis in fieri, vt de facto sit, non autem vt fieri potest à Deo, & vt facta est in creatione mundi. Deus enim non produxit per mutationem substantialem prima corpora naturalia, quæ creauit. Etiam tamen in tali casu non esse rei præcessit rem. Aiunt autem aliqui casum proponi posse dupliciter, primo itaut in illo eodem instanti, in quo creat materiam, creet simul & formā, hoc est formam producat independentem à concursu materiæ. Secundo itaut in illo eodem instanti, in quo creat materiam, educat formam de potentia materiæ, seu producat formam concurrente materia, per modum causæ passivæ. Si res accadat primo modo, materia non habet vllam prioritatem respectu formæ: non tēporis, quia in eodem instanti produciuntur; non naturæ: quia forma fit independentem ab ipsa. Quod si accadat secundo modo, materia non habet quidem prioritatem temporis respectu formæ, quia simul tempore produciuntur: habet tamen prioritatem naturæ, quia forma produciuntur dependentem ab ipsa. Primo modo, inquiunt, non præcedit priuatio, secundo præcedit, sicut præcedit materia.

Hæc doctrina non sublitit, quia nequit dari in eodem instanti priuatio formæ, & forma, cum igitur in illo eodem instanti, in quo primo est materia, sit etiam forma; euidentis est in illo eodem instanti non dari priuationem ipsius. Decipiuntur autem, qui sic philosophantur in hoc, quod purent idem esse, quod materia non habeat in illo priori formam, ac quod habeat in priori priuationem formæ: cum tamen hæc duo tam distent, quàm distat non includere formam, & formam excludere; primum dicit præcisionem, secundum negat id, à quo purè præscinditur. Ad argumentum in forma conc. antec, distin. consequ. ignem fieri de nouo, vt de facto fit, non includit priuationem: nego; vt fieri potest, & vt fortasse primo factus est à Deo: omitto consequ. est autem sermo de rebus infieri, vt fiunt; videlicet per transmutationem vnius substantiæ in aliam.

Obijc. sextò. De conceptu intrinseco rei in fieri est etiam agens: ergo debet poni pro quarto principio. Anteced. probatur, quia implicat aliquid fieri, & nullo agente fieri: ergo, &c.

Resp. neg. ant. fieri ignem per mutationem substantialem est subiectum transire à priuatione formæ ignis ad formam; siue hoc fiat aliquo agente extrinseco mouente subiectum, siue non: semper fit ignis. Verum est hunc transitum non posse fieri, nisi aliquo extrinseco mouente: sed hoc mouens extrinsecum non est quid intrinsecum rei in fieri vti tali. Concedimus autem etiam agens esse principium rei, quæ fit, sed extrinsecum.

## ARTICVLVS III.

*Satisfit alijs obiectionibus.*

**P**Ræcedenti articulo dictum est ab Aduersarijs contra numerum principiorum; præsentî articulo dicetur contra principia, quæ ipsi statuimus, rei naturalis.

Obijciunt igitur. Principia ex Philosopho debent esse contraria: materia, & forma nō sūt contraria: ergo non sunt principia. Maior constat tum ex 1. Phys. tex. 48. tum ex alijs locis, in quibus ait Philosoph. omnes veteres, qui rationabiliter philosophati sunt, veritate cogente in hoc conuenisse, quod contraria quodammodo principia esse putarent. Hinc alij dixerunt principia rerum omnium esse humidum, & siccum: alij esse vacuum, & plenum, alij quorum Princeps Empedocles esse litem, & amicitiam: naturalia, vt putato, ethicis, & politicis metientes, in quibus amor, & odium omnia moderantur. Minor autem est certa, actus enim, & potentia, qualia sunt forma, & materia contrarietatem non habent.

Resp. adeò falsum esse omnia principia in doctrina Philosophi debere esse contraria, vt doceat passim, præcipuè autem 12. Metaphys. materiam esse subiectum contrarietatis: hoc est priuationis, & formæ: materia enim modo est sub priuatione, modo sub forma, & consequenter cum neutra contrarietatem habet. Contrarietas igitur est inter aliqua, videlicet inter priuationem, & formam. Ex quo patet esse contrarietatem inter

ens, & non ens : non autem inter ens, & ens.

Dices . Ex Philosopho album fit ex non albo , & non ex omni non albo , sed vel ex nigro , vel ex medijs : putà flauo , vel cœruleo , vel alijs huiusmodi : ergo secundum Philosophum non sufficit contrarietas , set oppositio priuatiua , qualis est inter non album, & album, sed requiritur positiua, qualis est inter nigrum, & album.

Resp. conc. ant. neg. conseq. Sensus Philosophi est , non quodlibet non album possit fieri album : sunt enim non alba incapacia, & albedinis , & cuiuslibet alterius coloris, puta Angelus, quamuis sit non albus , nequit fieri albus , aut quomodolibet coloratus. Propterea non sufficit subiectum esse non album , sed oportet esse subiectum colorabile, adeoq. alicuius coloris: cum omne colorabile alicuius coloris sit, & ideò per rationem colorati explicat Philof. rationem colorabilis.

Obiicitur insuper : forma fit ex materia, & ex priuatione : ergo formæ non conuenit definitio principii. Conseq. probatur, quia in definitione principiorum dicitur, quod non fiunt ex alijs, neque ex alterutris. Ant. autem probatur, quia formæ plantæ , vel ignis non est ex nihilo , sed ex subiecto : est autem etiam ex priuatione tamquam ex termino à quo.

Resp. dist. antec. formæ est ex materia, & priuatione tâquam ex partibus ipsam componentibus : nego ; tamquam ex subiecto, & termino à quo : conc. ant. & nego conseq. Verum est principia non fieri ex alterutris, accipiendo legitimè particulam *ex* , videlicet, prout denotat habitudinem partis componentis.

nen.



mentis. Aliud enim est priuationem, materiam, & formam componere intrinsecè hoc totum, quod est rem fieri, aliud priuationem, aut materiam componere formam, seu formam constare ex materia, & priuatione. Hoc secundum est falsum, primum est verum.

Hinc rectè docet Philosophus principia, quia contraria sunt, non fieri ex alterutris; quia prima, non ex alijs; quia principia, ex his omnia; quia contraria, non fiunt ex alterutris, tamquam ex partibus componentibus; nam, vt obseruat Plato in Phædone, quamuis vnum contrarium ex alio contrario fiat, tamquam ex termino à quo: imò vnumquodque ex suo contrario fiat: viuens ex non viuente, & ex viuente non viuens: vnum tamen cōtrarium non constat intrinsecè ex suo contrario, putà viuens non constat ex non viuente, nec è conuerso.

Obijcitur vltimo. Priuatio vel principiat quando est, vel quando non est: neutrum dici potest: ergo non est principium. Maior est indubitata: est enim disiunctiua inter contradictoria. Minor probatur, quia si dicas principiare quando est, contra est: nam quando est priuatio, corpus naturale non principiat: ergo priuatio non principiat quando est. Patet hæc consequentia: implicat enim in terminis corpus naturale principari, quando non principiat. Si autem dicas priuationem principiare quando non est, etiam contra est, quia implicat non esse, & principiare: ipsa enim exercitium principiandi, seu actus secundus principiandi supponit esse. Addo, quod quādo non est priua-

rio est forma tali priuationi opposita: adeoq. simul principiant priuatio, & forma; & cōsequenter simul essent.

Resp. conc. mai. neg. min. Dico autem priuationem principiare quando est. Ratio est, quia rem fieri, vt fit, est subiectum transire à non forma ad formam; adeoque in instanti *A* esse sub non forma, & in instanti *B*, esse sub forma; & consequenter hoc totum, quod est rem fieri, componitur ex priuatione, tamquam ex termino à quo, ex forma tamquam ex termino ad quem, ex materia ab vno ad alterum terminum transiente. Materia vtrique termino coexistit, termini autem non sibi coexistunt; & consequenter hoc totum numquam est simul, sed successiue per partes: in instanti *A* materia est cum priuatione: in instanti *B* est cum forma, adeoque in tempore constante ex *A*, & *B* datur totum fieri. Hinc quando datur priuatio, non datur fieri secundum se totum; datur tamen secundum partem sui; adeoq. verum est, quod quando est priuatio, non datur principiatum secundum se totum; falsum quod non detur secundum aliquid sui.

#### ARTICVLVS IV.

##### *Sustinetur materia prima.*

**N**ecessitatem materiæ primæ ex hoc potissimum capite demonstrat Philosophus, quod ex nihilo nihil fit, posse autem hoc principium stare sine materia prima probare conantur hostes materiæ primæ. Eius igitur existentiam impugnant.

Primò si in generatione nouæ substantiæ substantia vetus ita perit, vt nihil de ipsa remaneat, non requiritur commune subiectum: potest res ita contingere, & simul esse verum: *Ex nihilo nihil fit*, ergo ad veritatem huius principij non datur necessitas materiæ primæ. Maior est euidens; minor probatur: si supponatur in natura hæc lex, vt nullum agens quidquam de nouo producat, nisi aliud destruendo, cuius in locum succedat id, quod de nouo producit: non requiritur subiectum commune, & vnaquæq. res ex alia fiet; ergo &c.

Resp. conc. mai. neg. min. ad probationem dic huiusmodi legem esse adeò ineptam, vt tribui nequeat naturæ. Destruere vnum, & in locum illius inducere aliud, non est producere, seu facere vnum ex alio. Non facit Statuarius ex cathedra scamnum, si nihil sit in scamno, quod antea esset in cathedra; nec ex Cane Leporem, nisi illud idem marmor, quod erat in Cane, & materia Canis, maneat in Lepore, & materia leporis. Quemadmodum autem in arte vnum artefactum fit ex alio, stante sub vtriusque forma eadem materia artis; sic etiam in natura vnum ex alio fit, stante sub vtriusque forma eadem materia. Materia naturæ dicitur materia prima, quia non habet formam, nisi quam recipit à natura: materia artis est materia secunda, quia ante formam inductam ab arte est alia forma; siue quia ars agit in substantiam completam, & ideò facit vnum per accidens; natura agit, & inducit formam in substantiam incompletam, & facit vnum per se. Ars non facit substantiam,

sed supponit, natura non supponit, sed facit: ars supponit opus naturæ, circà quod operatur: natura nullius alterius opus supponit: materia enim prima non dicitur opus, sed pars operis: quamvis actio creatiua terminari possit ad solam materiam, adeoq. materia dici possit opus Dei.

Obijc: secundo. Potest remanere aliquid commune corrupto, & genito, quod non sit materia prima: ergo ex necessitate alicuius, quod sit utrique commune, non probatur necessitas materiæ primæ. Antec. probatur, quia si ponas accidentia communia, & paleæ, quæ destruitur, & igni, qui gignitur: habes aliquid commune utrique substantiæ: & tamen non habes materiam primam, ergo sine materia prima habes aliquid commune utrique substantiæ.

Resp. vnâ substantiam non fieri ex alia per hoc, quod habeat aliqua accidentia, quæ essent in alia: substantia enim non constituitur per accidentia. Præterea ex hac ipsa communitate accidentium, si detur, probabimus alibi communitatem subiecti, cum accidentia non sint sine subiecto, nec transeant de subiecto in subiectum. Denique mutatio vnius substantiæ in aliam, nihil remanente utrique communi, præter accidentia, vocatur transubstantiatio, quæ non fit, nisi in venerabili Sacramento Eucharistiæ, in quo destructa substantia panis, & vini, ponitur substantia corporis, & sanguinis Christi Domini. Hanc mutationem, vt omnino singularem, & ab ijs alienâ, quæ per naturam fiunt, singulari, & nouo nomine, Concilia, & Patres transubstantiatione appellât.

Ex his pater ad argumentum. Non sufficit utriusque substantia aliquid esse commune; sed requiritur, ut illud aliquid sit substantiale.

Obijc. tertio Neque hoc principium: *Ex nihilo nihil fit*, saluari potest in sententia peripatetica; ergo quoad hoc minus valet doctrina Aristotelis, quam alia. Antecedens probatur, quia etiam in sententia peripatetica forma fit ex nihilo; cum tamen in substantia sit pars præcipua, ergo, &c. Probatur hoc secundum antecedenens, quia formam fieri ex materia nihil aliud est, quam formam, quæ antea nihil erat, in materia produci. Si enim antea nihil erat, manifestum est, quod ex nihilo fit: fieri enim in materia non tollit fieri ex nihilo, sicut non tollit fieri ex nihilo, si Angelus fiat in hac Schola.

Hoc argumentum est Achilles Atomistarum, Et quia multipliciter, & discorditer soluitur à Peripateticis: non enim vno omnes modo explicant quid sit fieri ex materia, ideò opinantur non solui. Alij enim sic aiunt. Formam educi de potentia materia nihil aliud est, quam materiam, quæ potentia erat lignum, & ignis, vel quodlibet aliud huiusmodi, virtute agentis naturalis fieri lignum, aut ignem, aut quidlibet aliud huiusmodi. Hæc explicatio maximè cõsonatijs omnibus, qui negant materiam per seipsam formaliter esse, existimantes hanc habere esse formaliter per quamlibet formam, à qua informerur. Sed quærunt Atomistæ quid hoc ipsum significet: nam quomodo marmor, quod potentia est Constantinus, fiat actu Constantinus facile intelligitur: per hoc

enim ipsum, quod Berninus hinc inde decidat hoc, vel illo modo particulas marmoris; marmor è marmore rudi in Constantinum euadit. Quomodo autem lignum euadat in ignem; aut potius quomodo materia prima euadat in ignem, aut lignum, aut quamlibet aliam substantiam non est facile intelligi: facile autem intelliges, si de operibus naturæ ità philosopheris, sicut vides contingere in operibus artis. Quædam opera artis fiunt per decisionem partis à parte, sicut accidit in Sculptoria: Marmor enim euadit quælibet Statua per hoc, quod Statuarius particulas ab ipso hoc, vel illo modo decidat. Secus accidit in Pictoria: Pictor enim quamlibet imaginem facit, non per decisionem partis à parte, sed per iuxta positionem partis ad partem, coloris videlicet ad colorem, propterea doctrinam Atomisticam etiâ rudes facile intelligunt, quia eodem modo putant operari naturam, quo vident operari artifices, etiam operum rudiorum. Quemadmodum enim artifex nihil ponit de nouo, nisi dispositionem partium componentium artefactum: ità putant naturam nihil ponere de nouo, præter dispositionem partium, componentium ens naturale.

Dicunt alij formas ipsas latitare in materia prima, & virtute agentis naturalis suis è latebris euocari. Hoc etiam si metaphoricè dicatur, nihil dicitur; si propriè, absurde dicitur. Si enim ante actionem agentis sint in rerum natura, idque vnum obtinet agens naturale, vt appareant: vere, & realiter hoc habetur, vt appareat quod latebat, non autem vt fiat, quod non erat; & consequen-

quenter non fit vnum ex alio; cum tamen vnum ex alio fieri omnes admittant.

Dicendum est igitur Atomistas crassam æquivocationem pati in argumento proposito. Dictum est iam supra quisnam esset sensus huius proloquij: *Ex nihilo nihil fit*. Philosophus, & veteres loquuntur de ipsis substantijs, seu corporibus, quæ oriuntur, & occidunt: & in hoc conveniunt, nullum corpus fieri de nouo, quod non ex aliquo sibi præexistente constet: ly *Ex aliquo*, intelligunt Atomistæ ex aliquo corpore; Peripatetici, non ex aliquo corpore, sed ex aliqua re communi corpori, quod fit, & corpori ex quo fit. Vtrique autem rectè saluant hoc principium: *Ex nihilo nihil fit*. Hoc autem, quod vtrique corpori commune est vocant materiam primam, quæ cum prima forma, pristinum: cum noua, nouum corpus constituit.

Quod si formam solam consideremus, illamq. dicamus fieri; certum est illam antea non fuisse, adeoq. fieri ex nihilo sui: sicut etiam dispositio illa localis, quam vnice ponunt Atomistæ pro forma, quam dicimus, substantiali, antea non erat, & fit ex nihilo sui. Quemadmodum autem inepte vrgentur Atomistæ hoc argumento, quod videlicet ipsa localis dispositio, & alia huiusmodi fiant ex nihilo, adeoq. non saluatur apud ipsos hoc principium: *Ex nihilo nihil fit*: ità ineptissimè vrgemur ad ipsos contra idem principium, ex eo quod ipsamet forma, ut dicimus, substantialis ex nihilo fiat. Solum igitur in hoc differimus, quod ipsi putent naturam nihil operari posse, nisi per motum

localem, nos aliquid aliud posse dicamus. In hoc autem evidens est ipsos nimis crasse philosophari.

Quid sit autem fieri ex nihilo sui, quod concedimus formæ, & concedunt suæ dispositioni locali Atomistæ facile explicatur: nihil enim aliud est, quam formam, quæ antea non erat, modo esse; quid autem sit non esse ex nihilo subiecti, sed esse ex subiecto, seu fieri ex subiecto, non adeò facile explicatur. Explicatio autem pertinet ad tractatum de Causis, ubi ostendetur causalitas materiæ primæ in formas, quæ propterea dicuntur materiales. Interea, educi formam de potentia subiecti non est fieri in subiecto: nam etiam Anima rationalis fit in corpore, nec tamen de potentia corporis educitur, cum creetur: nec est formas ante latentes, tandem apparere, cum hoc non sit fieri, sed monstrari: fieri igitur, seu educi ex subiecto dicit verum, & realem concursum materiæ primæ in formam, quem suo loco dicemus. Ad argumentum in forma, patet ex dictis. Nam vel fieri dicitur de substantia, seu de corpore; & tunc manifestum est non fieri ex nihilo, cum intrinsecè constet ex aliquo substantiali, quod inesset corpori, ex quo fit. Vel fieri intelligitur de forma; & tunc illa quidē fit ex nihilo sui, nō autē ex nihilo subiecti: sicut & dispositio, & motus, per quæ dispositio Atomorū habetur. Concurrit autē subiectum non per modū diuersimodè dispositi in partibus suis secundum locum, sed alio genere concursus, per quem ponitur in rerum natura plus aliquid de nouo, quam localis dispositio partium. Peripatetici enim  
pro



pro certo habent naturam plus aliquid posse, quam localiter mouere corpora; cum nihil amplius illi concedant Atomistæ.

## ARTICVLVS V.

*Satisfit obiectionibus contra formam substantialem.*

**A**rguunt Atomistæ posse corpuscula per diuersam dispositionem facere diuersa corpora ex eo, quod ex litteris alphabeticis diuersimodè collocatis habeantur diuersissima opera, putà opera Platonis differunt ab operibus Aristotelis; & sic de alijs, cum tamen viginti quatuor characteres omnibus sufficiant. Idem videre est in opere musæo, constante ex lapillis hoc, & illo modo dispositis. In opere artis pictoriæ, in qua vnū artefactum ab alio non differt, nisi secundum diuersam collocationem eorundem colorum. Prætereà neq; hoc requiritur, vt eadem omninò corpuscula nec plura, nec pauciora sint in vno corpore, quæ in alio: dummodò nulla de nouo fiant: nihilque natura noui efficiat, nisi congregare dum gignit, disgregare dum destruit corpuscula, initio mundi abundanter creata à Deo. Sic igitur arguunt. Ex litteris alphabeticis: siue ijsdem variè collocatis, siue partim ijsdem, partim diuersis, fiunt diuersæ voces, & diuersa epigrammata, &c. ergo ex ijsdem atomis variè collocatis, vel partim ijsdem, & partim diuersis fiunt diuersa corpora naturalia.

Resp. conc. ant. neg. conf. Inter corpus, & corpus est diuersitas secundum substantiam

tiam; inter carmen, & carmen, est diuersitas secundum accidens. Quod autem ad illud esse substantiale, quod tribuimus formæ, non sufficiat dispositio localis, siue earundem, siue diuersarum atomorum; ostensum est supra ex eo, quod in quolibet toto, quod est à natura, reperiatur principium quoddam cōseruatiuum, & recuperatiuum earum qualitatum, quæ ipsi debentur. Si in carmine Virgiliano vel Homereo ~~vel~~ <sup>vel</sup> ~~al~~ <sup>al</sup> ~~ia~~ <sup>ia</sup> ~~um~~ <sup>um</sup> ~~cha~~ <sup>cha</sup> ~~ra~~ <sup>ra</sup> ~~cterem~~ <sup>cterem</sup> loco dimoueris; nūquam se in suum locum restituet, secus si alteraueris corpus naturale. Et hæc disparitas est physice euidentis; facitque physice euidentis, corpus naturale suos motus habere ab intrinseco; artefactis autem omnia ab extrinseco adesse. Hinc apparet necessitas ponendi vltra dispositionem atomorum aliquid aliud, quod sit principium prædictorum motuum: vnde si diceret Atomista etiam inter hanc, & illā vocem dari diuersitatem substantialem, eo quod sit æque notabilis, ac diuersitas, quæ est inter ignem, & paleam; permitte illi, vt diuersitatem suam vocet vt voluerit: tene autem quod negare nequit, nisi desipiat, dari in corpore naturali principium aliquod, per quod ab intrinseco hoc, & illud præstet; hoc principium non dari in vllō artefacto. Hoc principium vocatur forma substantialis, quod quia in diuersis diuersum est, ideo corpus à corpore substantialiter differt.

Immo, vt obseruat Philosophus, motus, qui artefactis inest ab intrinseco, inest illis non secundum formam, sed secundum materiam puta si Statua marmorea sibi relinquantur, non mouebitur secundum formam, quam habet

habet ab arte motu videlicet progressiuo ; qui est proprius pedatorum ; sed deorsum ruet, qui motus est secundum naturam marmoris. Materia autem artis est substantia completa adeoque constans ex materia , & forma substantiali : vnde motus, qui artefactis in est ab intrinseco , inest illis a forma naturæ, non à forma artis. Et propterea quandoque artefacta corrumpuntur, quia eo tendunt secundum formam naturæ, quo ferri nequeunt sine præiudicio formæ artis.

Obijcies secundo vnumquodque componitur ex his, in quæ resolvitur ; sed omne corpus sensibile resolvitur in corpuscula, ergo omne corpus sensibile componitur ex corpusculis. Maior est indubitata. Domus resolvitur in cæmenta, lapides, & ligna : componitur ex cæmentis, lapidibus, & lignis. Vox polysyllaba resolvitur in syllabas syllabæ in litteras : vox ex syllabis, syllabæ ex litteris constant, Homo resolvitur in corpus, & Animam : ex corpore & Anima homo conflatur, Est igitur vniuersaliter verum ex eo cõponi quodlibet, in quod resolvitur, seu in id, quod ipsius dissolutioni superstes est.

Minor autem probatur, quia corpus sensibile vel est simplex, vt sunt elementa : ignis, aer, &c. vel est mixtum, vt sunt metalla, lapides, ligna, plantæ, animalia. Si est simplex, resolvitur in multas particulas eiusdem rationis. Ita quælibet, vel minima, moles aquæ in multas guttulas ; quælibet moles ignis in multas scintillas. Si vero sit mixtum, in quatuor elementa resolvitur : nam ex qualibet planta, & ex quolibet mixto extrahuntur terra & aqua &c.

Resp.

Resp. primò, quod qui totum daret Aduersarijs, nihil daret. Hoc autem argumentū non magis probat non dari formam substantialem in toto, quam non dari formam artificialem in domo. Verum est constare vnūquodque ex ijs, in quæ resoluitur; falsum est ex ijs dumtaxat. Domus ipsa constat ex cęmentis, lapidibus, & lignis, quæ ipsius dissolutioni supersunt; sed in super forma artificiali, quæ non superest dissolutioni domus. Consistent igitur planta, & pecus, & aduersarius ipse, si velit, corpusculis, quæ remanent post eius interitum; dummodo in super in suo esse includat formam non artis, sed naturæ, quæ in pecude quidem interit, in aduersario non interit.

Resp. secundo interrogando quid intelligat Aduersarius per corpuscula. Si enim nihil aliud intelligat, quam tenuissimas quasdam particulas huius, vel illius rationis manifestum est vnumquodcunq. corpus in corpuscula abire. At controuersia non est circa hoc punctum inter Atomistas & Peripateticos; illi enim negant poni in rerum natura quidquam de nouo, præter dispositionem localem atomorum præexistentium: hi affirmant aliquid poni, pro certo habentes naturam aliquid plus facere, quam mouere, & disponere localiter corpora.

Præterea circa hæc ipsa corpuscula, seu minutissimas particulas corporum dissentiunt à Peripateticis Atomistæ; dum aiunt ea esse ingenerabilia, & incorruptibilia: cuius positionis falsitatem demonstrat Philosophus ex transmutatione, qua in se inuicem aqua in aerem, aer in aquam, & quodlibet

in quodlibet transmutantur, unde hæc ipsa corpuscula constant ex materiâ, & forma: ut ostendetur in libris elementorum. Ad argumentum in forma distingue: vnumquodque componitur ex his &c. solum: nego; ex his, & aliquo alio: omitto. Veritas huius distinctionis est ab oculis in omnibus artefactis.

**Obijc. tertio.** In quolibet corpore naturali debent admitti multi spiritus, quibus abeuntibus destruitur corpus naturale; ergo corpus naturale componitur ex illis sine vlla alia forma substantiali. Conseq. probatur, quia posito quod huiusmodi spiritus dentur in corpore naturali, & ex defectu ipsorum corpus corrumpatur; sine fundamento ponitur forma substantialis distincta ab ipsis, vel à coordinatione, seu dispositione locali ipsorum. Antec. patet experientia. Si vinum sine operculo diu reliqueris, e vino fiet acetum non alia de causa nisi quia ex vino effluent multi spiritus, quos etiam oculis usurpamus dum effluunt. Idem dic de multis alijs liquoribus, de pulneribus, vnguentis, & alijs huiusmodi, quæ propterea maxima cura asseruari debent. Constat hoc etiam in animalibus, & inter cætera in homine: nam stomachus, ut docet Aristoteles, ideo est debilior æstate quam hieme, & hieme calidior quam æstate; quia hieme ob frigus aeris circumfusum pori coarctantur, & continent intra stomachum spiritus igneos, æstate vero à circumfusò calore aeris pori dilatantur, & per apertos poros prædicti spiritus facile effluunt. Unde oritur debilitas stomachi, quæ aliquando tanta est, ut animal intereat,

Resp.

Resp. non esse dubium dari prædictos spiritus, & ex ijs pendere vitam animalis: debet tamen, præter illos, admitti forma substantialis, quæ indiget huiusmodi spiritibus, quibus utitur ad operationes vitæ, tam vegetantis in vegetabilibus, quam sentientis in sensitiuis. Immo isti spiritus, habenti spiritum probant existentiam formæ. Constat enim elaborari de nouo, & ab aliquo principio intrinseco spiritus huiusmodi, quibus animalis infirmitati subueniatur. Quemadmodum autem requiruntur ad conseruationem animalis, ita proportionaliter ad conseruationem aliorum, in quibus ait Aduersarius eos reperiri. In animalibus spiritus huiusmodi non sunt pars animalis: probabile est in vino, alijsue liquoribus, aut vnguentis habere rationem partis; vnguenta enim, & alia huiusmodi sunt mixta imperfecta, non habentia vnâ formam, secus animalia. Vocantur mixta imperfecta aggregata ex multis corporibus tritis, & contritis inter se, sicut accidit in Thiriaca & alijs.

Ad id quod dicitur: stantibus huiusmodi spiritibus stat animal; deficientibus Animal deficit; responde cum distinct. his stantibus stat, his deficientibus deficit formaliter per huiusmodi defectum, nega; deficit consequenter; concede. Deficiente quolibet ad vitam necessario, deficit vita: si hoc necessarium est constitutum viuents, per defectum ipsius formaliter deficit viuens; si nō est constitutum, sed aliquid, quo indiget viuens, ipso deficiente, consequenter deficit viuens.

Obj. vltimo: ordo, qui est inter partes

vniuersi, recte saluatur sine forma totali vniuersi; ergo pariter in quolibet toto puta in Leone, in cane &c. saluari potest ordo totius, sine forma totius. Antec. probatur, quia ordo vniuersi non inest illi à principio intrinseco, ordinante singula in bonum totius, sed ab extrinseco, videlicet à Deo, qui omnia facit in pondere, numero, & mensura.

Resp. conc. ant. & probatione eiusdem neg. conf. Disparitas est, quia vniuersum est aggregatum per accidens, siue vnum per accidens: Leo vero; & quidlibet aliud huiusmodi est vnum per se. In vno autem per se recte ponitur principium intrinsecum, ordinatum partium in bonum totius: secus in vno per accidens, constante ex innumerabilibus vnīs, seu entibus per se. Fuere qui dicerent mundum esse vastum quoddam, & immensum animal. Fuere qui dicerent hominē ab Anima regi, sicut nauis regitur à Nauta, equus à sessore. Suo loco ostendemus mundum regi à Deo, vt regitur nauis a nauta; hominem vero, ab Anima, non tamquam à forma assistente, sed tamquam ab informante corpus, esse hominem; etiam patebit in loco.

## ARTICVLVS VLTIMVS.

### *Clauditur prima disputatio.*

**A**D conclusionem capti operis in hac disputatione aduerte sententiam peripateticam duas aduersum se opiniones habere extremē oppositas. Altera ex prædictis opinionibus est Atomistarum nihil de nouo fieri

fieri aientium, præter dispositionem atomorum secundum locum. Contra hos ex professo Physicus peripateticus, ostendens aliquid aliud naturam posse, quam mouere localiter. Porro si per solum motum localem atomorum præexistentiū omnia fierent non apparet cur Dæmones nequeant suscitare canes, & Elephantes, & in naturam reuocare corrupta: immo cur nequeant homines suscitare, cum tamen hoc agere sit opus diuinæ virtutis. Nam quemadmodum Peripateticus ait materiam ita dispositam petere connaturaliter à Deo informari Anima rationali: ita talis dispositio talium atomorum idem petit secundum Atomistas; cum igitur nihil sit facilius Dæmoni, quam huiusmodi corpuscula congregare; non videtur difficile, quod homines ad vitam reuocet.

Aduertendum est insuper Atomistas, ut opinionis suæ inuidiam leuent didicisse loqui cum peripateticis, & appellare, formā substantialem in toto: sed dum vocant substantialem, non id intelligunt quod peripatetici: tribuunt autem hoc nomen prædictæ coordinationi atomorum, & propterea formam substantialem negāt esse formam absolutam; intelligentes sub nomine formæ substantialis formam infimi generis inter accidentales, videlicet formam modalem.

Altera sententia est non Atomistarum, sed Annihilantium, & vicissim ex nihilo omnia facientium. Contra hos non disputat Physicus cum repugnent euidentiae sensuum, cui innititur hoc principium: *ex nihilo nihil fit, & in nihilum nihil reuertitur*; adeoque inter veteres nemo de veritate huius principij dubi-



dubitasse videtur, cum omnes transmutationem rei in rem oculis vsurparent. Generationem vnius esse corruptionem alterius, & è conuerso, ostenditur in libris de ortu & interitu, hic vero supponitur.

Aduertendum est insuper productionem, per quam fit corpus naturale, esse generationem, mutationem, & conuersionem. Est generatio, quia aliqua substantia de nouo producitur, itaet vel forma educatur de potentia subiecti, cui vnitur, vel vnio ipsa, qua forma communicatur subiecto, ex subiecto ipso vel ex subiecto simul, & forma educatur. Est mutatio, quia per productionem corporis naturalis materia mutatur substantialiter: hoc est, è non habente vnā formā substantialem fit illam habens; siue quia à priuatione formæ transit ad formam. Est conuersio, quia vna substantia in aliam conuertitur, puta lignum in ignem.

Quamuis autem istę tres rationes generationis, mutationis, & conuersionis in vnum eundemque motum re ipsa conueniant; sunt tamen non solum ratione, sed re inter se separabiles, Potest dari generatio, quæ non sit neque mutatio, neque conuersio; puta si Deus in instanti *A* creet materiam primam proximam igni, & vltinio dispositam ad formam ignis: tunc generabitur ignis, nec fiet physica mutatio, cum materia non præsupponatur sub non forma; adeoque non concipiatur physice transiens à priuatione ad formam: nec erit conuersio, cum per huiusmodi productionem nulla substantia conuertatur in aliam, vt patet.

Potest dari mutatio, quæ non sit conuersio,

sio, puta si in instanti *A* materia sit sine omni forma substantiali, & in instanti *B* formam substantialem acquirat. Item erit mutatio, & non conuersio, si materia simul retineat veterem formam, & aliam nouam acquirat. Dari etiam potest mutatio, quæ non sit generatio; si nimirum materia spolietur omni forma substantiali: tam enim mutatur si à forma transeat ad priuationem, quam si à priuatione ad formam. Denique dari potest conuersio, quæ neque sit generatio, neq; mutatio; videlicet si vna substantia adæquate secundum se totam destruat, & alia adæquate secundum se totam succedat sine villo subiecto communi. Ita contingit in Venerabili Sacramento Eucharistiæ, in quo ex substantia panis, & vini nihil omnino remanet; adeoque in quo nihil est substantiale commune substantiæ, quæ destruitur, & substantiæ, quæ de nouo ponitur sub accidentibus. Dixi: *quæ de nouo ponitur*, quia corpus Christi in Sacramento non producit de nouo, sed de nouo ponitur, vbi non erat. Ex quibus apparet nos loqui hic de eo, quod accidit, aut accidere potest per potentiam Dei absolutam.

Triplicis huiusce rationis in vno eodemque motu realiter identificatæ oportuit hic meminisse ad perfectiorem intelligentiam eorum, quæ dicta sunt, & dicentur inferius. Nam in generatione corporis naturalis, quæ & conuersio, & mutatio est, non ex conceptu conuersionis, sed ex conceptu mutationis tria esse principia demonstrat Philosophus: cum enim conuersio sit non materiæ in totum, puta non materiæ in ignem, sed totius in totum,

tum, puta ligni in ignem; ſub conceptu conuerſionis non ſolam priuationem formæ ignis, ſed inſuper formam ligni, aut quamlibet aliam, à qua tranſitus fiat, pro principio aſſignaffet. Sicut enim de conceptu generationis, qua mutatio eſt, dicimus eſſe vt materia à priuatione formæ tranſeat ad formam; ita de conceptu eiſdem, quâ conuerſio eſt, erit forma vetus, à qua materia tranſit ad nouam. Hinc eſt quod aiunt conuerſionem dicere tam terminum à quo, quam terminum ad quem poſitiuum, quia eſt tranſitus ab vna forma ad aliam, cum mutatio generatiua dicat ſolum alterum ex terminis poſitiuum, videlicet illum, ad quem fit tranſitus.

Quod autem de principijs intrinſecis corporis naturalis in fieri, non ſub conceptu conuerſionis, ſed ſub conceptu mutationis Philoſophus hic inquiſierit; facile arguitur ex eo, quod ipſe cum veteribus hic aſſumit, videlicet: *ex nihilo nihil fit*, cuius ſenſus eſt omne corpus naturale ex aliquo ſibi præexiſtente intrinſecè conſtitui. An vero id, ex quo ſibi præexiſtente fit corpus, eſſet coniunctum alicui alteri, an non: nihil reſert ad hoc, vt id, quod ex ipſo fit, vere non ex nihilo fiat. Præterea quâuis re ipſa nunquam fiat ignis niſi cum deſtructione ligni, vel alicuius alterius ſubſtantiæ: iuxta illud: *Generatio vnius eſt corruptio alterius*: tamen deſtructio ligni eſt omnio per accidens ad conceptum generationis ignis, ſi enim nihil aliud fieret in materia, quam acquiſitio formæ ignis, per hoc ſormaliter haberetur conceptus adæquatus generationis ignis per mutationem ſubſtantialem. An autem introductio formæ

formæ ignis in materiâ sit vel formaliter, vel consequenter, vel concomitanter, vel quolibet alio modo destructio formæ ligni: hoc est an, & quomodo, & quæ formæ substantiales sint in eodem subiecto impossibiles, abstinet Philosophus, & Peripatetici cū ipso hic inuestigare: cum id vnum quærant quæ nam sint intrinsece componentia corpus naturale, tum in fieri, tum in facto esse.

Apparet hoc idem clarissime ex eo, quod Philosophus hic præmiscue inquirat, & assignet principia in fieri tam totius accidentalium, quam totius substantialis. Immo frequentius, & clarius in toto accidentali suam doctrinam explicat, quam in toto substantiali. In fieri autem totius accidentalium frequentissime usurpat transitum illū, per quem immusicum ex immusico fit musicum; at procul dubio musicum ex immusico non fit, nisi per transitum à priuatione musicæ ad musicam. Nec enim imaginandum est Immusicam esse formā aliquam oppositam Musicæ, sicut opponitur frigori calor. Manifestū est igitur hic à Philosopho inquiri principia corporis naturalis, & eadem assignari secundum vnum, & præcisum conceptum generationis, quæ per mutationem substantialem fiat, per quam videlicet materia à priuatione formæ transit ad formam.

Denique ex his patet non in eodem sensu ignem fieri ex ligno, in quo, fit ex materia, sibi & ligno, communi. Nam ex tali materia fit tamquam ex intrinsece componente, cum non intrinsece componatur ex ligno.



## DISPUTATIO II.

*De principijs corporis naturalis in  
particulari.*

### QVAESTIO I.

*De quidditate & proprietatibus  
materie primæ.*

#### ARTICVLVS I.

*Definitur materia prima.*

**D**EFINITIONI materiæ primæ diuisionem materiæ in primam, & secundam præire oportet. Materia prima est: *primum subiectum*, ait Philosophus, *ex quo fit aliquid*, &c, secundum hanc rationem accipitur materia nude, & præcise secundum se, nullis accidentibus, aut dispositionibus induta, per quas vni potius, quam alteri formæ idonea fiat. Materia autem secunda dicitur illa eadem, prout vestita aliquibus accidentibus, seu dispositionibus ad aliquam formam determinate, vel etiam prout vnita alicui formæ substantiali. Immo sæpe, & quidem proprie tota substantia, ex  
mate-

materia videlicet constans, & forma, materia secunda appellatur.

Materia prima est primum subiectum, quod per operationes naturæ intrinsece immutatur, recipiendo primò dispositiones ad aliam formam, deinde formam ipsam. Puta ignis ad generandum alium ignem prius inducit in materiam calorem, siccitatem, & quidquid aliud prærequiritur formæ ignis, quam tandem inducit. Materia secunda est subiectum, quod intrinsece immutatur per operationes artis. Dictum est enim hanc recte accipi pro substantia completa. Ita diximus materiam Frænfactoriæ esse ferrum; Lignariæ, lignum: quia & Frænfactoria circa ferrum, Lignaria circa lignum occupatur; non autem solum circa id, quod in ligno, & ferro respectu formæ, quæ est à natura, habet rationem subiecti. De hac materia secunda non quærimus hic quid sit. Materiæ autem primæ definitiones duas afferimus ex Philosopho, & explicamus.

Prima definitio habetur 7. Metaph. textu. 8. *materia per se ipsam neque quid, neque quantum, nec aliud quidpiam dicitur eorum, quibus ens determinatur: neque etiam negationes eorum, sed est quid, de quo singula horum predicantur.* Materia per se ipsam non est quid, quia secundum se præcise considerata non est neque hæc, neque illa species entis physici, seu substantiæ, de qua dicitur simpliciter, & absolute quid; & per quâ responderetur ad quæstionem quid est? Interroganti enim de quodlibet: quid est hoc? bene respondes dicendo: est lignum: est ignis: est equus. Materia autem prima secundum

dum se neque est lignum, nec ignis nec equus, nec vlla alia substantia.

*Neque quantũ, neque aliud quid piã, corũ quibus ens determinatur*, quia secundum se non est vllius aut quantitatis, aut qualitatis, aut qualitatis, aut vllius alterius rationis, determinantis ipsam vt sic, vel sic se habeat. Qualitas enim determinat subiectum vt sit tale, quantitas vt sit tantum, & sic de cæteris, quorum nihil materiæ primæ per seipsam conuenit. *Neque negationes eorum*, quia quemadmodum secundum se præcise considerata non habet vllam formam substantialem, per quam sit aut ignis aut planta; neque accidentalem, per quam sit alba, vel nigra; ita etiam per seipsam nihil eorum omnium excludit, aut à se, aut à rerum natura: sed neque habens ex se, neque excludens formas huiusmodi parata est & cuilibet subsistere, & qualibet illarum carere.

Additur: *sed est quid, de quo singula horum prædicantur*, quia quamuis materia prima nihil sit eorum omnium; ea tamen omnia recipiuntur in ipsa, illamque constituunt in quolibet prædicamento. Nam per formam quamlibet substantialem constituitur in prædicamento substantiæ: non quod ipsa vnquam sit adæquata substantia, sed quia euadit pars actualis adæquatæ substantiæ. Per qualitatem constituitur in prædicamento qualitatis, & sic de cæteris. Vbi aduerte obijce in tam breui definitione hanc voculam *quid* bis poni a Philosopho: semel in vno sensu, semel in alio. Dicitur enim *non esse quid, sed esse quid*; non *quid* vt sonat substantiam, sed *quid* vt est indifferens



ad substantiam, vel partem substantiæ.

Dicuntur autem ea omnia prædicari de materia non quomodocunque: si enim dicas: *materia prima est ignis. Materia prima est color, &c.* falsum dicis, quia hæc prædicas per identitatem de ipsa, cum tamen nulli ex his identificetur, hoc est cum ipsa nullum sit eorum. Prædicantur autem quatenus per huiusmodi in quolibet ex prædictis prædicamentis collocatur: nam per formam substantialem sibi unitam collocatur in prædicamento substantiæ, per accidentalem in prædicamento qualitatis, aut quantitatis; adeoque non in abstracto sed in concreto prædicamenta de ipsa dicuntur. Diximus in Logica partem in illo prædicamento esse, in quo est totum: quod facit ad rem præsentem; unde accidit idem in diuersis imo in omnibus simul prædicamentis esse. Idem enim est substantia calida, quinquipalmaris, stans, agens, & patiens, induta pulchris vestimentis, in hoc loco, & tempore, similis alteri substantiæ.

Dicit autem Philosophus 1. Physic. textu 69. subiectam naturam, hoc est naturam, quæ in compositio rationem habet subiecti, siue materiam primam, cognoscibilem esse secundum analogiam ad materiam rerum artificialium: & ibidem illam explicat per similitudinem quandam, & proportionem ad æs, lignum, & alia huiusmodi, quæ secundum se præcise considerata non sunt neque hoc, neque illud artefactum: puta neque Statua, neque Lectus; sunt tamen hæc omnia in potentia: quatenus ex ipsis & Statua, & Lectus contrahitur. Ita materia prima secundum se  
non



non est neque hæc, neque illa substantia, neque hoc, neque illud ens accidentale: nec leo, nec lapis, neque calidum, neque quantum; sed hæc omnia in potentia; quatenus ex ipsa & lapis, & leo, & calidum, & frigidum sunt. Et quemadmodum informitas illa artificialis, seu ratio infigurati formaliter tollitur per formam artificialem, quam recipit æs, & lignum: ita informitas naturalis tollitur formaliter per formam naturalem, quâ materia recipit.

Alia materiæ primæ definitio est ex eodem Philosopho 1. Physic. textu 82. *Dico materiam ultimum subiectum uniuscuiusque ex quo fit aliquid, cum insit, non secundum accidens: & si corrumpitur aliquid, in hoc adest ultimum.* Explicatur hæc materiæ definitio partim per ea, quæ diximus in explanatione præcedentis, partim per ea, quæ tenenda sunt ex præcedenti disputatione. Ostensum est enim ex transmutatione unius in aliud dari subiectum cõmune, quod probatum est, esse primum, ne videlicet detur processus in infinitum. Idem autem intelligit hic Philosophus nomine ultimi subiecti, quod & nos, & ipse alibi, intelligimus nomine primi. Nani nomine primi intelligimus subiectum, in quod ita corpora resoluantur, ut ipsum in ulterius subiectum resoluti nequeat; quod si posset, non esset primum.

Dicitur autem *subiectum uniuscuiusque* quia in qualibet substantia subijcitur formæ, cū qua constituit totū per se, & accidentibus, cum quibus constituit vnum per accidens. Dicitur *ex quo fit aliquid cum insit*: hoc est

ex quo inexistente, seu ex quo, tanquam ex principio intrinseco, quodlibet corpus componitur. Dicitur: *Et non secundum accidens*, quia totum fit ex subiecto per se, & tanquam ex parte substantiali totius. Denique additur: *Et si corrumpitur aliquid in hoc abibit vitimum*, quia quælibet substantia, quæ corrumpitur resolvitur in materiam primam, omni corruptioni supersitit; adeoque retinentem in generatione rei, quæ fit, rationem subiecti. Ex quibus facile apparet bonitas utriusque definitionis.

Obije. primò. Materia prima est in aliquo prædicamento; ergo falsum est eam non esse quid, neque quidpiam eorum, quibus ens determinatur. Antecedens patet ex dictis in Logica, ubi materiam collocavimus in prædicamento substantiæ.

Resp. neg. aur. Ad probationem iterum nego ant. Materia pertinet quidem ad prædicamentum substantiæ, sed non formaliter, seu directè, de qua pertinentia hic agitur. Pertinet autem reductivè, & ut pars illius substantiæ, quæ directè ponitur in prædicamento. Et hoc dictum est in Logica.


Obije. secundo. Materia prima definitur; ergo est in aliqua specie entis: ergo habet aliquid, per quod ad hanc potius, quam ad aliam speciem entis determinetur. Ant. est evidens, cum dupliciter illam definiuerimus. Conseq. patet Omne enim quod constat ex genere, & differentia; est in aliqua specie entis: omne quod definitur, constat ex genere & differentia: ergo omne quod definitur est in aliqua specie entis.

Resp. Nos non negasse materiam primam esse

esse per seipsâ in aliqua specie entis. eo enim ipso quod est, est aliqua species entis; sed diximus eam per se ipsam non esse vllâ speciem substantiæ physicæ completæ, adeoque ad argumentum in forma conc. ant. disting. conf. est in aliqua specie entis physici completi: nego conf. in aliqua specie logica, vel metaphylica entis: conc. conf.

Obijc. tertio. Vel definitur hic materia prima secundum rationem præcisam materiæ, vel secundum rationem propriam materiæ primæ: neutrum dici potest; ergo, &c. Minor probatur si enim dicas definiri secundum rationem præcisam materiæ, contra est, quia ratio materiæ, & ratio subiecti sunt vna ratio: definitio autem allata non conuenit rationi subiecti vt sic; ergo per ipsam non definitur ratio subiecti vt sic. Si autem dicas definiri materiam primam secundum rationem propriam materiæ primæ: contra est, quia ita debet definiri, vt per huiusmodi definitionem habeatur notitia subiecti vt sic.

Resp. conc. mai. neg. min. Definitur materia prima secundum rationem propriam materiæ primæ. Differentia autem, seu ratio propria subiecti vt sic, ibi explicabitur, vbi de conceptu proprio formæ, per comparisonem ad quam dicitur subiectum, quidquid est subiectum.



## ARTICVLVS II.

*Materia prima est ingenerabilis & incorruptibilis.*

**I**ngenerabilitatem atque incorruptibilitatem materiæ primæ vide ne ita intelligas quasi nec Deus illam facere ex nihilo, nec eandem in nihilum redigere possit. Immo neque hic quærimus an agens naturale non suis viribus, sed eleuatum à Deo possit aliquid ex nihilo facere, aut aliquid in nihilum redigere. Quis enim hic quærat quid natura possit, ab eo eleuata, qui omnia potest? Sensus igitur quæstionis est an agens naturale virtute sibi connaturali possit generare, aut corrumpere materiam primam, & in hoc sensu responsum est per titulum articuli. Materia prima est ingenerabilis, & incorruptibilis.

Hæc conclusio est Aristotelis, & omnium Peripateticorum. Probatur autem sic. Si agens naturale posset generare materiam primam deberet illam generare ex aliquo subiecto præexistente: nequit hoc facere: ergo nequit illam generare. Maior probatur quia facere aliquid independenter à subiecto est supra vires agentis pure naturalis, respectu cuius vniuersalissime dicitur: *ex nihilo nihil fit*. Minor autem probatur, materiam videlicet primam produci non posse dependenter à subiecto: quia nequit vllum subiectum præsupponi primo subiecto: si enim aliquod subiectum præsupponas, ipsum dicimus materiam primam, & quia in subiectis

Etis nequit dari processus in infinitum, deueniendum est ad aliquod, vltra quod non fit aliud inquirendum. Hoc autem est quod dicitur primum, siue vltimum subiectum. Hæc ratio cinatio reducit ad hoc. Materia prima produci nequit neque dependenter, neq; independenter a subiecto; ergo simpliciter produci nequit. Antecedens probatur. Et primò quod non independenter: quia est supra modum agendi agentis creati. Secundò quod neque dependenter: quia eo ipso primo subiecto subiectum præsupponitur, quod dicitur materia prima.

Hoc argumentum est Aristotelis 1. Physic. cap. vltimo. *Materiam inquit primam incorruptibilem, & ingenitam esse necesse est. Si enim fiat subiecti aliquid oportet, ex quo inexistente fiat: hoc autem est ipsius natura: quare erit ante quam fiat:* Hoc est: si fit materia prima, ex aliquo primo subiecto fit: sed esse primum subiectum est natura, seu quidditas materiæ primæ; ergo si fit materia prima, fit ex materia prima, adeoque fit ex se ipsa: rursus id ex quo fit ipsa, præexistit ipsi; ergo ipsa sibi præexistit, adeoque est antequam fit, quod est impossibile.

Verum si quis argumentum Philosophi accipiat vt iacet, facile proprio gladio Philosophum petet contra formam substantialem, arguendo sic. Si forma substantialis fiat, subiecti aliquid oportet, ex quo inexistente fiat: formæ nihil subieitur, ex quo inexistente fiat: ergo forma non fit. Minor probatur, quia quamuis aliquid subijciatur formæ, tamen forma ex subiecto non fit, tamquam ex parte sibi inexistente. Toti quidem;

& materia, & forma inexistunt, materia autem formæ non inexistit: ambæ sunt partes totius; neutra est pars alterius.

Non est igitur hæc particula: *inexistente*: sic intelligenda ut idem sonet inexistere, ac esse partem, cum manifestum sit neque in sententia peripatetica materiam esse partem formæ: ly autem *inexistere* idem sonat in argumento Philosophi, ac esse subiectum, ex quo aliquid fiat, & cum quo id, per quod formaliter noui aliquid habetur in rerum natura, faciat vnum. Propterea ita proposuimus argumentum, ut ab illa voce: *inexistente*; abstineremus. Posset etiam ita intelligi Philosophus, ut per ly *inexistente* nihil aliud intelligeret, quam subiectum præsuppositum, ex quo necesse est ut fiat omne, quod fit: siue autem fieri cadat supra totum, siue supra formam; vtrumque ex aliquo præexistente fit: eo enim ipso quod materia est subiectum formæ; habet in toto ratione subiecti, propterea vocatur materia primò Physic. textu 69. *subiecta natura*.

Quemadmodum autem ex eo, quod ex nihilo nihil fit, probat Philosophus non fieri materiam primam: ita ex eo, quod in nihilum nihil reuertitur probare posset eam non corrumpi: si enim corrumpitur in aliquid abibit vltimum: hoc autem est ipsius natura; adeoque per corruptionem in se ipsam abibit: & erit quando amplius non erit. Quemadmodum autem impossibile est rem esse antequam sit, ita impossibile est rem esse, quando amplius non est.

Vides hoc etiam argumentum statim retorqueri contra torquentem. Probabitur enim

enim formā non corrūpi. Si enim corrūpitur in aliquid abibit : si autem in aliquid abit, remanet aliquid ipsius, & consequenter non tota perit. Hæc tamen retorsio non facit ad rem, quia sicut forma, quamvis sit ex nihilo sui, non tamen est ex nihilo subiecti : ita quamvis abeat in nihilum sui, non abit in nihilum subiecti. Et sicut fit ex materia, non tamquam ex parte sui, sed tamquam ex subiecto, ita abit in materiam, non tamquam in partem sui, sed tamquam in subiectum : adeoque formæ superstes est non pars formæ, sed subiectum formæ ; & consequenter tota forma perit. Vice versa sicut materia nequit esse ex materia sibi præsupposita, neque tamquam ex parte, neque tamquam ex subiecto : ita si destrueretur, non haberet sibi superstitem materiam, neque ut partem, neque ut subiectum ; adeoque abiret in nihilum simpliciter.

Probatur ulterius incorruptibilitas materiæ primæ. Quia omne quod destruitur, vel ab aliquo sibi contrario destruitur ; vel ex defectu causæ, à qua conservabatur in esse : sed materia prima nec à contrario, nec ex defectu causæ conservantis destrui potest : ergo materia prima est naturaliter indestruibilis. Maior explicatur ; frigidum à calido, lignum ab igne corrumpitur : in quantum hæc aliquam inter se contrarietatem habent, siue secundum qualitates, secundum quas agunt, siue secundum formas substantiales : de quo nihil hic. Non solum autem frigidum à calido, lignum ab igne destruitur, inter quæ contrarietas est : sed insuper exortam in ære lucem interire videmus, cum hæc ta-

men non habeat vllum contrarium : neque enim imaginandum est tenebras esse fuliginem quandam, dispersam per aerem, illumque denigantem, & per sui inexistentiã expellentem candorem lucis, sicut si lac atramento dilueres candorem lactis excluderes. Propterea diximus ea, quæ perire, vel à contrario, vel ex defectu causæ conseruantis. Causa conseruans lucem est, vel fax accensa, vel Sol, vel quodlibet aliud luminosum : propterea vel extincto, vel remoto luminoso necesse est lucem perire, quia sic deficit causa conseruatiua.

Minor autem probatur, videlicet neutro ex his modis materiam interire : non ex defectu causæ conseruantis, quia non habet aliam sui causam nec effectricem, nec conseruatricem, quam Deum : Deus autem nequit aut non esse, cum necessario sit, aut abesse, cum necessario vbique sit; igitur materia prima perire nequit ex defectu causæ. Quod autem neque à contrario destrui possit, patet ex dictis, quia non habet contrarium : immò est subiectum æqualiter se habens ad contraria, vnde dicitur à Philosopho subiectum contrarietatis : siue hanc contrarietatem sumas inter formã, & formam; putà inter calorem, & frigus; siue inter formam, & priuationem formæ.

Ex hoc quod materia nec vllum habeat contrarium, nec vlli ex contrarijs inter se repugnet, quod eodem recidit, sequitur illam esse aptissimam rerum omnium generationi : ignis agit in lignum, vt ex ligno faciat ignem : resistit lignum, sed non materia, cui perinde est esse sub ignis forma, ac  
sub



sub forma ligni: adeoque quodcumq. agens agat in destructionem ignis, sicut ignis egit in destructionem ligni: æque admittet actionem alterius contra ignem, ac admittit actionem ignis contra lignum. Dixi: *Ignis agit in destructionem ligni*: quod non ita intelligendum est, quasi intentum naturæ sit destructio entis; agens enim naturale per actionem suam non tendit ad non ens: unde est quod aiunt: *Non entis non est causa per se*: sed in tantum ad hanc actionem sequitur non ens, seu non esse ligni, in quantum hæc actio terminatur ad ignem, seu si vis, ad formam ignis, impossibilem in eadem materia cum forma ligni.

Obijc. primò. Si materia est incorruptibilis; homo est naturaliter incorruptibilis: conseq. est falsum; ergo & ant. Veritas minoris patet experientia; vix enim est unum momentum, in quo aliquis homo non moriatur, iuxta illud: *Omnes morimur, & sicut aque dilabimur super terram*. Maior autem probatur, quia totum, cuius nulla pars est corruptibilis, nec ipsum est corruptibile: hominis nulla pars est corruptibilis: ergo nec homo. Patet ultima minor, quia nec materia, nec Anima rationalis est corruptibilis, cum tamen his duabus dumtaxat partibus homo constet.

Resp. neg. sequelam mai. ad cuius probationem nego mai. Corrupti, seu destrui totum non est corrupti, vel destrui aliquam partem totius, sed separari partem à parte, siue illa intereat, siue non: mors igitur hominis, siue hominis corruptio consistit in separatione Animæ à materia, quæ quamvis

sint ambæ incorruptibiles, non sunt tamen à se inuicem inseparabiles. Quod dico de corruptione hominis, dico de corruptione cuiuslibet alterius substantiæ physiciæ. Lignum destruitur per hoc formaliter, quod forma ligni separatur à materia: quod autem præterea talis forma pereat, non facit, seu non addit quidquam ad conceptum corruptionis. Hinc eque proprie moritur homo, ac equus; quamuis Anima hominis sit immortalis, non anima equi.

Obijc. secundo. Sequeretur materiam esse quid perfectius forma: consequ. est absurdum; ergo & antec. sequela maioris probatur, quia incorruptibile est perfectius corruptibili; materia est incorruptibilis, forma verò corruptibilis; ergo materia est quid perfectius forma. Minor autem probatur, quia materia, inquit Philosophus, appetit formam, sicut turpe pulchrum: turpe autem ad pulchrum se habet, sicut imperfectius ad perfectius. Quod autem incorruptibile sit perfectius corruptibili; probatur: quia incorruptibilitas est participatio quædam diuinæ eternitatis, quæ est summa, & infinita perfectio: de qua magis, qui diutius; minus, qui minus diu durant, participant: quæ autem perpetua sunt, maxime.

Resp. hoc eodem argumento, quod nihil probat, probatum iri ad Aduersario materiam primam esse quid perfectius toto: nam totum est corruptibile, materia autem incorruptibilis. Aequiuocatio est in hoc, quod ab vna perfectione arguunt ad complexum perfectionum; siue à perfectione secundum quid, ad perfectionem simpliciter, quæ est  
fal-

fallacia satis frequens apud pusillos. Probabis etiam hoc argumentum: Coruos, & Ceuos esse perfectiores homine, quia diutius viuunt, quod etiam magis valet de stiptibus, & faxis, quæ cæteris omnibus diutius durant; & consequenter plus participant de diuina æternitate. Ex his patet ad argumentum in forma. Nega materiam esse quid perfectius forma. Ad probationem nega mai. vniuersaliter, vel si vis distingue: incorruptibile est perfectius corruptibili secundum quid. Omitte, simpliciter: nega. Omittimus incorruptibile, seu perpetuum esse secundum quid perfectius corruptibili, quia fortasse cæteris paribus: hoc est si æqualis sit in cæteris utriusque extremi perfectio, si alteri superaddas perpetuitatē, facis illud melius. Dixi *Fortasse*, quia in quibusdam non perpetuitas, sed breuitas durationis est expectabilis. Modus autem inueniendi ex duobus extremis, utrum sit perfectius, est considerare in utroque totam collectionem prædicatorum, & illi præminentiam dare, cuius adequata perfectio vincit adequatam perfectionem alterius. Homo est perfectior equo, quamuis equus in multis hominem vincat puta plus participet de diuina immensitate, quod multò magis dicet de Elephante: quia tota collectio prædicatorum convenientium homini superat simpliciter, & absolute totam collectionem prædicatorum, quæ conueniunt equo.

Obijecitur tertiò. Omne quod potest alterari potest corrumpi: materia prima potest alterari, ergo potest corrumpi; maior probatur, quia videtur primum  
prin-

principium in Physica : *Omne alterabile est corruptibile*. Ratio est , quia alteratio est dispositio ad corruptionem : implicat autem naturam posse disponere ad corruptionem id , quod nequeat corrumpere , nè aliquid incipiat , quod non valeat confirmare. Præterea si potest alterare incorruptibile , potest disponere ad impossibile , quod repugnat in terminis. Probatur hoc , quia alterare est disponere ad corruptionem ; ergo alterare incorruptibile est disponere incorruptibile ad corruptionem : corruptio autem rei incorruptibilis est repugnans in terminis : ergo &c.

Resp. conc. mai. neg. min. materia sicut per receptionem formæ substantialis non generatur , aut per amissionem ejusdem non corrumpitur ; ita neque per receptionem , neque per amissionem formæ accidentalis alteratur .

Dices : materia prima aliter se habet intrinsecè cum calore , àiiter sine calore : (alt erari autem nihil aliud est , quam aliter se habere secundum accidens ; ergo materia prima per calorem , & carentiam caloris alteratur .

Resp. posse esse hic quæstionem de re , vel de voce : Si alterari nihil aliud est , quam aliter se habere , materia prima alteratur : sed tunc falsum est omnem alterationem esse dispositionem ad corruptionem . Alterari autem apud Physicos idem est , ac dispositi-  
uè corrumpi ; vnde promiscue dicuntur , qualitates alteratiuæ , & corruptiuæ . Hinc aiunt aërem per lucem , aut privationem lucis non alterari , quamvis certum sit per lucem , &c.

privationē ipsius aliter & aliter se habere. Retinēdo igitur verū conceptū alterationis: nega materiam alterari, recedendo à vero conceptu, concede alterari materiam, sed nega: propterea pōsse corrumpi, quia tunc falsum est alterationem esse viam ad corruptionem.

Instabis: materia prima est subiectum qualitatum corruptivarum: ergo materia prima est corruptibilis.

Resp. conc. ant. neg. conseq. Qualitates corruptivæ, quæ in materia recipiuntur non sunt corruptivæ materiæ, sed totius. Quemadmodum enim calor in materia receptus non inducit materiam in materiam, sed formam in materiam; ita nec expellit materiam à materia, sed formam à materia. Porro eodem iure, quo qualitates huiusmodi dicuntur corruptivæ, dici possunt & generativæ, quia corruptio unius est generatio alterius. Corruptivæ autem dicuntur eadem, quæ contrariæ; non corruptivæ autem, sed pure perfectivæ, quæ contrario carent. Primi generis sunt calor, frigus, & aliæ huiusmodi: secundi lux, & si qua est alia, quæ contrario careat, de quibus alibi.



## QVAESTIO II.

*An, & quomodo materia sit pura potentia.*

## ARTICVLVS I.

*Statuitur vera sententia.*

**N**ihil frequentius auditur in Scholis Physicæ, quàm quod materia prima sit pura potentia. Quod ut intelligas sciendum est tripliciter accipi posse hoc nomen *Potentia*. Primò pro potentia actiua; & hoc modo datur in igne potentia ad calefaciendum; siue huiusmodi potentia sit ipsamet substantia ignis, siue aliquid superadditum substantiæ ignis: vtrumlibet enim dicas, semper verum est; ignis potest calefacere. Secundò pro potentia passiva; & hoc modo datur in aqua potentia recipiendi caloris. Quemadmodum enim ignis potest calefacere, aqua potest caleferi. Tertiò pro potentia obiectiua, siue logica; & hæc nihil aliud est, quam non repugnantia ad esse, siue est ipsamet possibilitas rei, quæ dicitur esse in potentia. Ità Mundus antequam esset, erat potentia, & quia esse potentia nihil aliud est, quam esse possibilem, possibilitas autem ipsius nihil aliud est, quam ipse; propterea antequam esset, erat sui ipsius potentia: quia verò non erat simpliciter, sed solum in esse obiecti: ideo po-

potentia huiusmodi dicitur obiectiua. Et quia esse obiectū est esse id, de quo dici aliquid potest, ideo esse obiectiue, & esse logice, sunt vnum, & idem.

Materiam primam non esse puram potentiam in hac tertia acceptione, est extrā controuersiam. Non enim controuertitur, an materia prima sit pure possibilis, cum impossibile sit existere corpus naturale, quin existat id, ex quo est ipsum; hoc autem est materia prima. Rursus neque quæritur, an materia prima sit potentia secundum primam acceptionem, hoc est, an materia prima agere possit. Sensus igitur Questionis est, an materia prima sit pura potentia passiva. Vbi aduerte non disputari, an materia prima sit potentia, sed an sit pura potentia. Ratio est, quia cum potentia, & actus oppositionem dicant: si materia prima sit pura potentia, videtur excludere à se omnem identitatem cum quolibet actu: seu: si sit pura potentia, videtur eo ipso non esse vllus actus.

Ad resolutionem questionis propositæ duplex genus actuum considerari potest. Aliter enim actus est actus physicus, determinatus ex se & determinans id, cuius est actus ad aliquam speciem ~~re~~is physici: seu ad aliquam speciem substantiæ; & huiusmodi actus dicitur forma totius, cuius est actus *alter* metaphysicus seu entitarius, estq. entitas ipsa, siue ipsa essentia rei, cuius dicitur actus: siue: est ipsa met realitas, qua res dicitur esse id quod est. His positis, ponitur.

Prima Conclusio. Materia prima est ita pura potentia, vt secundum se non sit actus phy-

physicus. Probatut conclusio ex dictis. Materia enim non est secundum se, neque quid, neque, &c. Vno verbo materia per se ipsam non est vlla substantia simpliciter, & absolute; quamuis sit pars cuiuslibet substantiæ seu cuiuslibet corporis naturalis.

Secunda Conclusio: Materia prima non est ita puta potentia, vt non sit suus actus metaphysicus, seu entitativus. Hoc quod dicimus, & proprie dicimus: materia est suus actus entitativus: dicunt communiter alij: materia habet proprium actum metaphysicum, & entitativum: vbi ly *habet* sumitur intransitive cum idem sit id quod habet, & id, quod habetur. Probatur conclusio, quia materia per se ipsam est aliquid, & aliqua realitas, cum sit pars essentialis substantiæ physica, contradistincta ab alia comparte, cū qua facit vnum. Item est id, ex quo inexisteret fit quod libet, quod fit, & in quod vltimū abit quando corrumpitur omne, quod corrumpitur; ergo materia prima per seipsam est suus actus, sua entitas, siue materia prima per se ipsam formaliter est id quod est. Quamuis enim à forma habeat constituere hanc potius quam illam substantiam; habet tamen per seipsam esse id, siue illud aliquid, ex quo & qualibet forma, fieri potest qualibet substantia.

## ARTICVLVS II.

*Satisfit obiectionibus.*

○ Bije. primò. Ex Philosopho primò de Generat. textu 12. materia non est hoc



hoc & ens, ergo materia prima secundum se non habet actum entitativum. Probatur consequentia, quia quod habet actum etiam entitativum est hoc & ens. Hoc Aristotelis dictum explicat contra actum materiæ Ruuius sic. Nullus actus entitativus est actus ut sic, sed est aliquis actus in particulari: sed materia prima non potest esse ullus actus in particulari: ergo materia prima non potest esse sibi suus actus entitativus. Maior est manifesta ex ijs, quæ diximus in Logica agentes de vniuersalibus. Diximus autem omne, quod est, esse aliquid singulare; & à parte rei præter singularia nihil existere. Puta non existit homo ut sic, Leo ut sic: sed hic & ille homo: hic & ille Leo: igitur non est à parte rei actus ut sic, sed hic & ille actus: minor autem probatur, quia quod est potentia ad omnem, & quemlibet actum, non est secundum se hic, nec ille actus: sed materia prima est potentia ad &c. ergo materia prima non est secundum se hic, neq. ille, neque ullus actus.

Resp. per *hoc & ens* ibi nominatim intelligi à Philosopho substantiam simpliciter; adeoq. conc. ant. nega conf. & probationem eiusdem. Ad explicationem Ruuij conc. mai. eiusq. probatione nega min. Ad probationem minoris dic materiam primam esse potentiam ad quemlibet actum physicum: non autem ad ullum actum entitativum: est in potentia ad quemlibet actum physicum, quia per quemlibet actum huiusmodi est complebilis. & determinabilis ad quamlibet speciem substantiæ: non est autem potentia ad ullum actum entitativum seu Metaphy-

taphysicum, quia seipsa formaliter est id quod est, & hæc potius quam illa entitas, sustinens hanc potius quam illam definitionem, ut constat ex dictis.

Obije. secundo materia prima est pura potentia, ergo nullum omnino habet actum. Conseq. probatur, quia pura potentia perfecte opponitur puro actui: sed purus actus nullam omnino potentialitatem habet, ergo pura potentia nullum omnino habet actum.

Resp. conc. ant. neg. conf. Immo ex antecedenti recte inferes oppositam consequentiam. Agimus enim hic non de potentia Logica, siue obiectiua, siue metaphysica; sed de potentia physica, & quidem passiva. Esse autem realiter puram potentiam passivam convenit materiæ per identitatem, sicut convenit homini esse animal rationale: esse autem potentiam huiusmodi realiter & physice est esse realiter & physice aliquid: constat hoc evidenter ex dictis, nam substantia physica non habetur adæquate per solâ formam, includit igitur, ut alterum sui constitutum, materiam primam, quæ quamvis non sit adæquata entitas substantiæ physicæ; est tamen entitas sui ipsius. Ad probationem nega mai. Pura potentia, ut accipitur ab adversario, puta pro carentia omnis omnino perfectionis non est aliquid, quod possit vere & proprie esse. Omne enim quod est eo ipso aliquid est, adeoque aliqua perfectio est. Qui autem comparat purâ potentiam, quæ dicitur de materia, cum puro actu, qui dicitur de Deo, hallucinatur in hac voce *pura potentia*. Dicitur Deus esse purus actus, quia implicat in Deo potentialitas ad ullam

vllam perfectionem: cum actu sit omnis omnino perfectio : vt daretur pura potentia diametraliter opposita puro actui, deberet dari aliquid, quod secundum se nulla esset perfectio, esset autem capax huius, vel illius perfectionis: hoc autem ex duplici capite, præter cætera, manifestam inuoluit repugnantiam. Primo quidem, quia repugnat in terminis existere aliquid vere, & physice, quod non sit vlla res: siue existere aliquid, quod nihil sit, eo ipso autem quod *A* est aliquid, est aliqua perfectio: cum ens, & perfectio dicantur ad conuertentiam. Secundo quia etiam si dones Aduersario existere id, quod dicit nullam esse perfectionem; sibi ipse contradicit, dum dicit id esse capax huius, vel illius perfectionis: hæc enim ipsa capacitas est aliqua perfectio, cum sit aliquod bonum: bonum enim est esse aptum bono recipiendo.

Quemadmodum Aduersarij ex hoc, quod detur purus actus inferunt dari puram potentiam, ita alij ex hoc, quod detur purum bonum inferunt dari purum malum. Vtrique male; propter eandem rationem. Implicat enim aliquid esse, & non esse aliquod bonum: non autem implicat aliquid esse, & non esse aliquod malum: imo necessarium est, vt ostendatur in loco, aliquod bonum existere, quod sit solum, & pure bonum. Ratio à priori, & altissima est, quia eo ipso quod aliquid est, ex Deo est: non autem ex eo quod aliquid est, ex nihilo est. Per hoc quod creatura quælibet ex Deo est, bona est; per hoc quod ex nihilo est, deficit à bono; non ramen mala est: non enim dicitur malum quid, per hoc, quod

quod careat ulteriori bono; sed per hoc, quod careat bono sibi debito: nulli autem creaturæ deest bonum ipsi debitum, nisi ipsa sponte deficiat à bono, quod ideo ipsi debetur, quia tenetur illud velle, & volenti datur. Pura homo per culpam fit malus, quia caret adhæsiōe ad summum bonum, quæ adhæsiō in tantum est illi debita, quia tenetur illam velle per gratiam, quæ illi datur ut velit, & volenti hoc pacto, non negatur quod vult. Carentia ulteriori boni, si sit debitum, facit malum: si non sit debitum, sed tantum possibile, facit imperfectum. In Deo autem non reperitur esse ex nihilo, & consequenter non reperitur unde deficiat à bono: immo esse ens à se ita est proprium Dei, ut differentiā, per quam contrahitur ratio entis ad rationem diuinā, communiter constituent in aseitāte.

Denique quemadmodum pura potentia, ex hoc ipso, quod sit aliquid, ostenditur esse aliquod bonum: & ex hoc ipso quod sit potentia ad formam; & quidem ad omnem formam, ostenditur esse hoc speciale bonum. Quod probat Augustinus libro de natura boni cap 8. Ita etiam probatur quod sit aliquis actus. Eo ipso enim quod aliquid est, & aliquod bonū est; est participatio primi entis, & primi boni: idem autem est primum ens, & primum bonum, ac purus actus: & consequenter participatio primi boni est participatio primi actus. omnis autem participatio primi actus est aliquis actus, sicut omnis participatio primi boni est aliquod bonum. Vbi aduerte istos terminos: *ens perfectio, bonum actus* & si qui sunt alij hu-  
ius-

iussimodi, esse omnes æqualiter transcendentales.

Obije. tertio materia prima dicitur medium inter ens & nihil: ergo materia prima non est ens: implicat enim medium inter album & nigrum, esse album.

Resp. etiam implicare quod medium inter album & nigrum sit nigrum; ergo implicat quod materia prima, quæ est medium inter ens & nihil, sit nihil; tam enim vnum quam alterum extremum non est medium. Dicitur ergo materia prima medium inter nihil & ens, quia mediat inter nihil, & substantiam simpliciter. hoc est quia neque est nihil, neque substantia. Quando negamus substantiam de materia semper intellige substantiam completam, quæ sola hic dicitur substantia simpliciter.

Obije quarto Si materia prima haberet proprium actum entitativum haberet propriam existentiam. Consequens est falsum; ergo & antecedens. Minor est communis sententia Thomistarum. Sequela maioris probatur, quia eo ipso quod est aliquis actus, est aliqua existentia: idem enim & vnum sunt: *actus & existentia*. Porro si est actus, sunt in composito duo actus, argumenta enim, quæ probant materiam esse aliquem actum, probant à fortiori formam esse aliquem actum: cum igitur in composito sint & materia, & forma, erunt in composito duo actus. Ex quibus sic argues: sunt in compositio duo actus; actus & existentia sunt vnum & idem; ergo sunt in composito duæ existentie. Preterea: sunt in composito duo actus, ergo compositum non est ex potentia & actu, sed ex actu

actu & actu. Hæc & similia cogitant, & loquuntur qui sententiam Philosophi nec bene cogitant, nec bene loquuntur.

Resp. hoc argumentum esse segetem magnarum discordiarum, & occasionem præbere quaestioni, quam alij putant differendam in finem Metaphysicæ; nos hic tractandam putamus. Videlicet: an in rebus creatis essentia & existentia distinguantur realiter. Hic tamen supposita tibi distinctione sic aliqui respondent. Si materia prima haberet propriū actū entitativum haberet propriā existentia: nego sequelam maiorem, &c. ad probationem negant omnem actum esse aliquam existentiam. Aliud enim est, inquit, actus, siue actualitas essentiae: aliud actus, siue actualitas existentiae. Per actualitatem essentiae materia prima est actualis potentia ad formam, & existentiam formæ; adeoque ad existentiam sui ipsius, cum existat per existentiam formæ. Hæc distinctione supposita inter actualitatem essentiae, & actualitatem existentiae: facile est dicere compositum componi ex actu & actu, sed ex actu secundum quid, & ex actu simpliciter; seu ex actu entitativo, & actu existentiali: actus autem entitativus se habet ut potentia ad actum existentialem. Hinc patet non esse duas existentias, quamvis sint aliququaliter duo actus. Falsum enim est omnem actum esse aliquam existentiam. Hæc tamen responsiones non subsistunt, ut ex sequentibus patebit.

## QVÆSTIO III.

*An in rebus creatis essentia realiter distinguatur ab existentia.*

## ARTICVLVS I.

*Prænotantur aliqua.*

**N**Omne distinctionis realis intelligimus hic tam distinctionem, quæ est inter rem & rem, quam distinctionem, quæ est inter rem, & modum rei. Distinctio, quæ est inter materiam & formam, est distinctio inter rem & rem. Distinctio, quæ est inter rem & durationem, vel ubicationem rei, est distinctio inter rem & modum. Differunt istæ duæ distinctiones, ut aiunt, quia per primam habetur mutua separabilitas, per secundam separabilitas quidem, sed non mutua: quamvis enim implicet esse hanc ubicationem sine me, non tamen implicat esse me, sine hac ubicatione. Oportuit hoc præmittere non quod approbem hanc distinctionum distinctionem; sed ut intelligantur Thomistæ, qui quamvis distinctionem physicam inter essentiam & existentiam rerum creatarum fere omnes concedant; non tamen omnes conveniunt in hoc nomine distinctionis realis; dum alij realē, alij modalem appellant. Nos vero nomine distinctionis realis ita utramque accipimus, ut tam modalem, quam aliam repellendam puremus, sine multiplicatione vocabulorū:

dum igitur intelliges repelli realem, scias hoc nomine repelli & modalem. Ad hoc autem ut clare in hac materia procedamus.

Suppono primò eandem rem aliquando existere, & aliquando non existere; siue aliquando esse, & aliquando non esse. Hoc est manifestum. Petrus hodie est, & heri non erat; Paulus heri erat, & hodie non est; adeoque esse & non esse de eodem subiecto verificantur, non quidem simultanee, sed diuinsi seu successiue.

Suppono secundo quod quamuis esse & non esse simpliciter, & sine addito verificentur de eodem subiecto: *Petrus est: Petrus non est*; tamen esse, & non esse cum addito prædicati essentialis nequeunt verificari nec simultanee, nec successiue de eodem. v. g. istæ duæ propositiones: *Petrus est homo: Petrus non est homo*, nec simultanee nec successiue verificantur, sed affirmatiua: *Petrus est homo* est semper, & necessario vera. Ratio est, quia esse simpliciter, est aliquid contingens Petro, & cuilibet alteri creatura, ac esse hominem non est Petro contingens, nec esse equum Bucephalo, neque cuilibet alteri esse id quod est.

Hinc inferes hanc voculam *est* aliter accipi, quando effertur sine addito; aliter quando effertur cum addito prædicati essentialis. Quando effertur simpliciter, & sine addito habet vim verbi, & significat idem ac: *existit*: ita dicere *Petrus est* idem est, ac dicere: *Petrus existit*. Et quia aliquando Petrus existit, aliquando non; ideo hæc propositio: *Petrus est*, aliquando est vera, aliquando falsa. Quando autem effertur cum addito prædica-



ti essentialis dicendo : *Petrus est homo* tunc li est habet vim copulæ, & denotat connexionem inter hoc subiectum *Petrus*, & hoc prædicatum *homo* & quia est talis connexio inter hoc subiectum & hoc prædicatum vt omnino impossibile sit dari hoc subiectum, quin eo ipso detur hoc prædicatum : ideo tales propositiones dicuntur necessitæ: vt dictum est alibi.

Hoc idem aliter explicabis si dixeris huiusmodi propositiones *Petrus est homo* : & : *homo est animal rationale* facere sensum conditionalem, videlicet : Si Petrus est ; homo est : Si homo est ; animal rationale est. Vel : da Petrum, & dabis hominem : da hominem, & dabis animal rationale. Et quia, vt fert Summulistarum proloquium, *conditionalis nihil ponit in esse* prædictæ propositiones nihil ponunt : adeoque differunt essentialiter ab illis, per quas aliquid ponitur in esse : quales sunt hæc : *Petrus est* : *Homo est*, per quas affirmatur, non quid Petrus aut homo sint, sed quod Petrus, aut homo sint : cum igitur hæc : *homo est* aliquid ponat in esse : & hæc alia : *homo est animal rationale* nihil : manifestum est accidere posse vt vna sit vera, altera falsa ; & consequenter à veritate vnius male inferri veritatem alterius, & è conuerso : dicendo : *homo est animal rationale* ; ergo *homo est* : aut : *homo non est* ; ergo *homo non est animal rationale*.

Hinc etiā est quod dicitur prædictas propositiones : *Petrus est homo* : *Homo est animal* & alias huiusmodi præscindere ab omni tēpore, siue in huiusmodi propositionibus

particulam *est* non accipi cum statu, sed an-  
 pliatiue : cum de alijs dicatur particulam  
*est* accipiendam esse cum statu. Atq. ex hoc  
 ipso capite habetur sufficiens disparitas inter  
 utrasque propositiones; & consequenter ratio  
 cur ex ipsis vna possit esse vera, & altera fal-  
 sa. Si enim in hac propositione : *homo est*, *ly*  
*est* accipiatur cum statu: & in hac alia: *homo*  
*est animal* non accipiatur cum statu; si hæc  
 propositio : *homo est* affirmet esse hominem  
 nunc in rerum natura : hæc autem alia : *ho-*  
*mo est animal* non affirmet hoc, sed solum  
 quod quotiescunque datur homo; datur ani-  
 mal : apparet vnde cum veritate vnus stet  
 falsitas alterius : sicut appareret in his dua-  
 bus propositionibus : *Petrus mouetur* & :  
*quotiescunq. Petrus currit, toties mouetur.*  
 Si primam efferas Petro immoto falsum di-  
 cis : secus si secundam. Hæc sunt adeo clara,  
 vt ad intelligentiam sui nihil, præter intel-  
 lectum, requirant.

## A R T I C V L V S II.

### *Statuitur vera Conclusio*

**E**ssentia in rebus creatis est realiter in-  
 distincta ab existentia. Probatur Con-  
 clusio, quia si quælibet essentia : puta, si es-  
 sentia Petri deberet existere per existentiam  
 sibi superadditam, etiam ipsamet existentia  
 Petri deberet existere per aliam existentiam  
 sibi superadditam : consequens, etiam apud  
 aduersarios, est absurdum; ergo & antece-  
 dens. Sequela maioris probatur, quia intā-  
 tum essentia Petri existit per existentiam si-  
 bi

bi superadditam, in quantum essentia Petri est secundum se indifferens ad hoc ut existat, vel non existat: sed ipsamet existentia Petri est indifferens ut existat, vel non existat; ergo ipsa etiam existentia existere debet per existentiam sibi superadditam. Minor probatur, quia si existentia Petri non est indifferens ut sit, vel non sit in rerum natura, sequitur illam vel necessario esse, vel impossibile esse ut ipsa sit; utrumque autem repugnat. Si enim impossibile est ipsam esse, repugnat Petrum existere: si autem necessario est; etiam ipse Petrus necessario est: cum impossibile sit dari in rerum natura existentiam Petri, & Petrum non existere.

Non defuerunt qui inter essentiam & existentiam talem distinctionem concederent ut existentiam sine essentia conseruari non repugnaret: ita ut possit esse vera hæc propositio: *datur nunc existentia Petri* & simul falsa hæc: *nunc existit Petrus*. Sicut v. g. destructa substantia panis in venerabili Sacramento Eucharistiæ verum est: *datur albedo panis*; falsum: *datur panis*. Ita Bannes prima parte Quæst. quarta art. secundo: iuxta quem quamuis essentia conseruari nequeat separatim ab existentia; potest tamen existentia conseruari separatim ab essentia. Huiusmodi tamen sententia communiter rejicitur à Thomistis, qui potius existentiam ponunt pro modo essentiæ, quam essentiam pro modo existentiæ, & in hoc, supposita distinctione, sapiunt; ita ut si alterutra tantum, possit esse separatim ab altera, multo convenientius admittatur de essentia, quam de existentia. Sed quidquid sit an possibile sit

existentiam ab essentia separari, posita inter utramque distinctione, semper valet argumentum adductum pro existentia superaddita existentiae. In quo observa, quod illa altera existentia superaddita existentiae eodem plane argumento probatur indigere alia existentia; & hæc alia, & sic in infinitum.

Respondent igitur satis communiter magnam esse disparitatem inter essentiam, & existentiam, quoad indifferentiam utriusque ad existendum, vel non existendum. Nam essentia, aiunt, existit ut quod; existentia autem existit ut quo: siue: essentia est id, quod existit; existentia autem non est id, quod existit; sed id, quo essentia existit. Hinc, ipsamet essentia existentiae non existit per existentiam sibi superadditam; quamvis essentia simpliciter; puta essentia Petri, vel cuiuslibet alterius huiusmodi existat per existentiam sibi superadditam. Probari simul, & explicari potest hæc responsio inductione, facta per formas innumerabiles, quæ sine ullo Sibi superaddito sustinent denominationem quam tribuunt subiecto, cui seipsas superaddunt.

In compositio physico materia prima est indifferens ut uniatur, vel non uniatur formæ; ob hæc indifferentiam ponunt physici ~~unionem~~ unionem materiæ, & formæ superadditam: ipsa autem unio alia unione non indiget, ut utriusque extremo uniatur: sed se ipsa formaliter unit, & extrema inter se, & se ipsam extremis; adeoque ita est formaliter unio extremorum ut sit etiam unio sui. Petrus est indifferens ut sit, vel non sit in hoc loco; propterea per aliquid sibi superadditum determinatur ut  
fit

fit potius, quam non fit, in hoc loco : hoc superadditum vocant vicationem, quæ dicitur locus intrinsecus rei locatæ. Hæc autem vicatio non indiget alia vicatione, per quam ipsa sit in hoc loco, sed per se ipsam formaliter ponit, & Petrum, & se in hoc loco, & sic de alijs infinitis : ergo à pari, cum essentia Petri sit id, quod existit, essentia autem existentia Petri sit esse id, quo Petrus, siue essentia Petri existit : Petrus debet existere per existentiam sibi superadditam; ipsa autem existentia se ipsa formaliter existit : sicut Petrus ipse vicatione sibi superaddita vibicatur, ipsa autem vicatio se ipsa formaliter vibicatur.

Ratio, inquit, vniuersalissima, & à priori est, quia quotiescunque aliquod subiectum est indifferens vt sit tale, vel non tale, toties per formam sibi superadditam debet determinari ad esse tale, potius quam non tale; forma vero ipsa determinans ad esse tale, potius quam non tale non debet per vltiorem formam determinari. Ita quia Petrus est indifferens vt sit, vel non sit in hoc instanti, per aliquam formam videlicet per durationem sibi superadditam, determinari debet vt sit potius, quam non sit in hoc instanti : at ipsamet duratio quæ est forma determinans, non debet per vltiorem durationem determinari. Et hoc vniuersalissimum est in ijs quæ sunt vltima determinantia ad hos, & illos effectus formales : imo ratio vltimi determinatiui dicit hoc formaliter; videlicet non indigere vltiori determinatiuo.

Hæc Aduersariorum responsio continet optimam doctrinam, sed pessime applicatam.

ad rem presentem. Nam in tantum in formis ultimo determinatiuis ad aliquam denominationem non requiritur vltior forma, per quam eandem denominationem & ipsæ sustineant; inquantum in prædictis formis non reperitur eadem indifferentia, quæ reperitur in subiecto, quod ultimo determinant. V. G. in tantum vnio non vnitur alia vnione, nec vbicatio alia vbicatione vbicatur & sic de cæteris; inquantum nec in vnione datur indifferentia vt vniatur, vel non vniatur huic, & illi extremo; nec in vbicatione indifferentia vt sit, vel non sit in hoc loco, vel potius vt sit, vel non sit hic locus. Cæterum si quemadmodum est indifferens Petrus, esset indifferens vbicatio Petri; eodẽ modo deberet aliquid superaddi vbicationi, sicut aliquid superadditur Petro. Ratio igitur cur huiusmodi formæ non indigeant alijs formis, seu ratio cur sint ultimo determinantes, est, quia ipsæ nõ sunt indifferentes, sed per suam essentiam determinatæ ad hanc, vel illam denominationem, quam sustinent.

Vbi aduerte, quod illa ipsa vbicatio, quæ non est indifferens vt sit hic, vel non sit hic, posito quod sit; vt vbicet vel non vbicet Petrum, posito quod sit: est tamen indifferens vt sit, vel non sit: adeoq. hæc ipsa indifferentia tolli debet per aliquid superadditum per quod formaliter determinetur ad esse potius quam non esse: cum autem neq. ipsa sit hic, neq. ponat Petrum hic, nisi ipsa sit, adhuc verum est quod ad essendum hic, aut vbicandum Petrum hic, indiget aliquo superaddito. Si tamen stent Aduersarij huic principio: *quod est indifferens vt sit vel non*

*non sit non est per se ipsum formaliter* ; eodè modo philosophandum est de existentia Aduersariorum, Existentia Petri non est indifferens vt sit, vel non sit, posito quod sit, neq. vt faciat existere Petrum, aut non faciat, posito quod ipsa sit. Est tamen indifferēs vt sit, vel non sit in rerum natura, vt concedere debet quicumque habet intellectum; implicat igitur quod per se ipsam formaliter sit.

Igitur ad rationem à priori dic, quod quotiescunque forma eandem indifferentiam habet ad aliquam denominationem, quam habet subiectum, toties ipsa etiam eandem indigentiam habet, quam subiectum, alicuius determinatiui. Quamuis igitur concipias existentiam Petri vt formam essentialiter determinatiuam Petri ad esse, ex suppositione quod ipsa sit: tamen quia hoc ipsū quod ipsa sit, est aliquid ipsi contingens debet hoc ipsum illi conuenire per aliquid superadditum, sicut & Petro, vel nec illi, nec Petro.

Dices. Quamuis existentia Petri secundum suum conceptum quidditatum, & essentialem sit simpliciter indifferens vt sit, vel non sit; tamen per hoc ipsum formaliter, quod sit, intelligitur existere: nulla intellecta existentia ipsi superaddita; ergo ad existentiam non requiritur existentia superaddita. Antecedens explicatur. Vbicatio quamuis sit indifferens vt sit, vel non sit, per hoc ipsum formaliter quod sit, ubicat, & intransitiuè se ipsam, & transitiuè subiectum: eodem modo existentia Petri, quamuis secundum suum conceptum quidditatum sit indifferens vt sit, vel non sit, per hoc ipsum tamen forma-

liter quod sit, existentiat & seipsam intran-  
sitiuè, & transitiuè Petrum.

Resp. concedendo totum. Nostrium inten-  
tum non est probare, quod existentia Petri  
debeat existere per existentiam sibi superad-  
ditam: cum hoc ipsum dicamus esse absur-  
dum, sed quod quemadmodum existentia  
sine alia existentia sibi superaddita existit,  
quamuis sit indifferens ut sit, vel non sit: ita  
etiam ipsemet Petrus, siue ipsamet essentia  
Petri, & quælibet alia creatura. Hoc autem  
probamus eodem planè argumento; videli-  
cet quamuis essentia Petri secundum suum  
conceptum quidditativum sit indifferens ut  
sit, vel non sit; tamen per hoc ipsum forma-  
liter quod sit, intelligitur formaliter esse:  
esse autè simpliciter est existere. Si Aduersa-  
rius neget Petrū per hoc formaliter intelligi  
existere, quod intelligatur quod sit, nega-  
bis tu hoc idem de existentia vterque male;  
si hoc concessio dicat vltèrius requiri exi-  
stentiam superadditam pro Petro; dices &  
tu requiri existentiam superadditam ipsimet  
existentiæ. Et vterque hoc etiam male. Ab-  
surdum est enim intelligere in Petro aliam  
indifferentiam ad esse, & non esse, quam quæ  
datur in eiusdem existentia. Si enim putes  
dari in natura essentiam Petri indifferentem  
ad esse, & non esse: sicut datur hic paries  
indifferens ad album, & non album; decipe-  
ris, cum indifferentia quam concedimus es-  
sentiæ sit indifferentia purè logica, quam si-  
mul, & eandem agnoscimus in existentia,  
consistit autem huiusmodi indifferentia, non  
in potentia quadam physica sustinendi alte-  
rurum ex contradictorijs cum constantia.



subiecti denominati: sed in hoc præcisè, quod illud subiectum ita sit in rerum natura, ut possit illud idem non esse, vel ita non sit, ut possit esse.

Dices secundò. Existencia Petri non existit; seu non est in rerum natura; sed est id, quo essentia existit, siue est in rerum natura.

Resp. te ludere in verbis. Nam vel est, vel non est in rerum natura ratio formalis; quæ Petrus existit. Si primum; ergo existencia Petri est in rerum natura, adeoq. existit: si secundum; ergo Petrus vel non est in rerum natura, vel est in rerum natura per rationem formalem essendi, quæ non est in rerum natura. Esse autem formaliter per aliquid, quod non est, est chimericum.

Replicabistis: essentia Petri est ipsūmet posse esse, & nō esse: existencia verò Petri non est ipsummet posse esse, & non esse; sed ipsemet actus essendi. Quod autem est ita indifferens ad esse, & non esse, ut sit ipsummet posse esse, & non esse; debet esse per aliquid superadditum: quod verò est ita indifferens, ut non sit ipsummet posse esse, & non esse, sed ipsemet actus essendi: non indiget alio superaddito ut sit, potius quam non sit: ergo datur ratio cur essentia Petri indigeat existencia superaddita, quæ non militat pro existencia superaddita existentia:

Resp. neg. ant. Non aliter essentia Petri est ipsummet posse esse, & non esse, quam existencia ipsa. Hæc est ipsummet posse existentia, illa ipsummet posse essentia: utraque posse esse, & non esse sui: adeoq. eandem omnino indifferenciam habes in existentia, quam habes in essentia. Quidquid sit, au

una se habeat ut quo, altera ut quod: hoc enim nihil facit ad rem, si tam in eo, quod est ut quo, quam in eo, quod est ut quod, eadem indifferentia inueniatur; quam inueniri est evidens.

Explicatur hoc idem ulterius. In ipsamet quidditate existentie Petri intelligis hanc esse actum, siue actualitatem essendi in Petro. Si enim rogeris quid sit existentia Petri, aut quid sit existentia Antichristi: rectè respondebis: est actualitas, qua Petrus simpliciter est: est actualitas, qua Antichristus simpliciter est: & tamen cum toto hoc conceptu quidditativo remanet indifferentia ut sit simpliciter, vel non sit: ergo remanet tota ratio, cur debeat illi superaddi existentia. Esse ut quo non facit, ut necessario sit, sed solum ut quando est, sit id, quo aliud est: quod autem quando est, sit id, quod aliud est: non tollit quin sit indifferens ut sit, vel non sit; adeoque quin aliquando sit, aliquando non sit.

Ratio à priori est, quia quemadmodum posse existere est ratio communis omni rei possibili intelligendo nomine rei possibili, & res absolutas, & modos rerum, & quodlibet non chimericum: ita esse indifferens ad existendum, & non existendum, est ratio communis ad omnia contingentia, siue sint entia absoluta, siue modalia. Cum igitur ipsamet existentia sit aliquid possibile, necessario conuenit illi posse existere; & cum sit aliquid contingens; conuenit illi esse indifferens ad existendum, & non existendum: & consequenter tam in ipsa, quam in qualibet alia re; vel nec in ipsa, nec in vlla alia re  
de-

debet huiusmodi indifferentia tolli per rationem formalem essendi superadditam.

## ARTICVLVS III.

*Probatur vltèrius eadem conclusio Aduersariorum obiectionibus.*

**O** Bije. I. Quæcumq. sustinent prædicata contradictoria distinguuntur: sed essentia, & existentia sustinent prædicata contradictoria, ergo essentia, & existentia distinguuntur. Maior est euidens. Minor probatur asserendo diluuium contradictoriorum cõuenientiũ essentia, & existẽtia, puta essentia Petri, est æterna, existẽtia non est æterna. Essentia Petri est necessaria, existẽtia Petri nõ est necessaria. Existentia Petri est libera Deo: essentia Petri non est libera Deo. Existentia Petri est contingens; essentia Petri non est contingens: & alia huiusmodi, quibus non vacat hic inundare vestros quaterniones. Probantur autem hæc contradictoria, tum ex dictis in Logica, vbi de obiecto scientiarum, tum ex innumerabilibus locis Philosophi, in quibus circa essentias rerum dari scientiam dicit, quia sunt necessaria; circa existentiam autem non dari, quia est contingens. Tum etiam, quia euidens est esse liberum Deo, quod Petrus sit, vel non sit, non autem quod Petrus sit homo, vel non sit homo; quod sit homo est essentia quod sit, est existentia; ergo libera est Deo existentia Petri; non autem essentia. Propter huiusmodi argumenta, sunt qui recedant à vero.

Respo. primò eorum hoc argumentum si-

cut & cætera quæ fient, euidentissimè retorqueri contra essentiam, & existentiam ipsiusmet existentia. Nam essentia existentia est æterna; non autem existentia, & sic de cæteris. Quod existentia Antichristi sit actualitas Antichristi non est liberum Deo, quod existentia Antichristi sit, vel non sit, est liberum Deo: quod sit, est existentia; quod sit actualitas, est essentia, ergo existentia secundum sui essentiam non est libera: secundum sui existentiam est libera. Neq. enim putandū est essentiam existentia Petri esse ipsummet Petrum: quod si aliquis diceret, eo ipso diceret Petrum existere formaliter per suam essentiam: adeoq. Aduersarijs contradiceret. Patet hoc ex terminis, nam essentia Petri est essentia existentia Petri: essentia existentia Petri est existentia Petri; ergo essentia Petri est existentia Petri. Minor si falsa est, in existentia distinguitur essentia ab existentia: si vera est, simul cum maiori concludit. Petrum existere formaliter per suam essentiam: utrumque apud Aduersarios est absurdum.

Resp. igitur conc. mai. neg. min. Ad probationem dic totum illud diluuium contradictoriū, nè guttulam quidem probationis habere contra nostram sententiam. Tota æquiuocatio consistit in mala intelligentia illius necessitatis, æternitatis, & aliorum huiusmodi, quæ tribuuntur essentia. Itaque respondere poteris negando essentiam Petri esse æternam; esse necessariam, non esse liberam Deo: non esse contingentem. Essentia Petri non est æterna, sed in tempore: non est necessaria, sed contingens: eadem planè con-

tingentia, qua contingens est existentia: vice versa existentia Petri est æterna, est necessaria, ea æternitate, & necessarierate, qua æterna est, & necessaria essentia: æternitate videlicet, & necessarierate purè logica. Posses etiam distinguere: essentia est æterna, existentia non est æterna eodem genere æternitatis: nego; diuerso genere æternitatis: concedo. Quis autem probet inde distinctionem inter essentiam, & existentiam. Quod dico de æternitate, dic de quolibet alio prædicato, quod dicatur ab Aduersarijs de essentia: negetur autem de existentia. Quod Petrus fit homo est essentia Petri in esse logico, & obiectiuo: & hoc idem est existentia Petri in esse logico, & obiectiuo; quod Petrus fit, est existentia Petri in esse physicè; & hoc ipsum est essentia Petri in esse physicè: adeoque vt vides, essentia Petri est omninò idè, ac existentia: essentia possibilis, existentia possibilis: essentia actualis, existentia actualis: essentia præscindens à possibili, & actuali, existentia præscindens à possibili, & actuali. Quæ omnia patebunt clarius ex dicendis..

Obijc. secundo. Quæ sunt à se inuicem separabilia sunt à se inuicem distincta; essentia, & existentia Petri sunt à se inuicem separabiles: ergo à se inuicem distinctæ. Maior est primum principium; nihil enim à se ipso separabile est. Minor verò probatur, quia destructa existentia Petri remanet Petri essentia. Adhuc enim Petro non existente, verum est: *Petrus est homo*: quæ propositio verificatur per essentiam Petri; & consequenter remanet essentia Petri, cum nequeat

queat verificare propositionem, nisi ipsa sic. Præterea essentia Petri est esse hominem. Essentia hominis est esse animal rationale: sed adhuc destructo Petro datur Petrum esse hominem; & destructo homine datur hominem esse animal rationale: ergo adhuc ablata existentia, & à Petro, & ab homine, remanet essentia Petri, & essentia hominis: adeoque in Petro, & in homine; & consequenter in qualibet creatura essentia, & existentia sunt inter se separabiles: quod erat demonstrandum.

Resp. primò totū hoc de more retorqueri contra Aduersarios, circa essentiam, & existentiam ipsius met existentia. Nam etiam nunc de non existente existentia Antichristi verum est, quod sit actualitas Antichristi, ex quo emanant argumenta contra ipsam, quæ contra nos fiunt.

Resp. secundo conc. mai. neg. min. ad probationem nega, quod destructa existentia maneat essentia. Ad cuius probationem dictum est in Logica, ubi ostensum est ad veritatem harum propositionum. *Petrus est homo: homo est animal rationale*, non requiri, ut quidquam existat. Ad illud: non existente Petro datur Petrum esse hominem, habes ex dictis quod respondeas: datur logicè: concedo: physicè: nego. *Ly Datur* non aliud sonat, quam: *Verum est*. Est autem verum per ipsummet obiectum, quod attingitur: quod est sibi necessitas essendi id quod est, adeoq. verificationum. propositionis, qua dicitur esse necessario id quod est, ubi nota discrimen inter necessitatem essendi, & necessitatem assendi id, quod est.

Primà est solius Dei: secunda est cuiuslibet.

Resp. tertio distin. mai. quæ sunt separabilia physicè, sunt distincta: concedo: quæ sunt separabilia logicè: nego: & eodem modo dist. min. nega conf. Idem à se ipso logice separari nihil aliud est, quam idem modo hanc, modo oppositam prædicationem sustinere: hoc autem vni eidemq. rei convenire, patet ex dictis, & ab Aduersario ipso debet concedi. Nam illa ipsa essentia Petri, aliquando sustinet, aliquando non, existentiam, per quam est: esse autem subiectum huius existentiae, est aliquod prædicatum, quod sustinet per seipsam formaliter: non autem per aliquid superadditum: & tamen hoc ipsum prædicatum aliquando sustinet, aliquando non.

Obijc. tertio. Potens videre, & non videre, non est sua visio. Potens sedere, & non sedere, non est sua sessio: ergo potens esse, & non esse, non est suum esse: sed essentia est potens esse, & non esse: esse verò est existentia; ergo essentia non est existentia. Antecedens, quamvis sit euidens, longa inductione, & ratiocinatione probatur ab Aduersarijs, putantibus bonam esse consequentiã, quam propterea non probant.

Resp. conc. ant. dist. conf. non est suum esse physice quando est physice: nego; non est suum esse physice; quando est solum logice: conc. conf. Posses etiam sine vlla distinctione concessio antecedenti; negare consequentiam. Ad hoc, vt omnimoda identitas detur inter essentiam, & existentiam; oportet vt essentia quando non est, non sit simpliciter existentia, & per hoc formaliter



existentia non sit, quod essentia non sit. Et ut quando, est formaliter essentia & realiter, sit formaliter, & realiter existentia; & existentia formaliter sit per hoc, quod essentia sit. Igitur essentia possibilis est existentia possibilis. Essentia actualis est existentia actualis; essentia futura est existentia futura: & quia alibi actum est de impossibili, hoc etiam adde: essentia impossibilis est existentia impossibilis: ita ut recte definiatur impossibile: *id cui in se hoc est quidditativum, & per identitatem repugnat existere.*

Potens videre, & non videre non est sua visio, quia potentia visiva physice præsupponitur actui videndi. Idem dic de alijs potentijs, quas armant aduersum nos Aduersarij. Potentia vero essendi, vel non essendi non præsupponitur physice ad esse, & non esse. Hinc est, quod per hoc formaliter, quod intelligas poni potentiam videndi, non intelligis formaliter poni visionem. Per hoc autem, quod siue essentiam, siue quidlibet excogitabile, intelligas poni in rerum natura, per hoc ipsum formaliter intelligis poni aliquod esse. Mirum est hoc negari ab ijs, qui per Deum, & diuinam essentiam de omnibus philosophantur, hoc est qui inuerso modo philosophantur. Id enim, quod sustinet existentiam, seipso est aliquid; neque enim illa existentia in nihilo recipitur, quando in essentia recipitur. Si autem est aliquid, est aliqua participatio primi actus. Nomine primi actus intellige primum ens, hoc est Deum: si autem est aliqua participatio primi actus; manifestum est esse aliquem actum. Hinc falsum est existentiam superuenientem essen-



tiæ nō superuenire vlli actui; adeoq. dispari-  
tas, quā assignāt Aduersarij inter potentiā vi-  
dendi, & potentiā essendi, ad repellendā dis-  
paritatem, quam attulimus, nihil facit ad rē.

Solent enim dicere potentiā videndi  
physice præsупponi ad actum, quia actus vi-  
dendi non est primus actus, sed secundus: po-  
tentiā autem essendi non præsупponi phy-  
sice ad actum essendi, quia esse, est primus  
actus, cui propterea nullus alius actus præs-  
supponitur. Verum est visioni præsупponi  
actum potentiæ, seu actum, quo potentia est,  
qui dicitur actus potentiæ non transitivè, sed  
intransitivè. potentiæ vero essendi, siue po-  
tius actui essendi non præsупponi actum po-  
tentiæ, seu actum, quo sit ipsa potentia es-  
sendi. Sed hoc facit pro nobis aientibus ip-  
sammet potentiā essendi, quando est, esse  
formaliter per seipsam, quando non est, for-  
maliter non esse per defectum, seu negatio-  
nem sui ipsius.

Illa igitur eadem res, quæ considerata se-  
cundum sua prædicata quidditatiua non ne-  
cessitat intellectum ad dicendum quod sit,  
neque ad dicendum quod non sit, dicitur esse  
intrinsece indifferens ad esse, & non esse;  
quia illa eadem ita non est, quando non est,  
vt possit esse; & ita est, quando est, vt possit  
non esse. Per hoc autem præcise, quod intel-  
ligas in rerum natura id, cui Aduersarius  
imaginatur superuenire existentiam; intelli-  
gis rem non amplius in pura ratione obiecti,  
sed vere & proprie in ratione existentis;  
punctum igitur difficultatis non est, an essen-  
tia rei creatæ ita per seipsam sit, vt quemad-  
modum semper essentia est essentia; ita etiam  
essentia

essentia semper sit. Hoc enim de contingentibus est falsum: sed an quando illa eadem essentia, quæ simpliciter non erat, ponitur simpliciter in rerum natura, necessario ponatur, & sit formaliter per aliquid, quod non sit ipsa. Dicimus esse formaliter per seipsam. Obiter nota totam obiectionem, & quidquid aliud dictum est occasione obiectionis, valere pro essentia, & existentia, ipsiusmet existentia.

Obije, quartò. Contingit cuilibet creaturæ esse quando est, nulli creaturæ contingit esse id, quod est; ergo nulli creaturæ est idem esse, & esse id quod est. Esse est existentia; esse id quod est, est essentia; ergo nulli creaturæ est idem essentia, & existentia.

Resp. idem dici contra existentiam ipsam, ut patet. Cuilibet existentia creatæ contingit esse, quando est; nulli existentie creatæ contingit esse id quod est, ergo nulli existentie creatæ est idem esse, & esse id, quod est; secundum est essentia, primum est existentia; ergo nulli existentie creatæ idem est essentia, & existentia. Immo hoc idem valet pro toto complexo ex essentia, & existentia. Hoc enim si consideretur in esse obiecti, non est Chimæra, sed aliquod obiectum reale. Non tamen est aliquod obiectum, quod necessario sit in rerum natura, sed indifferens ut sit, vel non sit; adeoque cui contingat esse, quando est; non esse, quando non est. In hoc complexo videbis necessarium esse essentia hoc prædicatum, quod sit actuabilis ab hac existentia: & huic existentia necessarium hoc aliud: quod sit actuatiua huius essentia: totum autem, quod sit aliquid constans ex actuabili, & actuante. Quod totum, cum totum sit in  
esse

esse obiecti quin sit in esse rei, siue cum sit ens nominaliter, quin sit ens participialiter; oportet vt per aliquid sibi superadditum ab vno statu transeat ad alium, hoc est ex non existente fiat existens.

In forma igitur ad argumentum distingue: omni creaturæ contingit esse, quando est, &c. contingit intransitiue: concede; contingit transitiue: nega. Contingit intransitiue, quoniam ipsa creatura est contingens; non autem transitiue, quoniam vt ipsa sit, non est necesse, vt ipsi aliquid adueniat supra ipsam. Adeoque idem est essentie superuenire intransitiue existentiam, ac ipsam rem superuenire naturæ; superuenit autem naturæ, & quidem transitiue, quia de nouo ponitur in natura. Hæc autem superuenientia importatur per particulam *est* positam in vi verbi secus per eandem particulam, positam in vi copulæ, sicut poni solet in propositionibus definitiuis.

Dices: de conceptu quidditatiuo cuiuslibet essentie creatæ est indifferentia ad esse, & non esse: de conceptu quidditatiuo existentie non est huiusmodi indifferentia; ergo essentia, & existentia distinguuntur. Probat, quia de conceptu quidditatiuo existentie est esse ipsum met actum essendi; ergo non est de conceptu quidditatiuo ipsius indifferentia ad esse, & non esse.

Resp. neg. ant. tam enim est de conceptu quidditatiuo existentie, quam de conceptu quidditatiuo essentie prædicta indifferentia, vt satis apparet ex dictis. Ad probationem conc. ant. nego conf. Esse quidditatiue actū essendi non est necessario esse: sicut esse v-  
nionem

nionem non est necessario vnire: sed est esse actu actum essendi, quando est: esse actu rationem vnientem quando est; hoc autem non dicit neque hanc esse semper in exercitio vniendi, neque illum esse semper in exercitio actuandi. Vbi aduerte hanc vocem *existentia: actus*, & alias huiusmodi aliquando ita accipi, vt importent exercitium sui; & faciunt propositiones contingentes; aliquando vero ita vt non importent exercitium, sed aptitudinem ad exercitium, & hoc modo faciunt propositiones eterne veritatis. Hinc est quod aiunt voculam *est* in definitionibus non importare actum, sed aptitudinem.

Obije. quintò. Hæc propositio: *Antichristus est homo* est necessario vera: hæc alia: *Antichristus est*, non est necessario vera; imo est falsa; ergo aliud prædicatur in prima, aliud in secunda in prima prædicatur essentia, in secunda existentia; ergo aliud est essentia, aliud existentia.

Resp. conc. ant. neg. conseq. Non aliud prædicatur in vna; aliud in altera; sed idem aliter in vna, aliter in altera prædicatur: in prima ita prædicatur hoc de illo, vt neque hoc ponatur in natura, neque illud: in secunda ponitur in natura hoc, & consequenter illud, quandoquidè hoc & illud sunt idem. Quemadmodum igitur ex hoc, quod subiectum talis propositionis sit hoc & illud, male inferes subiectum esse; ita etiam ex hoc, quod per vnâ, & alteram prædicationem idem attingatur, male inferes vtramque esse veram, si alterutra: cum per vnâ dicatur de subiecto quod sit, per alteram, non quod sit;

fit; sed quod sit hoc, & illud. Recte etiam dices per primam non affirmari subiectum, sed affirmari aliquid de subiecto. Per secundam autem nihil affirmari de subiecto, sed affirmari subiectum. Prima ponit prædicatum in subiecto secundum esse obiecti: secunda ponit subiectum in natura secundum esse simpliciter.

## ARTICVLVS IV.

*Satisfit alijs obiectionibus.*

**A**lia afferuntur petita ex authoritate; tum sacra, tum prophana. Primum est id, quod Deus de seipso dicit. *Ego sum qui sum*, cuius sensus est, aiunt, *ego sum meum esse*: si creatura ipsa etiam esset sibi suum esse, Deus non discernetur à creatura per hoc, quod sit suum esse: sed per hoc discernitur; ergo creatura non est suum esse.

Resp. hoc argumentum supponere, quod Israelitæ iam habuerint pro demonstrata; sententiam Aduersariorum: quibus nimirum iam certum erat, se non esse suum esse, Deum autem esse suum esse.

Resp. secundò in hoc confundi Deum cum existentia cuiuslibet rei creatæ, quæ est suum esse. Quod si esse suum esse sit infinita perfectio, etiam minima creatura existit per infinitam perfectionem, cum existat per rationem essendi, quæ sibi est suum esse: neque enim ratio formalis essendi quæ est existentia per aliquid sibi superadditum est in natura. Audi sensum huius dicti, ex sapientibus. Dum Deus sic loquitur: *Ego sum qui sum*

*sum* emphatice loquitur, & plusquam verba sonent. Videlicet, ego sum qui immutabiliter, & necessario sum; non sicut Cælum & terra, & quælibet alia creatura, quæ mutabiliter est, & tamdiu est, quamdiu mihi placet ut sit; nam *sicut amictorium mutabo eos, ego autem idem ipse sum* & *anni mei non deficient*. Vide quam inepte ex eo, quod Deus dixerit: *ego sum qui sum* inferatur: ergo est suum esse: quasi vero nequeat prædicari de subiecto per verbum *sum, es, est* nisi id, quod conuenit subiecto per identitatē: adeoque Aduersarius nequeat dicere de seipso: ego sum Philosophus, nisi Philosophia Aduersario in sit per identitatem.

D. Thomas, Augustinus, & alij huiusmodi, dum explicant hoc dictum: *ego sum qui sum*, ita ut sensus sit: ego sum meum esse; ita explicant, ut in hoc Deus differat à creatura, quod ipse sit sibi omnis perfectio, quæ prædicatur de ipso; quod non conuenit ulli creaturæ: adeoque Deus per identitatem habet omne esse; cum creatura non habeat nisi aliquod, & limitatissimum esse. Deus est bonus, & est sibi sua bonitas, per quam est bonus. Est sapiens, & est sibi sua sapientia per quam est sapiens: est vbique, & est sibi sua vbiquitas. Et sic de cæteris. Homo est bonus, sed non est sibi sua bonitas: est sapiens, sed non est sibi sua sapientia: est in loculo, sed nec est sibi sua ratio essendi in loculo. En verum, & germanum sensum, secundum quem Deus discernitur à quolibet creatura per hoc, quod sit suum esse. Hinc patet ad argumentum in forma. Cone. maior. nega minorem, &c.

Dices †

Dices : sequeretur creaturam essentialiter existere; conf. est falsum; ergo & ant. Sequera probatur, quia creatura existeret per suam essentiam; ergo existeret essentialiter. Minor autem probatur, quia nihil certius est, quam Deum solum essentialiter existere.

Resp. quod Aduersarius deberet in probatione minoris excipere saltem existentiam, quæ, siue per seipsam, siue per essentiam, quam modificat, existat, essentialiter existit; quandoquidem existere essentialiter nihil aliud est, quam existere per essentiam. Hæc igitur propositio : *creatura essentialiter est*, est essentialiter falsa, quia facit sensum creaturam necessario esse : creaturam autem necessario esse est necessario falsum. Quamuis enim creaturam esse. Sit aliquando verum, aliquando falsum : tamen creaturam necessario esse, est semper falsum. Deus dicitur essentialiter esse, seu existere propter duo. Primum est, quia necessario est, & per suam essentiam petit semper esse utpote inuolvens repugnantiam ad non essendum. Secundum est; quia ita per suam essentiam est ut excludat à se non solum omnem causam formalem distinctam à se, per quam sit, sed etiam omnem causam efficientem. Neutrum conuenit creaturæ hæc enim contingenter est; & quauis non indigeat ullo alio in genere causæ formalis, ut existat; indiget tamen alio in genere causæ efficientis. In forma ad argumentum : nega sequelam : ad probationem distingue : existit per suam essentiam, excludendo omne aliud in genere causæ formalis : concede : excludendo omne aliud in omni genere causæ : nega. Existere per suam essentiam

sentiam multipliciter dicitur: in vno sensu nihil dicit, nisi exclusionem existentiae superadditæ rei existenti: & sic quidquid est, siue existit, per suam essentiam est, siue existit. In alio, excludit omnem omnino dependentiam, quoad existendum, à re existente: & in hoc sensu solus Deus per suam essentiam existit.

Authoritati diuinæ subijcitur authoritas Aristotelis 2. poster. dicentis, quod nulli rei esse est substantia, seu essentia: & consequenter, quod nulla res per suam essentiam existit, in genere etiam causæ formalis. Hunc esse sensum Philosophi patet, quia ibi agit de eo, quod ponendum est in definitione cuiuslibet rei: ait autem in nullius rei definitione poni ipsum esse, eo quod nulli rei esse sit substantia, siue essentia: ex quo sic argues. In definitione rei ponitur tota quidditas rei; in definitione rei non ponitur existentia; ergo existentia non est quidditas rei. Ratio à priori est, quia definitio debet semper conuenire rei definitæ: non autem semper conueniret, si poueret existentiam; cum res non semper sit, sed aliquando sit, aliquando non: ita esset inepra hominis definitio. *animal rationale existens*.

Resp. primò hoc idem omnino valere contra existentiam ipsam, quæ aliquando est, aliquando non est. Quemadmodum uocula *est* multipliciter, & æquiuoce sumitur; ita etiam hæc ipsa vox: *existentia* potest æquiuoce accipi. In aliquo sensu non ponitur in definitione *est*, & in aliquo ponitur. Vt ponit in natura rem definitam, non ponitur in definitione: vt significat conuenientiã defini-



definitionis cum definito ponitur, propter rationem, quam adduximus, quia videlicet prædicata definitientia semper conueniunt subiecto, quod definitur; ipsum autem subiectum non semper est. Quando dicit Philosophus ipsum esse non poni in definitione, hoc ipsum intelligit, quod supra diximus nulli rei *ipsum esse* esse necessarium: quod idem est, ac nullam rem (intellige creatam) necessario esse: quamuis quælibet res necessario sit hoc, & illud. Et quia *esse hoc, & illud* non significat exercitium eisendi, quod significatur per *esse* simpliciter, & sine addito: hinc est quod *esse hoc, & illud*, non autem *esse* sine addito ponitur in definitione. In eo ipsum *existere* cum addito sæpe inuenies apud Philosophum definitientem: puta loco particulæ *est* sæpe ponit: *existit* v. g. *homo existit animal rationale*, in qua definitione vix Aduersarius diceret non poni existentiam: cum tamen, si recte loqui volueris, dicere debeas: existentiam rei non poni in definitione rei: quod nihil aliud significat, nisi te dum definis non affirmare, quod res definita sit in rerum natura.

Ad argumentum in forma responde cum distinctione: existentia non ponitur nominaliter in definitione: nega; non ponitur verbaliter: concede: item: nulli rei esse nominaliter est substantia: nega; esse verbaliter: concede. Existentia non ponitur verbaliter, quia non affirmatur per definitionem, quod res sit; ponitur nominaliter sub iisdem nominibus, sub quibus ponitur ipsa essentia, & hoc modo intelligimus poni nominaliter. Quod non ponatur in definitione sub

hoc nomine siue etiam sub hoc conceptu : *existentia* non est quod *existentia*, etiam sub hoc conceptu, non pertineat ad essentiam cuiuslibet rei creatæ : de qualibet enim re, recte prædicaueris quod sit sua *existentia* : sed ideo hoc non ponitur in conceptu definiēte, quia est prædicatum transcendens : prædicata autem transcendentia non ponuntur in definitionibus .

Posses etiam aliter distinguere : in definitione ponitur quidditas rei, præscindendo ab eo, quod sit vel potentia, vel actu : concedo ; ponitur essentia vt actu : nego. Sicut autem ponitur essentia præscindens, ita & *existentia* : non aliter igitur distinguitur essentia ab *existentia*, quam hæc à se ipsa : vtraque enim aliquando est, aliquando non est, & vtraque eadem est, & quando est, & quando non est ; vnde de hac dicere simul *est* & *non est* est impossibile .

Denique authoritati Aristotelis succedit authoritas omnium hominum, aliter loquentium de essentia, aliter de *existentia*. Puta *existentia* est donum Dei ; essentia non est donum Dei. Hinc ago gratias Deo quod *sim* ; non ago gratias quod *sim* animal rationale. Præterea non solum aliud dicitur de essentia, aliud de *existentia* ; sed per propositionem veram *existentia* negatur de essentia : recte enim dicitur : essentia Antichristi non est ; implicat autem, quod idem negetur de seipso .

Resp. diuersæ loquutiones non ostendunt diuersas res : quis enim prohibet ; imo quis non iubet nos de eadem re diuersimode loqui. Roga Aduersarium, & humiliter roga,

an sit iusta hæc propositio: *homo habet animal rationale*. negabit. Roga iterum an iusta sit hæc alia: *homo habet identitatem cum animali rationali*: eadem sapientia, qua negavit primam, dabit, puto, secundâ. Quid autem est in secunda, quod non sit in prima? Tam enim homo est identitas sui cum animali rationali, quam est animal rationale, & quam est homo. Desinat igitur obijcere: recte dicimus: *Petrus habet existentiam*: non recte dicimus: *Petrus habet hominē*: ergo &c.

Ad propositiones suprapositas dic existentiam esse donum Dei, non transitiue, sed intransitiue: vel si vis concede etiam esse donum transitiue, non tibi factum, sed mundo: Deus enim donauit te, non tibi, sed mundo, vnde etiam de filio Dei dicitur: *Puer datus est nobis, & filius natus est nobis*: per quæ explicatur cui, proprie loquendo, donetur à Deo id, quod de nouo ponitur in rerum natura. Gratias autem ago Deo, non quod me mihi transitiue donauit, dum gratias ago quod sim; sed quod intransitiue mihi, transitiue mundo & Reip. Non ago gratias quod sim animal rationale: quia possum esse animal rationale, & simpliciter non esse, adeoque nihil esse. Hæc omnia sub alijs terminis habes alibi explicata.

Ad aliam propositionem: falsum est existentiam negari posse de essentia Falsa enim est hæc propositio: *essentia Antichristi non est existentia Antichristi*. Quando dicitur: *Antichristus non est* non negatur existentia de essentia: sed negatur simpliciter essentia: hoc est tollitur intentionaliter è rerum natura Antichristus.

## ARTICVLVS V.

*Inferuntur aliqua ex dictis.*

**I**Nferes primò suppositionem, quæ ab ali-  
 quibus fit, quod essentia distinguatur ab  
 existentia, esse suppositionem per impossibi-  
 le. Patet hoc ex dictis. Ostensum est enim  
 essentiam & existentiam esse vnum, & idem:  
 idem autem à seipso distingui est impossibi-  
 le. Igitur quando facta tali hypothese quæ-  
 ritur an si ita esset, materia posset existere  
 per existentiam formæ: quaritur an impos-  
 sibili supposito, posset materia recipere exi-  
 stentiam à forma. In hac quæstione vide  
 quid quaratur, & vt hoc videas forma hanc  
 propositionem: *essentia est quid distinctum  
 ab existentia*. In hac propositione subiectum  
 est *essentia*: prædicatum vero: *quid distin-  
 ctum ab existentia*.

Præterea reuoca in mentem, quod dictum  
 est initio huius controuersie circa opinionē  
 Thomistarum: attendendam videlicet esse  
 actualitatem essentie; & actualitatem exi-  
 stentie: per primam essentia est actu essen-  
 tia: per secundam essentia actu est simplici-  
 ter, & sine addito. His positis: vide an hæc  
 propositio videatur repugnans: *quid distin-  
 ctum ab existentia recipit existentiam à se  
 distinctam*. Si videantur ista extrema inter  
 se repugnare: etiam facta tali hypothese re-  
 pugnat essentiam existere per formam sibi  
 superadditam: si secus, non repugnat. Si  
 autem non repugnat; nec repugnabit in præ-  
 dicta hypothese materiam existere per exi-  
 stentiam

stentiam formæ; cum nomine materiæ nihil veniat, nisi essentia materiæ.

Vbi hoc etiam aduertendum est: nos, videlicet, nihil hic attendere, nisi prædicatum hypothesis; hoc est rationem distincti ab existentia, quod vnice attendendum est, vt videatur formalis consequentia vnius ex alio. Dicendum est igitur, quod in prædicta hypothesis non repugnat materiam primam existere per existentiam formæ.

Probatur hæc Conclusio, quia distinctum ab existentia, per quam existat, non repugnat existere per existentiam à se distinctam: ergo facta hypothesis quod materia sit quiddam distinctum ab existentia, per quam existat, non repugnat quod existat per existentiam sibi superadditam, seu à se distinctam. Antecedens est manifestum. Adeo enim non repugnat, vt necessarium sit, si existat, existere per existentiam à se distinctam, quidquid distinctum est ab existentia, per quam existit: cum implicet *A* distingui à *B*, & vicissim *B* non distingui ab *A*. Consequentia autem est evidens. Rursus si non repugnat materiam existere per existentiam à se distinctam, non repugnat existere per existentiam formæ; ergo in prædicta hypothesis non repugnat materiam primam existere per existentiam formæ. Minor subsumpta probatur rogando Aduersarium vt assignet specialem aliquam repugnantiam in materia ad existendum per existentiam formæ, semel admissio quod possit existere per existentiam à se distinctam.

Dices implicat rem existere formaliter per existentiam sui effectus: sed forma, & existentia formæ est effectus materiæ; ergo

implicat quod materia existat per existentiam formæ. Probatur maior, quia omnis causa necessario præexistit suo effectui; ergo nulla causa potest recipere à suo effectu quod existat. Minor autem supponitur hic pro certa ex dictis, & dicendis circa causalitatem materiæ in formam.

Resp. neg. mai. Ad probationem negant. De causa efficiendi verum est, aut saltē pro vero dari potest, quod nequeat existere formaliter per suum effectum, cui necesse est quod ipsa præexistat. De causa vero materiali aliter philosophandum est: materia prima est causa, & formæ, & existentie formæ; sed causa passiva; de cuius conceptu est, non dare, seu recipere: si igitur id, quod recipit sit ipsum mer esse, non est de conceptu ipsius præhabere esse.

Hoc idem argumentum, quod sit contra existentiam formæ; fieri potest contra existentiam quamlibet distinctam à materia, per quam materia simpliciter sit. Nam etiam respectu talis existentie materia esset causa passiva; sed de ratione causæ est, quod præexistat effectui, siue rei cuius est causa; ergo materia prima debet præexistere illi cuiusque existentie, per quam sit.

Dices non esse eandem rationem pro quolibet existentia distincta à materia, ac pro existentia formæ. Formæ enim materiam esse causam passivam iure supponitur: non autem supponitur esse causam passivam cuiusque existentie, per quam formaliter sit.

Resp. quod illi iidem, qui ponunt materiam, & ipsius existentiam inter se distinguunt, ponunt

ponunt materiam pro causa passiva suæ existentiae: aiunt autem esse causam suæ existentiae, non per illam actualitatem, per quam simpliciter sit; sed per illam, per quam actu est id, quod est: siue, dicunt materiam primam per actualitatem essentiae esse causam passiuam actualitatis existentiae. Si autem huiusmodi actualitas sufficit, ut de ipsius potentia educatur existentia, siue actus existentialis; non est cur non sufficiat ad hoc, ut de ipsius potentia educatur ipsa met forma, & existentia formae.

Instabis: est de ratione causae etiam passivae quod sit prior natura respectu rei, cuius est causa: ergo est de ratione materiae quod sit prior natura respectu formae. Sed si est prior natura, praexistit: ergo est de ratione materiae quod praexistat formae.

Resp. Totum hoc valere contra quamlibet existentiam a materia distinctam: cum tamen evidens sit ipsam non debere praexistere omni existentiae. Verum quidem est haec argumenta nobis etiam valde probari; sed quatenus probant impossibilitatem hypothesis, quam supra fecimus. Ceterum retenta hypothesis, quod videlicet detur status ille medius inter possibile, & existens, quam vocant actualitatem essentiae; sicut in 20. reperitur unde patiatur existentiam, sic etiam reperitur unde patiatur formam. & sicut habes prioritatem naturae sufficientem ad unum, habes sufficientem & ad alterum.

Dices iterum: potest supponi existentia distincta à forma & à materia quae recipiatur in ipsa materia, non tamquam in causa, sed tamquam in subiecto: seu quam materia pu-

re recipiat, sed non patiatur. In tali hypothesi esset specialis ratio contra formam, quæ non militaret contra quancunque existentiam. Hoc ut intelligas, suppone rationem subiecti conuenire tam subiecto sustentationis, aut inhæSIONIS, quam subiecto adhæSIONIS. Subiectum sustentationis aut inhæSIONIS vocant, quod respectu rei, quam recipit, exerceat munus causæ passiue: adhæSIONIS vero illud, quod ita rem recipit, ut illam non causet. Primi generis est materia prima respectu formæ sensibilis, cuius propterea dicitur causa materialis. Secundi generis eadem materia respectu actionis, qua creatur; si actio, qua creatur, ab ipsa distinguitur. Materiam primam præsupponi physicè illi formæ, quæ ex ipsa educitur, facile intelligis: præsupponi autem physicè actioni, qua creatur, numquam, nisi male intelliges: hanc tamen actionem in aliquo recipi necesse est: non in Deo creante; igitur in re, quæ creatur: recipiens autem est subiectum recepti; igitur materia erit subiectum actionis creatiue sui. Vides igitur posse aliquam formam recipi in subiecto, absque eo quod illud subiectum sit causa. Illa autem actio creatiua denominat & constituit formaliter materiam creatam.

Porro quemadmodum creatio constituit creatum, subiectum; in quo est, cum tamen non pendeat ab ipso: imo cum subiectum potius ab ipsa dependeat: poterit etiam existentia denominare subiectum existens, etiâ si ab ipso non pendeat; & in ipso recipi, absque eo quod sibi physicè præsupponatur. Ex quo sit posse fieri talem hypothesein, ex qua  
non



non repugnet materiam existere per existentiam à se distinctam; repugnet autem existere per existentiam formæ.

Resp. Hæc omnia esse clarissima, sed non manere in præcisa hypothese, quam supra fecimus. Quod si pro libito fingamus hypothese quameuncq. en tibi hypothesis, in qua non repugnet existere per existentiam formæ; repugnet autem existere per quamlibet aliam existentiam à se distinctam. Non repugnat, & formam, & existentiam formæ fieri independentem à materia: finge igitur ita fieri de facto, & recipi in ipsa: in tali hypothese non habebit rationem causæ passivæ, sed purè rationem subiecti adhesionis: recipietur igitur in tali casu forma, & existentia formæ in materia; sicut actio creativa in re creata. Vice vera finge quamlibet aliam existentiam fieri dependentem à materia, tamquàm à causa passiva: in tali casu repugnabit illam existere per ullam aliam existentiam à se distinctam, quam per existentiam formæ. Ratio est evidens, quia eo ipso, quod exercebit munus causæ passivæ respectu cuiuslibet alterius existentie; erit specialis ratio contra quamlibet aliam existentiam.

Standum est igitur non in hypothese, quam quilibet sibi fingat, sed quam pro vera habet non autem pro impossibili 1). contra quos disputamus. Hypothesis autem est, quod materia non per suam existentiam; sed per suam essentiam sit causa passiva rei, cuius est causa passiva. Hac hypothese retenta; per essentiam æque salvabis causam formæ, & existentie formæ, ac cuiuslibet ulterius existentie. Hanc autem essentiam esse causam suæ exi-

stentiae dicit Thomista per illam actualitatem, quam vocat actualitatem essentiae.

Verum contra hanc actualitatem essentiae eadem omnino argumenta pugnant, quae à Thomista proponuntur contra existentiam identificatam cum essentia, Nam essentia est indifferens ad habendum, vel non habendum huiusmodi actualitatem: igitur hæc actualitas aliquando est, aliquando non est; & consequenter accidit essentiae: si autem accidit essentiae; cum ante ipsam nihil eidem accidat, est primum esse contingens essentiae: primum autem esse contingens, & existentia sunt vnum, & idem. Ex quo conficitur illam ipsam actualitatem essentiae esse formalissime existentiam. Igitur si velit Thomista essentiam per huiusmodi actualitatem esse causam suae existentiae; vult essentiam per suam existentiam esse causam suae existentiae. Ex quibus patet suppositionem prædictam inuoluerè contradictoria.

Confirmatur hoc idem, quia essentia per actualitatem prædictam extrahitur è statu purae possibilis: & consequenter per ipsam formaliter est in rerum natura; esse autem in rerum natura prædictam essentiam, & existere sunt vnum, & idem; & consequenter status ille medius inter esse possibile, & existere est status omnino Chimericus.

Inferes secundo ex ijs, quae dicta sunt, rem possibilem, & rem existentem non esse aliud. & aliud. Idem enim ille, Antichristus qui est possibilis, erit aliquando simpliciter: erit autem efficienter per Deum, & parentes suos formaliter autem per seipsum; ita vt si nihil aliud intelligas in rerum natura de nouo,

præ:

præter illam essentiam, quam vocas Antichristum, intelligas per hoc formaliter existere Antichristum: indifferentia autem, quâ concipis in Antichristo ad existendum, & non existendum; tollitur efficienter per causas productiuas ipsius, formaliter autem per ipsum, qui numquam intelligendus est in natura sine seipso, nec esse in natura per aliquid, quod non sit ipse.

Inferes tertio Argumenta, quæ communiter à Thomistis congeruntur pro distinctione inter essentiam, & existentiam, parum valere. Huiusmodi sunt: Deus solus est ita simplex, ut neque ex genere, & differentia: neque ex essentia, & existentia componatur. Quidquid enim sit an vere Deus careat compositione metaphysica, seu logica ex genere, & differentia, de quo alibi dictum est; non solus non componitur ex essentia, & existentia, cum in nulla creatura hæc à se inuicem distinguantur. Simpliciter Dei explicatâ habes tum in Logica, tum in paraphrasi, quâ fecimus in illud: *Ego sum qui sum* ubi habes omnem perfectionem, quæ de Deo dicitur, Deo competere per identitatem: quod est summæ simplicis. Hinc verius dicis: Deus est misericordia infinita: quam Deus habet misericordiam infinitam: vnde prædictæ perfectiones, iustitia videlicet, misericordia, sapientia, & aliæ huiusmodi sunt in nobis formæ reales, in Deo autem formæ secundum dici: non quod misericordia, & iniustitia diuina non sit quid reale, sed quia realiter non sunt in Deo tamquam in subiecto, cum sint realiter Deus ipse: dicuntur autem formæ secundum dici, quia ex imperfecto

cto nostro modo dicendi importantur quasi formæ.

Inferes ultimò non remanere locum controuerſiæ, an materia prima exiſtat per exiſtentiã propriam, an cõtra per exiſtentiã formæ. Eſt enim ex dictis manifeſta conclusio. Materia prima exiſtit per exiſtentiã propriam, non autem per exiſtentiã formæ. Hæc tamen conclusio defendenda eſt contra Thomiſtas ſolutione argumentorum.

## ARTICVLVS VI.

*Soluuntur argumenta contra ultimam conclusionem.*

**O** Bjce. primo. Si materia prima exiſſeret per propriam exiſtentiã, forma adueniens conſtitueret cum ipſa vnum per accidens: conf. eſt falſum, ergo & ant. Minor eſt indubitata, nam forma ignis, planta, & qualibet alia huiusmodi facit cum materia vnum per ſe, ſiue vnã ſubſtantiã. Sequela autem maioris probatur, quia quidquid aduenit enti in actu, facit cum ipſo vnum per accidens. Puta albedo adueniens Socrati facit vnum per accidens, & ſic de cæteris: ſed ſi materia prima exiſtit per propriam exiſtentiã, forma ipſi adueniens aduenit enti in actu: ergo &c. Minor probatur, quia ens exiſtens, eo ipſo eſt ens in actu: idẽ enim eſt eſſe ſimpliciter, & eſſe actu. Hoc idẽ argumentum alijs terminis proponitur ex duobus entibus in actu non ſit vnum per ſe; ergo ex materia præexiſtente, & forma non ſit vnum per ſe.

Reſp. neg. ſequelam mai. ad probationẽ di-

distinguo ma. quidquid aduenit enti in actu in sensu Philosophi, facit vnum per accidens: concedo; in alio sensu: nego; & eodem modo dist. min. nega conf. Per ens in actu intelligit Philosophus substantiam simpliciter, qualis est Socrates, & quodlibet aliud huiusmodi. Huic quidquid aduenit facit vnum per accidens; quod tamen nequit sustineri ab aliquibus, apud quos, est principium. Nam subsistentia per ipsos est aliquid superadditum materiæ existenti per formam; adeoque toti composito physico.

Quod si per ens in actu nihil aliud intelligeret, quam ens quodcumque positum extra suas causas, siue extractum è statu possibilitatis; manifestum est, quod etiam tum ex materia, & forma non fieret vnum per se, etiam si supponas materiam existere per existentiam formæ: nam & materia est extra statum possibilitatis dum actu componit, & etiam forma; materia autem, & forma sunt duo: quamuis sint vnum compositum. Ex duobus in actu, hoc est non pure possibilibus, sed actualiter existentibus non fit vnum per se, sed materia, & forma sunt duo existentia; ergo ex materia, & forma non fit vnum per se.

Dices: quicquid aduenit substantiæ completæ facit vnum per accidens: quod aduenit materiæ existenti, aduenit substantiæ completæ; ergo &c. Minor probatur, quia materia prima per existentiam completur, ergo, &c.

Resp. conc. mai. neg. min. ad probationē nego ant. quod est falsum etiam in sententia Aduersarij. Nam essentia, & existentia distinguuntur.

tinguntur realiter in qualibet re creata: ergo forma, & existentia formæ distinguuntur realiter. Hoc posito roga an existentia formæ, secundum se præcise accepta, constituat cum materia substantiam completam hoc est substantiam simpliciter? Si affirmet; ergo forma superadditur substantiæ simpliciter: si neget; ergo falsum est materiam, per hoc præcise quod existat, esse ens completum simpliciter. Quod si replicet existentiam formæ esse non posse in materia, quin ibidem sit forma; dic: hoc non facere ad rem. Nam nec ipsa forma potest esse in materia sine sui duratione, & tamen cum hac duratione sit vnum per accidens. Aliud est hanc, & illam rationem esse inseparabiles, aliud vnum, eundemq. effectum formalem præstari per utraque: primum contingit esse verum; secundum autem semper est falsum.

Obijc. secundo materia prima est indifferens ad quodlibet esse, ergo non habet vllum esse sibi proprium. Ant. probatur, quia est pura potentia ad esse vel ignem, vel aerem, vel plantam, vel quodlibet aliud huiusmodi. Conf. probatur, quia quod est indifferens ad omnem colorem non habet vllum colorem sibi proprium; ergo quod est indifferens ad omne esse non habet vllum esse sibi proprium. Secundum antecedens apparet in Camaleonte, de cuius colore si quæras, respondebitur nullum esse. Ex quo obiter nota posse impugnari Philosophum dicentem: *ex non albo fit album, verum non ex omni non albo; sed ex nigro vel medijs.* Camaleon enim fieri potest albus; cum tamen nec niger sit, nec ullius alterius coloris.

Resp.

Resp. distin. ant. materia est indifferens ad quodlibet esse compleus : conc. ant. ad quodlibet esse complebile : nego ant. Est per seipsam quid complebile, & actuabile ad quamcunque speciem substantiæ. Ad probationem retorquetur : nam sicut quod est indifferens ad omnem colorem, non est ullius coloris, sed tamen est colorabile : ita quod est indifferens ad quamcunque speciem actus complementis, quamvis se ipso non sit ullus actus huiusmodi, est tamen seipso quid actuabile. Materia autem prima ita est actuabilis per quamcunque formam, ut sit causa passiva cuiuscunque formæ, intellige de forma sensibili. Ex hoc autem quod sit causa passiva legitime inferitur, quod cuilibet, si non tempore, certe natura præexistat. Est enim de ratione causæ passivæ præexistere rei, cuius est causa, & ad illius effectiorem, simul cum agente, concurrere.

Dices primo : materia prima per suam essentiam est causa passiva formæ, ergo sufficit ad rationem materiæ præsuppositio ipsius ad formam secundum essentiam ; ergo nõ requiritur præsupposito secundum existentiam.

Resp. quod æque præsupponitur causa passiva, ac causa efficiens ; adeoque eodem modo præexistentia causæ passivæ, ac præexistentia causæ efficientis. Dum dicit Aduersarius præsupponi materiam secundum essentiam, non autem secundum existentiam ; nihil dicit, aut sibi contradicit. Quid enim est aliud præsupponi materiam secundum essentiam, quam præsupponi in natura essentiam materiæ ? Præsupponi autem hoc modo est  
for-

formalissime præexistere, nec aliud intelligimus per existens, quam id, quod est in rerum natura. Si enim præsupponi secundum essentiam nihil aliud sit, quam præsupponi secundum possibilitatem, aut secundum conceptum quidditativum, falsum est essentiam materię præsupponi formę, nam utriusque possibilitas, & conceptus quidditativus æque est ab æterno. Nec prius est materiam non esse quid, neque quantum &c, quam formam esse rationem determinantem ad quid: utrumque enim æternum est, modo millies explicato. Ad argumentum in forma conc. ant. & primam consequentia nega secundam, quæ aperte contradicit primæ.

Dices secundo. Materiam præexistere formę, quæ de nouo educitur per existentiam formę, quæ destruitur, v. g. quando ex ligno fit ignis materia per formam, siue per existentiam formę ligni præexistit physicę formę, seu existentię formę ignis. Et quia numquam ex materia nuda fit quidquam, sed semper ex vna substantia fit alia; ideo semper est assignabilis in materia aliqua existentia, qua præcedat existentiam formę, quæ de nouo ponitur, & ad quam passivè concurrat.

Neque hæc doctrina subsistit, sicut, nõ subsisteret in causa efficienti. Prioritas naturæ est in eodem instanti, in quo res fit; adeoque causa efficiens, ut in instanti *B* exerceat suam prioritatem, debet in instanti *B* habere existentiam, per quam natura præcedat suum effectum: nec sufficit illi præcessisse in instanti *A*. Eodem modo philosophare de causa passiva, quæ in illo eodem instanti præ-

intel-



intelligitur, & præsupponitur rei, ad quam passivè concurrit, constituendo cum causa efficiente actum primum physicum rei, quæ in illo eodem instanti de nouo fit. Hæc omnia ut proderunt ad intelligentiam prioritatis naturæ suo loco explicandæ, sic etiam ab eadem explicatione tantum lucis adipiscuntur, ut manifesta fiant. Totum negotium reducitur ad hoc. Materia in eo instanti, in quo concurrit ad formam, est prior natura respectu formæ: non potest esse prior per existentiam formæ antecedentis; ergo est prior per aliam, & consequenter per suam. Vbi tenendum est, quòd alibi insinuauius prioritatem naturæ non haberi per præcedentiam temporis. Hoc enim esse prius natura respectu alterius nihil aliud est, quam hoc esse id, à quo alterum pendet. Rursus formam ignis non pendere à materia existente per formam ligni probatur, quia in eo instanti, in quo primo est forma ignis, primo non est forma ligni, seu existentia formæ ligni; ergo implicat, quod existentia formæ ligni constituat prioritatem materiæ respectu formæ ignis, siue implicat, quod materia sit physicè prior forma per existentiam formæ ligni.

Obijc. 4. materia ut sit causa suæ vbicationis (idem dic de qualibet alia re vbicata) non requirit prævbicari; ergo ut sit causa suæ existentiae non requirit præexistere: ergo etiam si sit causa existentiae formæ, poterit existere per existentiam formæ. Ratio à priori est, quia terminus de nouo ponendus non præsupponitur positioni sui. Igitur prima vbicatio non præsupponit ullam vbica-

cationem in re vbicanda ; eodẽm modo prima existentia non præsупponet in re , quæ debet existere, vllam existentiam.

Resp. totum hoc probare nostram sententiam. Terminus de nouo ponendus non præsупponitur in natura ; existentia materiæ primæ præsупponitur in natura ad formam ; ergo existentia materiæ primæ non ponitur in natura formaliter per existentiam formæ. Præsупponi probatum est ex hoc ipso, quod forma pendeat à materia , non præsциndendo ab existente, & non existente ; sed vt ab existente ; quod est de ratione causæ physicè concurrentis ad rem , quæ sit. Ad vbicationem non præsупponitur vbicatio, quia præsциndendo ab vbicatione habetur causa adæquata physica vbicationis : ad formam autem , & existentiam formæ præsупponitur existentia materiæ, quia præsциndendo à materia non habetur causa adæquata formæ. Quod autem ad quemlibet terminum , qui ponatur , præsупponatur causa adæquata ad ipsum ; est ita euident , vt nequeat vltius probari , nisi aliter explicando eosdem terminos, putà dicendo. Implicat aliquid esse, & non dari sufficientiam ad hoc vt sit : sufficientia autem ad hoc, vt forma sit, quæ præcedit formam, non quidem tempore, sed natura, includit materiam, vt dictum est. Ad id quod dicit Aduersarius primæ existentie non prærequiri existentiam : dic ita esse : sed hoc probari existentiam formæ esse non posse primam existentiam materiæ. Quod si supponas existentiam formæ esse primam existentiam materiæ , supponis eo ipso existentiam formæ præexistere, seu præhaberi existentie formæ.

Obiic.

Obijc. ultimò. Existētia formæ recipitur in materia; ergo constituit materiam existētem.

Resp. conc. ant. neg. consequ. conceditur antecedens, quia forma, & existētia formæ sunt idem: recipitur forma in materia; ergo & existētia formæ. Vbi aduerte obiter, quod sicut primæ vbicationi non præsupponitur vlla vbicatio, ita nec primæ formæ vlla forma. Negatur consequentia, quia non quæritur hic, vtrum materia prima constituitur in hac, vel illa specie existētis per hanc, vel illam existētiā illi superuenientem. Certum est enim non solum existētiā formæ, sed existētiās plurium accidentium cum forma, vel post formam superuenire materiæ. Quærimus autem, vtrum ita existat per existētiā formæ, vt præscindendo ab hac, non existat. Et hic est sensus huius conclusionis: *Materia prima non existit per existētiā formæ.* Quia autem existere consistit in indiuisibili, neq. ex pluribus existētibz vnum plus existit, quam alterum: ideo, quantumvis nouæ, & nouæ existētiæ adueniant materiæ, numquam dicitur fieri magis, aut magis existens. Ratio igitur, quia existētia formæ non faciat existētem materiam, est, quia iam præsupponit, & existere non recipit magis, & minus. Hoc idem non dices de albedine *B*, quæ superueniens parieti albo per albedinem *A*, facit illum eundem parietem album, quia facit magis album.

## QVAESTIO IV.

*De potentia materiae ad formas.*

## ARTICVLVS I.

*An potentia materiae ad formas sit quid ipsi superadditum.*

**Q**Uæritur hic, an potentia passiva, qua videlicet materia prima potest intrinsecè immutari per formam, quam recipit, sit ipsiusmet essentia, an potius ipsius proprietas. Esse proprietatem opinari visi sunt Auerroes, Albertus, Zabarella, & alij. Esse ipsammet essentiam materiae tenent D. Thomas, Suarius, Ruuius, Hurtadus, & alij non tot quin plures, quibus nos etiam subscribimus.

Hæc conclusio est Aristotelica, secundum quem materia prima est potentia, sicut forma est actus: sed forma est actus non per aliquid sibi superadditum, sed per seipsam; ergo materia prima est potentia, non per aliquid sibi superadditum, sed per seipsam, Philosophus 2. de Anima sic habet: *Est autem materia quidem potentia, forma verò actus.*

Probatur secundò, ex eodem Philosopho 8. metaph. & alibi. Ideò ex materia, & forma fit vnum per se, quia materia est potentia, forma verò actus. Immò vnum per se nō fit, nisi ex potentia, & actu: ergo materia prima per suam quidditatem est potentia.

Pro-

Probatur consequentia, quia si potentia esset aliqua proprietas superaddita materiæ, totum quod fit ex potentia, & forma, non esset vna substantia: implicat enim ex proprietate, seu accidente quolibet materiæ primæ, & forma fieri vnā substantiam.

Denique probatur tum ex definitione ipsiusmet materiæ primæ, qua dicitur esse *Primum subiectum, ex quo aliquid fit, &c.* vbi vides rationem primi subiecti, ex quo fit, &c. itā dici de materia prima, sicut de homine dicitur animal rationale, & de quacunque re sua quidditas. Esse autem subiectum, ex quo fit, &c. & esse potentiam physicam, &c. sunt vnum & idem. Tum etiam ex eo, quod sine vllō fundamento fingatur in materia prima illa passio superaddita, seu illa proprietas, per quam sit apta recipere formam, aut dispositiones ad formam. Atque hic nota me de Auerroe, Alberto, Zabarella, & alijs huiusmodi magni momenti hominibus non dixisse, quod aliter senserint, sed quod aliter sentire visi sint. Cæterum nihil aliud fortē senserunt, nisi formam substantialem non recipi in materia prima, nisi hæc prius aliquo accidente præparetur ad ipsam, adeoq. ex materia v. g. non fit ignis potius, quam aer, nisi in eadem prius detur aliquid, per quod sit magis idonea formæ ignis, quam formæ aeris recipiundæ. Et huic non contradicimus.

## ARTICVLVS II.

*Satisfit obiectionis.*

**O**Bbijs. primò. Causa efficiens agit per potentiam sibi superadditam ; ergo causa patiens patitur per potentiam sibi superadditam. Consequentia patet ex perfecta consonantia consequentis cum antecedenti. Antecedens autem probatur, quia ignis v.g. ignem producit virtute sibi superaddita. puta calore, non autem immediate per suam substantiam, unde est illud Philosophi: *Ignis agit non quatenus ignis, sed quatenus calidus.*

Resp. neg. antec. Ignis extra se agit per aliquid à se distinctum, intra se, per seipsum. Unde potius paritas est pro nobis. Ignis agit intra se per seipsum : ergo materia patitur intra se per seipsam. Vide an minus consonet hæc paritas, quàm illa. Causa actiua agit aliquando intra se, vt cum aqua reproducit in se suum frigus, aliquando extrà se, vt cum eadem refrigerat corpus sibi proximum. Vt agat intra se non indiget instrumento superaddito, secus vt agat extra se. Causa passiva patitur: pati autem non est aliquando intra, aliquando extrà, sed semper intra, & consequenter etiam arguendo ab actiua ad passiuam, hæc nullo superaddito indiget ad exercendam rationem causæ.

Est & alia disparitas inter causam passiuam, & actiuam. Terminus causatus per potentiam actiuam non facit vnum cum potentia, à qua efficitur : facit autem vnum cum

poten-

potentia, quæ ipsum patitur, terminus suo modo causatus à potentia passiva. In prima solutione probatur nostra sententia à pari, in secunda datur ratio disparitatis: in utraque manifesta sit veritas. Si enim verum esset causam ætiam non agere, nisi per potentiam superadditam, habes rationem cur non idem dicas de causa passiva.

Obijc. secundò. Omnis potentia est alicuius subiecti potentia: potentia materiæ primæ est aliqua potentia; ergo alicuius subiecti est potentia: non: nisi materiæ; ergo materiæ. Ergo materia prima est subiectum suæ potentiæ: ergo potentia materiæ primæ non est materia. Probatur ultima consequentia, quia nihil est subiectum sui ipsius; ergo, &c.

Resp. concedendo totum, præter ultimam consequentiam. Ad probationem distin. ant. nihil est subiectum physicum, & transitiuè sui ipsius: concedo; logicum, & intransitiuè: nego antec. & consequ. Quidlibet est subiectum logicum sui ipsius, quia quidlibet potest affirmari de seipso: & in omni propositione definitiua idem est subiectum, & prædicatum: adeoque idem est subiectum sui ipsius, ut est manifestum. Ità autem materia est subiectum potentiæ, ut in definitione ipsius rectè dicatur: materia est potentia, &c. aliam rationem subiecti respectu potentiæ non admittas in materia.

Obijc. tertio. Potentia, quæ dicitur de materia, vel est ad formas tantum substantiales, vel tam ad substantiales, quàm ad accidentales; neutrum dici potest; ergo huiusmodi potentia nequit dici de materia. Minor

probat, quia si dicas potentiam huiusmodi esse solum ad formas substantiales: contra est, cum materia ex se non minus sit potens recipere accidentales, quam substantiales; imò ex se est immediatius idonea accidentalibus, quam substantialibus; cum has non recipiat, nisi prius disposita per illas. Si autem dicas esse potentiam tam ad accidentales, quam ad substantiales: contra est, quia secundum axioma Philosophi, vel saltem Philosopho attributum: *Actus, & potentia sunt in eodem genere*: accidens autem, & materia non sunt in eodem genere, ut patet. Ex his inferitur materiam per aliquid superadditum aptari debere, tum formis accidentalibus, tum substantialibus.

Resp. conc. mai. neg. min. Et dico materiam primam esse potentiam per seipsam ad omnes formas substantiales, & ad totam quamlibet collectionem accidentium. Illud axioma non satis aptè affertur huc. Verus, & germanus sensus illius iam à nobis adductus est quæstione superiori: ubi dictum est unum & idem esse id, quod modo est potentia modo actu. Antichristus possibilis est in genere, & prædicamento substantiæ; in eodem prædicamento est Antichristus existens: non enim aliud est id, quod est, quam id, quod potuit esse. Hinc ad hoc argumentum: actus, & potentia sunt in eodem genere: materia, & quantitas non sunt in eodem genere; ergo materia, & quantitas non sunt actus, & potentia. Si teneas sensum axiomatis concede totum; cum manifestum sit materiam, & quantitatem non esse idem; itaut quantitas, quando est possibilis, sit materia; quando ve-

rò



rò actu est, sit quantitas, vel è conuerso.

Quod si sensus axiomatis talis fingatur, vt in potentia nihil recipi possit, nisi quod sit eiusdem generis cum ipsa, hoc est eiusdem prædicamenti: iam hoc axioma non erit dignitas, sed indignitas, cum sit manifestè falsum. Nam in substantia recipitur quodlibet accidens, quod propterea dicitur entis ens, cum tamen accidens non sit in prædicamento substantiæ. Illa ipsa potentia, quam fingit Aduersarius, nequit esse simul in genere accidentis, & in genere substantiæ; adeoque debet materiæ superaddi duplex potentia, altera per quam recipiat formam substantialem, altera per quam accidentalem: immò decem potentiæ debebunt superaddi materiæ, vna videlicet, per quam sit idonea formæ substantiali, nouem aliæ, per quas appetetur nouem alijs prædicamentis, quæ omnia sunt inepta. Denique aiunt potentiam materiæ esse de genere accidentis. Si ità est, nequit esse potentia ad formam substantialem, quia actus, & potentia sunt in eodem genere.

Obijc. tertio. Quantitas est subiectum immediatum aliorum accidentium: est distincta à materia; ergo materia prima non per se ipsam, sed per aliud sustinet immediatè accidentia. Minor supponitur hic. Maior probatur ex mysterio Eucharistiæ; constat enim in Hostia etiam consecrata recipi calorem, & frigus, aliasq. mutationes huiusmodi, & quidem ab agente naturali: putà à manu tangente, ab aere circumfuso, &c. huiusmodi autem qualitates non creantur; ergo fiunt concurrente aliquo subiecto: non concurrat

autem panis, aut materia panis, quia tota substantia ita destruitur, ut ex ipsa nihil remaneat: non Corpus Christi Domini, quod in Eucharistia nihil patitur, adeoque nec calefit, nec refrigeratur; ergo subiectum concurrens, & patiens est ipsamet quantitas, adeoque non per seipsam, sed per quantitatem materia prima immediatè sustinet accidentia.

Resp. nos propterea dixisse materiam esse per seipsam potentiam ad quamlibet totam collectionem accidentium, quia scimus à multis quantitatem poni pro subiecto immediato aliorum accidentium. De quo ex professo agitur in libris de ortu, & interitu. Interim nota ipsammet quantitatem recipi immediatè in materia ipsa, quidquid sit, an cætera accidentia tantum mediante quantitate, nam etiam si cætera accidentia quantitati inhæreant, ut subiecto; tamen tota collectio inhæret materiæ per inhærentiam quantitatis: non tamen propterea etiam ipsa forma substantialis inhærebit quantitati, cum ex subiecto, & forma fieri bebeat unum per se, adeoque compositum ex potentia, & actu debeat esse in genere substantiæ, ut potentia, & actus sint, etiam per hoc, in eodem genere, quod constituent simul unum possum à Logicis in prædicamento substantiæ.

Obijc. quartò, materia prima non recipit formam substantialem, nisi præparata prius per accidentia ad huiusmodi formam; ergo non est per seipsam potentia receptiva forme substantialis.

Resp. omisso apt. neg. conseq. Virtus actiua non agit, nisi agens sit proximum passio;  
& ta-

& tamen est per seipsam virtus agendi. Quāvis igitur in materia prima prærequiratur ad formam substantialem forma aliqua accidentalis per modum dispositionis : non propterea materia non est per seipsam potentia receptiva. Controuersia præsens non est circa huiusmodi dispositiones. Hoc enim ipsum ab omnibus admittitur accidentia, videlicet præire in subiecto aduentum formæ substantialis : & vnumquodque agens prius præparare materiam, quam illam immutet substantialiter, hoc est per productionem formæ substantialis. Qui volunt potentiam, quam hic impugnamus, volunt illam præter dispositiones prædictas per modum proprietatis ita physicè emanantis a materia prima, vt emanat metaphysice, seu logice risibilitas à rationalitate. Hanc potentiam vt superfluum negamus : accidentia præeuntia formam substantialem admittimus.

## QVÆSTIO V.

*An materia omnium sublunarium sit vna.*

**A**N rerum omnium tam cælestium, quàm terrestrium, & inferorum sit vna materia non est præsentis controuersiae. De hoc enim agemus in libris de mundo. Quæritur solum, an in omnibus sublunaribus sit vna materia ; & quidem non vnitæte numerica : supponimus enim Petrum adæquatè distingui à Paulo : sed vnitæte specifica.

Dicendum est materiam omnium sublu-  
narium esse vnain. Hæc conclusio est Aristo-  
telica, adeoq. recepta communiter in Peri-  
pato. Probatur hæc vnitas materiæ eodem  
argumento, quo probatur eiusdem existen-  
tia, siue necessitas: videlicet ex transmuta-  
tionibus substantialibus. Ex quolibet per  
varias transmutationes fit quodlibet; ergo  
in quodlibet reperitur aliquid aptum repe-  
riri in quolibet, & consequenter quantum-  
libet diuersa sint inter se hæc sensibilia; ta-  
men in aliquo communicant, quod est in  
vnoquoque subiectum rationis, per quam  
differunt, vt patet ex dictis. Hoc argu-  
mentum probat non solum identitatem spe-  
cificam materiæ in omnibus, sed etiam nu-  
mericam in pluribus, quorum altera ex alte-  
ris fiant.

Dices: ex aliqua materia educitur forma  
substantialis, quæ illam actuet: ex aliqua  
non educitur: ergo materia à materia differt.  
Ant. probatur, quia ex materia, quæ consti-  
tuit lignum, aut plantam, educitur forma li-  
gni, vel plantæ; ex materia, quæ constituit  
hominem, non educitur forma, quæ consti-  
tuit hominem, ergo, &c:

Mirum est esse aliquem, qui huic argu-  
mento cedat. Accipe hoc aliud. Ex aliqua  
materia educitur forma ignis, & ex aliqua  
educitur forma aque; ergo materia à mate-  
ria differt. Conc. ant. nega conseq. Et hoc  
idem fac in obiectione proposita. Si ex ali-  
qua materia ita educeretur forma plantæ,  
ita vt non potest educi ex alia materia: dif-  
ferrent huiusmodi materiæ inter se. Quod  
autem hæc forma ab hac, illa ab illa alia  
ma-

materia de facto educatur, quid facit ad diuersitatem? Ex nulla materia educi potest Anima rationalis: cuiuslibet autem potest vni-ri: & ex qualibet; cui vniatur, potest educi quęlibet forma sensibilis. Quod igitur ex hac materia educatur hęc forma, non autem illa alia; si hoc cuiuslibet conuenit, non facit vnā diuersā ab alia.

Obijc. primò, ex Philosopho: alia est materia, ex qua fit pituita, alia ex qua fit bilis: ergo non ex quolibet fit quodlibet: ergo materia prima non est vna in omnibus.

Resp. Philosophum loqui de materia secunda, hoc est itā disposita, vt ex ipsa per immediatam mutationem fiat hoc, vel illud: non fit autem immediatē ex quolibet quodlibet, putā ex semine lactucę non fit cucurbita; sed vnaquęque res ex materia sibi per præuias dispositiones proportionata. Et hoc est quod dicit Philosophus 8. Metaph. textu 11. *De materiali verò substantia oportet non latere, quod & si ex eodem omnia primo: est tamen quedam cuiusq. propria materia, puta pituitæ materia, ipsa dulcia, aut piuguiabilis verò amara, aut aliqua alia.*

Obijc. 2. diuersorū arte factorū diuersa debet esse materia; ergo etiam diuersorum entium naturalium. Conseq. probatur, quia secundū Philosophū materia naturę maximē cognoscibilis est per analogiam ad materiā artis. Antec. probatur ab eodem Philosopho: quia ferra non fit ex lana, sed ex ferro. Confirmatur, quia in artificialibus quedam diuersa sunt solum secundū formā, vt arca, & lectus, quę ex ligno fiunt: quedam verò non solum secundum formā, sed etiā secundū

materiam, putà ensis, & pallium; hoc enim ex lana, ille ex ferro construitur.

Resp. conc. ant. neg. conseq. Ad probationem concede materiam naturę cognosci per analogiam ad materiam artis: nega hinc sequi omnimodam conuenientiam vnius cum alia. Materia artis est substantia simpliciter: diuersas autem esse substantias necessarium est. Esset autem ineptum artem non posse versari, nisi circà vnam speciẽ substantię, putà nisi circà cerā; materia autē naturę non est substantia simpliciter. Hinc ex quolibet per varias mutationes naturę fit quodlibet: nō autē ex quolibet per vllas mutationes artis fit quodlibet. Lana ipsa putrescens euadit alimentum plantę; planta hominis. Elaboret ars quantum voluerit circà lanam, non faciet serram, aut ensẽ ex lana. Ratio à priori est, quia mutationes naturę sunt secundum substantiam: mutationes verò artis sunt secundum accidens. Rursus ratio agendi in naturalibus est à forma: vnde dicitur: *Vnumquodq. agit in quantum est actu*: Ratio autem agendi in artefactis non est à forma, sed à forma, & materia: putà ratio secandi in ferra non est adequatè à dentibus, sed partim à dentibus, partim à ferro: secat enim, non modo quia dentata est, sed quia & ferrea, vt consideranti patebit.

Obijc, vltimò. Sunt possibile materię diuersę, ità vt diuersa corruptibilia ex diuersis materijs consent: ergo de facto dantur. Anteced. probatur, quia non repugnat dari vnam materiam, quę apta sit centum formis & omnibus alijs inepta: & aliam, quę apta sit tam prædictis centum, quā omnibus alijs:

huiusmodi autem materiae erunt essentialiter dissimiles, & consequenter diuersae in specie. Confirmatur hoc ex dictis: aurum v. g. idoneum est innumeris formis artificialibus: non tamen omnibus. Idem dic de ligno, ex quo arcam, lectum, & alia huiusmodi: tunicam vero, vel pallium, numquam, opinor, tibi conficies.

Resp. omisso ant. neg. conf. cuius falsitas satis liquet ex dictis. Falsitas consequentiae manifesta est: numquam enim ex eo, quod aliquid sit possibile, recte inferes dari de facto. Falsitas autem consequentis satis explicata est supra, ubi dictum est ex quolibet fieri quodlibet. Disparitas inter artificialia, & ea, quae sunt à natura, satis enodata est in responsione ad secundum.

Quæres an si daretur materia diuersa specie ab hac, quæ datur, faceret cum forma totum specie diuersum? v. g. an cum Anima rationali materia diuersa specie ab hac nostra faceret hominem diuersum specie à nobis?

Resp. huic quæsito satisfactum fuisse in Logica, ubi de diuersitate specifica. Dictum est ibi quamlibet diuersitatem in essentia facere diuersitatem specificam; hic esset diuersitas in essentia; ergo hic esset diuersitas specifica. Minor probatur quia essentia hominis physica, siue ut substantia physica est, habetur adæquate per materiam, & formam simul: variata igitur materia variatur pars essentiae: implicat autem variari partem essentiae, & totam essentiam remanere eandem.

## QVÆSTIO VI.

*De appetitu materiæ ad formas.*

## ARTICVLVS I.

*Quid sit appetitus.*

**D**ictum est supra materiam primam esse potentiam passiuam cuiuslibet formæ substantialis : ad rationem potentia passiuæ sufficit non repugnantia ad receptionem formæ; quam patitur; hoc modo aer est potentia passiuæ lucis; cera potentia passiuæ rotundi, vel quadrati. Huiusmodi potentia conuenit materiæ primæ respectu cuiuslibet formæ : sed præterea queritur hic vtrum non modo non repugnet, verum etiam vtrum appetat, hoc est vtrum inclinetur ad quamlibet formam substantialem: aliud est enim ita posse, vt non repugnes, cuius exemplum dedimus supra; aliud ita posse, vt etiam desideres, siue inclineris ad id, quod potes: huiusmodi potentia est in corpore humano ad moderatum calorem, & in esuriente ad cibum: non solum enim esuriens est capax, sed insuper est appetens cibi.

Rursus appetitus alius est elicitus, alius innatus. Elicitus est ille, qui sequitur in appetente apprehensionem rei appetitæ. Puta appetitus hominis erga felicitatem æternam est appetitus elicitus, quia in homine sequitur ad apprehensionem ipsiusmet felicitatis: item appetitus, quo canis appetit panem



panem vel aliquid aliud huiusmodi est appetitus elicitus; sequitur enim ad cognitionem panis, vel alicuius alterius. Quia vero cognitio duplex est, alia intellectiva, alia sensitiva: ideo etiam appetitus elicitus duplex est, alter videlicet rationalis, alter animalis, seu sensitivus. Rationalis est ille, qui sequitur ad cognitionem intellectivam, diciturque voluntas: reperitur autem in homine, non vero in Brutis, quibus non est intellectus: animalis, seu sensitivus sequitur ad cognitionem sensitivam, diciturque appetitus: reperitur autem in homine, & in bruto; quia & homo, & brutum sensitivæ cognoscunt.

Appetitus vero innatus non sequitur ad cognitionem, quæ sit in appetente, sed est inditus à natura ipsa: unde dicitur innatus: estque ordinatio quædam rei appetentis ad rem appetitam, tanquam ad bonum suum. Puta lapis habet appetitum ad centrum terræ non elicitum, quia non est in lapide cognitio centri, ex qua oriatur inclinatio ad ipsum; sed innatum, quia lapis ordinatur natura sua ad centrum terræ, tanquam ad locum sibi debitum.

Hinc dicit D. Thomas appetitum huiusmodi dici solum metaphorice appetitum, eo quod sit, non ex cognitione, quæ sit in ipso appetente, sed ex cognitione, quæ sit in ordinante rem, quæ dicitur appetens, ad rem, quæ dicitur appetita, tanquam ad bonum ipsius. Quia vero ubi metaphorice loquimur non loquimur rigoroſe; ideo qui eleganter magis, quam philosophice questionem hanc tractant, ita de materia ratiocinantur; sicut

rationarentur de persona. Quia vero persona appetens aliquid sibi bonum, illud desiderat, si absit; illo fruitur, si ad sit: propterea dicunt materiam primam appetere formam appetitu desiderij absentem; presentem vero appetitu complacentia, fruitionis & gaudij. Vides quod quemadmodum hi de desiderio, & gaudio; nos etiam de spe, & metu, tristitia, & dolore, alijsque huiusmodi affectibus materie primę tractare possemus.

Prima Conclusio sit. Materia prima non habet appetitum elicitedum ad formas. Hęc conclusio est evidens: materia prima non est cognoscitiva; ergo nec appetens appetitu orto ex cognitione.

Secunda Conclusio. Materia prima habet appetitum innatum ad formas. Hęc conclusio est Aristotelica. Hic enim & primò Physic. textu 81. & alibi docet, quod materia prima appetit formam, sicut turpe appetit pulchrum: hoc est sicut imperfectum, sed perfectibile, appetit suum perfectiorem. Auctoritates & Philosophi, & Philosophorum congerere non est operę pretium in re tam facili.

Probatur autem Conclusio, quia appetitus innatus nihil est aliud, quam proportio quędam unius rei ad aliam, tamquam ad bonum suum: sed materia est proportionata ad formam, tamquam ad bonum suum; ergo materia prima appetitu innato appetit formam. Maior est explicatio appetitus innati. Minor probatur, quia materia prima ita est potentia ad formam, ut per ipsam perficiatur intrinsece, & trahatur in constitutionem unius substantię, ut dictum est alibi.

Dices:

Dices . omnis appetitus sequitur ad aliquam formam; si sit elicitus ad formam apprehensam; si sit innatus ad formam naturalem: sed materia prima nullam habet formam, nec apprehensam, nec naturalem: ergo materia prima nullum habet appetitum, nec elicitedum, nec innatum. Maior est D. Thomę recepta communiter in Scholis . Minor probatur, nam materia prima non est cognoscitiva; adeoque non habet formam apprehensam, hoc est non apprehendit aliquid, quod ipsius appetitum valeat extimulare: sed nec habet formam naturalem; nam materia prima secundum se est omnino indifferens, & equaliter idonea ad quamlibet formam, quod nequit illi convenire, si secundum se habeat aliquam formam. Adde materiam primam non esse per seipsam, neque per ullam formam sibi propriam, in vlla specie entis physici.

Vt vini argumenti percipias sciendum est appetitum elicitedum sequi ad formam apprehensam, hoc est bonum apprehensum à nobis esse rationem motivam nostri appetitus, siue amoris erga ipsum: ita bonitas sanitatis cognita ab infirmo est ratio excitans in infirmo appetitum, seu desiderium sui. Item bonitas cibi, cognita à Francisco est ratio mouens in ipso, siue excitans appetitum eiusdem; & sic de ceteris; ideoque verum est appetitum elicitedum sequi ad formam apprehensam, hoc est ad aliquam rationem boni, repræsentatam, potentie appetenti. Rursus appetitus innatus sequitur ad formam, non apprehensam, sed naturalem: pondus v. g. siue inclinatio lapidis ad centrum terrę sequitur,

quitur, non aliquam apprehensionem centri, quæ sit in lapide, sed formam naturalem lapidis, cui bonum est esse deorsum.

Sciendum est etiam quod quemadmodum n. loquuti sumus de actu, distinguentes inter actum physicum & metaphysicum; ita etiam loquendum est de forma distinguendo inter formam physicam, & metaphysicam: actus enim & forma dicuntur conuertibiliter: sicut igitur quamvis materia secundum se non habeat actum physicum seu complementem, habet tamen actum entitativum; ita etiã quamvis materia non habeat secundum se formam physicam seu complementem, habet tamen secundum se formam metaphysicam, seu entitativam. Quidquid enim est, alicuius speciei entitas est, & consequenter alicuius formæ metaphysicæ. Hæc dicta sint, non ex necessitate, ad argumentum: potes enim breviter respondere axioma prædictum: videlicet: *omnis appetitus sequitur ad aliquam formam* intelligi de appetitu entium completorum de quibus ibi loquitur D. Thomas: & in quibus nos etiam cum ipso appetitum exemplificauimus.

Præter hanc responsionem en tibi & aliam: *omnis appetitus sequitur ad aliquam formam* vel physicam, vel metaphysicam: concede, physicam solum: nega mai. & eodem modo dist. min. nega conf. materia igitur etiam secundum se est aliquid, & consequenter alicuius speciei: quod est habere formam aliquam metaphysicam. Quemadmodum autem in substantijs completis ad formam physicam sequitur appetitus, hoc est exigentia talis, vel talis boni proportionati formæ, quæ est  
ratio

ratio propria taliū substantiarum: ita etiam in materia, quæ est substantia incompleta, exigentia est secundum rationem propriam materiæ, hoc est substantiæ incōpletę, actua- bilis, & determinabilis ad hanc, vel illam rationem substantię complete.

## A R T I C V L V S II.

### *Satisfit objectionibus.*

**O** Bije. primò. Materia prima semper ha- bet formam; ergo numquam appetit formam. Ant. supponitur hic, & probabitur ubi dicitur impossibile esse, quod materia prima naturaliter sit sine omni forma sub- stantiali. Conf. probatur, quia quod habe- tur non appetitur: appetitus enim est affectio erga bonum absens.

Resp. conc. ant. neg. conf. ad probatio- nem; nego ant. appetitus & amor sunt vnū, & idem; amor autem non est solum absen- tis. Vel igitur insistimus phrasi metaphori- cę, vel loquimur de appetitu materiæ loqu- tione propria; & rigorosa: si primum; ma- teria appetit, & amat præsentem formam amore, & appetitu gaudij, vel complacentię, formam vero absentem appetitu, & amore desiderij. Si secundum: cum materia sit æque proportionata & formæ, quam habet, & for- mę, quam non habet, & ad vtramque se ha- beat vt perfectibile ad perfectiū; appeti- tus in hac ipsa proportionem consistens erit consequenter & ad eam, quam habet, & ad eam, quam non habet: adeoque ex hoc, quod semper habeat; non inferes quod numquam appetat:

appetat : inimo ex eo , quod semper habeat , & semper perficiatur per aliquam formam , impotens carere omni ; recte inferes quod semper appetat , quia semper habet proportionem cum forma modo explicato .

Dices : non potest semper appetere , quin eo ipso aliquam oderit : non potest ullam odisse ; ergo non potest semper appetere . Minor est certa ex dictis de indifferentia primi subiecti , quod est materia prima . Subiectum enim , quod aliquam formam amet , & aliquam oderit , non aequaliter se habet ad omnes , nec est aequè aptum finibus naturæ , ac se sit omnino indifferens , ut patet . Maior autem probatur , quia duæ formæ substantiales nequeunt esse in eodem subiecto ; nam præterquam quod dictum est alibi de ente in actu , cui quidquid superuenit facit unum per accidens ; experientia constat unam formam expelli ad introductionem alterius , & in generatione unius substantiæ corrumpi aliam . Hoc posito , materia quæ est sub forma ligni nequit amare formam ignis , nisi oderit formam ligni : ergo nequit amari una forma sine odio alterius . Anteq. probatur , quia materia nequit amare formam ignis , nisi amet coniungi cum forma ignis : non amat coniungi cum forma ignis , nisi oderit formam ligni ; ergo nequit amare formam ignis sine odio formæ ligni . Probatur hoc , quia eo ipso , quod acquirit formam ignis , amittit formam ligni ; ergo nequit amare acquisitionem unius , quin amet iacturam alterius : amare autem iacturam , est odisse rem , cuius iactura fit : ita Religiosi dum amant iacturam rerum secularium , oderunt eo ipso res

so res sæculares: huiusmodi sunt honores, & diuitie, & alia huiusmodi, quæ propter Christum habenda sunt vt stercora.

Resp. neg. mai. Qui metaphorice loquuntur dicunt materiam primam existentem sub forma ligni appetere formam ignis, vel quamlibet aliam, appetitu conditionato, hoc est esse in materia huiusmodi affectum: si non haberem formam ligni vellem aut formam ignis, aut aliquam aliam: nam quod mihi gaudium si nullam formam habeo? si respondeas sine metaphora: admitte suppositum, quod videlicet materia esse non possit sine omni forma; & nega amorem vnus esse odium alterius: nani ita materia est proportionata illi, quam habet; vt etiam sit illi, quam non habet, adeoque non solum amor vnus non est odium alterius; sed etiam amor vnus est amor omnium. Ad id quod dicitur: amans acquisitionem vnus odit alteram: nega: nam ille idem amor est tam amissæ, quam acquisitæ, quandoquidem nihil est aliud quam prædicta proportio.

Dices: implicat materiam habere simul formam, quam habet, & formam, quam non habet: ergo nequit appetere simul formam, quam habet, & formam, quam non habet: consequentia est euident, quia appetitus ad impossibile est stultus appetitus, adeoque impossibilis in natura: iuxta illud: *opus naturæ opus intelligentiæ*: ex quo inferes; ergo appetitus naturæ, appetitus intelligentiæ.

Resp. conc. ant. neg. conf. aliud est simul appetere omnes, aliud appetere omnes simul. Appetitus vnus est appetitus alterius: non

tamen hic appetitus est vtriusque simul: materia enim est proportionata cuilibet formæ; non est proportionata simultati formarum. Hæc omnia clara sunt.

Obijc. secundò. Vel hic appetitus identificatur cum potentia materiæ primæ, vel non: neutrum dici potest; ergo hic appetitus non datur. Minor probatur, quia si dicas hunc appetitum esse distinctum à potentia: contra est nam hic appetitus non distinguitur à materia; materia non distinguitur à potentia; ergo hic appetitus non distinguitur à potentia: iuxta illud: *quæ sunt eadem vni tertio sunt eadem inter se*. Si dicas identificari: item contra est, nam potentia est ad singulas formas determinate; appetitus autem non est ad singulas determinate, sed ad singulas disiunctiue: ergo potentia, & appetitus non sunt idem. Probatur ant. quia si de materia loquaris vt potente dicis: materia potest & hanc, & illam, & illam aliam recipere: si vt appetente dicis: materia vult vel hanc, vel illam, vel illam, &c. igitur potentia est determinate ad plures; appetitus disiunctiue.

Resp. hoc argumentum facile & clare dissolui ex dictis. Potentia dicitur proprie: appetitus metaphoricè: quid igitur mirum, si de eadem re significata modo proprie, modo metaphorice diuersimode loquaris? De Diabolo sub nomine spiritus, quod conuenit illi proprie, non recte dices quod rugiat: de eodem sub signo metaphorico leonis recte dices: *sicut leo rugiens circuit querens quem deuoret*. Infinita sunt huiusmodi. Si autem loquaris extra metaphoram de appetitu, intelligasque id quod est, proportionem videbitur



licet perfectibilis cum perfectiuo : hic appetitus non respicit disiunctiue, sed determinate singulas : materia enim prima seipſa eſt, quid perfectibile, & per hanc, & per illam, & per illam aliam formam, quamuis non poſſit ſimul & hoc, & illa, & illa alia perfici. Ad argumentum in forma conc. mai. negamin. & dic hunc appetitum, eſſe idem realiter cum potentia, adeoque cum ipſamet eſſentia materiæ. Ad probationem habes quod respondeas ex dictis, ſiue proprie, ſiue translatiue loquaris de materia.

### A R T I C V L V S III.

*An appetitus materiæ ſit æqualis ad formas inæquales.*

**F**Vndatur hæc dubitatio in illa ratione, qua probauimus materiam primam habere appetitum innatum ad formas. Diximus enim huiusmodi appetitum in hoc fundari, quod forma ſit bonum materiæ. Quia autem ex formis alia eſt perfectior, alia imperfectior; adeoque alia maius, alia minus bonum, dubitatur an appetitus prædictus ſit maior vnius, quam alterius formæ. In hac controuerſia.

Dicendum eſt appetitum materiæ ad formas inæquales eſſe æqualem.

Concluſionem hanc ſatis communem, ſatis communiter probant hoc argumento. Si materia magis appeteret formam perfectiorem, quam imperfectiorem; ſequeretur quod quando ſubſtat imperfectiori eſt in ſtatu violento; conſ. eſt abſurdum; ergo & ant. Minor

nor probatur ex definitione materiæ, quæ est primum subiectum, ex quo omnia. absurdum est autem subiectum huiusmodi violenter se habere sub vlla forma. Maior autem probatur, quia si materia spoliaretur omni forma substantiali esset in statu violento: ergo etiam dum staret sub forma imperfectiori: conf. probatur, quia in tantum in primo casu esset in statu violento, quia non haberet id, quod appetit: in secundo autem casu non haberet id, quod magis appetit; & consequenter sicut in primo non satisfacit, ita in secundo casu non plenè satisfacit materiæ primæ: id autem, cui non plene satisfacit, aliquā saltem violentiam patitur.

Hæc probatio non est valde efficax. Qui contra sentiunt facile respondent negando mai. ad probationem concessio antecedenti negant consequentiam. Potes ita appetere duo inæqualia inter se vt melius magis appetas: quin propterea eo non obtento, sed obtento minus bono, patiaris violentiam. Si v. g. appetas magistratum Triburtinum, vel Tusculanum disiunctive; potes ita quiescere obtento minus nobili, vt non crucieris carentia nobilioris. Sed quidquid sit de argumento proposito.

Probatur Conclusio ratione maxime radicali. Ratio mouens appetitum materiæ primæ est eadem in omnibus formis; ergo materia prima non appetit inæqualiter inæquales. Conf. est euident, ant. probatur, quia ratio boni, quæ appetitur à materia, in forma, est ratio facientis vnum: hæc ratio est vna in omnibus formis; ergo &c. Minor probatur, quia *substantia non suscipit ma-*  
gis

*gis & minus*: adeoque quamvis Anima rationalis faciat cum materia meliorem substantiam, quam Anima caballina: non tamē facit magis substantiam; Hinc est quod excessus ille bonitatis in vna præ alia forma impertinenter se habet ad rationem formaliter mouentem materiam.

Hoc autem fuit maxime consonum finibus naturæ. Materia enim cum sit subiectū, ex quo omnia fiunt, eo melius secundum se videtur se habere, quo perfectius est ad omnes formas indifferens. Sicut v. g. Religiosus ille eo est perfectius obediens, quo ad omnia, quæ ab Abbate, vel Priori distribuntur munia est magis indifferens; paratus de quolibet eodem modo gaudere. Hæc ratio, quam diximus radicalem, sit vnica. Hanc enim qui bene capit, tenet immobiliter conclusionem propositam.

Obijc. primo Appetitus materiæ ad formas, præscindendo ab omni metaphora, nihil aliud est, quam perfectibilitas materiæ primæ per formam: sed huiusmodi perfectibilitas est maior per meliorem, quam per minus bonam; ergo appetitus materiæ est maior melioris, quam minus bonæ.

Resp. Conc. mai. neg. min. Aliud est quod materia sit apta magis perfici per meliorem formam, quam per minus bonam; aliud quod sit magis apta perfici per vnā quam per aliam: esto verum sit primum, falsum est secundum. Perfectibilitas autem est aptitudo ad perfici, vnde non est maior perfectibilitas respectu melioris, quā respectu minus bonæ.

Obijc. secundo. Qui esurit, quamvis appetat

petat satiari, & æqualiter satietur per cibū meliorem, ac deteriorem; magis tamen appetit meliorem, quam deteriorem; ergo materia prima, quæ naturaliter esurit formam substantialem, quamuis æqualiter satietur, seu repleatur per formam imperfectiorem, ac per formam perfectiorem; magis tamen appetit hanc quam illam.

Respondent aliqui disparitatem esse, quia qui surit discernit inter maius, & minus bonum: adeoque nihil mirū est, quod appetitu magis feratur in maius, quam in minus, bonum: at materia prima, aiunt, non discernit inter magis, & minus: adeoque non est cur magis appetat vnum, quam alterum.

Hæc responsio non placet, quia quemadmodum materia prima non cognoscens bonum, fertur tamen in bonum: ita etiam non discernens inter maius, & minus bonum, poterit ferri magis in maius, quam in minus: est enim eadem ratio. Quemadmodum igitur, quamuis non cognoscat, tamen appetit; quia, aiunt, à creante materiam primam, ipsamque ad suos fines ordinante, forma cognoscitur vt bonum ipsius: ita etiam, quamuis non discernat, deberet magis appetere maius bonum quam minus, quia à creante, & ordinante materiam primam, discernitur inter magis; & minus: maius cognoscitur melius materia, quam minus; & consequenter appetitus deberet esse maior ad vnum, quā ad aliud.

Dicendum est igitur dandam esse paritatē inter hominem esurgentem cibum, & materiam esurgentem formam. Qui esurit, si nihil aliud appetat quam satiari; eo ipso æqua-

qualiter appetit, quod æqualiter fatiat. Si nihil aliud appetat quam nutriri, æqualiter appetit, quod æqualiter nutrit. In hoc convenit esuriens cum materia prima. Quia vero esuriens aliquando appetit non solum satiari, aut nutriri; sed insuper delectari; ideo magis appetit vnum cibum, quam aliū, puta magis panem candidum, quam atrum. Sed in hoc non convenit esuriens cum materia, quæ nihil intendit nisi actuari, & per consortium alterius evadere in substantiam. Ex his patet ad argumentum. Dist. ant. magis appetit, &c. appetitu satietatis: nega; appetitu delectationis: concede.

Obijc. tertio materia appetit appetitu innato id, quod appeteret appetitu elicitō, si appetitum huiusmodi haberet: sed si haberet appetitum elicitum, magis appeteret formam nobiliorem, quam ignobiliorem; ergo appetitu innato magis appetit nobiliorem formam, quam minus nobilem.

Resp. conc. mai. neg. min. Si enim haberet appetitum elicitum, haberet eliciens appetitum, quem habet, non eliciens, sed innate esset enim secundum naturam ipsius, hoc est secundū rationē primi subiecti; hic autē nō deberet ferri in vnā formam magis, quam in aliam; adeoq. appeteret sicut modo appetit: quando quidem appetitus, quem habet, cum sit à natura recte dicitur esse ab interllgentia. Quod si fingas in materia appetitum elicitum, sed non secundum propriam rationem materiæ: tunc facile erit imaginari illam formas nobilissimas deperire, ignobiles vero non amare, nisi mediocriter, & vt supplementa meliorum.

Dices: excessus bonitatis in forma *A* supra formam *B* identificatur cum forma *A*: materia prima appetit formam *A*; ergo appetit excessum bonitatis formæ *A* supra formam *B*.

Resp. conc. totum. Eodem amore, quo amatur *A*; amatur bonitas eiusdem *A*, & consequenter excessus bonitatis *A* supra bonitatem *B*: sed ille idem excessus non magis amatur, quam id, quod exceditur: quia nec vnum excedit, nec alterum exceditur in ratione formaliter motiua appetitus.

Obije. ultimò. Ratio formalis sub qua appetuntur, quęcunque appetuntur, est ratio boni: sed ratio boni suscipit magis & minus; ergo ratio, sua qua appetuntur, suscipit magis & minus, ergo ratio sub qua materia prima appetit formam suscipit magis & minus: Probatur hæc vltima conf. quia materia prima vt appetens fertur in rem appetitam sub ratione formali appetibilis: ratio autem rei appetibilis & ratio boni sunt formaliter idem: immo definitur bonum: *id quod est appetibile.*

Resp. rationem vniuersalissimam, sub qua appetitur quidquid appetitur, esse rationem boni. Potentia auditiva innate appetit sonorum, quia sonorum est bonum auditus. Potentia visiva coloratum, quia coloratum est bonum visus, & sic de cæteris; adeo vt bonum vt sic definiuerit Philosophus: *id quod omnia appetunt.* Considerato igitur appetitu secundum rationem vniuersalissimam appetitus, non est inconueniens dicere esse maiorem maioris boni: considerato autem hoc eodem appetitu secundum ratio-

nem

nem propriam appetitus, materiae, non habes unde dicas esse maiorem melioris formae. Ratio à priori est, quia quemadmodum ratio boni suscipit magis & minus; ita ratio actuantis substantialiter consistit in indivisibili. Si igitur consideres appetitum secundum rationem præcisam appetitus, habes unde dicas esse maiorem, vel minorem respectu huius, vel illius; quia comparas illum cum aliqua ratione, quæ suscipit magis & minus.

Si autem consideres appetitum materiae ut materiae, eo ipso comparas, non cum ratione boni ut sic, sed cum ratione talis boni. Puta constituentis illam in ratione substantiae. Cum autem hæc ratio non suscipiat magis & minus; non est cur appetat unum magis, quam aliud.

Dices: materia prima magis appetit id, propter quod magis principaliter est: sed magis principaliter est propter formam nobiliorem, &c. ergo magis appetit formam nobiliorem. Cum autem forma mixti sit nobilior, quam forma elementi; materia prima magis appetet formam mixti, quam formam elementi: & cum inter mixta, viuentia sint nobiliora non viuentibus, magis appetet formam cuiuslibet viuentis, quam cuiuslibet non viuentis: & cum inter materialia viuentia præstantissimum sit homo: magis appetet formam humanam, hoc est Animam rationalem, quam ullam aliam.

Confirmatur hoc altissima ratiocinatione, quia omnia sensibilia sunt propter Animam rationalem, seu propter hominem, tamquam propter suum finem; ut nimirum ipsi deseruant, illumque excitent ad cognitionem, &

amorem sui conditoris. Ratio vltior est, quia sensibilia huiusmodi non sunt digna intendi propter se, cum sint incapacia laudare, & glorificare factorem suum, quem neque intelligunt, neque amant: sed neque substantijs immaterialibus, hoc est Angelis, deferuire valent, vt ex ipsis Deum cognoscant, atque glorificent. Habent enim in se ipsis Angeli vnde & Deum intelligant, & ipsius in creando potentiam: immo ipsorum met sensibilibus notitiam habent per species eorum ipsis congenitas; & consequenter frustra sunt species immissæ à sensibilibus ad determinandum intellectum Angelicum. Nam species immissæ à sensibilibus non immediate determinant intellectum; sed solum mediantibus alijs speciebus, quæ in phantasia oriuntur: vnde dicitur intellectus noster speculari phantasmata; cum igitur intellectus Angelicus sit alterius rationis à nostro: operatur omnimode independenter à sensibilibus tum internis, tum externis, cum vtrisque careat Angelus. Hinc ad cognitionem sui sensibilia non excitant neque mediate, neque immediate intellectum Angelicum: adeoque hic intelligit hæc inferiora per species intelligibiles sibi inditas à Creatore.

Superest igitur vt tota hæc collectio creaturarum sensibilibus ordinata ad gloriam conditoris sui, iuxta illud *omnia propter semetipsum operatus est*: reipsa redundet in gloriam per hoc, quod homini deferuiant ad manifestandam virtutem Creatoris: iuxta illud: *inuisibilia eius per ea, quæ facta sũt intellecta conspiciuntur: sempiterna quoque virtus eius, & diuinitas*. atque ex tam ma-



nifesta virtute exurgat homo ad laudandum, & glòrificandum rerum omnium conditorē, ne cum ijs reputetur, de quibus dicitur: *cum cognouissent Deum, non sicut Deum glorificauerant.*

Hinc est quod aiunt qui diuinam Sapiētiā compræhendere se putant, non posse Deum creare hæc sensibilia, nisi etiam hominem creet: adeoque implicare mundum, in quo nullus sit homo. Ratio est, quia Deus quidquid facit, ad suam gloriam facit: & hunc finem intendere non est electionis, sed naturæ: quamuis enim possit facere vel non facere prout ipsi libuerit; non potest tamen in faciendo non intendere gloriam suam: implicat autem intendere gloriam, & creare quidem vnde glorificetur, non autem à quo glorificetur: si autem crearet omnia præter hominem, crearet vnde posset glorificari, nō autem illum, qui ex huiusmodi creaturis potest illum glorificare, vt patet ex dictis.

Resp. primò quod esse propter hominem non conuenit soli materiæ, sed omnibus sensibilibus, vt patet ex discursu adducto: adeoque in hoc materia conuenit cum omnibus alijs rebus. Præterea & materia & omnia sensibilia; non principaliter, sed vnicè sunt propter hominem. Hoc idem liquet ex dictis. Nulla enim creatura Deum laudat ex creaturis sensibilibus, nisi homo. Quod enim dicitur: *Celi enarrant gloriam Dei*, &c. item: *Benedicite omnis imber & ros Domino*: item. *Laudate eum Sol, & Luna*: & alia huiusmodi nihil aliud significant, præter affectum ista dicentis, nisi ex omnibus istis sumendum esse homini argumentum bene-

dicendi & laudandi Deum, cuius potentiam, bonitatem, & sapientiam hæc omnia nobis demonstrant.

Ex hac ordinatione non solius materiæ primæ, sed omnium rerum inferiorum, hoc est totius naturæ sensibilis ad Animam rationalem excitandam ad laudes Dei, patet, non considerari ab Aduersario materiam primam secundum rationem propriam materiæ adeoque etiam si concederes appetitum ipsius non solum principaliter, sed etiam vnicè ad Animam rationalem nihil cōcederes. Quod si consideres materiam secundum propriam rationem, hoc est secundum rationem subiecti: falsum est hanc esse magis principaliter propter vnā formam, quam propter aliam. Breuiter igitur ad argumentum respondeo primò conc. mai. neg. min. Id enim propter quod est materia prima est ratio substantiæ simpliciter: hoc est vnius per se, quod dicitur hoc & ens: nō autē hoc præstat magis per vnā quam per aliam formam, &c. Posses præterea distinguere maiorem: materia prima magis appetit id propter quod magis principaliter est, tamquam propter finem proprium: omittre; tamquam propter finem communem: iterum subdistingue: appetitu proprio materiæ: nega; appetitu non proprio: omittre maiorem. Hæc distinctio satis explicata est. Homo est caput totius naturæ sensibilis, & propterea omnia sensibilia recte dicuntur ordinari ad ipsum: & si verum est, futurum fuisse vt ista non essent, nisi futurus esset ipse homo: hæc omnia petunt ipsum hominem esse.

ARTICVLVS V.

*An potentia & appetitus materiæ sit ad omnes formas simpliciter.*

**R**espondetur affirmatiuè. Quæ responsio patet ex dictis.

Obijc. Si materia prima tam sub ratione potentia, quam sub ratione appetitus respicit omnes formas posibles; sequitur esse incompræhensibilem etiam ab intellectu Angelico, conf. est absurdum; ergo & ant. sequela maioris probatur, quia relatio non compræhenditur, nisi cognitis distinctè omnibus terminis, ad quos est: materia prima tam sub ratione potentia, quam sub ratione appetitus est relatio transcendentalis ad omnes formas posibles; ergo non compræhenditur, nisi cognitis distinctè omnibus formis possibilibus: sed cognoscere omnes formas posibles distinctè est supra actiuitatem intellectus Angelici; ergo compræhendere materiam est, &c. Probatur hæc vltima minor: nam omnes formæ posibles sunt infinitæ infinitum autè non capitur vlllo intellectu finito.

In hoc argumento sunt multa, quæ ad rem præsentem nihil omninò faciunt. Si enim aliquis admittat omnes formas posibles distinctè attingi ab intellectu Angelico nihil dicit repugnans. Ipsamet diuina essentia, quæ habet infinitatem longè perfectioris rationis, quam formæ posibles, attingitur ab intellectu creato, quandoquidem *Videbimus illum sicuti est.* Sed in his non est im-

morandum, nè quæstionem de infinito intrudamus in controuersia, quam breuiter hic finire debemus. Ibi apparebit hoc idem argumentum ex hoc capite nihil valere, quod etiam militet contra intellectum diuinum, si infinitas illa formarum attingi debet, vt comprehendatur materia. Qui enim infinitū negāt, negāt infinitū obiectiuū in mēte diuina; aientes diuino intellectui nullā apparere multitudinem obiectiuam, quæ sit collectio omnium rerum possibiliū, apparere autē distributiue plures, & plures finitas collectiones in infinitum. His omissis.

Resp. negando sequelam maioris: ad probationem negā mai. materia prima tam in ratione potentie, quam in ratione appetitus respicit omnes formas secundum rationem, quæ est vna in omnibus, nimirum sub ratione actuabilis, & trahibilis per formam in vnum per se: hæc ratio est vna in omnibus formis, vt patet ex dictis: rationes autem speciales formarum sunt à causis effectiuis earū; sicut v. g. in molli cera forma leonis præ forma canis non est à cera, sed ab artifice. Ita etiam in materia prima forma ignis præ forma aqua non est a materia sed ab igne.

Obserua obiter hoc argumentum longe apparentius militare contra causam actiuam quæ efficere potest plura, & plura in infinitū etiam specie diuersa; ad quæ omnia est relatio transcendentalis, vt patet ex dictis in Logica. Oculus potest elicere plures, & plures perfectiores, & perfectiores visiones: auditus auditiones, iuxta illud: *non satiatur oculus visu, nec aures auditu*: an propterea tam auditus quam visus incomprehensibiles

sibiles sunt intellectui Angelico ?

Porro quod ad cognitionem compræhensionem relationis transcendentalis non sit necesse distinctè attingere quemlibet terminum patet ex eo, quod nemo dicat esse supra omnem intellectum creatum comprehendere muscam : cum tamen distincta cognitio Trinitatis sit supra omnem creaturam : etiam si musca per suam entitatem sit relatio transcendentalis ad Trinitatem. Quod si aliquis nomine compræhensionis nihil aliud intelligat, quam cognitionem, qua perfectior dari non possit : non solum materia prima sed neque vlla alia res compræhendi potest à creatura : cum implicet creaturam habere cognitionem, qua melior dari non possit.

Definitur autem compræhensio per Augustinum dupliciter. *Illud*, inquit ille, *compræhenditur, quod ita totum videtur, ut nihil eius lateat videntem.* Hoc modo compræhendo me velle dictare, dum sciens, & volens hoc dicto. Et hæc exemplificatio est ipsius met Augustini. Item : *illud*, ait idem, *compræhenditur, cuius fines circumspiciuntur* : hoc modo compræhendis annulū quem digito gestas ; ut exemplificat idem author. Primam definitionem exemplificauit in re intelligibili : secundam in re sensibili : materiam primam utroque modo compræhendis : primò perfecte intelligendo quid ipsa sit : secundò quia per hanc ipsam intelligentiam fines ipsius quodammodo circūspicis, dum definiendo refers ad omnes formas possibiles, secundum illam rationem, quæ est vna in omnibus : neque enim ut hanc compræhendas, fines illi extrinseci, seu termini,

ad quos refertur, debent distinctè tibi omnes, & singuli apparere.

Obijcitur in super: sequeretur materiam primam esse perfectionis infinitæ, *conf.* est absurdum; ergo & ant. Minor est certa, cum ipse Philosophus sæpissime dicat materiam primam esse prope non ens, & omnium entium vilissimum. Sequela maioris probatur quia tot sunt gradus perfectionis in materia, quot sunt formæ possibiles: formæ possibiles sunt infinitæ; ergo gradus perfectionis in materia sunt infiniti. Maior probatur argumento calculatorio. Si daretur vna materia capax decem formarum, esset duplo perfectior, quam materia capax solum quinque formarum: rursus materia capax viginti formarum esset duplo perfectior materia capaci decem formarum, & sic de ceteris; ergo tanto perfectior est materia, quanto plurium formarum, est capax; ergo quæ est capax infinitarum formarum est infinitè perfecta.

D. Thomas dicit materiam primam habere quandam speciem infinitatis: quæ species infinitatis satis apparet ex dictis. Eo enim ipso, quod respicit terminos infinitos habet infinitatem quandam, quæ dicitur infinitas terminatiuè. Huiusmodi autem infinitas adeo non sonat perfectionem, vt etiam reperiatur in peccato, quod propterea dicitur habere malitiam infinitam secundum quid. Docet enim idem D. Thomas offensam in Deum habere malitiam aliquo modo infinitam, quia est offensa Maiestatis simpliciter infinitæ: non igitur quælibet infinitas in commendationem dicitur rei, quæ vocatur quodammodo infinita. Ratio est quia  
per

per li *secundum quid*, & alia huiusmodi additamenta tam infinitas, quam aliæ rationes ita distrahuntur, vt nihil significant, nisi ad libitum loquentis. Li enim *quodammodo* transfert terminum à significatione propria ad metaphoricam, & quia significatio metaphorica non est vna, sed multiplex; ideo de quolibet fere dici potest quod sit quoddammodo quidlibet aliud à se distinctum. Infinitas ostendit, quam diximus, cum sit propter Deum, ad quem terminatur, est infinitas potiori titulo, quam infinitas materiæ primæ: nec tamen ex malitia quodammodo infinita arguet vllum incrementum perfectionis.

In forma ad argumentum nega sequelam maioris ad probationem, nega mai. &c. Falsum est eo perfectiorem esse materiam, quo est capax plurium formarum: cum hæc ipsa capacitas fundetur in imperfectione, & defectu materiæ primæ. Substantia non est capax vlli formæ suscipiendæ, & tamen est perfectior materia prima. Et inter substantias illa est perfectissima, quæ nullius formæ accidentalis est capax. Potentialitas apud D. Thomam, & alios sonat imperfectionem, si sit in genere potentiæ passivæ: cum è contra potentia agendi sonet perfectionem. Hinc apud eundem idem est habere minus materialitatis, ac habere minus potentialitatis: est autem idem habere minus materialitatis, ac habere plus perfectionis. Hinc in illa gradatione, quam facit ab imperfectioribus ad perfectiora, dicit brutum esse minus materiale quam plantam: hominem minus quam brutum, Angelum minus quam hominem;

Deum vero esse in summo genere immaterialitatis, seu potius in gradu summo immaterialitatis,

Vbi aduerte gradum hunc summum immaterialitatis non haberi per hoc, quod Deus careat omni materia physica: in hoc enim par est Angelus Deo; cum nec in Angelo sit vel atomus materiæ: sed per hoc quod sit summe perfectus: ad hanc summam perfectionem propius accedit Angelus quam homo, homo quam equus: prout autem accedunt ad perfectionem hanc summam, dicuntur accedere ad summam immaterialitatem; adeoque recedere à materialitate: igitur accedere ad immaterialitatem, & recedere à materialitate est accedere ad perfectionem, & recedere ab imperfectione: ex quo inferres quod plus habere materialitatis est habere plus imperfectionis: sed plus habere potentialitatis est plus habere materialitatis; ergo plus habere materialitatis est plus habere imperfectionis.

Quæ dicuntur de materialitate & immaterialitate, secundum perfectionem & imperfectionem, dicuntur per analogiam ad materiam primam; cuius est secundum Thomistas limitare ac indiuiduare rationes in se receptas: nam secundum Thomistas forma non recepta in materia esset forma infinita: puta albedo irrecepta esset albedo illimitata non enim haberet unde esset hæc aut illa. Nos hæc in re dissentimus ab illis: sed interim libuit explicare doctrinam D. Thomæ circa materialitatem & immaterialitatem, ut appareret per incrementum potentialitatis non monstrari incrementum perfectionis.

Ratio



Ratio est : quia quemadmodum in peccato incrementum offensæ, quod oritur ex incremento termini offensivum sit incrementum malitiæ, non est incrementum perfectionis : ita etiam incrementum potentialitatis, cum sit incrementum defectus & carentiæ, non est incrementum perfectionis. Sunt qui imaginantur materiam primam per modum infinitæ cuiusdam voraginis, in cuius immensa vacuitate infinitatem illam imaginantur, quā vocant infinitatem capacitatis : sed hac sua imaginatione decipiuntur : materia enim prima non est nisi capacitas vnus formæ : quantumlibet enim respiciat multas, immo & omnes ; non potest tamen nisi vnā tenere. Sicut igitur non habet humerum infiniti roboris Batulus ille, qui potest infinitas libras sustinere ligni vel plumbi : si solum successive & vnā post aliam, vel centum post centum : sic etiam si conceperis in materia prima virtutem quandam in illa capacitate sustinendi formas, non capies virtutē infinitam, si ad formas infinitas ita se habeat vt vnā tantum possit sustinere. Hoc idem argumentum, quod magis militat contra causam efficientem, ibi etiam magis ponderabitur.

Obijc. vltimò : si materia est potentia, & appetitus per seipsam ad omnes, & singulas formas posibles, sequitur quod qualibet forma implicante implicaret materiam, cōseq. est falsum ; ergo & ant. Minor probatur : quia absurdum est dicere quod implicante forma muscæ implicaret materia ignis, ligni, leonis, &c. Probatur autem sequela maioris, quia implicante forma muscæ implicat cau-

fa'passiua formæ muscæ: sed hæc materia, quæ datur, est causa passiua formæ muscæ, ergo implicante formâ muscæ implicat hæc materia.

Resp. neg. sequelam mai. Ad probationē cōc. totū, quia nō probatur quod implicaret materia, sed quod implicaret hæc materia. Implicaret autē hæc materia, quia hæc est ad ōnes formas, adeoq. ad formâ muscæ. Ad probationem minoris, dic absurdum esse implicante musca implicare materiam leonis, si sit diuersa materia muscæ, & leonis. Si autem sit eadem materia muscæ & leonis, non est absurdum implicante musca implicare materiam leonis: quia implicante musca implicat materia, quæ sit leonis & muscæ.

Dices: ergo implicante musca implicaret leo. Probatur cons. quia implicante materia leonis implicaret leo: sed implicante musca implicaret materia leonis; ergo implicante musca implicaret leo.

Resp. neg. cons. Implicaret quidem Leo constans ex hac materia, quæ est leonis & muscæ: non autem implicaret leo simpliciter: ex hoc enim quod daretur aliqua materia, quæ non esset potentia ad muscam, ut pote impossibilem; non sequeretur immediate, & per locum intrinsecum nō esse possibilem ullam materiam, ex qua fieret leo. Qui possibilitatem rerum omnium non alibi considerant, quam in Deo; qualibet re, quæ non implicat, implicante, aiunt eo ipso implicare omnia. Ratio est: quia implicante possibilitate vnius rei implicat possibilitas omni-

omnium: cum possibilitas omnium sit vna, & indiuisibilis possibilitas. Nos hic tantum modo consideramus, quid ex defectu huius materie sequeretur in præiudicium aliarum, vel potius quid ex implicantia intrinseca vnius rei; sequeretur in omnes alias res.

Dices. Si materia respiceret omnes & singulas formas sub ratione possibilitum; etiam implicante qualibet forma remaneret eadem materia prima hoc modo respicit formas; ergo etiã implicante musca manet in natura eadem materia. Probatur mai. quia posito tali respectu in materia, ad impossibilitatem cuiuslibet formæ manent eadem prædicata essentialia materie primæ: manentibus iisdem prædicatis manet eadem materia; ergo, &c. Probatur hæc vltima mai. quia hoc prædicatum respicientis omnes formas posibles manet, etiamsi non respiciat formam muscæ, quæ implicet: ex eo enim quod non respiciat formam impossibilem, non amittit prædicatum respicientis omnes formas posibles: quis enim sic arguat. Si forma muscæ fiat impossibilis materia prima non respiciet formam muscæ: sed respicere omnes formas posibles est prædicatum essenziale materie primæ; ergo si musca implicaret deficeret in materia aliquod prædicatum essenziale. In hoc argumento concedetur mai. & min. & negabitur conf. dabitur ratio negandi quia etiamsi non respiciat formam muscæ; non propterea non respicit omnem formam possibilem: quando quidem in illa hypothesi inter formas posibles non est forma muscæ.

Resp. formando aliud argumentum. Materia

teria prima non facta illa hypothefi respicit  
 formam muscæ: in illa hypothefi non respi-  
 cit formam muscæ; ergo non est eadem in  
 illa hypothefi, ac sine illa hypothefi: eadem  
 inquam, secundum prædicatum essentialē:  
 est enim simpliciter, & absolutē necessarium  
 materiæ primæ respicere formam muscæ; di-  
 cere igitur materiam primam non respicere  
 absolutē ullam formam, sed conditionatē;  
 videlicet si sit possibilis; est fingere mate-  
 riam suo modo, non autem sustinere illam,  
 quæ de facto datur. Ad argumentum dic ma-  
 teriam appetere omnes formas posibles,  
 easq. respicere per modum potentiæ singu-  
 las determinate: adeoque esse relationem  
 transcendentalem ad quamlibet ex possibili-  
 bus simpliciter, & absolutē: & consequen-  
 ter eo ipso, quod fingis in vlla ex possibili-  
 bus defectum possibilitatis: fingis consequē-  
 ter in materia defectum relationis ad ipsam:  
 defectus autem talis relationis est defectus  
 prædicati essentialis. Ratio à priori cur non  
 dicas materiam appetere formas posibles  
 appetitu quodam conditionato: hoc est for-  
 mam muscæ, si sit possibilis: & sic de cæteris  
 est: quia respectus naturalis sub conditione,  
 quam impossibile est non esse, est respectus  
 absolutus: inepte enim ponitur hæc condi-  
 tio: *Dummodo non sit id, quod impossibile*  
*est deesse:* vel: *Dummodo adsit id, quod im-*  
*possibile est non adesse:* immò etiam in con-  
 tractu civili hæc conditio est inepta: & ri-  
 dendus esset, qui promitteret tibi librum  
 hac conditione: nè tali die desit id, quod im-  
 possibile est deesse. Adeoque si quis mihi  
 iuravit daturum se mihi breuiarium eta-  
 sina

stina die, dummodò sim, & non sim chimera: eo ipso non tenetur promissione sua, quia eo ipso censetur insanus. Ex his patet ad omnia.

## ARTICVLVS VI.

*An hæc potentia, & appetitus sit etiam ad corruptas.*

**I**Nter formas simpliciter possibiles recenseri possunt formæ etiam corruptæ: non enim implicat Animam Bucephali nostris temporibus reuiuiscere, adeoque te etiam nunc equitare in equo Alexandri. Controuersia est, an ad huiusmodi formam materia habeat tum potentiam, tum appetitum naturalem. Ad hoc quæsitum.

Respondemus affirmatiuè. Ratio est, quia etiam si dicas deesse in natura potentiam simpliciter ad existentiam Bucephali iampridem extincti, non propterea dicis deesse in natura potentiam secundum quid: ergo ex eo præcise, quod nequeat naturaliter existere de nouo Bucephalus non rectè inferes materiam primam non esse potentiam naturalem ad formam Bucephali. Consequens est euidentissimè ex defectu causæ adæquatæ numquam inferes defectum causæ, saltem partialis. Sicut autem ex defectu potentie adæquatæ malè inferes defectum potentie secundum quid: ita etiam ex positione potentie secundum quid, malè inferes positionem potentie simpliciter: adeoque sicut non valet hoc: non datur potentia adæquata ad formam Bucephali; ergo materia non est potentia ad formam

Bucephali : ita nec valet istud : materia est potentia ad formam Bucephali ; ergo datur potentia simpliciter ad Bucephalum, potestq ; simpliciter, & absolutè de nouo existere Bucephalus.

Rursus formâ Bucephali est eiusdem omnino rationis, siue corrupta, siue non corrupta ; adeoq. si singas dari cætera, ex quibus sit, nihil debes immutare de conceptu materiae ad hoc, ut habeas materiam aptam illi recipiendæ. Explicatur hoc, exemplo aliarum potentiarum : si Deus destrueret omnia combustibilia : sed seruaret ignem: nemo diceret deesse in natura potentiam actiuam ad ignem : & tamen esset vera hæc propositio : nequit fieri ignis : ad hoc enim ut fiat ignis non sufficit ignis, sed præterea requiritur aliquid, ex quo fiat ignis: destructo autem omni combustibili ; ubi habebis, ex quo facias ignem ? Item si Deus destrueret omnia colorata, seruaretq. in natura tuum oculum: rogo an deesset in natura potentia visua? Respondebis negatiuè : & tamen in tali casu nihil posses videre. Eodem modo si desint in natura cætera comprincipia requisita ad formam Bucephali nequit simpliciter forma Bucephali denuò existere : sed non propterea deest in natura subiectum capax ipsius.

Præterea etiam si desit principium reproductiuum eiusdem formæ naturaliter : non tamen deest principium reproductiuum simpliciter : posset enim Deus formam corruptam reuocare ad esse. In tali casu quid vetat hanc formam, in hac materia recipi : Et quid aliud requiritur in hac materia, ut formam huiusmodi patiatur ? Sereno Cælo

pluere est impossibile: adeoque rectè dices: nequit terra imbribus irrigari: quod si Deus etiam sereno Cœlo imbrem effundat, ut potest: eadem potentia, qua terra reciperet imbrem effusum è nubibus, excipit imbrem miraculosè inunissum à Deo. Hæc omnia videntur manifesta.

Quod dictum est de potentia, dic etiam de appetitu. Hic enim consistit in proportionē quadam uateriæ cum forma, tamquam cum sui perfectiuo: hæc autem proportio non est minor cum forma, quæ fuit, & amplius non est; quam cum ea, quæ non est, sed erit, vel neque est, neque erit. Nemo negabit compleri materiam per formam Bucephali, siue hæc producat, siue reproducat: ergo tam per reproductam, quam per primò productam satisfit exigentiæ, quæ materia petit coire in vnā substantiam simul cum formā.

Obijc. 1. Si materia prima est potentia naturalis ad formam semel destructam, datur potentia naturalis ad naturaliter impossibile: conseq. repugnat in terminis; ergo & ant. Probat, sequela: quia de nouo existere Bucephalum Alexandri est naturaliter impossibile: sed eo ipso quod materia prima est potentia naturalis ad ipsum, datur potentia naturalis ad ipsius existentiam, ergo &c.

Resp. dist. mai. daretur potentia naturalis, quæ sit potentia simpliciter: nego; quæ sit potentia secundum quid: conc. mai. & eodem modo dist. min. neg. conseq. Hæc propositio: *Datur potentia naturalis ad impossibile*, sonat idem ac: potest naturaliter existere id, quod est naturaliter impossibile, quod



quod repngnat in terminis: implicat enim aliquid existere, quin detur potentia adæquata ad ipsius existentiam: potentia autem adæquata non solum includit potentiam passivam, sed & activam: & præter utramq. omnes condiciones, & circumstantias, quibus res naturaliter fiat. Si rogetis, an ignis Romanus possit naturaliter liquefacere niuem Florentinam: respondebis negativè. Si rursus rogeris quare? non assignabis defectū virtutis in igne Romano, aut liquefactibilitatis in niue Florentina: habes igitur & ex parte agentis, & ex parte passi, quod requiritur ad liquefactionē huiusmodi. Quid igitur deest, nisi conditio propinquitatis agentis ad passum? nihil nihil enim aucta virtute ignis, nihil liquefactibilitate niuis, hic idem ignis illam niuem liquefaciet, vt est manifestum.

Obijc. 2. Nequit naturaliter dari in materia receptio formæ, quæ fuit ergo materia non est potentia naturalis ad talem formam.

Resp. dist. ant. non potest naturaliter dari in materia receptio, &c. ex defectu materiæ nego, ex alio capite conc. ant. & nego confirmatoria prima non minus apta est sustinere formam, quæ reproducatur, quam formam, quæ primò producat: sicut v.g. tellus non est minus apta sustinere Lazarum resuscitatum, quam eundem Lazarum priusquam moreretur. Si quis igitur petat, an tellus possit naturaliter fulcire hominem resuscitatum: quidquid respondeas benè respondes, dummodo responsionem tuam benè explices, vt facies, si nobis attendas. Si neget: dices non posse, quia nequit naturaliter dari



homo resuscitatus: si affirmes; dices idè posse, quia posito, quod hic quomodolibet detur, iisdem viribus, quibus alios sustinet tellus, sustinebit & istum.

Obijc. 3. materia prima non est potentia ad formam simpliciter impossibilem; ergo nec ad formam naturaliter impossibilem erit potentia naturalis. Consequ. probatur, quia sicut se habet simpliciter ad simpliciter, ita secundum quid ad secundum quid; ergo quemadmodum ad impossibile simpliciter deficit potentia simpliciter, ita ad impossibile naturaliter deficit potentia naturaliter.

Resp. melius fore hoc argumentum. Sicut se habet simpliciter ad simpliciter, ita secundum ad secundum quid: ad impossibile simpliciter deficit potentia simpliciter; ergo ad impossibile secundum quid deficit potentia secundum quid. Et tunc concedes totum. Nam & minor est vera, & consequentia, & utraque tibi militat, & veritati. Deest enim potentia naturalis, quæ sit potentia simpliciter, ad naturaliter impossibile: deest etiam potentia secundum quid, quamvis etiam secundum quid detur: immò ex eo quod solum detur secundum quid: hoc est secundum partem, deest etiam secundum quid, hoc est secundum aliam partem, ex hoc autem quod desit secundum partem, deest potentia simpliciter, & absolute, non tamen potentia in genere potentia passiva. Ad argumentum in forma conc. ant. nega consequ. Præter ea, quæ dicta sunt de materia, quæ est relatio transcendentalis ad omnes, ita ut determinatè sit ad singulas possibiles: ita quæ

dem vt & qualibet ex his implicante, ipsa implicaret; & qualibet ex implicantibus non implicante, idem accideret: quia tam implicat conceptum materiæ quidditativum addendo, quam detrahendo mutari. Obiter nota, quod potentia, quæ esset secundum quid ad simpliciter impossibile, esset quoad hoc omnino frustranea: implicat enim id, quod implicat, non implicare. At verò potentia secundum quid, seu receptiva formæ naturaliter tantum impossibilis, non est frustranea; quia id, quod est naturaliter tantum impossibile, est possibile simpliciter: & si fiat vides quam naturale sit materiæ ipsum recipere.

Dices: non implicat dari causam inadæquatam totius chimerici; ergo non implicat materiam primam esse potentiam ad formam chimericam. Antec. probatur, quia Petrus & Chimera est totum chimericum: implicat enim binarium huiusmodi dari in natura: & tamen huius binarij datur causa inadæquata in genere causæ componentis: causa autem inadæquata, & causa secundum quid, sunt vnum & idem: ergo non implicat causa secundum quid totius chimerici. Probatur autem conf. quia non est potior ratio de vna, quàm de alia.

Resp. nec implicare materiam esse causam inadæquatam in genere causæ componentis totius Chimerici. Hoc enim idem, quod scripsisti de Petro, scribe de materia: sed sicut Petrus nequit vllò modo concurrere ad existentiam chimæræ: sed solum faceret cum illa binarium, si hæc existeret: ita materia prima ineptè diceretur posse aliquali-  
ter

ter, & per modum causæ passiue concurrere ad existentiam formæ chimericæ, cum qua si hæc existeret, faceret & ipsa binarium. Materia prima ita est potentia, vt sit etiā exigentia, stulta est autem exigentia rei simpliciter impossibilis.

Dices: erit exigentia conditionata: putà: si forma esset possibilis, v. g. dicat materia prima: vellem excipere chimeram si hæc non esset chimera.

Resp. huiusmodi exigentiæ conditionatæ responsum fuisse, vbi de conditione per impossibile, quam diximus ineptè poni in intentionibus naturæ; Nota per huiusmodi affectū chimeram non amari vlllo modo à materia prima; sicut non amareris ab eo, qui diceret: O quantum amarem te, si non esses tu! Idem autem dicit, qui dicit: O quantum amarem te, si esses alius! qui affectus est quidem vehemens: sed erga alium.

## ARTICVLVS VII.

### *Defenditur appetitus.*

**C**ontra appetitum specialiter pugnant Aduersarij nostri. Obijciunt igitur primò appetitus naturalis nequit esse ad terminum naturaliter inadipiscibilem: forma reproducta est huiusmodi; ergo appetitus naturalis materiæ nequit esse ad formam reproductam. Maior videtur manifesta. Minus supponitur ex dictis.

Resp. neg. mai. cum D. Thoma 1. parte quæst. 76. art. 1. ad 6. Nam Anima humana, vt ait ibi S. Doctor, à corpore separata habet

bet aptitudinem, & inclinationem naturalem ad corporis unionem: cum tamen ea Animæ cum corpore reunio, seu reconiunctio non sit naturaliter adipiscibilis. Ratio à priori est: quia Animæ secundum se conuenit vniri corpori; & consequenter ea unio a quocumq. tandem agente fiat, est maxime secundum naturam Animæ. Eodem planè modo philosophare, & tu de materia. Materiæ secundum se conuenit vniri huic, vel illi formæ, & actuari per hanc, vel illam formam: à quocumq. igitur agente hæc, vel illa forma illi tribuatur, est secundum naturam ipsius. Vbi aduerte, & appetitum, & aptitudinem etiam ad aliquid naturaliter inaequisibile, sine vlllo scrupulo vocari naturalem.

Obije. 2. Si materia prima naturaliter exigit etiam formam corruptam non est vlla ratio cur nequeat illam naturaliter habere; conseq. est absurdum; ergo & ant. min probatur: quia si naturaliter posset habere formam ante destructam: non est cur nequeat redire in rerum naturam Bucephalus: hoc autem absurdum esse constat ex eo, quod si quis hoc diceret, & irrideretur, & damnaretur erroris. Primò quidem, quia erroneum est bestias resuscitari, erroneissimum autem resuscitari naturaliter. Secundò, quia admissa tali resuscitatione statim ostendetur etiam hominis resurrectionem esse per naturam: quemadmodum enim forma sensibilis fit in subiecto ad exigentiam, & ex concursu subiecti; ita forma rationalis fit in subiecto, non quidem ex concursu, sed ad exigentiam subiecti. Et quemadmodum potest  
per

per naturam ex subiecto fieri, quod iam olim factum est, & destructum: ita poterit subiecto restitui, quod olim habuit, & amisit, quamvis non omnino perierit: vtrunq. autem per naturam. Probatur autem sequela maioris: quia si dixeris materiæ idcirco non posse restitui formam destructam, quia non est in natura causa efficiens apta illa eandem reproducere: contra est: quia non est potior ratio, cur deficiat in causa actiua virtus efficiendi, quam in causa passiva virtus patiendi. Probatur hoc: quia quemadmodum forma *A*, siue corrupta, siue non corrupta: est eiusdem omnino rationis, & consequenter semper eodem modo proportionata materiæ per modum actus ipsam complementis: ita etiam cum sit semper eiusdem rationis, est semper proportionata causæ efficienti in ratione effectus. Ignis *B*, v.g. siue olim fuerit, siue nunquam fuerit ante productus, semper est eadem entitas; adeoque semper proportionatus in genere effectus cuilibet alteri igni.

Confirmatur hic discursus breuissima ratiocinatione. Non deficit in materia potentia passiva; ergo nec in agente potentia actiua: ergo ex nullo capite deficit in natura potentia simpliciter, & absolute ad reproductionem rei corruptæ. Probatur hæc vltima consequentia, quia per potentiam passivam, & potentiam actiuam debetur potentia adæquata rei: habita potentia adæquata potest haberi res; ergo habita potentia tum passiva, tum actiua potest haberi res.

Resp. neg. sequelam maior. Ad probationem respondeo primò, etiam data virtute acti-

Activa cum potentia passiva non continuo dari quidquid requiritur ad existentiam rei: sæpe enim deficit potentia naturalis adæquata ad aliquid ex defectu conditionum; quæ conditiones, si naturaliter possint haberi: res est possibilis naturaliter: si nequeant, res est naturaliter impossibilis. Te calefieri ab igne, qui ardet Persepoli, est naturaliter possibile: non quidem si mancas ubi es, & maneat ignis ubi est: sed si vel tu Persepolim accedas; vel ignis, qui est Persepoli, Romam deferatur. Quamvis igitur concederes dari, & potentiam passivam, & potentiam activam, utramq. naturalem: si desint circumstantiæ naturaliter requisitæ, non propterea naturaliter fiet.

Dices: non est assignabile quid ultra requiratur ad hoc, ut res iam destructa iterum fiat, & naturaliter fiat; ergo data utraq. potentia debet dici, quod res naturaliter fiat.

Resp. neg. ant. Ad assignandum quid desit tenere oportet quod dictum est in Logica, ubi de individuo. Diximus ibi individuationem physicam nihil aliud esse, quam collectionem proprietatum, quæ ita insit uni, ut in altero nunquam sit eadem. Hæc autem collectio hoc versiculo continetur: *Forma, figura, locus, stirps, nomen, patria, tempus*: quemadmodum autem: nequit per potentiam naturalem duobus hæc eadem collectio convenire: ita nec uni duplex collectio: si autem ponas rem, quæ ante fuit, iterum fieri: novam stirpem, novum tempus, & alia huiusmodi eidem rei imponis. Hoc posito: finge in qualibet re dari characteristicam illam, quam suo loco reieccimus, & videbis dari

dari repugnantiam naturalem, ut res illa, quæ anno præterito in hoc loco, & in his circumstantiis producta est, produceretur hoc anno, & in his alijs circumstantiis. Et hæc est ratio sufficiens reiiciendi reproductionem effectus ijs, qui huiusmodi characteristicam tenent.

Vide iam nos etiam, qui characteristicam repulimus, eadem ratione fulciri: nam etiam etiam si res quælibet non petat determinatè hanc vel illam, præ alia, collectionem accidentium; petit tamen indeterminatè, & aliquam, & vnā: huic autem exigentiæ, quæ est huius, vel illius, satisfacit auctor nature non dando indeterminatam, quod implicat, sed dando determinatam, adeoq; hanc potius quam illam: cum igitur vnicuique rei determinatè suam assignauerit, esset contrā ordinem in natura constitutum; vel si nolis, saltem supra ordinem huiusmodi, si simul aliam daret: sicut quando determinatè exigitur hæc, esset præter ordinem naturæ si alia daretur, vel simul cum hac, vel solitariè: magis autem si simul cum hac: est enim longè maior dispensatio si res reproducatur, quam si res in alio loco, vel tempore, quam sicut exigit, producat.

Non tamen omittendum est hic non valere argumentum Aduersarij à causa passiva ad actiuam. Ratio est: quia etiam respectu formæ, quæ non potest per naturam produci, datur naturalis potentia passiva: igitur non valet argumentum: ad hanc formam datur potentia passiva naturalis; ergo etiam actiua. Ad fidem, charitatem, & alias huiusmodi formas supernaturales non datur in-


natura principium actuum: nemo enim à natura habet, aut credere Deo, aut Deum super omnia diligere: non enim sumus potentes cogitare aliquid boni ex nobis tamquam ex nobis: immò: nemo potest dicere: *Dominus Iesus, nisi in Spiritu Sancto*: & tamen datur in natura subiectum, seu potentia passiva ad huiusmodi, iuxta axioma Augustini 1. de Prædestinatione Sanctorum cap. 5. *Posse habere fidem, sicut & posse habere charitatem nature est hominum; habere autem fidem, quemadmodum & habere charitatem gratie est fidelium.* Ex quibus habes potentiam receptivam fidei, aliorumque habituum supernaturalium esse naturalem, quamvis causa effectiva eorum sit supra naturam. Ratio à priori sit: quia posse recipere non est perfectionis, perfectionis est posse dare: ex eo quod detur capacitas cum defectu, non argues dari capacitatem, non solum non dicentem defectum, verum etiam dicentem de suo conceptu perfectionem simpliciter simplicem, capacitas cum defectu est potentia passiva: capacitas non dicens defectum est potentia dandi, & activa.

Aduerte autem argumentum esse non à pari, sed à fortiori: si enim detur in natura capacitas recipiendæ formæ entitatiuè supernaturalis, dabitur à fortiori capacitas recipiendæ formæ entitatiuè naturalis, qualis est quælibet forma corrupta.

Quod si prædicta doctrina de individuatione non sufficit: sufficit tibi hic reproductionem formæ non esse impossibilem ex capite materiæ primæ: vnde cumq. tandem habeatur hæc impossibilitas. Sunt qui explicent



cent naturalem hanc impossibilitatem redeundi ad esse per iustitiam quandam distributiuam, qua Deus, vt auctor naturæ, quodammodo teneatur dare esse potius rei, quæ numquam fuit, quam rei, quæ fuerit, vbi in vniuerso idem bonum cæteroquin per vnam habetur, ac per aliam. Putà ex hac palea generandus est ignis: est in potestate Dei, vel ignem dare, qui numquam fuit, vel illum reuocare, qui Troiam combussit, & extinctus est: cum vtrumq. possit, tenetur, aiunt, per legem quandam, quam nunquam citant, iustitiæ distributiue potius ponere in natura primum, quam secundum, melius enim est, inquiunt, vt ille, qui numquam fructus est esse, semel saltem fruatur, quam vt ille, qui iam semel fructus est, iterum reuocetur; & iterum fruatur: nàm ille ignis remanens in statu possibilitatis inuideret igni iterum procedenti in rerum naturam, & Deum quodammodo appellaret acceptorem non personarum, sed ignium. Huiusmodi discursus euidenter demonstrant imbecillitatem intellectus humani.



## Q V A E S T I O VII.

*An materia possit esse sine omni  
forma.*

## A R T I C V L V S I.

*Ponitur duplex Conclusio.*

**P**Rima est. Materia nequit naturaliter spoliari omni forma substantiali. Probatur autem ex communi proloquio: *Generatio unius est corruptio alterius, & vicissim: corruptio unius est alterius generatio*; ergo quotiescūq. agens naturale expellit aliquam formā substantialem à materia, aliam item substantialem in eandem inducit: & consequenter ex vi agentis naturalis nequit materia prima spoliari vna forma, quin altera vestiatur. Conseq. est evidens: quia si actio expulsiva unius formæ non esset alterius inductiva, esset merè corruptiva, non autem generativa: ergo, ut verum sit axioma prædictum, debet cum expulsionem unius esse productio alterius.

Huius axiomatis fidem inuenies apud omnes; nescio an etiam rationem. Philosophus enim habet illud adeo pro certo, ut vix examinet. Et quidem rationem huius veritatis à posteriori non est arduum inuenire: patet enim inductione tam ex nihilo nihil fieri, quam in nihilum nihil reuerti: & tam nullam substantiam de nouo fieri, nisi ex alia sub.

substantia, quam nullam substantiam perire nisi abeat in aliam substantiam. Perit homo, & abit in cadauer: perit cadauer, & abit in vermes, &c. quæ omnia sunt substantiæ. Ratio autem à priori assignari potest hæc: quia omnis actio habet pro termino aliquid: non esse autem rei, quæ corrumpitur, non est aliquid; ergo non esse rei, quæ corrumpitur, non est terminus ullius actionis: sed eo ipso quod non esse non est terminus ullius actionis, implicat actio pure corruptiva; ergo, &c.

Brevis hæc ratiocinatio maximè facit ad id, quod dicturi sumus de concursu Dei immediato cum qualibet causa secunda ad quælibet effectum: ubi ostendetur, & per puram suspensionem actionis, rem, quæ antea erat, definere; & per negationem actionis rem non poni. Sermo autem est hic de actione transiente in externam materiam. Posset enim quis contra hoc principium *omnis actio terminatur ad aliquid* siue: *omnis actio est alicuius rei positio*, sic litigare: multæ actiones nihil ponunt in natura nisi seipsas; ergo falsum est quod omnis actio sit alicuius rei positio: & quod omnis actio terminetur ad aliquid: consequ. est evidens; nam actio quæ nihil ponit nisi se, adeoque quæ nihil præstat, nisi in genere causæ formalis, non habet aliquid pro termino sui: nihil enim ad seipsum terminatur. Ant. autem probatur ex dictis alibi, ubi de differentia actionis, & effectiois: dictum est enim multarum artium finem esse actionem ipsam. Item actiones immanentes quales sunt cognitio, volitio, visio, & aliæ huiusmodi non sunt ullius rei positio.

Propterea diximus axioma hoc intelligendum esse de actione transeunte. Sunt tamen qui etiam actionibus immanentibus aliquid, sed etiam immanens pro termino assignant: distinguunt enim inter actionem, & actum; assignantes pro actu quandam specie qualitatis emanantem ab actione ipsa: sed non est locus hic hoc examinandi: pro conclusione sufficit inductio illa, quam ex Philosopho, & experientia attulimus.

Ratio autem petita non ex natura actionis, sed ex natura materię, est: quia materia non amittit vnā formā, nisi propter impossibilitatem illius cum accidentibus, introductis ab agente: puta materia non amittit formā paleę, nisi propter impossibilitatem talis formę cum tanta intensiōe caloris, & siccitatis: contingit autem ea accidentia, quę vni formę aduersantur, esse alterius formę propria: puta hæc ipsa caloris, & siccitatis intensiō est propria formę ignis: tam autem repugnat deficiente collectione accidentium formę *A* durare in natura formam *A*, quam repugnat existente collectione accidentium propria formę *B* non exsistere formam *B*: vnde prædictum axioma: *Generatio vnius est corruptio alterius*, & è conuerso, verificatur etiam de generatione, & corruptione dispositiua: quę enim accidentia disponunt ad corruptionem paleę, disponunt etiam ad generationem ignis, & è conuerso.

Denique dictum est alibi naturam non tendere ad non ens, sed ad ens. dum igitur corrumpit lignum non tendit primariò ad non esse ligni; sed ad esse ignis: quia verò  
incom-

impossibilia sunt ista duo: ignis, & lignum; oportet ut vno accedente alterum recedat. Accessus est intentionis primariæ, recessus secundariæ.

Secunda Conclusio sit. Materia potest supernaturaliter spoliari omni forma substantiali. Probatur Conclusio: quia materia spoliata omni forma substantiali non inuoluit contradictoria; ergo est aliquid possibile. Antec. negatur, & merito à Thomistis. Nam idem est dicere: materia existens sine forma, ac materia existens sine existentia: hoc secundum repugnat; ergo & primum. Ratio est: quia forma, siue existentia formæ, est formalissima ratio existendi materiæ.

Hanc Thomistarum responsionem reieci-  
mus, ubi diximus materiam non existere per  
existentiam formæ. Hanc eandem conclu-  
sionem probant alij hoc argumento. Forma  
substantialis, etiam materialis, potest super-  
naturaliter esse sine omni subiecto; ergo sub-  
iectum ipsum, siue materia prima potest su-  
pernaturaliter esse sine omni forma substan-  
tiali. Ant. probatur: quia formæ acciden-  
tales possunt supernaturaliter esse sine subie-  
cto, ut constat ex Venerabili Sacramento  
Eucharistiæ; ergo etiam formæ substantia-  
les. Probatur autem conseq. quia maior est  
dependentia formæ materialis à materia;  
quam materiæ à forma. Valeat hoc argumen-  
tum quantum valere potest. Melius est id,  
quod primo loco positum est: Deus enim  
censetur posse quidlibet, dummodo non ap-  
pareat repugnantia. Hanc autem numquam  
ostendet Aduersarius in materia carente om-  
ni forma substantiali.

## ARTICVLVS II.

*Satisfit Aduersarijs.*

**O**bjicitur primò. Materiam esse sine omni forma accidentali est etiam supernaturaliter impossibile; ergo est etiam impossibile esse sine omni forma substantiali. Ant. probatur: quia implicat materiam esse, & numquam esse; esse & nusquam esse: ergo eo ipso quod est, est & in aliquo loco, & in aliquo tempore: esse autem in hoc loco non habet per seipsam, sed per vocationem superadditam: esse in hoc tempore, per durationem superadditâ: ergo eo ipso quod est, necessario necessitate metaphysica habet, & durationem, & vocationem sibi superadditam. Supponitur hoc ex tractatu de loco, & tempore, ubi cum Philosopho dicitur id quod nullibi est, & numquam, esse sicut Sphingem & Hyppocentaurum, hoc est non esse. Probatur autem consequ. quia absurdum est materiam magis pendere ab imperfectioribus, quam à perfectioribus formis: est autem euidens formas accidentales imperfectiores esse substantialibus.

Resp. trans. ant. neg. conf. Probationem antecedentis audiemus, ubi promittitur. Ad probationem consequentiæ negatur suppositum: materia prima, propriè loquendo, non pendet à formis, sed formæ pendunt ab ipsa: ipsa enim est pro priori, & ad formam substantialem, & ad formas accidentales. Quod si pendere idem sonat apud Aduersarium, quod indigere: non est absurdum quod materia

teria prima magis indigeat imperfectioribus, quam perfectioribus : sicut non est absurdum quod tu domine mi magis indigeas vestibus, quam seruis ; & inter seruos magis infimis, quam dignioribus : quis enim dominus non magis indiget coquo, quam præfecto cubiculi ? & inter vestes ipsas quis non magis indiget subucula & caligis, quam pallio & alijs huiusmodi, quæ pretiosè circumregunt infirmitatem nostram ?

Obijc. secundò. Si poneretur materia sine omni forma substantiali, non est diuinabile quid de ipsa eueniret ; ergo non potest poni in tam miserabili statu. Probat. ant. prouocando te ad diuinandum : dic enim an in tali statu connaturaliter deberet conuersari, an destrui ? Non destrui : quia eo ipso non existeret sine omni forma substantiali : non conseruari ; quia est in natura vt faciat totum : tunc autem non faceret totum ; ergo, &c.

Resp. primò etiam dato antecedenti ; negandam fore consequentiam :

Resp. secundò neg. ant. & diuino. Dico autem materiam primam in tali hypothese seruatum iri. Ad rationem in contrarium dic materiam ita esse vt faciat totum, vt tamen non repugnet esse extra omne totum : non enim repugnat Deum dispensare tum in legibus, tum in finibus naturæ. Adde quod etiam naturæ melius est materiã stare, quam perire : ex ea enim, quæ periit, quid natura faciet ? ex ea autem, quæ est, poterit quidlibet facere, vt patet.

Obijc. tertio. Materia prima maiorem unitatem habet cum forma substantiali, quam cum accidentali ; ergo est magis inseparabilis

à substantiali, quam ab accidentali: sed ab omni accidentali est metaphysice inseparabilis; ergo & à substantiali: ant. probatur: quia materia cum forma substantiali habet unitatem per se, cum accidentali unitatem per accidens: unitas per se est maior unitas, quam unitas per accidens. Hoc argumento frequenter vtuntur Scotistæ.

Resp. neg. suppositum antecedentis. Materia prima nō habet unitatē, neque cū forma substantiali, neque cum forma accidentali; ab utraque enim realiter & physice distinguitur. Habet cum utraque unionem, strictiorem quidē cum forma substantiali, quam cum accidentali: quis enim neget, materiam paleæ, quamuis facillimē recipiat nouam formam, puta formam ignis, mutare facilius ubicationem, ac durationem? & hoc quidem stat cum exigentia, cui dispensari nequeat, alicuius ubicationis, & durationis. Ad id igitur quod dicitur: materiam esse inseparabilem ab omni forma accidentali, respondendum est negando. Immo separabilis est ab omni, quamuis necesse sit vt habeat aliquam: hoc est carere potest qualibet, sed non omni; carere autem potest, & qualibet forma substantiali, & omni: ex quo non sequitur strictius vniri vlli formæ accidentali, quam vlli substantiali.

Obijc. quartò. Materia prima est propter formam substantialem, non autem propter accidentalem; ergo magis exigit formam substantialem, quam accidentalem. Probatur ant. quia materia prima est in natura, non vt faciat vnum per accidens, sed vt faciat vnum per se. Probatur autem consequentia:

quia:



**Q**uia propter quod vnumquodque tale, & illud magis: sed propter formam substantialem exigitur forma accidentalis; ergo magis exigitur forma substantialis. Maior est axioma, cuius veritas inductione patet: qui amat studium propter sapientiam, magis amat sapientiam, quam studium; qui amat medicinam propter sanitatem, magis amat sanitatem, quam medicinam; qui amat Mathematicam propter Physicam magis amat Physicam, quam Mathematicam, & sic de ceteris. Vbi nota non modo magis amari id, propter quod amatur aliud, sed illo eodem amore magis amari, quo amatur aliud: puta amor medicinæ propter sanitatem, est maior amor sanitatis, quam medicinæ. Minor autem est evidens, quia formæ accidentales habent rationem mediæ ad substantiales.

Resp. quod ijs formis, quæ sunt purè media ad substantiales, tam carere potest materia prima, quam ipsis substantialibus: quis autem dixerit durationem, & vlicationem esse media ad hanc vel illam formam substantialem? Huiusmodi accidentia non vocantur media ad aliud; sed necessariò consequentia ad esse rei, quæ est. Posset igitur vel concedi totum: quandoquidem comparatio est inter formas, quibus omnibus carere potest materia: vel negari suppositum totius discursus: quod videlicet omnia omninò accidentia, tam realia, quam modalia habeant rationem mediæ ad formas substantiales. In forma ad argumentum negandum est antec. materia non est propter formam; sed tam forma, quam materia sunt propter totum: quod si dicas: totum nihil est præter mate-

riam & formam; ergo materia & forma non sunt propter totum. Conseq. probatur: quia aliter essent propter seipsa. Respondebo cum distinctione: vel enim accipis materiam & formam collectiue; & tunc sunt ipsamet substantia, quæ est gratia sui; vel distributiue, & tunc singulæ distinguuntur à toto; suntque propter ipsum, quod est gratia sui.

Dices: forma substantialis dicitur finis materiæ, eo ipso quod est bonum ipsius: idem enim est bonum, & finis: ergo magis est propter formam substantialem, quam propter accidentalem, quæ non est finis ipsius; ergo magis exigit formam substantialem, quam ullam accidentalem. Probatur vltima consequentia: quia quod habet rationem finis & boni, magis exigitur, quam quod non habet rationem huiusmodi.

Iam dictum est finem materiæ esse substantiam: si tamen mauis aliter respondere concesso primo entimemate; nega vltimam conseq. Ad probationem dist. magis exigitur, &c. cæteris paribus: omitto; cæteris imparibus: nego. Materia prima, vt bene se habeat, indiget forma substantiali; hoc est vt sit in natura inodo sibi debito, & conaturali: vt autem sit, indiget aliqua vberatione, & aliqua duratione: quamuis autem melius sit illi esse modo debito, quam aliter, tamen melius est illi esse, quam, nec saltem aliter esse. Sine forma substantiali non bene est; sine duratione non est.

Ex dictis aduerte non probari ex predicatis materiæ primæ quod ipsa nequeat spoliari omni forma accidentali; sed ex ratione communi, qua implicat aliquid esse, & nusquam,

quam, vel numquam esse: adeoque argumenta omnia, quæ ex appetitu materiæ ad formas peti solent, laborant in supposito: quasi vero non posse esse quum alicubi sit, illi conveniat quia est materia. Et hæc de materia satis.

## QVÆSTIO VIII.

### *De Forma.*

#### ARTICVLVS I.

*In quo consistat ratio formæ, & an sit tota quidditas Compositi?*

**D**ictum est initio Physicæ, ubi de principiis rerum naturalium in genere, in vnaquaque substantia, præter materiam, quæ in diuersis est eadem, esse aliud principium, per quod habetur diuersitas vnius ab alia substantia. Hoc principium vocatur à Philosopho forma. Videtur igitur secundum sententiã Philosophi formam nihil aliud esse, quam principium intrinsecum per quod substantia à substantia substantialiter differt. Et hanc definitionem proculdubio pro bona admitteret Aristoteles, qui centies formam appellat rationem ipsius quod quid est esse rei, speciem, pulchritudinem & cetera id genus, quæ omnia consonant huic dicto: *materia appetit formam, ut turpe pulchrum.*

Possent hoc idẽ probari ex dictis superius. Materia 1. quæ est in igne, est in illa eadẽ, quæ

quæ erat in palea; ergo ignis à palea non differt per materiam; differt autem, & quidem substantialiter; ergo præter materiam datur in utroque aliud principium intrinsecum, & substantiale, per quod hoc quidem ignis, illud verò palea est. Hoc autem principium cum sit id, ex quo huius, & illius species denominatur & est, recte & species, & forma dicitur. Consonat etiam hæc doctrina iis, quæ diximus agentes de gradibus metaphysicis, ubi diximus genus, & differentiam esse materiam, & formam metaphysicas; materiam autem, & formam esse genus, & differentiam physicam.

Quia tamen dictum est alibi non repugnare de potentia absoluta materiam diuersæ rationis ab hac: non videtur ratio specifica, seu differentialis vnius substantiæ ab alia sufficiens peti ex sola forma: probatur hoc: quia si forma ignis reciperetur in materia diuersa ab hac, quæ datur, faceret cum ipsa totum; specie diuersum ab igne, qui de facto datur; hæc diuersitas non haberetur per formam; ergo malè definitur forma: id per quod substantia à substantia substantialiter differt.

Ad resolutionem difficultatis tenendum est, quod alibi dictum est ex Philosopho: videlicet de materia rerum naturalium philosophandum esse per analogiam ad materiam rerum artificialium. Quædam artificialia differunt inter se, & secundum materiam, & secundum formam: quædam solum secundum formam. Quædam solum secundum materiam. Habes exempla in phiala, & tunica, in phiala, & patina. In duabus phialis alte-

altera aurea, & altera ænea. Phiala, & tunica differunt, & secundum materiam, & secundum formam: vnius enim materia lana est, alterius aurum. Phiala, & patina differunt solum secundum formam; vtriusq; enim materia aurum est. Duæ phialæ, altera aurea, & altera argentea, differunt solum secundum materiam: vtriusq; enim eadem figura est.

In his ultimis habes. solutionem questionis propositæ: nam tam ænea, quam aurea phiala, phiala nominatur, & est. Vnde autem sic nominatur, nisi à forma? Vides igitur rationem vnde res nominatur hoc & illud, esse formam; nulla habita ratione materiæ. Ab artefactis transfer animum ad naturalia. Pone Animam rationalem in materia, in qua de facto est; habes. hominem; pone illam eandem Animam in materia diuersa specie; putà in materia cœlesti, & iterum habes hominem: homo autem hic ab alio homine differet, sicut phiala aurea ab ænea: & sicut vtroque propter identitatem figuræ, hoc est formæ artificialis, retinetur nomen phialæ; ita vtroque propter identitatem formæ naturalis retinetur nomen hominis. Ex quibus liquet formam rectè dici: *Principium intrinsecum specialiter determinans ad hæc. vel illam rationem substantiæ: siue: rationem, qua res nomine proprio nominatur: seu: rationem, qua res nominatur hoc, & illud simpliciter.*

Confirmatur hæc doctrina ex communi sensu omnium Philosophorum, & hominum. Omnes conueniunt in hoc, quod hoc corpus cœleste Lunam, illud aliud Solem appellent: non tamen conueniunt cuius materiæ

teriæ sit hoc, & illud corpus. Alij enim materiam cœlestium diuersam rentur à materia sublunarium, alijs non diuersam: vtrique probabiliter; quia neutri vllam rationem afferunt momenti vllius. Igitur ad esse Solem, vel Lunam nihil facit quod sit hæc, vel illa materia. Idem etiam apparet in artefactis, in quibus conuenitur esse hoc, vel illud. putà esse amphoram, vel vrcem: dubitatur de materia, alijs stannum, alijs argentum, alijs plumbum, alijs aliud esse certantibus.

Propterea Sapienter Philosophus *Forma*, inquit, *est ratio ipsius quod quid est esse rei*: idest ratio per se, & secundum propria prædicata expressa in definitione, per quam scitur quid res sit. Quamuis enim in re præter formam detur aliquid aliud, videlicet materia, adcoque totum esse rei non sit sola forma: tamen quia hæc determinatè secundum suam propriam rationem; illa indeterminatè, & secundum præcisam rationem materiæ requiritur vt res sit id, quod per nomen ipsius intelligitur: ideò ab eodem Philosopho sæpe sola forma nuncupatur nomine quidditatis. Hoc modo loquitur 8. Metaph. cap. 4. vbi quærens, an quidditas rei sit idem cum re? Respondet cum distinctione: si res, inquit, est forma, & actus, quidditas rei est idem cum ipsa: ità quidditas Animæ rationalis est idem cum Anima ipsa. At si res est aliquid compositum vt homo, tunc quidditas non est idem cum re; quidditas igitur hominis non est idem cum homine, nisi, ait Philosophus, Animam quis hominem vocet. Quæcumq. igitur materia sit, cui rationalis Anima vniatur, totum hoc

hoc erit homo: & ab Anima habebit quod sit homo. En doctrinam de materia, & forma ab Aristotele adeò explicatam, vt vltiori explicatione non egeat.

Dices: homo si esset ex diuersa materia ab ea, qua constat, esset quid diuersum specie ab eo, quod est; ergo non sola forma, sed etiã materia determinat ad hanc speciem entis; ergo nõ habet ab hac forma solùm quod homo sit.

Resp. negando vltimam conseq. Qualibet enim materia constet, homo est: adeoq. etiam si varies materiam, non varias id, quod determinatè requiritur vt sit homo. Non diximus hominem tunc fore eiusdem speciei, cuius est nunc, sed fore hominem, sicut est nunc. Indifferentia igitur quædam est circa materiam ad rationem hominis, & cuiuslibet alterius; quæ indifferentia non est circa formam: non enim si quamlibet formam ponas cum hac materia: habes hominem: sicut habes quancumq. tandem materiam ponas cum hac forma: ex quo manifestum est rectè dici formam rationem specialiter denominantem, hoc & illud.

Replicabis: homo ex materia cœlesti v.g. differret specie ab homine ex materia subternari; ergo tã nõ esset homo vnus, quàm alius.

Resp. conc. ant. neg. conf. Veritas antecedentis patet ex dictis: patet & falsitas consequentiæ ex hoc, quod tam phiala ænea, quàm aurea est phiala. Quæ igitur differunt secundum materiam, differunt secundum partem indifferenter, seu indeterminatè; quæ autem secundum formam, differunt secundum partem determinatè requisitam ad hominem

men, quod sustinent. De hac re non potuit dubitare Philosophus, apud quem nec levis suspicio fuit possibilem esse materiam diuersam ab hac, quæ datur.

Quia vero Philosophus loco citato, & alibi formam appellat rationem ipsius quod quid est esse rei, speciem, & aliquando etiam quidditatem. Hinc suspicantur nonnulli in sola forma totam substantiæ physicæ quidditatem consistere. Quemadmodum enim secundum considerationem logicam, & metaphysicam per speciem respondetur adæquate interroganti quid res sit: ita etiam secundum considerationem physicam respondebitur adæquate assignando speciem physicam: tam enim species physica est tota quidditas physica, quam species logica, seu metaphysica est quidditas logica, seu metaphysica. Huic tamen suspicioni videtur obuiatum ab eodem Philosopho 8. Metaphys. cap. 4. ut dictum est supra: quia tamen homines natura suspicaces non adeò facile auctoritati cedunt, vincendi sunt, si tamen possunt, rationibus.

Sit igitur conclusio. Forma substantiæ physicæ non est tota quidditas eiusdem. Probaturs conclusio: quia per id habetur formaliter tota substantia physica, per quod habentur omnia constitutiva substantiæ physicæ: sed per solam formam non habentur omnia constitutiva substantiæ physicæ; ergo per solam formam non habetur tota substantia physica: tota autem substantia, & tota quidditas (nisi facias quæstionem de nomine) sunt vnum & idem. Hinc si hominem non logicè, aut metaphysice, sed secundum



dum quod substantia physica est, definire volueris dices esse compositum ex corpore, & Anima rationali: & hoc composito pereunte, quod omnibus semel saltem accider; perit homo: facile est hanc quæstionem euadere quæstionem de nomine; accipiendo pro quidditate substantiæ, non totam substantiam, sed partem substantiæ, à qua tota determinatur ad speciem, adeoq. philosophando per synecdochem.

Confirmatur nostra conclusio ex dictis. Tota quidditas non habetur per differentiam solam, sed per speciem in consideratione logica, vel metaphysicæ: nam ad interrogationem per *Quid est* melius respondebis per genus, quàm per differentiam: optimè autè per genus, & differentiam, putà interrogatus quid sit homo: melius respondebis: est animal; quàm: est rationale; optimè autem: est animal rationale: quidditas igitur logica, seu metaphysica non habetur adæquate per formam. Quemadmodum autem quidditas logica est non per differentiam solam, sed per genus, & differentiam; ità & quidditas physica non habetur adæquate per formam, sed per formam, & materiam, quæ simul sumpta sunt tota species physica, ut patet.

Ad rationem suspicionis propositæ dic Philosophum satis declarasse mentem suam 8. Physic. & alibi, ubi de substantia, quæ sit tota actus, & de substantia, quæ sit compositum ex potetia, & actu. Vocat autem formam speciem, & quidditatem: quia est ratio ponens totum in tali specie, & constituens illud aliquid, putà potius ignem, quàm aquam.

Nam, vt est dictum, materia secundum se est indifferens, vt sit hoc, vel illud, & in quolibet est eadem: non sunt igitur diuersę substantię per materiam, sed per formam. Quod satis liquet.

## ARTICVLVS II.

*Satisfit obiectionibus.*

**O**Biecte primò idem est constitutum intrinsicum rei, & distinctum illius à qualibet alia re: sed per solam formam vna substantia distinguitur ab alia; ergo sola forma est constitutum intrinsicum huius & illius substantię; & consequenter sola forma est adæquata quidditas rei: maior est effatum. Minor probatur: quia Petrus v.g. non distinguitur à Bucephalo per materiam.

Resp. conc. mai. neg. min. Ad cuius probationem dic Petrum distingui à Bucephalo per materiam, & per formam; tam enim materia Petri non est materia Bucephali; quam forma vnius non est forma alterius. Aduersarius æquiocatur inter differre, & distingui: materia Petri distinguitur à materia Bucephali; sed non propterea differt: vnde sicut diximus in Logica Petrum conuenire cum Bucephalo in ratione animalis, differre autem in ratione talis animalis: ita dicimus in Physica Petrum similem esse Bucephalo secundum materiam dissimilem autem secundum formam.

Obiect. secundo. Sequitur ex conclusione posita hominem quando est puer non esse illum eundem, qui fuit infans, nec senem illum

lum eundem, qui fuit puer: conf. est absurdum; ergo & ant. Probatur sequela mai: quia ad identitatem hominis huius requiritur nō solum identitas Animæ, seu formæ; sed etiam identitas materiæ: non est autem eadem materia in puero & sene; ergo &c. Maior patet ex dictis. Minor autem probatur: quia per nutritionem adduntur novæ partes materiæ, & simul aliquæ partes ex præexistentibus amittuntur: animal enim aliquid veteris materiæ amittit, & aliquid novæ acquirit.

Probatur iam minor primi syllogismi. Nam unusquisq. de se loquitur vt eodem in quacunq. ætate. Senex est laudator temporis acti se puero. Igitur supponit eundem se esse senem qui fuit puer. E conuerso sperat puer fore se aliquid, quando erit senex: supponit igitur eundem se fore senem, qui nunc est puer. Et si quis tibi diceret te non eundem hominem esse, qui fuisti ante quatuor annos, irrideretur.

Resp. hoc argumentum, quod est propter antiquitatem venerabile, etiam militare contra eos, qui ponunt totam quidditatem in sola forma. Est enim opinio satis communis formas viventium saltem imperfectorum esse diuisibiles: easq. augeri, & diminui secundum ætates. Serpens igitur, aut draco, qui olim non erat maior lucerta, iam autem immaniter crevit, ita vt terreat viatores, non erit idem serpens qui fuit. Idem dic de quercu, quæ nunc annosa tam altè exurgit, olim vero plantula erat vix semipalmaris. Est ne eadem vel diuersa? cum enim secundum formam tale habuerit incrementum.

princeps. Hic non habet perpetuam identitatem sui esse tam perfectam, quam Angeli. Patitur enim mutationem non solum secundum rationem accidentium, in quibus continuo variatur, sed etiam secundum partem sui substantialem, videlicet secundum materiã. Habet autem partem sui præcipuam, Animã videlicet rationalem, inuariabilem omnino secundum decrementum, aut incrementum: neque enim putandum est Animam tuam in corpore iam longiori, longiorem esse, quam fuerit in curtiori.

Post hominem sunt substantiæ imperfectiores, in quibus quid contingat circa decrementum & incrementum nihil est certum inter Philosophos. Sunt enim qui Bruta ipsa in plures classes diuidunt: aientes bruta perfectiora, qualia sunt Elephas, Equus, Asinus, & alia huiusmodi, habere Animas indiuisibiles; imperfectiora vero, qualia sunt serpentes, vermes, & alia, quæ dicuntur insecta, habere animas diuisibiles. In primis incrementum fieret non secundum Animam; secus in secundis. Quid autem in hac re sentiendum sit, nemo hic determinat, nisi qui extra chorum saltat. Est autem communis sententia multa ex viuentibus, puta plantas omnes Animabus constare diuisibilibus, earumque per additionem partis ad partem augeri; decrescere per detractionem.

Hæc tamen omnia, non obstantibus prædictis mutationibus, ex communi modo loquendi dicuntur etiam diuersis temporibus eadem esse: idem homo senex, qui puer: idem canis, qui catulus: eadem quercus annosa quæ paruula. Igitur ad saluandum quod res  
sit

fit eadem, non requiritur quod eadem omnino sint eiusdem constitutiva. Ex his patet ad argumentum. In forma nega te non esse eundem qui fuisti. Philosophus ait per motum augmentationis illud idē, quod erat, fieri maius : vnde docet motū vniuersaliter acceptū recte diuidi in quatuor species. Prima est generatio quæ est motus ad substantiam : secunda alteratio , quæ est motus ad qualitatem : Tertia augmentatio , quæ est motus ad quantitatem : vltima, latio, quæ est motus ad locum.

Apparet ex dictis hominem strictius esse eundem quando senex est, qui fuit puer; quā sit eadem quercus antiqua, quæ fuit noua. In hac enim mutatio fit secundum materiam & formam, in illo solum secundum materiam. Et quia mutatio secundum materiam fit insensibiliter ; ideo homo secundum considerationem physicam dicitur simpliciter, & absolute idem. Hanc identitatem numericam hominis iam grandis cum se ipso olim paruulo exemplificat D. Thomas in igne , qui quamdiu per subministrationem noui alimenti durat, dicitur idem, quamuis continuò fluat materia, ex qua alitur. Longè tamen rigorosius, idem es, qui fuisti ; quia mutatio in te non fit nec adeo sensibiliter, nec secundum vtramque tui partem, vt dictum est.

Obije. vltimò. Idem resurgemus , qui morimur: materia non erit eadem in resurgentibus , quæ fuerit in primo viuentibus ; ergo materia non pertinet ad quidditatem nostri. Maior est propositio dogmatica, & veritatis indubitata: *rursus enim circumdabor*

*bor pelle mea, & in carne mea videbo Deū Saluatorem meum.* Minor autem probatur primò: quia qui moritur infans & minimæ molis, resurget in mensura ætatis plenitudinis Christi: hoc est in statura hominis perfecti: sed ad mensuram huiusmodi non sufficit materia, quæ sufficiebat corpusculo infantis: igitur resurget cum alia materia, adeoque cum alio corpore, quam cum eo, quod moriens reliquit. Secundò eadem materia fuerit in multis hominibus: puta materia hominis ab alijs hominibus deuorati, fuerit, & in eo, qui deuoratus est, & in ijs, qui deuorauerint. Immo cum aliquæ nationes humanis vescantur carnibus; in vno homine materia, quæ fuerit per primam productionem, fuerit etiam in alijs successiue tum per nutritionem, tum etiam per productionem: cum enim homo generet ex superfluo alimenti, homo deuoratus ab alio superfluere potest alimento deuorantis, & eadem materia alterius hominis generandi de nouo. Cuius igitur erit in illa die, vaga illa materia pertinens ad tam multos? Hæc, & alia huiusmodi obijciunt Ethnici contra Mysterium resurrectionis, vt videre est apud D. Thomam lib. 4. contra Gentes cap. 81. vbi S. Doctor facili labore has omnes difficultates dissoluit.

Resp. igitur quod ita resurgemus iisdem qui morimur, sicut viuimus iisdem qui viximus; & consequenter quoad hoc soluta est difficultas. Hoc enim non impedit vnitatem in homine dum continuè viuit, non igitur impediet vnitatem resurgentis: in corpore autem hominis, quamdiu viuit, non semper


sunt eadem partes secundum materiam, nec propterea impeditur quin homo sit vnus numero à principio vitæ vsque in finem. Hæc D. Thomas loco cit. Ad illud de corpusculo infantis respondet D. Thomas quod si quid defuit ad cōplemētū debitæ quātitatis, vel quia aliquis præuentus est morte, antequam natura ipsum ad perfectam quantitatem deduceret, vel quia forte aliquis mutilatus est; aliunde hoc diuina supplebit potentia, nec tamen hoc impiediet resurgentis corporis vnitatem, quia etiam opere naturæ super id, quod infans habet, aliquid additur aliundē, vt ad perfectam perueniat quantitatem, nec talis additio facit alium numero: idem enim numero est homo puer, & adultus.

Quoad eos autem, qui vescuntur carnibus humanis, adeoque in quorum pluribus eadem materia successiuè reperitur; respondet quod si aliquid materialiter fuit in pluribus hominibus resurget in eo, ad cuius perfectionem magis pertinuit. Exemplum ponit in costa, quam ex Adamo sumptam edificauit Deus in mulierem, & consequenter quæ ab Adamo transmigravit in Euam. Costam hanc dicit Diuus Thomas resurrectionem in Eua, quia magis principaliter fuit in Eua, quam in Adam. Ex eadem ratione pars, quæ fuit in generante, & genito, resurget in genito, quod enim superfluum fuit generantis est principalis materia geniti. Quod si quid secundum eandem perfectionem in vtroque fuerit, resurget in eo, in quo primitus fuerit. Hæc D. Thomas.

Præterea docet Magister in quolibet homi-

nunc remanere semper partes primigenias, quæ per actionem caloris, aut cuiuslibet alterius qualitatis numquam absumitur. Vocant autem partes primigenias illas, quibus per generationem, non autem per aggenerationem, seu augmentationem, primò vnita est Anima rationalis; & consequenter hominem, præter identitatem omnimodam formæ substantialis, habere etiam semper identitatem omnimodam materiæ primigeniæ: siue eandem in omni rigore materiam primigeniam.

Hanc Magistri doctrinam confirmare possemus experientia, qua constat periculosissimum esse, atque lethale, quosdam næuos, qui nobis adnascuntur, abscindere; cum cæteroquin sine periculo mortis etiam manus, vel brachium abscindatur. Putà si quis cum dente aprino nascaur ex aliqua matris imaginatione, vt sæpe accidit, sine periculo omnium aliorum dentium iacturam faciet, præter quam aprini. Idem dic de alijs huiusmodi.





## Q V A E S T I O IX.

*De Privatione.*

## ARTICVLVS I.

*Tam Privationes, quam Negationes formales nihil sunt.*

**D**EVS ita est simpliciter, & absolute, vt non possit non esse. Chimæra ita simpliciter, & absolute non est, vt non possit esse. Cætera omnia, vel ita sunt, vt possint non esse; vel ita non sunt, vt possint esse. Rationem formalem per quam sunt nō esse aliud ab eo quod sunt; demonstratum est vbi de essentia, & existentia. Rationem formalem, qua non sunt quando non sunt, recte inuenerimus, quando nihil esse statuerimus. Non quærimus hic rationem veluti causalem, qua non fit id, quod re ipsa non est, cum tamen posset esse. Scimus enim omnia contingentia esse, vel non esse, seu existere, vel nō existere ad placitū eius, quo volente est id quod est, quo nolente non est id, quod non est: adeoq. si rogeris cur existat mundus, qui posset non existere, recte respondebis: quia Deus vult. Si autem rogeris cur non existit antequam existeret, cum tamen existere potuerit, recte respondebis: quia Deus noluit, sed aliud est cur non sit, aliud non esse.

Rursus non esse rei, quæ contingenter non est, vel est non esse formæ in subiecto, vel  
non

non esse rei, non in subiecto. Putà & alius mundus non est; & Antichristus non est: & visio non est in oculo dormientis; & calor non est in hoc ligno. Neque alius mundus, neque Antichristus est res natura sua petens esse in alio: neque visio, aut calor est res petens natura sua non esse in alio: non esse caloris in ligno, lucis in aere, visionis in oculo dicitur priuatio: non esse alterius mundi, aut non esse Antichristi in mundo solet appellari negatio. Hoc idem nomen *Negatio*, applicatur etiam non esse formæ in subiecto tali formæ recipiendæ inepto. V. g. non esse potentiæ visuæ in ligno, dicitur negatio; non esse potentiæ visuæ, in homine dicitur priuatio. Propterea audies aliquando negationem à priuatione differre, quod hæc sit carentia formæ in subiecto apto, illa verò carentia formæ in subiecto inepto. Vnde aliquando per iocum homo stupidus dici solet habere, non solum priuationem, sed etiam negationem scientiæ; quod est non solum carere scientia, quod in adolescentibus etiam ingeniosis sine vituperio reperitur, sed insuper capacitate sciendi, quod etiam pueri erubescunt. Negatio tamen etiam de ijs dicitur, quæ ita non sunt, vt si essent, non propterea essent in subiecto, vt patet ex dictis.

Querimus igitur hic quid sint huiusmodi negationes, & priuationes. In qua questione sunt qui negationibus, & priuationibus, vt ita dicam, formalibus cum negationibus, & priuationibus causalibus omnino confusis, nihil aliud intelligunt per non esse cuiuslibet rei, quam quodlibet impedimentum, ne res illa sit, quæ re ipsa non est.

Ita siingas obturari iam fenestras huius scholæ, itaut totus hic aer tenebrosus euadat; non esse lucis in aere, seu priuatio lucis in hoc medio formaliter erunt illa obstacula, vel lignea, vel lapidea, quibus impeditur lux ab ingressu huius scholæ. Et vbi nihil aliud est, aut inueniri potest, a quo impediatur nè sit id, quod esse potest: paratum habent Deum prohibentem nè sit, & propterea sustentem denominationem negationis formalis, vel Antichristi, vel Apostoli, vel Elephanis, vel cuiuslibet alterius huiusmodi. Idque ratione decreti liberi, quo hæc omnia excludit ab esse.

Quod autem ita non est vt necessario non sit, hoc est quod impossibile est esse, impeditur per ipsummet Deum formaliter nè sit; qui propterea dicitur esse per suam essentiam negatio omnium impossibilium, per suam voluntatem liberam, eorum contingentium, quæ non sunt. Si igitur consideres Deum decernentem vt non sit Antichristus: habes in huiusmodi decreto negationem formalem Antichristi: si autem eundem Deum contemplari velis, vt negationem chimeræ, imaginare illum, ita plenitudine suæ essentiae implentem vniuersum, eiusdemq. rimas ita obturantem, vt nè tenuissima quidem chimerarum sese insinuare possit in rerum naturam; nè videlicet magno naturæ malo omnia susdeque vertat. Hanc sententiam excogitarunt ij, quibus visum est non posse esse veram vllam propositionem, nisi aliquo existente, quod illam verificet: sicut non potest vllus paries esse albus, nisi aliquo existente, quod illum albificet. Hi sibi ipsis  
sem-

semper coherentes, quamuis in falso fundamento, dixerunt multas propositiones nec esse determinatè veras, nec determinatè falsas. Et vbi necessitas coegit admittendi verum circa obiecta, quæ numquam sunt, excogitauerunt ideas plusquam Platonicas, quibus nihil dicendo non tuerentur quidem, sed tueri viderentur sanam doctrinam.

Alij contra admittentes veras esse propositiones innumerabiles nullo vmquam existente obiecto, per quod verificentur, nescio qua incoherentia illis propositionibus: *Chimera est impossibilis. Antichristus non est. Aer est tenebrosus. Cæcus non videt*, vt vere sint, dixerunt assignandum esse obiectum aliquod, per quod veræ sint: quod obiectum re ipsa existat. Adeoq. diuina essentia per seipsam verificat hanc propositionem: *Chimera non est, & Chimera est impossibilis*: voluntas autem libera Dei verificat has alias: *Aer est tenebrosus. Cæcus non videt*: cum sit formalis priuatio lucis in aere, visionis in cæco, & sic de cæteris.

Dicendum est tamen. Impossibile, cum re, quæ non est, non nisi per tropum dicitur. negatio rei. Negationes autem, & priuationes, vt aiunt, obiectiuæ, proprie loquendo, nihil sunt.

Hæc conclusio est expressa sententia Augustini latè illam explicantis tùm in libro de Beata Vita: tùm in libro de Genesi contra Manichæos, tùm alibi passim. En eiusdem verba in libro de Beata Vita. *Nescio quomodo dicamus habet egestatem, aut habet stultitiam. Tale est enim, ac si locum aliquem, qui lumine careat, dicamus habere*

*re tenebras; quod nihil est aliud, quam lumen non habere. Non enim tenebræ quasi veniunt, aut recedunt; sed carere lumine hoc ipsum est iam tenebrosum esse: ut carere veste, hoc est esse nudum. Non enim veste accedente, veluti aliqua res mobilis, nuditas fugit. Sic ergo dicimus aliquem habere egestatem; quasi dicamus habere nuditatem. Egestas enim verbum est non habendi. Quænam brevis ut quod volo explicem sicut possum: ita dicitur: habet egestatem, quasi dicatur: habet non habere. Hæc Augustinus, quibus nihil, aut pressius, aut elegantius dici potuit ad veritatem.*

Ex his habes ipsum non esse rei, quæ negatur, non esse aliquid: multò minus esse ipsam rem, quæ negatur: vnde ineptum est dicere tenebras, v. g. esse lucem, quæ negatur: aut nuditatem esse vestem, quæ negatur. Vestis enim, quæ negatur quando homo dicitur nudus, est illa eadem, quæ illi tribuitur, quando dicitur vestitus: sicut sapientia, quæ negatur quando aliquis dicitur stultus, est illa eadem, quæ ponitur, quando aliquis dicitur sapiens. Non igitur rectè dixeris ignorantiam secundum id, pro quo supponit esse sapientiam; secundum autem id, quod significat esse voluntatem Dei; bene autem: ignorantiam non supponere pro vlla re; significare autem sapiētiam, quam excludit, vel subiectum à quo excludit sapiētiam, vel vtrumque.

Hoc idem explicat idem Augustinus de Genesi contra Manicheos cap. 4. *Vbi lux non est (ait ille) tenebræ sunt; non quia aliquid sunt tenebræ, sed ipsa lucis absentia*  
tene-

*tenebræ dicuntur. Sicut silentium non aliqua res est, sed ubi sonus non est, silentium dicitur. Et nuditas aliqua res non est, sed in corpore, ubi tegumentum non est, nuditas dicitur: & inanitas non est aliquid, sed locus ubi corpus non est, inanitas dicitur. Sic tenebræ non aliquid sunt, sed ubi lux non est, tenebræ dicuntur. Hoc ideo dicimus, quia solent dicere: unde erant ipse tenebræ super abyssum antequam faceret Deus lucem? Quis illas fecerat, vel genuerat? Aut si nemo fecerat, vel genuerat eas, aeternæ erant tenebræ: quasi aliquid sint tenebræ. Hæc Augustinus, & post aliqua alia: Sicut autem silentium nihil est, sic & tenebræ nihil sunt.*

Hoc argumento expugnantur, qui priuationes, & negationes identificant, vel cum aliquo ente positiuo, vel cum quolibet alio genere entis, quod sit distinctum à nihilo, siue illud vocetur abusuum, siue diminutum. En argumentum Manichæi. Tenebræ erant super faciem abyssi: ergo aliquid erat super faciem abyssi: rursus illud aliquid, vel est genitum; vel ingentum; si genitum, quis illud genuerat? cum de Deo non dicatur, quod illud genuerit; cuius tamen vniuersa creatura hic enarratur; est igitur quid ingentum, & consequenter quid æternum: vel si genitum, ab alio genitum, quam à Deo, qui & lucem, & alia genuit, quæ ibi exponuntur, ubi dicitur: *In principio creauit Deus, &c.* Ex quo rursus infert id, quod vnicè intendit; videlicet quod quemadmodum est quoddam principium, quod fecit lucem: ita est aliud principium, quod fecit

tenebras : & quia lux est bonum, tenebræ autem malum : dantur duo principia , vnum bonorum, alterum verò malorum omnium.

Hæc omnia Manichæorum machinamenta paucis euertit Augustinus negando primam consequentiam in hoc enthymemate : Tenebræ erant super faciem abyssi , ergo aliquid erat super faciem abyssi. Nam esse tenebras non est esse aliquid : sicut enim dixit superioris : egestas est verbum non habendi : vnde si habes egestatem habes non habere : ita tenebræ sunt verbum non efficiendi ; vnde si sunt tenebræ super abyssum, est non esse super abyssum. Qui autem cum Manichæis clamat. quid est illud non esse , & quis fecit illud ? ridiculus est , nec aliam responsionem meretur .

Hanc Augustini responsionem nequit afferre , qui priuationes et quolibet non entia identificat cum ente abusuuo , aut quolibet alio ente reali. De hoc enim iure suo petit Manichæus responderi sibi quid nam illud sit, & quisnam illud fecerit ; cum nonnisi ridiculè quæri possit quisnam fecerit non ens. Dicere autem id pro quo supponit , priuatio nihil esse ; id autem quod significat non esse aliquid factum , perit iterum explicari quid sit illud, pro quo supponit ? Si respondeatur esse id ipsum , quod negatur , putari esse lucem. contra est : quia lux est creatura, cum tamen tenebræ non sint creatura : dum autem dicitur , quod tenebræ non sunt creatura , nec aliquid , hoc dicitur de tenebris secundum id, pro quo supponunt , quod nihil est aliud dicere, quam *tenebras* non supponere pro aliqua re. Si autem dicatur tenebras

nebras secundum id, quod significare esse aliquid, rectè quidem dicitur, si id intelligitur quod intelligimus nos, videlicet hanc vocem *tenebre* non supponere quidem pro vlla re; significare autem vel subiectum, vel formam exclusam à subiecto, vel vtrumq. sed tunc de re significata ineptè dicitur, quod non sit aliquid: sicut & ineptè illud idem diceretur, si pro re significata acciperetur voluntas Dei, quod nec venit, nec venire potuit in mentem Augustini.

Denique ulterius probabitur hæc nostra conclusio argumentorum solutione.

## ARTICVLVS II.

### *Respondetur obiectionibus.*

**O** Bije. i. si priuationes, & negationes nihil sunt; sequitur inter priuationem sapientiæ, & priuationem auditus non dari vllam differentiam: cons. est absurdum; ergo & antec. Sequela mai. probatur: quia tam ignorantia, quam surditas nihil est; inter nihil, & nihil non datur vlla differentia; ergo inter ignorantiam, & surditatem non datur vlla differentia. Probatur autem minor: quia si inter ignorantiam, & surditatem non datur differentia, esse surdum non est aliud, quam esse ignorantem, nec esse ignorantem est aliud, quam esse surdum. Hoc autem dicere est ignorans.

Resp. negando sequelam mai. Nam, vt docet D. Thomas secunda secunda quest. 87. art. 2. corpore: omnis defectus, seu priuatio speciem sortitur secundum habitum oppo-



fitum: differunt enim cecitas, & surditas secundum differentiam visus, & auditus. Idem dic de quibuslibet alijs huiusmodi. Ad probationem dic vnum nihil ab alio nihilo non differre secundum id, pro quo supponunt, quia nec vnum, nec alterum, nec vtrumq; simul est aliquid: iuxta illud: zero cum zero facit zero; differunt tamen secundum id, quod significant, hoc est secundum formam, seu rem, per ordinem ad quam concipiuntur.

Obijc. 2. Quod est aliquid bonum est aliquid: aliqua negatio est aliquid bonum; ergo aliqua negatio est aliquid. Mai. est evidens. Min. probatur per illud Christi Domini dictum de Iudæ: *Melius illi erat si natus non fuisset homo ille*: quo dicto probatur non solum futuram fuisse aliquid boni negationem Iudæ; sed etiam futuram fuisse aliquid melius, quam ipsemet Iudas. Unde roboratur argumentum. Iudas, seu existentia Iudæ est aliquid boni: negatio existentie Iudæ est melior existentia Iudæ, ergo à fortiori negatio existentie Iudæ est aliquid boni. Mai. est evidens: quis enim neget hominem, etiam malum, esse aliquid boni? Immo ijs, qui mirantur homines malos sustineri à Deo respondet Augustinus, mirandum potius esse quod sustineat bonos equos, quàm quod sustineat malos homines; cum certum sit, inquit, hominem malum esse quid melius, quam equum bonum. Min. est Evangelica. Conf. est evidens: quod enim est melius bono, evidenter est bonum.

Resp. quod hoc dictum Christi Domini multipliciter explicatur, & à multis non explicatur, sed magis implicatur. Res tamen

est satis facilis: vnde omissis aliorum explanationibus, sit nostra hæc. Iudas existens est aliquid boni cum magno malo: est enim aliquid boni in genere boni physici cum magno malo in genere mali moralis. Loquitur enim Christus de Iuda, vt proditore. Si autem Iudas non existat, non existit neque illud bonum in genere boni physici, neque illud malum in genere mali moralis. Suppone autem hic pro certo malum morale in sua malitia vincere ex toto genere bonitatem in genere boni physici: vnde si omne bonum in genere physico cõparetur cum leuissimo malo in genere morali, illius bonitas superabitur ab huius malitia; hoc eque certum est, ac certum est omnes asinos non esse tantum boni, quantum boni est vel minimus homo.

Ex his manifestum est, quod existente Iuda proditore, tantum mali habes in scelere, vt bonitas ipsius Iudæ in genere boni physici nullo modo compenset illud malum, adeoq. plus incomparabiliter mali habes, quam boni. Rursus illud malum in genere moris Iuda non existente non habetur; malum enim huiusmodi non habetur, nisi existente subiecto, cui debetur bonum oppositum, & eodem à tali bono sponte, & liberè recedente. Melius est autem non existere illud subiectum cum tanto malo, hoc est cum priuatione talis boni, quam existere; hoc est minus malum est non existere Iudam, quam dari cum Iuda priuationem boni, in qua consistit illud malum, propter quod dicitur: Melius ei erat si natus non fuisset homo ille.

Sic autem dicitur melius non esse ipsum  
simul

simul cum malo, quam omninò nō esse, quia omninò non esse est minus malum, quam esse cum culpa; quamvis nec non esse, nec non esse cum culpa dicat vllum bonum: sed minus malum in comparatione maioris nomen boni non semel obtinuit: vnde si agrotantem amicum conuenias putans illum peste laborare, & audias illum non peste, sed leui febriçula torqueri: lætaris quasi de bono amici, dicisq. & sine scrupulo: melius est illum febrì teneri, quam peste. Quamvis nec febris bona sit, nec pestis. Eodem modo melius est te non esse, quam esse cum culpa: quia te non existente deficit quidem aliquid boni, sed in genere physico, & quidem indebiti: te autem existente cum culpa, hoc est sine iustitia, deficit magnum bonum in genere moris, & quidem debitum eo ipso quod sis: teneris enim esse bonus.

Ex his patet ad argumentum. In forma concede maiorem, nega minorem. Ad probationem distingue: melior est negatio existentie Iudæ quomodocumq. quam existentia Iudæ: nega; negatio existentie Iudæ cum culpa, quam existentia: iterum subdistingue melius vt minus malum, quam esset malum negatio existentie: concede, alio modo: nega. Minus malum est non existere Iudam, quam non existere cum existentia Iudæ iustitiam debitam Iudæ. Hæc doctrina consonat omninò doctrinæ Augustini, vbi agens de malo etiam in genere moris minus malum respectu maioris appellat melius. Putat melius est te mentiri vt pro sis, quam vt noceas: cum tamen certissimum sit, & ipsi Augustino indubitatum semper malū esse mentiri.

iri. Huiusmodi comparationes inter mala, & mala, siue in eodem, siue in diuerso genere habes satis frequentes in eiusdem Augustini Enchiridio. Sæpissime enim ubi dici posset: hoc est minus malum, illud deterius: habes: hoc est melius, illud deterius. Ex quo vides non valere: hoc est melius, ergo est bonum.

Philosophus etiam in libris de Cælo docet aliquid dici de subiecto comparative, quod tamen dici nequeat absolute; v. g. rectè dixeris: Aer est grauior igne: aqua est leuior terra: quamuis nec rectè dixeris: Aer est grauis, aqua est leuis: Elementorum enim duo graua sunt terra, & aqua; duo leuia, ignis, & aer.

Obijcitur tertio. Ista propositio: datur nunc negatio Antichristi: est vera. Item si media nocte dixeris: nunc sunt tenebræ, dixeris verum: ergo & nunc existit negatio Antichristi, & media nocte existunt tenebræ. Consequentia probatur, quia hæc propositio datur nunc negatio Antichristi, & aliæ similes affirmant existere negationem Antichristi, & alias negationes, & priuationes rerum, quæ negantur; ergo si sunt vere debent huiusmodi negationes, & priuationes existere. Probatur secundum antecedens, quia prædictæ negationes affirmant aliquid existere per quod sint veræ (voco hic negationes propositiones negatiuas) non nisi negationes, aut priuationes obiectiuas, ergo affirmant existere negationes, & priuationes obiectiuas. Hoc vltimum argumentum probat etiam has propositiones: *non existit Antichristus: non est lux*, veras esse per aliquid quod

quod sit negatio Antichristi, negatio lucis,  
&c.

Resp. totum hunc discursum penitus abi-  
re in nihilum per doctrinam Philosophi par-  
tim adductam alibi, partim huc adducen-  
dam. Dictum est alibi. Eo quod res est, aut  
non esse propositio vera, vel falsa dicitur,  
quod principium omnibus habentibus intel-  
lectum est evidens. Est autem etiam evidens  
quod non esse rem, non est formaliter esse  
aliam rem impossibilem cum ipsa. Puta  
non esse Antichristum non est formaliter es-  
se aliam rem impossibilem cum Anti-  
christo. Demonstratur hoc. Quia Deo nul-  
lam rem faciente verum est: non est Anti-  
christus; falsum est est alia res incōpossibilis  
cum Antichristo: igitur non esse vnam rem  
non est formaliter, imò nec consequenter  
esse aliam rem impossibilem cum ipsa.  
Est igitur verum: non est Antichristus per  
hoc præcisè, quod non sit Antichristus: adeo-  
que habes iam unde sit vera negatio, seu  
propositio negatiua circa existentiam Anti-  
christi. Idem dic de cæteris huiusmodi. Hæc  
responsio est simul conclusionis probatio.

Ad alias propositiones, quæ videntur af-  
firmatiuæ iam dictum est. Idem enim est:  
datur negatio Antichristi, & dantur tenebræ,  
ac, non datur Antichristus, &, non datur  
lux. Vt tamen ad prædictas propositiones  
breuiter respondeas: distingue: datur. nega-  
tio Antichristi, dantur tenebræ, in esse rei:  
nego; in esse veri: concedo. Non dantur in es-  
se rei: quia non est aliquid quod sit nega-  
tio, aut priuatio. Dantur in esse veri, quia  
verum est, non esse Antichristum, non esse  
lu.

lucem. Huc facit quod habes apud D. Thomam 1. parte quæst. 48. art. 2. ad secundum. *Ens dupliciter dicitur: secundum quod significat entitatē rei, prout diuiditur per decē prædicamēta, & sic conuertitur cū re, & hoc modo nulla priuatio est ens. Alio modo dicitur ens, quod significat veritatē propositionis, quæ in cōpositione consistit, cuius nota est hoc verbum est: & hoc est ens, quo respond. ad quæstionē an est. Et sic cæcitātē dicimus esse in oculo*

Vides secundum Doctorem Angelicum quid respondeas huic argumento cæcitas vere est in oculo Petri. Surditas in aure Pauli, & sic de cæteris, ergo & cæcitas, & surditas, & alia huiusmodi sunt aliquid. Probat consequentia, quia nec Petrus per seipsum est sua cæcitas, nec Paulus per seipsum sua surditas: Ergo & cæcitas Petri est aliquid supra Petrum, & surditas Pauli est aliquid supra Paulum. Concedit D. Thomas antecedens, & negat consequentiam, vel distinguit consequens: cæcitas, & surditas sunt aliquid in ratione: rei: negat, in ratione veri: concedit. Petrus non est cæcus per aliquid quod habeat, sed per hoc quod non habeat aliquid, quo sit videns. Non est igitur cæcus per aliquid sibi superadditum, sed per aliquid quod ipsi desit, siue potius per hoc, quod aliquid ipsi desit, quod est esse cæcum non per habitum, sed per defectum.

Dices: debet dari aliquid distinctum à Petro quod sit cæcitas Petri: hoc non potest esse nisi formalis priuatio potētīe visuę in Petro, ergo debet dari formalis priuatio potētīe visuę. Sed hæc formalis priuatio nequit esse nisi vel aliqua forma incōpossibilis cum potētia

visiua intrinseca subiecto, vel aliqua voluntas Dei remouens à Petro potentiam visuā, ergo illa cæcitas Petri consistit formaliter vel in forma recepta in Petro impossibili cum potentia visuā, vel in aliqua voluntate Dei remouente à Petro potentiam visuā. Propterea aliqui vocant cæcitatem formalem vel qualitates receptas in organo impeditiuas visus; vel decretum Dei remotionem visus à Petro.

Resp. quod neque prædicta forma intrinseca organo, neque decretum Dei formaliter excæcant Petrum. Et potius dicerem cæcum videre quam voluntatem Dei esse formalem cæcitatem cæci. Voluntas Dei & excæcat & facit videntem Petrum in genere causæ efficientis non autem in genere causæ formalis. Facit videntem dando potentiam videndi, facit cæcum illam eandem non dando: tam autem non est ratio formalis qua sit cæcus; quam non est ratio formalis qua sit vident. Quod si quæras quid sit ratio formalis qua sit cæcus? iam dictum est non esse cæcū per hoc quod sit aliquid, sed per hoc quod non sit aliquid in ipso. Si igitur quæris rationem formalem cæcitatē in esse rei: nego suppositum: si in esse veri: respondeo quia non habet potentiam visuā. Si vltius quærat quid sit non habere, interroga quid sit habere, & responsioni quæ dabitur adde particulam *non*: nec aliud respondeas nisi forte mutandus sit sermo è latino in italicum, vel aliquem alium prout fors feret.

Aduerte autem hic nos de priuationibus loqui secundū quod dicunt de non esse. Non enim dubitamus denominationes priuatiuas  
ponere

ponere aliquid in natura; cum ponant subiectum & in subiecto aptitudinem ad formā quæ per huiusmodi denominationes excluditur, puta denominatio cæci ponit in natura animal cum aptitudine ad potentiam visuam, idem dic de cæteris. Non tamen idem dices circa denominationes pure negatiuas. Hæc enim propositio: *non datur Antichristus*: aut huic æquiualens: *datur negatio Antichristi* nihil ponit, vt patet ex dictis.

Ad argumentum in forma distingue: Petrus per aliquid à se distinctum, &c. distinctione entis ab ente: nego: distinctione non entis ab ente: omitto. Cæcitas Petri non superaddit aliquid Petro sed aliquid tollit à Petro, adeoque cæcus est, non per aliquod esse, sed per aliquod non esse, seu per defectū alicuius esse.

Dices: ergo Petrus per seipsum præcise est cæcus. Probatur consequentia quia ad hoc vt Petrus sit cæcus nihil debet superaddi Petro; ergo Petrus per seipsum præcise sustinet denominationem cæci. Probatur consequentia comparando hanc denominationem *homo* cum hoc hac alia denominatione *albus* respectu eiusdem Petri. Denominatio hominis intantum conuenit Petro præcise secundum se accepto, in quantum non habet esse hominem per aliquid sibi superadditum: denominatio autem albi, intantum non conuenit Petro secundum se præcise accepto, in quantum conuenit illi per aliquid ipsi superadditum: sed denominatio cæci conuenit Petro sine vlla re superaddita, non autem per aliquid superadditū, ergo ita Petrus est per seipsum præcise cæcus, sicut est per seipsum præcise homo.

Resp.



Resp. negando consequentiam . Ad probationem nego maiorem. Denominatio hominis nec ponit nec excludit : seu potius nihil dicit aut ponendo aut excludendo supra rationem Petri , ideoque dicitur præcisiva etiam dum dicitur de Petro ut patet ex alibi dictis : denominatio autem cæci non est præcisiva sed exclusiva , adeoque ita nihil ponit in Petro ut excludat à Petro id quod secundum se est debitum Petro . Petrus secundum se & secundum rationem hominis præscindit à vidente & cæco ; denominatio videntis ponit aliquid supra Petrum , debitum Petro : denominatio cæci tollit à Petro illud idem , videlicet potentiam visivam. Idem hoc argumentum sed aliter personatum sic obijci posset .

Obijcitur itaque quarto. Ista propositio : *non datur Antichristus* per seipsam præcise est indifferens ut sit vera vel falsa ; ergo per aliquid à se distinctum debet determinari ad rationem veræ vel falsæ : si Antichristus est per existentiam Antichristi contrahitur ad rationem falsæ ; si autem Antichristus non est, contrahitur ad rationem veræ per non esse Antichristi ; ergo non esse Antichristi est aliquid. Probatur hæc ultima consequentia quia si non esse Antichristi nihil sit, hæc propositio per nihil contrahitur ad rationem veræ : implicat autem in terminis propositionem indifferentem ad verum & falsum determinari ad verum potius quam ad falsum, & per nihil determinari ad verum potius quam ad falsum. Confirmatur per hanc illationem quæ videtur innegabilis : nihil determinat hanc propositionem ad verum potius

tius quam ad falsum, ergo hæc propositio non est vera potius quam falsa. Eset mirabile si concederetur antecedens & negaretur consequentia, sicut esset mirabile hoc aliud: nihil est quod te determinet ad esse potius hic quam alibi, ergo non es potius hic quam alibi. Dicendum est igitur vel propositiones negatiuas, &c.

Resp. hanc obiectionem esse solutam ubi diximus cum Philosopho, eo quod res est vel non est, propositio vera vel falsa dicitur. Non est igitur per seipsam præcise vera quandoquidem ad sui veritatem exigat ut non sit res quam negat. Quod seipso præcise est tale, siue detur, siue non detur aliud, est tale quod autem exigat ut detur vel non detur aliud ut sit tale, eo ipso non est per seipsum præcise tale. Ad argumentum in forma, concessio antecedenti, distingue consequens: debet, &c. per aliquid à se distinctum per modum entis: nega; distinctum per modum non entis conc. consequ. Ad probationem patet ex dictis. Ad probationem vltimæ consequentiæ: distingue: propositio per nihil contrahitur ad rationem veræ: si li nihil accipias præcise: nego; si exclusiue concedo. Veritas enim propositionis prædictæ non præscindit ab esse & non esse, sed excludit esse obiecti quod attingit. Non est igitur, dicendum propositiones negatiuas per seipsas præcise esse veras, quandoquidem ad veritatem sui exigunt ut non sit in natura res quam negant. Nec etiam dicendum est eas ad veritatem sui exigere ut existat aliquid per quod sint veræ, quandoquidem per hoc sunt veræ formaliter, quod non sit res per ipsas negata.

Repli.

Replicabis: ergo veritas est in sola propositione: ergo non est partim in propositione, partim in obiecto.

Resp. distinguendo consequens: est in sola propositione, si li *sola* sonet exclusiue: concedo; si præcisiue: nego. Ad vltimum consequens distingue: non est partim in propositione partim in obiecto: quod sit: concede, in obiecto quod non sit: nega. Denominatio veri cadit supra propositionem comparatiue ad obiectum. Si neget esse obiectum, & obiectum sit; est falsa, & illa falsitas habetur formaliter per propositionem & existentiam obiecti. Si autem neget dari obiectum, & reipsa obiectum non detur: vera est; & veritas habetur per hoc quod propositio sit & non sit obiectum. Aduerte veritatem, quamuis consistat in propositione & obiecto, esse tamen denominatiue in sola propositione.

Obijcitur quinto. Est impossibile quod neque existat Antichristus neq; negatio Antichristi: nunc non existit Antichristus; ergo existit negatio Antichristi. Minor est certa. Maior probatur quia necesse est alterutrum ex contradictorijs dari: Antichristus & negatio Antichristi sunt contradictoria, ergo necesse est vel dari Antichristum, vel negationem Antichristi. Maior secundi syllogismi est primum principium: impossibile enim est aut vtrumque contradictorium simul dari, aut neutrum, iuxta illud: *quodlibet est vel non est*, quo principio vsi sumus in Logica ad probandum propositionem etiam de futuro contingenti esse vel determinate veram vel determinate falsam.

Resp. negando maiorem. Ad probationem  
distingue.

distingue maiorem: necesse est alterutrum ex contradictorijs dari in esse veri: concedo; in esse rei: nego suppositum. Insinuauimus in Logica falsum esse, quod aliqui putant, dari contradictoria obiectiua: itaut propositiones contradictoriæ obiecta etiam contradictoria respiciant. Propositiones sunt cōtradictoriæ per hoc quod ambæ circa idem versentur, vna affirmando & altera negando. Qui dicit: Antichristus est, respicit Antichristum: & qui dicit: Antichristus non est eundem respicit Antichristum: primus affirmando, secundus negando. Qui autem dicit: est negatio Antichristi, vel dicit falsum, si affirmet existentiam negationis obiectiue; vel si dicit verum, ideo dicit quia facit sensum secundo intentionalem, videlicet verum est non esse Antichristum: in quo sensu docet ex Philosopho D. Thomas accipi nonnumquam *est*.

Obijcies insuper: forma impossibilis cum alia forma recte dicitur exclusiuium formale alterius formæ; sed exclusiuium formale alterius formæ est priuatio alterius formæ, ergo forma impossibilis cum altera forma recte dicitur priuatio alterius formæ. Maior probatur inductione. Calor dicitur exclusiuium formale frigoris. Nigredo albedinis & sic de cæteris.

Resp. distinguendo maiorem: est exclusiuium formale per modum contrarij: concedo, per modum contradictorij. nego. Numquam inuenies calorem & frigus appellari contradictoria. Appellantur autem contradictoria calor & non calor quia affirmatio & negatio  
calo.

caloris: hoc est duæ propositiones quarum altera sit: *est calor*; altera: *non est calor* sunt contradictoriæ. Contradictio igitur non est in re, sed in dictione: ut apparet ex hoc ipso vocabulo: *contradictio*.

## ARTICVLVS VLTIMVS.

*Inferuntur aliqua ex dictis.*

**I**Nferes primò priuationem quam diximus esse principium rei naturalis in fieri per modum termini à quo sustinere rationem principij, per ipsam met rationem formalem priuationis, secundum id quod dicit de non esse. Vnde recte diximus subiectum in mutatione substantiali transire à non formæ ad formam. Hanc rationem termini à quo, vix sustinebit in aliena sententia. Neque enim recte dixeris subiectum transire à decreto Dei ad formam; aut à forma quæ non est, ad formam quæ sit: forma enim quæ ante non est, & postea est, non sunt duæ formæ, neq; duæ res, & consequenter non sunt duo principia quorum alterum sit terminus à quo, alterum autem sit terminus ad quem: oportet igitur ut ipsum non esse sit terminus à quo. Ipsum autem non esse non est forma, ut patet ex terminis. Sed neque potest esse terminus à quo ipsum met decretum Dei, & consequenter, nequit esse ipsum met formale non esse formæ, secundum rationem secundum quam est terminus à quo: est enim ineptum dicere tria esse principia corporis naturalis in fieri: materiam, formam & voluntatem Dei.

In priuatione : si accipias (aiunt aliqui) id pro quo supponit, est ipsamet forma quæ non est : si autem id quod significatur, est voluntas Dei : quæ propterea recte dicitur ipsummet formale non esse formæ quæ negatur. Verū vtrūlibet ex his accipias, inepte assignas principium rei in fieri, nec enim forma quæ non est, recte assignatur vt principium distinctum à forma quæ postea est : nisi reduplices supra ipsummet non esse ipsius : si autem ita reduplices, vel reduplicas supra nihil, vel supra decretum. Si supra decretum : absurde reduplicas : cum absurde ponatur pro principio intrinseco rei in fieri : si supra nihil : recte quidem reduplicas, sed venis in nostram sententiam assignando pro priuatione purum nihil. Reipsa dum defendunt principia ita philosophantur : neque enim nostrum est, sed omnium id quod ibi diximus formam fieri ex nihilo sui, quamuis non ex nihilo subiecti : sed huius responsionis, aut significati per hanc responsionem, deinde obliuiscuntur & quidlibet aliud dicunt de priuationibus.

Inferes 2. quod quamuis voluntas Dei recte adscribi posset pro verificatione huius propositionis : *est lux*, non tamen recte adscriberetur pro verificatione huius alterius : *non est lux* : ratio à priori euidens est : quia re ipsa vt sit lux requiritur voluntas Dei. est enim impossibile aliquid de facto existere nisi Deo positivè volente vt existat : at vero vt aliquid non sit, sufficit vt præcise non velit : siue vt non habeat voluntatem vt res illa sit. Hinc est quod diximus : quod entis recte quæritur causa : non entis autem inep-

re. Vt sis: oportet Deum velle vt sis: vt autem non sis, non oportet velle vt non sis, sed sufficit non velle vt sis. Hoc facile intelliges si videas differentiam quæ est manifesta inter nolle & non velle. Voluntas potest velle aliquod obiectum: potest non velle: potest & nolle: tam velle quam nolle exercetur per actum elicitum à voluntate: tam enim nolle est actus voluntatis, quam velle: ipsum autem non velle recte intelligitur sine villo actu: puta dormiens nec elicit actum quo velit, nec actum quo nolit: & tamen de dormiente recte dixeris ipsum non velle. Si igitur intelligas Deum præcise non decernentem vt sit lux, non continuo intelligis Deum decernentem vt non sit lux: per hoc autem præcise quod non decernat, deficit vnde sit lux: nec tamen habetur vllus actus voluntatis diuinæ renouens lucem ab esse, & consequenter voluntas Dei non requiritur neque vt formale, neque vt causale verificatiuum propositionis negatiuæ.

Quod dictum est de te dormiente, dic de te etiam vigilante. Vigilans enim potes & habere actum quo velis; & habere actum quo nolis; & vtroque carere: neque enim ex eo quod nunc non habeas actum quo velis imperium Turcarum, recte arguerur te habere actum quo nolis: idque etiam si cogites de imperio Turcarum. Eodem modo etiam si Deus omnia contingentia cognoscat; ex eo quod non habeat actum quo velit aliū mundum, male inferes: ergo habet actum quo nolit: neque ex eo quod alius mundus non sit, recte inferes Deum habere actum quo nolit: recte autem: non habere actum quo velit:

velit: ad hoc enim vt res non sit, non requiritur formaliter vt nolit, sufficit vt non velit: sicut ad hoc vt res aliqua fiat, requiritur vt Deus influat: vt non fiat, non requiritur aliud genus influxus, sed sufficit vt non influat. Negatio illa omnis actus hoc est tam volitionis quam nolitionis vocatur omissio, de qua disputatur ex professo in libris de anima à Philosophis, vel in tractatu de actibus humanis à Theologis controuertentibus inter se an sit possibilis pura omissio libera. Hanc litem non dirimimus hic: sed solum dicimus quod intellecta omissione huiusmodi in voluntate diuina, eo ipso non est obiectum, seu non existit in rerum natura res illa, quam implicat existere nisi volente Deo.

Inferes tertio. Non nisi absurde quæri rationem cur impossibile non existat: cum ex ipsomet suo conceptu quidditatio excludat se ab esse. Quemadmodum igitur necessariū simpliciter est sibi sua ratio essendi adeoque in sui definitione includit formaliter ipsummet esse: ita impossibile est sibi sua ratio non essendi, & in sui quidditate includit sui non esse: dicitur enim: id cui repugnat existere. Propterea dicimus impossibile esse formalissime negationem sui ipsius: non quod neget se esse id quod est: puta se constare ex prædicatis repugnantibus: nam hoc modo nec ipsum, nec vlla alia res, est negatio ipsius: sed quia per hanc ipsamet sui quidditatem habet non solum non esse, sed non posse esse. Putamus autem absurdum ponere aliquid physicè, vt excludat ab eodem esse, id cui per se ipsum formaliter repugnat esse. Hinc



negatio obiecti impossibilis est necessaria in esse veri; impossibilis in esse rei. De hoc valet illud quod in multis alijs importune dicitur: si esset: esset & non esset: quod probatur ex eo ipso quod esset: nam impossibile est non esse sui ipsius, igitur si esset esset eo ipso non esse eiusdem; sed per hoc formaliter quod sit non esse eiusdem, ipsum non est, ergo eo ipso quod esset non esset: sed ex hypothesi esset, ergo esset & non esset. Hinc negatio rei impossibilis dicitur negare seipsam; quandoquidem ipsummet impossibile est negatio sui, hoc est; est sibi sua impossibilitas: aliæ autem negationes dicuntur negare terminum cuius sunt negationes; quæ propterea dicuntur ponere intransitiue seipsas, tollere autem transitiue aliud. Melius dices: negationes nihil ponere cum nihil sint vt dictum est satis.

Inferes 4. quomodo intelligendum sit id quod habes ex D. Thomas in qq. de Verit. *Extra animam duo inuenimus, rem ipsam, & priuationes, & negationes rei.* Sensus est non minus denominationes priuatiuas, seu negatiuas quam positiuas aut affirmatiuas esse independentes ab actibus intellectus, & in hoc sensu reales. Puta tam realiter Homerus est cæcus quam Virgilius est videns. Non quod aque per formam quæ insit, aut aliquid aliud quod sit, ille cæcuiat, quam per formam quæ inest, hic videt. Sed quia tam ille independet ab intellectu visu caret, quam hic visum habeat.

## QVAESTIO X.

## De Vnione.

## ARTICVLVS I.

*Ponuntur aliqua Conclusiones.*

**P**Ræter formam quæ dicitur ratio quod quid est esse rei, diximus ad quidditatem substantiæ pertinere & materiam: ex his duabus tamquam ex potentia & actutota substantia constat. Controuertitur autem an præter vtramque requiratur tertium quid, quod sit nexus & vinculum vtriusque. Sunt qui affirmant, sunt qui negent.

Ad resolutionem controuersiæ notandum est quod docet D. Thomas 1. parte quæst. 2. art. 1. videlicet tripliciter aliquid vnum ex duobus vel pluribus constitui. Vno modo ex pluribus integris perfectis remanentibus: sicut v. g. ex pluribus lapidibus fit vnus aceruus, aut etiam ex pluribus tum lapidibus tum lignis fit vna domus: & in his ratio faciendi vnum est mera iuxta positio, seu dispositio secundum locum. Alio modo fit aliquod vnum ex perfectis sed transmutatis, sicut v. g. ex pluribus elementis quæ sunt substantiæ completæ, fit mixtum: & in his ratio faciendi vnum est mixtio.

Tertio modo fit aliquod vnum ex aliquibus non permixtis vel permutatis, sed imperfectis vno videlicet habente rationem po-

rentiæ, altero rationem actus; adeoque vtroque secundum se imperfecto, sicut ex anima & corpore fit vnum. De hoc vno quærimus hic qua ratione fiat ex pluribus: an per vniõnem ab vtroque extremo distinctam, an sine tali vniõne. Hæc vniõ ab Ocamo & Nominalibus rejicitur satis communiter: à D. Thoma, Suarío alijsque quam pluribus admittitur.

Sit prima Conclusio. Materia & forma non faciunt vnum per hoc præcise quod sibi coexistent. Probatur conclusio: quia coexistentia materiæ ad formam & formæ ad materiam nihil est aliud quam vtriusque in eodem instanti existentia: vel etiam si vis modus quidam relationis ad vtriusque in eodem instanti existentiam, necessario resultans: sed hoc non sufficit vt habeatur vnum, siue vna substantia; ergo per hoc præcise quod materia & forma sibi coexistent non faciunt vnum. Maior est definitio coexistentiæ tam in nostra, quam in aliena sententia. Minor probatur: quia nunc de facto non est in rerum natura Petrus nuper mortuus, & tamen materia & forma eiusdem Petri sibi coexistunt. Nam materiam cuiuslibet corrupti remanere in natura ostensum est supra: de anima autem rationali nefas est aliter suspicari. Præterea forma ignis nunc existentis coexistit materiæ ligni & cuiuslibet alterius substantiæ quæ de facto est in rerum natura; & tamen evidens est non fieri vnum de facto ex hac forma ignis, & qualibet materia existente: ergo idem quod prius.

Dices: præter coexistentiam extremorum requiri intimam præsentiam vnius in alio,  
actus

actus videlicet in potentia, forma in materia.

Sit 2. Conclusio. Ad vnum per se non sufficit intima presentia vnius in alio, etiam si vnum sit natura sua actus, alterum vero natura sua potentia. Probatur hæc conclusio quia contingere potest vnum esse intime præsens, hoc est compenetratum cum altero, absque eo quod faciant vnum per se, & tamen vnum sit natura sua actus, alterum vero potentia: ergo intima presentia non est ratio faciendi vnum ex pluribus huiusmodi. Consequentia est euident. Antecedens probatur quia non repugnat absolute corpus cum corpore penetrari. Est enim certum corpus Christi Dñi cum marmore & parietibus vel ianuis penetratum fuisse. In tali casu forma vnius corporis sit intime præsens materię alterius, & tamen non facit vnum per se, cum materia alterius: cum & forma sit natura sua actus, materia vero potentia; ergo, &c. Igitur ad habendum vnum requiritur aliquid aliud præter rationem actus in forma, rationem potentię in materia, & vtriusque intimam vnius cum altero presentiam.

Dices: Præter intimam presentiam extremorum, requiri dispositiones in materia, per quas materia sit proxime idonea formę cum qua compenetratur.

Sed contra est: quia potest dari intima presentia formę in materia recte disposita absque eo quod faciant vnum per se: ergo hætenus dicta non sufficiunt ad rationem vnius per se. Consequentia est euident. Antecedens probatur. Non repugnat duo corpora homogenea: puta duos lapides aut duo

ligna compenetrari: in tali hypothefi forma ligni *A* erit intime præfens materiæ ligni *B* recte difpofitæ ad formam ligni; & tamen ex forma ligni *A* & materia ligni *B* non fiet vnum per fe; ergo potelt forma elle intime præfens materiæ rite difpofitæ absque eo quod faciat vnum per fe: probatur hoc fecundum antecedens ex doctrina Philofophi: quidquid aduenit enti in actu facit vnũ per accidens: fed in tali hypothefi forma ligni *A* aduenit materiæ iam actuata: per formam *B*; adeoque enti in actu simpliciter; ergo facit non vnum per fe, fed vnum per accidens.

Replicabis: præter intimam præfentiam & difpofitionis requiri abfentiam omnis alterius formæ fubftantialis ab eadem materia.

Contra eft iterum; nam cum tota præfentia alterius formæ fubftantialis materia cum fua forma non deficiunt à ratione vnius per fe. Pura lignum *A* per hoc quod penetratur cum ligno *B* non deficit propterea à ratione fubftantiæ. Aliud enim eft quod cum fubftantia aut cum parte fubftantiæ cui compenetratur non faciat vnum per fe; aliud quod ipfum per feipfum etiam in fenfu compositotalis compenetrationis non maneat vnum per fe: hoc fecundum eft falſum, primum eft verum. Homo penetratus cum lapide, neque cum lapide, neque cum forma lapidis facit vnum per fe: eft tamen etiam fic penetratus vnum per fe. Aduerte obiter nos dicere: *etiam penetratus*: non autem: *etiam quatenus penetratus*: quam reduplicacionem à male reduplicantibus sæpe audies vel in hac, vel in alia materia. Conſtat enim experientia

pèrientia sæpe sensum compositum à male reduplicantibus confundi cum sensu reduplicatiuo. Verum est hominem penetratum cum lapide etiam in sensu composito talis penetrationis esse vnum per se: quia talis penetratio non tollit ab homine rationem hominis quæ est ratio vnius per se: falsum est hominem quatenus penetratum cum lapide esse vnum per se: quia penetratio cum lapide non ponit in homine rationem vnius per se. Aliud enim est non tollere, aliud ponere.

Præterea quæadmodum duo corpora præ-existentia possunt simul compenetrari, ita possunt cum tali penetratione produci: non enim repugnat Deum simul producere duo ligna sibi mutuo intime præsentia. In tali casu non est assignabile neque cur hæc materia potius cum hac quam cum illa forma, neque cur hæc forma cum hac potius, quam illa materia faciat vnum per se: & tamen ex ipsa hypothesi est hoc & illud lignum, adeoque hoc & illud compositum ex hac & illa tam materia, quam forma: neque enim dici potest aut hanc materiam esse magis proportionatam huic, quam illi formæ, aut è conuerso: vnde igitur hæc forma cum hac potius quam cum illa materia faciet vnum per se?

Euere qui dicerent in tali casu determinari hanc formam ad illam materiam: per decretum Dei: sed contra. est quia præterquàm quod ineptum est vniuersaliter loquendo adhibere decreta huiusmodi. in alio genere causæ quam in genere efficientis respectu creaturæ; non est assignabile quid velit tale decretum præter prædicta, quæ tamen ad

rationem vnius nusquam sufficiunt. Debet igitur tale decretum esse ratio formalis faciendi, vnum ex hac materia & illa forma quod est ridiculum. Si enim ponit solum seipsum, & praescindendo ab ipso non habetur vltima ratio faciendi vnum; necesse est ipsum esse rationem huiusmodi.

Sit vltima conclusio. Inter materiam & formam requiritur modus vnionis vtrique: superadditus. Probatur conclusio quia habitis ceteris omnibus & non habito modo huiusmodi, non habetur vnum ex materia & forma, ergo ad hoc vnum requiritur praedita vnio. Antecedens patet ex dictis. Porro de hoc modo eodem modo loquendum est quo solent loqui Philosophi de alijs modis: aiunt autem ita affixa esse rebus quas modificant, vt impossibile sit ipsos existere praeditis rebus, non existentibus, quamuis res quas modificant possint existere sine ipsis. Iuxta hanc doctrinam communem, impossibile est existere vnionem qua meum corpus & mea anima mutuo vniuntur, non existentibus & corpore & anima: non autem e conuerso repugnat existere & corpus & animam non existente tali vnione.

## ARTICVLVS II.

### *Satisfit obiectionibus.*

**O**bjicitur primo. Materia & forma immediate vniuntur; ergo non vniuntur mediante vnione superaddita. Probatur consequentia quia quae vniuntur mediante alio, non vniuntur immediate: materia & forma

forma vniuntur mediante alio ; ergo &c.

Resp. concesso antecedenti : negando consequentiam. Ad probationem vel nega maiorem vel distingue: quæ vniuntur mediante alio quod sit ratio vniens, non vniuntur immediate nega ; mediante alio quod non sit ratio huiusmodi : omitte maiorem ; & eodem modo distincta minori nega consequentiam. Videre aliquid immediate non est videre nulla visione mediante. Efficere aliquid immediate non est efficere nulla mediante effusione. Similiter vniri immediate non est vniri nulla vnione mediante. Vniuntur autem immediate materia & forma , per hoc quod ipsa met vnio terminetur immediate ad utrumque extremum, nõ autem mediante aliquo tertio, quod ipsa prius afficiat : sicut ignis immediate producit calorem , per hoc quod actio eiusdem ignis terminetur immediate ad calorem.

Obijecitur secundo. formæ accidentales nõ indigent vnione superaddita , qua vniantur suis subiectis ; ergo nec substantiales. Consequentia probatur : quia tam calor & lignum sunt indifferentia vt faciant vel non faciant vnum calidum , quam materia & forma ligni sunt indifferentia vt faciant vel non faciant vnum lignum : ergo non plus requiritur vnio superaddita materię & formę, qua faciant vnum lignum , quam vnio superaddita ligno & calori, qua faciunt vnum calidum. Vbi enim non est dissimilis indifferentia, ibi nec datur disparitas in necessitate determinatiui, siue ablatiui indifferentię. Antecedens autem probatur : quia curuitas, rotunditas & alię huiusmodi eo ipso



quod sunt, sunt formalissime in subiecto, faciuntque illud curuum rotundum, &c. ergo non indigent vnione superaddita, neque vt sint in subiecto, neque vt subiectum ita denominent.

Resp. negādo antec. Ad cuius probationē conc. totū. Accidentia quæ huc afferuntur sunt accidentia modalia, de quibus non est eadem ratio quæ de alijs, modi enim eo ipso quod sunt, sunt in subiectis, & subiecta modificant. Cætera autem accidentia, cuiusmodi sunt frigus color, calor, &c. non sunt in subiecto per hoc formaliter quod sint, & propterea dicuntur accidentia absoluta. In Sacramento Eucharistiæ detracta substantia panis remanent accidentia panis, non tamen curuitas aut rotunditas panis, quæ habentur vel adæquate vel inadæquate per vicationem eiusdem. Requiritur, ergo inter calorem & lignum vnio ab utroque distincta, propter eandem rationem propter quam requiritur inter materiam & formam.

Obijcitur tertio Philosophus 8. Metaph. cap. vlt. reprehendit Licophrontem & alios quosdam eo quod inter corpus & animā imaginarentur copulam quandam qua ex corpore & anima fieret vnum; asseritque ex materia & forma fieri vnum per hoc, quod hoc quidem materia, hoc vero forma est; & hoc quidem potentia, hoc vero actus. Immo expresse ait eos errare in hoc quod potentia & actus, hoc est materiæ & formæ quærant rationem vnientem, siue facientem vnum ex potentia & actu, cum ex hoc ipso faciant vnum quod sint potentia & actus: sed nos etiam querimus & assignamus rationem vnientem

entem, seu facientem vnum ex potentia & & actu, ergo nos etiam cum Licophronte erramus.

Resp. Philosophum ibi disputare contra nonnullos qui corpus & animam, materiam & formam conglutinari imaginabantur mediante tenui aliquo & viscoso corpore, sicut v. g. duæ tabulæ vel alia huiusmodi, mediante glutine vniuntur. Nos autem dum dicimus mediare vnionem nihil tale imaginamur. Assignat autem ibidem Philosophus rationem cur ex materia & forma fiat vnum quale non fit ex ligno & ligno, ex ebore & ligno, alijsue huiusmodi: quia videlicet materia & forma se habet sicut potentia & actus; alia vero non.

### A R T I C V L V S I I I.

*An talis vnio sit accidens.*

**C**ommunis sententia inter Peripateticos, vnionem quæ est inter materiam & formam vocat modum substantialem. Aliqui tamen existimarunt vnionem huiusmodi esse purum accidens: adeoque dixerunt vnionem huiusmodi dici substantialem non intransitiue, sed transitiue: dicitur substantialis non intransitiue, quia seipsa est accidens: substantialis autem transitiue quia est modus faciens substantiam.

Dicendum est cum communi, modum prædictum non esse accidens. Probatur hæc conclusio ex conceptu communi substantiæ, siue vnus per se. Sciendum est enim vnum per se ab vno per accidens differre per hoc quod

quod primum quidem inter sui constitutiva non admittat vllum accidens, secus secundum: sed inter constitutiva vnus per se siue substantiae reperitur vnio, ergo vnio non est accidens. Hinc facile ostenditur ex eo ipso quod non esset substantialis intransitiue, nec fore substantialem transitiue. Implicat enim substantiam in esse substantiae per vllum accidens constitui. Neque enim vnum per accidens, ab vno per se, differt per hoc, quod illud sit complexum plurium accidentium, hoc vero complexum plurium substantiarum. Imo non datur vnum per accidens in natura quin in illo vno detur aliqua substantia; quando quidem accidentia ipsa non sunt nisi in substantia; & propterea accidens recte dicitur *entis ens*, per *li entis* intelligendo substantiam.

Quod autem vnio sit ex constitutivis substantiae patet ex eo quod ceteris intellectis & non ipsa, non habetur substantia. Hinc D. Thomas 3. parte quaest. 50. art. 4. quaerens vtrum Christus in triduo mortis fuerit homo, statuit conclusionem negatiuam, quia inquit, in triduo mortis defuit vnio inter corpus & animam: & quia alij aliter sentiebant Magistrum sequuti, propterea addit D. Thomas haec verba: *Magister sententiarum posuit quod Christus in triduo mortis fuit homo: quia credidit quod vnio animae & carnis non esset de ratione hominis, quod est falsum.* Igitur iuxta D. Thomam vnio est de ratione hominis: accidens autem non est de ratione substantiae, & consequenter vnio non est accidens.

Notanter dixi iuxta D. Thomam, quia S.  
Da.

Doctor adeo pro certo habet vnionem pertinere ad rationem hominis vt dicat eos qui dixerūt Christum Dominum in triduo mortis fuisse hominem, dixisse verba erronea, quamuis non omnes sensum erroris habuerint in fide. Dixerunt verba erronea, quia in triduo mortis defuit vnio inter animam & carnem, & consequenter defijt homo: sensum erroris non omnes habuerunt in fide quia aliqui existimarunt animam esse hominē vt Hugo de S. Victore; alij hominem esse animam & corpus, siue coniuncta, siue non coniuncta, vt Magister sententiarum.

Dices vnionem non pertinere ad rationē substantiæ quæ substantia est, sed ad rationem substantiæ quæ vnum compositum est: & non esse de ratione vnionis facere substantiam, sed facere vnum.

Sed contra est primo: quia quod pertinet ad rationem hominis vt homo est, pertinet ad rationem substantiæ vt substantia est; sed ex dictis vnio animæ & carnis pertinet ad rationem hominis vt homo est, ergo pertinet ad rationem substantiæ vt substantiæ.

Contra est secundo: quia vnio non requiritur vt ex pluribus fiat vnum quomocunque: nam etiam per puram dispositionem secundum locum, siue sine certo ordine, quæ à D. Thoma dicitur commassatio, siue cum certo ordine quæ dicitur ab eodem, figura fit ex pluribus vnum: nam & ex pluribus lapidibus temere coacervatis & ex iisdem certo quodam ordine inter se collocatis fit vnum, sed vnum per accidens, vt dictum est alibi; ergo non requiritur vnio distincta ab approximatione vt ex materia & forma fiat

unum præcise & quomodocunque hoc est , quolibet genere vnitatis ; sed vt fiat vnum substantiale. Ergo vnio requiritur vt ratio formalis constitutiuæ non vnus quomodocunque , sed vnus substantialis siue vnus per se.

Hæc eadem argumenta quæ contra rationem accidentis in vnione adduximus contorquere poteris contra eos qui intimam præsentiam vnus extremi cum alio dicunt sufficere pro ratione formali qua ex pluribus fiat vnum. Hæc enim intima præsentia habetur formaliter per vbicationem vel vnâ vtriusque extremi, vel duplicem in eodem loco extrinseco , hoc est in eadem distantia vel propinquitate cum reliquis locatis. Denique patebit conclusio solutione obiectionum.

#### ARTICVLVS IV.

##### *Respondetur obiectionibus.*

**O**bjicitur primò : non est necesse quod omnis denominatio conueniens toti conueniat cuilibet constitutiuo totius : ergo ex hoc quod ratio substantiæ conueniat toti, non insertur quod debeat conuenire vnioni, aut cuilibet alteri constitutiuo totius. Ergo etiamsi totum sit substantia poterit vnio esse accidens.

Resp. concessio toto primo entimemate : negando vltimam consequentiam. Non probamus vnionem non esse accidens , ex hoc principio : quia omnis denominatio quæ conuenit toti , conuenire debet & parti ; seu  
cui-

cuiuslibet cōstitutiuo totius Hoc enim prīcipiū est euidenter falsum ; toti conuenit esse totum , esse substantiam simpliciter, esse compositum ex potentia & actu ; quorum nihil conuenit vlli ex constitutiuis. Probamus conclusionem nostram ex alio principio, videlicet: accidens non est de constitutiuo substantiæ : & hoc probamus cum ex conceptu substantiæ, tum ex conceptu accidentis communiter recepto in Scholis. Hoc dictum: *accidens est entis ens* rite intellectum est argumentum euidentis nostræ veritatis ; nihil enim aliud significat quam accidens esse totū quantum est, in gratiam alterius entis hoc est substantiæ : datur igitur substantia contradistincta ab accidente in gratiam cuius ipsum sit : cum autem hoc valeat de omni accidente , necesse est omne accidens supponere substantiam simpliciter cuius sit , & in cuius gratiam sit : implicat autem in terminis omne accidens supponere substantiam simpliciter à se contradistinctam , in cuius gratiam sit, & aliquod accidens esse constitutiuum intrinsecum substantiæ.

Obijecitur secundò. Vnio est quid modale & tamen substantia seu totum est quid absolutum : ergo non repugnat aliquod absolutum constitui intrinsece per aliquod modale : sed tam absolutum & modale opponuntur inrer se, quam substantia & accidens : ergo non repugnabit aliquam substantiam constitui intrinsece per aliquod accidens. Hoc idem argumentum sub alijs terminis sic proponitur : Vnio est quid relatiuum, totum vero est quid absolutum : sed totum constituitur intrinsece per vnionem,  
ergo

ergo absolutum constituitur intrinsece per  
relatiuum : absolutum & relatiuum non  
minus opponuntur quam substantia & acci-  
dens ; ergo substantia poterit intrinsece cō-  
stitui per aliquod accidens. Vnionem esse  
quid modale dictum est a nobis , esse rela-  
tiuum seu potius relationem ipsam sui ad  
extrema , patet ex ijs quæ passim diximus de  
modis ; eos videlicet esse per seipso rela-  
tionem transcendentalem ad res quas modi-  
ficant.

Hoc argumentum laborat in æquiuoco,  
quod solutum est obiectione præcedenti, o-  
stendendo conclusionem non probari ex hoc  
principio quod nulla pars possit sustinere  
denominationem diuersam ab ea , quam su-  
stinet totum. Pars sustinet denominationem  
formæ, materiæ, quarum neutram sustinet  
totum. Responde igitur in forma distingu-  
endo minorem subsumptam : absolutum &  
modale : item absolutum & relatiuum non  
minus opponuntur quam substantia ; & ac-  
cidens : eodem genere oppositionis : nega di-  
uerso genere oppositionis : conc. Quod si  
querat Aduersarius , cur ratio accidentis in  
constitutiuo , officiat rationi substantiæ in  
constituto ; cum ratio modalis aut relatiui  
non officiat rationi absoluti ; petendum est  
discrimen ex conceptu utriusq. Relatiuum  
idem est ac : ad aliud : manifestum est autē  
ex eo quod in aliquo toto includatur ali-  
quid quod sit ad vtrunque extremum totius ;  
non propterea totum ipsum esse ad aliud.  
Absolutum igitur à modali seu relatiuo nō  
differt in hoc quod modale seu relatiuum  
includat aliquem modum aut aliquam re-  
latio-

lationem ; secus vero absolutum. Cum tamen vnum per se , ab vno per accidens differat in hoc ; quod primum non includat vllum accidens , secus secundum : vt patet ex dictis.

Confirmatur hæc doctrina : quia hoc concretum : materia & forma locatæ : & hoc aliud : materia & forma durantes , sunt cōcreta per accidens seu tota accidentalia , ergo pariter hoc aliud : materia & forma vnitæ erit concretum per accidens , seu totum accidentale. Consequentia probatur quia ideo prædicta duo concreta sunt tota per accidens quia important supra materiam & formam vlicationem & durationem , quæ sunt formæ accidentales : sed etiam hoc concretum materia & forma vnitæ supra materiam & formam importat vnionem quæ est forma accidentalis , ergo etiā hoc concretum est totum accidentale. Tam autem se habet vt quò vbiatio in locato , & duratio in durante , quam vnio in vnito ; Quod dictum sit ad auerruncandā distinctionem per *vt quo* & *vt quod* , qua sæpe vel ad rem , vel extra rem non nulli vtuntur. Quod si dicas vlicationem venire non vt quo , sed vt quod in denominatione locari ; quia est forma faciens locatum. Etiam vnio veniet non vt quo , sed vt quod in denominatione vniti ; quia est forma faciens vnitum .



## ARTICVLVS V.

*An unio sit una vel duplex.*

**H**Vmana imbecillitas quæ nonnullos impulit vt vnionem negarent, impellit alios vt geminent: vtrosque contrariam veramque sententiam: quæ virtutis instar & à defectu recedit dum statuit vnā, & ab excessu dum unicā.

Dicendum est igitur. Sufficit vna unio in compolito. Probatnr conclusio quia unio de suo conceptu est nexus plurium, & ratio formalis qua plura coalescunt in unum; ergo unica unione intellecta inter materiam & formā habes unum ex materia & formā. Explicatur hoc idem: materiam esse unitā formæ, est materiam facere unum cum formā: materiam facere unum cum formā, est haberi unum ex materia & formā; ergo materiam esse unitā formæ, est haberi unum ex materia & formā: sed per unicā unionem habes materiam esse unitā formā, ergo per unicā unionem habes unum ex materia & formā. Conclusio est euidens, sed hanc deserunt qui hanc deserunt, apparenti difficultate deterriti.

Dices igitur. Potest intelligi materia formaliter unita formæ, quin intelligatur forma formaliter unita materiæ; ergo ponenda est duplex unio; una quæ sit formalis communicatio materiæ ad formā, altera quæ sit formalis communicatio formæ ad materiam. Antecedens probabis exemplo relationis, hoc est exemplo non faciente ad rem.

Sic

Sit album *A* & album *B*. Album *A* refertur ad album *B* formaliter per relationem similitudinis receptam in albo *A*: & uicissim album *B* refertur formaliter ad album *A* per relationem similitudinis receptam in albo *B* nec sufficit una relatio ad hoc ut formaliter *A* ad *B*, & uicissim *B* ad *A* referantur. Quamuis enim impossibile sit album *A* & album *B* sibi coexistere, quin mutuo referantur relatione similitudinis, tamen ratio illa per quam mutuo referantur non est una sed duplex. Si enim singas modum relationis pullulare in albo *A*, non autem in albo *B*, habes relationem formalem albi *A* ad album *B*, sed non è conuerso: tunc enim album *B* non formaliter sed fundamentaliter tantum refertur ad album *A*.

Explicabis hoc idem mirabilius. Potest Petrus existens Constantinopoli distare formaliter à Paulo existente Romæ, quin Paulus existens Romæ distet formaliter à Petro existente Constantinopoli si nimirum intelligas in Petro pullulare modum distantiae, non autem in Paulo. Eodem modo nisi intelligas præter unionem quæ cõmunicat materiam formæ, aliam unionem quæ cõmunicet formam materiæ habebis quidem materiam unitam formæ, sed non formam unitam materiæ.

Hoc argumentum continet duo uitia. Primum est falsitas antecedentis. Secundum est peruerfitas consequentiæ. De relatione satis dictum est in logica ubi ostensum est per illud idem album *B* esse simile albo *A*, per quod album *A* est simile albo *B*, & sic de cæteris, quas appellauimus relationes reci-

pro.

procas. Sunt autem præterea quædam relationes quæ, non constituunt mutuo relata. Puta relatio creaturæ ad creatorem cõstituit quidem creaturam relatam ad Deum, sed nõ e conuerso: & iuxta Philosophũ 5. Metaph. relatio cognitionis ad cognitum non est reciproca ut explicatum est à nobis in Logica.

Vel igitur arguens comparat unionem cū ratione relationis ut sic, & tunc est inepta comparatio: quia unio est essentialiter plurium unitorum unio. Sermo est enim de unionem physica: cum relatio non sit essentialiter plurium relatorum relatio: uel solum cum aliqua speciali relatione, quam putat haberi formaliter per modum aliquem receptum in re, quæ dicitur relata, & hic dupliciter errat; primò quia uidimus suo loco relationem non consistere in modo huiusmodi: Secundo quia si relatũ idem sit apud arguentem ac subiectum relationis, non est idem apud nos; nec debet esse idem apud ipsum; vnitum, ac subiectum unionis: est enim de ratione uniti esse extremum quod unitur, non autem de ratione eiusdem est, esse subiectũ rationis quæ vnit. Adde quod etiam si de ratione uniti esset esse subiectum rationis unientis, non propterea duorum unitorum deberet esse duplex unio: cum eadem in extremis simul compenetratis recipi possit.

Ad argumentum in formã transmittite antecedens, quod falsum est: & nega consequentiam. Hoc est da arguenti duo relata puta album *A* & album *B* per duplicem relationem haberi, alteram quæ sit in *A*, alteram quæ sit in *B*: sed nega hinc sequi maiorem  
teriam

teriâ & formâ unitas duplici unione, vni-  
altera quæ sit in materia, altera quæ sit in  
forma. Disparitates sunt multæ. Prima sit  
quod de ratione eorum quorum unum est  
ad aliud, non est quod aliud sit vicissim ad  
ipsum: at de ratione vnionis est vt si vniat  
*A* cum *B* etiam vniat *B* cum *A*: est enim im-  
perceptibile quod aliquid sit physice vnitum  
cum aliquo à se realiter & physice diuiso,  
sicut est imperceptibile quod aliquid sit phy-  
sice distans ab aliquo sibi physice proximo.  
Dixi physice quia si loquamur de vnione  
moralis seu affectiua, sæpe contingit vnum ef-  
se intentionaliter vnitum alteri intentiona-  
liter à se diuiso; hoc est vnum amare alterum  
cui sit odiosus: quamuis nec proprie loquē-  
do talis affectus dicendus sit vnio: dum enim  
dicimus unionem intelligimus amorem mu-  
tuum, vt legere poteris apud eos qui de uni-  
one & charitate fraterna, qualis debet esse  
inter Christianos, religiose philosophau-  
runt.

Secunda disparitas sit quod similia, æqua-  
lia, & alia huiusmodi etiam dum similia &  
æqualia sunt, loco separantur; & consequē-  
ter si per formam in se receptam debent hanc  
similitudinem habere, non sufficit una duo-  
bus; cum una in duobus loco separatis esse  
non possit. Nec dicas quod etiam si illa duo  
similia compenetrarentur ad huc singula suâ  
in se relationem haberent. Hoc enim non  
facit ad rem: nam per idem sunt similia dū  
penetrantur, per quod similia sunt dum se-  
paratim existunt: & consequenter per ali-  
quid sunt similia ad quod impertinenter se  
habet penetratio aut impenetratio; adeoq.  
fin-

singula singulas formas habent per quas sibi mutuo similia sint.

Tertia sit quod munus relationis non est facere ex pluribus unum : at munus immo totum esse unionis est facere unum ex materia & forma : & consequenter eo ipso quod est, facit illud unum : implicat autem in terminis fieri unum ex materia & forma, & non ex forma & materia. Nos autem non aliam unionem quærimus, quam qua fiat unum ex materia & forma.

Quarta sit quod relatio recipi debet in fundamento quia est secundum se, & per se ipsam formalis perfectio fundamenti : at unio non est ipsa per se formalis perfectio extremorum, sed est solum ratio qua unum ab altero perficitur : adeo ut ipsamet unio hypostatica non per seipsam formaliter, sed per uerbum diuinum cuius est formalis communicatio perficiat & sanctificet humanitatem assumptam. Unio igitur materię cum forma est ratio qua materia per formam perficitur ; perficitur autem per hoc quod trahatur in unitatem substantię : per hoc uero ipsum quod trahatur materia in unitatem substantię cum forma, forma trahitur in unitatem substantię, ut patet ex terminis. Et hoc est quod intelligi debet quando dicitur per unionem communicari materiam formę, & formam materię : coalescere uidelicet ista duo in unam substantiam constantem ex utroque, adeoque ex perfectione utriusque.

Obijcitur secundo unio est connexio unius extremi cum altero extremo ; sed non est de ratione connexionis esse mutuan, ergo non

non est de ratione unionis. Maior patet ex terminis: nam esse unionem, esse nexum, esse uinculum, esse connexionem sunt synonymima. Minor autem probatur quia creatura quælibet connectitur essentialiter cum Deo, & non è conuerso: ergo connexio non est à toto genere mutua. Antecedens est euidens: implicat creaturam esse sine Deo, non autem Deum esse sine creatura.

Resp. argumentum propositum esse simile huic: homo est animal: sed non est de ratione animalis esse rationale, ergo nec de ratione hominis. Minor probatur quia brum est animal, & tamen non est rationale. Concede maiorem & minorem nega consequentiam. Vel si mauis distingue maiorem: unio est connexio quomodocunq. unius extremi cum altero: nega; est connexio in unitatem substantiæ: concede maiorem, & eodem modo distincta minori, nega consequentiam. Non est de ratione cuiuslibet cōnexionis esse mutuam: quod patet in modi, qui essentialiter connectuntur cum rebus modificatis, quamuis res modificate non connectantur cum ipsis: est autem de ratione modi, etius totum esse sit facere unum ex pluribus.

Obijcitur tertio. Vnio materiæ cum forma debet esse materialis, formæ verò cum materia, saltem in homine, debet esse spiritalis: eadem nequit esse materialis, & spiritalis; ergo debet esse duplex. Maior probatur, quia unio recepta in materia nequit esse spiritalis, aut recepta in anima materialis: sed unio per quam materia vnitur formæ debet recipi in materia, & unio per

quam forma vnitur materiæ debet recipi in forma; ergo debent dari duæ vniones altera materialis, altera spiritualis; quarum hæc in anima, illa in materia recipiatur. Item in homine vel duo extrema sunt ambo subiectum vnionis, vel alterum tantum; non alterum tantum, quia non est potior ratio de vno, quam de altero, ergo vtrumque; sed si vtrumq. est subiectum, erit duplex vnio: nequit enim vnica in duobus subiectis subiectari.

Resp. quod siue extrema, quæ vniuntur sint ambo materialia, siue alterum materiale, alterum spirituale, nihil facit ad vnitatem, aut duplicitatem vnionis. Nam & vnio spiritualis poterit recipi in materia: sicut & anima ipsa quamuis spiritualis sit, tamen informat materiam, & in materia recipitur: & multa materialia, iuxta communem sententiam, recipiuntur in anima rationali: huiusmodi sunt actus sentiendi, quia tactio, auditio, visio, &c. igitur ex hoc capite non requiritur duplex vnio.

Præterea vnio sub conceptu vnionis non respicit terminum, siue extremum quod vnit sub ratione subiecti, sed sub ratione extremi: immò cum certum sit apud omnes vnionem hypostaticam præstare effectum formalem vniendi, etiam respectu Verbi diuini, quod verè vnitur Humanitati; negant tamen præstantissimi Theologi Verbum diuinum respectu vnionis habere rationem subiecti. Est igitur de ratione vnionis physica attingere extremum quod vnit, non autem esse in illo tamquam in subiecto.

Dices: vnio etiam in ratione vniens per-  
ficit

ficit extrema, saltem si sint perfectibilia : ergo debet subiectari in extremis. Antecedens probatur ; per vnionem non solum perficitur materia, sed etiam forma, ergo &c. Notanter dicitur, si sint perfectibilia: quia sunt qui sic philosophentur, vt per formam intrinsecè receptam velint illud solum perfici, quod perfectibile est ex natura sua : immò per receptionem illud solum immutari, quod ex natura sua mutabile est. Puta inuenies qui admittant vnionem hypostaticam intrinsece recipi in Verbo, & simul negent Verbum immutari per vnionem huiusmodi. Contra quos si sic argumenteris: omne quod intrinsecè recipitur in aliquo immutat illud: sed vnio intrinsecè recipitur in Verbo, ergo intrinsecè immutat Verbum: audies sic respondentes: omne quod intrinsecè recipitur, immutat intrinsece si sit capax mutationis: concedo, si sit incapax mutationis: nego, & eodem modo distincta minori: negatur consequentia. Hic modus respondendi ex hoc solo capite tolerabilis est, quia fuit magnorum virorum: qui tamen si sic omnia dixissent, numquam fuissent magni viri: sed ea est mortalium deploranda calamitas, vt etiam magnorum virorum vitia pro virtutibus habeant: sed de hoc alibi.

Resp, igitur rogando Aduersarios, an materia, & forma se se mutuo perficiant. Respōdent affirmatiuè. Sic contra: Non solum forma perficit materiam, sed etiam materia perficit formam: ergo non solum forma recipitur in materia, sed etiam materia recipitur in forma. Antecedens est doctrina Aduersarij; consequentia probatur: quidquid



perficit alterum recipitur in altero; sed non solum forma perficit materiam, sed etiam materia perficit formam, ergo non solum forma recipitur in materia, sed etiam materia recipitur in forma. Aduersarius si neget maiorem, vt re ipsa neganda est, oro te, qui sustinebit hanc illationem: vnio perficit vtrumque extremum, ergo recipitur in vtroque extremo.

Sapienter igitur Suarius tomo 1. in tertiam partem disp. 8. sect. 3. ad tertium dicit, quod ad rationem perfectibilis, seu complebilis per alterum non requiritur ratio subiecti: dicuntur enim duo mutuo se complere per hoc, quod vtrumq. dum simul sunt, se habeant secundum modum suæ naturæ, puta forma secundum rationem actus, materia secundum rationem potentiae: & per hoc ex vtroq. confurgit vnum, quod dicitur simpliciter, & absolute: hoc & ens.

Dices, materiam non perfici per formam, sed per unionem formæ: hoc posito eque poterit perfici forma, ac materia, absq. eo quod eque forma sit subiectum materiæ, ac materia formæ; ergo, &c.

Resp. falsum esse, quod non forma, sed vnio perficiat materiam: non enim vnio, sed forma est actus. Vnio est ratio, qua forma perficit materiam, non autem ipsummet perfectiuum materiæ: & hæc propositio: forma non perficit materiam: est apud Peripateticos, inaudita.

Dices iterum: ergo vnio nec recipitur in forma, nec in materia. Probatur consequentia, quia nec vt perficiat formam requiritur vt subiectetur in forma, nec vt perficiat

materiam requiritur, vt subiectetur in materia: ergo etiam si in neutra subiectetur, vtramq; perficiet.

Rasp. negando consequentiam. Ad probationem concesso antecedenti: nega consequentiam. Ad hoc vt perficiat vnum, & alterum, siue potius ad hoc vt extremum extremo comunicet, necesse est vt sit: si autem est, in aliquo subiecto est, ergo si communicat actu extremum extremo, in aliquo subiecto est. Argumentum probat debere esse in aliquo vt in subiecto: cum autem nihil sit in toto præter materiam, & formam, probat consequenter debere esse vel in materia, vel in forma; Non autem aut in forma potius, quam in materia, aut è conuerso, aut in vtroq; potius quam in alterutra.

## ARTICVLVS VLTIMVS.

*Expediuntur alia de Vnione.*

**C**Irca vnionem, qua accidens vnitur subiecto, dicendum est rationem illam, quam attulimus contra vnionem intransitiue accidentalem, siue contra vnionem, quæ sit accidens, non militare. Est enim euidentius quod ex capite accidentis non repugnat hanc esse de constitutiuo totius accidentalis. Patet etiam intimam præsentiam non posse reijci, vt insufficientem pro vnione formali accidentis cum subiecto, ex hoc capite, quod sit merum accidens. Ex hoc eodem capite constat, quod quamuis actio eductiua formæ substantialis de potentia materiæ repellatur à ratione constitutiuus intrinseci substantiæ; ne-

quit tamen ex hoc, repelli, à constitutiuo intrinseco vnius per accidens. Hinc sequitur controuerti posse, an vnio illa quam diximus requiri inter subiectum, & accidens saluari possit, vel per meram intimam præsentiam, vel per actionem productiuam eiusdem, seu eductiuam accidentis de potentia subiecti. In hac controuersia.

Dicendum est primo vnionem accidentis, qua subiectum fit tale, non haberi formaliter per intimam præsentiam vnius in alio; v.g. vnio albedinis cum subiecto, qua videlicet subiectum fit album non habetur formaliter per intimam præsentiam albedinis in subiecto. Probatur hæc conclusio ex alibi dictis. Per hoc quod Aethiops penetretur cum hoc pariete, vel quolibet alio corpore albo, non est formaliter albus: & tamen per talem compenetrationem albedo fit intime præsens Aethiopi, ergo intima præsentia qualitatis in subiecto non est ratio formalis faciendi subiectum tale, vel tale. Vbi nota idem dici posse de quolibet subiecto etiã capaci huius, & illius denominationis, quã tamen nõ sustinet per cõpenetrationem cum qualitate nata facta denominationem huiusmodi tribuere subiecto, cui vnietur.

Dices: in tali casu albedo vniretur homini: albedo per vnionem sui ad hominem facit hominem album, ergo in tali casu albedo faceret hominem album.

Resp. distinguendo maiorem: vniretur vnione locali concedo; alio genere vnionis: nego maiorem, & eodem modo distincta minori: nego consequentiam.

Dico secundò. Neque actio eductiua est  
ratio

ratio formalis faciens vnum ex subiecto, & accidenti. In hac materia facile est decipi. Est enim certum, quod quælibet, & qualiscumq. aggregatio plurium facit aliquammodo vnum. dictum est enim supra etiam per iuxta positionem siue ordinatam vt est in domo, siue casualem, vt est in aceruo, fieri vnum: dicitur enim & vna domus, & vnus aceruus. Sensus conclusionis est subiectum non esse formaliter tale, puta calidum, aut album formaliter per hoc quod qualitas, puta calor, aut albedo educantur ex ipso. Probatur autem conclusio, quia calidum, & frigidum est denominatio importans permanentiam in constitutivis ipsis; & idem remanens post actionem eductiuam, quod erat stante actione eductiua: manifestum est autem, quod post actionem eductiuam non remanet actio eductiua; igitur actio eductiua non est ratio formaliter constitutiua calidi, aut albi. Explicatur hæc ratio. Hic paries est albus, & permanenter albus; datur igitur in hoc pariete ratio, qua hæc albedo faciat album, & permanet in hoc pariete ratio, qua hæc albedo faciat album: sed non permanet in hoc pariete actio eductiua albedinis ex ipso: ergo actio eductiua albedinis, non est ratio qua albedo faciat hunc parietem album. Breuiter: ratio faciens hunc parietem album per albedinem, est quid permanens; actio eductiua non est quid permanens; ergo actio eductiua non est ratio huiusmodi. Aduerte hoc idem argumentum militare pro vno per se: tam enim vnum per se; puta lapis, aut planta est permanenter lapis, & planta, quam album, aut calidum sunt per-

manenter album, & calidum: & consequenter debet & in lapide, & in planta, præter actionem eductiuam vtriusque formæ, dari alia ratio faciens formaliter vnum ex materia, & forma.

Dices: per hoc præcise quod forma educatur de subiecto, potentia reducitur in actum; ergo per hoc præcise potentia actuat: sed per hoc præcise quod potentia actuetur fit vnum ex potentia, & actu, ergo per hoc præcise quod forma educatur de subiecto fit vnum ex potentia, & actu: sed per actionem formaliter educitur forma de subiecto, ergo per actionem formaliter fit vnum ex subiecto, & forma: per hoc autem per quod fit vnum ex subiecto, & forma, subiectum fit formaliter tale, ergo per actionem eductiuam subiectum fit formaliter tale.

Confirmatur hoc, & roboratur: quia per actionem eductiuam albedinis subiectum intrinsece immutatur, quandoquidem pati est formaliter inmutari: supponimus autem hic actionem à passione non distingui. Quod si oppositum supponeres: manet idem argumentum pro passione, quod attulimus pro educatione. Si autem subiectum intrinsece immutatur, immutatur in ratione albi, hoc est: ex non albo fit album; igitur per actionem ipsam eductiuam, seu per passionem, subiectum fit formaliter tale; ita quidem vt forma denominans sit albedo, ratio autem qua forma denominat fit actio, vel passio.

Hoc argumentum ex dictis facile diluitur. Quamuis enim concedas actuari subiectum per ipsammet actionem, non concedis actua-

actuari actione permanenti, & consequenter illo genere actuationis quo habetur permanenter vnum. Ratio faciens calidū debet permanere quamdiu permanet ipsummet calidum in esse calidi; actioeductiua non permanet, igitur actioeductiua non est ratio huiusmodi.

Præterea aliud est esse in subiecto per modum effectus, aliud per modum formæ. Istæ duæ rationes non solum ratione, sed re separantur. Anima rationalis est in corpore, vt in subiecto, non tamen per modum effectus, sed per modum formæ. Anima enim rationalis non educitur de potentia subiecti, quamuis informet verè, & propriè subiectum. Potest igitur iste conceptus: pars in parte, seu in comparte, separari ab hoc alio: effectus in causa, & quidem passiuæ. Hinc aliud est immutari in ratione patientis, aliud in ratione informati. Materia prima per animam rationalem immutatur secundum rationem informatæ, non tamen secundum rationem patientis, seu causæ passiuæ. An autem vicissim possit immutari causa in ratione passiuæ, quin eo ipso immuteretur in ratione informatæ, paulò difficilius est determinare: non enim quemadmodum in promptu est materia quæ informatur à forma cuius non est causa passiuæ; ita etiam in promptu est materia, quæ sit causa passiuæ alicuius formæ, à qua tamen non informetur. Veniendum est igitur ad conceptum vtriusque rationis. Conceptus causæ passiuæ in actu secundo est conceptus concurrentis patiēdo ad existentiam formæ, quæ produciatur. In hoc conceptu præcisè considera-

to non videtur includi conceptus informari, qui est: hoc vel illo modo qualificati per hanc, vel illam formam. Hinc etiam si dares rationem causæ passivæ esse realiter inseparabilem à ratione informatæ, non propterea dares esse vnam eandemq. cum illa. Sed quia quæcumq. forma educitur de subiecto; informat etiam subiectum recte diceres ipsammet educationem esse radicaliter vnionem, seu rationem, qua subiectum fit tale. Quod diceres de actione eductiua, diceres etiam de actione conservatiua formæ in subiecto; hæc enim etiam fluit. Adde quod si actio ipsa siue eductiua, siue conservatiua sit vnio: idem calidum quod fit à Deo simul, & causâ secunda non posset fieri à Deo solo, vt explicatur disput. 5. Physic. quæst. 2.


De vnione necessario aliquid aliud dicendum erit vbi de causis. Interim ad argumentum in forma patet ex dictis. Potentia reducitur in actum per actionem, actuatur, immutatur intrinsece, & alia huiusmodi immutatione, actuazione causæ per effectum, & quidem transeunti; non autem actuatur aut immutatur actuazione, siue immutatione informationis, & permanenti. Hoc secundum genus actuacionis requiritur ad calidum, & frigidum, & alia huiusmodi; quod non habetur per actionem eductiuam, nisi radicaliter.

Obiter nota quod ad probandum vnionem quæ est inter materiam & formam substantialem non esse accidens non vtimur veteri quodam sed inani argumento; quod videlicet homo non generaret substantiam, dum homo generat hominē, ex eo videlicet quod hu-

humana generatio non terminaretur nisi ad  
accidens . Nam neque terminatur ad mate-  
riam, neque ad animam; igitur solum ad v-  
nionem. hæc igitur si sit accidens terminatur  
ad accidens & consequenter non est genera-  
tio substantiæ. Hoc argumentum laborat in  
supposito, & æque militat contra quameun-  
que sententiam. Videbimus in loco genera-  
tionē terminari ad totam substantiam: im-  
mò eundo per partes etiam ad singulas partes  
substantiæ; ad animam seu formam quamli-  
bet, tamquam ad terminum non quidem fa-  
ctum à se, sed à se communicatum materiæ,  
ad materiam tamquam ad extremum cui  
forma communicatur; ad vnionem tamquam  
ad ipsam met rationem communicandi: ita  
vt æque proprie homo generet hominem ac  
ignis ignem .







## DISPUTATIO III.

*In Aristotelis libros de natura &  
arte.*

## QVAESTIO I.

*De Natura.*

## ARTICVLVS I.

*Definitur Natura.*



DEFINITIO definitur à nobis in Summulis : oratio explicans naturam rei : ex quo patet naturam sæpe pro eodem accipi ac essentiam & quidditatem . Natura hoc modo accepta reperitur in omnibus : cuiuslibet enim rei sua est quidditas & essentia .

Præterea naturam accipiunt aliquando pro mente diuina, quæ rerum omnium parens & opifex à Patribus & a Philosophis præcipue Stoicis naturæ nomine nuncupatur : vnde est illud quod dici solet de Atheis : eos nimirum Deum asserere dum illum negant omnia tribuentes naturæ .

*Dixerunt nulla mandum rectore moueri.*

*Natura voluente vices & mensis & anni.*

*Quæ-*

Quenam est enim illa natura nisi mens diuina cuius ordinatione perseverat dies ; quoniam omnia seruiunt ipsi ? Est enim certum per gubernationem Vniuersi demonstrari existentiam Dei. Hęc eadem nature acceptio frequens est apud Augustinum aientem supra hanc nostram naturā esse aliam naturam non creatam sed creatricem . Mentem diuinam naturam naturantem appellant ; naturam vero creatam vocant naturam naturantem .

Accipitur præterea natura pro vniuersitate rerum creatarum immo rerum simpliciter omnium . Hoc modo dicimus Petrum esse in rerum natura, secus Antichristum .

Vltcrius accipitur natura pro causis secundis & etiam pro ipso met Deo operante iuxta propensionem agentium creatorum : & hoc modo accipitur natura in illis effatis quę per vniuersam Philosophiam circumferuntur. *Natura semper facit optimū quod potest. Deus & Natura nihil faciunt frustra :* & sic de cæteris . Sunt & alię naturę acceptiones quibus non est operę pretium immorari. Hic autem accipitur natura à Philosopho pro principio quodam substantiali motus & quietis sensibilis, intrinseco illi substantiæ quę sensibiliter mouetur, aut quiescit. Iuxta hanc acceptionem.

Philosophus 2. Physic. textu 3. naturam definit principium & causam motus & quietis, in eo in quo est primo & per se, & non secundum accidens. Hanc definitionem confirmat 5. Metaph. cap. 4. prope finem, vbi sic habet: *igitur prima, & quę proprie dicuntur natura, est substantia eorum, quę in seipsis.*

*seipsis ut ipsa sunt motus principium habent.*

Dicitur *principium* & *causa*, cuius nulum est aliud mysterium quam eiusdem rei explicatio per duo vocabula; quamvis aliqui Myltagogi diu hic hæreant. Dicitur: *motus* & *quietis* non quod requiratur ad rationem naturæ vtrumque: moueri nimirum, & quiescere. Fortasse enim & in eo quod solum mouetur, & in eo quod solum quiescit, puta & in Cælo & in Terra naturæ ratio reperitur. Dum igitur dicis: *motus* & *quietis* accipe particulam, & in sensu accommodo; ita ut in eo quod mouetur sit principium motus, in eo quod quiescit principium quietis: ita D. Thomas, Toletus & alij. Sic idem Philos. 2. de Anima dicit animam esse, id quo viuimus & mouemur, & sentimus, & intelligimus: qua definitione, si particula, & copulatiue accipitur non comprehenditur omnis anima ut est euident. Anima bruti non intelligit. Anima plantæ non sentit. Per particulam igitur, & fit distributio accommoda: anima in intelligente, est id quo intelligit, in sentiente, id quo sentit, saltem radicaliter ut præscindamus hic an Anima per seipsam an per potentias à se distinctas huiusmodi actus eliciat.

Aduertendum est autem motum in definitione naturæ non accipi solum pro motu locali. Dicit enim Philosophus quod naturalia videnter habere principium motus & status, hæc quidem secundum locum, illa vero secundum augmentum & decrementum: quedam autem secundum alterationem. Iuxta quam doctrinam Philosophi principium illius motus

tus quo aqua reproducit in se suum frigus, dicendum est natura.

Quemadmodum autem non solus motus localis dicitur motus, ita nec sola quies à motu locali, dicitur quies. Hinc ex eo quod Cælum semper moueatur localiter, male inferes illud numquam quiescere: & ex eo quod terra numquam localiter moueatur male inferes illam semper quiescere. Non enim est bona consequentia. Cælum non quiescit à motu locali, ergo non quiescit: sicut nec hæc alia: terra numquam mouetur localiter, ergo numquam mouetur. Nam & hæc motu alterationis moueri potest, etiam dum quiescit à motu locali; & illud vel à motu alterationis, si forte alterabile est, vel in possessione alicuius perfectionis quiescere, etiam dum mouetur localiter. Sicut enim per tendentiam ad aliquam perfectionem dicitur quid moueri, ita per possessionem illius eiusdem dicetur quiescere. Hinc est quod aiunt quiescere dupliciter accipi posse, priuatiue scilicet & positiue. Priuatiue accipitur pro non moueri; positiue pro possidere terminum ad quem erat motus; qui terminus non est semper locus, sed aliquando hæc, aliquando illa perfectio.

Dicitur: *in eo in quo est* quibus particulis denotatur ad rationem naturæ requiri ut illud principium sit intrinsecum rei in qua recipitur talis motus, aut quies, sicut v.g. principium radicale motus deorsum est intrinsecum lapidi in quo recipitur tam motus ad centrum quam quies in centro. Dicitur: *in quo est primo*: quia ad rationem naturæ non sufficit quod principium motus & quietis sit intrinsecum

secum rei motæ vel quiescenti quomodolibet, sed requiritur vt sit in ipsa primò, hoc est ipsi essentialē, non autem aduentitiū ac superadditum essentialē. Ita quamuis grauitas sit intrinseca lapidi, & sit principium & causa tendentiæ deorsum quæ est in lapide, non est tamen natura lapidis: quia est aliquid contradistinctum à lapide. Ipsa autē substantia à qua & grauitas, & per grauitatē motus oritur, dicitur natura lapidis.

Denique additur: *per se & non secundū accidens* quibus particulis excluduntur a ratione naturæ quædam principia, quæ intrinsece quidem recipiuntur in eo quod mouetur, sed neque sunt ipsius substantia, nec ab ipsius substantia per se & necessario profluunt. Hæc ex duplici capite à ratione naturæ excluduntur; quatenus videlicet nec primò, nec per se in eo sunt; quod per ipsa mouetur. Tam Philosophus quam D. Thomas rem exemplificant in Medico seipsum curante: hic enim per artem sibi intrinsecam, hoc est in se receptam, intrinsece mouetur ad sanitatem acquirendam. Medicina tamen siue ars medica quamuis sit aliquid intrinsecum ipsi, & per ipsam moneatur, non tamen est natura: est enim in ipso non primò & per se, sed per accidens; vnde dicitur curari non per naturam sed per artem.

## A R T I C V L V S II.

*Satisfit nonnullis quæstis.*

**Q**uæres primo an materia prima dici possit natura?

Resp.

Resp. affirmatiue cum Philosopho multis in locis & præcipue textu 4. huius libri, & 5. Metaph. cap. 4. Probatur autem quia materia est principium & causa motus in eo in quo est nimirum in composito, in materia enim recipiuntur motus innumeri augmentationis, alterationis, &c. motus ipse educationis formæ materialis, motus receptionis siue informationis animæ rationalis qui sunt secundum inclinationem materiæ primæ, ut patet ex dictis.

Dices: materia prima secundum se non magis inclinat ad hanc formam quàm ad aliam, ergo non magis appetit productionem huius quam alterius; ergo non magis hunc motum quam alterum, ergo nullus motus huiusmodi est naturalis materiæ.

Resp. concedendo totum: præter ultimam consequentiam. Ex eo quod materia prima non appetat magis productionem huius quam alterius formæ sed omnem æqualiter, non sequitur quod nullus, immo sequitur quod omnis & quilibet motus productiuus formæ est illi naturalis.

Quæres secundo an forma sit natura?

Resp. affirmatiue cum eodem Philos. locis citatis, ubi docet formam magis principaliter esse naturam, quam materia. Ratio est quia forma est pars potior compositi naturalis, & magis à forma quam à materia sunt præcipui & nobilissimi motus, qui recipiuntur in composito. Immo motus qui sunt secundum naturam propriam huius compositi vel illius, sunt simpliciter à forma, ut patet ex dictis.

Dubitari posset hic an ratio naturæ conueniat

nāt formæ quatenus ipsa est principiū acti-  
uum eorum motuum qui recipiuntur in to-  
to, cuius est forma: an vero quatenus est  
principiū passiuum eorundem. Si enim præ-  
dicti motus recipiuntur in toto, recipiuntur  
saltem partialiter in forma.

Resp. formam dici naturam per hoc præ-  
cise quod sit principium & causa motus qui  
recipitur in toto cuius est forma, præscindē-  
do ab hoc quod sit actiuum vel passiuum, de  
quo nihil hic. Est enim euidēs per hanc præ-  
cise rationem competere illi definitionem  
naturæ.

Quæres tertio. Vtrum vnio sit natura?

Resp. negatiue. Vnio enim nihil est aliud  
quam nexus quo duo extrema coalescunt in  
vnā substantiam: adeoque est quidem ra-  
tio qua hoc & illud extremum est formaliter  
in toto, adeoque qua exercet munus na-  
turæ, ipsa autem non est natura: nisi addas  
particulam distrahentem: *ut quo*.

Quæres quartò. An totum physicum sit  
natura?

Resp. proprie loquendo totum non dici  
naturam sed naturale. Ita Philos. 2. Physic.  
textu 12. *Quod autem ex his*, ait, hoc est ex  
materia & forma, *natura quidem non est, sed  
à natura: ut homo*. Non est tamen alienum  
à locutionibus eiusdem Philos. D. Thomæ  
& aliorum dicere quod etiam totum ipsum  
natura sit, cum frequentissime dicant mate-  
riam & formam, corpus & animam in vnā  
naturam coalescere. Vnde dicitur Verbum  
Diuinum naturam humanam assumpsisse, cū  
nec solam animam, nec solum corpus, sed in-  
super vnionem ipsam assumpserit. Hęc quæ-  
stio non

fluo non potest esse nisi de nomine. Certe ad rationem naturæ requirit Philosophus vt sit in aliquo, vt apparet ex definitione: totum autem non est in aliquo, vt patet. Posset excogitari ad hoc ipsum aliqua responsio: sed iam diutius in re tam leui moramur.

Dices. Philosophus 5. Metaph. cap. 4. sic habet: maxime autem & proprie natura dicitur substantia eorum, quæ in seipsis vt ipsa sunt, motus principium habent: sed substantia est totum vt dictum est alibi, ergo totum maxime & proprie dicitur natura.

Resp. Philosophum ibi nomine substantiæ intelligere formam, quæ ideo substantia appellatur; quia est potior & principalior pars substantiæ, & ad hanc potius quam ad illam substantiam determinans totum. Hoc idem explicuimus satis.

Quæres quintò. An Anima rationalis sit natura? Ratio dubitandi est quia Anima rationalis est intellectiua: dicit autem Philosophus 1. de partibus animalium cap. 1. non pertinere ad scientiam naturalem hoc est ad Physicam de omni anima speculari. Alias, inquit, scientia naturalis omnia speculabitur: intellectus enim siue mens rerum intelligibilium est, adeoque omnium rerum notiones Naturalis vna tenebit. Præterea 2. Phys. textu 12. ait formam illam seu speciem esse naturam quæ non est separabilis, nisi secundum rationem: sed anima rationalis est separabilis plusquam secundum rationem; ergo, &c.

Ad resolutionem: dic Animam rationalem secundum rationem intellectiuæ præcise consideratam non esse naturam; esse autem natu-



naturam secundum rationem taliter intellectuam, sicut & secundum rationem vegetativam & sensitivam. Ratio est quia secundum primam considerationem non est principium & causa motus sensibilis in eo in quo est: secus secundum alias considerationes, ergo secundum has, non autem secundum illam, natura est. Ut taliter intellectiva, est intellectiva dependenter à sensibus & elaborativa phantasmatum & instrumentorum dependenter à quibus intelligit. De ratione autem vegetativæ & sensitivæ non est dubium.

Ex his patet ad ea quæ dicebantur. Non est naturalis Philosophiæ speculari omnem animam, nec ipsam animam rationalem secundum prælam rationem mentis seu intellectus: potest autem naturalis Philosophia speculari illam ut ratiocinantem dependenter à sensibus. Ad illud de forma separata: dic sensum Philosophi esse de formis quæ natura sua separatæ existunt ab omni materia, nec aliter mouent corpora quam fessor equum & auriga currum.

### A R T I C V L V S III.

*Colliguntur aliqua ex dictis.*

**E**X definitione naturæ cuius existentiam supponimus, non demonstramus ne ridiculi simus Philosopho; facile est colligere quod siingas corpus aliquod omnino immobile, fingis eo ipso corpus non naturale.

Dices: in corpore huiusmodi daretur principium quietis, ergo in corpore huiusmodi daretur natura.

Resp.

Resp. distinguendo antecedens : principium quietis negatiuè acceptæ concedo : positiuè vel priuatiuè acceptæ : nego antecedens & consequentiam. Dicitur natura principium intrinsecum positiui motus & positiuè quietis, aut saltem priuatiuæ, hoc est dicentis relationem ad motum qui fuerit, & cuius ipsa sit terminus, iuxta illud : *motus est propter quietem*.

Collige secundo quod aliud est nō posse, aliud non exigere moueri : vnde male argueres : ratio naturæ saluatur in eo quod nō exigit, ergo & in eo quod non potest moueri. Si enim potest moveri eo ipso priuati potest illa quiete & illo termino, ad quem deinde natura sua, si sibi relinquatur, redibit. Ita si fingeres terram ab eo loco moueri quem occupat impellente Archimede, deficiente huiusmodi impulsu, rediret in locum pristinum.

Dices iterum : in corpore omnino immobili saluaretur ratio corporis, ergo potest saluari ratio naturæ. Antecedens probatur quia etiam in omnino immobili saluatur trina dimensio, longitudo videlicet, latitudo & profunditas ; ergo saluatur ratio corporis.

Resp. distinguendo antecedens : ratio corporis naturalis nego : corporis mathematici omitto. Corpus autem mathematicum siue habeas, siue imagineris, es eodem modo Mathematicus.


Instabis : corpus huiusmodi haberet accidentia sensibilia, ergo esset corpus sensibile, ergo naturale. Confirmatur quia corpus incapax quietis potest retinere rationem corporis

poris naturalis; ergo etiam corpus incapax omnis motus. Antecedens probatur quia corpus caeleste etiam ut mobile localiter habet rationem corporis naturalis, ergo &c.

Resp. quod corpus habens accidentia sensibilia eo ipso est mobile secundum illa. Ad confirmationem dic corpus impotens quiescere habere motum positivum, qui motus si sit secundum inclinationem ipsius dicitur naturalis. Huiusmodi est corpus caeleste. At vero corpus incapax motus non habet quietem quæ sit terminus ullius motus: ut patet.

Collige ultimo ad rationem naturæ sufficere quod motus sit secundum inclinationem rei quæ movetur, etiam si sit ab extrinseco; in quo casu præcipuum motus quod habet rationem naturæ est principium passionum cum appetentia. Cælum movetur, ut sentiunt plerique, ab intelligentia assistente: & tamen motus Cæli dicitur naturalis: quia est ipsi bonus & ab ipso exigitus, adeoque secundum naturam illius. Non enim ad rationem boni naturalis sufficit quod sit mihi bonum, sed requiritur ut sit aliquo modo mihi debitum.

Denique quod natura hic definita sit principium motus sensibilis aperte mentem suam explicat Philosophus loco citato. Quod advertendum fuit ad vitandas æquivocationes in tam multiplici acceptione naturæ.



## QVÆSTIO II.

*De Violento.*

## ARTICVLVS I.

*Definitur violentum.*

**N**aturali, inter cætera, opponitur violentum. Sed quia facile est decipi circa id quod opponitur naturali: oportet breuiter aliqua alia recensere. Naturali autem opponitur super naturale, liberum, artificiale; non tamen eodem modo quo violentum. Dicitur supernaturale ex communi Theologorum, quibus hic credimus: id quod est supra vim & exigentiam cuiuslibet substantiæ creatæ: vt habes apud Vasquez in prima parte disp. 224. Huiusmodi est visio beatifica, & alia id genus. Liberum item opponitur naturali non quod non detur in natura vis productiua actus liberi, sed quia naturale aliquando idem sonat ac necessarium. Necessarium autem & liberum opponuntur. Hinc dicitur natura esse determinata ad vnum. Ignis v. g. necessario calefacit. Petrus autem non necessario pugnat, sed indifferenter se habet ad pugnandum & non pugnandum.

Artificiale etiam opponitur naturali; non quod non detur in natura vis effectiua a vestis vel domus, sed ob alias rationes quas breuiter asseremus vbi de arte: Naturali autem maxime opponitur violentum, cuius definitio-

tionem asserre hic & examinare debemus.

Philosophus igitur 3. Ethic. cap. 1. violentum sic definit. *Violentū est cuius principium extrinsecum huiusmodi est, ut ei neq. qui agit, neq. qui patitur quidpiam conferat.* Hæc definitio communiter sic circumfertur. *Violentum est quod est à principio extrinseco nullam vim conferente passo.* Exemplum violenti habes in motu lapidis, quo hic sursum fertur à proijciente: motus enim ille est à mouente extrinseco, nullam vim lapide conferente; immo innata sua grauitate, quantum potest, tali motui renitente.

Est autem sensus communis Philosophorum definitionem hanc ita intelligi oportere, ut non solum nullam vim conferat passum, sed etiam renitatur: adeoque violentum esse id quod est à principio extrinseco renitente passo. Ita definitionem Aristotelicam reddidit Scotus: quem communiter sequuntur scholastici omnes & nos cum omnibus. Hoc ipsum autem multis in locis præsertim in libris de Cælo & Ethicis docet Philosophus. Violentum est, inquit, igni deorsum impelli, violentum lapidi impelli sursum: est enim contra inclinationem & renitētiam vtriusque.

Occasione definitionis adductæ ex Philosopho dubitatur an agere, violentum esse possit ipsi agenti: hoc est an aliquando agēs ita agat ut illi ipsi actioni renitatur qua agit. Dicit enim Philosophus violentum esse id cuius principium ita est extra, ut ei neque qui agit, neque qui patitur quidpiam conferat: hoc est ut ei & qui agit & qui patitur repug-

repugnet & contranitur. Igitur ex mente Philosophi potest aliquid ita agere ut ipsi motui quo agit contranitur.

Negant tamen satis communiter quod ullum agens violenter agat. Ratio est, aiunt quia ipsamet actio est propensio & inclinatio agentis in effectum: repugnat autem in terminis violentam esse propensionem & inclinationem in terminum. Verum Philosophus non solum hic, ut ex ipsius verbis manifestum est, sed etiam alibi, & nominatim libro secundo moralium Eudemiorum cap. 9. possibile affirmat ut aliquod agens violenter agat. Potest, inquit, aliquis renitente Socrate arripere manum ipsius & percutere alterum. In tali casu ipsa percussio non solum percussio, sed percutienti violenta erit; ergo actio potest esse violenta agenti. Hoc modo simia utitur pede felis ad detegendas callaneas latentes sub prunis.

Quod si dicas in prædicto casu Socratem non habere rationem agentis simpliciter sed potius acti; Non contradico; immo in hoc sensu facile intelligitur Philosophus in definitione prædicta. Tunc autem verum erit agens ita agere ut actioni renitatur, sed agens ab alio impulsus, & ad hanc ipsam actionem qua agit, violenter actum.

An autem quædam actiones quæ simul sunt passionibus agentis non sibi complacentis in actionibus huiusmodi, sed potius illas quantum in ipso est reprobantis dici possint violentæ agentis; est questio minus de re, quam de nomine. Puta si quis pungat te, eliceis eo ipso sensationem tibi molestam quam non elicit lapis si eadem acu pungatur. An

huiusmodi sensatio quæ simul est actio & passio tibi sit violenta, si quosdam interroges respondebunt negative, quia, inquit, hæc ipsa sensatio est secundum naturam. Si quosdam alios, respondebunt affirmatiue; quia, inquit, hæc sensatio est contra naturam. Vtrique ita se explicabunt vt non dissentiant. Est enim secundum naturam animalis huiusmodi sensatione<sup>is</sup> elicere applicato pungente: sed est contra naturam ipsius talis applicatio qua determinatur ad sensationem huiusmodi. Est etiam secundum naturam lapidis fursum impulsus, moueri fursum, at contra naturam eiusdem est fursum impelli.

Obijc. primò: omne quod mouetur, confert aliquid motui quo mouetur, ergo nihil mouetur violenter. Consequentia est clara, antecedens probatur: quia omne quod mouetur est subiectum motus; ergo omne quod mouetur confert, seu exhibet, seu dat seipsum motui, pro subiecto.

Resp. negando antecedens. Ad probationem concedo totum, quia nihil facit ad rem. Posset etiam concessio antecedenti probationis negare consequentiam: quia vere non dat seipsum, sed accipitur. Dum autem dicitur nihil conferre, idem dicimus intelligi, ac si diceretur, reniti.

Obijcitur secundo. Aliquis motus violentus est ab intrinseco, ergo non est de ratione violenti esse ab intrinseco. Probatur antecedens. Motus corruptiuus viuientis plerumque oritur à noxia qualitate intrinseca ipsi viuenti, & tamen huiusmodi motus est violentus, ergo potest motus violentus inesse mobili ab intrinseco.

Resp.

Resp. hoc idem apparere in lapide qui mouetur sursum; motus enim huiusmodi inest lapidi ab impetu recepto intrinsece in ipso lapide; ergo est illi ab intrinseco. Aequiuocatio est in hoc vocabulo *ab intrinseco*: quod in obiectione idem sonat ac à qualitate intrinseca; in definitione autem naturalis, idem quod secundum proportionem rei quæ mouetur, cum motu, tamquam cum bono suo. Ad argumentum in forma nega antecedens. Ad probationem tolle æquiuocationem. Ab intrinseco in sensu definitionis: nega; in sensu impertinente: concede.

Dices: mors alia est naturalis alia violenta, ergo alia est ab intrinseco alia ab extrinseco.

Resp. concedendo totum. Sed quid inde? Si mors ab intrinseco est naturalis quomodo probat Aduersarius aliquod violentum esse ab intrinseco? Naturale multipliciter dicitur. Mors dicitur naturalis quæ est secundum præuiam dispositionem viuientis: ut cum quis diu male affectus in febrim vel aliam pestem incidit, ex qua moritur; non quod hoc ipsum non sit illi violentum: natura enim quâ tum potest huic diuisioni animæ à corpore renititur. Dicitur autem violenta mors quæ ab aliquo extrinseco; puta à Sicario vel saxo irruente, properatur morienti. Sed hoc ex modo loquendi: Vni enim non minus quam alteri morti, quantum potest, natura contranitur.



## ARTICVLVS II.

*Satisfit nonnullus quæsitis.*

**V**olentum ut melius intelligas, varias inclinationum species distinguere oportet. In quibusdam subiectis non datur alia inclinatio quam innata, in quibusdam præter innatam datur elicitæ, in quibusdam ipsæ inclinationes elicite sibi inuicem repugnare videntur. In igne, in lapide datur inclinatio tantum innata, in hoc quidem ad motum deorsum, in illo autem ad motum sursum. In homine datur inclinatio & innata & elicitæ. Rursus inter inclinationem innatam & elicitam hominis potest dari repugnantia. Puta inclinatio ad incrementum staturæ in adolescentulo est innata, contra hoc incrementum posset esse aliqua inclinatio elicitæ in desiderante semper esse pusillum.

Præterea etiam per inclinationes elicitas contingit idem appeti & quodammodo odio haberi: ut cum ex metu maioris mali, malum aliquod eligis, quod contingit, ait Philosophus, in iacturis quæ in tempestatibus fieri consueverunt. Nemo enim sponte absolute sua abiicit, sed ob salutem tuam suam, tuam aliorum, omnes, modo mentis compotes sint, facere id videntur. Propterea de multis dubitari potest an sint violenta an secus.

Quæres igitur an sit tibi violentum crescere siue augeri dum inclinatione elicitæ appetis remanere in pusillitate tuæ staturæ?

Rēsp. negative; quia quod est secundum incli-

inclinationem naturæ, non est violentum; sed crescere in homine est secundum inclinationem naturæ; ergo non est violentum.

Dices: crescere in tali casu est contra inclinationem elicitan: sed inclinatio elicita est potior inclinatio hominis; ergo est contra inclinationem potiozem; ergo est violentum.

Resp. concessa maiori: distinguendo minorem: inclinatio elicita est potior quoad quoslibet effectus, & quoslibet denominationes: nego, quoad aliquos, & aliquas, concedo. Quoad denominationes conuenientes homini vt animal est, vt viuens est, inclinatio elicita non est potior: quoad denominationes conuenientes eidẽ vt rationalis est, liber & electius; inclinatio elicita est potior. In hoc quod est crescere per alimentum, Homo non differt à Sambuco.

Quæres secundo an qui laqueo se suspendit aut alio modo se perimit; patiatur aliquid violenti.

Resp. quod qui hoc facit dicitur eleganter sibi violentas manus inferre. Quia de de facto facit violentiam naturæ: ex quo vides actum huiusmodi quamuis sit voluntarius, esse tamen violentum. Est violentus quia est renitente natura: est voluntarius quia est ex electione voluntatis.

Quæres tertio quid dicendum sit de actu, quo quis proijcit merces in tempestate ob salutem tum suam, tum aliorum.

Resp. cum Philosopho actiones huiusmodi recte dici mixtas, magis tamen spontaneas quam violentas, imo simpliciter non violentas, sed voluntarias. Ratio est, ait

Philosophus, quia actiones denominantur ab illa voluntate quam homo habet hic & nunc dum operatur: voluntas autem quam habet homo dum proijcit merces, est voluntas electiua projectionis præ non projectione; ergo illa actio est voluntaria. Vnde si proijcere merces secundum se, esset peccatum sicut v. g. est peccatum mentiri: nec in tali casu talis projectio esset licita. Nō enim vel ut viuas licet peccare.

Ex dictis habes violentum multipliciter dici prout modo cum natura, modo cum voluntate, modo cum vtraque opponitur: & consequenter eundem motum eidem subiecto esse aliquando ex duplici capite violentum. Mors perimenti seipsum, violenta est ex repugnantia naturæ; non est violenta ex repugnantia voluntatis. Eidem, si ab alio & renitens perimatur, violenta mors erit, & ex repugnantia naturæ, & ex repugnantia voluntatis. Primam posses dicere violentiam physicam; secundam, tam physicam quam moralem. De alijs generibus violenti secundum quod voluntario opponitur: sicut & de comparatione voluntarij cum innoluntario, ad Ethicos magis quam ad nos agere pertinebit.



## QVAESTIO III.

## De Arte.

## ARTICVLVS I.

*Quid sit ars.*

**I**Mitatricem naturæ artem vetus adagium  
vbique deprædicat: idque ob rationes  
innumeras. Ars enim naturam imitatur,  
tum quia naturæ operibus utitur seu proto-  
typis, ad quorum similitudinem sua opera  
exequatur: v. g. Pictor picturus cucurbitā,  
naturalem cucurbitam sibi ab oculos po-  
nit, quam imitetur in tela; tum etiam quia  
ex ijs quæ natura sunt, occasionem habuit  
ars multa artificialia faciendi: immo artes  
plurimæ ex consideratione eorum quæ natu-  
ra sunt ortum habuere. Ita ex cauernis &  
speluncis ferarum; ex nidis auium; nata est  
in hominibus ars ædificandi, & ex auium  
volatu didicerunt Argonautæ pandere vela,  
ex piscium pinnis mouere & disponere re-  
mos; & ex corundum cauda gubernacula  
nauibus adaptare. Denique quemadmodum  
natura ita etiam ars, ab imperfectioribus ad  
perfectiora progreditur; vt consideranti  
patebit.

Dupliciter autem considerari potest ars.  
Primo ex parte Artificis, & hanc definiui-  
mus in Logica cum Philosopho rectam ra-  
tionem factibilem. Siue habitum rectæ cum  
ratione effectiuum. Diuisimus etiam ibi ar-

tem in actiuam & factiuam, de quibus iterum hic agere, non decet nos grauioribus curis intentos.

Secundo considerari potest ex parte ipsius operis, seu artefacti: & consistit in modificatione illa secundum quam dicitur opus esse conforme regulis seu preceptis artis. Patet hoc in quolibet artefacto: puta in calceo in domo in syllogismo. Calceus habet modum essendi conformem preceptis Sutoria, domus preceptis Architectura, Syllogismus preceptis Logica: unde non solum in ijs qui huiusmodi opera efficiunt, sed etiã in operibus ipsis solemus dicere artem inesse.

Porro naturam & artem certum est assimilari in multis, & in multis differre. Assimilantur in hoc quod quemadmodum natura, ita & ars aliquid præsupponat circa quod operetur, & ex quo opus à se intentum efficiat. Immo dictum est alibi, modum operandi naturæ nusquam melius explicari, quã per analogiam ad modum operandi artis. Præterea quemadmodum subiectum naturæ ita & artis est ad plura opera indifferens, puta cera indifferens est ut ex ipsa ceruini vel leonem effingas. Item quemadmodum natura, ita & ars opus suum paulatim molitur & elaborat donec ad vltimam perfectionem perducatur. Denique quemadmodum ex redudatâ vel inopiâ, vel indipositione aliqua materiæ, aut ex aliquo alio impedimento monstruosa sunt opera naturæ, ita & opera artis, &c.

Differunt autem ars & natura primo in hoc quod natura est ipsamet substantia, vel  
pars

parts substantiæ eius quod naturaliter mouetur; ars autem non est substantia eius, quod artificialiter. Hinc quæ mouentur ex arte moueri dicuntur ab extrinseco. Præterea omnia constitutiua operis naturalis sunt à natura: operis vero artificialis non omnia sunt ab arte, sed hoc quidem ab arte, illud vero à natura: in domo lapis à natura, dispositio lapidis ab arte. Denique artificiale non habet vim aliud sibi simile faciendi, secus naturale. Si enim ut ait Philosophus, lectum humi defodias, non germinabit aliud Lectum; sed ut lignum putrescet, & germinabit fungum.

Contingit autem naturam & artem in eodem reperiri. Exemplum habes in saltatore, qui præter naturalem potentiam mouendi se secundum locum, habet præterea artem motus huiusmodi ita disponendi ut hoc vel illud repræsentent; vel hunc; vel illum numerum habeant.

Constat ex hoc quod quamuis non sit de conceptu artis, esse intra id quod per artem mouetur, non est tamen contra conceptum eiusdem. Præter exemplum saltatoris habes exemplum Medici seipsum curantis. Idem diceres de infinitis ijsq. præstantissimis artibus, quæ in eodem subiecto sunt in quo sunt opera earundem. Inter cæteras sit ars artium & ianua scientiarum Logica, cuius laudes alij recensebunt.

Præterea accipiendo artem minus proprie secundum quod est in opere, videlicet pro modificatione illa qua conformatur opus præceptis & regulis artis, coniungitur motus aliquos origina mobili partim à natura

partim ab arte. Exemplum habes in horologiis quorum motus partim materiæ ex qua constant puta æri, ferro vel auro tribuitur; partim etiam dispositioni & figuræ partium componentium. Figura autem & dispositio est ab arte, materia autem à natura. Hæc dispositio in alia materia non sufficeret ad huiusmodi motus. Propterea recte diximus alibi diuersorum artefactorum diuersam esse materiam.

## ARTICVLVS II.

*An opera nature fiant per artem.*

**T**Enendum est quod supra diximus artē esse virtutem intellectus ex cuius dictamine operamur. Loquimur autem hic de arte factiua quæ circa externam materiam occupatur; qualis est Frænifactoria, Chimica; aliæque huiusmodi. In his artibus potentia executiua est potentia loco motiua, hoc est approximatiua agentis ad passum. Puta Faber applicando malleum ferro tundit, & extendit ferrum; Chimica applicando ignem huic vel illi corpori illud resoluit in hæc vel illa componentia.

Dicendum est. Ars mediate potest efficere multa opera nature. Conclusio est euidens. Potes enim ex dictamine artis disponere causas naturaliter productiuas horum & illorum effectum. Hoc autem est artem mediate efficere opera nature. Innio artes ad vitam humanam maxime necessariæ, nihil aliud agunt quam applicare actiua passiuis, & res naturales ita componere vt nascentur esse-

effectus intenti. Semen tritici, & aliæ fruges huiusmodi, satæ & cultæ iuxta dictamē Agriculturæ, suis temporibus erumpunt in fructus. Per artem medicam applicantur ægroto ea quæ naturalem vim habent hos & illos effectus producendi, puta emolliendi dilatandi, expellendi hos & illos humores.

Præterea aiunt animalia quædam etiam per artem nasci. Ita ex folio basilici intra duos lateres incluso nasci aiunt Scorpionem & ex cadauere Bouis soli exposito, si Virgilio credamus, apes. In quibus vides vim actiuam atque passiuam esse in natura, applicationem autem vnius ad alterum esse ex arte. Hinc habes quod ad effectus huiusmodi per artem obtinendos duo requiruntur. Primum est cognitio virtutis naturalis, secundum potentia applicatiua eiusdem. Secundum est facile, primum difficile nobis. Dæmones autem quibus natura maxime innotescit mirabilia mirabili celeritate efficiunt applicando actiua passiuis.

Habes præterea quomodo intelligendum sit quod ait Philosoph. cap. primò libri secundi Physic. videlicet artificialia quatenus talia sunt, non habere in se principium vilius motus; puta statua secundum id quod habet de arte, non habet in se principium eundi sursum, aut deorsum, sed prout lignea aut lapidea est. Quod Philosophi dictum repugnare videtur ijs quæ diximus, videlicet in quibusdam motum esse partim à natura, partim ab arte, quod exemplificauimus in horologijs, & exemplificari posset in statujs Veneris & Dianæ quarum excellentiâ laudat idem Philosophus in Politicis, ex eo quod



ipsæ se mouerent aut saltem arte intrinsecus latente mouerentur. Huiusmodi etiam opera fecisse dicitur Albertus Magnus.

Dicendum tamen est, & Philosophum sibi & nos nobis constare. Quæ enim sic mouentur non mouentur ab arte, nisi mediate. Nam ex dictamine artis hoc & illud principium naturale motus ita disponitur, ut oriantur huiusmodi motus. Puta motus deorsum in pondere horologii, vel aliquid æquiualens, totam rotarum machinam mouet; & mercurius seu argentum fusile infusum à Dædalo in Statuas prædictas, easdem hoc & illo modo mouebat.

Verum autem aurum per artem efficere infiniti hæcenus Chimici conati sunt; unus aut alter, vel per fabulam, vel per historiam id assequutus esse perhibetur. Credat qui potest. Inter cætera quæ ad probandum aliquando factum esse aurum contactu lapidis philosophici est clauus quidam in Musæo Magni Ducis Etruriæ, cuius altera mediætas ferrea est, & altera aurea. Perhibent autem olim, totum ferreum fuisse; sed alteram mediætatem ipsius contactu lapidis philosophici, euasile in aurum, alteram autem de industria mansisse intactam, ut in vno clauo remaneret perpetuum argumentum quo configi possent, qui lapidem philosophicum negant. Confirmant hoc ratione quam philosophicam putant: ferrum aiunt & aurum, non sunt inter se ita vnibilia ut non minus tenaciter sibi mutuo adhærescant quàm si essent partes vnius eiusdemque substantiæ. Posset hæc ratio ratione à priori firmari ab ijs qui per perfectionem philosophantur; est enim talis excessus perfectionis in auro supra ferrum ut

merito

merito dedignetur tanta tenacitate ipsi adhæ-  
rere. Hæc dicta sint obiter .

Resp. tamen hunc clauum non esse vllum  
argumentum lapidis philosophici . Ratio  
philosophica quæ adducitur probat id quod  
non intendit , & destruit id quod intendit  
probare. Si verum est, aurum cum ferro non  
posse coniungi , statim ac vna pars euasit au-  
rum, deberet ab altera separari. Sicut si vna  
pars huius ligni mutaretur in aquam sepa-  
raretur ab alia. Præterea falsum est aurum non  
intime vniri ferro . Patet enim ferrum ita  
inaurari vt non prius consumatur aurum  
quam ferrum .

Afferuntur præterea quædam experimenta  
quibus constat facta fuisse per artem Chimi-  
cam metalla inferioris ordinis. Non minus  
autem continentur in natura causæ factiue  
auri quam aliorum metallorum, igitur tam  
poterit fieri aurum . Probatur consequentia  
quia applicatio agentium non est difficilior  
pro auro, quam pro argento.

Resp. omittendo circa alia metalla. Quis  
enim velit litigare in re de facto quam tam  
multi testantur & concedendo in inorem, ne-  
gando consequentiam. Non ideo non fit au-  
rum per artem quia causæ factiue auri defi-  
ciant in natura, sed quia vel latent nos , vel  
earum acquisitio est adeo difficilis, vt credi-  
bile sit à nemine hætenus fuisse habitas , &  
debite applicatas .

Hinc censemus esse moraliter impossibile  
fieri aurum per artem. Probamus à postero-  
ri : quia hætenus auri effectio tentata est ab  
innumeris Chemicis : semper autem frustra :  
quod

quod autem ita est, est moraliter impossibile: unde eorum Principum sapientiam commendare oportet, qui subditos suos ab artibus huiusmodi serio auocant, prudenter ratam veram artem ditandi vrbes & prouincias esse laborem, & industriam ciuium.


Non est hic omittendum esse artem quandam extrahendi ab auro animam ut aiunt auri; quæ deinde refusa in massam vilioris metalli, tantumdem auri efficit, vel etiã aliquid minus, quantum erat illud à quo extracta est. Sed in hac nihil est lucri, multum laboris & vigiliæ.

Ex ijs omnibus quæ dicta sunt hac disputatione apparet motum non diuidi adæquate in naturalem & violentum. Motus enim supernaturales nec naturales sunt, nec violenti. Præterea artificiales & violenti non ita opponuntur ut nequeant in vnum eundemque coalescere. Patet hoc in ramorum & arborum inflexionibus, quæ ab Olitoribus fiunt, dum ramos sponte sua sursum tendentes ita circumflectunt, ut cogant ex Plantis fieri feras, dum concunant eos in Canes, Pauones, &c.

Denique aliquando forma ita est naturalis subiecto ut ipsius opposita sit violenta: aliquando ita ut opposita sit æque naturalis; aliquando ita ut vtrique naturaliter carere possit subiectum; & quidem æque bene se habent. Exemplū primæ habes in frigore respectu aquæ. Frigus enim ita est naturale aquæ, ut eadem sit violentus calor: Exemplum secundæ sit in pariete, ligno, aut quolibet alio huiusmodi, quod æque bene se habet cum albedine ac cum nigredine, & è conuerso.

Exem-

Exemplum tertiæ, sit in aere, æque bene se habente cum quolibet sono, ac cum carentia omnis soni. Atque hæc de natura & arte sufficiant.



## DISPUTATIO IV.

*De Causis extrinsecis.*

### QVÆSTIO I.

*De Causa efficiente.*

#### ARTICVLVS I.

*Quid sit causa efficiens, quid eius causalitas?*

**P**HILOSOPHVS 2. Physic. cap. 29. causam efficientem definit: id unde principium mutationis primum aut quietis. Quam definitionem paucis sic referunt: primum unde motus aut quies: quia videlicet ab ipsa incipit moueri quod mouetur, & ipsa cessante, quod mouebatur, quiescit. Hæc definitio passim à Peripateticis admittitur, estque admittenda à nobis: quamuis aliquæ contra ipsam difficultates prius enucleandæ sint.

Prima difficultas est propter ly *Primum.*

Hæc

Hæc enim particula videtur excludere à ratione efficientis omnem causam creatam. Nulla enim causa creata est principium mutationis primum, cum hoc soli Deo convenire videatur, qui propterea dicitur simpliciter, & absolute primum mouens.

Præterea per eandem particulam videtur excludi causa instrumentalis, quæ tamen est proprie efficiens. Malleus enim, & ferra, & alia huiusmodi non sunt primum unde mutatio in ligno, aut ferro, quod secatur, aut tueditur; hæc enim instrumenta non movent, nisi præmota à causa principali, putà ab artifice.

Denique principium mutationis primum videtur esse causa finalis: nam ipsa causa efficiens ad operandum mouetur à fine; prius igitur moveri debet agens, quam moueat, & consequenter non est dicendum primum mouens, seu principium mutationis primum. Hæc quod hanc particulam *Primum*.

Secunda difficultas est in illa particula: *Mutationis*. Videtur enim per hanc particulam excludi à ratione causæ efficientis causa creativa: quæ tamen propriissimè efficit. Nam causa creativa sua actione nihil immutat: non subiectum, quia creatio proprie dicta est productio rei absque præiacente materia. Huius exemplum habes in actione productiva Angeli. Non terminum: quia terminus ipse non presupponitur, qui immutetur, ut patet ex terminis.

His non obstantibus bona est definitio Aristotelica. Prima difficultas fundatur in equivocatione, quæ per partes dissolvenda est. Motus ille, seu mutatio per ordinem ad quæ

definitur causa efficiens, est mutatio in subiecto, ex quo aliquid efficitur. Quamvis autem causa creata prius moueatur à Deo, quam moueat; non tamen Deus prius mouet subiectum, ex quo fit ignis, quam causa creata. Ignis *A* indiuisibiliter cum Deo mouet, seu innutat paleam, ex qua fit ignis *B*, & ex hoc patet ad primam partem primæ difficultatis.

Ad secundam. Causa instrumentalis, vt malleus, mouetur ab artifice prius quam tundat ferrum: non tamen artifex prius quàm malleus tundit ferrum, sed vel solus malleus vel indiuisibiliter Faber, & malleus.

Ad vltimam. Causa finalis non mouet subiectum, ex quo aliquid fit, sed agens quod aliquid facit ex subiecto; putà ornamentum domus, vel templi, qui est finis facientis Statuam, non mouet marmor, ex quo fit statua, sed hominem, qui ex marmore statuam facit.

Ad secundam difficultatem. Dic amplian-  
dam esse acceptionem mutationis ad mutationem pure logicam, qua videlicet à non esse res transit ad esse. Certum est ad actionem creatiuam nō respexisse Philosophum, cui pro oraculo tuit *Ex nihilo nihil fit*.

Vt autem quæ nam sit eius causalitas, hoc est per quid formaliter causet, statuamus: sciendum est esse aliquos effectus secundum se indifferentes, vt pendeant ab hac, vel illa causa: quamvis de ratione cuiuslibet effectus sit ab aliqua causa pendere. Effectus huiusmodi sunt formæ, vel res absolutæ. Calor v.g. qui pendet ab igne *A* est indifferens pendere à Deo solo, vel à Deo simul, & igne *A*, vel

*A*, vel etiam à Deo simul & igne *B*. Idem dic de qualibet alia re, quæ pendet à causa secunda, putà de igne *B* pendente ab igne *A*. His positis.

Dicendum est. Effectus huiusmodi pendet à causa per actionem superadditam sibi, & causæ. Hæc actio dicitur causalitas in actu secundo, seu causatio. Probatur autem conclusio vnico argumento. Ignem *B* pendere ab igne *A* est denominatio importans aliquid realiter præter ignem *A*, & ignem *B*; ergo quod ignis *B* pendeat ab igne *A*, non habetur per complexum ex igne *A*, & igne *B*. Probatur antecedens simul, & consequentia; quia per hoc præcisè quod sibi coexistant ignis *A*, & ignis *B* habes in natura complexum ex igne *A*, & igne *B*: non habes quod ignis *B* realiter pendeat ab igne *A*; ergo in hoc complexo non includitur realiter pendencia ignis *B* ab igne *A*. Minor probatur, quia si ignis *B* pendeat à Deo solo, vel ab aliquo alio igne, quam igne *A*, habes prædictum complexum, nec tamen habes *B* pendere ab *A*.

Ex his autem, & ex doctrina communi de modis, habes quod si effectus producat à Deo solo, producit per actionem diuersam essentialiter ab ea, qua produceretur, si à Deo simul, & à causa secunda produceretur. Hæc enim est Dei, & creaturæ, illa est solius Dei. Cum igitur quilibet modus sit essentialiter rei, cuius est modus, alia est essentialiter actio Dei, alia Dei, & creaturæ.

Obijecitur primò. Actio per quam ignis *B* pendeat ab igne *A* non indiget vllò superaddito, vt formaliter pendeat ab igne *A*, er-

go nec ignis *B* vt pendeat ab igne *A* indiget, &c.

Resp. concessio antecedenti: negando consequentiam. Actio ignis *A* essentialiter pertinet ad ignem *A*: adeoq. per hoc quod sit, est actio ignis *A*, sicut dictum est de alijs modis: quæ propterea dicuntur vltima determinatiua: harum, & illarum denominationum. Ignis autem *B* non est essentialiter ab igne *A* cum sit aliquid absolutum, & nō inodale, vt est indubitatum.

Obijcitur secundo. Sequeretur actionem, quæ est Dei, & creaturæ non posse esse Dei solius; consequens est absurdum; ergo & antecedens. Minor probatur, quia hæc ipsa actio est aliqua creatura: implicat autem vllam creaturam non posse esse à solo Deo, ergo implicat illam actionem, &c.

Resp. concessio maiori, negando minorem. Ad probationem omissa maiori distingue minorem: creaturam absolutam: omitte, inodalem; nega. Actio Dei solius, & creaturæ simul, & Dei, non est creatura, sed chimera. Implicat enim in terminis quod ipsum agere Dei, & creaturæ, sit agere Dei solius, hoc est, sit agere Dei, & non creaturæ. Nota tamen hanc ipsam actionem contineri totam in diuina omnipotentia, quatenus egreditur etiã à creatura, quãdoquidem & ipsa creatura à qua egreditur est effectus diuinæ omnipotentia:.

Obijcitur tertio. Saltem vt pendeat à solo Deo non requiritur actio superaddita; ergo non omnis effectus indifferens pendere ab hac, vel illa causa, vt pendeat ab hac potius quam ab illa, indiget actione superaddita.



ditā. Antecedens probatur: quia omnis effectus per seipsum essentialiter pendet à Deo: ergo ad hoc, ut pendeat à Deo, non indiget actione superaddita: sufficiet autem ut non pendeat ab vlla causa creata.

Hoc argumentum quamuis nihil habeat difficultatis visum est aliquibus difficile, & quiuocantibus in hoc, quod audiunt. Omnis creatura est per suam essentiam relatio transcendentalis ad Deum, seu dependentia sui à Deo. In forma nega antecedens. Ad probationem distingue; omnis creatura per seipsam pendet à Deo aliquo genere dependentiæ: conc. eo genere dependentiæ, de quo hic agitur. nega. Impotentia existendi quin à Deo pendeat, identificatur cum qualibet re creata. Hanc vocamus dependentiam essentialē à Deo, & hoc genere dependentiæ omnis creatura per seipsam pēdet à Deo. Hæc tamen ipsa impotentia, seu hæc ipsa res, quæ est sibi impotentia existendi independenter à Deo, aliquando est actu, aliquando non est, & per aliud genus dependentiæ transferatur à non esse ad esse; quia autem est indifferens, ut à non esse transeat ad esse, vel Deo solo, vel Deo simul cum creatura operante: hæc indifferentia tollitur, vel per actionem solius Dei, vel per actionem Dei, & cause secundæ, adeoq; ponitur à parte rei, vel per dependentiam à Deo solo, vel per dependentiam à Deo simul, & causa secunda. Vbi nota, quod siue ponatur à Deo solo, siue à Deo simul, & causa secunda, semper ponitur essentialis indigentia solius Dei: ita enim ponitur à causa secunda, ut non essentialiter petat pendere ab ipsa; posset enim esse à Deo solo

solo; cum non possit esse à causa secunda sola. Vnde habes, quòd essentialis dependentia à Deo solo in aliquo genere, est indifferens vt sit actu in rerum natura, vel à Deo solo, vel à Deo simul & creatura, per aliud genus dependentiæ.

Denique nota nos de ijs effectibus philosophari, qui sunt indifferentes, vt ab hac, vel illa causa procedant; de alijs enim nullam hic facimus mentionem.

## QVAESTIO II.

### *De subiecto actionis.*

#### ARTICVLVS I.

*An actio, & passio sint idem, & in quo subiecto sint?*

**P**hilosophus 3. Phys. textu 22. actionem definit: *Actum huius ab hoc*: passionem uero: *Actum huius in hoc*. Et ibidem dicit, quod actus huius in hoc, & actus huius ab hoc, non differunt, nisi ratione, sicut via Thebis Athenas, & Athenis Thebas. Sunt autem hæc ratione diuersa: quia idem motus sub conceptu actionis dicitur per respectum ad agens, à quo est; sub conceptu autem passionis, dicitur per respectum ad passum in quo, vel circa quod est.

Dicendum est igitur cum Philosopho actionem, & passionem esse realiter idem. Probatur conclusio: quia per hoc præcisè quod ego sum videns, obiectum est visum: ergo non requiritur alia forma, per quam  
ego

ego sim videns, alia per quam obiectum sit visum. Hinc diximus alibi denominationem visi esse extrinsecum obiecto viso. Eodem planè ratiocinio sic argue: posita præcisè forma, seu ratione, qua ignis calefacit lignum; habes rationem qua lignum calefit ab igne; ergo per idem & ignis est in actu secundo calefacientis, & lignum in actu secundo calefacti. Hoc est adeò clarum, vt nō indigeat vltiori explicatione. Si enim cōsideres ignem *A* indifferentem vt calefaciat, vel non calefaciat hoc lignum, & intelligere possis determinatiuum, qua calefaciat potius quam non calefaciat, quin eo ipso intelligas determinatiuum quo lignū calefiat potius, quam non calefiat, duplica rationes determinantes: si autem non potes, vt re ipsa non potes, contentus sis vnica.

Diets: in diuinis ponitur generatio actiua, per quam Pater generat filium, & generatio passiuæ per quam filius generatur à Patre. Idem dic de Spiratione actiua in Patre, & filio; & spiratione passiuæ in Spiritu Sancto; ergo etiam in creatis debet admitti productio actiua in agente, & productio passiuæ in passio; hæc erit passio, illa actio.

Resp. antecedens negari ab aliquibus, sic philosophantibus. In creatis ad rationem producentis, & producti, sufficit vnicum determinatiuum: ergo etiam in diuinis. Alii dicunt: duplex determinatiuum reperitur in diuinis; ergo etiam in creatis. Vtri melius philosophantur? Apostolus primis fauet: vbi docet à creatis ad diuina ascendere. Inuisibilia enim eius per ea, quæ facta sunt intellecta conspiciuntur.

Resp.

Resp. secundo concessio antecedenti: negando consequentiam. Disparitas est, quia in diuinis generans est essentialiter, & constitutiuè generans; generatus autem est essentialiter, & constitutiuè generatus. Hoc est: Pater est essentialiter huius Filij Pater, & Filius essentialiter huius Patris Filius. Hinc & Patri est intrinseca ratio constitutiuà Patris; Filio autem intrinseca ratio constitutiuà Filij. Hoc autem in creatis non valet, in quibus nec ignis *A* est essentialiter causa ignis *B*; nec ignis *B* essentialiter effectus ignis *A*.

Posita igitur hac actionis, & passionis identitate, quæritur illius subiectum. Sermo est autem de actione, quam transeuntem appellant: nam actio, ut aiunt, immanens dici nequit, quod non recipiatur in agente, quamuis nec negari quod recipiatur in passio; quandoquidem operans immanenter est indiuisibiliter principium, & subiectum sue actionis. Veritatem igitur positionis nostræ considera ubi ignis calefacit paleam. Dico actionem qua ignis agit in paleam recipi non in igne, sed in palea.

Probatur hæc veritas primò ex hac ipsa diuisione actionis in immanentem, & transeuntem. Quo enim potiori iure dicetur hæc transiens, illa verò immanens, quam quia vna remanet in principio à quo est, altera verò à principio transit in subiectum distinctum. Hoc argumentum est pura explicatio nominis, quam non est dubium facile posse eludi.

Probatur secundò, ex definitione Philosophi. Actio enim dicitur *Actus huius ab hoc*:  
pas-

passio autem: *Actus huius in hoc*: sed actio, & passio sunt idem, ergo motus ille, qui est actio, & passio, est quidem ab agente, sed est in passio; neque enim est in utroque. Esse ab agente conuenit etiam rationi, quæ non est in agente, ut patet ex terminis; repugnat autem ut conueniat esse in passio rationi, quæ non est in passio. Confirmatur ex conceptu præciso agentis, qui perfectissimè saluatur in Deo: quamuis in Deo non recipiatur actio: unde dicitur in se immotus, & omnino immobilis mouere omnia. Quamuis igitur ratio agentis dicat actionem, non tamen dicit actionem intrinsecam agenti. Hæc est sententia expressa S. Thom. 1. par. quæst. 18. art. 3. ubi sic habet: *Sicut dicitur in 9. Metaph. duplex est actio: una quæ transit in exteriorem materiam, ut calefacere, & secare; alia quæ mouet agentem, ut intelligere, sentire, & velle: quarum hæc est differentia: quia prima actio non est perfectio agentis, quod mouet, sed ipsius moti: secunda autem actio est perfectio agentis.*

Denique probatur conclusio, quia in eo subiecto recipitur actio, quod per actionem intrinsece immutatur: sed per actionem immutatur intrinsece passum, non agens; ergo actio recipitur in passio, non verò in agente. Maior est euidens: implicat enim quidquam recipi de nouo intrinsece in aliquo, & illud non immutari; quamuis hoc ipsum inepte limitent nonnulli addentes: si sit aliquid mutabile: sed hæc limitatio nihil facit hic, cum sermo sit de causis creatis. Minor autem probatur, quia de conceptu ignis calefacientis manum sibi approximatum non est immu-

immutare seipsum, sed manum in qua agit: adeoque cum necessario debeat immutari passum; & per immutationem passi ab hoc agente, habeatur formaliter quidquid requiritur, ut hic effectus sit ab hac causa, male recurritur ad aliud, ut patebit solutione obiectionum.

## ARTICULVS II.

### *Satisfit obiectionibus.*

**O**bjicitur primo: passio recipitur in passivo, ergo actio in agente. Probatnr consequentia: quia sicut se habet passio ad passum; ita actio ad agens, sed &c. ergo &c.

Resp. concesso ant. negando conseq. Ad probationem nego mai. Est de conceptu passivi non pure grammaticaliter aut logice, sed physice, physice immutari: non est autem de ratione agentis physice, physice immutari, sed aliud immutare, ut dictum est ex D. Thoma.

Objicitur secundo. Vnumquodque agens agit ut magis perficiat seipsum: sed non perficit seipsum nisi recipiat suam actionem; ergo vnumquodque agens recipit in se suam actionem. Sermo est de agente creato. Probatur autem maior: quia agens agit, non pure ex abundantia, sed partim ex abundantia & partim ex indigentia; conatur enim agendo assimilare se magis & magis Deo; si autem nihil recipit per hoc formaliter quod agit, agendo non magis assimilatur Deo; ergo per hoc quod agit, aliquid recipit.

Resp. negando maiorem. Agens agendo

non perficit seipsum sed aliud. Et ipsum agere non ponit, sed supponit perfectionem in agente; unde sapienter Philosophus: vnūquodque agit in quantum est actu; hoc est in quantum perfectum est. Ad probationē nega mai. vnica ratio agendi est abundantia, vt patet ex eodē dicto. Ignis calefacit in quantum actu calidus. Aduersarius admittit hic æquiocationem minime contemnendam. Actio ipsa proprie loquendo non perficit neque agens neque passum (loquor de actione transeunte) sed terminus per actionem productus. Puta actio qua producit calor in mea manu, non est ipsa formaliter & vt quod, perfectio meæ manus, sed calor ipse. Et vniuersaliter loquendo motus huiusmodi non conuenit rei, seu, potius non recipiuntur in re, vt perfecta, sed vt perfectibili.

Dices: nullum agens creatum non indiget vltiori perfectione: ergo nullum agens creatum agit ex abundantia. Probatur consequentia: quia agere ex pura abundantia, est proprium illius agentis quod nulla re indiget: vnde dicitur quod solus Deus est pure liberalis, eo quod dando, solum det, nihil autem recipiat. Homines autem dum dant plus recipiunt quam dent: puta dum das nummum pauperi, plus accipis quam des: quia recipis inte, ipsum inet actum donandi, qui est actus virtutis pretiosior omni nummo & omni lapide pretioso.

Resp. concessio antecedenti: neg. conseq. Ad hoc vt ignis abundet in genere calidi, non est necesse vt abundet in omni genere. Ad probationem nega antecedens. Aduersarius miscet immiscibilia, dum ostendit hominem perfici

perfici per actum liberalitatis & eleemosinæ, & ex hoc infert ignem etiam perfici per actum calefactionis. Homo perficitur quia per actum immanentem & virtutis moralis determinat se ad donationem nummi. Non autem ita se habet ignis qui necessario calefacit passum sibi proximum, nullum in se virtutis actum eliciens. Pro operantibus ex dictamine virtutis dictum est: nobilius est magis dare quā accipere, si hoc dictum ita intelligas ut per donationem ipsam perficiendus sit donans. In agente necessario, & non morali, tota perfectio est pro priori ad ipsammet actionem.

Obicitur quartò. Si actio reciperetur in passio, passum denominaretur agens: consequens est falsum, ergo & antecedens. Sequela probatur: quia actio est forma denominans agens.

Resp. negando sequelam maioris. Ad probationem distingue: denominat agens subiectum in quo est: nego, principium à quo est. concedo. Hæc omnia patent ex definitione Aristotelica.

Dices: visio denominat videntem subiectum in quo est; hoc est oculum; ergo actio denominat agens subiectum in quo est. Item visio perficit oculum in quo est; ergo actio perficit agens: idem dic de omnibus alijs actionibus vitalibus.

Resp. concessio antecedenti: neg. consequ. Actiones huiusmodi perficiunt potentias à quibus sunt, non formaliter quatenus sunt ab ipsis, sed quatenus sunt in ipsis. Est autē manifestum non valere hunc modū arguendi: actio quæ est in potentia, à qua est, perficit potentiam à qua est; ergo etiā actio quæ



non est in potentia à qua est. Ex quibus habes quod quamuis non sit de ratione vniuersalissima actionis, non recipi in agente; est tamen de ratione ipsius recipi in passio.

### ARTICVLVS III.

#### *Dubitationes aliquæ resolvuntur.*

**D**ubitatur primo an quando plures causæ simul producant eundem effectum, puta plures ignes eundem numero calorem, singulæ agant per singulas actiones, an potius vna sit omnium actio?

Resp. esse vnā omnium actionem, sicut vna est causa totalis effectus igitur in tali hypothese pendet ab omnibus simul, vt ab vna causa totali, per vnicam actionem, quæ est omnium. Hoc vt recte intelligas: accipe aliquem effectum indiuisibilem; adeoque cuius nequeat vna pars vni, altera alteri causæ attribui. Puta cape primum vel secundum gradum caloris, qui à duobus ignibus producit in tua manu. In illo gradu, secundum opinionem satis probabilem, non est pars & pars, ita vt hæc quidem igni *A*, illa autem igni *B* tribui queat. Pendet igitur indiuisibiliter totus quantus est, ab vtroque vnicā actione indiuisibiliter procedente ab vtroque. Hinc dicitur effectus huiusmodi pendere totaliter à qualibet, totalitate effectus; non autem totaliter totalitate causæ: pendet totaliter totalitate effectus. quia in effectū eo ipso quod aliquid est quod pendeat ab *A*, nihil est quod non pendeat ab *A*, quandoquid in non est in effectū aliquid, & aliquid. Non pendet

pendet totaliter ab vlla, totalitate causæ: quia præter quamlibet, est alia à qua pendeat.

- Pendere per vnicam actionem non aiunt qui actionem collocant in agente; nequit enim eadem esse in pluribus. Nos autem qui subiectamus illam in passo, vnica contenti sumus iuxta illud: *nequid nimis*. Cum enim sufficienter per vnicam habeas effectum pendentem à pluribus; non est animi moderati plures appetere.

Dubitatur secundò. An quando Deus & creatura concurrunt ad eundem effectum, vna sit vtriusque actio; an contra alia sit Dei, alia creaturæ.

Resp. esse vnum eandemque vtriusque actionem. Est peculiaris ratio pro hac responsione; quia videlicet ipsa actio causæ secundæ non est in rerum natura nisi dependenter à causa prima: cum igitur & à Deo sit, & à creatura, & per illam ponatur effectus; recte dicitur per actionem quæ sit indiuisibiliter Dei & causæ secundæ, poni hic & ille effectus. Notanter dixi: quando Deus & causa secunda concurrunt ad eundem effectum: quia non est hic locus disputandi an omnis effectus & actio causæ secundæ sit indiuisibiliter effectus & actio causæ primæ.

Dubitatur tertio, an actio sit essentialiter alligata conditionibus.

Vt dubitationem hanc resoluas; scire oportet ignem non calefacere lignum nisi sibi proximum, & in aliqua differentia temporis existens. Dubitatur autem vtrum actio qua ignis calefacit lignum hic existens ita sit alligata huic conditioni, vt implicet esse ean-

dem alibi, si ignis & lignum alibi ponerentur. Dicendum est actionem non habere alligationem huiusmodi. Ratio est quia per hoc præcise quod ignis & lignum habeant hanc proximitatem, & ignis agat in lignum; habes lignis hic calefieri ab igne. Hoc in suo conceptu non dicit actionem essentialiter affixam huic loco, ergo sine huiusmodi affixione habes quod ignis calefaciat hic hoc lignum. Immo si positiue intelligas actionem indifferentem ad esse hic vel alibi, determinatam autem ad esse hic, per hanc proximitatem agentis & passi habes quidquid requiritur ad denominationem prædictam. Sicut concipiens Petrum indifferentem ad esse hic vel alibi determinatum per hanc potius quam illam vocationem, habes formaliter Petrum existentem hic potius quam alibi.

### QVAESTIO III.

#### *De Causa Finali.*

#### ARTICVLVS I.

*Quid sit finis. Quæ eius causalitas in actu primo?*

**F**inis secundum acceptionem notam sippis & consoribus idem est ac extremum cuiuslibet rei: ita vltimum vitæ nostre momentum dicitur finis nostre vitæ. De fine hoc modo accepto nihil hic litigamus optantes illum nobis primum, & postea Aduersarijs faustum atque felicem. De fine  
hic

hic agimus secundum illam acceptionem, secundum quam est apud Philosophum ubi dicitur. Id cuius gratia cætera fiunt.

Diuiditur autem primo in finem *qui*, finem *cui*, & finem *quo*. Finis *qui* est illud bonum seu illa res, quæ intenditur; finis *cui* est illud subiectum cui tale bonum intenditur: finis *quo* est ratio illa qua bonum intenti fit illius subiecti cui intenditur. Exemplum habes in teipso operante propter felicitatem seu propter summum bonum. Finis *quem* intendis est summum bonum: subiectum *cui* intendis, tu ipse es: finis *quo* est ipsa ratio qua possides summum bonum; hoc est qua summum bonum fit tuum.

Diuiditur secundo. Finis in finem operis, & finem operantis. Debemus enim hic meminisse eorum quæ diximus in Logica. Diximus adrem ibi alium esse finem artis, alium operantis. Puta finis frænfactoriæ est ipsum frænum, quod est opus factum per artem; finis ipsius fræni siue operis facti per Frænfactoriam est recta equitatio: finis vero operantis seu artificis est vel gloria, vel lucrum prout ineptit vel sapit.

Diuiditur tertio. Finis in vltimum & non vltimum. Vltimus est ad quem ita cætera ordinantur vt ipse non ordinetur ad aliud: huiusmodi est v. g. æterna felicitas quæ dicitur finis vltimus rationalis creaturæ. Non vltimus vero est ille ad quem ita alia ordinantur, vt ipse etiam ordinetur ad aliud v. g. sanitas est, finis quidem sed non vltimus ægroti sapienti, ita ordinantis sectionem venæ ad sanitatem, vt sanitatem ipsam ordinet vltèrius ad bonum Reipublicæ. Alię diuisiones,

nes, si opus fuerit, afferentur in locis.

Dices: solus finis *qui* sustinet definitionē finis seu causę finalis, ergo prima diuisio est mala. Antecedens probatur: quia solus finis *qui* est id cuius gratia cętera fiunt; puta ægrotus facit quidquid facit gratia sanitatis, ergo, &c.

Resp. negando antecedens; ad cuius probationem nego iterum antecedens. A Egrotus non propter sanitatem quomodocunque, sed propter sanitatem sibi acquirendam sustinet sectionem venę, & alia media quę medicus præcipit. Medicus ipse non scribit suum Recipe, vt existat sanitas in abstracto, vel in concavo lunę, sed in Callia. Immo illo eodem amore quo A Egrotus amat sanitatem magis amat se, & alios, propter quos vult esse sanus. Huc facit illud proloquiū quod tam sepe inaniter adhibetur. *Propter quod unumquodque tale & illud magis.* Puta si Pater familias vult esse sanus propter filios sibi dilectos, hoc eodem amore quo amat sanitatem, magis amat filios, quia propter filios est amata sanitas.

In quo autem consistat causalitas finis in actu primo dubitatur hic.

Finis, vt apparet ex dictis, amore sui mouet & causat quod causat. Est autem vetus adagium: *nihil amatum quin præcognitum.* Hinc disputatur an vis motiua finis partialiter saltem consistat in cognitione bonitatis illius, qua allicimur; an tota quanta est in sola bonitate consistat. Vis autem illa motiua dicitur causalitas finis in actu primo.

Dicendum est causalitem, in actu primo seu vim motiuam causę finalis consistere adęquate

dēquate in bonitātē obiecti quod mouet. Huic conclusioni nemo contradicit nisi deceptus à conditione in quibusdam argumentationibus induente apparentiam causæ. Probatur autem. Conclusio ex ipsamet definitione causæ finalis. Illud mouet finaliter cuius obtinendi gratia media adhibentur: sed egrotus adhibet media ut obtineat sanitatē; non vero ut obtineat cognitionem sanitatis; ergo sanitas ipsa, non vero cognitio sanitatis est finis, seu virtus finaliter motiua, seu ratio finalizans. Maior est manifesta, minor nequit negari; si enim egrotussumeret potionem amaram ut acquireret cognitionem sanitatis egrotaret alio morbo, quam qui curaretur per potionem huiusmodi. Patet autem ex hoc ipso quod amet sanitatem, sanitatem esse illi cognitam, iuxta illud: *omne amatum præcognitum*.

Hęc omnia in teipso intelligis si teipsum consideres amantem felicitatem tuam, & cætera cæteroquin inamabilia propter felicitatem. Vides enim te ob felicitatem ipsam quam ardentè amas, amare ieiunia, flagellationes, cilicia, & alia id genus, quæ propter se non sunt amabilia. Amas autem non ut cognoscas sed quia cognoscis, & ut obtineas rem cognitam. Propterea res ipsa non autem cognitio rei dicitur finalizare.

Reliquæ probationes eiusdem veritatis in responsionibus ad obiectiones insinuabuntur.

## ARTICVLVS II.

*Satis obiectionibus.*

**O**bjicitur primò. Obiectum nihil habens bonitatis, cognitum finalizat, ergo non bonitas, sed cognitio, est vis motiua seu causalitas finis. Antecedens probatur. potest aliquis venari Hyrcoceruum putans Hyrcoceruum esse feram quæ capi possit: in tali casu bonitas Hyrcocerui non mouet ad ponenda media, sed sola apprehensio bonitatis. Quod non moueat bonitas patet: quia illa bonitas est nulla; quod autem vere causat debet esse aliquid.

Resp. etiâ in casu posito venatorem moueri non à cognitione, sed ab ipsa met bonitate Hyrcocerui; quæ quamuis realiter nulla sit est tamen apparenter aliqua bonitas. Ad illud: quod causat est aliquid, distingue: est aliquid vel realiter, vel apparenter: concede: est aliquid realiter: nega. Quod enim causat secundum esse pure obiectiuum, non est necesse vt realiter aliquid sit. Vnde tam potest quis amare Hyrcoceruum, & tendere retia ad capiendum Hyrcoceruum, quam potes tu amare leporem & tendere retia lepori capiundo; dummodo tam putet capi posse Hyrcoceruum, quam putas capi posse leporem. Habes hoc ex Philosopho 2. Physic. textu 31. vbi sic habet: *id enim cuius gratia optimum & finis aliorum vult esse, differat autem nihil, idem dicere bonum, vel apparens bonum.* Ratio à priori est: quia bonum quod finaliter causat, non causat quia est,

est, sed causat ut sit, adeoque non supponit suum esse, causando, sed tendit ad illud mouens potentiam ad ponenda media, quæ conducant, vel videantur conducere ad consecutionem ipsius. Ad hoc autem ut adhibeas media ex intentione rei alicuius adipiscende non requiritur ut res illa sit realiter adipiscibilis, sed sufficit ut putes rem illam esse adipiscibilem.

Eodem modo ut adhibeas aliquid ut medium rei adipiscendæ non requiritur ut id quod adhibes sit reipsa medium illius rei adipiscendæ; sufficit autem ut sit putatiue medium. Ita contingit frequenter homines adhibere media ad obtinendum aliquem finem, quæ omnino remouent ab illo fine, & aliquid afferunt omnino oppositum illi. Habes infinita exempla huius rei; vnicum affertur à nobis in perfidia Iudæorum, qui fecerunt contra Christum ut illum obscurarent, & regnum temporale seruarent: & tamen per hæc eadem quæ putabant media ad talem finem, omnino oppositum obtinuerunt. Nam & Christum glorificauerunt, & regnum temporale amiserunt.

Obijcitur secundò. Sublata præcise cognitione bonitatis, aufertur tota vis causandi in fine: ergo cognitio est vis causatiua. Antecedens probatur quia si feceris bonitatem incognitâ; facis eo ipso impotentem mouere; ergo fit potens mouere formaliter per cognitionem.

Resp. neg. ant. Ad prob. nega iterum antecedens. Sublata cognitione manet eadem omnino vis in obiecto, eo ipso quod maneat eadem omnino bonitas: sed illa bonitas non



rem qua est intentionaliter. In quo semper tenendum est quod supra notauimus aliud videlicet esse id quod denominatur esse intentionaliter, aliud rationem per quā denominatur esse intentionaliter; Adeoque breuiter dices: causat secundum esse intentionaliter per rem denominatam: concedo; per rationem denominantem: nego.

Hoc quod diximus de distinctione inter rem denominatam & rationem denominantem valet etiā vbi obiectum denominatum est impossibile. Aliud enim est ipsa Chimera; aliud cognitio qua Chimera recipit esse intentionale. Hæc cognitio est aliquid reale æque proprie ac cognitio qua cognoscitur lapis. Hinc etiā in huiusmodi obiectis aliud est id quod mouet, aliud cognitio sine qua non mouet.

Dices: Chimera cognita nihil dicit præter cognitionem, ergo per nihil aliud mouet quā per cognitionem. Antecedens probabis quia ipsa Chimera nihil est, ergo, &c.

Resp. neg. ant. Ad prob. disting. nihil est realiter aut reale: concedo antecedens, nihil est apparenter, aut apparens: nego antec. & consequ. Aliud autem est apparentia ipsa, aliud id quod apparet. Apparens enim est concretum quod importat & obiectum quod apparet, & apparentiam per quam apparet.

Obijcitur quarto. Bonum non mouet nisi vt cognitum, ergo cognitio est ipsa met virtus mouendi. Probatur consequentia Valet hæc illatio; ignis cale acit in quantum calidus; ergo virtus calefaciendi est calor: igitur valebit hæc alia: bonū mouet in quantum cognitum; ergo virtus mouendi est cognitio.

Resp.

Resp. concessio antecedenti : negando consequentiam. Ad probationem sic argumentor, Non valet hæc illatio : ignis calefacit in quantum calidus, ergo calor est virtus calefaciendi. Igitur neq. valebit hæc: bonum mouet in quantum cognitum ; ergo cognitio est virtus mouendi. Probo antecedens. Non valet hæc illatio: ignis calefacit in quantum proximus, ergo proximitas est virtus calefaciendi : igitur neq. valebit hæc : ignis calefacit in quantum calidus, ergo calor est virtus calefaciendi. Liquet igitur reduplicationem esse quid indifferens vt fiat vel supra virtutē, vel supra conditionem, adeoq. ex ipsa non inferri pro ratione reduplicata neq. determinate rationem causæ, neq. determinate rationem conditionis ; adeoque vtramq. esse aliunde petendam. Hęc omnia prædiximus in Summulis. In forma con. ant. nega conf. ad probationem : nega antecedens.

Obijecitur quinto. Causa efficiens causat secundum esse physice, li secundum appellante non solum id quod est physice, sed rationem formalem per quam est physice: ergo causa finalis causat secundum esse intentionaliter, li secundum appellante non solum id quod est intentionaliter, sed etiam rationem ipsam, per quam est intentionaliter. Probatur consequentia quia sicut se habet esse physice ad causandum in efficiēti, ita se habet esse intentionaliter ad finalizandum.

Resp. concessio antecedenti; negando consequentiam. Disparitas est euidentis ex alibi dictis. In causa efficiēti idem est id quod est physice, & id quo est physice, Essentia enim

& existentia realiter sunt idem. In causa autem finali & in quacunque re existente intentionaliter, non est idem id quod intentionaliter est, & id quo intentionaliter est. Existentia rei identificatur cum re existente; cognitio rei non identificatur, cum re cognita. Quod si supponeres existentiam ipsam esse distinctam à re existente; disputari posset an existentia efficientis sit virtus, an conditio sine qua efficiens non causaret. In hac autem controuersia putamus existentiam habendam esse pro conditione. Ratio est quia vel efficiens causat per suam substantiam, vel per virtutem superadditam ipsius substantiæ. Puta ignis causat alium ignem, vel per ipsammet suam substantiam, vel per calorem sibi superadditum: neutrum autem ex his est formaliter existentia, ergo id per quod causat non est existentia.

Dices: ignis causans dat existere, seu existentiam igni causato, ergo existentia ignis causantis non est pura conditio, sed virtus. Probatur consequentia quia existentia nequit esse à non existentia, ergo existentia causantis constituit virtutem causantis.

Resp. primo transmissio antecedenti: negando consequentiam. Ratio est: quia essentia seu substantia actualis ignis *A* quamuis non sit formaliter, est tamen eminenter aut æquiualentè existentia, & consequenter poterit dare existentiam alteri. Quamuis igitur requiratur existentia in causante non requiritur ut virtus, sed ut formalis actuatō virtutis: virtus enim quæ non sit actu, nequit agere, iuxta illud: vnumquodque agit in quantum est actu.

Resp.

Resp. secundo à multis negatum iri antecedens dicentibus existentiam ignis *B* necessario profluere ab igne *B* posito ab igne *A* extra suas causas : sicut v. g. ab eodem igne *B* necessario profluunt alij modi, sine quibus implicat illum esse in rerum natura.

### A R T I C V L V S III.

*Quinam sit effectus cause finalis.*

**B**onitatem, & scientiam bonitatis consequuntur multi actus & in anima & extra animam. Primo enim circa bonitatem apprehensam oritur in anima complacentia quadam. Post complacentiam amor efficax eiusdem bonitatis : ad amorem efficacem sequitur consultatio circa media conducentia ad ipsam : consultationem sequitur electio, electionem executio ipsa, seu positio mediorum, quibus bonitas obtinenda putatur. Hæc omnia tibi facile exemplificabis.

Dico igitur effectus finis esse quæcūq. fiunt gratia finis Conclusio est clara. Ideo Philosoph. secundo Physic. textu 29. maciem, purgationem, medicamentam & alia eiusmodi enumerat inter effectus finis, quia, inquit, hæc omnia finis gratia fiunt, hoc est gratia sanitatis. Nam qui agrotant, macerantur, purgantur & alia huiusmodi agunt & patiuntur ut sanentur.

Conclusio igitur ex ipsa finis definitione probatur. Finis est id cuius gratia cetera fiunt, ergo quæ fiunt gratia finis sunt effectus finis. Vbi aduerte ad huiusmodi effectus non sufficere finem nisi in vno genere causæ. Habent enim

enim præterea alias causas à quibus pendet. In assignando igitur effectui adæquato cause finalis attende ad ea omnia, quæ obtinendi finis gratia ponuntur ab intendente finem. Hoc posito si rogeris an vocatio Medici sit effectus sanitatis? respondebis statim affirmative: quia, inquires, gratia sanitatis Medicus advocatur. Hæc res non indiget ulteriori explicatione.

Dubitatur autem an amor ipse qui oritur circa finem cognitum sit effectus finis. Ratio dubitandi est: quia illud solum dicitur effectus finis ad quod ponendum determinatur ab amore finis: non determinatur autem ab amore finis ad ponendum amorem finis, ergo amor finis non est dicendus effectus finis. Explicatur hoc idem. Effectus finis est id ad quod determinat amor finis: ad amorem finis non determinat amor finis; ergo amor finis non est effectus finis. Minor probatur: quia id ad quod determinat amor finis præsupponit amorem finis: amor autem finis non præsupponit amorem finis ut patet ex terminis.

Ex alio capite effectus finis est quicquid est gratia finis: amor ipse finis est gratia finis; ergo amor finis est effectus finis. Urgetur: quia amor finis plerunque est indivisibiliter amor mediorum ad finem: amor mediorum ad finem est effectus finis, ergo amor finis est effectus finis. Maior probatur quia amor mediorum ad finem est maior amor finis quam mediorum, ut patuit in exemplo patris familias: ergo plerunq. amor ipse finis est amor mediorum ad finem, Dixi *plerunq.* quia quamvis amor mediorum ut  
tali-

talium sit semper amor, & quidem intentionior finis: non tamen è conuerso quilibet amor finis est amor mediorum. Contingit enim sæpe nos ardentè amare felicitatem, nihil cogitantes de medijs conducètibz ad ipsam: vnde patet amorem finis, aliquando esse solius finis, amorem autem mediorum numquam esse solitariè mediorum. Constat autem ex amore finis determinari nos ad amorem mediorum. His positis.

Dicendum est controuersiam magis esse de voce, quam de re. Qui dicunt effectum finis nullum esse nisi ad quem determinat amor finis, dicere debent amorem finis non causari à fine nisi materialiter, hoc est non in genere causæ finalis, sed in genere causæ purè obiectiue, sicut v. g. hic paries causat visionem sui. Qui autem dicunt effectum finis esse quidquid est quomodocunq. gratia finis; hoc est illius rei, quæ finis est: dicant amorem finis esse effectum finis. Ad ea quæ opponuntur dicat falsum esse quod effectus finis adequatus determinetur ab amore finis, adeoque præsupponat amorem finis. Quod si requiras effectum finis esse ex amore finis, aliud requiris quam si requiras esse propter finem: hoc secundum reperiēs in amore finis non autem primum.

Dices: Si media seu positio mediorum est effectus finis sequitur idem causare seipsum: consequens est absurdum; ergo & antecedens. Sequela maioris probatur quia media ipsa causant finem, ergo si finis ipse causat media, causat causam sui: est autem bonum verbum: quod est causa causæ est causa causati: adeoque finis causat seipsum.

Resp.

Resp. concessa maiori, eiusq. probatione: negando minorem. Quid mali est quod idē, intentionaliter existens, causet seipsum secundum esse physice: hoc est quod sanitas cognita & amata, determinet ad sustinendā sectionem venæ, vel ad quidlibet aliud ad hoc ut ab esse pure intentionaliter transeat ad esse physice.

Instabis. ergo datur mutua causalitas. Probabis consequentiam quia finis est causa mediorum, & media sunt causa finis, ergo inter finē & media intercedit mutua causalitas. Resp. concedendo torum.

### A R T I C V L V S III.

*Quenam sit causalitas finis in actu secundo.*

**R**espondeo causalitatem finis in actu secundo esse ipsammet actionem, qua ponitur id quod ponitur propter finem; quatenus ipsa etiam est à fine. Exemplo rem explico. Ponis ambulationem propter sanitatem: bonitas sanitatis est causalitas in actu primo; ut patet ex dictis: actio autem ipsa qua ponitur ambulatio ex intentione sanitatis, est ratio qua hæc ambulatio formaliter est à sanitate: esse autem rationem qua vnum est causa in actu secundo & alterum effectus; est formalissime esse causalitatem vnius in alterum.

Dices: causalitas finis in actu secundo est motio quædam metaphorica, ergo non est actio qua effectus pender à causis ex intentione finis. Antecedens est Aristotelis primo de Generat. textu 45. Est enim, ait, effectiva causa vnde principium motus; cuius autem

grā.

gratia non effectiua ; ideo sanitas non est effectiua nisi secundum translationem.

Resp. omisso antecedenti : negando consequentiam. Omisi antecedens quia hic modus loquendi, *motio quadam* & quilibet alius similis, est eorum, qui nihil volunt dicere ; adeoque nolunt nobis contradicere. Probatio antecedentis ex Aristotele nihil aliud dicit, nisi quod principium motus est vere & proprie causa efficiens : finis autem non est efficiens nisi translatus : puta quando ambulatio gratia sanitatis acquirendæ, potentia locomotiva est vere & proprie causa efficiens ambulationis ; sanitas vero non est efficiens nisi metaphorice. Quod nihil aliud est nisi, prædicatum proprium causæ efficientis non conuenire proprie causæ finali. Ratio cur efficiens proprie efficiat, finalis autem solum metaphorice est : quia ad hunc motum determinat efficiens proprie & physice existendo ; finalis autem non proprie & physice, sed pure intentionaliter ; existens autem pure intentionaliter non existit simpliciter sed metaphorice. Cæterum actio illa quæ est & ab efficiente & à finali est vere & proprie actio non autem metaphorice. Dicitur igitur causalitas finis motio metaphorica per denominationem ab existentia pure metaphorica finis, ex cuius intentione & cuius gratia ipsa est : cum tamen per ipsam vere & proprie & non metaphorice operans, moueatur.

Dices : ergo idem numero motus est actio, passio & finalizatio. Consequentia patet, nō idem motus est actio, & passio ex dictis ; dicitur autem hic eundem motum esse actionem



& finalizationem ; ergo actio, passio, & finalizatio sunt idem.

Resp. concedendo totum, Quod si displicet Aduersario addemus insuper esse materializationem : sed de hoc alibi. Non est nouum eundem motum respectu diuersorum diuersas denominationes sortiri. Idem motus localis respectu vnius termini dicitur recessus , respectu alterius dicitur accessus.

Ex dictis. Inferes primò causam finalem seu rem illā, quæ est finis, finalizare quia est, & vt sit : rationem autem finalizandi explicari per ly *Vt sit*, conditionem sine qua non finalizaret importari per ly *Quia est*. Nam quia est intentionaliter determinat ad ponenda illa media, quæ ponuntur, vt sit realiter. Ex quo habes ipsum esse realiter rei, quæ finis est, esse rem amatam.

Inferes secundo , non esse de ratione conditionis, vt suppleri possit à Deo. Quamuis enim propinquitas agentis ad passum non essentialiter requiratur, vt aiunt, vt agens agat in ipsum : cognitio tamen rei amate essentialiter requiritur, vt res sit amata; unde non valet: ignis etiam non proximus potest calefacere manum de potentia absoluta, ergo etiam bonum non cognitum potest de potentia absoluta mouere voluntatem. Ratio disparitatis est , quia ignis causat calorem in genere causæ physice; etiam autem non proximus, physice est; causa autem finalis causat , seu mouet in genere causæ obiectiue ; eo ipso autem quod non est cognita non est in genere causæ obiectiue.

Propterea vbi quaritur discrimen inter conditionem, & causam : varia à varijs assi-

gnantur. Nemo tamen pro discrimine assignat, quod conditio quidem est supplebilis per diuinam virtutem, secus autem causa. Qui enim hoc discrimen assignaret, peccaret ex duplici capite. Primo, quia falsum est: causam non suppleri per diuinam virtutem cum ille idem effectus, qui est à causa secunda, puta ille calor, qui est ab igne, possit esse à Deo, vt dictum est. Secundo, quia falsum est conditionem ex toto genere suppleri posse, cum cognitio sit mera conditio, & tamen suppleri nequeat. Est enim principium metaphysicè verum: omne amatum præcognitum, vt patet ex dictis.

Quemadmodum autem diuina virtus nequit esse supplementum in omni genere conditionis; ita nec in omni genere causæ. Puta si suppleat defectum causæ actiue in productione ignis, non supplet in genere causæ passiue, quasi verò Deus ipse patiatur educationem formæ ignis, ab agente producente ignem: sed in genere causæ efficientis, adhibendo videlicet modum producendi creatiui, hoc est independentem ab omni concursu materiæ.

Pro causa verò formali implicat, quod suppleat Deus: immò implicat, quod vlla forma suppleat pro alia ad eundem effectum formalem. Pater hoc intelligenti terminos. Si enim in hoc pariete ponas flauedinem pro albedine, manifestum est te non habiturum album. Et si materiæ primæ pro anima canis, vnias animam leporis, manifestum est te non habiturum canem. Si igitur fingas Deum ponere se loco alieuius in aliquo toto, manifestum est non fore idem totum.

Dices

Dices : subsistentia Verbi diuini ponit se cum Humanitate Christi Domini loco subsistentiæ propriæ humanitatis eiusdem : hæc subsistentia est Deus ; ergo Deus potest suppleri defectum formæ creatæ etiam in genere causæ formalis.

Resp. negando consequentiam. Subsistentia Verbi cum Humanitate non præstat illum effectum formalem, quem præstaret subsistentia propria: adeoque manet id quod diximus, nec Deum, nec vllam formam suppleri posse pro alia ad eundem effectum formalem.

## QVÆSTIO IV.

*An omnia agentia agant propter finem.*

**A**Gentia intellectualia agere propter finem nemo negat, qui habeat intellectum. Controuersia est de non intellectualibus. Nō intellectualia autem in duas classes, quoad præsens negotium, diuidi possunt: videlicet in cognoscitina, cuiusmodi sunt Bruta, & non cognoscitina cuiusmodi sunt plantæ, & alia infra plantas. Hac diuisione supposita resolucenda est proposita quæstio.

Dicendum primò. Bruta operantur propter finem. Hanc conclusionem probat Philosophus. Operari propter finem est aliquid facere gratia alicuius, seu propter aliquid: sed Hirundo propter aliquid nidum facit, &

quirendo, neque deliberando faciunt. Et quamvis cognoscant & media, & finem, puta hirundo, & nidum, & pullos: aranea, & telam, & muscas, dicuntur tamen operari propter finem solum materialiter: quatenus scilicet non comparant media cum fine: sed per quosdam instinctus: hoc est per quosdam motus, quos omnes supponunt, & nemo probat, determinatur ad ponendum id, quod re ipsa est medium ad illud. Puta si auicula ferenti paleam occurreres, rogaresq. ad quid illam deferat: non posset respondere ad construendum nidum. Quamvis enim palea sit re ipsa materia nidi: non tamen ab auicula comparatur enim nido.

Cætera autem quæ infra brutorum conditionem sunt, solum eo modo propter finem operantur, quo diximus ea appetere. Quemadmodum enim natura appetit solum appetitu innato, ita etiam finem intendit intentione innata. Et quemadmodum appetitus naturæ recte dicitur appetitus intelligentiæ; ita etiâ naturæ intentio recte vocabitur intentio intelligentiæ. Nā ut ait D. Th. q. de ideis, art. 1. operatio naturæ, quæ est ad determinatū finē, præsupponit intellectū præstiuentem finem naturæ, & ordinantem ad finem illum naturam: ratione cuius dicitur omne opus naturæ esse opus intelligentiæ.

Videtur autem dubitari posse de agente increato, an ipsum etiam propter finem agat. Ratio dubitandi est, quia cognoscitiva dum agunt propter finem mutantur intrinsece: per intentionem enim huius, vel illius finis volens, seu appetens aliter, & aliter se habere. Deum autem mutari, seu aliter, & aliter se

habere, repugnat; ergo repugnat Deum agere propter finem. Confirmatur ex dictis in definitione causæ efficientis, ibi enim dictum est causam finalem esse quodammodo principium mutationis primum, quia quamuis non immutet passum physice, quod immutatur per efficientem; mouet tamen ipsummet efficiens.

Dicendum tamen est Deum agere propter finem. Finis autem Dei operantis est ipsemet Deus, à quo omnia procedunt, vt à primo principio, ad quem omnia ordinantur tamquam ad finem vltimum; iuxta illud: omnia propter semetipsū operatus est Deus. Quamuis autem Deus sit finis simpliciter vltimus; non propterea non operatur propter vllum alium finem. Diuisimus enim finem in vltimum, & non vltimum: poterit igitur Deus ordinare multa in bonum suæ creaturæ, & de facto sensibilia omnia in bonum omnium ordinauit: sunt enim vtilia homini, Deo gloriose; & in hoc ipso homini vtilia, quod Deo gloriosa. Sunt enim gloriosa Deo per hoc quod enatrent hominibus gloriam, & virtutem Dei, & per hoc ipsum vtilia, quia homini nihil est vtilius, quam ex creatura intelligere creatorem, & in omnibus glorificare, qui omnia fecit.

Ad rationem dubitandi: dic non esse de ratione agentis propter finem vniuersalissime accepti, mutati intrinsece per intentionem finis. Quamuis enim agens natura sua mobile modo hac modo illa intentione moueatur: agens tamen immobile, quale est Deus non habet voluntatum, aut intentionum vicissitudinem, sed immotum, & im-

mobile in se manens, æterna, & immobili voluntate omnia mouet, iuxta illud: sicut opertorium mutabis eos, & mutabuntur, tu autem idem ipse es. Hoc est omnis vicissitudinis, aut mutationis omninò incapax.

Ad confirmationem patet ex dictis. Ad reliqua, quæ cogitari possent contra conclusionem facile est ex dictis tum hic, tum alibi respondere. Puta si quis dicat: plantæ, lapides, & alia huiusmodi non cognoscunt media, neque finem, ergo non operantur ex intentione finis. Respondebis concessio antecedenti: negando consequentiam: vel, si velis, distinguendo consequens: non operantur ex intentione elicitâ: concedo, ex intentione innata, nego consequentiam. Aut si vis: non operantur ex intentione, quæ sit in illis: concedo: ex intentione quæ sit in intelligentia: nego. Vide D. Thomam loco citato ubi comparat ea, quæ mouentur à fine per naturam, cum sagitta, quæ à sagittante ad scopum impellitur.

## QVAESTIO V.

### *De Causa exemplari.*

#### ARTICVLVS I.

##### *Quid sit Idea.*

**Q**Uod apud Græcos idea; species, aut forma dicitur apud Latinos: ut ex Augustino dicit D. Thomas quæst. supra citata de ideis. Forma autem

tripliciter dicitur: vno modo *A qua*, alio modo *Per quam*, seu *Secundum quam*; tertio modo *Ad quam*. Forma *à qua* dicitur illa, quæ est in agente, à quo procedit effectus: in vnoquoque enim ratio agendi maxime est forma: vnde dicitur vnumquodq. agere in quantum est actu. Forma *Per quam* dicitur pars illa compositi; per quam substantia est hoc potius quam illud: putà forma per quā hæc substantia est potius homo, quam canis, *et* Anima rationalis. Forma *Ad quam* est illa, ad cuius similitudinem aliquid fit, & quam aliquid imitatur; & hæc dicitur idea, siue exemplar, definiturq. à D. Thoma: *Forma quam effectus imitatur ex intentione agentis determinantis sibi finem.*

Ex hac definitione apparet sola agentia cognoscitiua operari ex idea; cum ea sola agant ex intentione, imitando formam, & determinando sibi finem. Hinc etiam intelliges, quod etiam si agens intellectuale, putà Pictor nihil cogitans de Socrate former picturam similem Socrati: non propterea Socrates habebit rationem ideæ, seu exemplaris. Ratio est clara, quia Pictor in tali casu non ex intentione, & fine repræsentandi Socratem, picturam fecit. Porro ex eodem capite, ex quo Socrates non dicitur idea, siue exemplar picturæ prædictæ; pictura ipsa nequit dici proprie loquendo, imago Socratis. Vnde aliud est picturam hanc similem esse Socrati, aliud esse imaginem Socratis. Ratio enim imaginis præter similitudinem dicit rationem procedentis ab eo, cuius est imago.

Hinc habes, quod duo quidem possunt esse inter se mutuo perfectè similia, absque eo  
quod

quod mutuo sint sibi imagines. Immo implicat similitudinem non esse duorum, quorum hoc sit æque simile illi; ac illud huic. Quis enim dicat v. g. intercedere quidem similitudinem inter Petrum, & Paulum, Petrum tamen esse magis similem Paulo, quam Paulum Petro. Quamvis autem sint isti duo perfectè similes, non sunt tamen mutuae sui ipsorum imagines, cum non mutuo a se inuicem procedant.

Propterea quamvis in diuinis Pater, & Filius habeant perfectam similitudinem inter se. implicat enim Filium esse similem Patri, & Patrem non esse similem Filio: rectè tamen & Catholicè dixeris Filium esse imaginem Patris: est enim splendor gloriæ, & figura substantiæ eius; malè autem, & erronee, Patrem esse imaginem Filij: quia videlicet Filius à Patre, non autem Pater à Filio procedit.

Dubitatur autem inter Philosophos in quo nam consistat ratio ideæ, siue exemplaris, alijs affirmantibus illam in conceptu formali, alijs autem in conceptu obiectiuo consistere. Pro cuius intelligentia scire debes, quod quicumq. non casu & temere, nec aliunde, aut à natura determinatus; sed ex intentione elicita, & præstituens sibi finem operatur: priusquàm operetur præconcepit animo opus faciendū. Putà Architectus priusquàm domū ædificet, præconcepit animo domum quandā, ad cuius imitationē domū extrā animam ædificet: immò sæpissimè præter domū animo præconceptā, domum aliā, vel cretaceam, vel cartaceam prædificat, ad cuius imitationem veram domum, & hominum



habitatione ædificet. Forma illa animo præconcepta dicitur exemplar internum : domuncula illa cartacea dicitur exemplar externum, ad quod respiciens artifex operatur.

Circà illam domum animo præconceptā, quæ dicitur domus intelligibilis, duo considerata sunt : videlicet ipsa formalis cognitio, quæ est actus intellectus, & dicitur conceptus formalis; & obiectum tali cognitioni correspondens; & dicitur conceptus obiectiuus. Sunt igitur qui cognitionem ipsam formalem ideam appellant; sunt qui solum conceptum obiectiuum; plerumq. de voce magis, quam de re disceptantes.

Decidenda est hæc controuersia ex definitione superius allata : Idea est forma quam effectus imitatur, &c. siue: est id, ad quod respiciens operans operatur : sed ad obiectum respicit operans dum operatur; ergo conceptus ipse obiectiuus, seu obiectum cognitionis, est idea. Minor patet in quolibet operante ex idea. Regulariter enim loquendo non ad cognitionem ipsam respicit, sed ad obiectum. Confirmatur hoc ex D. Thoma quæst. 15. art. 1. corpore; ubi dicit, quòd similitudo domus, quæ est in mente ædificatoris, est idea domus faciendæ : quia artifex intendit domum assimilare formæ, quam mente concepit: Non dicere cognitioni quam habet in anima: sed formæ quam mente concepit: igitur conceptus obiectiuus congruentius assignatur pro idea, quam conceptus formalis.

Obijcies: Idea est forma in anima existens: forma in anima existens est cognitio; ergo idea est ipsa cognitio.

Resp.

Resp. distinguendo maiorem: Idea est forma in anima existens subiectiue; nego maiorem: obiectiue: concedo maiorem, & eodem modo distincta minori nega consequentiam. Cognitio cum sit actus immanens animæ, recipitur in anima tamquam in subiecto. Obiectum autem cognitionis ipsius non est subiectiue, sed obiectiue in anima: esse vero obiectiue in anima nihil aliud est, quàm cognosci. Potes igitur in mente Architecti duo considerare, cognitionem videlicet qua repræsentat sibi hoc, vel illo modo templū, vel domum, & domum ipsā ad cuius similitudinem domum ædificat. Domus illa per cognitionem repræsentata dici potest similitudo obiectiua domus faciendæ, cognitio ipsa qua talem domum sibi obijcit dici potest similitudo formalis. Prima dici potest domus intelligibilis, species, & forma; secunda: intelligentia domus, speciei, & formæ.

Quia tamen hæc ipsa cognitio, seu ille ipse conceptus formalis habet etiam esse similitudinem suo modo domus faciendæ: ideo ipse operans per cognitionem reflexam prædictam cognitionem attingens, atque considerans, potest illa uti velut idea: sed hæc eadem, ut vides, per huiusmodi cognitione reflexam euadit conceptus obiectiuus, diuersus ab illo primo conceptu obiectiuo, de quo diximus suprâ, per hoc quod sit insuper subiectiue in anima, non quidem per cognitionem reflexam formaliter, sed præsuppositiue.

In hoc sensu si intelligantur, qui ponunt rationē ideæ in conceptu formali, sunt tolerabiles: dummodo solum dicant conceptū

formalem aliquando habere rationem ideæ: non autem affirmant simpliciter, & absolute, ideam consistere in conceptu formali, non verò obiectiuo. Constat enim operantem nō semper, immò rarissimè prædictis cognitionibus reflexis uti in operando.

Denique confirmatur hæc doctrina à paritate ideæ, seu exemplaris externi. Constat enim quod Artifex operans ad imitationem ipsius, ad ipsum identidem respicit; putà Pictor picturam faciens ad imitationem Cæsaris, respicit identidem Cæsarem, ut illum imitetur in tela. Eodem modo qui exemplari utitur solum interno, ad illud obiectum, quod sibi repræsentat in anima, cogitationem conuertit, ut ad illius imitationem suū opus efficiat.

## A R T I C V L V S II.

*In quo genere causæ sit idea?*

**D**icendum est causam idealem rectè reduci ad efficientem. Ità sentire videtur D. Thomas loco supra citato, ubi sic habetur: *In quibusdam agentibus præexistit forma rei fienda secundum esse naturale, sicut in ijs, quæ agunt per naturam, sicut homo generat hominem, & ignis ignem: in quibusdam secundum esse intelligibile, ut in ijs, qui agunt per intellectum, sicut similitudo domus præexistit in mente adificantis.* Quemadmodum igitur in ijs, quæ agunt per naturam forma naturalis constituit causam efficientem. ità etiam in ijs, quæ agunt per intellectum forma intelligibilis constituit

tuit causam efficientem in suo genere, hoc est efficientem per intellectum.

Hoc idem docuit Philos. 7. Metaph. textu 23. *Quodammodo (inquit) ex sanitate sanitatem accidit fieri, & domum ex domo; quæ sine materia, eam quæ habet materiam.* Hoc est: contingit ut domus materialis fiat ex domo immateriali, & intelligibili, quæ præexistit in anima Architecti: & sanitas materialis in Callia fiat ex sanitate intelligibili, quæ est in mente Medici. Quia & Architectus per domum intelligibilem in anima, & Medicus per sanitatem intelligibilem, sit potens efficere, hic sanitatem, ille domum; & consequenter rectè reduces causam idealem ad efficientem.

Concluditur hæc nostra sententia breui ratiocinatione. Quod constituit agens proximè potens agere per modum formæ, à qua procedit effectus, rectè reducitur ad causam efficientem: hoc modo se habet exemplar, siue idea in artifice; ergo idea rectè reducitur ad efficientem. Maior fundatur in illo dicto Philosophi: *Vnumquodque agit in quantum est actu*; quo significatur rationem agendi in vnoquoq. esse formam.

Qui à nobis dissentiunt, sentiunt ideam pertinere ad causam formalem. Hoc autem suadere sic conantur. Philosophus ideam, siue exemplar sæpe formam appellat; ergo ex mente Philosophi idea potius ad causam formalem, quam ad efficientem reducitur. Præterea aiunt considerandam esse duplicem formam, vnam intrinsecam, alteram extrinsecam: prima est illa, per quam res constituitur in suo esse specifico, & dicitur ipsum

quod quid erat esse rei; altera autem est ad cuius imitationem fit id, quod fit, & est exemplar in mente artificis existens; & ad quod respiciens artifex operatur. His non obstantibus standum est dictis.

Ad authoritatem Philosophi dic nos etiã causam exemplarem formæ nomine nuncupasse; nec propterea dicimus esse causam formalem. Ad rationem, dic distinctionem illam inter formam intrinsecam, & extrinsecam esse extrinsecam. Si enim nihil aliud dicas, nisi ideam esse formam extrinsecam rei, quæ fit: verum dicis: sed *ly Extrinsecâ* distrahit nomen formæ à vera ratione causæ formalis: ideoque nos etiam, qui exemplar vocauimus formam, quærimus postea, an hæc forma pertineat ad causam formalem, an ad efficientem: primum negamus, secundum asserimus. Ratio est, quia ita se habet hæc forma exemplaris in ijs, quæ agunt per intellectum, sicut forma naturalis in ijs, quæ agunt per naturam. Immo contingit vt forma naturalis existens in agente operante per intellectum per accidens se habeat respectu formæ sibi similis in passio; per se autem se habeat respectu eiusdem formæ intelligibilis. Res in exemplo patebit. Galenus sanus Calliam infirmum curat: habes in Galeno, & formam naturalem similem formæ ponendæ in Callia; & formam intelligibilem eiusdem; est enim in Medico idea sanitatis in infirmo ponendæ. Sanitas illa realis, & physica per accidens se habet ad sanitatem Calliæ: idea verò sanitatis, quam dicimus sanitatem intelligibilem se habet per se, quandoquidem Medicus etiam non sanus curat

infix.

infirmum; carens autem idea sanitatis faciundæ, non curat. Vides igitur formam naturalem sepe se habere per accidens; idealem verò per se, in ordine ad effectum.

Denique quemadmodum aiunt hi, circa ea, quæ sunt ab idea duplicem formam considerari posse, intrinsecam vnâ, & alteram extrinsecâ; & tam vnâ, quàm alteram dici posse causam formalem; ita etiam dicere posses in ijs, quæ sunt per naturam, duplicem formam reperiri: intrinsecam vnâ, quæ est pars in effectu determinans illum ad hanc vel illam rationem entis; & alteram extrinsecam, quæ est in agente, à quo illa intrinseca, vt à principio effectivo procedit. Tam enim verum est hanc esse ab illa, quàm verum est in effectu procedente per intellectum, formam intrinsecam esse ab illa, quæ est in mente artificis.

Quemadmodum igitur inepte diceret: ignis *B* esse duplicem causam formalem: vnâ quæ est in ipsomet igne *B*, alteram verò quæ est in igne *A*; ita etiam non recte dixeris huius domus duplicem esse causam formalem, alteram quæ est in domo ipsa; alteram verò quæ est in mente artificis.



## QVÆSTIO VI.

*De causis per accidens.*

## ARTICVLVS I.

*De Fortuna, & casu.*

**D**E Causis per accidens satis fusè agit Philosophus in libris Phys. Et hanc, & illam rem concurrere ad illam aliam non per se, sed per accidens: centies repetitur in Philosophia. Dupliciter autem, quoad rem præsentem accipi potest causa per accidens. Primo ex parte causæ, secundo ex parte effectus. Dicitur causa per accidens ex parte causæ, quando cum ratione per se faciente ad aliquem effectum coniungitur aliqua ratio impertinenter se habens ad eundem. Hoc modo Musicus est causa ædificij per accidens: musica enim in ædificante impertinenter se habet ad intentum ipsius. Dicitur per accidens ex parte effectus, quando cum effectu ipso coniungitur aliquid impertinenter se habens ad intentum causæ. Contingit autem non modo impertinenter se habere, sed etiam contrariè. Purà Medicus dans pharmacum egroto quo purgetur, dat per accidens mortem ægroto; eo quod cum euacuatione humorum peccantium, coniungatur effluuium spirituum animalium, ex quorum deficientia habetur corruptio viuientis. Inter causas per accidens sunt magni nominis Fortuna, & casus, de quibus hic breuiter.

De-

Definitur casus : *Causa per accidens effectuum raro contingentium in agentibus propter finem, sine electione.* Dicitur *Effectuum raro contingentium*; quia quod semper, vel plerumq. ita fit, non fit casu. Hinc intelliges dictum Philosophi, quod nonnulli satis impertinenter saepe usurpant: *Quod semper, vel plerumq. ita fit, per se fit, & non per accidens.* Sensus huius dicti est, non contingere casu id, quod semper, vel plerumque contingit. Et consequenter in ijs, quæ plerumq. accidunt nō excluditur omne esse per accidens, sed solum aliqua species essendi per accidens; videlicet esse casualiter.

Dicitur : *In agentibus propter finem sine electione* : nam ex agentibus propter finem, ut dictum est supra, alia seipsa determinant, & sunt electiva, cuiusmodi sunt agentia intellectualia; alia verò non determinant seipsa : sed determinantur à natura, cuiusmodi sunt agentia non libera : in his ultimis dicitur casus. Exemplum effectus casualis habes in lapide decidente, & frangente caput Socratis; hic effectus est raro contingens, est ab agente propter finem; lapis enim propter centrum mouetur deorsum : est sine electione : nec enim lapis est agens electiuum. Hic idem incursus lapidis in caput Socratis fieri potuit non casualiter, sed ab aliquo proijciente, & intendente fracturam capitis Socratici, ut in lapidatoribus saepe contingit. Potest etiam respectu proijcientis lapidem in caput Socratis esse per accidens mors Socratis; quatenus proijciens intendat solum leniter delibare caput, & reipsa distringat.



Fortuna autem definitur : *causa per accidens effectuum raro contingentium in agentibus propter finem ex electione*. Per ultimam particulam : *ex electione* differt à casu. Fortuna enim dicitur respectu agentium liberorum, non autem respectu sensu carentium. Vnde, vt ait Philosophus, nemo dicit hos & illos lapides fortunatos nisi per metaphoram, quemadmodum Poetæ dicunt de illis lapidibus, ex quibus fiunt delubra vel simulacra Deorum. Exemplum effectus fortuiti habes in homine fodiente terram vt vberius erumpat in fructum, & inueniente Thesaurum. Fossor est causa per se huius Fossionis, causa vero per accidens inueitionis thesauri; & ideo dicitur in tali casu bene fortunatus: si loco thesauri draconem inueniat, dicetur male fortunatus.

Denique idem omnino effectus respectiue ad diuersas causas dicetur Fortuitus, & non Fortuitus: per se, & per accidens. Exemplum D. Thomæ est. Si Dominus mittat duos seruos, alterum nihil scientem de altero; occursus seruorum in foro erit respectu ipsorum Fortuitus, non autem respectu domini, hunc eundem occursum, dum vtrumq. mitteret, intendentis. Hoc pacto explicatur quomodo respectu Dei nihil sit Fortuitum; quia videlicet altissima sua prouidentia sic omnia disponit, vt quantumvis respectu causarum secundarum fortuiti sint & casuales effectus, tamen præter ipsius intentionem, aut præscientiam nihil omnino eueniat, Deus enim adeo perfecte gubernat omnia, vt. sine ipso nec vnus passer cadat super terram; nec vnus capillus pereat de capite vestro.

## ARTICVLVS II.

## De Fato.

**D**E fortuna & casu non ita sentimus, ut putemus sine ordinatione Dei quidquam euenire, siue in ijs quæ in Cælo, siue in ijs quæ in terra sunt. Hæc tamen ordinatio non impedit quin multa fortuito & casualiter respectu causarum secundarum eueniant: putauerunt autem aliqui neque casu neque fortuna quidquam fieri, sed fato agi omnia; qui si bene intelligerent quid sit fatum, non errarent.

Errauerunt igitur circa fatum multipliciter antiqui, & facile est etiam modernos Poetarum nugis nimis intentos aliquando decipi. Nomine fati intellexerunt aliqui ex veteribus quandam vim impressam syderibus, & à syderibus immixtam in hæc omnia inferiora, qua ita agantur ut à nulla pendant libertate. Hoc fatum Dijs ipsis statuerit nonnulli, itaut nec Iuppiter ipse quod velleret, sed quod in fatis esset, ageret. Vnde erat illud; *sic erat in fatis*.

Alij minus insipientes, nomine fati intellexerunt immobilem quamdam Deorum voluntatem, qua utpote rerum inferiorum Domini, quocumque effectum per agentia siue intellectualia siue sensu carentia ponendum, perempta omni libertate humana decernerent. Hanc voluntatem occultam esse, & per deorum responsa manifestari hominibus existimabant: vnde est illud Turni apud Virgilium.

*Nil me fatalia terrent,*

*Si qua Phryges pro se iactant responsa Deorū.  
Sat fatis Veneriq. datum est, terigere quod  
arua*

*Fertilis Ausonia Troes. Sunt & mea contra  
Fata mihi ferro sceleratam exscindere gentē.*

Huiusmodi fatum humanæ libertati inimicum certum est non dari non solum quia de fide est homines esse liberos, sed quia humana ratione nostra libertas demonstratur.

Admittendum est tamen fatum, sed eo modo quo describitur & quidem eleganter à Poetio, videlicet: *in rebus natura sua mobilibus dispositio immobilis*, per quam divina providentia suis quæq. necesse ordinibus. Illos fato omnia fiunt; divina scilicet providentia vel intendente, si bonum est, id quod sit, vel permittente si malum est; omnia autem siue bona sint, siue mala, ad suam gloriam ordinante. Ex quo sequitur nihil esse casuale respectu Dei. Non repugnat autem idē esse casuale respectu causæ secundæ, non vere casuale respectu primæ.

Post explicationem fati subnectitur explicatio monstri quod referri solet inter effectus casuales. De monstris agit Philosophus ex professo in libris de Generat. Animal, & præcipue libro 4. cap. 4. & sequentibus. Definitur autem monstrum: *effectus naturalis à recta & solita secundum speciem dispositione degenerans*. Dicitur effectus naturalis quia in iis quæ per artem fiunt, tametsi sint aliqui defectus, non solent nisi per metaphoram monstruositas appellari. Exemplum monstri habes in homine cum duobus capitibus; cum capite equino, & alijs

lijs huiusmodi nato. Causæ monstri seu partus monstrosi diligenter examinatur à Medicis ; inter quas potissimæ sunt redundantia vel inopia materiæ , defectus virtutis formativæ , indebita permixtio primarum qualitatum , mala dispositio loci in quo cõcipitur fœtus.

Effectus autem monstrosus comparari potest vel cum tota complexione causarum , à quibus procedit, vel solum cum aliquibus quæ in tali complexione sunt primariæ , & quibus effectus simpliciter & absolute imputatur. Si compareretur cum tota complexione causarum est effectus non casualis : tota enim illa complexio cum nihil aliud possit efficere quam aliquid huiusmodi , non casu illud efficit. Quod si compareretur cum aliquibus, ijsq. duntaxat quibus absolute effectus tribuitur ; dicitur casualis & monstrosus , v. g. causæ fœtus sunt mas & femina, illisq. simpliciter vt causis tribuitur. Intendunt autem producere effectum sibi similem in specie : puta vir & mulier hominem. Cõtingit autem alias concausas cum utroque coniungi , puta qualitates pravas , vel alia huiusmodi à quibus determinantur ad generandum non hominem , sed draconem , vel noctuam , vel alia huiusmodi ; puta hominẽ cum cervicẽ equinã : quæ deinde per nundinas & fora circumferuntur , id curante humana industria vt ex defectu naturæ saltem crumena ditescat. Partus huiusmodi dicitur mari & feminæ casualis ; secus toti complexioni causarum determinantium ad ipsum.



## DISPUTATIO V.

*De Causis intrinsecis.*

## QVÆSTIO I.

*Quomodo materia causet formam ?*

Orandum primò, materiam primam posse comparari vel cum formâ tamquam cum comparte in composito, vel cum ipso met composito: si compareretur cum formâ, comparatur cum aliquo quod est adæquate extra ipsam, dico *extra ipsam* non diuisione, nec loco; sed distinctione; materiam enim & formam esse inuicem adæquate extra se ipsas, est vnâ adæquate distingui ab altera, hoc est neutram esse constitutiuam intrinsecum alterius. Si autem compareretur cum toto, non comparatur cum altero à se contradistincto, sed cum aliquo cuius ipsa est pars, & constitutiuum intrinsecum vt patet ex terminis.

Hinc habes quod materia quatenus est causa formæ est causa alicuius à se contradistincti; adeoq. etiamsi vnatur cum ipsa, dicitur tamen causa ipsius extrinseca: quatenus autem est causa totius, non est causa alicuius contradistincti, sed alicuius ipsam includentis vt partem, ideoq. dicitur causa in-

intrinseca totius. An autem per eandem causalitatem causet & totum & formam, dicetur infra.

Notandum secundo rationem qua probauimus dari materiam primam esse; quia naturaliter ex nihilo nihil fit; adeoq. agens naturale eget subiecto, quo adiuuante producat formam; & producendo formam illamq. materie seu subiecto vniens, generet substantiam; quæ de nouo ponitur in rerum natura. Hæc vbi de materia prima egimus satis abundanter explicata sunt: nunc vero videndum est quomodo materia causet formam.

Dico igitur materia causat formam per sustentationem. Ad intelligentiam conclusionis tenenda est diuisio subiecti alibi intinuatæ in subiectum adhæisionis, & subiectum inhæisionis seu sustentationis. Subiectum inhæisionis confundimus hic cum subiecto sustentationis, quia ad rem præsentem inutilis esset diuisio vnius ab altero. Per subiectum sustentationis intelligitur causa materialis formarum substantialium. Per subiectum inhæisionis causa materialis formarum accidentalium. Porro ratio subiecti sustentationis consistit in hoc, quod subiectum concurrat cum agente ad productionem effectus concursu passiuæ influente ad eductionem formæ: quid autem sit concursus ille passiuus non satis conueniunt, nec satis facile explicatur.

Quod vero concursus ille materie ad productionem formæ materialis, det materie rationem causæ, præter alibi dicta, probari sic vltcrius posset. Omnis concursus ad exist-

item.

Essentiam alterius est vel per modum causæ vel per modum conditionis; concursus materiæ primæ ad productionem formæ substantialis non est per modum conditionis; ergo est per modum causæ. Probatur minor paritate ab artificialibus ducta, qua fere unica utitur Philosophus in hac materia. Certum est quod marmor ex quo statuarius conficit statuam concurrit ad effectum statuæ, cōcurra diuerso ab eo, quo concurrit approximatō marmoris ad Statuarium. Pater hoc: manifestum statua fieri dicitur ex marmore, non autem ex marmoris approximatione; sed materia prima concurrit ad opus naturæ, modo quodam ita se habente ad ipsum, sicut se habet materia artis ad opus artificis, ergo quemadmodum materia artis, puta marmor, & ferrum &c. concurrit non ut conditio, sed ut causa; ita etiam materia prima concurrit ad opus naturæ non ut conditio, sed ut causa.

Confirmatur quia materia prima ad productionem formæ materialis concurrit aliter, & alia ratione requiritur, quam requiratur ad productionem animæ rationalis: sed ad productionem animæ rationalis requiritur per modum subiecti, quod informetur, & conditionis sine qua naturaliter non produceretur; ergo ad productionem formæ materialis requiritur non ut pura conditio, sine qua non, neq. secundum præcisam rationem subiecti informandi, sed ut subiectum ex quo prædicta forma educatur. Hoc intellexit Philosophus, quando definiuit materiam primam: *subiectum ex quo aliquid fit cum in fit*, quid autem sit educi formam ē  
ma-

materia multipliciter & varie à varijs explicatur.

Aliqui ; de quibus alibi aliquid indicauimus ; aiunt omnes formas materiales esse actu in materia prima , & ex illa hoc & illud ens completum in aliqua specie fieri per hoc, quod hæc vel illa forma prius latens in visceribus ipsius , emergat è profundo & in superficie illius appareat. Hoc modo ex aqua fieret rana, per hoc quod rana latitans in profundo emergeret, & in eiusdem superficie appareret ; & quemadmodum inepte hoc secundum ; ita etiam inepte illud primum asseritur ; & hæc esset sufficiens impugnatio huius sententiæ, in qua nulla substantia fit denouo, sed solum prius latens foras eripit. & ostendit se mundo.

Præterea iuxta hanc sententiam, in materia informata forma ligni datur etiam forma ignis, forma canis, & quælibet forma substantialis sicut datur forma ligni, cum hoc solo discrimine, quod forma ligni est in superficie, aliæ sunt in profundo materiæ. Quod autem in materia informata forma ligni, sint actu omnes aliæ formæ, facit quod lignum tam sit ignis, tam leo, tam canis, tã quælibet alia substantia ; quam lignum, quod ex seipso & sua absurditate se destruit. Adde quod inter multa discrimina, quæ afferuntur inter opus naturæ & opus artis, est quod forma inducta per artem, est in sola superficie subiecti præsuppositi ab artifice ; forma autem inducta per naturam, est intus penetrata com subiecto præsupposito ad actionem naturæ.

Constat hoc in leone artificiali, & in leo-



ne naturali, primi enim forma est tantum superficialis, cum in visceribus illius marmoris non sit magis forma leonis, quam in quocumque alio marmore rudi: & in leone naturali forma leonis non est in sola superficie, sed intimè penetrata cum toto corpore: immò forma illa extrinseca, siue figura est merum accidens, quod profluit à forma intrinseca substantiali; hoc est ab anima leonis exigente talem dispositionem inter partes corporis à se informati.

Alij inter quos potes videre P. Maurum asserunt quod formam sustentari à subiecto, nihil aliud est quam dependere à subiecto in quo recipitur: hinc inferunt animam rationalem non sustentari à materia, quia quamuis recipiatur, non tamen dependet ab ipsa, formas vero materiales sustentari, quia ita recipiuntur vt dependeant ab ipsa, quam dependentiam formarum materialium & independentiam Animæ rationalis à materia explicant per hoc, quod Anima rationalis habeat esse separabile à materia, vtpote forma per se subsistens, aliæ vero formæ vtpote formæ non subsistentes, non habeant huiusmodi esse, vt docet D. Thomas 1. parte quest. 25. art. 2. & 3.

Si hæc inseparabilitas formæ materialis à materia sic accipiatur, vt neque per diuinam omnipotentiam possit existere forma materialis extra materiam, non est concedenda, cū docuerimus supra, formam materiale[m] posse existere separatam ab omni materia, & materiam ab omni forma. Si autem sic intelligatur vt nequeat naturaliter forma naturalis ita existere: concedenda est: & in hoc forma  
mate.

materialis vere discriminatur ab anima rationali, cum eam posse naturaliter existere extra materiam, ostendatur in libris de Anima. Hanc rationem explicandi educationem formę ex materia tenet Ruuius eaque desumit ex D. Thoma 1. parte quest. 80. art. 2. ad 2. Vbi dicit quod formam extrahi de potentia materię nihil aliud sit quā aliquid fieri in actu, quod prius erat in potentia: animam vero rationalem negat ita fieri actu vt prius esset in potentia materię, quia, inquit, Anima non habet suum esse dependens à materia, ergo secundum D. Thomam idem est formam educi siue extrahi de potentia subiecti, ac habere esse dependens à subiecto: Anima vero rationalis non habet suum esse dependens à materia; quia habet esse subsistens, vt idem docet ibidem: formę vero materiales habent esse dependens à materia, quia non habent esse subsistens vt docet quest. 75. art. 3.

Dices: apparet quidem in hoc quod dictum est, discrimen inter formam rationalem & materialem; scilicet quod illa possit naturaliter esse extra materiam: hæc vero minime. Sed hæc discrimen non euincit quod materia prima respectu formarum materialium habeat rationem causę, quia etiam si materia prima haberet rationem puram conditionis sine qua non, respectu formarum materialium, adhuc formę materiales non possent naturaliter existere extra ipsam: ergo non possent formas materiales existere extra materiam, non conuincit quod materia sit causa ipsarum.

Verum: considerentur Animę hominis & equi

equi in eo instanti in quo fiunt : certum est quod in illo instanti aliud munus exercet materia prima in productione Animæ equinæ, quam in productione animæ rationalis : nam in productione animæ rationalis exercet munus conditionis sine qua non ; ergo in productione Animæ equinæ aliud munus exercet quam conditionis sine qua non . Antecedens probatur quia productio animæ rationalis est creatio, non autem productio Animæ equinæ ; hæc dicitur fieri dependentem à subiecto, illa independentem : Anima rationalis fit à Deo solo sine concursu agentis creati, Anima equina ab agente creato : agens creatum habet indigentiam subiecti, ut producat formam, Deus hanc indigentiam non habet. Hæc indigentia fundatur in limitatione virtutis, & importat ex parte subiecti concursum quendam in eadem limitatione virtutis actiue fundatum ; adeoque non se habet ut pura conditio, sicut se habet respectu Dei creantis animam rationalem .

Hinc facile intelliges dependentiam quam habet forma materialis, puta anima equi à suo subiecto, esse dependentiam à causa, nam anima equi habet illam dependentiam à suo subiecto, quæ opponitur independentiæ animæ rationalis à suo : sed independentia animæ rationalis à subiecto est independentia à causa ; ergo dependentia animæ equinæ à subiecto est dependentia à causa . Maior probatur quia in illo eodem sensu dicunt Philosophi & Theologi omnes Animam rationalem fieri independentem à subiecto, in quo dicunt formam equi & quamlibet aliam formam materiale fieri dependentem à subiecto.

iecto. Minor autem probatur : quia independentia Animæ rationalis à subiecto non est independentia à conditione sine qua non, nequit enim fieri naturaliter Anima rationalis nisi in subiecto; ergo est independentia tamquam à causa .

Constat igitur quod quādo S. Doctor dicit Anima rationalē non habere suum esse dependens à materia; Animā vero equi habere suū esse dependens à materia: loquitur de dependentia tamquam à causa vt causa , quæ simpliciter & absolute dicitur dependentia. Probatio igitur nostræ conclusionis ex D. Thoma reducitur ad hunc Syllogismum. Forma equi eo modo dependet à materia, quomodo Anima hominis non dependet: siue Anima equi habet dependentiā à materia in ea ratione, in qua hominis Anima habet independentiam, sed Anima hominis habet independentiam à materia non tamquam à conditione, sed tamquam à causa; ergo Anima equi habet dependentiam à materia, non tamquam à conditione sed tamquam à causa. Maior est certa, quia prædictæ formæ in hoc opponuntur, & ideo vna creari dicitur; altera vero non, sed educi . Minor etiam est indubitata : quia comparaturaliter creari nequit Anima rationalis nisi præsupposito subiecto, ad cuius exigentiam illa creatur.

Omitto hic prosequi alios modos explicandi educationem formæ materialis ē materia , inter quos est ille de inchoatione formarum. Aiunt enim aliqui formas, quæ dicuntur educi , præexistere secundum quasdam inchoationes sui in materia, & actione agentis vsque ad perfectionem sui esse, perducere.

Reijcitur breuiter hæc sententia : primo a paritate formarum artificialium : quis enim dicat in marmore quolibet esse inchoatiuam formam Cæsaris, leonis, lupi, &c. nisi per li *inchoatiue* intelligatur esse in hoc marmore potentiam vt euadat Cæsar, leo, &c. In hoc sensu non est dubium esse in materia prima inchoationes formarum materialium. Secundo quia prædictæ formæ inchoatæ vel sunt formaliter in suo esse, puta in esse ignis; in esse plantæ, &c. vel non : si sunt, ergo in qualibet substantia est formaliter & actu quælibet substantia, quod reiectum est supra, vbi de formis latentibus. Si non: quid igitur sunt huiusmodi inchoationes nisi potentia materiæ per formam quamlibet actiuabilis actione agentis? Denique si per inchoationes formarum intelligantur formæ quædam minime ad quas fiat additio aliarum, actione agentis, vt in debitam molem excrescant; præterquam quod in quolibet ponunt actu quodlibet, redit difficultas vnde illa additamenta, siue illæ aliæ partes, quæ adduntur, habeantur, cum antea in materia non essent; & consequenter prædictæ inchoationes non faciunt quin aliquid fiat ex nihilo sui, quod maxime fugere intendit præfata sententia.

Standum est igitur explicationi petite ex D. Thoma locis citatis, dicendumque materiam concurrere passiuè, seu passiuè insinere in formam materialē per hoc, quod concurrat quodam adiuuante insufficientiā agentis creati : quæ est ratio cur agens creatū indigeat subiecto vt concausa, non autem agens increatum : quamuis enim Deus ipse

*Quom. mat. & forma causent totū 363*  
vti possit subiecto vt concausa; nequit tamen  
hoc facere ex indigentia, cum subiectum ip-  
sum ex nihilo creet. Totam hanc doctrinam  
habes apud Augustinum lib. primo de libe-  
ro arbitrio, vbi dicit illum non optime sen-  
tire de Deo qui non existimat illum esse re-  
ctorem iustissimū eorum omnium quæ crea-  
uit: nec vlla adiutum esse natura in crean-  
do, quasi qui non sibi sufficeret ex quo fit vt  
ex nihilo creauerit omnia. Agens autem  
creatum adiuuari debet aliqua natura, vide-  
licet materia prima vt dictum est, non enim  
sibi sufficit ad agendum.

## QVAESTIO II.

*Quomodo materia & forma cau-  
sent totum.*

**D**ico primò: non sicut materia causat  
passiue formam sic etiam causat passi-  
ue totum, totum inquam secundum distri-  
butionem partium. Hæc conclusio est clara:  
quia ipsa materia est pars totius; materia  
non causat passiue seipsam; ergo non causat  
passiue totum secundum distributionem par-  
tium.

Dico secundo. Materia & forma causant  
intrinsece totum per vnionem. Probatur:  
quia materia & forma causant intrinsece to-  
tum per hoc quod se mutuo inuicem com-  
municent, sed se mutuo communicant per  
vnionem; ergo materia & forma causant to-  
tum per vnionem. Patet: per hoc enim for-  
maliter habetur totum quod forma commu-

nicetur materiæ, & materia formæ: vni-  
autem ista duo extrema & sibi inuicem com-  
municari; sunt vnum & idem. Minus pro-  
prie vsurpatur hic vox ista *causare*, magis  
proprie materia & forma dicerentur consti-  
tuere totum, quam causare totum per vnio-  
nem.

Quæres cur non poterit dici quod causa-  
litas materiæ & formæ respectu totius ha-  
beatur per ipsam sustentationem, qua  
forma educitur de potentia subiecti?

Resp. non posse hoc vniuersaliter dici,  
quia etiam vbi non datur talis sustentatio  
materia & forma causant intrinsece totum.  
Pater hoc in compositio humano, in quo ma-  
teria & anima rationalis ita constituunt v-  
num; vt hæc non educatur de potentia il-  
lius, cōstituunt autem per mutuam commu-  
nicationem, quæ consistit in vnione, ergo per  
vnionem formaliter constituunt totum.

Præterea ratio ex pluribus faciens vnum  
substantialiale est de prædicamento substantiæ,  
vt dictum est alibi, sustentatio autem siue  
eductio non est de prædicamento substantiæ,  
cum pertineat ad prædicamentum actionis  
aut passionis; ergo eductio non est ratio fa-  
ciendi vnum ex materia & forma.

Hinc habes vnionem esse quid realiter di-  
stinctum ab eductione etiam in substantijs  
adæquate materialibus: nam eductio est ac-  
cidens, vnio est substantia modalis; ergo e-  
ductio non est vnio. Adde quod actio est ali-  
quid transiens, vnio aliquid permanens; er-  
go idem quod supra. Aduertendum tamen  
est aliquando nomine sustentationis intelli-  
gi vnionem formæ cum dependentia à mate-  
ria,

ria, & in hoc sensu non est dubium sustentationem, secundum unionem, esse causalitatem materiæ & formæ respectu totius.

Habes præterea materiam & formam non uniri formaliter per actionem productivam formæ, cum ab argumentatione prædicta, tum quia si ita esset, non posset Deus se solo facere substantiam factibilem à se simul cum alia substantia creata: puta non posset se solo facere ignem quem facit concurrendo cum alio igne, quod est absurdum. Proitur sequela: quia actio esset ratio formaliter uniens extrema, sed actio solius Dei est essentialiter diuersa ab actione Dei & substantiæ creatæ; ergo ratio formaliter uniens extrema esset essentialiter diuersa: sed ratio formaliter uniens extrema est de quidditate substantiæ; ergo aliquid pertinens ad quidditatem substantiæ esset essentialiter diuersum, & consequenter etiam ipsa substantia: adeoque ignis à solo Deo factus, esset specie diuersus ab igne, quæ facit Deus concurrens cum alio igne. Diuersitatem in quolibet ex constitutivis ponere diuersitatē in constituto: patet ex alibi dictis.

Censemus autem unioni pro subiecto inhæſionis congruenter assignari solam materiam, quamuis etiam forma sit subiectum adhæſionis. Quid sit subiectum inhæſionis, quid adhæſionis constat ex dictis: secundum non dicit rationem causæ ac prioritatem nature; secus primum. Hoc posito probatur conclusio: primò: quia sufficit materia pro subiecto inhæſionis; nec enim ad hoc ut unio uniat utrumque extremum, necesse est subiectari in utroque; ratio est: quia unio ut



vnians respicit id quod vnit per modum ex-  
tremi, non autem per modum subiecti: in-  
diget autem subiecto in quo fit, quia cum  
fit modus necessario debet esse in alio. Se-  
cundo quia congruentius est negare quā con-  
cedere formæ prioritatem naturæ: nam esse  
id ex quo fit id quod fit, & consequenter  
præexistere toti, est proprium materiæ; vt  
millies dicit Philosophus: fit autem id quod  
fit per hoc quod fiat totum; quod secundum  
doctrinam Philosophi simpliciter dicitur  
fieri: fit vero totum per actionem terminatā  
ad vnionem, quæ est ratio formalis faciens  
vnum, hoc est faciens substantiam ex mate-  
ria & forma. Habes præterea solitam pari-  
tatem ex artificialibus in quibus inepte di-  
ceres formam præsupponi natura ipsi artefa-  
cto; quod si dicas fieri totum per hoc quod  
fiat forma, falsum est: quia si vnio educatur  
de potentia formæ tam forma quam materia  
sunt pro priori ad totum. Puta tam formā  
quam materia ignis sunt pro priori ad ignē;  
neq. enim est ignis, nisi sit vnio inter ma-  
teriam & formam ignis: non fit autem for-  
maliter totum, per hoc quod fiat aliquid  
præcedens totum. Præterea eque proprie  
homo hominem generat, ac ignis ignem; &  
tamen actio generatiua hominis non termi-  
natur ad formam, tamquam ad terminum  
productum, sed ad vnionem, quæ est com-  
municatio termini à Deo creati ad materiā.  
Denique dispositiones quæ sunt in materia  
ad formam ignis sunt etiam ad vnionem  
eiusdem cum forma; & consequenter me-  
lius dixerit vnionem & formam se habere  
concomitanter, quam formam esse priorem  
vnione.

Dices: prius est esse quam vniri; ergo existentia formæ est prior vnione. Probatur antecedens: valet enim: *vnitur*; ergo *est*: non autem valet: *est*; ergo *est vnita*; cum impossibile sit formam vniri, & non esse: non autem impossibile est ipsam esse, & non vniri.

Resp. distinguendo maiorem: est prius prioritate naturæ: nego; prioritate logica: concedo. Quælibet proprietates essendi est logicè posterior ad ipsum esse: quia quælibet differentia essendi infert ipsum esse: esse autem vnitum est aliqua differentia essendi, & consequenter infert esse: ita moueri est prius quam currere, valet enim: *currit*; ergo *mouetur*: non autem valet: *mouetur*, ergo *currit*: currere est differentia motus seu potius est species motus; ratio inferior infert superiorem, species genus.

Hinc habes vnionem esse materiale: nam quod educitur de potentia materiæ est materiale. Hoc idem haberes etiam si tam è forma quam è materia educeretur: per hoc enim præcise quod passiuè pendeat à materia, est materialis; sed pendere insuper à forma etiam spirituali, non tollit pendere à materia, ergo non tolletur ab vnione ratio materialis: pendere enim à spiritu & à materia non negat, immo ponit pendere à materia.

Dices: vnio est materialis; ergo est multiplex, ergo falsum est quod alibi dictum est, vnionem esse vnicam in compositione. Probatur prima consequentia: quia omne materiale est diuisibile, diuisibile autem est multiplex, constat enim pluribus partibus, quarum singulæ sunt in eadem specie ac ip-

sum. puta lignum palmare constat multis partibus quarum quælibet est lignum. Vnio igitur si diuisibilis est, pluribus partibus constat, quarum quælibet est vnio. Præterea istæ partes vnionis seu istæ vniones partiales coalescunt in vnā totalem, quæ est vnica mediantibus alijs vnionibus, debent enim inter se vniri, vt coalescant in vnum, sicut plures particulæ eiusdem ligni palmaris vniri debent vt in vnum palmum coalescant.

Resp. esse vnicā vnionem totalem, sicut vnica est materia qua totū constat licet, sit diuisibilis in plures particulās, quarū quælibet est materia. An autem partes illæ in quas est diuisibilis vnio sint finitæ an infinitæ, an actu, an solum potentia distinctæ, an egeant vel non egeant vnionibus, quibus inter se copulentur, & an huiusmodi vniones etiam ipsæ sint diuisibiles, an indiuisibiles non facit ad rem præsentem,

Si singulæ partes vnionis vniantur distinctis vnionibus, huiusmodi vniones non sunt vniones materiæ ad formam, aut formæ ad materiam: sed vniones continuatiuæ partiū vnionis totalis, de quibus dicendum erit quod de quolibet continuo, & de quolibet diuisibili suo loco dicemus. Interim nota quod etiam data duplici vnione, vna scilicet ex parte formæ, puta ex parte animæ rationalis, quæ sit spiritalis, & altera ex parte materiæ, manet eadem omnino difficultas, quæ non est difficultas vnionis, sed continui. Adde quod excepto homine difficile est in substantijs sensibilibus ponere vnionem spiritualement.

## QVAESTIO III.

*An eadem actione producantur &  
unio & forma.*

**A**ctio qua producitur unio vocatur vnitio: est autem inter vnitionem & vnionem illud discrimen quod est inter albedinem & dealbationem. Albedo enim est illa forma qua subiectum est album. Dealbatio est actio illa, qua albedo communicatur subiecto. Unio est ratio formalis qua materia & forma euadunt vnum quid; vnitio est illa actio qua ponitur in rerum natura unio.

Consideranda est autem in materia duplex indifferentia. Altera est ad concurrendum vel non concurrendum passiuè ad productionem formæ; altera ad concurrendum vel non, ad productionem vnionis. Prima tollitur per actionemeductiuam formæ, secunda per actionemeductiuam vnionis. Dubitatur autem hic an vna sit actio ablatiua vtriusq. indifferentiæ, an duplex.

Dicendum est primo. Non est de ratione actionis qua producitur unio, esse productiuam formæ, quæ per vnionem communicatur materiæ. Probatur: quia in generatione hominis actio terminatur ad vnionem qua anima rationalis communicatur materiæ, non autem est productiua anime, ergo &c. Hinc habes quod non quilibet potens communicare formam materiæ, est illico potens producere formam; cum actio agentis creati communi-

cet materiæ animam rationalem, quam nequit producere.

Dicendum est secundo. Non repugnat per vnā eandemque actionem produci & formam & vnionem formæ. Probatur: quia non repugnat eandem actionem terminari ad plura: ita eadem visio est & albi & nigri, eadem auditio acuti & grauis. Confirmatur ex alibi dictis: nam & forma & vnio & actio ipsa in vno eodemque subiecto recipientur.

Dices: actio specificatur à termino; ergo eiusdem actionis nequeunt esse plures termini. Probatur antecedens quia actio est motus, motus autem à termino, vt aiunt, specificatur. Probatur consequentia quia essent plura specificatiua eiusdem, adeoque idem esset multiplicis speciei.

Resp. transmissio antecedenti, eiusq. probatione: negando consequentiam. Ad probationem distingue: essent plura specificatiua adæquata: nega, inadæquata: concede. Visionis attingentis album & nigrum specificatiuum adæquatum est album & nigrum; itant visio attingens solum album ab ipsa differat; sicut & differet si solum nigrum. Actio terminata ad vnionem simul & ad formam specificatur ab vtraque simul; itant differat a qualibet terminata ad alterum dūtaxat ex prædictis.

Dicendum est tertio. In substantijs adæquate materialibus eadem actione ponitur in natura & forma & vnio. Probatur: quia materia prima est æque disposita ad vtrāq. & agens æque vtriusq. effectiuum: non est igitur cur multiplicentur actiones iuxta il-

lud: frustra sit per plura quod aequè fieri potest per pauciora. Quamuis autem eadem sit actio per quam & forma & vnio ponitur in natura: dicitur tamen generatiua per hoc quod terminetur ad vnionem vt ad rationem productam, non autem per hoc quod terminetur ad formam, nisi si *terminari* intelligas pro terminari ad rationem communicatam. Non est autem nouum actionem recipere hanc vel illam denominationem ab hoc potius quam ab illo. Ita actio solis est illuminatiua & calefactiua: dicitur autem illuminatiua prout terminatur ad lucem, calefactiua prout ad calorem.

Contra ea quæ tam hac, quàm superioribus quæstionibus dicta sunt.

Obijcies primò. Sequitur ex prædicta doctrina hominem fieri dependenter à materia: consequens est absurdum, ergo & antecedens. Sequela maioris probatur: quia homo fit per illam actionem quæ terminatur ad vnionem: actio quæ terminatur ad vnionem, est dependens à materia, & vera sustentatio; ergo homo fit dependenter à materia, & per veram sustentationem. Minor vero probatur: quia homo dicitur creari.

Resp. concessa maiori: negando minorẽ. Ad probationem: homo generatur, anima creatur; adeoq. falsum est dici de homine quod creatur, sicut falsum est dici de anima, quod fit homo. Tam autem proprie homo hominem, quam ignis generat ignem; quia videlicet ratio formalissima generantis consistit in hoc quod producat id, quo duo extrema sunt formaliter vna substantia; hoc autem æquè producit ab homine & in

homine *B* ac ab igne *A* in igne *B*.

Quemadmodum autem eque proprie generatur homo, ac ignis: ita etiam eque proprie corrumpitur homo, ac ignis: utrumque videlicet per destructionem unionis, seu per separationem formæ à materia, siue illa forma supersit, siue nō, destructioni totius. Hinc ineptum est hoc argumentum; actio qua ignis generat ignem ponit in natura non solum unionem, sed formam, actio verò, qua homo generat hominem ponit in natura solum unionem: ergo magis proprie ignis generat ignem, quam homo hominem. Concede antecedens; & nega consequentiam. Poni in natura, vel non poni per actionem *A* formam, quæ per actionem *A* communicatur materiæ, impertinenter se habet ad conceptum generantis; sicut impertinenter se habet ad conceptum corruptentis tollere, vel non tollere è rerum natura, formam quæ separatur à materia.

Ad probationem minoris: nota actionem illam, qua educitur unio de potentia materiæ, in generatione hominis, dici sustentationem non respectu animæ, sed respectu unionis; idem enim est sustentari, ac esse in materia dependenter ab ipsa in genere causæ: materia autem est quidem causa unionis non autem animæ rationalis; ex quo apparet non omnem formam, quæ immutat intrinsece materiam, respicere materiam per modum causæ passivæ.

Obijcies secundò. Omnis causa alicuius effectus est causa: causa formalis nullius effectus est causa, ergo causa formalis non est causa. Maior est certa, causa enim, & effectus

Etus sunt correlatiua. Minor probatur: quia neque totum, neque vlla pars totius pendet à forma: non forma, nec enim ipsa à seipsa pendet: immò esse à se, & pendere, sunt termini repugnantes. Forma autem non est à se, nec vlllo modo pendet à se. Non materia quæ præsupponitur ipsi; diciturq. à Philo- sopho ingenerabilis, & incorruptibilis. Non vnio, vt dictum est suprà. Non totum ipsum: cum in toto nihil sit præter mate- riam, formam, & unionem, quorum singula sunt independentia à forma, vt patet ex enu- meratione proposita.

Resp. concessa maiori: negando mino- rem. Ad probationem dic effectum causæ for- malis esse totum; quod non dicitur respec- tu formæ effectus simpliciter; sed effectus formalis. Quod si quæras aliquid quod sit effectus simpliciter sine addito respectu cau- sæ formalis: absurde petis; cum effectus sim- pliciter sit correlatiuum efficientis, quæ etià simpliciter, & sine addito dicitur causa. Vnde quærenti causâ incendiij rectè assignatur, qui ignem applicuit; & quærenti causam cuiuslibet rei simpliciter: rectè assignatur, qui rem illam effecit. Effectus igitur albedi- nis est album, & quodlibet totum substan- tiale dicitur effectus formalis illius formæ, per quam constituitur in hac potius, quam in illa ratione substantiæ. Hinc vides effe- ctum formalem formæ non contradistingui à forma. Ad probationem, quæ fit per enu- merationem dic quod quemadmodum nulla pars est totum, ita etiam nulla pars est effe- ctus formalis formæ.

Nota obiter discrimen inter materiam;  
& for-



& formam. Tam hæc, quàm illa determinant per modum intrinseci constitutum totius. Materia autem determinat insuper per modum causæ ad existentiam tam formæ, quàm vnionis. Hinc materia præter seipsam, dat toti vnionem; & formam in genere causæ materialiter concurrentis ad existentiam vtriusque: forma autem nihil dat, nisi seipsam: hinc apparet, quod etiam si debeat præsupponi toti materia, iuxta illud: *Ex nihilo nihil fit*, non propterea debebit præsupponi forma, vt suo loco diceretur.

Facile est ex dictis colligere quomodo tota substantia dicatur genita ab alia substantia, putà homo ab homine, ignis ab igne. Sunt qui dicant ideò ignem *B* tribui igni *A*, quia quamuis aliqua pars constitutiva ipsius, putà materia non sit ab igne *A*, est tamen ab igne *A*, forma, quæ utpote pars potior in toto sustinet denominationem quidditatis. Hæc doctrina infirma est. Quid enim dicent de homine, in quo nec materia, nec forma est à generante? Melius igitur dices effectum tribui simpliciter, & absolute efficienti, quia efficiens producendo vnionem communicat formam materiæ, & efficit ex duobus extremis vnum quid, vt dictum est.

Iam verò ad complementum huius controuersie: satisfaciendum est nonnullis dubitationibus. Dubitabis igitur primo, an Deus supplere possit pro causa materiali.


Resp. ex dictis causam materiale[m] considerari posse, vel vt causam formæ, vel vt causam, seu potius constitutum totius. Vt causa formæ suppleri potest à Deo, non quidem gerente se vt causam materiale[m]: implicat

plicat enim Deum pati vel educationem, vel formam; sed ut causam efficientem. Supplebit autem per hoc, quod sine concursu materiæ vel se solo, vel simul cum efficiente creato, vberius influat in effectum, vel quolibet alio altiori genere supplendi. In genere autem causæ intrinsicæ, seu constitutiui implicat Deum supplere, hoc est implicat ex Deo, & forma ignis, fieri illud totum quod fit ex materia, & forma ignis.

Dubitabis secundò. An supplere possit pro causa formali?

Huic dubitationi, si benè memini, satisfactum est alibi, vbi dictum est esse implicantiam in terminis ex Deo, & quolibet alio fieri illud totum, seu compositum, quod fit ex materia, & qualibet forma creata, seu quod fit ex quibuslibet creatura, & creatura. Hinc habes etiã nullam formam, immò nullā rem creatā, immò nullam rem simpliciter posse pro vlla alia re supplere in genere constitutiui intrinsici. Quæ omnia patent ex terminis, sicut patet binarium ex Petro, & Paulo non esse binarium ex Petro, & Francisco.

Solutis dubitationibus circā materiam, & formam non est, quod dubitetur circa unionem. Ideoque procedendum est ad aliud.



## QVÆSTIO IV.

## De Toto.

## ARTICVLVS I.

*An totum, & partes sint idem?*

**P**Ræter materiam, formam, & vnionem dari præterea in quolibet toto substantiali, subsistentiam, quæ sit veluti vltimum complementum illius substantiæ; est sententia satis communis, quamuis communiter non conueniant in determinando quidnam sit prædicta subsistentia. Quæstio præsens ab illa quæstione præscindit. Siue igitur in toto præter materiam, formam, & vnionem detur, siue non detur prædicta subsistentia: quærimus, an totum distingatur realiter à partibus intelligendo nomine partium materiam, formam, vnionem, & subsistentiam ipsam, si hæc detur: materiam, formam, & vnionem præcise, si subsistentia sit aliquid pure commentitium: de quo alibi.

Dico primò: totum distinguitur realiter à singulis partibus. Conclusio est indubitata: totum enim de qualibet sui parte est negabile, & vicissim quælibet pars de toto, quod ipsa constituat. Nam verum est: homo non est anima: homo non est materia, sicut verum est: anima non est homo: materia non est homo. Est enim euident, in toto præter quamlibet partem includi aliam partem,  
adeo-

adeoq; totum distingui à parte qualibet sicut includens ab incluso. Hæc conclusio sicut est manifesta intelligenti, ita non intelligenti nequit probari.

Dico secundo Totum non distinguitur à partibus simul sumptis. Hæc conclusio nihil aliud dicit, nisi totum nihil esse præter omnes sui partes, adeoq; est fere æque evidens, ac prima, quamvis aliquos habeat aduersarios, quos non habet prima. Probatur autem, quia positis omnibus partibus ponitur formaliter totum; ergo totum non consistit in alio, quam in omnibus partibus simul. Nomine partium utendum est hic paulò liberaliùs, intelligendo videlicet nomine partis tam id quod se habet ut quo, quam id quod se habet ut quod, in toto.

Probatur ulterius eadem conclusio accipiendo illud totum, quod aiunt Aduersarij distingui à partibus simul sumptis. Nam vel illud totum est parziale constitutum substantiæ physicæ, vel est ipsamet adæquata substantia physica: neutrum dici potest, ergo illud totum distinctum ab omnibus partibus est totum chimericum. Minor probabatur: si enim dicas esse parziale constitutum substantiæ, eo ipso non est totum; implicat enim in terminis quod pars sit totum: si autem dicas esse ipsammet totam substantiam, seu ipsummet vnum quid; peto ut assignes quid sit præter materiam, formam, & unionem, & si vis etiam subsistentiam. Vel enim est contradistinctum ab omnibus illis partibus, vel solum distinctum, utramq; repugnat ex terminis: esse distinctum solum est esse, vel aliquam ex illis partibus, vel  
ali-

aliquid huiusmodi : esse contradistinctum est non includere , nec ullam ex prædictis partibus, nec omnes, nec includi in ipsis. Implicat autem quod & pars sit totum , & totum pars, & quod tota substantia non includat ullum constitutum substantiæ ; putà quod illud totum, quod est homo, nō includat corpus, animam, vnionem, &c.

Præterea si in toto præter partes detur totalitas, per quam partes euadant totum, illa totalitas seipsa præcisè non erit totum, sed totum constabit ex ipsa, & alijs partibus constitutivis substantiæ ; adeoque semper erit verum totum non distingui à partibus simul sumptis ; quia de nullo extrà partes simul sumptas verum erit : est totum.

Propterea nemo est, qui rem intelligens dicat totum contradistingui à partibus. Quamuis nonnulli dicant totalitatem distingui à toto , & quidem adæquatè , quod est contradistingui, sicut v.g. similitudo contradistinguitur à simili. Et hoc modo intelligendi sunt acutiores Scotistæ, quando ponunt in toto formam totalitatis, quæ est relatio quædam totius ad partes. Huiusmodi autem relationem eo modo explicabimus in responsione ad argumenta, sicut alibi explicuimus alias relationes, adeoque huic argumento : datur inter totum, & partes vera relatio ; ergo vera distinctio : satisfaciemus distinctione iam supra posita de partibus simul, vel seorsim acceptis.

Dices : accipi hoc, vel illo modo seorsim, vel simul ; distributiue, vel collectiue est opus intellectus : opus intellectus non facit, ut hoc et illud distinguantur, vel identifi-

centur realiter; ergo accipere simul, vel seorsim, &c. non facit vt totum distinguantur à partibus, vel identificetur cum ipsis.

Resp. concedendo totum : sed quid ad rem ? Affirmare vel negare hoc de illo est opus intellectus : opus intellectus non facit vt hoc sit vel non sit illud ; ergo affirmare vel negare non facit quod hoc, vel non sit illud. Hoc etiam totum est verum; & tamen si affirmes de homine quod sit animal verum dicis, si neges, falsum : quamuis tuum affirmare aut negare nihil mutet ex parte obiecti. Dum igitur dicis totum esse partes simul acceptas non autem seorsim, & è conuerso: explicas in qua suppositione sit li *omnes partes* quando de ipsis dicitur quod sint totum, videlicet in suppositione collectiua nō autem distributiua. Habes in summulis duas propositiones quibus hoc explices. *Omnes Apostoli sunt Sancti.* Et : *omnes Apostoli sunt duodecim.* Prima ita vera est vt prædicatum dicatur de singulis, secunda ita vt prædicatum dicatur solum de omnibus.

## ARTICVLVS II.

*Satisfit obiectionibus.*

**O**bjicitur primò, Aristoteles quintò metaph. capit. quarto dicens quod qualibet substantia dicitur vt sex, non autem vt bis tria. Item dicit quod syllaba *BA* non est *B* & *A*; ergo secundum Philosophum substantia non est omnes suæ partes, sed aliquid aliud : Consequentia probatur quia si substantia esset omnes sui partes, homo esset

set corpus & anima, adeoq. sicut tria, & tria;  
non autem hoc vnum; sicut sex, idem dic de  
*BA*.

Resp. primò. Hoc argumento probare  
aliquos necessitatem vnionis inter materiam  
& formam, sicut requiritur aliquis nexus in-  
ter tria & tria vt sint sex, inter *B* & *A* vt  
sint *BA*, nexus inter *B* & *A* est vnitas pro-  
nuntiationis, inter tria & tria est combina-  
tio vel realis vel imaginaria in vnitatē nu-  
meri qui est senarius.

Resp. secundò, pro exemplo rei eviden-  
tissime afferri solere: duo, & tria sunt quin-  
que, tria, & tria sunt sex: si igitur est æque  
evidens materiam formam, & vnionem esse  
totum, sicut est evidens, quod tria, & tria  
sunt sex: nemo vtens lumine naturæ potest  
nostræ conclusioni contradicere. Dic igitur,  
vt faueas Aristoteli, tria, & tria seorsim non  
esse sex, simul autem esse sex; eodem modo  
omnes partes, ly *Omnes* supponendo distri-  
butiue, non sunt totum; secus si supponat  
collectiue.

Pietercà intentum Philosophi est dicere,  
quòd substantia non debet vocari per enu-  
merationem partium, sed vno nomine: *Sub-  
stantia quælibet*, ait ille, *semel dicitur*, hoc  
est vno nomine appellatur. Hinc si dicas  
seruo vt vocet canem non dices: materia,  
anima rationalis, & vnio! voca materiã, ani-  
mam latrabilem, & vnionem; sed breuiter:  
O Dauid! voca Melampum.

Obijcies secundò. Ex eodem Philosopho  
2. Metaph. textu vltimo. Compositum quod  
itã est, vt sit vnum totum, non itã est vt  
vnus cumulus, nec sicut aceruus lapidum;  
ergo

ergo ex mente Philosophi totum dicit ali-  
quid supra partes collectivè acceptas. Con-  
sequentia probatur, quia etiam cumulus, &  
aceruus lapidum est omnes sui partes colle-  
ctivè acceptæ, ergo, &c.

Resp. concesso antecedenti: negando con-  
sequentiam. Ad probationem concesso an-  
tecedenti: nega consequentiam. Et aceruus  
lapidum, & homo est omnes sui partes col-  
lectivè acceptæ: non tamen homo est sicut  
aceruus, quia in aceruo non est vnum qui-  
dem per modum potentiæ, alterum verò per  
modum actus, secus in homine, in quo præ-  
terea communicatio actus cum potentia nō  
est mera iuxta positio vnius ad aliud, sicut  
in aceruo, lapidis ad lapidem.

Obijcitur tertio. Partes collectivè acceptæ  
sunt causa totius; ergo distinguuntur à toto.  
Consequentia probatur: quia inter causam,  
& effectum est vera distinctio. Antecedens  
autem probatur, quia singulæ partes sunt  
causa partialis totius; ergo omnes partes sunt  
causa totalis.

Resp. negando antecedens. Ad probatio-  
nem omisso antecedenti: nega consequen-  
tiam. Omisi antecedens, quia partes melius  
dicuntur constitutiva, quam causæ totius.

Dices: in eo genere, in quo dantur causæ  
partiales debet dari causa totalis: in genere  
causæ intrinsecæ debent dari causæ partiales,  
ergo in eodem genere debet dari causa to-  
talis. Confirmatur à pari, nam ex eo quod in  
genere causæ extrinsecæ dentur causæ par-  
tiales, datur etiam causa totalis extrinseca;  
ergo si dentur in genere causæ intrinsecæ  
causæ partiales, debet in genere causæ in-  
trin-



intrinsecè dari causa totalis.

Resp. idem esse causam intrinsecam, & partem componentem. Ex hoc patet ad argumentum. Esse causam adæquatam est esse causam, vltra quam non sit alia causa: ergo esse causam adæquatam intrinsecam est esse partem componentem, vltra quam non sit vllum aliud componens: repugnat autem in terminis esse partem componentem, & excludere quodlibet aliud componens. Hinc apparet cur non detur causa adæquata intrinseca. Esse causam extrinsecam non est esse partem, sed aliquid ex quo sit effectus: per hoc autem quod detur aliquid, ex quo sit effectus non excluditur, cum aliquo aliquid poni, & ex pluribus cõflari principium adæquatum, seu sufficientiam adæquatam, vnde sit id, quod sit, & consequenter ex causa adæquata extrinseca malè infertur necessitas, immò possibilitas causæ adæquate intrinsecæ. Ad argumentum in forma nega maiorem, ad confirmationem transmissio antec. nega consequentiam. Disparitas patet ex dictis. Requiritur causa extrinseca adæquata, quia implicat aliquid esse, & non esse à principio sufficienti ad hoc vt ipsū sit. Implicat dari causam intrinsecam adæquatam, quia causa intrinseca, & pars sunt formaliter idem, implicat autem in terminis esse partem, & non habere vllam compartem. Hinc partes dicuntur causæ partiales: non quod sint partes in genere causæ, sed quod causæ in genere partis.

Instabis; præter partes collectiuè acceptas nihil aliud intrinsecè causat; ergo partes collectiuè acceptæ intrinsecè causant.

Resp.

Resp. omisso antecedenti: negando consequentiam. Omisi antecedens propter equivocationem quam continet, adeoque qua explicabile est sine damno veritatis: præter partes collectivè acceptas nihil totaliter causat, quia non datur, nec dari potest causa totalis intrinseca: & consequenter ex eo quod nulla alia sit causa totalis, malè inferes quod ipsæ sint causa totalis, sicuti ex eo quod nullus alius calamus sit chimera, malè inferes tuum esse chimeram. Præter partes collectivè acceptas sunt eadem partes distributivè acceptæ; illæ autem causant quidem totum, sed partialiter: hoc est singulæ earum sunt partes, non autem totum. Quod nihil aliud est, nisi omnes partes accipiendo ly *Omnes* in suppositione distributiva facere veram propositionem affirmantem, quod causent, secus in collectiva.

Replicabis: illud totaliter causat, ultra quod nihil aliud causat, sed ultra omnes partes collectivè acceptas nihil aliud causat; ergo omnes partes collectivè acceptæ totaliter causant.

Resp. negando maiorem. Ad hoc ut aliquid causet totaliter non sufficit ut præter ipsum nihil aliud causet: sed requiritur ut ipsum causet: ita autem præter omnes partes collectivè acceptas nihil causat, ut ipsæ tamen non causent. Si hanc propositionem: *præter partes collectivè acceptas nihil causat* examines in rigore logico inuenies falsam: si enim hanc exponas secundum leges in summulis traditas: inuenies hunc sensum: partes collectivè acceptæ causant, & nihil aliud causat, quæ propositio est falsa. Ex eadem

ratione inuenies potuisse concedi hanc *aliam* illud causat totaliter præter quod nihil aliud causat : facit enim hunc sensum : illud causat totaliter quod causat itaut nihil aliud causet . Hoc autem de partibus quæ causant, & secundum quod causant falsificari est euidens , cum euidens sit præter quamlibet causam intrinsecam esse *aliam* causam intrinsecam .

Patet ex dictis quid dicendum sit de relatione scotistica seu de forma totalitatis : relatio est non inter totum & omnes partes sumendo si *omnes* collectivè, sed inter totum & omnes partes, ponendo si *omnes* distributivè : sicut autem est relatio ita est distinctio . Adeoque sicut totum refertur ad hanc & illam : ita totum distinguitur ab hac & illa . Et de hoc satis .

## Q V A E S T I O V.

### *De Subsistentia .*

#### A R T I C V L V S I.

##### *Status quæstionis .*

**A**ntiquiores Philosophi de subsistentia nihil ex professo disputarunt : quia disputandi occasione caruerunt . Hanc enim quæstionem iniecit in scholas *Mysterium Incarnationis* . Natura humana siue *Humānitas Christi Domini* non subsistit in se , sed in Verbo . Verbum divinum assum. p̄t naturam humanam, non autem personā-

**I**n Christo Domino sunt duæ naturæ una persona. Sic loquuntur Patres & Concilia contra Nestorium, aliosue hereticos. Hinc orta est controuersia de formali constitutio subsistentis, suppositi, personæ.

Est opinio satis communis inter recentiores subsistentiam consistere in modo quodā substantiali ultimo complente naturam singularem, & præstante illi, ut sistat in se. Per huiusmodi modum natura secundum se essentialiter indifferens ad subsistendum in se, vel in alio, determinatur ad subsistendum in se potius quam in alio. Verbum diuinum assumpsit solum naturam singularem, non autem simul modum illum propterea assumpsit naturam, non autem personam.

Operæ pretium est ad maiorem euidenciam veritatis aliqua distinguere quæ facile confunduntur: fortasse enim non per idem habetur ratio formaliter constitutiva personæ, per quod habetur ratio formaliter constitutiva suppositi; nec per idem habetur ratio constitutiva suppositi, per quod habetur ratio constitutiva subsistentis. Explicatur hoc. Quotiescunq; aliquæ rationes, inueniuntur diuisæ in pluribus subiectis toties etiam unitæ in vno eodemque subiecto non sunt formaliter idem. v.g. ratio peccati & ratio auersionis à Deo reperiuntur diuisæ in pluribus obiectis: nam in peccato veniali reperitur ratio peccati, non tamen reperitur ratio auersionis à Deo. Ideo quamuis in peccato mortali duæ istæ rationes reperiantur, peccati videlicet & auersionis à Deo, non sunt tamen in eodem peccato formaliter idem. Item ratio sensitui & ratio discursui reperiuntur diuisæ

sim in pluribus discursui in homine, sensiu in bruto: quamuis autem in vno eodemque homine duæ istæ rationes vniantur, non sunt tamen in homine formaliter idem.

Rursus ratio subsistentis, ratio suppositi & ratio personæ inueniuntur diuisim in pluribus, ergo etiam cum sunt in vno eodemque, non sunt formaliter idem. Quod autem reperiantur diuisim ostenditur. Anima rationalis, vt supponitur hic, & suo loco probabitur; est quid subsistens: & tamen non est suppositum neque persona. Bucephalus est subsistens & suppositum, sed non persona. Petrus vero est subsistens, suppositum & persona. Ratio personæ sicut & ratio suppositi dicit incommunicabilitatem, vt aiunt Theologi: nō tamen omnes, aiunt quod ratio subsistentis dicat huiusmodi incommunicabilitatē.

Inuenies etiam qui quatuor subsistentias ponat in diuinis nimirum subsistentiam per quam natura diuina in se subsistat: deinde aliam per quam in Patre, aliam per quam in Filio, aliam per quam in Spiritu Sancto. Non autem inuenies qui ponat quatuor personas aut quatuor supposita.

Alia sententia negat suppositum supra naturam addere modum substantialem aut quodlibet aliud positiuū. Ait autem naturā in sua specie completam, per hoc formaliter subsistere in se, quod intrinsece non vnietur ulli alteri substantiæ absolutæ. Si natura hoc modo existens non sit intellectiua dicitur suppositum: si autem sit intellectiua, præter denominationem suppositi, sustinet denominationem personæ; quod nomen tribuitur dignitati fortasse quia com-

pa-

parent in scenis personati qui Dynastarum & Regum partes agunt. Quod si natura existens inodo prædicto sit quidem incompleta, idonea tamen existere separata ab omni alio, cuiusmodi est anima rationalis, diceretur quidem subsistens, non autem suppositum neque persona. Hæc autem omnia dicuntur subsistere in se, per hoc præcise quod sint & nulli alteri absolutæ substantiæ intrinsicè uniantur; hoc est constituuntur in ratione subsistentis in se per suum esse & negationem unionis intrinsicæ ad ulteriorem substantiam absolutam.

Non vacat alias sententias circa subsistentiam enumerare: sufficienter enim refelluntur quæcunq. sunt contra nos, per probationem nostram, quam auditis prius aduersarijs proponemus. Est igitur pro sententia primo loco relata.

Prima ratio à pari. Subsistentiæ diuinæ per quas videlicet natura diuina subsistit in Patre, in Filio, & in Spiritu Sancto sunt quid positium; ergo etiam subsistentia creata per quam hæc natura humana sit hæc persona, est aliquid positium.

Secunda, per subsistentiam formaliter constituitur totum substantiale completum: sed omne constitutum totius substantialis completi est aliquid positium; ergo subsistentia creata est aliquid positium. Confirmatur quia subsistentia est vltimum complementum, est terminus vltimo terminans, est vltima perfectio naturæ subsistentis, est ratio per quam ego sum ego: hæc omnia sonant aliquid positium, ergo subsistentia habetur per aliquid positium. Explicatur hoc. Per hoc

quod hæc mea singularis natura subsistat in se vt de facto subsistit, possum dicere illud ego quod non dicerem si hæc eadem singularis natura subsisteret in alio: vnde est aliud ego quod dicitur ab illo homine qui Deus est, quam esset id quod diceretur si singularis illa natura non esset assumpta à verbo. Vide P Maurum pro hoc suo ego egregie disputantem.

Tertia est de fide & dictum à Concilijs. Verbum Diuinum assumens humanitatem non assumpsisse personam: ergo persona supra humanitatem, hoc est supra hanc singularem naturam, dicit aliquid positium. Consequentia probatur: quia si dicit puram negationem, cum negatio nihil sit, dictum esset à concilijs Verbum diuinum assumpsisse quidem naturam singularem, sed præterea non assumpsisse illud nihil: quod videtur ineptum ex terminis.

Quarta, est argumentum Arriagæ. Definitum est humanitatem assumptam à verbo per huiusmodi assumptionem non mansisse personam: ergo vel ratio personæ superaddit naturæ aliquid positium, vel fuit inepta definitio seu decisio Concilij: Consequentia probatur: quia si humanitas singularis constituitur in ratione personæ per se, & negationem vnionis intrinsecæ ad vltiorem substantiam, Concilium definiens per vnionem ad verbum non mansisse personam, definit humanitatem cum vnione ad aliam substantiam non mansisse non vnitam alteri substantiæ, Videtur autem ridiculum definire quod res vnita non manet in sensu competitio vnionis, non vnita.

Quin-

Quinta. Fulminatur Anathema contra omnes & singulos qui dicunt dari in Christo duas subsistentias: vnā scilicet verbi, alteram humanitatis: hoc autem fulmen est inane cum torqueri nequeat nisi contra demētes, si subsistentia nihil superaddat vt dictū est. Dicere enim quod cum vnione Humanitatis ad Verbum, remanet humanitas diuisa à Verbo magis est dementis quam Hæretici. Immo nequit esse nisi non intelligentis terminos; cum sit contradictio in terminis.

Sexta. Dicunt communiter Theologi subsistentiam Verbi supplere in Christo seu potius in humanitate defectum subsistentiæ propriæ, ergo si subsistentia creata secundum id quod superaddit naturæ, consistit in negatione; subsistentia Verbi Diuini supplet defectum negationis. Consequentia est euidentis. Sed est absurdum dicere quod verbum diuinum suppleat defectum negationis, ergo, &c. Minor subsumpta probatur quia verbum Diuinum contradictorie opponitur tali negationi: sed vnum contradictorium nequit supplere defectum alterius; ergo Verbum Diuinum supplere nequit pro subsistentia creata. Minor probatur; quia dicere quod vnum contradictorium suppleat pro altero siue gerat vices alterius, est dicere quod lux in aere suppleat pro tenebris, seu gerat vices tenebrarum, quod videtur ineptum ex terminis. His non obstantibus.

Standum est sententiæ secundo loco relatæ; pro qua Aduersarij citant Scotum, & cum Scoto citare possent D. Thomam quænam tamen citant pro opposita. Sed de hoc non est diu controuertendum. Sufficit legere D.



Thomam in quæstionibus disputatis quæst. 11. & in quæstione de vnione Verbi Incarnati art. secundo : vbi non aliam reddit rationem cur humana natura cum tota sua singularitate in Christo non sit persona ; nisi quia non existit separata ab alio : ergo secundum Doctorem Angelicum ratio personæ habetur in natura humana singulari per hoc quod diuisa sit ab omni alio, cum quo faciat vnum.

Probatur autem hæc nostra Conclusio primo ex Mysterio Incarnationis : quia videlicet hæc sententia clarissime explicat quomodo Verbum diuinum assumpserit naturam, non vero personam humanam ; implicat enim naturam humanam vnione sibi intrinseca unitam Verbo diuino habere negationem vnionis intrinsecæ ad vltiorem substantiam. Habere inquam hanc negationem in sensu compositæ vnionis ; ergo per huiusmodi negationem clarissime explicatur ratio subsistentiæ, supposititalitatis, personalitatis, creatæ. Immo Doctores oppositi ex hoc capite impugnant nostram sententiam quia qui illam tenent nequeunt incidere in hæresim Nestorianam. Est enim euidenter eandem naturam non posse simul habere & non habere vnionem intrinsecam ad aliud, & consequenter non posse retinere suam substantiam simul cum subsistentia aliena. An autem euidenter sit modum illum substantialem seu quodlibet aliud positium esse essentialiter impossibilem vel cum alio modo, vel cum alia substantia : me remitto.

Probatur secundo. Ex definitione personæ apud Boetium. *Persona est rationalis natu-*

*naturæ indiuidua substantia.* Indiuiduum autem iuxta definitionem D. Thomæ est *indiuifum in fe, & diuifum à quocunque alio*, ergo indiuidua substantia naturæ rationalis est substantia naturæ rationalis indiuifa in fe, & diuifa à quacunque alia; ergo per hoc quod fit substantia naturæ rationalis in fe indiuifa, & diuifa à quacunque alia, est persona. Quod autem diuifio à quocunque alio non habeatur fufficienter per negationem vñionis cum alio, sine fundamento aſſeritur. Eſſe enim diuifum ab alio, & non eſſe vñitum cum alio, ſunt formaliter idem.

Hinc verbum Diuinum aſſumens Humanitatem ſingularem & cum illa conſtituens vñum Chriſtum, aſſumpſit quidem naturam humanam ſingularem, non tamen perſonam; immo recte dicitur aſſumpſiſſe naturam, & conſumpſiſſe perſonam: implicat enim remanere rationem cum qua eſſet perſona, ſimul cum cōtradictorio talis rationis: & conſequenter implicat naturam hanc ſingularem ſua perſonalitate frui, & ſimul vñiri alteri ſubſtantię cum qua faciat vñum.

Aduertendum eſt autem hic cum D. Thoma locis citatis & alibi per rationalem naturam intelligi omnem naturam intellectiuam, non autem ſolum illam quæ eſt diſcurſiua: aliter perſonæ diuinæ non eſſēt perſonæ; vñde aliqui definitionem Boetianam emendare volentes perſonam definiuerunt: *intellectiua naturæ indiuiduam ſubſtantiam.*

## ARTICVLVS II.

*Soluuntur proposita pro prima sententia.*

**C**onciliorum definitionibus nostra sententia impugnatur; quamuis reipsa nullo argumento firmetur solidius quam definitionibus Conciliorum: sed quia etiam dum negamus, verbis vtimur posituius; propterea Aduersarij putant nullam esse vocem cui non respondeat ex parte obiecti aliquid positium. Vt igitur videas cui faueant concilia; nostræ; an alienæ sententiæ: scienda est causa quæ in Concilijs circa substantiam agebatur. Inter hæreticos male sentientes circa Mysterium Incarnationis fuit Nestorius, qui assererebat in Christo dari duas personas, humanam vnā, & alteram diuinā. Vt autem hanc in Christo personarum dualitatem teneret dicebat vnionem qua Verbum diuinum humanitatem assumpsit, sibi que copulauit, non esse vnionem physicā, qua uidelicet Humanitas assumeretur à Verbo ad constituendum cum ipso unum per se stans, sed esse vnionem mere affectiuā, qua Filius Dei singulari illi Humanitati specialiter assisteret, illam in omnibus & per omnia amantissime dirigeret, & cum illa faceret vnum, eo modo, quo plurium amicorum dicitur esse cor vnum & anima vna. Contra hunc errorem Concilia fulminarunt ea anathemata, quæ Aduersarij inaniter contorquent contra veritatem à nobis assertam. Hæc firmiter tene quæ inferius per verba expressa Conciliorum referentur, & clipeum habes

habes & hastam quo tuam sententiam tue-  
aris, alienam conficias.

Ad primam igitur rationem partis aduer-  
sæ transmittite antecedens; & nega conse-  
quentiam. Ad disparitatem delibandum est  
aliquid circa Mysterium Trinitatis, in quo  
natura immultiplicata, multiplicantur sup-  
posita siue hypostases, suæ personæ. Tenen-  
dum autem est hic quod à Concilijs & Pa-  
tribus ponitur vt axioma. *Omnia in diuinis  
sunt vnum, vbi non obstat oppositionis re-  
latio*, hoc est tota & vnica ratio multipli-  
candi seu distinguendi in Diuinis, est habi-  
tudo producentis ad productum, & e con-  
uerso. Ita datur distinctio inter Patrem, &  
Filium; hoc est Pater & Filius sunt duæ  
personæ: quia inter Patrem & Filium datur  
habitus generantis & geniti: datur distin-  
ctio inter Filium & Spiritum Sanctum: quia  
inter Filium & Spiritum Sanctum datur ha-  
bitudo Spirantis & Spirati.

Hic c. D. Thomas & cum eo alij infiniti  
docent quod si Spiritus Sanctus non proce-  
deret à Filio, non distingueretur ab ipso,  
adeoq. non daretur Mysterium Trinitatis,  
ex defectu terciæ Personæ: quia in diuinis  
omnia sunt vnum vbi non obstat oppositio-  
nis relatio: sed in tali hypothesi inter Filiū  
& Spiritum Sanctum non daretur oppositio-  
nis relatio; ergo inter Filium & Spiritum  
Sanctum non daretur distinctio; adeoq. Fi-  
lius & Spiritus Sanctus non essent duæ Per-  
sonæ. Obiter nota & tibi proderit in tem-  
pore opportuno, prædictum principium: om-  
nia in diuinis, &c. esse axioma etiam apud  
Patres Græcos, vnde per illud recte impug-

uantur ij Græci, qui negant Spiritum Sanctum procedere à Filio nolentes canere cum Ecclesia Latina: qui ex Patre Filioque procedit, cum tamen retinere velint Mysteriū Trinitatis.

Rursus hæc oppositionis relatio fundatur in generatione actiua Patris, & passiuā Filii. In spiratione actiua Patris & Filij, & passiuā Spiritus Sancti. Ex quibus sic breuiter. Personæ constituuntur in diuinis per id formaliter per quod datur distinctio in diuinis; sed per id formaliter datur distinctio per quod datur oppositio, ergo Personæ constituuntur per id per quod datur oppositio sed id per quod datur oppositio est aliquid positium; ergo Personæ constituuntur per aliquid positium. Minor subsumpta probatur: quia oppositio inter Patrem & Filium habetur per generationem huius quidem passiuam, illius autem actiuam. Inter Filium & Spiritum Sanctum per spirationem tum actiuam tum passiuam, quæ sunt aliquid positium.

At vero in creatis substantia, supposita-  
litas, personalitas non habetur per oppositionem vnius ad alterum intra eandem naturam. Neque enim ideo Philippus distinguitur ab Alexandro quia vnus habet rationem Patris, alter rationem filij. Etiam si enim disparate se haberent & sine vlla relatione producentis ad productum adhuc vere & realiter distinguerentur sicut distinguerentur Alexander & Ephestio. Præterea Natura Diuina est essentialiter vna natura singularis tribus personis: sed implicat hanc esse, vt necessario est, tres personas, per negationem

vnionis intrinsecæ ad vltiorem substantiã; ergo per aliquid aliud debet esse tres personæ: & consequenter per terminos positiuos. Min. prob. quia non est potior ratio cur negatio vnionis intrinsecæ faciat illam tres, quam duas, aut vnã, aut centum personas. Certe natura singularis creata sit vna persona per negationem vnionis intrinsecæ cum vlla alia substantia. Cur igitur natura diuina per negationem huiusmodi fiet tres personæ?

Ad secundam. Conc. ma. nega min. Ad confirmationem distingue: vltimum complementum posituum: nega, negatiuum: concede. Idem dic de termino. Nega etiam subsistentiam secundum id quod dicit supra naturam esse perfectionem, cui aperte contradicit illud proloquium: Verbum Diuinum assumpsit in homine omne quod creauit; cum certum sit non assumpsisse subsistentiam, suppositalitem aut personalitatem.

De perfectione in qua constituunt subsistentiam satis incoherenter philosophantur nonnulli. Aiunt enim personalitates diuinas per se formaliter non esse perfectiones; ne videlicet aliqua perfectio sit in Patre, quæ non sit in Filio; cum tamen per illas personalitates formaliter subsistat natura diuina. Assume igitur quod dant & sic ratiocinare. Paternitas, Filiatio, &c. non dicunt vllam perfectionem supra naturam; sed Paternitas & Filiatio sunt subsistentiæ diuinæ, ergo subsistentiæ diuinæ non dicunt vllam perfectionem. Rursus: subsistentia diuina habet perfectissimam rationem subsistentiæ; ergo perfectissima ratio subsistentiæ non dicit perfectionem.

Familiare est Aduersarijs huic & similibus argumentis respondere sic. Subsistentia increata non superaddit perfectionem, quia ipsa superadditur omni perfectioni. Natura enim diuina est omnis perfectio. Implicat autem in terminis omni perfectioni aliquam perfectionem superaddi. At vero subsistentia creata superueniens naturæ creatæ non superuenit omni perfectioni; nulla enim creatura est omnis perfectio. Hic putant se dixisse mirabilia.

Hæc responsio non stat. Nam omni perfectioni nequit superaddi vlla perfectio; omni perfectioni potest superaddi subsistentia; ergo subsistentia non est vlla perfectio. Verbum igitur diuinum vt docet S. Thomas dum non assumpsit subsistentiam non propterea non assumpsit omnem perfectionem quam creauit in homine, quia homo subsistit in se, non per perfectionem superadditam naturæ singulari, sed per hoc quod separatim existat ab alio. Vnde non est imaginandum. Verbum diuinum naturam humanam assumens, minorem perfectionem, maiori perfectione compensasse, sicut aiunt qui dicunt abstulisse seu consumpsisse subsistentiam creatam, quæ est parua perfectio, sed loco illius dedisse naturæ subsistentiam increatam, quæ est perfectio summa. Vere enim Verbum diuinum non abstulit humanæ naturæ vllam perfectionem, sed contulit infinitam.

Ad illud de ego dic quod omnis homo, immo omnis creatura de se sentiens vt sentire debet in Domino dicet cum Augustino: *tu Domine es qui es, ego sum qui non sum*: vides igitur non erubescendum esse vlli vel

maximo

maximò ego creato, fateri quod consistat saltem partialiter in aliquo negativo. Hanc autem Augustini orationem ut veram & propriam omnes commendant. Quomodo igitur aliqui nolunt per vllum non esse, in suo esse constitui?

Aduerte autem discrimen inter duas has propositiones. *Hec substantia constituitur in esse substantie per negationem: & : hæc substantia constituitur in esse totius substantie, seu substantie totalis, seu totius substantie, quæ sit in hoc supposito, per negationem.* De prima nihil hic pronunciamus. Secundam dicimus veram. Certum est enim aliquid posse deficere à ratione totius, non per hoc quod aliquid ipsi detrahatur; sed per hoc quod aliquid ipsi addatur. Habes exemplum, quo nullum aliud lucidius, in luce ipsa. Vera est hæc propositio: *lux solis est tota lux quæ est in hac schola.* Hanc propositionem falsificabis si candelam in hac schola accenderis: per hoc enim quod præter lucem solis sit aliqua alia lux in hac schola, iam lux solis non est tota lux quæ sit in hac schola lux igitur illa solis ex tota quæ esset in hac schola quasi sit non tota: non amittendo aliquid de suo, sed per coniunctionem sui cum altera: erat igitur tota lux huius scholæ per seipsam & negationem coniunctionis cum altera luce.

Idem dic proportionaliter de natura humana unita Verbo. Considera illam diuisam à Verbo, & in illa habes totam substantiam quæ sit in illo homine: considera eandem unitam Verbo & cum ex natura & Verbo fiat vnum, quod est Deus & Homo; neque



uantur ij Græci, qui negant Spiritum Sanctum procedere à Filio nolentes canere cum Ecclesia Latina: qui ex Patre Filioque procedit; cum tamen retinere velint Mysteriū Trinitatis.

Rursus hæc oppositionis relatio fundatur in generatione actiua Patris, & passiuā Filii. In spiratione actiua Patris & Filij, & passiuā Spiritus Sancti. Ex quibus sic breuiter. Personæ constituuntur in diuinis per id formaliter per quod datur distinctio in diuinis; sed per id formaliter datur distinctio per quod datur oppositio, ergo Personæ constituuntur per id per quod datur oppositio sed id per quod datur oppositio est aliquid positium; ergo Personæ constituuntur per aliquid positium. Minor subsumpta probatur: quia oppositio inter Patrem & Filium habetur per generationem huius quidem passiuam, illius autem actiuam. Inter Filium & Spiritum Sanctum per spirationem tum actiuam tum passiuam, quæ sunt aliquid positium.

At vero in creatis subsistentia, supposita-  
litas, personalitas non habetur per oppositionem vnius ad alterum intra eandem naturam. Neque enim ideo Philippus distinguitur ab Alexandro quia vnus habet rationem Patris, alter rationē filij. Etiam si enim disparate se haberent & sine vlla relatione producentis ad productum adhuc vere & realiter distinguerentur sicut distinguntur Alexander & Ephestio. Præterea Natura Diuina est essentialiter vna natura singularis in tribus personis: sed implicat hanc esse, vt necessario est, tres personas, per negationem

unionis intrinsecæ ad ulteriorem substantiã; ergo per aliquid aliud debet esse tres personæ: & consequenter per terminos positivos. Min. prob. quia non est potior ratio cur negatio unionis intrinsecæ faciat illam tres, quam duas, aut vnã, aut centum personas. Certe natura singularis creata sit vna persona per negationem unionis intrinsecæ cum vlla alia substantia. Cur igitur natura diuina per negationem huiusmodi fiet tres personæ?

Ad secundam. Conc. ma. nega min. Ad confirmationem distingue: vltimum complementum posituum: nega, negatiuum: concede. Idem dic de termino. Nega etiam substantiam secundum id quod dicit supra naturam esse perfectionem, cui aperte contradicit illud proloquium: Verbum Diuinum assumpsit in homine omne quod creauit; cum certum sit non assumpsisse substantiam, suppositalitem aut personalitatem.

De perfectione in qua constituunt substantiam satis incoherenter philosophantur nonnulli. Aiunt enim personalitates diuinas per se formaliter non esse perfectiones; ne videlicet aliqua perfectio sit in Patre, quæ non sit in Filio; cum tamen per illas personalitates formaliter subsistat natura diuina. Assume igitur quod dant & sic ratiocinare. Paternitas, Filiatio, &c. non dicunt vllam perfectionem supra naturam; sed Paternitas & Filiatio sunt substantiæ diuinæ, ergo substantiæ diuinæ non dicunt vllam perfectionem. Rursus: substantia diuina habet perfectissimam rationem substantiæ; ergo perfectissima ratio substantiæ non dicit perfectionem.

Familiares est Aduersarijs huic & similibus argumentis respondere sic. Subsistentia increata non superaddit perfectionem, quia ipsa superadditur omni perfectioni. Natura enim diuina est omnis perfectio. Implicat autem in terminis omni perfectioni aliquam perfectionem superaddi. At vero subsistentia creata superueniens naturæ creatæ non superuenit omni perfectioni; nulla enim creatura est omnis perfectio. Hic putant se dixisse mirabilia.

Hæc responsio non stat. Nam omni perfectioni nequit superaddi vlla perfectio; omni perfectioni potest superaddi subsistentia; ergo subsistentia non est vlla perfectio. Verbum igitur diuinum vt docet S. Thomas dum non assumpsit subsistentiam non propterea non assumpsit omnem perfectionem quam creauit in homine, quia homo subsistit in se, non per perfectionem superadditam naturæ singulari, sed per hoc quod separatim existat ab alio. Vnde non est imaginandum Verbum diuinum naturam humanam assumens, minorem perfectionem, maiori perfectione compensasse, sicut aiunt qui dicunt abstulisse seu consumpsisse subsistentiam creatam, quæ est parua perfectio, sed loco illius dedisse naturæ subsistentiam increatam, quæ est perfectio summa. Vere enim Verbum diuinum non abstulit humanæ naturæ vllam perfectionem, sed contulit infinitam.

Ad illud de ego dic quod omnis homo, immo omnis creatura de se sentiens vt sentire debet in Domino dicet cum Augustino: *tu Domine es qui es, ego sum qui non sum* : vides igitur non erubescendum esse vlli vel

maximo

maximò ego creato, fateri quod consistat saltem partialiter in aliquo negatiuo. Hanc autem Augustini orationem vt veram & propriam omnes commendant. Quomodo igitur aliqui nolunt per vllum non esse, in suo esse constitui?

Aduerte autem discrimen inter duas has propositiones. *Hæc substantia constituitur in esse substantiæ per negationem: & hæc substantia constituitur in esse totius substantiæ, seu substantiæ totalis, seu totius substantiæ, quæ sit in hoc supposito, per negationem.* De prima nihil hic pronunciamus. Secundam dicimus veram. Certum est enim aliquid posse deficere à ratione totius, non per hoc quod aliquid ipsi detrahatur; sed per hoc quod aliquid ipsi addatur. Habes exemplum, quo nullum aliud lucidius, in luce ipsa. Vera est hæc propositio: *lux solis est tota lux quæ est in hac schola.* Hanc propositionem falsificabis si candelam in hac schola accenderis: per hoc enim quod præter lucem solis sit aliqua alia lux in hac schola, si lux solis nō est tota lux quæ sit in hac schola lux igitur illa solis ex tota quæ esset in hac schola euasit non totamō amittēdo aliquid de suo, sed per coniunctionem sui cum altera: erat igitur tota lux huius scholæ per seipsam & negationem coniunctionis cum altera luce.

Idem dic proportionaliter de natura humana vnita Verbo. Considera illam diuisam à Verbo, & in illa habes totam substantiam quæ sit in illo homine: considera eandem vnitam Verbo & cum ex natura & Verbo fiat vnus, quod est Deus & Homo; neque

per naturam humanam solum; neque per Verbum solum, habes totam substantiam, quæ sit in illo homine: cum igitur si ego appellet illam substantiam totalem evidens est esse aliud ego in Christo, quam esset in illa natura humana, quæ in Christo est, si separata esset à Verbo.

Ad tertiã. Concessio antecedenti nega consequentiam. Ad probationem concede decisum à Concilijs Naturam humanam non fuisse assumptam simul cum illo nihilo seu cum illa negatione. Ratio huius decisionis, & sapientiæ huius decisionis est: quia Concilium debuit decidere contra errorem Nestorij: dicebat autem Nestorius naturam assumptam mansisse diuisam, quia videlicet ponebat vnionem pure affectiuam cum qua stat vera, propria, & physica diuisio seu separatio. Audiatur hic error Nestorij in fide Iustiniani Imperatoris relata 2. volumine Conciliorum. *Sin aliquis opponere conatur dicens, quod secundum redditam nature rationem oportet & humanam naturam Christi suam subsistentiam seu personam propriam habere: manifestus est talis quod ante subsistenti beuini unitum esse dicit Verbum diuinum, & affectualem factam esse unitatem. Due enim subsistentiæ, seu personæ, secundum subsistentiam uniri non possunt.*

Quicumque ingenio docili verba hæc Concilij meditatur: conuincitur veritatis. Aliquid enim hic deciditur, aliquid pro ratione redditur, quod innuitur per se notum. Deciditur vnionem non esse personæ ad personam; redditur ratio: quia duæ personæ uniri non possunt nisi vnione affectuali. Compara

para dictum Concilij, cum nostra sententia, & videbis esse manifestum. Si enim subsistentia naturæ nihil superaddat nisi negationem unionis cum alio; clarum est non posse uniri, & simul in se subsistere. Non tamen, est clarum modum substantialem naturæ assumptæ non posse retineri simul cum assumptione.

Hunc eundem conciliorum sensum iterum audias ex Fotio Patriarcha Constantinopolitano volumine 3. Conciliorum. *Hunc unum dominum Iesum Christum in duas secare ac diuidere personas miserrimus ille non veritus alium quidem nudum hominem & sine Verbo Humanitatem suscipere in propria persona confixit, alium Deum separatum & à suscepta nudum Humanitate. Metuebat enim homo stultus ne quid Deus pateretur si incredibili adductus benignitate figmentum suum ut illud curaret atque refingeret: induisset. Neque illud animaduertebat quod si naturam humanam à Verbi persona separaret, eam proprijs morbis laborantem ac minime curatam & salutis expertem reliquisset.*

Hanc eandem unionem Nestorianam quæ videlicet Christus non Homo Deus, sed Homo Deifer efficitur anathematè quinto damnat Concilium Ephesinum. *Si quis audeat dicere hominem Christum Theophorum, hoc est, Deiferum, ac non potius Deum esse veraciter; anathema sit.* Ex his omnibus constat quam sapienter definiuerit Ecclesia humanitatem Christi post unionem, seu potius cum unione ad Verbum, non existere separatam à Verbo.

Ad quartam & quintam patet ex dictis. Non est ridiculum definire non fuisse diuisam Humanitatem in sensu composito vniionis, si hæresis Nestoriana quæ damnatur in hoc ipso consistit; quod ita dicat vnitam vt simul ponat diuisam; dum ponit vniionem pure affectualem. Verum est quod qui tenet nostram sententiam, si admittat & credat vnitam physice Humanitatem Verbo, nequeat esse hæreticus. Sed quid inde nisi laus nostræ sententiæ?

Ad sextam dic hoc verbum *Supplere* pati-  
tere multis æquiuocationibus. *Supplere* pro  
eodem accipitur, ac præstare id, quod præ-  
staret aliud, pro quo suppletur. Ità absente  
Magistro supplet Academicus: quia dicitur &  
explicat id quod diceretur, & explicaret Ma-  
gister. In hoc sensu subsistentia increata non  
supplet in Humanitate defectum subsistentiæ,  
creatæ, siue hæc superaddat aliquid nega-  
tiuum, siue aliquid positivum naturæ. Nam  
non præstat naturæ, vt subsistat in se, sed vt  
subsistat in alio, adeoq. præstat effectum for-  
malem oppositum illi, quem præstaret sub-  
sistentia creata. Aliquando *supplere* nihil  
est aliud quam esse loco alterius, siue ad  
eundem, siue ad oppositum effectum. Et in  
hoc sensu potes intelligere negationi vni-  
onis, seu potius priuationi, succedere vni-  
onem ipsam. Ad argumentum in forma di-  
stingue ly *Supplere* per *proprie*, vel *impro-  
prie*; *strictè*, vel *late*, & alia huiusmodi,  
& argumentum dissoluiisti. Ad proba-  
tionem distingue: est ridiculum quod  
num contradietorium suppleat pro altero  
& eundem effectum formalem concedo, ad  
eff.

effectum formalem oppositum: nega. Natura per diuisionem ab alio subsistit in se, & non in alio: per vnionem cum alio subsistit in alio, & non in se; quod non est magis nouum, quam quod aer per tenebras tenebrosus euadat; per lucem lucidus.

Aduertendum est autem hic posse labi incautos in verbo quod diximus, & passim legitur apud Patres. *Natura humana unita Verbo non mansit persona humana: non mansit diuisa: non retinuit, seu non retinet propriam subsistentiam, seu personalitatem: amisit personalitatem creatam, &c.* Hæc omnia ex modo loquendi ita sonant quasi illa humanitas prius extiterit separata à Verbo, & deinde fuerit assumpta ab eodem, & expoliata ratione personæ. Non tamen ita res accidit; nec enim natura extitit priori ad vnionem sui cum Verbo. Hæc igitur phrasis: *Post unionem, vel per unionem singularis illa natura non mansit persona,* idem sonat, ac hæc alia: *Illa natura singularis, que sine unione ad Verbum fuisse: persona creata, seu persona humana, per unionem ad Verbum habet non esse personam humanam.* Idem dic de alijs.

## ARTICVLVS VLTIMVS:

*Expediuntur cetera de subsistentia.*

**P**Ræter ea, quæ dicta sunt videtur remanere aliquid vlteriùs explicandum circa subsistentiam. Videtur enim posse vrgeri cōtra nos nostra doctrina ex ipsomet Mystério Incarnationis.



Obijcitur igitur insuper. Sequeretur Verbum diuinum amisisse propriam personalitatem; consequens est falsum; ergo & antecedens. Sequela probatur, quia tam Verbum diuinum est vnitum Humanitati, quàm Humanitas est vnita Verbo; ergo tam deest Verbo negatio vnionis, quàm naturæ, seu Humanitati; ergo tam illi deest sua subsistentia, quàm Humanitati. Probatur vltima consequentia, quia ratio personæ dicit negationem vnionis ad alteram substantiam.

Resp. negando sequelam maioris. Ad probationem resp. 1. Subsistentiam Verbi diuini non consistere in negatione vnionis, &c. Sed in aliquo positiuo, vt dictum est supra.

2. Non diximus rationem personæ dicere negationem vnionis cuiuscumq. sed vnionis intrinsecæ. Vnio autem qua Verbum assumpsit Humanitatem in vnitatem suppositi, est quidem intrinseca Humanitati; non tamen Verbo; vt supponimus ex præstantissimis Theologis. Esse autem vnitum vnione sibi extrinseca, & carere vnione intrinseca non repugnant, vt patet ex terminis.

Sunt qui dicant, vnionem hypostaticam esse intrinsecam tam Verbo, quàm Humanitati: huic quidem tam passiuè, quàm actiuè; illi autem solum passiuè: quia videlicet vnio hypostatica, & perficit Humanitatem, & ab Humanitate perficitur: Verbum autem non perficit, sed tantum ab illo perficitur. Si hi aliquid dicant: dic te per negationem, quam ponis, excludere vnionem intrinsecam actiuè, quam aiunt non dari in Verbo.

Obijcitur iterum. Definitio Boetij est mala, ergo non est apta substinenda veritati.

Pro-

Probatur antecedens: quia non conuenit Personis diuinis, putà de Patre dici non potest, quod sit rationalis naturæ indiuidua substantia, & tamen Pater est persona; ergo &c. Maior probatur, quia natura Patris, seu substantia Patris est eadem cum natura, & substantia Filij; ergo, &c.

Resp, negando antecedens. Ad probationem dic Patrem esse vere, & proprie personam. Ad rationem in contrarium concede substantiam Patris esse vnā eandemq. cum natura Filij, & Spiritus Sancti; nega hinc sequi, quod non sit diuisa à quacumque alia substantia. Non valet: Substantia Patris est substantia Filij; ergo non est diuisa à substantia Filij; ergo non est diuisa ab omni alia substantia. Vltimum ergo est ineptum vtpote inferens ex indiuisione à seipsa, indiuisiōem ab alia.

Quæres, cur dictum sit in explicatione subsistentiæ illam consistere in negatione vnionis intrinsecæ ad vltiorem substantiam absolutā, cum qua faciat vnum? Numquid enim satis dicitur, si dicatur illam consistere in negatione vnionis intrinsecæ ad vltiorem substantiam?

Resp. Nos ità dixisse ad faciliorem intelligentiam: nam reipsa cum substantia simpliciter non dicatur, nisi de substantia absoluta suffecisset dicere subsistentiam consistere & in natura, & in negatione vnionis intrinsecæ ad vltiorem substantiam. Sed quia imperfectiores statim arguerent: natura per hoc quod vniatur modo substantiali ipsam terminanti non amittit, immò acquirat rationem personæ; ergo ratio personæ non

non dicit negationem vnionis ad vltiorem substantiam. Propterea addidimus ly *Absolutam*, quia per hoc quod singas naturam singularem vniri formæ purè terminanti, etiã si illã formam modum substantialẽ, aut substantiam modalem appelles, non per hoc formaliter destruis rationem personæ.

Denique notandum est Humanitatem, de qua hic hætenus, non vniri personalitati, præcisè Verbi diuini, sed Verbo diuino, quod natura, et personalitate constat: adeoque vere, & proprie vniri vltiori substantiæ absolutæ, v3. naturæ diuinæ, quidquid sit an hæc vnio pro termino formali respiciat personalitatem præcisè, an indiuisibiliter totã personam, de quo nõ est nostrum disputare.

Finem huic disputationi facere posset Aristoteles, & cum Aristotele Philosophi omnes, penes quos est axioma: quidquid superadditur substantiæ completæ; facit cū illa vnum per accidens: sed substantia est forma quæ superadditur substantiæ cōpletæ; ergo substantia facit vnum per accidens. Cui respondēbunt alij, formam illã quæ superadditur vt suppositer substantiam completam non superaddi substantiæ completæ in ratione substantis, sed solum in ratione completæ in ratione specifica, & indiuiduali.

Hæc tamen responsio non satisfacit Philosopho, qui substantiæ completæ, & singulari nihil superaddit, nisi vt faciat vnum per accidens. Eadem enim responsio obuia est comendanti albedinem superuenientem homini non facere vnum per accidens. Quæ admodum enim dicunt illi naturam singularem præsciindendo à forma superaddita  
esse

esse completam singulariter, seu in ratione substantiæ singularis; non tamen in ratione substantiæ subsistentis: ita respondebit hic hominem præscindendo ab albedine esse cōpletum in ratione hominis, non tamen in ratione albi. Replicantibus autem album esse vnum per accidens, subsistens verò esse vnum per se, facile erit reponere peti principium. Hoc enim ipsum controuertitur, an subsistens vt tale sit vnum per se, an vnum per accidens. Dabitur esse vnum per se secundum id, pro quo supponit; quod & de albo datur. Negabitur esse vnum per se, tam secundum id, pro quo supponit, quam secundum id, quod significat. Hoc est rem denominatam esse substantiam, denominationem ipsam esse accidentalem. Nos dum diximus in substantia completa tam secundum rationem specificam, quam secundum indiuidualem nihil aliud requiri, vt sit suppositum; nihil parimur ab hoc argumento, vt apparet ex dictis.

Dices: hoc idem argumentum valere contra rationem vnus per se in Christo Domino. Nam etiam secundum nos Verbum diuinum aduenit naturæ singulari in sua ratione specifica completæ: sed quicquid aduenit enti huiusmodi, facit cum illo vnum per accidens; ergo &c.

Resp. disparitatem quoad hoc inter nostram, & oppositam sententiam esse: quod in hac aliquid superuenit naturæ singulari in sua ratione specifica completæ, faciens cū illa vnum in eo ordine rerum, in quo dixit Philosophus, quod quicquid superuenit naturæ singulari in sua ratione specifica com-

pletæ facit vnum per accidens; videlicet in ordine entis naturalis. At in nostra: Verbum naturam singularem in sua ratione specifica completam assumens, illamque sibi vniens, non facit cum illa vnum in eo ordine rerum, quem examinavit Philosophus, sed in ordine altiori, entis videlicet supernaturalis. An autem naturæ singulari creatæ esset vnibilis substantia increata in vnum per se, numquam cogitavit Aristoteles. In Christo igitur Domino Verbum diuinum est naturæ assumptæ summe perfectiū per communicationem ipsius adeoq. perfectionis substantialis infinitæ, & per huiusmodi communicationem trahens ipsam ad rationem vnus simpliciter, & per se, modo longe altiori, quam forma substantialis per communicationem sui ad materiam trahat illam in vnitatem substantiæ.

## QVÆSTIO VI.

### *De prioritate naturæ.*

#### ARTICVLVS I.

*Quid sit esse prius natura, & quibus conueniat?*

**D**E prioribus hac quæstione agendum est: examinando quænam sint illa, quibus conueniat naturæ prioritas. Atque vt methodice procedamus. Aristoteles in prædicamentis cap. de *priori* varios modos enumerat, quibus vnum altero prius dici solet. Prima, &

notissima prioritas est illa, quæ dicitur secundum tempus. Ità annus præsens est prior futuro, annus exactus prior præsentì.

Secunda prioritas est à subsistendi consequentia; consistitq; in hoc quod ab existentia vnius, inferatur existentia alterius, & non è conuerso; v. g. ab existentia canis recte inferitur existentia animalis. Valet enim: est canis; ergo est animal; non è conuerso: est animal; ergo est canis. Hoc autem quod inferitur dicitur altero prius, vt in exemplo allato, animal est prius cane. Prioritatem hanc alibi logicam appellauimus, & confundimus cum superioritate.

Tertia prioritas est prioritas ordinis. Ità in scientijs addiscendis Gràmatica est prior alijs, quia in ordine discendi Grammatica ponitur primo loco.

Quarta prioritas est prioritas dignitatis, secundum quam id quod honorabilius, dicitur prius eo, quod minus honorabile. Ità Rex est prior subditis, & in multis Ciuitatibus illi, qui Magistratum gerunt, appellantur Priores, sicut & in cænobijs, qui alijs fratribus præfunt.

Quinta prioritas est prioritas naturæ: quæ capite citato sic à Philosopho definitur. *Eorum quæ conuertuntur secundum esse consequentiam, quod alteri quomodolibet causa est, conuenienter prius natura dici potest.*

Ad intelligentiam huius definitionis: notandum est primo; quod conuertentia illa, quæ ponitur in definitione prioris est conuertentia cum distinctione reali, inter ea, quæ dicuntur ad conuertentiam. Idem est autem conuerti secundum esse consequentiam

tiam, & dici ad conuertentiam. Ratio est clara, quia talis conuertentia est inter ea, quæ habent inter se habitudinem causæ, & effectus; habitudo autem huiusmodi est inter distincta realiter.

Notandum secundò istas particulas: *Quod alteri quomodolibet causa est*, posse facere varios sensus, valde inter se diuersos. Posset enim aliquis ex his particulis intelligere omne id esse prius natura respectu alterius; quod quomodolibet, hoc est, quod in quocumque genere causæ, est causa illius. In hoc sensu quælibet causa siue extrinseca, siue intrinseca esset prior natura suo effectui: putà albedo esset prior natura albo, & sic de cæteris. Alius sensus est ly *Quomodolibet* extendere rationem causæ etiam ad conditionem; adeoque prioritatem naturæ conuenire non solum causis; sed conditionibus prærequisitis ad effectum. Porro nomen causæ per ampliationem quandam extendi etiã ad conditionem inuenies passim etiam apud Philosophum, ubi non semel proximitas agentis ad passum ponitur pro causa huius, vel illius effectus.

Postquam Philosophus cap. de priori, prioritatem naturæ explicuit: sequenti capite quod est de simul: simultatem naturæ describit his verbis: *Natura simul sunt quæcumq. conuertuntur quidem secundum eius quod est esse consequentiam; sed nequaquam alterum alteri causa est ut sit.* Exemplam in re metaphysica clarissimum habebis si falso putes è rationali fluere indiuisibiliter, & risibile, & flebile, ut duas potentias physice distinctas. Nam omne risibile est flebile, &

omne

omne flebile risibile; adeoq. dicuntur secundum eius, quod est esse consequentiam: sed neutrum alteri causa est: utrumq. autem ab eadem causa dimanat. His positis.

Malè definiētes prius natura facile impugnantur. Quidam existimant prius natura describi à Philosopho 5. Metaph. cap. 11. ubi sic habet: *Sunt priora secundum naturam, atque substantiam quæcumq; contingit absq; alijs esse, illa verò sine istis minime.* Aiunt igitur prius natura respectu alterius illud esse, quod sine altero esse potest, cum alterum nequeat esse sine ipso.

Hanc definitionem impugnabis ex conceptu causæ necessariæ. Repugnat enim causam necessariam esse sine suo effectu, & que, ac effectum esse sine causa: & tamen causa necessaria habet veram prioritatem naturæ respectu effectus. Naturaliter neque causa necessaria potest esse sine effectu. Supernaturaliter etiam effectus potest esse sine causa, à qua est, immò ut habes ex dictis, & hæc causa sine hoc effectu, & hic effectus sine hac causa naturaliter esse possunt. Hæc igitur definitio, ut ait Philosophus, est Platonica, & respiciens ad ideas, quas putavit Plato ita esse causas singularium, quæ oriuntur, & occidunt, ut hæc quidem sine ideis esse non possent, possent autem ideæ sine his.

Dicunt alij prioritatem naturæ consistere in independentia unius ab alio, puta causæ ab effectu; posterioritatem verò in dependentia effectus à causa. Hæc definitio peccat in multis. Primo sunt infinita, à quibus nihil pendeo, & tamen respectu illorum nō habeo prioritatem naturæ. Numera si potes



lapides & ligna, & innumerabilia alia, i quibus nihil dependeo, & vide an fini prior natura respectu eorum. Secundò: controvertitur, an sit possibilis mutua prioritas naturæ, ergo prioritas huiusmodi ita defini-ri debet vt non excludat formaliter ratio-nem mutux, seu reciproca: & consequen-ter ad rationem prioris non debet pertine-re formaliter ratio independentis, hoc est in conceptu prioris definitio debet præ-scindi à possibilitate, vel impossibilitate ta-lis dependentiæ.

Prioritas igitur naturæ definita est, & iterum definitur à nobis: *Ordo huius ad hoc vt actus primi ad secundum.* Iuxta hanc definitionem quidquid quomodolibet, hoc est sine vt causa, siue vt conditio pertinet ad actum primum alterius; respectu eiusdem, prius natura conueniēter dici potest. Vt igitur videas, an hoc, vel illud respectu cuius-libet sit prius: vide an in potentia, seu suf-ficientia adæquata ipsius aliququaliter inclu-datur. Hac posita definitione quærendum est, an omnibus an solum aliquibus causis conueniat prioritas: adeoque excurrendum erit, sed celeri cursu, per singulas causas.

Negant aliqui prioritatem naturæ conue-nire finali. Sciendum est ad prioritatem natu-ræ non requiri prioritatem temporis. Ad-mittitur hoc communiter, & ostenditur in causa necessaria, quæ in eodem instanti, in quo est, operatur; vnde si Solemingas æter-num, singis æternam & lucem. Hinc habes causam finalem non repellendam esse à ra-tione prioris, eo quod non antecedit tem-pore effectum. Potest igitur aliquid ante-cedere

cedere causalitate quin antecedit tempore. Rursus hæc ipsa anteceditia potest esse, vel secundum existentiam physicam, vel secundum existentiam intentionalem; hanc secundam concedes causæ finali, primam negabis. Hinc est, quod dicitur finem esse primum in intentione, ultimum in executione.

Dic igitur causam finalem habere prioritatem naturæ respectu effectus. Probabis, quia in ijs quæ agunt propter finem, intentio finis constituit potentiam physicam, & sufficientiam ad obtinendum ipsum; ergo finis secundum intentionem antecedit natura seipsum, & media ad seipsum, secundum rem. Hoc est, quod intelligit D. Thomas ubi dicit inter alias causas principatum tenere quodammodo causam finalem.

De efficienti non puto esse, qui dubitet; patet enim quod omne quod fit, est à potente ipsum efficere, & consequenter præsupponere sibi causam efficientem sui. Patet hoc ipsum tum ex definitione efficientis: *Primum unde motus*, superius explicata, tum ex dicto inter sapientes vulgari: *Unumquodq; agit in quantum est actu.*

Ex nihilo nihil fit. Debet igitur rei, quæ fit præsupponi subiectum ex quo fiat. Habet igitur causa materialis prioritatem naturæ respectu totius: totius autem, non vero singularum partium constituentium totum. Patet hoc. Ipsa etiam materia constituit totum: materia non præexistit materiæ, ergo materia non præexistit omni constituenti totum. Huc facit quod diximus causam efficientem non esse se sola sufficientiam adequatam, ut aliquid de nouo exillat, sed in-

digere alia natura adiutrice, hoc est materia. sermo est autem de causa efficiēte creata, ut sæpius hætenus dictum est.

Potest autem materia prima comparari non solum cum toto, sed etiam cum forma. Rursus non solum cum forma materiali, sed etiam cum immateriali. Respectu utriusque dicitur materiam habere prioritatem naturæ; respectu materialis per modum causæ rigorose sumptæ: respectu immaterialis, hoc est animæ rationalis; per modum subiecti prærequisiti. Hæc omnia clarent ex dictis.

De causa formali: nega quod sit prior natura. Ratio est: quia forma non est quid requisitum ex parte actus primi: immò illa eadem actione qua ponitur forma, ponitur effectus simpliciter. Puta ea actione qua ponitur albedo, fit album: albedo igitur non est aliquid quod præsupponatur, ut constitutionem sufficientiæ adæquatæ ad album.

Dixi: eadem actione, qua ponitur albedo, fieri album, quod pariformiter intelligendum est in omnibus totis, seu substantialibus, seu accidentalibus; dummodo hæc per formam materiale constituantur. Dictum est enim supra eadem actione produci formam, & unionem communicatiuam forme ad subiectum. In homine non ita contingit, nec enim actio eductiua unionis est productiua formæ: sed idem actus primus determinans causam creatricem ad productionem animæ, est determinatiuum ad actionem eductiuam unionis: duæ igitur illæ actiones altera eductiua unionis, altera creatiua animæ, concomitantur se habent, & quam-

quamvis à diuersis agentibus sunt tamen ad exigentiam eiusdem subiecti indiuisibiliter ad vtrumque dispositi. Igitur neque forma, neque vnio præcedunt natura totum: quandoquidem vtraq. præsupponit totum actum primum ad totum.

Quamvis autem de forma dictum sit alibi, hanc esse subiectum adhæſionis illius vnionis, cui pro subiecto inhæſionis adequato assignata est materia: non propterea habet prioritatem naturæ respectu eiusdem vnionis; nam subiectum adhæſionis non exercet neque causalitatem, neque rationem conditionis prærequisitæ: quod olim exemplificauimus in actione creatiua distincta à termino creato, adeoq. recepta in ipso tamquam in subiecto, non tamen tamquam in præsupposito. Quod exemplum; si terminus creatus creatur actione sibi superaddita, est verum, & clarum: si secus, est clarum: quod sufficit.

An actio sit prior natura effectu dubitari potest, ab ijs præcipuè, qui actionem viam vocant ad terminum: & de via, & termino sic philosophantur; sicut vulgus de via Iulia, & Mole Adriani: est enim euidentis viam prædictam præcedere Molem, adeoq. si non euidentis, saltem proximū euidenti, est actionem natura præcedere terminum, qui per ipsam ponitur in rerum natura.

Dicendum est actionem non esse priorem natura; sed ipsammet prioritatem causæ ad effectum; & indiuisibiliter posterioritatem effectus ad causam. Explicatur hoc. Actio est formalissima ratio, per quam causa dat esse effectui, & effectus recipit esse à causa,

ergo per actionem causa constituitur causa in actu secundo huius effectus; & hic effectus constituitur effectus in actu secundo, huius cause. Rursus actionem non precedere natura effectum probatur ex dictis; quia actio non se tenet ex parte actus primi, nec constituit potentiam adequatam ad existentiam alterius: immò actio ipsa procedit à toto actu primo, & est formalissima reductio actus primi in secundum.

Vt in hac materia facile fugias equiuocationes innumeras aduerte pro eodem summi prius natura, & causam, ampliando, vt dictum est, acceptionem cause. Sicut igitur causa considerari potest, vel in actu primo, vel in actu secundo; ita etiam prius natura considerari potest, vel in actu primo, vel in actu secundo, hoc est vel in exercitio, vel præscindendo ab exercitio sui prioratus. Qua in re philosophamur omnino coherentem ad ea, quæ diximus de relationibus. Docuimus enim ibi, id quod est prius, constitui in ratione prioris per id quod est posterius; & è conuerso. Puta sum prior Antichristo per durationem meam, & durationem Antichristi; & vicissim Antichristus est posterior me, per durationes suam, & meam. Vbi vides, quod quamuis hic ad huiusmodi prioritatem, & posterioritatem duas durationes requiram, non tamen ad rationem effectus, & cause in actu secundo non sufficit vnica actio, cum supra probauerimus per eandem indiuisibilem rationem alterum agere, & alterum agi.

De prioritate in actu secundo loquitur Philosophus vbi dicit prius & posterius dici se.

ci secundum id quod est esse consequentiam. Ex hoc enim quod causa sit in actu secundo causa, recte inferes esse effectum. & vicissim ex eo quod sit effectus, recte inferes esse causam in actu secundo. Vbi aduerte ly *in actu secundo* non appellare actualem existentiam causæ, sed actualem causationem. Sæpe enim id quod est causa, actu est, absque eo quod actu causet, quod patet in causis liberis, quæ completæ ad agendum tamen oriuntur, unde prioritatem quidem habent in actu primo, non autem in actu secundo: non enim datur prius ut tale, nisi per posterius. Quæ omnia patent ex alibi dictis.

## ARTICVLVS II.

*An deur mutua causalitas?*

**N**Omīne mutux causalitatis, intellige hic quancumque mutuā prioritatem naturæ, quam breuius nomine causalitatis complectimur. Ita loquuturi sumus in vniuersa hac materia. Dico 1. non repugnat mutua prioritas. Probatur conclusio: quia media & finis se inuicem causant; ergo non repugnat quod duo sint sibi inuicem causa. Antecedens probatur: quia sanitas est finis sectionis venæ, adeoque sectionem venæ finaliter causat; ipsa autem sectio venæ causat sanitatem; ergo media & finis se inuicem causant. Hæc conclusio est expressa Aristotelis 2. Physic. textu 30. vbi sic habet. *Sunt autem quedam & ad inuicem cause: ut laborare causa est bonæ habitudinis, & hæc laborandi, sed non eodem modo; sed hoc qui-*

*dem ut finis, illud autem ut principium motus.* Videlicet laborare, hoc est exercere se est causa efficiens sanitatis; sanitas autem est causa finalis laborandi seu se se exercendi.

Constat hæc eadem conclusio ex dictis; vidimus enim causæ finali competere veram prioritatem naturæ: vidimus etiam competere efficienti: media autem sunt causa efficiens finis; finis autem est causa finalizans media: media igitur & finis se mutuo causant, hic quidem secundum esse intentionaliter, illa vero secundum esse physice. Adverunt hic Conimbricenses 2. Physic. cap. 7. quæst. 9. finem esse causam efficientis quoad eius causalitatem, non tamen quoad eius esse. Puta sanitas non est causa quod sit Galenus in rerum natura, sed quod Galenus operetur & operante Galeno existat sectio venæ vel abstinētia, vel quodlibet aliud huiusmodi aptum auerruncandæ infirmitati.

Dices: sequitur ex hac doctrina, idem causare seipsum: consequens est absurdum; ergo & antecedens. Sequela maioris probatur: quia sanitas quæ intentionaliter est, non est alia sanitas ab ea quæ realiter erit: prima causat secundam; ergo causat seipsam. Ergo illa sanitas est à se: ergo est Deus, quia a seitas est ratio differentialis Dei. Minor probatur ex hac ipsa vltima consequentia: quia si causat seipsam est à se. Hinc nihil evidentius esse aiunt hoc principio: *omne quod fit ab alio fit.*

Resp. distinguendo maiorem: idem secundum esse physice est à se secundum esse intentionaliter, & quidem ut à causa inadequata: concedo; idem secundum eundem modum

modum essendi, aut ut à causa adæquata est à se. nego maiorem. Et eodem modo distincta minori; nego consequentiam. De Deo dicitur quod sit à se, non tamen dicitur quod sit causa sui, in quo facile est rudiores impingere. Dicitur autem esse à se, hoc est independentem à qualibet causa. Vide quam hoc sit diuersum ab illo esse à se quod tribuimus sanitati, non consistente in alio, nisi quod sanitas intentionaliter existens in anima tum Calliæ ægrotantis, tum Galeni curantis, determinet ad positionem mediorum, efficientium ipsam secundum esse simpliciter: diximus autem sanitatem secundum huiusmodi esse, non esse causam adæquatam sui, quod patet, quandoquidem præter intentionem sanitatis ea omnia requiruntur, quæ vere sanitatem efficiunt.

Dico 2. Repugnat mutua causalitas secundum idem esse in eodem instanti reali. Mutuam causalitatem secundum esse physice negant in eodem genere causandi aliqui, qui eandem concedunt in diuerso genere causæ. Puta negant possibilem esse mutuam causalitatem inter efficientem & efficientem; ita ut & *A* efficiat *B*, & vicissim efficiatur à *B*. Concedunt autem inter causam materiale, & formalem, ita ut & materialis secundum existentiam physicam concurrat ad existentiam formæ, causando illam in genere causæ materialis; & vicissim forma causet materiam in genere causæ formalis. Si tãti esset aliorum sc̃sa indagare, quãti est explicare nostra, inueniremus eos qui sic loquuntur, vel decipi nomine causæ formalis, vel non dissentire à vobis,



Nostra conclusio est vniuersalis negatiua, reijcitque omnem mutuam causalitatem fecundum idem esse tam in eodem quàm in diuerso genere causæ. Oportuit autem addere: *in eodem instanti* quia non est dubium quin ægrotus seruatus à Medico, possit Medicum suum grauiore morbo liberare, & Pater cui vitam debet Filius, posset vicissim vitam recipere, hoc est conseruationem vite à Filio.

Conclusio sic explicata probatur: illud est prius natura modo dicto, quod per suum esse physice constituit actum primum seu sufficientiam adæquatam ad id quod dicitur posterius; ergo id quod est posterius nequit esse prius natura respectu illius eiusdem; ergo inter prius & posterius repugnat mutua prioritas. Secunda consequentia est euident, prima probatur: quia si *A* esset prius *B* priori se, eo ipso esset in actu primo seu inter constitutina actus primi & sufficientiæ adæquate ad *B*: si autem esset ex constitutinis actus primi ad *B*, eo ipso esset antequam esset, & consequenter præsupponeretur sibi ipsi. Patet hoc quia sufficientia adæquata ad *A* præsupponit *B*, ergo præsupponit sufficientiam adæquatam ad *B*: sed in sufficientia ad *B* includitur *A*; ergo *A* præsupponitur ad *A*, ut est manifestum. Hoc argumentum est illud idem quod alibi ex Philosopho tetulimus, vbi de ingenerabilitate materiæ.

Hoc quod posuimus in *A* & *B* melius fortasse videbis in duplici igne. Suppone igitur ignem *A* esse causam ignis *B*. In hac ipsa suppositione ponis ignem *A* inter constitutina potentiæ prærequisitæ ad ignem *B*.

Quod

Quod si rursus ponas ignem *B* esse causam ignis *A*, tam ipsum ignem *B* ponis inter constitutiva sufficientiæ prærequisitæ ad ignem *A*: & consequenter præsupponis ignem *A* ad ignem *B*: rursus præsupposuisti ignem *B* ad ignem *A*; ergo ignem *A* præsupponis sibi ipsi: implicat enim esse inter constitutiva potentiæ adæquatæ ad potentiam adæquatam sui, & non præsupponi ad potentiâ adæquatam sui, & simul implicat præsupponi ad potentiâ adæquatâ sui, non præsupponi ad se. Idem autem esse antequâ sit quocûq; genere anterioritatis videtur repugnâs ex terminis.

Decipiuntur autem in hoc quod firmiter teneât prioritatem & posterioritatem secundum naturam non esse prioritatem aut posterioritatem secundum tempus. Vident enim repugnare in terminis aliquid quod incipit esse in instanti *B*, præfuisse in instanti *A*; sed cum prioritas & posterioritas inter causam & effectum sit in eodem instanti facile credunt idem prius esse simul & posterius, hoc est idem quod primo est in instanti *A*, in eodem instanti *A* esse antequam sit: quandoquidem ante & post secundum naturam, sunt in eodem instanti.

Verum quam repugnat intelligenti quid sit prioritas & posterioritas temporis, rem, quæ primo est in instanti, *B*. præfuisse in instanti *A*; tam repugnat intelligenti quid sit prioritas & posterioritas naturæ, rem, quæ est posterior natura in instanti *A*, in eodem instanti *A* præfuisse secundum naturam. Ratio est quia præfuisse secundum naturam, est esse inter ea quæ constituunt potentiam adæquatâ à non esse translativam ad esse: repu-

gnat autem in potentia seu intra constitutiua potentia huiusmodi, recenseri ut iam translatum id quod transferendum est à non esse ad esse. Propterea dicitur actus primus adæquate distingui ab actu secundo, adeoque; in toto actu primo nihil includi formaliter de actu secundo. Ex quibus apparet conclusionem suprapositam ipsa sui explicatione satis manifeste probari. Probabitur autem uberius responsione ad obiectiones.

### ARTICVLVS III.

*Satisfit nonnullis obiectionibus.*

**O**biectiones quæ fiunt contra veritatem propositam petuntur partim ex quibuidam modis loquendi, partim ex quibusdam experiencijs; & rationes huiusmodi dicuntur à nobis rationes physicae ad differentiam quorundam argumentorum, quæ postea proponuntur petita ex moralibus.

Ad solutionem earum quæ nituntur modis loquendi sciendum est aduersarios sæpe abuti particulis quibusdam aptis significare quamecunque connexionem, ad probandam connexionem causæ & effectus, quæ cum mutuo de pluribus extremis dicantur, mutuum inter plura causalitatem, dependentiam, & prioritatem importare videntur. Particulæ autem huiusmodi sunt: *ideo: quia: si non:* & aliæ id genus, quasi vero per ipsas semper importetur ratio causæ, vel conditionis præsuppositæ; cum certum sit particulas huiusmodi quamlibet connexionem aut inseparabilitatem importare posse. Res in exemplo apparet. *Ideo homo est risibilis: quia est ani-*

tionalis. Ideo Petrus est homo quia est animal rationale. Si non daretur flebile non daretur risibile, & è conuerso.

Per particulas huiusmodi importatur connexio quædam, qualis autem sit illa connexio, per easdem particulas non explicatur. Hinc non est legitima hæc consequentia: *ideo homo est risibilis quia est rationalis; ergo rationale est radix risibilitatis.* Quamuis enim sit verum consequens; est tamen illegitima consequentia, vt patet ex eadem forma pro consequenti falso: *Ideo Petrus est homo, quia est animal rationale; ergo animal rationale est radix humanitatis.* Patet enim, quod non sicut se habet risibile ad rationale, ita homo ad animal rationale. Hoc idem de particulis reduplicatiuis alibi notatum est. His positis.

Obijecitur primò, Materia causat formam, & forma materiam; ergo inter materiam, & formam datur inmutua causalitas. Antecedens continet duas partes. Prima est, quod materia causet formam, & hæc probata est vbi de causa materiali. Secunda pars est, materiam vicissim causari à forma. Hæc autem probatur. Primò in sententia Thomistica materia existit per esse formæ; ergo forma dat esse materiæ: dare autem esse, & causare sunt idem. Secundò, quemadmodum materia est causa materialis formæ: ita etiam forma est causa formalis materiæ: quidquid autem est quomodolibet causa alterius, est prius natura altero; ergo tam forma est prior natura materiæ, quam materia est prior natura forma. Tertio; ideò existit materia, quia existit forma; & si non existeret for-

ma non existeret materia, ergo forma est causa materiæ, & prior materia.

Resp. negando antecedens; quod est eorum, de quibus supra; qui aiunt repugnare quidem mutuam causalitatem in eodem genere, secus autem in diuerso genere causa. Ad primum: dictum est alibi. Addo quod etiam si forma esset existentia materiæ, non inde legitime inferres esse priorē materia: esset enim causa materiæ vt essentis, seu vt existentis in genere causæ formalis: dictum est autem suprā causam formalem non esse priorem effectui formali, quem præstat. Ad 2. aliud est esse causam formalem totius, aliud materiæ in sententia Thomistica materia est formaliter per formam; in sententia nostra totum est formaliter per formam hec potius quam illud, seu in hac potius quam in illa ratione substantiæ: in neutra sententia necesse est prioritatem admittere. Ad 3. vel nega antecedens, vel distingue: si non existeret forma, non existeret materia ex defectu finis: omitte; ex defectu prærequisiti: nega. Posses etiam omittere antecedens, & negare consequentiam. Ex duobus inseparabilibus si non existeret vnum non existeret alterum; nec tamen necesse est inseparabilia quælibet habere inter se connexionem causæ, & effectus.

Immo sæpe ex defectu consequentis rectè arguitur defectus antecedentis. Puta: Antichristus nullibi est, ergo non est. Et: si nullam vocationem haberem non existerem: cum tamen certum sit vocationem non esse quid prius mea existentia. Hinc alibi diximus consequens physicè, esse logice antecedens

cedens, quia ex consequenti rectè inferes antecedens, ut patet in hac illatione: Petrus est hic, ergo est. Item: est risibile, ergo rationale. In primo consequens physicum ponitur pro antecedenti, & antecedens physicum pro consequenti: esse enim præcedit physicè esse in loco. In secundo consequens metaphysicum infert metaphysicum antecedens: risibile enim secundum considerationem metaphysicam profluit à rationali.

Dices: plus requiritur ad conservandum materiam sine forma, quam cum forma, ergo forma, influit actione conservatiua in materiam; sed etiam & in eodem instanti materia influit, seu conservat in genere causæ materialis formam; ergo inter materiã, & formam datur mutua causalitas. Antecedens probatur: quia agens naturale non conservat materiam sine forma substantiali, conservat autem cum forma; ergo plus requiritur ad conservandum materiam sine omni forma, quam cum aliqua forma. Probatum iam consequentia: quia insufficientia quæ est in agente naturali ad conservandam materiam sine forma, adiuuatur per existentiam formæ quando adest, suppletur autem ab auctore naturæ quando abest; ergo est aliquis influxus formæ in materiam. Si enim forma nihil influit in materiam cur difficilius est materia sine forma, quam cum forma?

Totum hoc argumentum laborat in supposito. Causa faciens, & conservans materiam est solus Deus, ut patet ex dictis de ingenerabilitate, & incorruptibilitate materiæ. Hinc falsum est difficilius esse hanc

conseruari sine omni forma, quam cum aliqua forma : quamuis connaturalius sit, & magis modo sibi debito sociata formæ, quàm ab eadem diuisa ; forma igitur non influit in conseruationem materiæ, nisi fortè in ratione finis. Nega igitur antec. Ad probationem nega iterum antec. Ad vltimam, & lepidissimam interrogationem acriori interrogatione respondeas, videlicet si vbicatio, si duratio nihil influunt in esse Petri: cur impossibile est Petrum esse sine omni vbicatione, & duratione? His, & alijs huiusmodi interrogationibus satisfactum est, vbi dictum est quedam necessario consequi ad esse, itaut res sine quibusdam, omnino; sine alijs saltem naturaliter esse non possit. Petrus sine omni vbicatione nequit esse, neque de potentia absoluta; vt communiter aiunt. Materia prima nequit naturaliter carere omni forma substantiali, vt dictum est alibi.

Aduerte autem ex hoc quod Deus materiam naturaliter conseruet cum forma ; sine forma autem miraculose ; non inferri eundem Deum plus virtutis exercere in vna circumstantia, quam in alia : sed solum in vna circumstantia dispensare legi naturæ, non autem in alia. Non requiritur autem plus virtutis ad operandum cum dispensatione, quam sine dispensatione, sicut non plus lingue requiritur ad loquendum cum licentia, quam sine licentia Superioris. Quæ omnia patent.

Obijecitur secundò. Actio creatiua Angeli recipitur in Angelo tamquam in subiecto; ergo Angelus est causa passiva sue creationis. sed vicissim actio creatiua est causa

Angeli; ergo inter Angelum, & creationem Angeli datur mutua causalitas.

Resp. esse controuersum, an actio creatiua distinguatur à termino qui creatur. Si non distinguitur negatur suppositum antecedentis. Philosophus de huiusmodi actione nihil habet: quia putat nihil creari, iuxta illud: *Ex nihilo nihil fit*. Si autem distinguitur dic, quod alibi dictum est, Angelum esse subiectum, sed non causam actionis prædictæ. Subiectum alibi diuisimus in subiectum inhesionis, & subiectum adhesionis; quod sufficit ad solutionem præsentis, hoc est nullius difficultatis. De actione etiam dictum est hanc non esse priorem termino, sed ipsammet prioritatem causæ respectu termini. Sunt qui actionem priorem vocent prioritate originis nihil aliud fortasse intelligentes, nisi quod actio sit ipsamet formalis origo effectus à causa.

Obijcitur tertio. In generatione substantiali vltima dispositio ad formam est causa formæ; & vicissim forma est causa vltimæ dispositionis ad ipsam; ergo inter vltimam dispositionem & formam datur mutua causalitas. Antecedens, quo ad primam partem probatur. Quia vltima dispositio ad formam substantialem est vnum ex constitutiuis potentia adæquatæ seu actus primi completi ad existentiam formæ: productio enim formæ præsupponit natura vltimam dispositionem ad ipsam; imo hoc ipsum sonare videtur hæc vox: *dispositio*; cum idem sit disponi quod præparari ad hoc & ad illud. Probatur iam quoad secundam partem, quia formæ in composito tribuitur influxus in acciden-



accidentia, quæ sunt propria talis compositi; unde dici solet formam esse radicem & principium eorum accidentium quæ sunt in toto. Hinc etiam est quod dicitur in toto formam esse causam formalem totius; efficientem vero accidentium totius: inter accidentia autem quæ sunt huius totius maxime proprium est ultima dispositio. Secundam partem antecedentis alij aliter probant; videlicet: forma est causa passiva & subiectum inhæsionis ultimæ dispositionis ad ipsam; est de ratione causæ passivæ præsupponi natura ad id cuius dicitur causa; ergo forma natura præsupponitur ad ultimam dispositionem.

Hæc omnia refelluntur ex professo in libris de Generatione. Interim: nega antecedens, quoad secundam partem. Ad primam probationem nega antecedens. Ad secundam nega maiorem. Forma nullo modo præsupponitur dispositioni ad se, adeoque respectu ultimæ dispositionis non habet rationem causæ neque efficientis neque passivæ. Patet hoc ex solo argumento Aduersarij: implicat enim *A* præsupponi ultimæ dispositioni ad *A* & hoc argumento ut evidenti utemur, ubi ostendimus subiectum inhæsionis adæquatum accidentium esse solam materiam. Sed hæc supponenda sunt hæc, non probanda.

Obijc. quarto. Expulsio formæ veteris præcedit naturæ introductionem novæ, & introductio novæ vicissim expulsionem veteris; ergo datur mutua præcedentia secundum naturam. Antecedens probatur: ideo expellitur vetus quia introducitur nova; & ideo introducitur nova quia expellitur vetus. Item non expelleretur vetus, si non introducere

ceretur noua ; non introduceretur noua , li non expelleretur vetus ; ergo &c.

Resp. negando antecedens. Ad probationem patet ex dictis. Nihil probatur per resolutionem illarū particularū ; nisi inseparabilitas introductionis nouæ , & expulsiōnis veteris formæ.

### A R T I C V L V S III.

*Proponuntur & solvuntur argumenta petita ab experientia.*

**P**rimū argumentum fit illud quod petitur ex duobus carbonibus ignitis inuicem approximatis. Calor carbonis *A* conseruat calorem carbonis *B* , & vicissim calor carbonis *B* conseruat calorem carbonis *A* ergo inter calores *A* & *B* datur mutua causalitas, seu mutua dependentia. Antecedens patet experientia : quia per separationem contingit facilius vtrumlibet & vtrumq. calorem diminui , & extinguī ; ergo calor proximus calori, fouet calorem. Hoc idem patet infinitis alijs Experimentis, puta duæ manus calidæ mutuo fouent suum calorem perituum hercle si separentur.

Secundū petitur ex duobus baculis se inuicem sustinentibus, seu ad se inuicem inclinatis. Vbicatio baculi *A* est causa vbicationis baculi *B* , & vicissim vbicatio baculi *B* est causa vbicationis baculi *A* , ergo inter istas duas vbicationes datur mutua dependentia. Antecedens probatur quia remoto baculo *A* præcipitat baculus *B* , nisi proximitas baculi *A* per aliquid aliud suppleatur ; ergo  
proximi-

proximitas baculi *A* influit seu determinat vel per modum causæ, vel per modum conditionis ad vlicationem baculi *B*; idem dic è conuerso de vlicatione altera respectu alterius sibi proximæ.

Tertium petitur ex ingressu venti & apertione fenestree. Pro priori ad ingressum venti intelligitur aperta fenestrea: quoniam enim per fenestream clausam ventus ingrederetur? sed vicissim pro priori ad apertionem fenestree intelligitur ingressus venti; ergo hæc duo se mutuo causant seu præcedunt. Secunda pars probatur: quia causa fenestream aperiens est ventus ingrediens; ergo pro priori ad apertionem fenestree intelligitur ventus ingrediens. Item: ideo ingreditur ventus, quia fenestrea est aperta: & ideo fenestrea aperitur, quia ingreditur ventus, ergo & c.

Quarum petitur ex motu rotæ *A* & rotæ *B* in eodem curru. Motus rotæ *A* est causa vel conditio ad motum rotæ *B* & è conuerso motus rotæ *B* ad motum rotæ *A*, ergo isti duo motus se inuicem causant. Antecedens probatur. Si impediās rotam *A* seu motum rotæ *A* non mouetur rota *B*. Idem dic de indito motu rotæ *B* respectu motus rotæ *A*. Hinc inferes: ergo negatio motus in rota *A* est impedimentum motus in rota *B*, & è conuerso: ergo motus rotæ *A* est negatio impedimenti ad motum rotæ *B*, & è conuerso. Consequentia liquet attendenti, ergo motus rotæ *A* est conditio ad motum rotæ *B*. Probatur hæc vltima consequentia: quia inter conditiones requisitas ad effectum ponitur negatio impedimenti; ergo motus rotæ *A* est pro priori ad motum rotæ *B*; & è conuerso.

Pro.

Prebatur vltima consequentia: quia conditio non minus quam causa, vt dictum est, constituit actum primum proximum ad quantum effectus faciendi.

Primum argumentum dissoluitur axiomate: *vis unita fortior* Duo carbones simul uniti validius agunt in frigidum circumtusum, eiusdemq. actioni resistunt. Hinc ad argumentum in forma. Calor carbonis *A* conseruat calorem carbonis *B* per mutuum influxum vnus in alterum: nego, per simultaneam actionem & resistantiam vtriusq. in contrarium: concedo. Idem dic in omnibus alijs similibus experimentis. Moneri tamen debes considerandum esse hic nō solum carbonem & carbonem: sed etiam calorem & calorem. Non negamus carbonem *A* producere aliquid caloris immo aliquid ignis in carbone *B* & vicissim carbonem *B* in carbone *A*. Negamus illum calorem aut ignem qui à carbone *A* producit in carbone *B*, produci ab illo eodem calore vel igne, qui est producens talis caloris vel ignis. v. g. Calor *A* si produxit calorem *B*. in alio; non producit ipse ab eodem calore *B*.

Ad secundum. Consideranda est in vtroque baculo durities & impenetrabilitas. Rationalis impenetrabilitatis vbi est vnum corpus nequit esse alterum, intellige in sensu composito. Hinc vbiatio baculi *A* impossibilis est cum vbiatione baculi *B*: adeoque vna vbiatio impedit aliam per modum forme impossibilis. Quæ autem se mutuo impediunt ut impossibilia non habent ordinem inter se prioris & posterioris. Hinc

recte diceret ubicationes prædictas esse sibi mutuas condiciones, sed concomitantes. Sicut enim diximus supra non esse de ratione omnis causæ habere prioritatem, ita nec est de ratione omnis conditionis. Ita philosophatur, & sapienter Comptonus.

In forma igitur ad argumentum nega antecedens. Ad probationem Concessio antecedenti; distingue consequens: determinat in ratione determinatiui concomitantis: concede, antecedentis: nega. Ex his facile est ad reliqua. Quidquid enim suppleret pro proximitate baculi *A* eodem modo se haberet sicut se habet talis proximitas ad ubicationem baculi *B*; hoc est pro impedimento per modum rei impossibilis; quod impedimentum ad differentiam impedimenti antecedentis vocare poteris impedimentum formale; nam ex dictis supra, quod in qualibet denominatione sustinet rationem formæ, non exigit rationem prioris. Impeditur igitur descensus baculi *B* per ubicationem baculi *A* tamquam per impedimentum formale; hoc est tamquam per rem impossibilem cum tali descensu.

Dices præsciendando ab ubicatione baculi *A* non datur actus primus adequatus ad ubicationem baculi *B*, & è conuerso; ergo & ubicatio baculi *A* pertinet ad actum primum ubicationis baculi *B*, & è conuerso. Antec. probatur 1. quia si etiam præsciendando ab ubicatione baculi *A* detur prædictus actus primus adæquate; non est cur deficiente ubicatione *A* deficiat ubicatio *B*; ergo &c. 2. Quia talis actus primus adæquatus non est assignabilis; ergo, &c.

Resp.

Resp. neg. antec. ad primam probationem neg. antec. Vbicatio *A* si deficit, deficit ex defectu actus primi proximi ad se ipsam; sed actus primus proximus ad ipsam est indiuisibiliter ad vbicationem *B*; ergo &c. Ad secundam probationem iterum nego antec. Actus primus proximus adæquatus vbicationis baculi *B* est vterque baculus, motus antecedens vtriusq. siue à manu collocatore siue ab alia causa. Impetus innati vtriusq. baculo tendentes actu per hanc & illam lineam versus centrum, adeoque vnum ad alterum inclinantes & alia huiusmodi, quæ neutram includunt ex vbicationibus, & ad vtramque indiuisibiliter determinant.

Ad tertium. Nega antecedens. Ingressus venti & apertio fenestræ sunt effectus simultanei seu coeffectus eiusdem causæ indiuisibiliter intrudentis ventum & pellentis fenestram. Sicut in balance ascensus lancis *A* & descensus lancis *B* sunt effectus simultanei eiusdem grauitatis. Ita etiam supra diximus expulsionem vnius formæ & introductionem alterius indiuisibiliter, & sine vlllo ordine prioris & posterioris esse ab eadem causa. Quod si Aduersarius quærat hic quænam sit illa causa fenestram pellens & ventum intrudens: pete ab ipso causam venti: & hoc firmiter tene te in effectibus simultaneis toties assignaturum causam vtriusque quoties assignabis causam vtriuslibet. Non est autem hic locus agendi de ventis & causis Ventorum, quæ omnia ad Meteorologas ex cōsuetudine huius vniuersitatis iam pertinent.

Ad quartum. Similiter nega antecedens.  
Etiam

Etiam isti duo motus videlicet rotæ *A* & rotæ *B*, sunt coeffectus causæ indiuisibiliter vtriusq. mouentis. Quod pariter liquet in exemplo allato bilancis. Sunt autem tales coeffectus vt actus primus proximus ad vtrūlibet sit actus primus proximus ita ad vtrūq. vt vnum sine altero edere nequeat. Puta in casu posito vtriusq. rotæ in curru; mobilitas rotæ *A* est de actu primo proximo non solum ad motum rotæ *A*, sed etiam ad motum rotæ *B*: & è conuerso: igitur si consideres actum primum motus rotæ *A* non attendes solum ad mobilitatem expeditam ipsius rotæ *A*, sed insuper ad mobilitatem expeditam rotæ *B*. Hinc sublata mobilitate rotæ *B*, vides è medio tolli actum primum proximum motus rotæ *A*; tolli, inquam, nō per ablationem motus rotæ *B*, sed per ablationem inobilitatis. Hinc impedita à motu rota *B* moueri nequit rota *A*, ex defectu alicuius antecedentis, seu alicuius se tenentis ex parte actus primi. Hoc autem non est ipsemet motus, sed impedimentum ad motum cum quo implicat in terminis dari expeditam mobilitatem rotæ *B*.

Hinc patet ad ea omnia quæ sequuntur. Negatio motus Rotæ *A* est impedimētum motus rotæ *B*: formaliter: nega, præsuppositiue: concede. Item motus rotæ *A* est negatio impediēti ad motum rotæ *B*: formaliter: nega; præsuppositiue: concede. Negatio motus rotæ *A* est impedimentum motus Rotæ *B*, præsuppositiue: quia hæc negatio est ex defectu proximæ mobilitatis Rotæ *A*. Quæ cum sit indiuisibiliter proxima mobilitas Rotæ *B*, eo ipso est etiam ex defectu proxi-

mæ mobilitatis Rotæ B. defectus autem proximæ mobilitatis præsupponitur ad non motum. Sicut autem negatio motus est impedimentum; sic motus est negatio impedimenti: utrumq. præsuppositiue. Quæ omnia liquent ex dictis. Considera igitur non motum ipsum, sed ea quæ natura præcedit motum utrumlibet, siue ea se teneant ex parte rotæ quæ mouenda est, siue ex partæ causæ, cuius est mouere; & habebis vnde argumentis huiusmodi plane satisfacias.

Fundatur hæc doctrina in doctrina Philosophi 5. Metaph. cap, 6. textu 8. ubi obseruat eorum quæ simul vinculata sunt, vnum per se motum, & non posse aliter esse; vnum vero: quia indiuisibilem. Dux autem rotæ in casu posito sunt simul vinculatæ, seu cōnexæ seu etiā confixæ; earum igitur vnus est per se motus; & non potest aliter esse; & consequenter nequit motus vnus esse prior motu alterius.

Doctrinam hanc seipsa clarissimam explicat Philosophus exemplo lignorum, quæ nō pure iuxta ponuntur, sed aliquo vinculo colligantur in fascem. Hinc etiā apparet falsum esse, quod aliqui concedunt, videlicet etiā si infigatur vna rota, dari tamen totum actum primum ad motum alterius. Ex hoc enim ipso quod est vnus vtriusque motus, implicat esse actum primum ad motum vnus non autem alterius. Igitur impedimentum ad motum vtriuslibet, est impedimentum ad motum vtriusq.



## ARTICVLVS VI.

*Satisfit argumentis moralibus.*

**A** Causis physicis transitur in hac materia ad causas morales. Primum igitur argumentum sit. Dicat Petrus: nolo mouere manum dexteram nisi mouero sinistram, nec sinistram nisi mouero dexteram. In tali casu motus dexteræ pendeat dependentia à priori, à motu sinistræ; & vicissim motus sinistræ à motu dexteræ; ergo dabitur mutua dependentia à priori. Antecedens probatur: quia motus sinistræ existens erit motuum voluntati ad imperandum motum dexteræ, & vicissim &c.

Proponitur hic idem casus inter duos: puta inter Gabrielem & Raphaellem. Dicat Gabriel: nolo facere nisi quod videro Raphaellem facientem & vicissim dicat Raphael: nolo facere nisi quod videro Gabrielem facientem: in tali casu actus Raphaelis erit determinatiuum antecedens ad actum Gabrielis; & è conuerso. Huiusmodi casus videntur quotidie accidere inter aulicos, qui ad quamlibet ianuam sibi inuicem protestantur se non ingressuros vel egressuros, nisi alium viderint precuntem. In quo, si bene aduertas, intercederet non modo mutua prioritas secundum naturam, sed etiam secundum tempus; ex quo liquet quam inaniter & otiose hæc argumenta excogitauerint ij, in quorum gratiam hic repetuntur.

Ad causum de Petro dictum propositum huiusmodi fieri posse & seruari. Ad rationem:

nega

negā antecedens. Aduerte Petrum nihil aliud dicere nisi: nolo mouere dexteram nisi mouero sinistram; quod propositum esse potest non mouendi nisi vtramq. manum. Hoc posito motus vnus non pendet à motu alterius, sed ab illa voluntate pendet indiuisibiliter motus vtriusq. adeoq. duo illi motus sunt coeffectus ab vno eodemq. voluntaris imperio simul pendentes. Si diceret: nolo mouere dexteram nisi prius mouero sinistram; & è conuerso; negā hoc propositum fieri posse a sapiente; aut vel à stulto seruari.

Hanc vltimam responsionem dabis in casu Gabrielis & Raphaelis. Dices enim neutrum per totam æternitatem quidquam acturum si stent promissis. Aulici qui sibi mutuo ita protestantur sibi mutuo mentiuntur: patet enim modo vnum, modo alterum profundiori capitis inclinatione petere veniam, quod desit vel promisso vel etiam iuramento. Quod interest ad rem nostram: vide quod qui mutuam prioritatem admittunt faciunt naturam similem inaniter proponenti, quod exequi sit impossibile. Fac enim *A* & *B* esse sibi inuicem causas. Tunc natura dicit: non ponam *A* nisi prius posuero *B*, nec ponam *B* nisi prius posuero *A*. Quod propositum est insipientis, & non intelligentis, quid demum proponat.

Aliud argumentum sit hoc. Dicat Imperator militi pugnaturo: en tibi ensē aureū; si reportabis victoriam ab hostibus, sit tibi in præmium victoriæ. Aut etiam, si mauis, præuideat Imperator futuram victoriam, & gladium quo pugnaturus & victurus est miles: ante victoriam ipsam, det militi: præ

mium victoriæ. In hoc casu & victoria causat donationem gladij, & donatio gladij causat victoriam, ergo in casu prædicto datur mutua causalitas.

Ad hoc argumentum non male respondebis concedendo totum. Sed quid inde? Quasi vero diceremus repugnare omnem mutuam causalitatem. Victoria intentionaliter existens determinat ad physicam donationem gladij, donatio autem ipsa gladij, & gladius ipse physice existentes determinant ad victoriam transferendam à statu pure intentionali ad esse simpliciter. Infinita alia huiusmodi olim proponebantur, in quibus immorari esset hominis otiosi.

*Appendix ad tractatum de causis.*

Quæ supersunt de causis per nonnulla quæsitæ explicabimus. Quæres autem primo an causa recte diuidatur quadrifariam; in materialem & formalem, efficientem & finalem.

Resp. affirmatiue. Hæc responsio patet ex dictis. Causam enim exemplarem siue ideam quam pro quinta nonnulli afferunt, diximus pertinere ad efficientem.

Quæres secundo. An sint aliæ diuisiones causæ?

Resp. affirmatiue. Sed huiusmodi diuisiones melius afferuntur vbi fert occasio, quâ instituendo quæstionem de ipsis. Puta quis non intelligit quando distinguitur, inter arguendum, aut respondendum, per causam mediatam & immediatam, adæquatam & inadæquatam, & sic de ceteris.

Est autem inter ceteras satis familiaris diuisio causæ in vniuocam & æquiuocam.

Vniuoca producit effectum sibi similem : vt ignis ignem . equiuoca dissimilem : vt sol plantam.

Præterea non est omittenda diuisio causæ in liberam & necessariam. Necessaria est quæ positis omnibus prærequisitis ad agendum nequit determinare se ad non agendum. Puta ignis proximus stuppæ necessario illam comburit. Libera est quæ positis omnibus prærequisitis ad agendum potest determinare se tam ad non agendum , quam ad agendū. Huiusmodi est voluntas humana, quæ perfecte completa ad amandum, potest etiam non amare, ex determinatione , non aliena , sed sua .

Post diuisiones causæ quæres in quo differant conditio & causa, in quo conueniant?


Resp. Causam & Conditionem conuenire in ratione requisiti ad effectum. Actus enim primus adæquatus comprehendit non solum quidquid habet rationem causæ , sed etiam quidquid habet rationem conditionis, dummodo tam hoc quam illud contineatur inter constitutiua potentiæ adæquatæ ad effectum. Discrimen autem inter conditionem & causam afferri solitum est, quod causa determinet ad effectum per modum virtutis , conditio autem per modum applicantis virtutem. Exemplo res patet, Vt ignis calefaciat stuppam tam requiritur vt sit proximus , quam vt sit calidus: manifestum est autem aliter se habere calorem ad calefaciendum, aliter approximationē. Approximatio æque requiritur ad frigesaciendum : non idem dicere de calore : habet igitur specialiter aliquid calar propter quod requiratur ad


hunc effectum, quod non habet proximitas. Hoc est quod intelligūt nomine virtutis. Ineptum est putare vocationes per quas habetur proximitas agentis & passi esse virtutē omnificam; cum tamen proximitas huiusmodi requiratur ad quodlibet efficiendum; recte igitur dicetur esse applicatio huius & illius virtutis, à qua hic & ille effectus procedit. Conditio igitur conuenit proximitati, quia hæc pariformiter requiritur ad omnes omnino effectus inter agens & passum ratio autem causæ conuenit huic & illi qualitati, puta calori, frigori, & cæteris, quia in effectū reperitur aliqua ratio qua specialiter connectitur cum hac potius quā illa. Puta calor connectitur potius cum igne quam cum aqua, & frigus cum aqua potius quam cum igne in genere effectus, quamuis tam frigus proximitatem aquæ exigat, quam calor proximitatem ignis.

His positis non vacat afferre huc & impugnare varias definitiones Causæ in communi, quæ ideo difficile definitur: quia facillime quid sit intelligitur: cum etiam pueri frequentissime in ore habeant: ego sum causa huius, non sum causa illius rei: Puta frater fratri dicit: ego non sum causa cur vapulaueris à Magistro; cum tamen sis causa cur vapulauerim à Præfecto; Hoc dictio nihil aliud significans nisi se accusatum fuisse à fratre quem non accusauit. Omnium autem definitionum receptissima est: quod causa sit id quod determinat cum virtute ad esse aliud: conditio autem id quod determinat per modum applicantis virtutem: quæ omnia satis patent ex dictis.

Denique. notandum est quod quamvis tam causa necessaria nequeat esse sine effectu, quam effectus nequit esse sine causa : non tamen de ratione vniuersalissima causæ adæquatæ est non esse sine effectu; sicut de ratione vniuersalissima effectus est supponere causam adæquatam sui. Patet hoc in causa libera, quæ perfecte completa potest non operari; adeoq. non habet necessario consequentem effectum; quamvis etiam effectus libè necessario præsupponat causam adæquatam sui.

Huc fortasse respexit Philosophus in definitione prioris quando dixit: ex duobus quæ conuertuntur, &c. illud esse altero prius, quod sine illo esse potest, quamvis illud esse nequeat sine ipso: ita videlicet ut sensus sit, illud esse prius respectu alterius, sine quo alterum esse nequit, quamvis ipsum ex genere suo sine altero esse possit. Nam actus primus ex genere actus primi, seu ex ratione præcisa actus primi non necessario exit in actum secundum; ut patet ex actu primo effectus liberi. At actus secundus siue necessarius sit, siue liber, necessario supponit actum primum, hoc est sufficientiam adæquatam sui.





## DISPUTATIO VI.

## De Motu.

## QVAESTIO I.

*De quidditate & proprietatibus  
motus.*

## ARTICVLVS I.

*Quid & quotus sit motus.*

**S**I vsquam Aristotelis ingenium ;  
quam alijs præstet , conspicuum  
fecit ; fecit definiendo motum,  
Est autem motus , ait Aristote-  
les 3. Phisic. cap. 2. *eius quod  
potentia existit actus quatenus huiusmodi.*  
Hæc definitio communiter sic circumfertur .  
*Motus est actus entis in potentia prout in  
potentia.* Dicitur *actus* quia per motum est  
in subiecto aliqua actualitas , & per motum  
formaliter subiectum extrahitur ab aliqua  
ratione puræ potentiæ. Subiectum enim per  
motum fit ex mobili motum , hoc est ex eo  
quod potest moueri id quod actu mouetur.  
Dicitur *entis in potentia* : quia quamuis sit ali-  
quis actus non est tamen actus ita extrahens  
formaliter subiectum à ratione potentiæ ut  
per

per illum formaliter subiectum habeat perfectionem illam seu rem illam, ad quam actualiter mouetur. Patet hoc in Socrate transeunte è domo sua ad Licæum; per motum illum localem, quo egreditur domo sua, & vltcrius pergit, ex mobili sit motus, seu ex potente mouere se, actu mouens se: non tamen per motum huiusmodi formaliter ex potente esse in Licæo sit in Licæo existens: immo in fine motus cum in Licæo exisset, moueri desinet & sedebit. Hinc patet cur addatur: *prout in potentia*.

Hæc particula *prout in potentia* aliter etiam explicari solet. Aiunt enim vnumquodque denominari esse in potentia ab illo motu quo moueri potest v. g. alteratio est motus subiecti alterabilis quatenus alterabilis est. Augmentatio motus augmentabilis. Generatio & corruptio, generabilis & corruptibilis; prout talia sunt. Eius vero quod fertur, idest, eius, quod mouetur localiter, latio idest motus localis, vt dicit Philosophus suam definitionem explicans.

Hæc definitio quam rudiores obscuritatis insimulant vel mediocribus est clarissima; nec enim arduum est intelligere cum aliquo actu, stare aliquam potentiam; nec quemlibet actum quemlibet potentiam implere. Accipiendus autem est motus pro ratione communi ad omnem mutationem, siue successiuam, siue instantaneam. Successiua dicitur per quam terminus ad quem est motus acquiritur non totus simul, sed per partes: instantanea vero per quam totus simul. E-



exemplum primæ sit in mutatione aquæ ex frigida in calidam; secundæ in mutatione aeris ex tenebroso in lucidum. Prima mutatio dicitur à contrario in contrarium, fitque inter terminos positivos: secunda à contradictorio in contradictorium; fitque à priuatione ad terminum positivum.

Contemplare igitur subiectum aliquod; puta materiam primam in triplici statu: primò secundum rationem puræ potentiæ ad aliquam formam, puta ad formam ignis. Secundo prout per actionem alterius ignis approximati disponitur & mouetur ad ipsam formam ignis. tertio prout potentiam ipsamet forma ignis. In primo statu nonnum mouetur, sed est in potentia & ad motum, & ad formam acquisibilem per motum: in secundo statu non est in pura potentia ad motum, sed actu mouetur: in tertio ponitur non solum motu, sed forma ipsa; quam per motum acquirit.

Dixi *non solum motu*: nam in eodem instanti. immo in eodem signo naturæ est in subiecto & actio generatiua prout ab alteratiua distinguitur; & forma quæ per actionem huiusmodi ponitur in natura; diximus enim actionem non esse priorem natura effectui. Verumtamen cum actio distinguatur à forma quæ per ipsam ponitur; subiectum non perficitur formaliter per actionem, tamquam per terminum; sed per formam ipsam ad quam talis actio terminatur.

Dices: simul cum motu instantaneo non est subiectum in potentia ad terminum motus: ergo etiam si definitio Aristotelica quadret mutationibus successiuis, non tamen

qua-

quadrat omnibus ; & consequenter est definitio , alicuius ; non tamen omnis motus . Antecedens probatur : quia simul cum motu instantaneo ponitur tota forma , adeoque ponitur terminus motus simul cum motu ; ergo in sensu composito motus subiectum non manet in potentia . Explicatur hoc idem . Aer v. g. fiat ex tenebroso lucidus : non præcedit in aere motus illuminationis ad formam qua redditur luminosus ; sed simul est in aere & motus illuminationis , & lumen ipsum , itaut illuminatio ipsa neque natura præcedat lumen ; sed sit ratio qua lumen ab illuminante procedit . Idem dic de actione productiva formæ substantialis .

Resp. tenendum esse quod dictum est supra : videlicet , quod quamvis actio non præcedat nisi origine terminum : tamen potentia ad terminum non expletur in subiecto nisi per terminum ipsum . Igitur in eodem instanti , seu signo naturæ est in subiecto & actio & terminus actionis : sed per actionem formaliter expletur in ratione potentiæ mobilis per actionem ; per terminum autem expletur ratio potentiæ perfectibilis per talem terminum . Ex hoc patet ad argumentum in forma . Distingue antecedens : non est in potentia ratione motus formaliter : nega , ratione termini : concede . Et ostende subiectum formaliter perfici perfectione intentâ , non per actionem , sed per terminum actionis . Hoc autem sufficit ad veritatem definitionis Aristotelicæ .

Instabis . Philosophus quinto Phisic. textu 10. ait : *secundum substantiam autem*

*non est motus : propterea quod nullum entium substantie contrarium est. Idem docet eodem libro textu 55. sic : quibus autem non sunt contraria, horum mutatio quidem est, motus autem non est.*

Resp. ergo non est mala definitio motus; etiam si non conueniat mutationi secundum substantiam. Hæc enim non est motus.

Resp. secundo alibi Philosophum inter genera motus enumerare eum qui est secundum substantiam. Alicubi igitur magis, alicubi minus stricte accipitur motus. Ex quo respondebis argumento.

Idem autem Philosophus, locis supra citatis, tria genera motus enumerat, videlicet : *secundum quantum, secundum quale, & secundum locum*. Hi tres motus successiui sunt. secundum restrictionem motus ad tria prædicta genera, motus non comprehendit mutationem secundum substantiam. Alibi autem, videlicet hoc eodem libro textu 4. dicit : *mutatur enim semper id quod mutatur aut secundum substantiam, aut secundum quantum, aut secundum quale, aut secundum locum*. Hinc inuenies apud multos pro: *mutari* hanc aliam vocem: *moueri*: puta mouetur enim semper id quod mouetur, ut secundum substantiam, aut &c. secundum hæc acceptionem motus, mutatio secundum substantiam est motus.

Genera motus alibi etiam aliter enumerantur. Motus alius est ex non subiecto in subiectum; puta quando materia transit à priuatione ad formam: hic enim ex non subiecto formæ subiectum eiusdem. Alius ex subiecto in subiectum: ut cum ex subiecto

vnius qualitatis sit subiectum alterius illi contrariæ: puta cum ex calido sit frigidum. Alius ex subiecto in non subiectum, vt cum à forma transit ad priuationem eiusdem. Prima & vltima ex prædictis mutationibus, est motus inter contradictoria: media vero inter contraria.

Dices: quando Philosophus post definitionem motus à se traditam exemplificat in generatione & corruptione, intelligendus est non de ipsa generatione, & corruptione formali, quæ est instantanea; sed de generatione & corruptione dispositiua, quæ est successiua; ergo Philosophus sub motu à se definito non comprehendit motum instantaneum.

Resp. negando antecedens. Nam Philosophus ibi diuidit generationem & corruptionem ab alteratione; hoc est mutationem secundum substantiam à mutatione secundum quale; & consequenter generationem formalem ab alteratione. Generatio autem dispositiua, et alteratio sunt idem.

## ARTICVLVS II.

### *De multiplici motuum oppositione.*

**S**pecificari motum à termino ad quem, communis est sententia. Ratio est. quia essentia motus est esse tendentiam in terminum, vel positionem, aut acquisitionem termini. Cum igitur totum esse motus sit propter terminum, aiunt, differentiam vni ab alio desumendam à differentia termini.

termino. Ità calefactio est motus specie diuerfus à frigefactione; quia alter est ad frigus, alter ad calorem, qui sunt termini diuersi specie.

Ex ijs, quæ dicta sunt in Logica, & vbique firmiter tenenda sunt; quidquid dissimulat entitatie vnum ab alio, eo ipso diuersificat secundum speciem vnum ab alio. Igitur si præter diuersitatem termini est etiam alia diuersitas entitativa inter motum *A*, & motum *B*; rigorose loquendo motus illi specie diuersi erunt; idem dic, si cum identitate, vel omnimoda similitudine in terminis, aut termino, erit aliquid in ipsomet motu per quod dissimiletur ab alio. Putà si homo & equus tendunt ad eundem terminum cum motus equi sit essentialiter affixus equo, motus verò hominis homini; duo isti motus, cum entitatie dissimilentur, specie different. Quia tamen in motu nihil aliud acceditur, quam esse propter terminum; adeò respicientes ad hoc solum prædicatum, dicemus cum alijs motum specificari à termino.

Hinc docet idem Philosophus passim, præcipuè verò 7. Physic. à textu 44. vsque ad 50. motuum contrarietatem à terminorum contrarietate desumi: vnde motus calefactionis, & frigefactionis non solum sunt diuersi specie, sed etiam contrarii; quia sunt ad terminos non solum diuersos, sed etiam contrarios.

Quæri solet hic, an idem subiectum diuersis motibus moueri queat, non successiue, quod est extra dubium, sed simultaneè. Verum: si de motibus præcise diuersis ser-

mo est, est etiam extra dubium idem subiectum simul habere diuersos motus. Socrates simul ambulat, nutritur, calefit, loquitur, &c. adeoq. mouetur secundum locum, secundum quantum, secundum quale, &c. Dubium igitur est, an idem moueri queat moribus contrarijs. Hec dubium multum licet conclusione per varia motuum genera euacuabitur.

Prima conclusio. Potest idem subiectum pro diuersis sui partibus moueri ad contraria. Hæc cōclusio est euidentis in Socrate mouente manum dexteram versus orientem, & sinistram versus occidentem.

Secunda conclusio. Potest eadem res indiuisibilis diuisibile spatium occupans, intra spatium adæquatum moueri in partes oppositas. Hæc etiam conclusio est euidentis. Dum enim dexteram moues ad orientem, & sinistram ad occidentem; anima quæ est res indiuisibilis, sed in spatio diuisibili, intra spatium a se occupatum mouetur, & versus orientem, & versus occidentem. Hæc conclusio supponit moueri animam ad motum corporis. Ratio vtriusque conclusionis est: quia tam res diuisibilis, quàm indiuisibilis, diuisibile spatium occupans, potest esse simul in spatij partibus inter se oppositis. In quolibet enim spatio diuisibili facies diuisiones geometricas non tot quin plures, & in quaslibet partes oppositas.

Tertia conclusio. Nequit idem corpus naturaliter moueri secundum locum moribus contrarijs, aut diuersis, secundum idem. Probatur hæc conclusio, quia idem corpus nequit naturaliter esse in multis locis si-

mul; ergo nequit simul moueri secundum idem ad diuersa, aut contraria spatia. Antecedens probatur, vbi de corporum replicatione, quam asserimus, possibilem quidem diuinitus, naturaliter autem impossibilem. Dixi: *Secundum idem*: quia nec totum corpus potest simul esse in duplici spatio sibi adæquato, nec vlla pars eiusdem corporis. Ex impotentia autem essendi in duplici loco, recte infero impotentiam simultaneorum moruum ad duplicem locum. Immo in ipsa impotentia essendi in duplici loco includitur impotentia pergendi ad duplicem locum, vt consideranti patebit.


Contra vltimam conclusionem fiunt aliquę difficultates peritæ ex motibus syderũ: Puta Sol motu raptus mouetur versus orientem, motu autem proprio ab oriente in occidentem. Hoc ipsum ob oculos ponitur in experimento quotidiano, puta si sit Socrates in Triremi, quę remis velisq. velocissimè feratur versus Occidentem: ipse autem Socrates à prora ad puppim, adeoq. orientem versus motu progressiuo feratur. Hoc quotidie accidit. Pone deinde muscam supra humeros Socratis per varios giros deambulante. In tali casu in Socrate est motus receptus in ipso, & Triremi latius ipsius versus occidentem: & præterea in eodem est motus progressiuus, latius in oppositum, videlicet in orientem: in musca autem præter motum communem omnibus contentis in Triremi, & motum quem habet à Socrate est motus circulationis circa humeros deferentis. Datur igitur & in Socrate duplex, & in musca multiplex motus; & quidem

tum ad opposita, tum ad diuersa; ergo idem subiectum potest moueri localiter, non solum diuersis, sed etiam oppositis motibus. Casum quem hic proposui varij variè proponunt.

Resp. admittendo casum, negando autem quod corpus moueatur pluribus motibus, nedum contrarijs. Vt autem difficultatem, quæ tota imaginationis est, ipsa imaginatione dissoluas; compara corpus, quod mouetur cum aliquo puncto vel realiter, vel immaginarie immobili. Et inuenies numquam Socratem habere, aut acquirere, nisi vnã distantiam à tali puncto, nec, quomodocumq. moueatur, vnumquam describere, nisi vnã lineam, per quam vel accedit, vel recedit; comperatiuè ad terminum, cum quo confertur.

Decipitur autem nonnullorum imaginatio: quia reipsa respectiue ad diuersa, quibuscum comparatur, sortitur corpus prædictum denominatione moti tum versus orientem: tum versus occidentem. Idque quia nullum ex his quibuscum confertur non habet & suum orientem, & suum occidentem: cum quodlibet corpus diuisibile diuidi possit in partes non tot quin plures versus quaslibet partes mundi, Rem explico in casu posito. Triremis in qua est Socrates, est diuisibilis in quatuor partes, quarum vna est versus Orientem, alia versus Occidentem, &c. dum igitur Socrates accedit à pro-  
ra ad puppim, v.g. respectu Triremis vergit in Orientem. Si tamen compares Socratem ipsum cum scopulo quem reliquit, & raptum simul cum Triremi versus Occidentem





## DISPUTATIO VI.

## De Motu.

## QVAESTIO I.

*De quidditate & proprietatibus  
motus.*

## ARTICVLVS I.

*Quid & quotus sit motus.*

**S**I vsquam Aristotelis ingenium ,  
quam alijs præster , conspicuum  
fecit ; fecit definiendo motum.  
Est autem motus , ait Aristote-  
les 3. Phisic. cap. 2. *eius quod  
potentia existit actus quatenus huiusmodi.*  
Hæc definitio communiter sic circumfertur .  
*Motus est actus entis in potentia prout in  
potentia.* Dicitur *actus* quia per motum est  
in subiecto aliqua actualitas , & per motum  
formaliter subiectum extrahitur ab aliqua  
ratione puræ potentiæ. Subiectum enim per  
motum fit ex mobili motum , hoc est ex eo  
quod potest moueri id quod actu mouetur.  
Dicitur *entis in potentia* : quia quamuis sit ali-  
quis actus non est tamen actus ita extrahens  
formaliter subiectum à ratione potentiæ ut  
per

per illum formaliter subiectum habeat perfectionem illam seu rem illam, ad quam actualiter mouetur. Patet hoc in Socrate transeunte è domo sua ad Licæum; per motum illum localem, quo egreditur domo sua, & vltius pergit, ex mobili sit motus, seu ex potente mouere se, actu mouens se: non tamen per motum huiusmodi formaliter ex potente esse in Licæo sit in Licæo existens: immo in fine motus cum in Licæo exisset, moueri desinet & sedebit. Hinc patet cur addatur: *prout in potentia*.

Hæc particula *prout in potentia* aliter etiam explicari solet. Aiunt enim vnumquodque denominari esse in potentia ab illo motu quo moueri potest v. g. alteratio est motus subiecti alterabilis quatenus alterabilis est. Augmentatio motus augmentabilis. Generatio & corruptio, generabilis & corruptibilis; prout talia sunt. Eius vero quod fertur, idest, eius, quod mouetur localiter, latius idest motus localis, vt dicit Philosophus suam definitionem explicans.

Hæc definitio quam rudiores obscuritatis insimulant vel mediocribus est clarissima; nec enim arduum est intelligere cum aliquo actu, stare aliquam potentiam; nec quemlibet actum quemlibet potentiam implere. Accipiendus autem est motus pro ratione communi ad omnem mutationem, siue successiuam, siue instantaneam. Successiua dicitur per quam terminus ad quem est motus acquiritur non totus simul, sed per partes: instantanea vero per quam totus simul. E-

exemplum primæ sit in mutatione aquæ ex frigida in calidam; secundæ in mutatione aeris ex tenebroso in lucidum. Prima mutatio dicitur à contrario in contrarium, fitque inter terminos positivos: secunda à contradictorio in contradictorium; fitque à priuatione ad terminum positivum.

Contemplantur igitur subiectum aliquod; pura materiam primam in triplici statu: primò secundum rationem puræ potentie ad aliquam formam, puta ad formam ignis. Secundo prout per actionem alterius ignis approximati disponitur & mouetur ad ipsam formam ignis. tertio prout potentem ipsamet forma ignis. In primo statu nondum mouetur, sed est in potentia & ad motum, & ad formam acquisibilem per motum: in secundo statu non est in pura potentia ad motum, sed actu mouetur: in tertio ponitur non solum motu, sed forma ipsa; quam per motum acquirit.

Dixi *non solum motu*: nam in eodem instanti. immo in eodem signo naturæ est in subiecto & actio generatiua prout ab alteratiua distinguitur; & forma quæ per actionem huiusmodi ponitur in natura; diximus enim actionem non esse priorem natura effectui. Verumtamen cum actio distinguatur à forma quæ per ipsam ponitur; subiectum non perficitur formaliter per actionem, tamquam per terminum; sed per formam ipsam ad quam talis actio terminatur.

Dices: simul cum motu instantaneo non est subiectum in potentia ad terminum motus: ergo etiam si definitio Aristotelica quaderet mutationibus successivis, non tamen qua-

quadrat omnibus ; & consequenter est definitio , alicuius ; non tamen omnis motus . Antecedens probatur : quia simul cum motu instantaneo ponitur tota forma , adeoque ponitur terminus motus simul cum motu ; ergo in sensu composito motus subiectum non manet in potentia . Explicatur hoc idem . Aer v. g. fiat ex tenebroso lucidus : non præcedit in aere motus illuminationis ad formam qua redditur luminosus ; sed simul est in aere & motus illuminationis , & lumen ipsum , itaut illuminatio ipsa neque natura præcedat lumen ; sed sit ratio qua lumen ab illuminante procedit . Idem dic de actione productiva formæ substantialis .

Resp. tenendum esse quod dictum est supra : videlicet , quod quamvis actio non præcedat nisi origine terminum : tamen potentia ad terminum non expletur in subiecto nisi per terminum ipsum . Igitur in eodem instanti , seu signo naturæ est in subiecto & actio & terminus actionis : sed per actionem formaliter expletur in ratione potentiæ mobilis per actionem ; per terminum autem expletur ratio potentiæ perfectibilis per talem terminum . Ex hoc patet ad argumentum in forma . Distingue antecedens : non est in potentia ratione motus formaliter : nega , ratione termini : concede . Et ostende subiectum formaliter perfici perfectione intenta , non per actionem , sed per terminum actionis . Hoc autem sufficit ad verificationem definitionis Aristotelicæ .

Instabis : Philosophus quinto Phisic. textu 10. ait : *secundum substantiam autem*

*non est motus : propterea quod nullum entium substantie contrarium est. Idem docet eodem libro textu 55. sic : quibus autem non sunt contraria, horum mutatio quidem est, motus autem non est.*

Resp. ergo non est mala definitio motus; etiam non conueniat mutationi secundum substantiam. Hæc enim non est motus. Resp. secundo alibi Philosophum inter genera motus enumerare eum qui est secundum substantiam. Alicubi igitur magis, alicubi minus stricte accipitur motus. Ex quo respondebis argumento.

Idem autem Philosophus, locis supra citatis, tria genera motus enumerat, videlicet : *secundum quantum, secundum quale, & secundum locum*. Hi tres motus successiui sunt. secundum restrictionem motus ad tria prædicta genera, motus non comprehendit mutationem secundum substantiam. Alibi autem, videlicet hoc eodem libro textu 4. dicit : *mutatur enim semper id quod mutatur aut secundum substantiam, aut secundum quantum, aut secundum quale, aut secundum locum*. Hinc inuenies apud multos pro: *mutari* hanc aliam vocem: *moueri*: puta mouetur enim semper id quod mouetur, ut secundum substantiam, aut &c. secundum hanc acceptionem motus, mutatio secundum substantiam est motus.

Genera motus alibi etiam aliter enumerantur. Motus alius est ex non subiecto in subiectum; puta quando materia transit à priuatione ad formam; hæc enim ex non subiecto formæ subiectum eiusdem. Alius ex subiecto in subiectum: ut cum ex subiecto

vnus qualitatis sit subiectum alterius illi contrariæ: puta cum ex calido sit frigidum. Alius ex subiecto in non subiectum, vt cum à forma transit ad priuationem eiusdem. Prima & vltima ex prædictis mutationibus, est motus inter contradictoria: media vero inter contraria.

Dices: quando Philosophus post definitionem motus à se traditam exemplificat in generatione & corruptione, intelligendus est non de ipsa generatione, & corruptione formali, quæ est instantanea; sed de generatione & corruptione dispositiua, quæ est successiua; ergo Philosophus sub motu à se definito non comprehendit motum instantaneum.

Resp. negando antecedens. Nam Philosophus ibi diuidit generationem & corruptionem ab alteratione; hoc est mutationem secundum substantiam à mutatione secundum quale; & consequenter generationem formalem ab alteratione. Generatio autem dispositiua, et alteratio sunt idem.

## ARTICVLVS II.

### *De multiplici motuum oppositione.*

**S**pecificari motum à termino ad quem, communis est sententia. Ratio est. quia essentia motus est esse tendentiam in terminum, vel positionem, aut acquisitionem termini. Cum igitur totum esse motus sit propter terminum, aiunt, differentiam vni ab alio desumendam à differentia termini.

termino. Ità calefactio est motus specie diuerfus à frigefactione; quia alter est ad frigus, alter ad calorem, qui sunt termini diuersi specie.

Ex ijs, quæ dicta sunt in Logica, & vbique firmiter tenenda sunt; quidquid dissimulat entitatiue vnum ab alio, eo ipso diuersificat secundum speciem vnum ab alio. Igitur si præter diuersitatem termini est etiam alia diuersitas entitatiua inter motum *A*, & motum *B*; rigoroſe loquendo motus isti specie diuersi erunt; idem dic, si cum identitate, vel omnimoda similitudine in terminis, aut termino, erit aliquid in ipsomet motu per quod dissimiletur ab alio. Putà si homo & equus tendunt ad eundem terminum cum motus equi sit essentialiter affixus equo, motus verò hominis homini: duo isti motus, cum entitatiue dissimilentur, specie different. Quia tamen in motu nihil aliud acceditur, quam esse propter terminum; ideo respicientes ad hoc solum prædicatum, dicemus cum alijs motum specificari à termino.

Hinc docet idem Philosophus passim, præcipuè verò 9. *Physic.* à textu 44. vsque ad 50. motuum contrarietatem à terminorum contrarietate desumi; vnde motus calefactionis, & frigefactionis non solum sunt diuersi specie, sed etiam contrarij; quia sunt ad terminos non solum diuersos, sed etiam contrarios.

Queri solet hic, an idem subiectum diuersis motibus moueri queat, non successiue, quod est extrà dubium, sed simultaneè. Verum: si de motibus præcise diuersis sermo

mo est, est etiam extra dubium idem subiectum simul habere diuersos motus. Socrates simul ambulat, nutritur, calefit, loquitur, &c. adeoq. mouetur secundum locum, secundum quantum, secundum quale, &c. Dubium igitur est, an idem moueri quatuor modis contrarijs. Hoc dubium multi licet conclusionem per varia motuum genera euacuabatur.

**Prima conclusio.** Potest idem subiectum pro diuersis sui partibus moueri ad contraria. Hæc cōclusio est euidentis in Socrate mouente manum dexteram versus orientem, & sinistram versus occidentem.

**Secunda conclusio.** Potest eadem res indiuisibilis diuisibile spatium occupans, intra spatium adæquatum moueri in partes oppositas. Hæc etiam conclusio est euidentis. Dum enim dexteram moues ad orientem, & sinistram ad occidentem; anima quæ est res indiuisibilis, sed in spatio diuisibili, intra spatium a se occupatum mouetur, & versus orientem, & versus occidentem. Hæc conclusio supponit moueri animam ad motum corporis. Ratio utriusque conclusionis est: quia tam res diuisibilis, quàm indiuisibilis, diuisibile spatium occupans, potest esse simul in spatij partibus inter se oppositis. In quolibet enim spatio diuisibili facies diuisiones geometricas non torquin plures, & in quaslibet partes oppositas.

**Tertia conclusio.** Nequit idem corpus naturaliter moueri secundum locum motibus contrarijs, aut diuersis, secundum idem. Probatur hæc conclusio, quia idem corpus nequit naturaliter esse in multis locis si-



mul; ergo nequit simul moueri secundum idem ad diuersa, aut contraria spatia. Antecedens probatur, vbi de corporum replicatione, quam asserimus, possibilem quidem diuinitus, naturaliter autem impossibilem. Dixi: *Secundum idem*: quia nec totum corpus potest simul esse in duplici spatio sibi adequato, nec vlla pars eiusdem corporis. Ex impotentia autem essendi in duplici loco, recte infers impotentiam simultaneorum motuum ad duplicem locum. Immo in ipsa impotentia essendi in duplici loco includitur impotentia pergendi ad duplicem locum, vt consideranti patebit.

Contra ultimam conclusionem fiunt aliquę difficultates petite ex motibus syderũ: Puta Sol motu raptus, mouetur versus orientem, motu autem proprio ab oriente in occidentem. Hoc ipsum ob oculos ponitur in experimento quotidiano, puta si sit Socrates in Triremi, quę remis velisq. velocissime feratur versus Occidentem: ipsa autem Socrates à prora ad puppim, adeoq. orientem versus motu progressiuo feratur. Hoc quotidie accidit. Pone deinde muscam supra humeros Socratis per varios giros deambulante. In tali casu in Socrate est motus receptus, in ipso, & Triremi latius ipsius versus occidentem: & præterea in eodem est motus progressiuus, latius in oppositum, videlicet in orientem; in musca autem præter motum communem omnibus contentis in Triremi, & motum quem habet à Socrate est motus circulationis circa humeros deferentis. Datur igitur & in Socrate duplex, & in musca multiplex motus; & quidem

tum ad opposita, tum ad diuersa; ergo idem subiectum potest moueri localiter, non solum diuersis, sed etiam oppositis motibus. Casum quem hic proposui varij variè proponunt.

Reip. admittendo casum, negando autem quod corpus moueatur pluribus motibus, nedum contrarijs. Vt autem difficultatem, quæ tota imaginationis est, ipsa imaginatione dissoluas; compara corpus, quod mouetur cum aliquo puncto vel realiter, vel imaginarie immobili. Et inuenies nunquam Socratem habere, aut acquirere, nisi vnâ distantiam à tali puncto, nec, quomodocumq. moueatur, vniquam describere, nisi vnâ lineam, per quam vel accedit, vel recedit; comperatiuè ad terminum, cum quo confertur.

Decipitur autem nonnullorum imaginatio: quia reipsa respectiue ad diuersa, quibuscum comparatur, sortitur corpus prædictum denominationē moti tum versus orientem: tum versus occidentem. Idque quia nullum ex his quibuscum confertur non habet & suum orientem, & suum occidentem: cum quodlibet corpus diuisibile diuidi possit in partes non tot quin plures versus quaslibet partes mundi, Rem explico in casu posito. Triremis in qua est Socrates, est diuisibilis in quatuor partes, quarum vna est versus Orientem, alia versus Occidentem, &c. dum igitur Socrates accedit à pro-  
ra ad puppim, v.g. respectu Triremis vergit in Orientem. Si tamen compares Socratem ipsum cum scopulo quem reliquit, & raptum simul cum Triremi versus Occidentem

rem; inuenies quod etiam accedens ad partem orientalem Triremis, recedit ab oriente simpliciter, & velocissimè fertur ad Occidentem.

Aduerte autem, quod si maneret in prora tantò plùs distaret à scopulo quem reliquit, essetq; vicinior Occidenti quanta est longitudo Triremis, adeoque conatus ille factus in triremi versus Orientem non effecit, vt non accederet simpliciter ad Occidentem, sed vt tantò minùs accederet. Hæc omnia benè vtenti imaginatione nedum intellectu, sunt clarissima. Quod præcipuè apparebit tenenti firmiter punctum prædictum, & describenti lineam, quam ab illo puncto facit Socrates; quam numquam inueniet, nisi vnâ. Idem dic de syderibus, & quibuslibet corporibus celestibus; quibus varij motus tribuuntur, qui non sunt varij simpliciter, sed respectiuè ad diuersa. In quolibet autem vnus est motus localis, quamuis plures sint, & ad diuersa impulsus, qui omnes simul non pluribus, sed vni spatio, mobile applicant. Alia circà motum localem dicentur in sequenti tractatu de loco.

### ARTICVLVS III.

*Aliæ conclusiones veræ doctrinæ.*

**Q**Varia conclusio. Nequit idem subiectum secundum quantū moueri simul duobus motibus contrarijs. Hæc conclusio sola sui explicatione probatur. Moueri simul duobus motibus contrarijs secundum quantum

tum

tum est, simul augeri & simul decreſcere: nequit idem ſubiectum augeri ſimul & decreſcere; ergo &c. Minor eſt evidens. Si homini habenti decem nummos ex vna parte vnum detrahas & ſimul ex altera vnum addas, remanet cum decem nummis, adeoque nec augetur, nec decreſcit in nummis. Idem habes in quantitate. Concluſio intelligenda eſt de augmento & decremento ſecundum eandem dimensionem. Conſtat enim homines aliquando ſimul augeri ſecundum latitudinē, & ſecundum longitudinem decreſcere.

Quinta, Concluſio. Quam oppoſitionem habent in eodem ſubiecto qualitates contrarię, eandem habent motus ad ipſas. Circa contrarietatem qualitatum in eodem ſubiecto non eſt vna omnium ſententia. Aliqui qualitates contrarias tam in gradu remiſſo quam in intenſo incompatibiles eſſe exiſtunt. Secundum hos numquam in eodem ſubiecto reperitur calor & frigus, puta tepor in aqua, vel aere non eſt mixtio caloris & frigoris, ſed qualitas quędam ſimplex, ſicut v. g. Flauedo non eſt mixtio albedinis & nigredinis, ſed qualitas ſimplex, quę dicitur media, non per participationem vtriuſque, ſed per neutralitatem ab vtraque.

Alij ijque frequentiores inter quos Suardius, aiunt qualitates contrarias eſſe ſimul, non quidem in gradu intenſo, ſed in gradu remiſſo in eodem ſubiecto. In hac ſententia tepor eſt admixtio calidi & frigidi. Niti-  
tur autem hac ſententia tum rationibus, quę in tractatu de Elementis afferuntur, tum an-

eternitate Philol. dicentis subiectum illud esse magis tale, quod minus habet de admixtione contrarij. Hac secunda sententia supposita pro vera proponitur contra conclusionem hic casus.

Detur subiectum spoliatum vtraque qualitate intra eandem contrarietatem; calore videlicet & frigore: ponatur inter duo agentia calidum vnum & alterum frigidum: puta inter ignem & niuem. In tali casu moueri poterit motu calefactionis & frigefactionis: ergo in tali casu idem subiectum mouebitur duobus motibus contrarijs. Probatur antecedens: quia non maiorem repugnantiam habent prædicti motus inter se, quam termini motuum; sed termini motuum, calor videlicet & frigus saltem in gradu remisso, non habent impossibilitatem; ergo neque motus prædicti.

Prima sententia dicit in tali casu subiectum motumiri motu refectionis, non autem frigefactionis simul & calefactionis. Duo videlicet agentia contraria producent qualitatem mediani inter vtrumque: neutram quidquam de sua. Hac responsio patet impugnationi manifestæ. Nam si reposita qualitas neutra, non autem participatio caloris simul & frigoris quomodo à calido simul, & frigido produceretur? sed de hoc alibi.

Secunda sententia si dicat moueri motu refectionis dicit eoisso moueri simul ad calorem & ad frigus; quandoquidem repositum nihil aliud est quam mixtura caloris, & frigoris. Casus est naturaliter impossibilis. Supposito autem quod detur: licet vnici, que

que diuinare quid accideret . Sunt qui dicant neutrum ex prædictis agentibus acturum : quia sibi mutuo impedimento sunt ad agendum . Supponitur enim æqualis vtrique virtus actiua . Quantum igitur caloris à calido produceretur in subiecto , tantum frigoris deberet ab eodem destrui , & vicissim quantum frigoris à frigido , tantumdem destrueretur caloris . Est enim natura agentis calidi vt tantumdem tollat de opposito , quantum ponit de suo . Idem dic vicissim de frigido . Hinc ille gradus caloris in eodem instanti in quo ponitur ab igne, tolli deberet à niue . Implicat autem in eodem instanti poni . & tolli , quod est formaliter esse & non esse .

Alij dicunt in subiecto productum ira calorem à calido, frigus à frigido. Quammodum enim simul esse possunt calor, & frigus, simul etiam possunt produci. Aiunt autem hanc legem inter contraria, vt videlicet tantum auferant de alieno, quantum afferunt de proprio, esse non vbi passum vtraque qualitate caret, sed vbi est, vt semper naturaliter est, cum mensura qualitatis debita intra contrarietatem . Tunc enim quantum introducitur de vna, tantum expellitur de opposita; quandoquidem ultra mensuram naturaliter possibilem, quam vulgò vocant, *Vt octo*, nullus qualitatis gradus admittitur in subiecto . Hæc responsio magis placet estq. mihi probabilissima. Admittere autem quod in prædicta hypothesis subiectum simul moueatur motibus contrarijs modo explicato, non est admittere quidquam contra positam conclusionem.

Inimò, vt obseruat Suarius, subiectum tunc non erit dicendum neque calidum, neque frigidum; adeoq; per huiusmodi motus, neque calefieri, neque frigesieri. Ratio est: quia ex doctrina Philosophi, & communi sensu mortalium vnumquodq. dicitur, vel calidum, vel frigidum, secundum excessum, vel caloris supra frigiditatem, vel frigoris supra calorem: In tali autem casu neutra qualitas excedet, adeoq; melius dices temperari subiectum secundum primas qualitates, quam aut calefieri, aut frigesieri, aut calefieri simul & frigesieri.

Ex hac eadē rationabilissima doctrina implicat simpliciter, & absolute, eandem rem calefieri simul, & frigesieri. Pater hoc: quia implicat quod subiectum simul habeat, & plus frigoris, quam caloris, & plus caloris, quam frigoris. Sed de huiusmodi motibus vberius in libris de ortu, & interitu.





## DISPUTATIO VII.

*De Loco, & Tempore.*

## QVAESTIO I.

*De quidditate, & proprietatibus  
loci.*

**C**ONVENIENTER disputationi de motu succedit disputatio de loco: nullus enim motus evidentior est eo, qui est ad locum. Zeno inter veteres negavit motum localem; non quia non videret, sed quia stulte putabat se non videre: sicut faciunt ij, qui experimentis rem aliquam perspicuam habent, eandemq. negant, quia de ea reddere nequeunt rationem.

Definit autem Philosophus locū: *Superficiē primam corporis continentis immobilē.* Juxta hanc definitionem locus vninscuiusq. nostrum est immediata illa superficies, per quam continemur à corpore nos vndique ambiente, putà ab aere; quæ tamen superficies, nisi habeat immobilitatem quandam, locus non est. Duo igitur requirit Philosophus ad rationem loci. Primum est, vt sit aliqua superficies, inter quam & locatum nullum corpus intermediet. Secundum vt  
su-



superficies sit immobilis. Circa hanc secundam partem innumeræ difficultates congeruntur à Ruuio : cum tamen bene intellecta Philosophi definitio nihil habeat aduersum se vllius momenti.

Quoad primam partem ; nimirum quoad rationem primæ superficiæ corporis continentis , dicit Philosophus vas , in quo est aqua conuenire cum loco : itaut si ad rationem loci sufficeret esse primam superficiem corporis continentis , vas in quo est aqua , recte diceretur locus aquæ contentæ : sed quia vas non habet immobilitatem ; circumfertur enim cum aqua , ideò vas , in quo est aqua , dici nequit locus aquæ. Est enim manifestum aquam in eodem vase manentem locum mutare : adeoq. si vas locus esset , aqua in eodem loco existens locum mutaret. Hæc omnia lucidissima sunt ; cum tamen adeò male sentiant aliqui de Philosopho , vt putent illum requirere immobilitatem illius superficiæ materialiter consideratæ , quæ vndique circumfunditur rei locatæ.

Videtur enim res esse in eodem loco , etiã si moueatur superficies corporis eã ambientis : sicut visum est eã mutare locũ etiã si superficies sit eadem. V.g. columna Trojana est hodie in eodem loco in quo erat heri , & nudius tertius ; quamuis circa eam centies mota sit superficies corporis ambientis , perpetua videlicet aeris abeuntis , & succedentis variatione : in eodem etiam loco inãsuræ , si pro aere succederet aqua.

Dicendum est igitur , quòd quando Philosophus definit locum primam superficiem corporis continentis immobilem : aliquid requirit

quirit determinate, aliquid indeterminate. Indeterminate requiritur superficies aliqua corporis quæcumq. & cuiuscumque illa sit; determinate autem hæc distātia à punctis, vel realiter, vel imaginarie fixis. Si igitur circa columnam idem immotus aer remaneat, & cum huiusmodi aere aliò transferatur, mutabit locum, non mutatura, si, aere centies variato, eandem retineat distantiam ab illis punctis, quæ immota, vel tenebis vel imaginaberis.

Hoc fere pacto dicis eundem esse fluvium, qui nunc Romam alluit, ac qui Romam aluebat tempore Ciceronis. Eundem esse hodie, qui fuit heri: hic enim fluvius determinate dicit hunc alveum, & hanc scaturiginē, indeterminate autem aliquam aquam ex hac scaturigine per hunc alveum influentem, quæ quamvis numquam sit in eadem parte alvei, cum continuo fluat, non propterea non est idem fluvius. Ad mutationem superficiēi potest dici, quod mutetur locus materialiter. Ad mutationem distantie, quod mutetur formaliter. Prima mutatio non dicitur mutatio loci simpliciter: secus secunda.

Sunt autem loci proprietates quædā enumeratæ ab eodem Philosopho 4. Physic. textu 29. & sequentibus. Prima est: quòd locus nō est quid rei locatæ; seu non est pars aliqua rei, quæ est in loco. Hinc apparet falsitas opinionis, quæ imputatur Platoni, quod videlicet locus sit materia, vel forma rei locatæ. Certum est enim rem eandem tam secundum materiam, quàm secundū formam variari secundum locū. Hinc apparet secunda proprietas, videlicet separabilitas loci à re locata.

Tertia proprietas est locum nec minorem esse; nec maiorem locato. Non minorem, quia locatum continetur à loco, maius autem non continetur in minori; Non maiorem, quia ad rationem loci non requiritur ullus excessus supra locatum: sed secundum id dicitur locus, secundum quod immediate applicatur locato. Hoc fere modo dicitur cuticula non esse maior, nec minor reliquo corpore sub ipsa contento; quia iustatur, & perfecte adaptatur, corpori cuius est cuticula.

Quarta proprietas est, quòd habeat sursù, & deorsum, cui etiam si addere velis, quod habeat ad latera nihil aliud dices, nisi locum corporum, quæ omnia supponuntur diuisibilia, ipsum etiam esse vndecumque diuisibilem.

Præterea locus alius est proprius, alius communis. Proprius rem locatam vnice continet: communis præter hanc, alias. Primum habes in superficie te immediate circumplectente, secundum in toto spatio huius (scholæ. Ex his intelliges agere nos de loco rerum corporalium. Quomodo autem incorporalia sint in loco, non est physicæ contemplationis. Certum est ea non circumscribi à superficie corporis ambientis, & in hoc fortasse sensu, dixit Boetius, esse sapiētibus euident, quod incorporea non sunt in loco. Circumscribi autem à superficie corporis ambientis, est partes rei contentæ iustari, siue aptari intimæ superfici ei rei continentis. Hoc igitur loci manere potest incorporeis, vt sint in hac, vel illa distantia, vel propinquitate cum punctis prædictis.

Obijetur primò. Si datur locus est in loco,  
co,

co, ergo datur locus loci: rursus si est locus loci hic etiam est in loco, & sic in infinitum. Antecedens probatur: quia omne quod est, in loco est, ergo si locus est, in loco est. Quod autem in infinitum abeat manifestum est, quia quilibet locus cuiuslibet loci, erit in loco ex hoc ipso quod erit. Confirmatur, quia locus est in alio, ergo in loco. Ità argumentatur Zeno contra Philosophum.

Respondet Philosophus negando antecedens. Ad probationem negat antecedens. Ad confirmationem. Non omne quod est in alio, in eo est sicut in loco. Pars est in toto, accidens in subiecto; neutrum in utrolibet, ut in loco. Locum esse in locato minus capiunt homines vulgi, quam locatum esse in loco. Vtrumq. capit Philosophus. Si nomine loci intelligas rationē illam qua constitueris hic vel ibi; locus est in te: diciturq. à nobis locus intrinsecus, & est illa ubicatio, de qua tam multa, & tam mira dicuntur. Si nomine loci intelligas corpus ambiens, locus non est in locato, sed locatum in loco: corpus autem ipsum quod locus est, est etiam in loco, quia ab alio corpore ambitur. Sed hic non proceditur in infinitum, deueniendo videlicet ad ultimam Mundi sphaeram, quæ an sit in loco, vel non; dicitur infra. Cæterum tu es in hac schola. Hæc schola est in Collegio Romano. Collegium in Vrbe. Vrbs in Italia. Italia in Europa. Europa in mundo. Vbi sit mundus diuina si potes.

Obijecitur secundò. Etiam siingas totum Vniuersū diuelli & alio transferri adhuc columna Traiana non esset in eodem loco; & simul esset in eodem loco; si standum est ex-

plicationi adductæ; ergo explicatio prædicta nihil valet. Antecedens probatur: quia si Vniuersum alio transferatur adhuc columna Traiana retinet eandem proportionem propinquitatis, & distantiae, quam habebat cum alijs corporibus; ergo adhuc est in eodem loco. Rursus si conferas illam cum punctis fixis, quæ imaginatus es, non habet amplius eandem proportionem cum illis; ergo non est amplius in eodem loco; ergo simul est, & non est in eodem loco.

Resp. negando antecedens: & dico tunc columnam Traianam non fore in eodem loco, vt patet ex dictis etiam in obiectione. Hoc intelliges si imagineris immota columna Traiana totum circa orbem in immensū extendi, & vltra spatia, quibus concluditur vndique dilatari. Si cū tota huiusmodi dilatatione, fixa tenes puncta, quæ imaginatus es, hæc remanent abeuntibus corporibus, cum quibus illa compenetrasti. Columna autem Traiana retinens cum illis eandem proportionem quam habebat antea, est in eodem loco, quamuis proportionem mutet cum corporibus abeuntibus. Sicut essem in eodem loco, etiam si parietes isti vltra Theologiam, & Metaphysicam recederent.

Obijcitur tertio. Sequitur quod Socrates non possit moueri localiter, nisi acquirat nouam distantiam à prædictis punctis; consequens est absurdum; ergo & antecedens. Sequela maioris probatur: quia moueri localiter est mutari secundum locum: locus formaliter consistit in proportionem prædicta, seu in illa ratione, per quam Petrus est in tali distantia à punctis prædictis: & consequenter  
est

est mutari secundum distantiam. Minor autem probatur hoc experimento. Sit Triremis longa quinquaginta passibus, attingens scopulum puppi. Sit in prora Socrates. Recedat puppis, seu Triremis per viam rectam à scopulo, & dum recedit Triremis feratur Socrates à prora ad puppim eadem celeritate, qua Triremis recedit à scopulo. Hic casus est facilis. In tali casu Socrates motus est localiter per quinquaginta passus, & tamen fuit semper in eodem loco; ergo potest quis moueri localiter, & nō mutare locum. Quod motus sit localiter, probant quinquaginta passus, quibus totam Triremim excucurrit; quod non mutauerit locum, pater ex dictis, quia in illo instanti, in quo absoluit quinquagesimum passum est in eadem distantia à scopulo, in qua erat priusquam tam ipse, quam Triremis mouerentur, quam distantiam semper serualle manifestum est consideranti Hypothesim.

Resp. quòd quidquid mouetur localiter mutatur secundum distantiam, & quidquid non mutatur secundum distantiam, non mouetur localiter. Ad argumentum in forma: concessa maiori. Nega minorem. Ad casum propositum dic Socratem non moueri localiter. Vt hoc non modo intelligas; sed videas, pone arguentem sub arcu Pontis Miluij tanto conatu natantem aduersus fluuium, quanto impetu fluuius fertur deorsum: si per totam æternitatem huiusmodi nisu conetur cōtra fluuium ire defatigabitur quidem, sed non mutabit locum, nec localiter mouebitur, quamuis noua semper, & noua aqua illi subterfluat. Quemadmodum huic manibus,

pedibusq. nitenti contra ictum fluij, manenti tamen in eodem loco vnda subterfluit; sic Socrati solis pedibus nitenti aduersus Triremim, ipsa Triremis. Qui hoc facile capit in flumine, non autem in Triremi, imputet imbecillitati suæ, non doctrinæ Aristotelicæ.

Queres an totus Mundus sit in loco? Resp. Mundum non esse in loco physico; seu in loco extrinseco reali. Patet hæc responsio ex dictis: nullius enim corporis superficies Mundum vniuersum circumscribit. Potest tamen dici quod mundus sit in loco metaphysico, vel imaginario; quatenus licet vnicuiq. etiam extra mundum intelligere vel imaginari puncta quibuscum conferat Mundum vniuersum in ratione propinqui vel distantis. Hinc aliqui dicunt Mundum esse in spatio imaginario; quia circa mundum imaginantur spatia quædam ipsum continentia, quæ realiter replerentur à Mundo si hic, follis instar, inflari posset, & vndecumque intumescere. In huiusmodi spatijs sunt omnia machinamenta Mathematicorum, puta pes Archimedis Mundum impellens, vel quidlibet aliud eundem librans.

## Q V A E S T I O II.

### *De penetratione corporum.*

**A**ntiquiores quibuscum disputauit de loco Philosophus; dixerunt locum esse corpus quoddam longe lateque diffusum: hanc opinionem refellit Philosophus quia, inquit, sequeretur corpora simul penetrari.

Hoc

Hoc argumentum Philosophi monstrat opinionem veterum quibuscum agit esse quod locus penetratiue sit cum locato ; quod de loco intrinseco diceretur infra. Est igitur apud Philosophum impossibilis penetratio corporum, hoc est simultas plurium corporū in eodem indiuisibiliter loco ; sicut v. g. anima & corpus eundem omnino locum tenent.

Dicendum primo non repugnat simpliciter & absolute plura corpora esse simul in eodem loco.

Hæc Conclusio admittitur vt certa ab ijs qui credunt Euangelio. Nam Christus Dominus ingressus est ad Apostolos ianuis clausis : hunc ingressum factum fuisse per penetrationem corporis Christi cum alijs corporibus : puta vel cum pariete , vel cum ianua ipsa , est certum. Ridiculum est enim quod aliqui dixerunt, Christum Dominum ita attenuasse suum corpus, vt instar radiorum solarium per tenuissimas rimas illud insinuaret & in debitam figurā intra cubiculum illud restitueret. Hoc inquam est ridiculum, tum quia est contra sensum communem Patrum ; tum quia hoc est æque miraculosum ac ipsa iet penetratio, adeoque negare penetrationem & hoc admittere est ineptire. Etiam cum lapide superposito penetrauit se Christus Dominus resurgendo & duplici miraculo custodes sepulcri perterrefecit.

Dicendum secundo. Repugnat naturaliter penetratio corporum. Hanc conclusionem admittunt Paripatetici omnes. Probatur autem experientia qua constat nullum corpus implere locum alterius, nisi illo depulso.



Quod autem semper ita sit, necessario ita sit. In hac necessitate fundatur ludus pilæ, mallei, tridiculi & alia huiusmodi infinita: si enim & pila & malleus esse possent in eodẽ loco, non est cur hic illam trumat.

Probare hanc conclusionem per rationes à priori petitas vel ex fine naturæ, vel ex quocunque alio capite, est velle rationibus rem clarissimam obscurare. Certum est enim evidentius esse penetrationem non dari quàm non dari propter hunc vel quemlibet alium, qui assignaretur, finem. Adde quod etiã late-re potest finis propter quem aliquid detur, quod tamen evidens sit dari.

Sunt tamen contra conclusionem positã experimẽta duo. Primum sit cyathus plenus aqua: in eo sic pleno, modeste ponantur multi nummi aurei. Experientia constat aquam non effluere: sed etiam cum illis nummisque contineri ac sine illis; ergo cyathus aqua plenus simul continet nummos, ergo nummi & aqua simul penetrantur. Sũt enim in eodem loco.

Resp. aquam ad infusionem nummorum, quantumlibet modeste hæc fiat, sursum attolli. Adeoq. nega in eodem loco esse aquam & nummos. Quod si labrum cyathi maderet, aqua non modo attollitur, sed effluit, quod nõ accideret si penetraretur cũ nummis.

Secundum est in eodẽ cyatho, cyathus in-quiũt, cineribus plenus tandundẽ capit, quãtum vacuus; ergo cineres & aqua compe-nerantur in cyatho. Antecedens probatur, implendo cyathum cineribus & eandem illi aquam refundendo, qua plenus erat prius quam cineres exciperet.

Hoc

Hoc etiam experimentum est fallax. Ad argumentum; nega antecedens. Ad probationem dic falsum esse quod tantumdem aquæ capiat, &c. Sciendum est autem cineres immixtos esse corpusculis igneis & valde porosos; hinc fit quod aqua infusa & poros repleat & multos spiritus seu corpuscula ignea sursum expellat. Præterea ipsa aqua dum infunditur secundum bonam sui partem abit in vapores ope corporum quibus immiscetur. Cineres igitur ad infusionem aquæ comprimuntur. corpuscula immixta cineribus sursum abeunt, & præterea pars aquæ; & consequenter minus est aquæ, quam quæ prius implebat, & minus alterius corporis cum quo aqua miscetur.

## Q V A E S T I O III.

### *De replicatione.*

#### A R T I C V L V S I.

##### *An idem corpus sit in pluribus locis.*

**C**orpora dupliciter existunt in loco; definitivè videlicet, & circumscriptivè. Definitivè existit Corpus Christi Domini in Venerabili Sacramento Eucharistiæ; hoc est totum in toto spatio, & totum in qualibet parte spatij. Hic modus existendi non est naturalis corporibus. Circumscriptivè existunt in loco reliqua corpora: hoc est ita ut totum corpus correspondeat toti spatio occupato, & singula partes

corporis, singulis partibus spatij continentis. Puta: Callias totus correspondet toti spatio ipsi continenti, & huius spatij aliam partem implet caput, aliam humeri, & sic de cæteris.

Dicendum est primò. Nequit naturaliter idem corpus esse simul in pluribus locis, Conclusionem intellige tam contra replicationem secundum ubi definitivum, quam secundum ubi circumscriptivum. Et primo quod in pluribus locis nequeat esse definitivum, patet: quia nequit vel in unico; est enim contra rationem corporis: puta contra rationem hominis ut ubi est caput, ibi sint pedes, & totus homo æque sit in qualibet parte spatij occupati, ac in toto spatio. Hoc enim haberi nequit sine partium compenetratione. Nisi de fide esset ita de facto existere Corpus Christi Domini, multis ijsque insignibus Philosophis videretur impossibile, ut constabit ex sequentibus.

Quod autem neque circumscriptivum possit esse corpus in pluribus locis; probatur sicut probatum est non posse plura esse in eodem loco. Quemadmodum enim patet ad oculum quod accedente socrate in locum Calliæ necesse est Calliam recedere; ita etiam patet Calliam non pergere ad locum Socratis nisi priori loco relicto. Rationem altissimam aiunt esse petendam ex differentia inter Deum & creaturam. Infinita Dei perfectio exigit ut Deus ubique sit; limitatio creature, ut una in uno, altera in altero, nulla in multis. Hæc ratio valeat quantum potest.

Dicendum secundo. Potest idem corpus de potentia absoluta esse in pluribus locis  
deli-

definitive. Hæc conclusio est certa. Corpus Christi Domini est Romæ & Florentiæ & ubicunque sunt Hostiæ consecratę totum in toto, & totum in qualibet parte.

Dicendum est tertio. Potest idem corpus de potentia absoluta esse in pluribus locis, itaut in vno sit circumscriptive, in alijs definitive. Hęc etiam conclusio est certa. Nam corpus Christi Domini in Cælo est circumscriptive, & cum extensione quam naturaliter exigunt corpora quoad locum; & simul est in hostijs innumerabilibus definitive modo supra explicato. Duas hæc conclusiones defendunt Theologi contra hæreticos, adeoq. illas hic supponemus pro certis, vt ad alia, quæ magis nostra sunt procedamus.

Dicendum est quarto. Idem corpus potest de potentia absoluta simul esse in pluribus locis circumscriptive.

Hæc conclusio non paucos habet aduersarios inter quos vide P. Maurum. Probatur tamen: quia corpus esse simul in pluribus locis, puta Petrum esse Romæ simul & Florentiæ non repugnat. Non enim dicit esse Romæ & non esse Romæ, esse Florentiæ & non esse Florentiæ, aut quidlibet aliud huiusmodi, vt patebit ex solutione argumentorū. Hoc argumentum vbi agitur de possibili est vnicum; & qui putant se aliud inuenire decipiuntur verbis idem omnino significantibus, quamuis diuersis: puta qui dicunt: hæc perfectio admittit vnionem seu identitatē cum hac alia; ergo potest dari entitas huius & illius perfectionis. Nihil aliud dicunt nisi: inter hoc & illud prædicatum non datur repu-

gnantia. Idem dices si dicas : hoc prædicatum nec formaliter nec consequenter excludit à se hoc aliud & alia huiusmodi quibus aliqui videntur sibi dissimilia loqui; quia loquuntur dissimiliter. Hæc dicta sint in gratiam eorum qui hoc argumentum: *non repugnat, ergo, &c.* contemnunt, cum nec aliud excogitare possint, nec illud soluere.

Probatur præterea Cōclusio ex sensu communi Patrum, apud quos corporum replicationes habentur pro historijs. De S. Franc. Xau. de S. Ant. Lusitano, recentiores historiæ: de Christo domino antiquiores, aiunt fuisse simul in duplici loco: puta ubi narratur in actis apparuisse Saulo: *Saule Saule quid me persequeris?*

Hæc tamen omnia Aduersarij expediunt per Angelos sibi fingentes corpora aërea, vel alia ratione mortalium imaginationi illudentes. De Christo inuenies qui dicant vel non apparuisse Saulo, vel localiter descendisse ad infimum Cælum, vel ita Cælos omnes aperuisse, ut etiam è loco ubi est ad dexteram Patris sedens, eidem videretur; quæ omnia ut falsa putamus, sic alijs refellenda reliquimus.

Confirmatur tamen nostra Conclusio argumento à fortiori. Potest idem corpus esse in pluribus locis definitiue: & in pluribus locis ita ut in vno sit circumscriptiue, & in alijs definitiue; ergo potest simul esse in pluribus locis circumscriptiue. Consequentia est efficax. Nam in hoc quod est esse in pluribus locis definitiue, reperitur hoc miraculum quod est esse in pluribus locis; & præterea hoc aliud, quod est esse definitiue: & consequenter

sequenter aliquid mirabilius quam esse in pluribus circumscriptiue.

Dixi consequentiam esse efficacem : non quod difficile sit inuenire disparitates inter vnum & alterum; quæ quamuis pure materialiter se habentes ad rem, possunt tamen aliter opinantibus videri sufficientes. Adeoque standum est primo argumento de non repugnantia. Aduerte autem obiter nos ab vno quod putamus maius, arguere ad aliud, quod putamus minus agentes de potentia quæ est ad omnia. Non enim valet hæc causa potest plus; ergo potest & minus. Puta non valet : Elephas potest gignere alium Elephantem; ergo potest & gignere muscam : quamuis elephas sit plusquam musca. Ratio est quia fit transitus de genere in genus : potest autem causa perfectior continere perfectionem sui generis, & virtutem actiuam in tali genere, quin contineat virtutem actiuam in genere inferiori: sicut contingit quod excellentissimus Pictor nequeat snere crepidam. In casu autem nostro ex parte causæ non est possibile fieri transitum de genere in genus; quia sermo est de causa intendente & extendente suam virtutem ad omnia.

Confirmatur 2. à paritate penetrationis. Possunt plura corpora esse simul in eodem loco : ergo potest idem corpus esse simul in pluribus locis. Hoc argumentum exterminat rationem cui innituntur aliqui ex Aduersarijs vt in responsione ad argumenta patebit.

Quod autem semper ita sit, necessario ita sit. In hac necessitate fundatur ludus pilæ, mallei, tridiculi & alia huiusmodi infinita: si enim & pila & malleus esse possent in eodē loco, non est cur hic illam tradat.

Probare hanc conclusionem per rationes à priori petitas vel ex fine naturæ, vel ex quocunque alio capite, est velle rationibus rem clarissimam obscurare. Certum est enim evidentius esse penetrationem non dari quā non dari propter hunc vel quemlibet alium, qui assignaretur, finem. Adde quod etiā latere potest finis propter quem aliquid detur, quod tamen evidens sit dari.

Sunt tamen contra conclusionem positā experimēta duo. Primum sit cyathus plenus aqua: in eo sic pleno, modeste ponantur multi nummi aurei. Experientia constat aquam non effluere: sed etiam cum illis nummisque contineri ac sine illis; ergo cyathus aqua plenus simul continet nummos, ergo nummi & aqua simul penetrantur. Sūt enim in eodem loco.

Resp. aquam ad infusionem nummorum, quantumlibet modeste hæc fiat, sursum attolli. Adeoq. nega in eodem loco esse aquam & nummos. Quod si labrum cyathi maderat, aqua non modo attollitur, sed effluit, quod nō accideret si penetraretur cū nummis.

Secundum est in eodē cyatho, cyathus inquit, cineribus plenus tandundē capit, quantum vacuus; ergo cineres & aqua compenetrantur in cyatho. Antecedens probatur, implendo cyathum cineribus & eandem illi aquam refundendo, quæ plenus erat prius quam cineres exciperet.

Hoc

Hoc etiam experimentum est fallax. Ad argumentum ; nega antecedens. Ad probationem dic falsum esse quod tantumdem aquæ capiat, &c. Sciendum est autem cineres immixtos esse corpusculis igneis & valde porosos ; hinc fit quod aqua infusa & poros repleat & multos spiritus seu corpuscula ignea sursum expellat. Præterea ipsa aqua dum infunditur secundum bonam sui partem abit in vapores ope corporum quibus immiscetur. Cineres igitur ad infusionem aquæ comprimuntur. corpuscula immixta cineribus sursum abeunt, & præterea pars aquæ ; & consequenter minus est aquæ, quam quæ prius implebat, & minus alterius corporis cum quo aqua miscetur.

## Q V A E S T I O III.

### *De replicatione.*

#### A R T I C V L V S I.

*An idem corpus sit in pluribus locis.*

**C**orpora dupliciter existunt in loco ; definitivæ videlicet, & circumscriptivæ. Definitivæ existit Corpus Christi Domini in Venerabili Sacramento Eucharistiæ ; hoc est totum in toto spatio, & totum in qualibet parte spatij. Hic modus existendi non est naturalis corporibus. Circumscriptivæ existunt in loco reliqua corpora : hoc est ita ut totum corpus correspondeat toti spatio occupato, & singula partes



corporis, singulis partibus spatij continentis. Puta: Callias totus correspondet toti spatio ipsum continenti, & huius spatij aliam partem implet caput, aliam humeri, & sic de cæteris.

Dicendum est primò. Nequit naturaliter idem corpus esse simul in pluribus locis, Conclusionem intellige tam contra replicationem secundum ubi definitivum, quam secundum ubi circumscriptivum. Et primo quod in pluribus locis nequeat esse definitivum, patet: quia nequit vel in unico; est enim contra rationem corporis: puta contra rationem hominis ut ubi est caput, ibi sint pedes, & totus homo æque sit in qualibet parte spatij occupati, ac in toto spatio. Hoc enim haberi nequit sine partium compenetratione. Nisi de fide esset ita de facto existere Corpus Christi Domini, multis iisque insignibus Philosophis videretur impossibile, ut constabit ex sequentibus.

Quod autem neque circumscriptivum possit esse corpus in pluribus locis; probatur sicut probatum est non posse plura esse in eodem loco. Quemadmodum enim patet ad oculum quod accedente socrate in locum Calliæ necesse est Calliam recedere; ita etiam patet Calliam non pergere ad locum Socratis nisi priori loco relicto. Rationem altissimam aiunt esse petendam ex differentia inter Deum & creaturam. Infinita Dei perfectio exigit ut Deus ubique sit; limitatio creature, ut una in uno, altera in altero, nulla in multis. Hæc ratio valeat quantum potest.

Dicendum secundo. Potest idem corpus de potentia absoluta esse in pluribus locis  
deli-

definitive. Hæc conclusio est certa. Corpus Christi Domini est Romæ & Florentiæ & ubicunque sunt Hostiæ consecratę totum in toto, & totum in qualibet parte.

Dicendum est tertio. Potest idem corpus de potentia absoluta esse in pluribus locis, itaut in vno sit circumscriptive, in alijs definitive. Hęc etiam conclusio est certa. Nani corpus Christi Domini in Cælo est circumscriptive, & cum extensione quam naturaliter exigunt corpora quoad locum; & simul est in hostijs innumerabilibus definitive modo supra explicato. Duas hæc conclusiones defendunt Theologi contra hæreticos, adeoq. illas hic supponemus pro certis, vt ad alia, quæ magis nostra sunt procedamus.

Dicendum est quarto. Idem corpus potest de potentia absoluta simul esse in pluribus locis circumscriptive.

Hæc conclusio non paucos habet aduersarios inter quos vide P. Maurum. Probaturnamen: quia corpus esse simul in pluribus locis, puta Petrum esse Romæ simul & Florentiæ non repugnat. Non enim dicit esse Romæ & non esse Romæ, esse Florentiæ & non esse Florentiæ, aut quidlibet aliud huiusmodi, vt patebit ex solutione argumentorū. Hoc argumentum vbi agitur de possibili est vnicum; & qui putant se aliud inuenire decipiuntur verbis idem omnino significantibus, quamuis diuersis: puta qui dicunt: hæc perfectio admittit vnionem seu identitatē cum hac alia; ergo potest dari entitas huius & illius perfectionis. Nihil aliud dicunt nisi: inter hoc & illud prædicatum non datur repu-

sequenter aliquid mirabilius quam esse in pluribus circumscriptiue.

Dixi consequentiam esse efficacem: non quod difficile sit inuenire disparitates inter vnum & alterum; quæ quamuis pure materialiter se habentes ad rem, possunt tamen aliter opinantibus videri sufficientes. Adeoque standum est primo argumento de non repugnantia. Aduerte autem obiter nos ab vno quod putamus maius, arguere ad aliud, quod putamus minus agentes de potentia quæ est ad omnia. Non enim valet: hæc causa potest plus; ergo potest & minus. Puta non valet: Elephas potest gignere alium Elephantem; ergo potest & gignere muscam: quamuis elephas sit plusquam musca. Ratio est quia fit transitus de genere in genus: potest autem causa perfectior continere perfectionem sui generis, & virtutem actiuam in tali genere, quin contineat virtutem actiuam in genere inferiori: sicut contingit quod excellentissimus Pictor nequeat suere crepidam. In casu autem nostro ex parte causæ non est possibile fieri transitum de genere in genus, quia sermo est de causa intendente & extendente suam virtutem ad omnia.

Confirmatur 2. à paritate penetrationis. Possunt plura corpora esse simul in eodem loco: ergo potest idem corpus esse simul in pluribus locis. Hoc argumentum exterminat rationem cui innituntur aliqui ex Aduersarijs vt in responsione ad argumenta patebit.

## ARTICVLVS II.

*Satisfit obiectionibus.*

**O**bjicitur primo. Si idem corpus esset in duplici loco circumscriptiue, in neutro esset circumscriptiue: consequens repugnat; ergo & antecedens. Minor est evidens: sequela maioris probatur: quia esse circumscriptiue in loco *A* est ita commensurari à loco *A*, ut à nullo alio commensureretur: ergo si simul commensureretur à loco *B* non est circumscriptiue in loco *A*. Idem dic de loco *B* respectu loci *A*. Explicatur hoc idem. Esse in loco *A* circumscriptiue ut in loco adæquato, est ita esse in loco *A* ut nihil ipsius sit extra locum *A*: sed eo ipso quod est in loco *B*, falsum est quod nihil ipsius sit extra locum *A*; ergo eo ipso quod est in loco *B*, non est in loco *A* circumscriptiue ut in loco adæquato.

Resp. negando sequelam maioris. Ad cuius probationem; nego antecedens. Esse in loco *A* circumscriptiue, non est ita circūscribi à loco *A* ut à nullo alio circumscribatur: sed est ita esse in ipso ut totus locus *A* correspondeat toti corpori locato, & singule partes loci, singulis partibus locati. Hoc autem non dicit locatum non esse in alio loco: sed solum nullam partem corporis locati non esse intra locum circumfusus toti locato. Ad explicationem: nega maiorem. Esse in loco *A* ut in spatio adæquato, non est ita esse in illo, ut nihil ipsius sit extra illud: sed est ita esse in illo ut nihil ipsius non sit

intra illud. Hoc autem habes etiam, si corpus alibi collocetur. Aliud enim est rem non esse in *B*; aliud esse in *A*, ut patet ex terminis.

Obijcitur secundo. Si datur replicatio: pars est æqualis toti; consequens est contra primum principium; ergo & antec. Minor probatur: quia omne totum est maius sua parte, & consequenter nulla pars æquatur toti. Sequela maioris probatur per hoc aliud principium: quæ sunt æqualia uni tertio sunt æqualia inter se. Hoc posito sic argues. Lignum palmare est æquale spatio palmari, & è conuerso: replicetur hoc lignum, & erit æquale spatio bipalmari, & è conuerso æquale ipsi spatio bipalmari; ergo & spatium palmare & spatium bipalmare sunt æqualia ligno palmari: quæ sunt æqualia uni tertio sunt æqualia inter se; ergo spatium palmare & spatium bipalmare sunt æqualia inter se; spatium palmare est pars & medietas bipalmaris; ergo pars & medietas est æqualis toti; quod erat demonstrandum.

Resp. neg. seq. inat. Ad probationem; admissa hypothesis distingue min. subsumptam: quæ sunt æqualia uni tertio eodem modo accepto sunt æqualia inter se: concedo min. quæ sunt, &c. uni tertio diuerso modo accepto, sunt, &c. neg. min. & consequ. Lignum palmare ut impleat simul duo spatia palmaria, siue vnicum bipalmare, ponitur replicatum; secus dum implet vnicum: adeoque diuersimode accipitur dum equat duo; quam dum vnicum. Quod dico de duobus dic de mille.

Obijcitur tertio. Idem moueri posset duobus modis contrariis; consequens est falsum;

ergo

ergo & antecedens. Sequela probatur. Ponatur Socrates Romæ simul & Florentiæ: hoc posito posset Romæ moueri versus Florentiam, & Florentiæ versus Romam. Immo si & Roma Florentiam, & Florentia pergeret Romam, æquis vtrunque passibus: in medio itinere ipse sibi occurreret. Quid autem contingeret in tali casu? Item posset Romæ caleheri & Florentia frigeri. Si nimirum Romæ ponatur prope ignem, & Florentiæ prope niuem: qui motus sunt contrarij. Præterea in casu posito, occursum sui ad se; pone insuper arctam adeo viam vt duo homines nequeant simul per illam transire. In hac hypothesis dici non potest an Socrates contra Socratem hæreret, an penetratiue Socrates intra Socratem pergeret. Ex vno capite deberet hære, quia locus duplici Socrati non sufficit. Ex alio deberet intra seipsum pergere: idem enim sibi ipsi compenetrari quid obstat?

Hæc & similia argumenta contemnit Adversarius noster Gabriel Vasquez. Fiunt autem eadem ab hæreticis contra replicationem definitiuam. Nam corpus Christi existens Romæ & Florentiæ potest Roma versus Florentiam, & Florentia Romam versus transferri. In tali casu idem mouetur contra seipsum, & in partes oppositas. Qui respondent discrimen esse inter hunc casum & alium, quod Socrates per se, Corpus autem Christi Domini non per se sed per accidens, & ad motum specierum, moueatur: tam loquuntur ad rem, quam loquerer si dicerem hominem Italum posse replicari, non autem **Aethiopem**, afferendo pro disparitate quod

italus est albus, æthiops autem niger. Tam enim repugnat esse in duplici loco, & moveri duplici motu contrario per accidens, quàm per se. Cæterum si duplex motus contrarius, dummodo per accidens sit, sit possibilis: tu etiam dic in casu proposito moveri dupliciter, & in partes oppositas idem corpus sed per accidens; cum non per se sed per accidens replicetur. Ad motum istum localem an foret duplex in eodem corpore, an secus, an naturalis, an connaturalis supposita replicatione dicetur infra, ubi ad argumentum P. Vasquez.

Ad illud de calefactione & frigefactione dic idem euenturum quod eueniret si in unico loco prope utrumque agens poneretur. Si enim nix prætalet igni frigesiet: si ignis nivi, calefiet: idque siue ponas Socratem Romæ prope ignem, Florentiæ prope niuem, siue solum Romæ prope ignem & niuem. Interroganti igitur quid fieret in casu proposito dic quod fieret idem, quod fieret in casu quem proponis.

Dices: ergo ignis Florentinus ager in Socratem existentem Romæ; ergo ager in distans.

Resp. concessa prima consequentia: negando secundam. Socrates existens Romæ non distat Florentia, si simul sit Florentiæ. Nam male defines quid sit distare Florentia si dixeris: distare Florentia est esse Romæ, vel alibi extra Florentiam. Bene autem si dixeris: est non esse Florentiæ nec prope Florentiam. Vides hoc idem valere contra corpus definitiue replicatum, Corpus Christi Domini existens Florentiæ in ædibus S. Mariae

riæ à Flore tangitur & comeditur Romæ in templo nominis Iesu. Vide an absurdus sit aut videatur vnum quam alterum. Nobis utrumque verum: secundum est certum. Certo enim tenemus illud idem corpus quod est Florentiæ, comedi Romæ.

Hac eadem ratione dissolues hoc argumentum. Implicat idem distare à seipso: per replicationem idem distaret à seipso; ergo implicat replicatio. Minor probatur. Petrus existens Romæ distat à Paulo existente Florentiæ per hoc quod alter sit Romæ alter Florentiæ: sed in casu replicationis Socrates est Romæ & Florentiæ; ergo Socrates distat à Socrate. Confirmatur: quia vbi Romanum distat ab vbi Florentino, ergo etiam vbicatum Romæ distat ab vbicato Florentiæ.

Hæc omnia soluta habes in præcedentibus. Concede maiorem; nega minorem. Ad probationem nega maiorem. Petrus & Paulus si nihil aliud habent quam quod hic Florentiæ, ille sit Romæ; non habent qua distent: sed requiritur insuper ut neque hic Romæ neque ille Florentiæ sit. Ad confirmationem concedant. nega consequentiam. Vbi romanum non est Romæ & Florentiæ, sed Romæ solum, adeoque distat ab vbi florentino. Vbicatum autem est Romæ & Florentiæ, adeoque non distat neque ab vbi romano, neque ab vbi Florentino, neque ab ipso vbicato. Hinc habes Socratem à neutro vbi distantem esse in duplici vbi; quorum utrumlibet ab altero distat. Hoc dictum sit ex suppositione quod ipsa vbi non replicentur; quod an sit possibile quæretur inferius.

Instabis; ignis Romanus nequit impedire  
niuem



niuem Florentinam nisi agendo in distant;  
nec è conuerso nix Florentina ignem Roma-  
num: ex concessis in casu posito nix impedi-  
ret ignem & ignis niuem; ergo, &c. Maior  
probatur quia ignis distat à niue, & nix ab  
igne, ergo si ignis impedit niuem, & nix ig-  
nem: agunt in distans.

Resp. neg. mai. Ad prob. conc. ant. nega  
conseq. Ignis impedit niuem, & nix ignem  
non agendo mutuo in seipsa, sed per hoc  
quod æqualiter se habeant ad idem corpus,  
in quo quantū produceretur ab igne, tantū  
destrueretur à niue. Dum igitur nix petit  
producere in subiecto gradum frigoris, ignis  
petit producere gradum caloris: & quia in-  
troducitiō vnus gradus caloris est expulsio  
vnus gradus frigoris & è conuerso: aque  
nix exigit non produci de nouo illum gra-  
dum caloris, ac exigit ignis produci: ideo-  
que nihil producitur ob æqualitatem virium  
in vtroque agente.

Obijc. 4. Principium propriū ex quo per  
sensum venimus in cognitionem de distin-  
ctione inter homogenea sensibilia, non po-  
test falsificari: sed principium huiusmodi est  
quod habeant diuersas vbicationes circum-  
scriptiuas; ergo nec per diuinam omnipoten-  
tiam falsificari potest: sed falsificaretur si re-  
plicatio circumscriptiua esset possibilis; ergo  
hæc est impossibilis. Minor subsumpta prob.  
quia data replicatione, idem corpus, puta  
idem granum frumenti est in diuersis locis  
circumscriptiue: adeoque videns horreum  
immo si vis totum orbem plenum frumento  
non habes certitudinem metaphysicam, quod  
hæc sint plura grana: sed dubitare poteris an  
sit

fit vnum granum in locis innumerabilibus replicatum.

Qui hoc principium proponit vt euident monet magnam esse differentiam inter has duas propositiones: *quæ apparent in locis distinctis sunt distincta*: &: *quæ sunt in locis distinctis sunt distincta*. Prima propositio potest falsificari: secunda non potest. Hoc ipsum si bene penetret qui hoc proponit, inueniet se gladio suo perimi. Nam sensus non iudicat de rebus prout sunt, sed prout apparent. Præterea: grano tritici in locis innumerabilibus replicato; non est verum quod aliqua sint in locis distinctis: sed quod aliquid sit in locis distinctis. Sed hæc modo nulla faciamus: & intelligamus vt aduersarius quod ab aduersario proponitur. Ait igitur esse infalsificabile hoc principium: quot sunt loca adæquata in quibus sunt homogenea sensibilia, tot sunt homogenea sensibilia. Ratio est: quia nullum est aliud principium, vnde per sensus dignoscere possimus sensibiliū omnino similium pluralitatem eodem tempore existentium quam pluralitas loci adæquati. Quod si hæc sit indicium fallax, arguens æque trepidabit ad conspectū vnus militis; ac ad conspectum ingentis exercitus: quia vnicus miles erit Aduersario ratione replicationis centum milla militum. Hoc autem est magnum inconueniens.

Confirmatur hic discursus quia huic principio: *quæ sunt in pluribus locis sunt plura*, assentimur ex terminis, & a natura determinamur ad dicendum: *sunt plura* quotiescunque videmus ea esse in pluribus locis.

Resp. primo parum consuluisse securitati suæ

arguentem nisi etiam verum sit: *que apparent in locis distinctis sunt distincta*. Aequè enim trepidabit ob vnum militem realiter implentem locum vnius exercitus, ac si apparen-ter, & è conuerso. Quomodo enim cer-tus erit hanc esse puram apparentiam, non vero rem ipsam: & consequenter euident est eandem dubitationem fore in sententia ar-guentis ac in nostra.

Resp. secundò. Hoc principium patere instantijs adeo insolubilibus vt euident sit esse falsum. Prima instantia sit contra pene-trationem quam admittit Aduersarius. Sicut pluralitas loci ostendit pluralitatem locato-rum, ita vnicitas loci vnicitatem locati. Im-mo non aliter apparet pluralitas locatorum, quam per apparentiam plurium, vt ita dicæ vnorum. Sicut igitur non est vnde dignoscas multiplicitem homogeneorum sensibilium eodem tempore existentium, nisi multipli-citas loci adæquati: ita non est vnde dignos-cas vnicitatem corporis nisi vnicitas loci: quod si hæc sit indicium fallax videns vniest militem dubitabis an sit integer exercitus penetratiue positus in loco adæquato eonna-turali vnius hominis. Quod si debet dari ali-quod principium præseruans arguentem ab errore, dum videns exercitum integrum iudi-care ptest fortasse esse vnicum militem: cur non debebit dari principium præseruans te ab errore, dum videns vnicum militem iudi-cas: fortasse esse integrum exercitum.

Profecto non absurdus, videns vnum ho-minem dices: fortasse video homines innu-merabiles simul penetratos, quam videns homines innumerabiles: fortasse video vnum homi-

hominem multoties replicatum. Cur igitur vnum admittis & alterum negas? Quod si dicas vtrumque, replicationem videlicet & penetrationem equaliter impugnari ex principio posito; eo ipso principium est falsum.

Secunda instantia. Vbiunque video accidentia propria vini determinor à natura ad iudicandum: est vinum. Et vbiunque video accidentia propria panis determinor ad iudicandum: est panis. Accidentia enim sensibilia per sensum determinant intellectum ad iudicandum de quidditate substantiæ sensibilis. Et tamen hoc iudicium erit falsum in vino, & Hostia consecrata.

In forma igitur ad argumentum nega maiorem. Nam vel sermo est de principio ex quo per sensum venimus in cognitionem certæ certitudine metaphysica de distinctione inter homogenea sensibilia: & huiusmodi principium non datur. Vel sermo est de principio ex quo venimus per sensum in cognitionem certam certitudine pure physica & naturali; & hoc quidem datur, sed falsificari potest per diuinam omnipotentiam, & consequenter principium suprapositum est falsum.

Ad confirmationem patet ex dictis. Natura determinat ad iudicandum res se habere vt naturaliter se habent. Et consequenter granum frumenti replicatum naturaliter determinat ad iudicandum quod non sit vnum sed multiplex: sed non propterea iudicium huiusmodi est etiam metaphysice infalsificabile. Hinc patet ad omnes illas dubitationes. Ex sola possibilitate quod hoc & illud per diuinam omnipotentiam ita se habeat, non nisi stulte inducitur ad dubitandum quod

quod reipsa ita se habeat. Est possibile per diuinam omnipotentiam vt ij quos puto esse meos discipulos & scribere lectionem, reipsa non sint mei discipuli, sed mera phantasmata imponentia oculis meis: & tamen stultus sim, si dubitem: sicut stultus est qui putat se esse Regem & non est, cum tamen sit possibile ipsum esse. Aduersarius ipse dum arguit contra nos non dubitat se argumentari contra homines, & tamen possibile est vt non contra nos arguat dum dicit se contra nos arguere; sed contra aereas potestates nostris vultibus indutas. Ex quibus patet dubitationes fundatas in mera possibilitate cum dispensatione legis naturæ, esse omnino irrationabiles.

Obijcitur quinto. Si lapis poneretur à Deo in duplici loco extra suum centrum, puta: ita vt vtraq. vbiatio esset in aere: tunc vel vtrobiq. lapis descenderet, vel ab vno loco deorsum moueretur, & in alio quiesceret, vel in vtroq. quiesceret: nihil horum dici potest; ergo non potest admitti replicatio vt possibilis. Minor probatur quia si dicas quod ab vtroque loco descenderet, concedis lapidi quod simul moueatur in duplici spatio. Quod si dicas quod lapis ab vno loco descenderet, sed in alio maneret immotus; concedis eundem lapidem esse simul principium motus localis & quietis pro eadem differentia temporis; & præterea esse principium quietis in loco sibi violento. Si dicat quod in vtroq. quiesceret contra est: quia lapis si nequit esse principium suæ quietis in vno loco violento, multominus potest in duobus. Hoc argumento  
Gabriel

Gabriel Vasquez negat possibilitatē replicationis.

Resp. concessa maiori, negando minore. Ad probationem potest multipliciter responderi. Prima responsio esse potest lapidem ab utroq. loco casurū deorsū, si Deus nihil velit in lapide nisi replicationem. Nam etiam cadens est in duplici loco, & præterea est quoad motum secundum naturam. Secunda responsio: Quod lapis ab eo loco in quo est non per ubi miraculosum deorsum moueretur; in illo autem ubi, in quo est per miraculum, consisteret non ut principium quietis in tali loco, sed detentus ab extrinseco, videlicet ab illa eadem virtute per quam ibi collocatus est. Nam præter vnā vocationem quæ ita illi debetur, ut non possit omnis negari; quælibet alia est illi miraculosa: vocationem autem miraculosam conseruat ille idem qui dedit, vel loco illius dat aliā item miraculosam si loco ubi permanentis in aere dat ubi fluens intra aerem à loco in quo positus est, vsque ad quemlibet alium locum, in quo collocetur.

Dices creetur in duplici loco: in hac hypothesi non est potior ratio cur ex vno ruat potius, quam ex alio; ergo ex neutro, vel ex utroq. Ant. prob. quia non est assignabilis vtra ex his vocationibus sit illi debita.

Resp. admissa hypothesi: conc. antec. neg. conseq. ad probat. dic neutram determinatē ex prædictis vocationibus esse illi debitam, esse tamen illi debitam indeterminate alterutram. In huiusmodi autem, determinatio est à causa prima, ut patet ex dictis in Logica.

Quod

Quod si fingas casum ita, ut Deus lapidem in duplici loco ponat in aere, & hoc facto cesset ab omni miraculo circa lapidem. Dico quod lapis ex vno loco deorsum cadet, & in alio esse cessabit non per motum deorsum, neque per hoc quod quasi regrediatur intra se ipsum, sed per hoc præcise quod destruat alia ubicatio nulla in locum ipsius suffe-cta. Denique prout multipliciter potest casus proponi, potest etiam multipliciter solui. Potest enim contingere quod utrobique quiescat, in vno quiescat, in altero moueatur, &c quia ex his omnibus nihil est quod inuoluat contradictoria.

Ex hac solutione habes quid respondeas alteri casui supraposito: an videlicet Socrates Romæ positus & Florentiæ: & Florentia Romam & Roma Florentiam moueretur. Quidquid enim respondeas bene respondebis. Si dicas Petrum ab eo loco in quo est per vbi non miraculosum, motum iri in partem oppositam; non autem ab eo in quo est per vbi miraculosum, philosopharis rationabiliter. Quia quodlibet vbi quod habeat ultra vnum vbi, miraculose habet: est igitur supra vires non solum ipsius sed etiam totius naturæ supposito vno vbi, dare illi in sensu composito & alterum: quemadmodum igitur illud aliud vbi permanens nequit dari nisi à solo Deo; ita neque illud vbi fluens, per quod videlicet moueretur ab alio, dari potest quam à Deo. Ratio est: quia illud etiā vbi fluens in sensu cōposito cum altero vbi, est miraculosum: adeoque mutatio vbi permanentis in vbi fluens est mutatio miraculi in miraculum, quod nequit fieri per natu-

ram. Hinc habes quod si Socrati per seipsum deambulanti Roma: vbi est per vbi non miraculosum, existenti Florentiæ adhiberentur mille iuga boum, non posset è loco in quo est dimoueri. Ratio est quia mille iuga boum non possunt dare Socrati vbi miraculosum.

Quod si respondeas etiam è loco vbi per vbi miraculosum est, motum iri: hoc ipsum facile sustinebis dicendo quod Deus ex suppositione quod ponat Socratem in duplici loco, debet in duplici loco concurrere cum ipso ad motum localem: & ita contigisse narrant historiæ ex quibus replicationes SS. audiuius puta Franc. Xauerus in duplici naui existens non erat in vna per modum corporis mobilis in altera autem per modum Statuæ; sed ambulabat hac & illac, prout præsens necessitas nauigantium exigebat. Quamuis autem hoc ipsum vbi fluens sit miraculosum est tamen connaturaliter consequens ad miraculum replicationis. Est autem ineptum putare quod Deus possit quidem dare duplex vbi permanens, non vero duplex vbi fluens: & ex difficultate duplicis vbi fluentis, impugnare duplex vbi simpliciter: quasi vero Deo difficilius esset mouere duplici motu idem corpus, quam duplici vbi-catione vbicare. Superest ad illud de occur-su sui ad se. Dic in tali hyppothesi Socraté non compenetratum iri cum Socrate: quod repugnat; quia compenetratio est plurium: habiturum autem intra idem spatium duas vbi-cationes per quarum alteram respiciet ad orientem, per alteram ad occidentem: vt fingere facile potes in duobus distinctis tali modo compenetratis.

Obijecitur



Obijcitur vltimò. Si est possibilis replicatio potest vna candela illuminare totum orbem: consequens est absurdum, ergo & antecedens. Sequela maioris probatur: quia si replicetur candela quantum replicari potest, immo minus etiam quam replicari potest, eo ipso applicabitur spatijs innumerabilibus; illuminat autem quæcunque spatia, in quibus replicetur; ergo spatia innumerabilia illuminabit.

Resp. primò. Hoc idem argumentum valere contra penetrationem. Nam innumerabilia spatia seu corpora illuminabilia possunt simul compenetrari; hoc posito illuminabuntur omnia ab vna candela, quæ per hoc ipsum quod præsens est cuilibet, est præsens omnibus.

Resp. secundò. Omissa maiori: neg. min. Ratio est: quia luminosum vt agat nihil aliud requirit quam applicari illuminabili: in casu posito applicaretur toti orbi terrarum; igitur in tali casu illuminaret totum orbem terrarum. Qui imaginantur à luminoso effluere lucem & diffundi intra medium sicut à fonte effluit aqua, & diffunditur intra alueum; negabunt candelam replicatam plus lucis effundere quam non replicatam. replicatio enim non est multiplicatio virtutis. Sed non ita accidere indicatum est vbi de accidentibus. Lux igitur quæ producit in illuminabili, seu in medio, non egreditur ab illuminante sed educitur de potentia ipsius medij ab illuminante applicato: sicut calor non egreditur ab igne, sed virtute ignis applicati educitur de potentia calefactibilis. Hinc est quod quantumlibet multiplicentur

calefactibilia intra sphæram actiuitatis agentis calidi, non propterea quodlibet ex his minus incalescit. Qua in re subueniendum est infirmitati imaginationis humanæ, ita rem sibi repræsentantis quasi ab illo igne tot gradus caloris egrederentur quot sunt illi, qui in omnibus quæ calefunt producuntur.

Hinc etiam est, quod sine vilo additamento, immò sine vlla variatione in virtute tum calefactiua, tum illuminatiua potest agens calidum, aut illuminatiuum calefacere, aut illuminare plura, & plura subiecta in infinitum: nequit autem fons sine accessione nouæ, & nouæ aquæ intra seipsum, implere non tot quin plures alueos, vt patet: non oportet igitur existimare, quod aut illuminatio, aut calefactio, aut quidlibet aliud huiusmodi fiat impendio agentis, quod vt vidimus per hoc, quod agat, nihil omninò immutatur. Quod si velis ab hac sententia peripatetica præscindere hic, & cum alijs opinari illuminationem fieri per effusionem physicam lucis,

Resp. tertio negando sequelam maioris. Ratio est: quia si intra medium, quo contineatur tota sphæra actiuitatis candelæ, hac eiaculara sit omnia corpuscula, quæ potest eiaculari; non habet alia, quæ intra quodlibet aliud medium eiaculetur. Sicut si Socrates Romæ existens, atque Florentiæ, vel hic, vel ibi proijciat nummos omnes quos habet; non habet quos alibi impendat.

Dices: eadem est ratio candelæ millies replicatæ in ordine ad illuminandum, ac baiuli millies replicati in ordine ad ferendum pondus: candela millies replicata potest illuminari.

luminare quantū illuminarēt mille candelæ; ergo baiulus millies replicatus posset ferre quantum ferre possunt mille baiuli. Hoc autem absurdum esse probatur: quia sequeretur quod homo vnicus, putā Petrus par merum miraculum replicationis fieret par ferendo toti orbi terrarum. Confirmatur: quia homo replicatus æquiualeat multis hominibus: sed certum est esse possibiles tot homines, vt simul sustineant pondus totius orbis; ergo potest tam multipliciter replicari Petrus, vt vnus iustar Atlantis sustineat idem.

Resp. negando maiorem. Iam semel rogauimus Aduersarium, an mille illa spatia, quæ illuminantur à mille candelis si simul penetrentur illuminanda sint ab vna candela? Si respondet negatiuè; nega etiam illa eadem illuminanda, si candela in singulis loco diuisis replicetur. Si affirmet, roga iam an mille pondera, quæ sint paria humeris mille baiulorum simul penetrata, sustineri possint ab vno baiulo. Si neget: nega etiam baiulum millies replicatum sustenturū mille pondera, quorum quodlibet sit par ipsius humeris. Rationem quam afferet Aduersarius, afferes & tu dicendo videlicet eosdem humeros non posse simul ferre tot pondera, quæ æque simul ferrentur cum penetratione ipsorum, ac cum replicatione humerorum: quia mille pondera sunt supra virtutem latiuam, seu sustentatiuam vnius baiuli. Tam enim est eadem virtus siue idem robur in baiulo replicato, quàm in eodem baiulo respectu ponderum compenetratorum. Opprimitur igitur baiulus à nimio pondere, siue replicetur ipse, siue pondera compenetrantur.

Non enim sine immutatione sui, ac vitalium spirituum impendio sustinet pondus; nec sine sui mutatione fert hoc & illud, sicut candelæ sine sui mutatione calefacit, ac illuminat hoc & illud. Paret igitur disparitas ex dictis: effectus non immutat suum agens; pondus immutat, & opprimit latorem suum, & quia quodlibet pondus ponit impetum in latore; ideò ad multiplicationem ponderum, adeò multiplicatur impetus, ut nequeat ba-  
iulus illi resistere.

Ad illud de æquivalentiâ, dic vnum hominem æquivalere infinitis in ordine ad implendum spatium, non autem in ordine ad omnia. Hinc solues alia, quæ in hac materia congeri solent. Purâ si daretur replicatio posset Petrus assentiri Florentiæ, quod *A* existit, & huic dissentiri Romæ. Amare Romæ *A*, & illud idem odisse Florentiæ, & sic de alijs, quæ inuenies concessa ab aliquibus, qui fortasse rem non satis examinant. Hæc omnia neganda sunt: nequit idem intellectus simul dicere est, & non est de eodem; quantumlibet replicetur; replicatio enim non facit, quod intellectus simul assentiatur cōtradictorijs. Dices: assentiri Florentiæ, & dissentiri Romæ non sunt contradictoria: in tali casu daretur assensus Romæ, & dissensus Florentiæ, seu daretur Romæ *est A*, Florentiæ daretur *non est A*, ergo non darentur contradictoria.

Resp. quod assensus, & dissensus impertinenter se habent ad locum. Et locus impertinenter se habet ad assensum, & dissensum: igitur quemadmodum si Petrus nunc Romæ existens dicat: *Est A*, & Paulus etiam nunc  
exi-

existens Florentiæ dicat: *Non est A*; sibi contradicunt: ità etiam si idem Petrus nunc & Romæ, & Florentiæ existens dicat. *Est*, & *non est*, idem sibi contradicit. Ex his patet ad argumentum, dicendo, quòd contradictio consistit in hoc quod idem de eodem dicat: *Est*, & *non est*, & consequenter nequit vllò modo vtrumq. esse in eodem intellectu. Vbi aduerte discrimen inter hominem existentem in duplici loco, & eundem existentem in duplici instanti. Existens in duplici loco, si in vno dicat: *est*, & in altero: *non est* dicit simul: *Est*: & *non est*: in duplici autem instanti, si in vno dicat: *est*, & in altero: *non est*, non simul, sed successiue dicit: *est*, & *non est*, in quo non est vlla implicantia.

## QVAESTIO IV.

*De loco intrinseco.*

## ARTICVLVS I.

*Per quid formaliter res sit in loco.*

**L**Ocus, quem ex Aristotele suprà definiuimus, est locus extrinsecus. Agendum est hic de loco, quem vocant, intrinseco; quærendo videlicet an præter illam primam superficiem circumscribentem corpus, & corpus ipsum, requiratur aliquid ad hoc, vt corpus sit in hoc, vel illo loco.

Dicendum est primò. Res non est in loco formaliter per hoc, quod ipsa, & locus sint. Probatur hæc conclusio, quia Petrus est &  
hic

hic locus, & tamen Petrus non est in hoc loco; ergo quod Petrus sit in hoc loco non habetur per hoc, quod existat & Petrus & hic locus.

Dicendum secundo. Petrus est in loco *A* per vocationem sibi, & loco *A* superadditam. Probatur hæc conclusio: quia cæteris positis, & non posita vlla forma, per quam Petrus sit in loco *A* Petrus non est in loco *A*, ergo requiritur illa forma, per quam Petrus sit in loco *A*. Hanc autem formam vocamus vbi intrinsecum, seu locum intrinsecum. Est autem hic locus forma modalis ita essentialiter affixa Petro ut impossibile sit esse, & non esse in Petro, & ita determinans Petrum ad esse hic, ut impossibile sit hanc esse, & Petrum non esse hic. Sicut diximus de alijs passim determinatiuis ultimis ad hanc, vel illam denominationem. Propterea dicitur ipsum hic Petri, quod idem est, ac ratio, per quam Petrus est formaliter hic.

Dices: Hæc denominatio: *Petrus est hic*, potest haberi præseindendo ab omni modo superaddito; ergo, &c. Antecedens probatur: quia potest haberi quod Petrus sit hic per hoc præcise quod Petrus sit, & habeat indistantiam ab hoc loco; in hoc non includitur modus vocationis superadditus, &c. ergo quod Petrus sit hic habetur sine, &c.

Resp. negando antecedens, ad probationem concessa maiori: nega minorem. Habere indistantiam, seu negationem distantie ab hoc loco, dicit formaliter præsentiam in hoc loco: præsentia autem in hoc loco non habetur formaliter per Petrum, & hunc locum, sed insuper per aliquid quod sit ultimum deter-

minatiuum huius denominationis. Petri existens in hoc loco. Hoc autem vltimum determinatiuum est illa forma, seu illud vbi de quo hic agimus.

Dices iterum: per hoc præcise quod Petrus sit, & non sit in vlllo alio loco, est hic: Esse non includit modum vicationis: nec illud includit non esse in vlllo alio loco; ergo esse hic Petrum non includit modum vicationis superadditum. Maior probatur: quia valet illatio: *Petrus est, & non est in vlllo alio loco; ergo Petrus est hic.* ergo &c. Si autem hoc valet, manifestum est Petrum esse hic, per hoc quod sit; & in nullo alio loco sit. Minor autem probatur: quia quod Petrus sit, habetur formaliter per existentiam Petri; certum est autem existentiam Petri non haberi per modum vicationis: rursus quod Petrus non sit in vlllo alio loco, est denominatio pure negatiua, ad quam non requiritur vlla forma positiua, vt patet ex dictis a libi.

Resp. negando maiorem. Ad probationem concessio antecedenti: nega consequentiam. Ex hoc quod Petrus sit, & non sit in vlllo alio loco recte inferes quod sit hic ex suppositione illius principij: *quidquid est alicubi est.* Ex hoc autem quod alicubi sit, & non sit in vlllo alio loco recte inferes esse in hoc. Hoc autem nihil aliud est quam ex eo quod sit & negatione omnis alterius vicationis inferre quod habeat hanc vicationem. sicut v. g. si *A* necessario esset vel album vel nigrum, ex hoc quod non esset album recte inferres: ergo est nigrum: non quod habeat esse nigrum per suum esse, & præcisam earentiam albedinis, sed quia posita prædicta

necessitate, ex defectu vnius qualitatis recte inferitur existentia alterius. Non esse nigrum aut non esse album, sunt denominationes pure negatiue; hoc modo non esse in hoc vel illo loco est denominatio pure negatiua. Esse album & esse nigrum est denominatio positiua sicut & esse hic, vel esse alibi: propterea nec ibi sufficit res & carentia nigredinis ad rationem albæ; neq, hic res & carentia omnis alterius vicationis ad rationem existentis hic. Esse igitur et non esse alibi infert de consequenti, non autem includit de formali esse hic.

Hoc idem accidit in alijs similibus denominationibus. Puta quælibet creatura eo ipso quod est, pendere debet ab aliqua causa: si autem per argumentum ab exclusione dicas: non pendet neque ab hac neque ab illa neque ab illa alia recte inferes: ergo ab ista. Nec propterea habebit pendere ab ista formaliter per negationem dependentiæ ab illis alijs: sed per formam positiuam quæ recte inferitur ex carentia omnis alterius formæ; quam formam alibi vocauimus actionem, estque ratio qua hoc pendet ab illo.

Dices vltius: potest indifferentia quam habet Petrus ad esse vel non esse hic tolli per impulsu vel per motum per quem applicatur huic loco extrinseco: neque motus neque impetus sunt vicatione de qua hic agitur; ergo sine vicatione prædicta potest tolli indifferentia, &c.

Resp. distinguendo maiorem: potest tolli indifferentia per motum aut impetum in genere determinatiui antecedentis: concedo: in genere determinatiui formalis: nego Mo-



tus antecedens & impetus totus quantus est. non est ratio formalis essendi hic, sed ratio formalis qua mouetur huc, seu qua tendit huc. Puta per motum quo tendis ad Vaticanum non es formaliter in Vaticano. Si igitur hic motus determinat ad esse in Vaticano, oportet vt determinet ad illam rationem formalem per quam sis in Vaticano. Potest igitur motus aut impetus antecedens esse causa formæ, per quam sis in Vaticano non autem ipsa forma.

Dices: impossibile est dari totum motum & impetum antecedentē, & me nō esse hic, ergo sum hic formaliter per motum antecedentē.

Resp. omisso antecedenti: negando consequentiam. Impossibile est dari actionem quin detur terminus actionis; puta dari in materia actionē productiuam caloris, quin detur calor; & tamen non per actionem formaliter; sed per calorem, subiectum est calidum.

## ARTICVLVS II.

*An omnia in composito vna ybicatione ybicentur.*

**D**Ybicatur an sit vna an multiplex ybicatio eorum quæ idem compositum constituunt. Ex vno capite videtur esse vna. Primò quia est vnus locus adæquatus extrinsecus; ergo etiam vnus erit locus intrinsecus. Secundo, quia vnus entis simpliciter debet esse vna ybicatio, sed compositum est vnum ens simpliciter; ergo compositi est vna simpliciter ybicatio.

Tertiò. Per hoc præcise quod forma siue substantialis, siue accidentalis, sit in materia existente hic, ipsa etiam est hic: sed quod forma sit in materia existente hic, habetur formaliter per vicationem materiæ & in-existentiam formæ in materia; ergo per vicationem materiæ & in-existentiam formæ in ipsa, habetur formaliter quod forma sit hic. Hoc autem non includit aliam vicationem quam vicationem materiæ. Nam forma illi inexistit vel per vnionem vel per inhesionem, quarum neutra est viciatio. Hæc sunt quibus mouentur aliqui ad iudicandum omnia in composito viciari vna vicatione quam vocant vicationem primi subiecti: hoc est materiæ primæ.

Ex alio capite. Viciatio est modus essentialiter affixus rei quam viciat: sed potest dari hæc eadem viciatio materiæ absque eo quod hæc forma, & hæc accidentia sint hic; ergo hæc viciatio materiæ non est ipsum hic huius formæ, & horum accidentium. Maior patet ex dictis yniuersaliter de modis, de quorum conceptu est non existere quin actu modificent ea omnia quorum sunt modi. Minor autem probatur. Quia materia in eodem loco manens potest mutare formam; experientia enim constat idem subiectum in eodem loco esse modo calidum & modo frigidum.

Idem vrgeri potest contra Vasquez qui dicit omnia viciari in composito vna vicatione quantitatis. Nam potest variata forma substantiali manere hic hæc eadem quantitas: & consequenter dari hoc vbi huius quantitatis, quin deus hic hæc forma: ergo  
vbi

vbi huius quantitatis non est vbi huius formæ. Item constat manente eadem quantitate & in eodem loco variari accidentia rei quantæ. Idem enim quantum in eodem loco manens & cum eadem quantitate est modo album modo nigrum & sic de cæteris.

Ex his sequitur quod qui vnam in composito vlicationem volunt per quam singula vbicentur, vnum ex his dicere debent, videlicet vel dari posse hoc vbi quin centur ea quæ vbicantur per ipsum, vel ad quamlibet variationem cuiuslibet accidentis in composito compositum mutare locum, vel formam seu substantialem seu accidentalem non esse in loco nisi improprie; proprie autem esse in loco solum primum subiectum.

Hoc vltimum minus displicet quamvis à nullo fere dicatur, cum omnibus fere videatur evidens quod hæc albedo est in hac Schola: mihi autem videtur evidentissimum quod hæc albedo est in hac pariete; & quia hæc paries sit in hac schola. Esset igitur scilicet sustinere præter primū subiectum proprie & per se nihil vbicari; cætera autem quæ in ipso sunt denominari esse in hoc vel in illo alio loco, ab vlicatione subiecti in quo sūt. Diximus autem quod esse in subiecto non est esse in loco.

Ratio autem cur hæc vbicatio sit potius subiecti quam formæ, quamvis denominet totum est obuia: cum obuium sit formam superuenire subiecto non autem subiectum formæ; forma enim ex præexistente subiecto educitur si sit materialis; præexistenti subiecto infunditur si sit spiritalis: veraq.

autem

autem mutat locum ad mutationem secundum locum, illius subiecti in quo est. Et quidem si forma illa sit anima, magis mouet quam moueatur, quamuis moueri dicatur localiter ad motum subiecti seu corporis, quod ipsa mouet.

In hac sententia poterit dari ubi quin. detur ea quæ ubicantur; non quidem per se, sed per accidens. Puta dabitur ubi huius lapidis quin detur calor vel frigus quæ ab hoc ubi denominantur esse in hoc loco, non autem quin detur lapis ipse, vel etiam dabitur, ubi lapidis quin detur lapis, non autem quin detur id quod in lapide est primum subiectum, à cuius vicatione dicitur esse in loco ipsa met forma constitutiva lapidis. Iuxta hanc eandem sententiam; poterit idem locus intrinsecus esse plurum corporum successiue. Pater hoc: quia idem subiectum est plurum successiue corporum: locus autem est subiecti per se; per accidens autem formæ in subiecto receptæ: igitur si transmutationem intelligas substantiæ in substantiam, subiecto in eodem loco manente, intelligis vnum corpus habere eundem locum non solum extrinsecum, sed etiam intrinsecum quam habebat alterum.

Hac in re facile est utramlibet sententiam sustinere. Tenendum tamen in composito non omnia vna vicatione ubicari. Ratio est quia de conceptu modi communiter recepto, est quod nequeat esse quin. modifiet rem cuius est modus: vnde dicitur essentialiter affixus rei cuius est modus. Quod si distinguas inter rem quam modifiet per se, & rem quam modifiet per accidens; contra est

est, primo: quia eo ipso quod essentialiter affigitur rei quam modificat, videtur præcludi locus huic distinctioni, & poni per hanc distinctionem quædam indifferentia in formis modalibus, quæ est propria formarum absolutarum: puta hæc albedo habet facere album & quidem per se; habet autem esse in hoc potius, adeoq. dealbare hoc potius quam aliud, per accidens.

Secundo: quia esse in loco proprie & per se, dicitur de corpore seu de toto. Immo occupare hunc locum conuenit huic corpori non tam ratione materiæ quam ratione formæ. Pater hoc quia maior vel minor extensio materiæ secundum locum est à forma: ita vt illa materia quæ sub forma aque occupat palmum spatij; sub forma aeris occupet decem palmos: & tamen iuxta præfata sententiam, non corpus sed subiectum per se erit in loco. Cum igitur totum proprie sit in loco; & in toto pars potissima sit forma, & à forma potissimum habeatur quod hic vel ille locus sit proprius huius vel illius corporis, dicendum est formam non minus proprie esse in loco, quam materiam: rursus cum materia retineat eundem locum abeunte forma, dicendum est non vnā esse vtriusq. vocationem intrinsecam, sed vniuscuiusq. suam.

Ad ea quæ dicuntur in oppositum breuiter responderetur. Ad primum concessio antecedenti: nega consequentiam. Hanc non valere patet ex differentia inter locum intrinsecum & extrinsecū. Secundus est cōmunis successiue pluribus nulli essentialiter affixus; secus primus.

Ad secundum distingue maiorem : vnus entis indiuisibilis, est vna vbicatio: concedo; diuisibilis in plura separabilia secundum locum, nega, & eodem modo distincta min. nega conf.

Ad tertium nega maiorem. Potest forma tam substantialis quam accidentalis esse in materia. quæ sit hic; & tamen non esse hic; vt patebit ex sequentibus; vbi dicitur ex duobus extremis simul vnitis, posse alterum replicari, altero non replicato. In tali casu anima est in corpore quod est Romæ, & tamen ipsa non est Romæ.

## Q V Æ S T I O V.

*An extrema simul unita sint separatim replicabilia.*

**O** Væstio procedit tam de extremis facientibus vnum per se. Quam de facientibus vnum per accidens. Puta non solum an possit replicari corpus Petri, non replicata anima eiusdem; sed etiam an possit replicari Petrus non replicato eiusdem calore, vel albedine. Vt autem clare procedamus distinguendum est inter accidentia, quæ dicuntur absoluta à loco, & ea quæ dicuntur affixa loco. Primi generis sunt albedo, calor, siccitas, &c. Secundi ipsum vbi intrinsecum, siue permanens per quod sum hic; siue fluens, per quod moueor hic. His positus,

Dicendum est primò. Si vtrumq. extremum intrinsece atheriat vniq, ad replicatio-

nem vnus connaturaliter replicatur & alterum absolutum à loco. V. g. si replicetur corpus Petri connaturaliter replicetur, & anima. Si replicetur Petrus connaturaliter replicatur & albedo, & calor Petri. Ratio est: quia vnio intrinsece afficiens vtrumque extremum exigit, vt vbi est vnū, ibi sit & alterum. Dixi *Vnio afficiens vtrumque extremum intrinsece*, quia si daretur vnio intrinsece quidem recepta in vno, respiciens autem alterum, vt pure terminum extrinsecum, non exigeret, vt vbicumq. ponitur vnum, ibi ponatur & alterum. Huiusmodi est v. g. vnio, quæ in venerabili Sacramento Eucharistiæ, est inter species, & Corpus Christi, quæ intrinsecè recepta in speciebus, respicit Corpus Christi, vt terminum pure extrinsecum. Hæc autem exigit quidem vt vbicumque ponuntur hæ species, ibi ponatur Corpus Christi: non autem vt vbicumq. ponitur Corpus Christi, ponantur hæ species.

Secus accidit quando vnio est vtriq. extremo intrinseca: quod habetur quando extrema cōnaturaliter petunt vniri. Tunc enim vnio petit, vt vbi est vnum, ibi sit & alterum. Hinc Concilium Tridentinum docet, quòd quamuis in Sacramento Eucharistiæ sub speciebus panis, & vini, hic ex vi verborū solus sanguis, illic solū corpus ponatur: vtrobiq; tamen ponitur totus Christus, secundum corpus, & animā, & sanguinem. Corpus quidem, inquit, sub specie panis, & sāguis sub vini specie, ex vi verborum: ipsum autem corpus sub specie vini, & sanguis sub specie panis, anima; sub vtraque, vi naturalis illius connectionis, & concomitantis, qua partes Christi

sti

ſi Domini, qui iam ex mortuis reſurrexit non amplius moriturus, inter ſe copulantur. Hinc aiunt communiter, quod ſi quis in tri- duo mortis conſecraſſet, ille ſub ſpecie pa- nis ſolum corpus, ſub ſpecie vini ſolum ſan- guinem poſuiſſet. Nam corporis mortui ca- ro, & ſanguis non dicunt inter ſe connexio- nem illam, quam dicunt caro, & ſanguis cor- poris viui.

Ratio diſparitatis inter vniones prædictas eſt hæc. Vnio recepta intrinſecè in vtroque extremo, vtrique extremo intrinſecè vnitur. Intrinſecè autem vnita, connaturaliter lo- quendo, ſe ſe mutuo concomitantur. At ve- rò recepta intrinſecè in altero dumtaxat ex extremis, alterum autem reſpiciens, vt ter- minum pure extrinſecum, non vnitur vtriq. intrinſecè. Adeoq. ſi replicetur id, cui ex- trinſeca eſt, non eſt cur replicetur & ipſa: ip- ſa autem non replicata, non eſt cur replicate- tur alterum extremum, cui eſt intrinſeca. Ap- plica hanc doctrinam exemplis ſuperiùs da- tis, & inuenies illam eſſe liquidiffimam.

Dicendum ſecundò. Non repugnat ex duo- bus extremis vnitis alterum replicari, altero non replicato: v. g. non repugnat replicari corpus Petri, non replicata anima eiufdem. Replicari totum Petrum non replicata eius albedine, aut alio huiusmodi accidente. Hæc conſequentia non aliter probatur, quam reſpon- dendo obiectionibus.

**Obijeitur 1.** Ad hoc vt ex anima, & cor- pore fiat vnum, requiritur vt hæc duo ſint ſibi mutuo intimè præſentia: ſi ponatur vel corpus ſine anima, vel anima ſine corpore Florentiæ iſta duo non erunt ſibi inuicem præ-



præsentia, ergo ista duo non facient vnum, Minor est euidens. Nam corpus existens Florentiæ, & anima existens Romæ non autem Florentiæ, non sunt sibi intime præsentia.

Resp. concessa maiori: negando minorem. Ad probationem nega. Si enim corpus & anima, hoc est totus homo exillat Florentiæ, & sola anima insuper ponatur Romæ, non propterea illa anima non est intimè præsens corpore quod est Florentiæ, vt patet ex terminis. Si solum corpus esset Romæ, & sola anima Florentiæ tunc non essent hæc duo sibi mutuo præsentia; sed nec facerent vnum, sicut non faciunt corpus D. Petri existens in Vaticano, & anima eiusdem in Paradiso.

Obijcies secundò. Si poneretur Florentiæ materia sine forma, posset huic materie existenti Florentiæ vniri naturaliter alia forma: puta materie habenti Romæ formam aquæ, vniri Florentiæ forma ignis: consequens est absurdum; ergo & antecedens. Antecedens probatur, quia hæc materia non habet Florentiæ vllam formam sibi unitam. Materie autem non habenti vllam formam potest vniri quælibet forma, vt constat ex alibi dictis.

Resp. negando sequelam maioris. Materia existens Florentiæ habet unitam sibi formam aquæ, quamuis non habeat illam Florentiæ; hoc est quamuis nec formà ipsa, nec vniò formæ existat Florentiæ. Repugnat autem naturaliter eidem materie duas formas substantiales, quales sunt ignis, & aquæ simul vniri. Ad probationem dic magnam esse differentiam inter istas duas propositiones: *Materia Florentiæ existens non habet vllam for-*

*formam, & Materia Florentia existens non habet ullam formam Florentia: prima est falsa in casu posito: quia excludit à materia formam simpliciter; secunda est vera: quia non excludit formam, sed formam quæ sit Florentia. Duo autem ista benè stant: habere formam, & non habere formam Florentia. De facto enim de hoc meo corpore verum est, & quod habeat formam, & quod non habeat formam Florentia.*

Obijcitur tertio. Si corpus Petri poneretur Neapoli, anima non ibidem posita; idem corpus esset viuum, & non viuum, seu esset viuum, & mortuum; consequens est absurdum; ergo & antecedens. Sequela probatur: quia corpus est viuum vbi est animatum; est non viuum vbi est inanimatum: sed alicubi, putà Romæ esset animatum, & alicubi, putà Neapoli esset inanimatum; ergo Romæ esset viuum, et Neapoli non viuum; Romæ viuū, et Neapoli mortuum: adeoq. viuum, et non viuum, viuum, et mortuum.

Resp. negando sequelam maioris. Ad probationem nega minorem. Hæc propositio: *Corpus Petri Neapoli est inanimatum*, est æquiuoca: esse inanimatum est carere anima; in casu autem posito corpus Neapoli existens non caret anima: neque hæc ipsa replicatio corporis sine animæ replicatione facit, vt illud corpus sit sine anima: adeoque etiam si Neapoli non sit anima; tamen carentia animæ, quæ sit Neapoli, non est carentia animæ simpliciter. An sit viuum, an mortuum Neapoli corpus prædictum potest esse controuersia de voce, in qua melius locuntur, qui dicunt esse viuum. Ratio est, quia etiam  
Nea-

Neapoli est corpus animatum, quamvis non anima quæ sit Neapoli. Nam anima per hoc quod non sit Neapoli, non facit quod corpus existens Neapoli sit corpus inanime. Quod si esse viuum Neapoli idem sonet, ac habere principium operationum vitalium existens Neapoli, manifestum est, quod tunc illud corpus non est viuum Neapoli, sed tunc esse viuum hic, & non alibi, non sunt contradictoria, sicut contradictoria non sunt habere hic principium vitæ et illud quod idem alibi non habere..

Obijcies quartò. Posset Petrus Romæ, et Neapoli existens occidi Romæ, et non mori Neapoli, consequens est falsum; ergo et antecedens. Sequela maioris probatur, quia posset anima separari à corpore Romæ, et manere vnita eidem corpori Neapoli: in tali casu Petrus occiditur Romæ, et non moritur Neapoli; ergo Petrus posset occidi Romæ, et non mori Neapoli. Confirmatur, quia causa occidens Petrum Romæ puta pugio Romanus non agit in Petrum existentem Neapoli; ergo potest diuidere animam à corpore hic Romæ, absque eo quod diuidat illam eandem à corpore Neapoli. Confirmatur iterum, quia pugio Romanus non agit Neapoli, ergo non diuidit animam à corpore Neapoli.

Resp. negando sequelam maioris. Aequiuocatio est inter separationem animæ à corpore, quæ sit per destructionem vnionis, & & positionem corporis sine anima in aliquo loco; absque eo quod sit simpliciter verum animam separari à corpore. Per occisionem anima separatur à corpore simpliciter; impli-

cat autem corpus viuere per animam à se diuisam. Per hoc autem quod Deus replicet corpus Neapoli, anima non replicata, anima non separatur à corpore simpliciter. Ad confirmationem patet ex dictis. Pugio Romanus non distat à Petro existente Neapoli.

## ARTICVLVS II.

*An ipsum vbi sit replicabile.*

**P**lerique negant, aliqui affirmant. Qui negant his rationibus nituntur. Primò. Vbi Romanum est essentialiter hæc distantia ab vbi Mediolanensi; ergo implicat vbi Romanum poni Mediolani. Consequentia est euidens: implicat enim esse distantiam Mediolano, & esse Mediolani, vt patet ex dictis alibi, videlicet Petrum existentem Romæ, & Florentiæ non distare Florentia. Antecedens autem probatur item ex dictis in definitione loci vbi immobilitatem diximus haberi per distantiam hanc, vel illam, ab his, & illis punctis realiter, vel imaginarie fixis.

Secundò. Vbi Romanum est essentialiter affixum huic spatio imaginario, quod imaginor penetratum cum ipso vbi; ergo nequit esse extra hoc spatium. Probatur consequentia, quia si potest esse extrà hoc spatium; eo ipso est essentialiter indifferens ad esse, vel non esse extrà hoc spatium: sed quod est indifferens ad esse, vel non esse extrà hoc spatium, non est essentialiter affixum huic spatio; ergo, &c. Minor probatur à pari. Petrus indifferens, & vt indifferens ad esse, vel non esse extrà hoc spatium A, non est essentialiter  
affi-

affixus huic spatio *A* ; ergò si hoc vbi est indifferens ad esse, vel non esse extra hoc spatium, non est essentialiter affixum huic spatio.

Tertiò. Modus quilibet est ita essentialiter affixus rei, quam modificat ut impossibile sit esse extra rem, quam modificat (sermo est de modo qui recipitur in re modificata) sed hoc vbi modificat, Petrum existentem hic ut existentem hic ; immò est ipsum hic Petri existentis hic ; ergo non potest esse extra Petrum ut existentem hic, seu non potest esse, nisi in Petro ut existente hic : sed si nequit esse in Petro, nisi ut existente hic ; nequit esse Mediolani in Petro ; ergo hoc vbi Romanum nequit ad replicationem Petri poni Mediolani.

Quartò. Vbicatio circumscriptiua nequit poni cum vbi definitiue, seu replicari nequit definitiue. Item rotunditas nequit poni quadrate, aut triangulariter ; ergo vbi Romanum nequit esse Mediolani. Explicatur simul, & probatur antecedens. Implicat quod ubicatio tripalmaris, v. g. tota sit in puncto, vel qualibet parte cuiuslibet spatij tripalmaris ; Item quod ubicatio, per quam res occupat locum orbicularem sit, vel in spatio quadrato, vel in spatio angulari, itaut hæc congruat illi. Est enim impossibile quod rotundum quadrato, aut cuiuslibet figuræ angulari congruat, ut supponimus demonstratum in Mathematicis. Probatur iam consequentia, quia hoc vbi tam essentialiter est hic, quàm vbi rotundum est essentialiter incongruum vbi angulari ; ergo tam implicat hoc vbi esse in alio quolibet vbi, quam esse in vbi angulari,

ri, & congruere vbi angulari vbi rotundum.

Quinto. Duratio est essentialiter irreplicabilis, ergo etiam vbicatio. Antecedens probatur: quia implicat horam vigesimam primam, coexistere horæ vigesimæ; ergo implicat horam vigesimam iterum fluere postquâ fluxit quod est replicari secundum tempus. Secundum ant. probatur, ex conceptu receptissimo temporis, quod est essentialiter successivum: successivi autem partes non sibi coexistunt: imo successivum à permanenti differt in hoc quod permanentis partes sint simul; secus successivi. Probatur iam prima consequentia: quia quam essentialiter est durationi *B* facere successionem cum duratione *A*, tam essentialiter est vbicationi *B* facere extensionem cum vbicatione *A*. Siue: quam essentialiter duratio *A* & duratio *B* sunt tanta extensio temporaria, puta duarum horarum; tam essentialiter vbicatio *A* & vbicatio *B* sunt extensio localis tanta; puta duarum vlnarum; ergo quam impossibile est horam *B* poni penetratiue cum hora *A*, tam impossibile est vbicationem *B* penetratiue poni cum vbicatione *A*.

Confirmatur pro duratione & durationis irreplicabilitate per hoc dictum commune: *volat irrevocabile tempus*. Quod proloquiū sic sonat apud omnes, vt existiment diem hesternam essentialiter irrevocabile ad spatium hodiernum. Hoc idem diximus in premissis Logicæ in vulgari illo argumento: Logica vel dirigit operationem factam vel faciendam, &c. Item vel bonam vel malam, &c. vbi ostensum est vel potius suppositum pro indubitato cognitionem elapsâ, eo quod  
sint

sint cognitiones nostræ de natura temporis, iterum reuocari non posse, vt si praua sit emendetur. Est igitur suppositum pro indubitato durationem elapsam nulla virtute reuocari posse ad esse. Igitur duratio *A* nequit replicari, & postquam abiit iterum poni cum duratione *B*.

Dicendum est, his non obstantibus, vbi-  
cationem esse de potentia absoluta replica-  
bilem. Probatur Conclusio argumento soli-  
diori ijs omnibus quæ contra adducta sunt;  
videlicet. Cum replicabilitate vbi-  
cationis saluatur tota essentia vbi-  
cationis; ergo vbi-  
catio est replicabilis. Probatur antec. quia  
tota essentia vbi-  
cationis est esse essentialiter  
affixam hic, immo esse ipsum hic illius rei  
quam formaliter ponit hic, & vltimum de-  
terminatum rei existentis hic ad esse hic.  
Hoc autem totum & quidlibet aliud huius-  
modi saluatur cum tota replicabilitate vt  
parebit ex dicendis. Et primo quidem ma-  
nifestum est istos duos conceptus: *non posse*  
*non esse hic, & : posse esse alibi* non repug-  
nare inter se. Non posse autem non esse hic  
& esse essentialiter affixum hic, sunt vnum  
& idem. Explicatur hoc ipsum: indifferen-  
tia ad esse vel non esse Mediolani, non pug-  
nat cum impossibilitate ad non esse Romæ,  
seu cum necessitate metaphysica, ex supposi-  
tione quod sit, essendi Romæ. Possunt igitur  
ista duo prædicata simul in vnam ean-  
demque entitatem conuenire.

In hac ipsa metaphysica necessitate es-  
sendi Romæ habes evidens discrimen inter  
vbi constituens Petrum Romæ, & Petrum  
ipsum. Petrus enim Romæ existens non est

ita indifferens ad esse vel non esse extra Romam, ut habeat metaphysicam necessitatem essendi Romæ; sicut ubi Petrum ubicans Romæ, ita est indifferens ad essendum vel non essendum extra Romam, ut simul habeat necessitatem metaphysicam essendi Romæ. Hęc sententia patebit illustrius ex argumentorum disiectione.

Primum disijcitur vel neg. ant. vel dist. est distantia secundum id quod dicit de positivo: concedo; secundum omne quod dicit distantia: nego. Quando dictum est in explicatione loci immobilitatem importare talem distantiam aut propinquitatem ab his vel illis punctis realiter vel imaginarie fixis; intellectum est de propinquitate & distantia secundum id quod utraque vel utralibet dicit de positivo. Patet hoc, quia hoc ubi non solum est distantia sui, sed etiam distantia rei quam ubicat: est enim locus non modo sui, sed rei locatæ. Manifestum est autem rem locatam non distare ab hoc vel illo corpore per hanc ubicationem præcise, sed per hanc & carentiam alterius. Eodem modo hęc ubicatio se sola non distat Mediolano; sed se & simul carentia alterius ubicationis; per quam ipsa sit præsens Mediolano.

Ad secundum. Conc. antec. neg. conseq. Ostensum est in corpore indifferentiam ad essendum vel non essendum Mediolani stare cum necessitate metaphysica essendi Romæ. Ad prob. concessa mai. nega min. Ad cuius probationem patet ex dictis. Non ideo Petrus nõ est essentialiter affixus spatio *A* quia est indifferens ad esse vel non esse extra spatium *A*: sed quia potest non esse in spatio *A*.

Hoc



Hoc autem non conuenit vbi Romano; quod ita est indifferens ad esse vel non esse extra Romam, vt nequeat non esse Romæ.

Ad tertium transmissio toto primo syllogismo: nega minorem subsumptā. Vbi Romanum positum Mediolani cum Petro & in Petro; est in Petro vt existente Romæ; & constituit Petrum Romæ formaliter: adeoq; digito ostendens illud vbi Romanum replicatū Mediolani dicere poteris: hoc vbi conuenit huic subiecto vt existenti Romæ, nec est in hoc subiecto, nisi vt faciat illud existens Romæ. Non est autem nouum formā aliquam præstare in subiecto aliquam denominationem & non omnem quam tale subiectum sustineat. Lac est album & dulce. Dulcedo est in albo formaliter vt dulci; & albedo in dulci formaliter vt albo. Etiam si igitur in hoc subiecto quod est Mediolani sit & vbi Romanum & vbi Mediolanense, & vnum vbi penetratiue cum alio: vbi Romanum erit in Petro existente Mediolani, vt in subiecto existente Romæ; & vbi Mediolanū in subiecto existente Romæ, vt in subiecto existente Mediolani. Positio autem vbi Romani in spatio Mediolanensi non facit quin præstet in Petro effectum formalem existentis Romæ.

Ad quartum. Conc. ant. nega. conf. Hæc vbicatio est essentialiter tanta & talis extensio. Implicat autem in terminis tantam & talem extensionem huic diuersæ extensioni, vel nulli extensioni congruere: puncti nulla est extensio; spatij quadrati aut quomodolibet angularis est diuersa extensio ab extensione orbiculari: implicat igitur hanc illis

conguere. Apparet hoc in duratione. Puta duratio horaria est essentialiter horaria: per hoc autem quod durationem essentialiter horariam contrahas ad quadrantem manifestum est te destruere ipsius essentialitatem, quod non est manifestum si vnam durationem horariam simul cum alia duratione horaria fluentem intelligas. Eodem modo si extensionem localem palmarum ad spatium digitale contrahas, manifestum est hanc extensionem non manere palmarem: secus si hanc eandem cum altera æquali extensione compenitres. Ad probationem consequentiæ, concesso antec. nega consequentiam. Ratio negandi ter dicta est hactenus.

Ad quintum. Inuenies qui negent antec. Ad probationem, aiunt esse quidem de ratione successiui, ut vna pars post alteram fluat: per hoc autem quod simul fluat, non tolli, quod fluat post. Immo hoc ipsum dicimus quando dicimus replicari; videlicet illam eandem durationem quæ vel ante vel post horam duodecimam ita fluit ut impossibile sit hanc ita non fluere, posse etiam simul cum duodecima fluere. Pariformiter igitur & de duratione & de vocatione loquuntur: ubi Romanum ita faciunt indifferens ad esse, vel non esse Mediolani, ut essentialiter affigatur Romæ; durationem *B* ita faciunt indifferens ad fluendum vel non fluendum cum duratione *A*; ut essentialiter fluere debeat post durationem *A*. Et sicut palmus *B* etiam replicatus in palmo *A*, est tamen essentialiter post palmum *A*, & cum palmo *A* facit extensionem bipalmarem: ita duratio *B* etiam replicata in duratione *A*, est essentialiter post dura-

durationem *A*, & cum duratione *A* facit extensionem secundum tempus duplam durationis *A*.

Ad confirmationem distinguunt: volat irrevocabile tempus reuocatione, faciente ut iterum sit: nega; faciente ut non fuerit: concede. Et hic est sensus huius proloquij eleganter expressus à Terentio his verbis: *factum infectum fieri nequit*. Quod dictum sit in gratiam eruditorum. Idem dic de cognitione, quæ non propterea inemendabilis est, quia iterum esse nequeat, sed quia eo ipso quod immutetur, aliter tendit in obiectum, & consequenter non est eadem, quandoquidem modus tendendi est ipsamet cognitio ut alibi dictum est.

Respondere tamen poteris trāsmissio ant. neg. conseq. disparitatem petes tum ex dictis de conceptu successivi: tum ex eo quod nequeat existere duratio *A* nisi suo modo sit in naturā tempus imaginarium cui illa applicat rem quam facit durante; tempus autem imaginarium hesternū nequit esse nunc. At etiam dum vbicatio Romana est Mediolani, est in rerū natura suo modo locus imaginarius cui hæc applicat rem locatam. Vno verbo: duo loca imaginaria simul sunt suo modo in natura; secus duo tempora. Adeoq; vbicatio replicata simul locat rem cuius est vbicatio; duratio vero non faceret durante, quia tempus imaginarium, cui essentialiter applicat; non est.



## ARTICVLVS VLTIMVS.

*Expediuntur reliqua circa ubicationem.*

**D**E ubicatione siue vnâ, siue multiplici quæ dicenda supersunt per quæsitâ breuiter expedienda sunt.

Quæres primò quæ sit causa productiua ubicationis?

Resp. quamlibet rem vbicatam esse causam sufficientem suæ vbicationis. Quotiescunque aliquam creaturam cuiuslibet effectus dicimus causam sufficientem, non propterea excludimus concursum causæ primæ, sine qua nulla causa creata mouet hilum. Præter rem vero vbicatam possunt ad hanc vel illam vbicationem determinare hi vel illi motus antecedentes; hic vel ille impulsus; hic vel ille finis & alia huiusmodi, puta ad vbicationem qua sum hic, & cuius sum causa & subiectum, determinant motus antecedens, impulsus, & per modum causæ finalis ipsamet prælectio quam adeo diligenter scribitis.

Quæres secundò quandonam producat hęc vbicatio qua ego sum hic?

Resp. produci in illo eodem instanti in quo ego sum hic. Immo per productionem, seu per primo esse huius vbicationis, ego sum formaliter hic; seu ponor formaliter hic. Oportet igitur in hoc eodem instanti, in quo sum primo hic, considerare & formam per quam formaliter sum hic, & causam talis formæ. In causa talis formæ non debet reperiri formaliter hęc ipsa forma: causa enim  
etiam

etiam adequata tota quanta est, contradistinctur à suo effectu. Hinc aliqui cruciantur sic ratiocinantes. Quando produco hoc meū hic, nō sū nullibi, ergo vel sum hic vel alibi, non sum hic, quia si iam sum hic nō est cur producam per quod sim hic: non alibi: quia implicat me alibi producere per quod sim hic; puta me producere vnquam in meo cubiculo rationem formalem per quam sim in hac schola, cum ratio formalis per quā sum in hac schola, sit essentialiter improducibilis alibi quam in hac schola.

Tota hac difficultas oritur, vt in alijs multis, ex confusione negationis cum præcisione. Et quidem in argumento proposito nulla est difficultas. Concesso toto primo entimemate; nega minorem: & dic me esse hic quando produco ubicationem per quam sum hic. Patet hoc ex dictis: quia in eodem instanti est prius & posterius secundum naturam; immo per illud idem formaliter habetur ratio prioris, per quod habetur ratio posterioris. Quamuis igitur ubicatio sit effectus & ratio formalis per quam sum hic, non debeo antecedenter ad hanc ipsam formam per quam sum hic, esse hic, ad ipsam producendam. Argumentum igitur aliter proponatur, videlicet. In priori ad formam per quam sum hic non sum nullibi, ergo sum hic vel alibi: neutrum dici potest; ergo, &c. Minor probatur: quia in priori ad formam per quam sim hic non datur forma per quam sim hic; sed implicat me esse hic sine forma per quam sim hic; ergo in priori ad esse hic non sum hic: sed neque sum alibi. quia in illo eodem instanti sum hic: implicat autem

me in eodem instanti esse hic & alibi. Agimus enim de esse in loco ut naturaliter sumus; non autem ut esse possimus per replicationem; adde quod etiam si alibi sim per replicationem, illud alibi impertinenter se habet ad rationem per quam sum hic. Maior autem videtur nota ex terminis quia quandocunque sum, alicubi sum, ergo si in illo priori sum, non sum nullibi.

Resp. disting. mai. in illo priori non sum nullibi neg. con, non sum nullibi præcisive: nego. Causa productiva talis vicationis, præscindit ab omni vicatione; hoc est nō includit vllā vicationē; sed neq; negationem vicationis. Cū enim prius & posterius sint in eodē instanti & vicatio sit in instanti *A*, implicat in eodem instanti esse negationem vicationis; ne vicatio sui negationi coexistat. Semel pro semper intelligendus est sensus istarum propositionum. *In priori est hoc, & non illud. In priori non est neque hoc neque illud, & similia.* In priori esse *A* & non esse *B*, est quod *A* se teneat ex parte causæ non autem *B*. In priori non esse neque *A* neque *B*, est quod neque *A* neque *B* pertineat ad causam, seu sint ex constitutivis causæ seu actus primi adequati. In priori ad vicationem qua corpus primo vbicatur non est neque vicatio ipsa, neque negatio vicationis; quia nec vicatio nec negatio vicationis sunt causa aut de actu primo vicationis quæ ponitur: sicut in priori ad lucem hoc est in toto actu primo lucis non, est neq; lux neq; negatio lucis: quia neq; lux neq; neg. lucis est de actu primo ad lucē ut patet ex dictis.

Ad probationem patet ex dictis. Aliud est

rem esse alicubi quandocunque est, quod nihil aliud significat, nisi rem in nullo instanti esse nullibi: aliud esse alicubi in priori ad id ipsum ad quod est prior, & per quod est prior, & per quod est alicubi. Res in illo instanti, in quo per formam *A* seu per ubi *A* est hic, est prior ipsa forma per quam est hic; sed non includit in ratione prioris ipsam formam per quam est hic, nec ullam aliam per quam sit alibi, adeoque neque est hic, neque alibi in priori: hoc est: non ponitur in actu primo proximo ad hanc ubicationem per hanc ubicationem, neque per ullam aliam.

Quæres tertio. An ubi quod replicatur replicetur per aliud ubi? Ratio dubitandi est: quia diximus passim non dari actionis actionem, unionis unionem, ubicationis ubicationem, ne videlicet detur processus in infinitum.

Resp. non obstantibus ijs, quæ diximus, ubi, cum replicatur, ubicari per aliud ubi. Probatur quia ubi quod replicatur ita ponitur in loco, in quo ponitur per replicationem ut sit indifferens ad esse vel non esse in illo loco, etiam in sensu composito essendi in rerum natura; igitur denominatio essendi in illo loco non habetur formaliter per hoc, quod ipsum sit, & locus etiam sit, in quo est: igitur requiritur aliquid aliud, hoc autem aliud nihil est quam illud ubi, per quod ponitur ibi, ubi posset non esse. Vides eandem rationem militare pro ubi superaddito in replicatione ipsius ubi, quæ militat pro ubi superaddito Petri & cuiuslibet alterius rei; nimirum rationem indifferentiæ.

Ad ea quæ dicuntur in oppositum dic ubi

non indigere alio vbi vt sit vbi essentialiter est: & vbi est eo ipso quod sit, in quo apparet manifesta disparitas. Considera igitur vbi Romanum Petri replicatum Mediolani. Romæ habet de sua essentia esse Romæ, & ponere Petrum Romæ; Mediolani autem recipit ab vbi superaddito essentialiter affixo Mediolani, ibidem esse. Effectum igitur formalem essendi Romæ præstat & sibi intransitiue & transitiue Petro; effectum vero formalem essendi Mediolani transitiue recipit ab vbi Mediolanensi habente de sua essentia esse Mediolani: vnde dicitur vbi Romanum esse per se Romæ, per accidens autem Mediolani.

Ex hac doctrina habes vbi Romanum replicatum Mediolani semper præstare suum effectum formalem. Ratio est quia etiam replicatum Mediolani vbiat suum subiectum Romæ, & in subiecto existente Mediolani facit vt idem sit Romæ. Quod si dicas; non facit Mediolani vt sit Romæ; ergo non præstat suum effectum formalem Mediolani. Respondeo concessio antecedenti; negando suppositum consequentis. Quia effectus formalis vbi Romani non est ponere re Mediolani. Si rursus inferas: ergo est alicubi vbi non præstat suum effectum formalem; distinguo consequens: est alicubi localiter, vbi non præstat suum effectum formalem: concedo; alicubi subiectiue: nego. Non est in vilo subiecto in quo non præstet id quod essentialiter præstat. Facere autem vt subiectum Mediolani quatenus Mediolani sit Romæ, est inepta reduplicatio.

Actio ipsa quæ est modus rei actæ facit essentia.



sentialiter rem actam, non tamen rem actam hic etiam si actio sit hic: sed esse actam res habet ab actione seu per actionem, esse actam hic habet per actionem & vicationem, qua est hic. Dictum est enim actionem non esse alligatam his vel illis circumstantiis sed indifferentem ad has vel illas. Sic igitur argueret Aduersarius: modus non potest esse ubi non præstat effectum formalem: sed actio etiam quæ est hic non facit rem actam hic ut hic, ergo actio non potest esse hic. Eodem modo solue hoc argumentum quo soluisti primum; ostendendo per quid formaliter res sit acta, & per quid & actio & res sint hic, videlicet non per vnâ eandemque formam ut dictum est.

## Q V A E S T I O I V.

### *De Vacuo.*

#### A R T I C V L V S I.

##### *An sit possibile.*

**A**Gimus hic de Vacuo non secundum conceptum vulgi, sed secundum conceptum sapientum. Vulgus vacuum vocat quidquid alicui rei continendæ specialiter deputatum, re illa caret, vel alia ad sensum æquiualentem. Ita crumenam carentem nummis, lagenam carentem vino vacuas vocant, quamuis hæc & illa saltem aere repleantur. Vacuum à Philosophis definitur: *locus carens corpore contento*. Ex hac defini-

nititione habes ad rationem vacui requiri locum, qui sit capax corpus aliquod continere, & præterea quod in tali loco nullum corpus existat. Ex his duo inferes. Primum est, quod quamvis extra mundum nullum sit corpus, non propterea extra mundum datur vacuum; cum non detur ibi locus aptus corpori continendo. Secundum est: quod si locus aliquis ita occupetur à substantijs spirituales, ut ab eo abigant omne corpus, eo ipso datur vacuum.

De Vacuo fufe disputat Aristoteles 4. Phisic. ostendens illud simpliciter repugnare. Ex recentionibus multi vacuum admittunt. Inter cæteros est P. Magnus, qui librū scripsit cui titulus est: *Ocularis demonstratio vacui*. Et vere in illo experimento quod adducit oculi nullum corpus intra fistulam depræhendunt; adeoque si intellectus oculis nihil præstat, nec ipse intellectus inuenit quo fistula repleatur. Experimentum illud adducetur inferius, & quam demonstrat oculis dari vacuum, tam demonstrabit intellectui vacuum repugnare,

## ARTICVLVS II.

*Ponuntur due Conclusiones.*

**P**rima est, Vacuum naturaliter repugnat. Naturam abhorrere à vacuo innumeris experimentis fit manifestum. Inter alia est illud familiare de encurbitulis (vulgo ventosas vocant) quibus medici passim vtuntur. Nam in ijs cum aer reducit se ad debitam densitatem, euanescente videlicet calido à quo

quo rarerat experientia constat carnem attolli, vt relictum ab aere spatium impleat. Immo si Chirurgus eas ab humeris auulsurus recta sursum attollat, diffringit potius quam auellat. Vnde eas aliquantisper eleuans ab vna parte retrahit, & aer subingrediens sinit illas auelli.

Præterea si lagenam aqua, vel vino plenā operto orificio inuerteris, sæpe continget nihil ex ipsa effluere, nisi illam tantisper inclines: videlicet vt per canaliculum se se insinuans aer pergat ad occupandum locum, qui deferendus est à liquore effluente: & quia si recta inuertatur non habet aer, quæ se insinuet, ideo nihil effluit. Hoc idem sæpe experiuntur Acholici dum ex ampulla bene obturata in superiori orificio, nihil effluit in calicem, ex protenso canaliculo, quamuis aperto.

Denique est quotidianum experimentum in tubis, quos vulgò *Trombas* appellant, quibus Nautæ ad euacuandas naues, olitores ad irrigandas carotas, Romani ad exhauriendas post inundationem Tiberis, cellas subterraneas passim vtuntur. In ijs attracto sursum aere, aqua ascendit ad quamlibet altitudinem, nè intrà tubum non sit neque aqua, neque aer, adeoq. vllum corpus. Sunt infinita alia, quæ spòtè omittimus vtpotè obuia, cum in vsu versentur quotidiano.

Ratio à priori cur natura vacuum abominetur est necessitas contiguitatis corporum inter se ad accipiendas, & transmittendas influentias vnius in aliud; mediorum videlicet in inferiora, superiorum in media, & per media ad reliqua omnia. Quod si supponas

vacuum, vel digitale circa te: cælestes influxus conseruationi tuæ necessarij, hærebunt in illa vltima superficie, & cum post hanc nihil sit in quo fiat propagatio qualitatum ( nec enim queunt esse sine subiecto ) numquam vsque ad te talium qualitatum propagatio fiet. Propterea natura quæ conseruationi sui maximopere studet, contiguitatem huiusmodi summopere amat, & quo amore amat contiguitatem corporum cum corporibus; vacui detestatur.

Secunda conclusio. Potest per diuinam omnipotentiam dari vacuum. Probatur conclusio, quia tota vis quam natura adhibet ad impediendum vacuum, superari potest per diuinam omnipotentiam; ergo per eandem poterit dari vacuum. Antecedens probatur respondendo obiectionibus si vllæ ab Aduersarijs afferantur. Sed quia posse fieri per diuinam omnipotentiam vix est, qui neget: posse fieri per naturam multi affirmant, his satisfaciendum est.

Obijcitur primò, experimentum P. Magni. Accipe fistulam vitream ita clausam ex vna parte, vt nullum corpus vel tenuissimum introgredi possit. Imple fistulam mercurio, siue argento viuo, & qua parte patet crasso digito occlude. Deindè in concham alio mercurio plenam immerge; nec retrahe digitum donec fistula secundum illam extremitatem immersa sit. Tunc verò retrahe digitum, & videbis argentum viuum ex parte deorsù ruerè, & in spatio relicto, quod erit trium, vel quatuor digitorum, pro magnitudine, vel paruitate tubi, edere vibrationes quasdam, & fluctuare donec postmodum planè conquiescat.

In

In hoc experimento patet ad oculum locus relictus à mercurio in superiori parte fistulæ: in hunc locum nullum corpus successit mercurio descendentem: supponitur enim fistula hermetice clausa, itaut nihil valeat sese intus insinuare. Ex parte autem inferiori, qua videlicet fistula immergitur, supponitur adesse mercurius, et tollere locum omni alteri corpori, quod sursum ascēdat. Quod si natura itā abhorreret vacuum, ut aliquod corpus necessario debeat esse intra locum, qui apparet in tubo, potior ratio est remanendi in mercurio iam possidente hunc locum, quā succedendi abeunti mercurio, in quolibet alio corpore. In hoc experimento alia speculantur. Videlicet lucem stare sine subiecto, adeoque falsam esse doctrinam peripateticam vel in eo quod dicit lucem esse accidens, vel in eo quod dicit accidens esse non posse sine subiecto. Præterea per fistulam hoc modo vacuum rerum species transmittuntur: videntur enim tum mercurius ipse intra fistulam clausus, tum alia corpora, quæ trans fistulam sunt: quæ omnia patent cuilibet oculato.

Resp. hoc experimento probari impossibilitatem vacui; afferendo rationes cur tantum, et non plus descendat mercurius. Dico igitur particulas quasdam magis tenues, et spiritosas eiusdem mercurij, vel etiam tenuissima quædam corpuscula immixta mercurio itā rarefieri, ut impleant spatium supra relictum. Ad mensuram talis rarefactionis descendit mercurius, qui propterea edit vibrationes prædictas; quasi tentans descendere ulterius, sed impotens. Natura enim debet et continere mercurium sursum contra inclina-

tionem eiusdem, & ipsius spiritus rarefacere contra eorundem exigentiam. Quamdiu autem facilius est prædicta corpuscula rarefacere, quam continere mercurium, finit mercurium descendere: sed quia post ingentem rarefactionem magis repugnat ulterius rarefactio, quam suspensio mercurij; propterea abstinere à rarefactione maiori, & suspendit mercurium. Hæc est ratio cur tantum, & non plus descendat mercurius, de quo nullam rationem reddunt vacui propugnatores.

Fundatur autem hæc ratio in naturali exigentia, quæ inest cuilibet substantiæ huius, vel illius qualitatis; quæ quamvis possit hoc vel illo modo imminui, aut admisceri contrariæ, nequit tamen sine ipsa in quadam determinata mensura stare substantia. Puta frigus; & densitas debetur aquæ: posses tamen ita alterare aquam calefaciendo, & rarefaciendo, ut ex aqua faceres aerem: quia quamvis aqua sit capax caloris, & raritatis, nequit tamen cum qualibet iactura frigoris, & densitatis ulterius conservari.

Quod dictum est in experimento posito patet ad oculum. Si quis enim vel subtilissimè superfovet fistulam itaut vel minimè aeris sese insinuet, videt prædictos spiritus, seu corpuscula ad debitam densitatem redire, & ex interiori superficie tubi guttatim deorsum fluere.

Obijcitur secundò. Demittatur perpendiculariter columna perfectissime complanata super basin item perfectissime complanatam. Hoc postulatum videtur negari non posse. Hoc tamen dato, vel admittendum est vacuum, vel negandum, quod basis, & columna possint se mutuo immediatè contingere: secundum.

cundum est absurdum; ergo admittendum est primum. Maior probatur, quia superficies columnæ nequit immediate applicari superfici ei basis, nisi excludatur totus aer inter columnam, & basim: si enim maneat aer intermedius non se immediate contingent. Rursus aer ille nequit excludi, nisi per motum localem, adeoque diffundi debet per circumferentiam columnæ, et basis. Priusquam autem ad extremam tam columnæ, quàm basis oram perueniat, recessisse debet à medio. In illo autem medio nullum aliud corpus successit; nondum enim columna basim attingit, cum inter hanc et ipsam intermediet aer diffusus à medio ad circumferentiam; ergo in illo medio datur vacuum.

Hoc ut melius intelligas diuide superficiẽ basis, & columnæ in varios circulos, alios alijs maiores; donec deuenias ad vltimum, qui in extrema vtriusque ora erit amplissimus. Aer recedens à primo interiori circulo implet secundum, & exclusus per compressionem à secundo implet tertium, & sic de cæteris donec extrà columnam, & basim totus aer effluat. Quamdiu autem intra columnam, & basim aliquid aeris restat, columna non tangit basim. Probatur hoc, quia cum basis, & columna sint perfecte complanata, & hæc perpendiculariter cadat supra illam, nequeunt se contingere secundum vnâ partem, quin se contingant secundum omnes: sed in tali casu non se contingunt secundum omnes, ergo non se contingunt secundum vllam. Minor probatur: quia adhuc inter extrema vtriusque mediat aer. Rursus non se contingunt in medio, et tamen iam à medio exclu-

exclusus est aer; ergo inter columnam, et basim datur vacuum: probatur consequentia: quia loco aeris exclusi nullum corpus successit.

In tractatu de continuo inuenies negari passim illa postulata, per quæ plana perfecta, perfectæ spheræ postulantur; non ob difficultatem hic propositam, sed ob maiores, quæ ibi proponuntur. Qui negant alicubi postulata huiusmodi, debent semper illa negare; adeoq. non premuntur hic hoc argumento. Nos in præsentia damus postulatum, et hoc dato negamus maiorem. Dicimus autem columnam inter et basim in casu posito intercedere tenuissimum, et insensibile velum aeris; sicut intercederet, v.g. tenuissimum velum aquæ, vel olei si columna, et basis aqua maderet vel oleo. Hoc autem non impedit quin columna, et basis immeditè se tangant immediatione contactus physici; quamuis in rigore metaphysico reipsa contactus immediatus non sit columnæ, et basis. Sicut autem si columna, vel basis maderet oleo ridiculus esset qui diceret columnam marmoream non basi fulciri, sed oleo; ita ridiculus erit, qui in casu posito, dicet columnæ fulcrum esse aerem, non marmor; cum aeris velum sit incomparabiliter tenuius velo olei, quod haberetur in alio casu. Dicitur autem contactus physice immediatus: quia aer intermedius nequit per sensum apprehendi.

Obijciuntur tertio. Sint duæ tabulæ perfecte complanatæ; altera alteri superponatur: post verò superior ab inferiori tota simul eleuetur; itaut in eleuatione mancant parallelæ. In tali casu dabitur vacuum; ergo vacuum est



est naturaliter possibile. Minor probatur: quia aer subingrediens non venit ad medium nisi transeat prius inter extrema vtriusque: Igitur dum aer est inter extrema, et nondum in medio, datur in medio vacuum; nam duæ tabulæ prædictæ non se contingunt in medio, sicut non se contingunt secundum latera, in quibus iam successit aer.

Resp. quod in casu posito neque Orlan-  
dus, neque Briareus, nec vterque simul ta-  
bulam auellet à tabula: sed ad eleuationem  
vnius, altera etiam eleuabitur, non alio vi-  
sco conglutinata, quam periculo vacui. Hoc  
ut experiare: accipe tabulam planam; hanc  
aquæ placidæ in concha, vel situla superpo-  
ne: deinde tabulam recta eleua, seruatis aquæ  
et tabulæ parallelis: videbis te simul cum  
tabula aquam sursum trahere, quod erat de-  
monstrandum.

Obijcitur quartò. Motus localis fieri ne-  
quit, nisi in vacuo: datur motus localis; er-  
go datur vacuum. Maiorem probant veteres,  
quia in pleno nequit corpus moueri locali-  
ter, putà lapis, qui est intra viscera huius  
parietis nequit hac illac moueri.

Resp. negando maiorem. Ad probationē.  
Sic mouemur localiter in aere; sicut pisces  
in aqua.

Dices; ergo ad motum vnius culicis mo-  
uetur totus aer qui est in mundo; Conse-  
quens est absurdum; ergo & antecedens.  
Probatur consequentia quia culēx abiens  
pellit aerem sibi proximum, aer proximus  
pulsus alium sibi proximum pellit, & sic  
vsq. ad vltimam superficiem aeris. Præterea  
in locum culicis abeuntis; succedit æqualis  
mo-

moles aeris circumfusi; loco aeris. Succedat  
 eis succedit alius, & alius & sic vsq.  
 ad superficiem, quæ contingit vel concavum  
 lunæ, vel concavum Firmamenti. Patet hoc  
 in concha, in cuius medium si vel leuissi-  
 mus aut tenuissimus lapillus inciderit, tota  
 aqua in circulos commouetur incipiendo à  
 minimo circa lapillum desinendo in maxi-  
 mum circa oram conchæ. Qua similitudine  
 vtuntur Patres Spirituales vt explicent mi-  
 nimam etiam culpam in maximas plerun-  
 que abire.

Resp. negando consequentiã Sicut Piscu-  
 culus aquam mouens circa se in mari, non  
 commouet totum oceanum: ita & culex cõ-  
 mouens aerem circa se, non agit totam  
 aeris massam. Immo minimum aeris com-  
 mouet ad motum aeris sibi propinqui. In  
 concha ipsa quæ ad explicationem adducitur  
 patet quod corpusculum decidens ita leui-  
 ter mouet aquam circumfluam vt ad nullam  
 pene distantiam sensibilem moueatur. Quã-  
 do igitur corpus siue magnum siue paruum  
 mouetur in aere, aliquid aeris condensa-  
 tur & aliquid rarefit: id quod rarefit implet  
 locum relictum à corpore quod mouetur,  
 corpus ipsum quod mouetur implet de spa-  
 tio relictò ab aere qui densatur: commotio  
 autem aeris est ad proportionem corporis  
 quod mouetur, numquam autem ad distan-  
 tiam valde notabilem extenditur ob summã  
 facilitatem aeris, tum ad se condensandum,  
 tum ad rarescendum.

Obijcitur secundo. Conatus ad inducen-  
 dum vacuum potest crescere magis in infini-  
 tum: vis impediua vacui semper est maior  
 tali

tati conatu ; ergo vis impeditiua vacui est infinita.

Resp. transmissa maiori : & concessa minori ; negando consequentiam. Conatus prædictus quantumvis crescat numquam est infinitus ; adeoq. vis resistitiua eidem, vt sit super ipsum, non est necesse quod sit infinita sufficit autem incrementum in virtute semper esse supra incrementum in conatu. v. g. quando conatus ad vacuum est vt tria, vis resistitiua sit vt quatuor : quando ille est vt quatuor, hæc sit vt quinq. immo etiam se æqualiter crescant : quando tantumdem resistis quantum impugnaris, non vinceris.

Deniq. Obijcitur contra secundam Conclusionem. Est impossibilis locus carens trina dimensione : vbi datur trina dimensio non datur vacuum ; ergo impossibile est dari vacuum. Antecedens probatur : quia intra quâlibet concavam superficiem datur profunditas, longitudo, & latitudo, ita vt Mathematicus possit infinita ibi describere,

Resp. negando maiorem. Ad probationem dic quod in vacuo datur prædictæ dimensiones non reales, sed imaginariæ, adeoque æque sufficit Mathematicis vacuum ac nobis plenum.

## ARTICVLVS II.

### *De motu in Vacuo.*

**V**eteres contra Philosophum assumebant dari vacuum : quia sine vacuo motus localis saluari non poterat. Aristoteles contra ipsos negat dari vacuum, quia in  
vacuo

vacuo fieri nequit motus localis. Argumentum Veterum solutum est quæstione superiori, Discursus Philosophi est hic examinandus. Sic igitur ratiocinatur Aristoteles.

Motus grauium & leuium fieri nequit in instanti: in vacuo fieret in instanti; ergo in vacuo fieri nequit. Maiorem vt indubitatam assumit Philosophus, nec repugnant ij quibuscum disputat: animaduertentes in omni motu locali esse prius & posterius, & mobile vt ab extremo transeat ad extremū transire prius per medium. Tota igitur difficultas est in probanda minori. Probatur autem sic. Maior & minor velocitas grauium in descensu, & leuium in ascensu determinatur à maiori vel minori resistentia medij: in vacuo nulla esset medij resistentia, ergo esset infinita velocitas: adeoq. in instanti à concavo Lunæ lapis descenderet supra terram; ascenderet ignis à terra ad concauum Lunæ. Maior vltimi syllogismi probatur experientia & ratione. Quia videmus eundem lapidem velocius ferri deorsum in aere, quā in aqua: eo quod plus resistat aqua quam aer. Vnde enim maior hæc tum velocitas tum tarditas; nisi à resistentia maiori uel minori illius corporis quod à mobili permeatur? Quod autem in uacuo nullum huiusmodi corpus daretur est idipsum quod supponitur.

Totus hic discursus est liquidus. Dubitatur autem an ea quibus innititur sint principia ipsius Philosophi, an potius Aduersariorum, ijsq. vtatur Philosophus ut argueretur ad hominem. Nos tum ob auctoritatem multorum sic opinantium, tum ob ea quæ dicturi

dicturi sumus inferius, putamus hunc discursum niti principiis non Aristotelicis, sed receptis apud eos quibuscum Aristoteles contendebat, adeoque Philosophum hic argumentari ad hominem.

Dicendum. In uacuo fieret motus localis grauium & leuium. Ad intelligentiam conclusionis finge Scolam hanc uacuam esse. In tali hypothese pilam ferream imaginare suspensam uel è fornice; uel in ipso medio uacui itaut nullum usquam corpus contingat. Si ponatur contigua fornici, non cadet deorsum. Si in medio, deorsum ruet. Hoc autem est moueri in uacuo. Non cadet si contingat fornici; quia per huiusmodi casum daretur; noua disiunctio corporis à corpore. Cadet in secundo casu; quia disiunctionem huiusmodi non faciet.

Conclusio sic explicata probatur: quia non est vlla ratio cur lapis non moueatur, seu quodlibet aliud corpus seu graue seu leue; ergo in casu posito & grauia & leuia mouerentur. Antecedens patebit solutione objectionum. Quod autem detur ratio positiva cur moueatur, probamus; quia etiam in tali casu inest grauitas graui, leuitas leui; ergo est ratio cur hoc & illud moueantur. Probatur iterum: quia determinatio ad motum non omnis habetur à resistantia medij, ergo etiamsi desit resistantia medij, non deest omnis determinatio ad motum. Antecedens probatur: quia in eodem medio diuersa mobilia diuersimode mouentur; ergo tota determinatio ad mensuram velocitatis vel tarditatis in motu, non habetur à medio. Antecedens patet experientia. Plumbum v. g. vel

g. vel ferrum etiam data paritate molis descendit velocius intra idem medium quam lapis; aut aliquid aliud graue quidem, sed non tam graue.

Ex hac Conclusionem habes quid respondeas ad argumentum Philosophi, seu potius à Philosopho factum contra veteres arguente ad hominem: negando videlicet determinationem totam ad hunc vel illum modum tarditatis, aut velocitatis; haberi vnice à resistantia maiori, vel minori, medij in quo fit motus.

## ARTICVLVS II.

### *Respondetur obiectionibus.*

**O**bjiciunt primò. Si pila ferrea sit in medio vacui non est ratio cur potius moueatur in vnâ partem, quam in aliam ergo nequit moueri. Antecedens probatur: quia in tali hypothesi non datur neque sursum neq. deorsum respectu pilæ: ergo non est potior ratio cur in hanc, quam cur in illâ partem feratur. Consequentia est euident. Antecedens probatur: quia quamuis reipsa detur deorsum & sursum (vacuum enim huius Scholæ non impedit centrum terræ esse deorsum & concavum Lunæ esse sursum) pila tamen ferrea non percipit vbi sit sursum, vbi deorsum; & consequenter respectu eiusdem ita est sursum ac deorsum, ac si non esset.

Resp. negando antecedens. Ad probationem nega iterum antecedens. Probatio huius antecedentis laborat in suppositio. Quod vide-

videlicet graua & leuia percipiant centrum ad quod mouentur & perceptione centri moueantur ad centrum ; quod est ineptum. Sūt qui putent graua deorsum ferri eo quod trahantur à centro immittente ad ipsa qualitatem quandam sympaticam, similem qualitati qua magnes trahit ad se ferrum, Qui hoc modo philosophantur sapienter negant pilam in vacuo motum iri, & si supponatur hæc sententia : nostra Conclusio nequit sustineri : prædicta enim qualitas nequit propagari per vacuum, vt patet ex dictis.

Conclusio igitur intelligenda est in alia hypothese negante huiusmodi influxum centri, in id quod mouetur ad centrum. Dicere autem quod etiam in hac hypothese mobile debet percipere centrum, ad quod fertur est vel sacere lapides similes nobis, vel nos similes lapidibus : vtrumq. absurdum. Graue & Leue nec in vacuo, nec in pleno, percipiunt centrum : nec nos ipsi dum mouemur vt graues semper percipimus quo moueamur, vt apparet in ijs qui casu ruunt per præcipitia. Mouetur igitur graue deorsum sua grauitate, hoc est impetu quodam innato seu ipsi indito ab auctore nature versus centrum mundi, quod ab ipso non magis percipitur quam scopus ad quem sagitta dirigitur percipiatur, à sagitta. Hanc explicationem habes ex D. Thoma considerante graua & leuia impulsà, hæc quidem sursum, illa vero deorsum à natura, sicut sagitta impellitur hac vel illac à Sagittario. Quemadmodum autem non sagitta sed Sagittarius scit scopum sagittæ : ita non graue aut leue, sed natura, quæ fecit graue & leue

leue , scit locum grauis & leuis.

Dices : ergo graue & leue mouentur ab extrinseco. Probabis consequentiam : quia mouentur sicut sagitta ; hæc mouetur ab extrinseco ; ergo & illa.

Resp. negando consequentiam. Ad probationem distingue maiorem : mouetur sicut, &c. aliqua paritate : concedo , omni-modâ paritate : nego. Paritas consistit in hoc quod & hæc, & illa ignorant locum quo tēdant, quamuis hic locus nec ab eo qui sagittam impellit, nec ab eo qui graue secit, ignoretur. Disparitas autem est in multis. Quod punctum præsens est in hoc quod sagitta secundum se non sit neq. in hanc neq. in illam partem : adeoq. per hoc quod recipiat esse sagittæ non recipit impelli ad dexteram potius quam ad sinistram. Graue autem per hoc ipsum quod recipit esse graue recipit impelli deorsum : vnde impulsus vni est ab intrinseco , alteri ab extrinseco : neq. enim quando dicimus graue deorsum impelli ab auctore naturæ, ita intelligendi sumus quasi aliquid poneremus in graui distinctum à ratione per quam est graue , quo moueatur ad medium : sed intelligimus per hoc ipsum quod graue sit, habere quod deorsum impellatur. Hinc est quod dicit D. Thomas quod viuentia mouent se : graua autem & leuia, & quæcunque non viuunt mouentur à generante : non quod generans nouis semper & nouis impulsibus moueat id quod genuit sed quia dans ipsi esse, dedit etiam principium eorum motuum , qui conueniunt ipsius esse ; & quidem tale principium quod necessario sese exerceat in his vel illis circumstan-



stantijs vt explicabitur fufius in tractatu de Vita.

Obijeitur fecundò. Si graue mouetur in uacuo; motus localis fit in instanti: confequens eft absurdum; ergo & antecedens. Minor probatur: quia fpatium in quo mouetur habet prius & pofterius, cum fit diuifibile: puta fpatium tripalmare eft diuifibile in tres palmos, quorum primus propior eft mobili, quam fecundus, fecundus, quam tertius, igitur debet mobile prius eſſe in primo quam in fecundo, prius in fecundo, quam in tertio; fucceſſiue autem in toto illo fpatio quod percurritur. Probatur autem fequela maioris: quia deficiente omni corpore medio, intra quod moueatur, non eft potior ratio; cur hac potius velocitate quam illa moueatur: vbi enim nulla habetur determinatio à medio ad modum tarditatis aut velocitatis nulla fimpliciter determinatio habetur.

Reſp. negando fequelam maioris. Probationi iam eft ſatisfactum; vbi dictum eft determinationem ad hanc vel illam velocitatem ſeu tarditatem non haberi à ſolo medio, ſed à grauitate maiori vel minori rei quæ mouetur. Probatum eft hoc: quia experientia conſtat intra idem medium ferrum moueri velocius quam ſaxum: quemadmodum igitur in pleno magis graue, velocius; minus graue, minus velociter cadit: ita etiam continget in vacuo, in quo maior grauitas grauiori, minor minus graui ineſt.

Obijeitur tertio. Si pila moueretur in vacuo; fieret nouum vacuum: etiam ex ſuppoſitione vacui, non eft naturale fieri aliud

vacuum; ergo etiam ex suppositione vacui non est naturale grāuia moueri in ipso aut leuia. Maior probatur: quia locus ille plenus pila ferrea, descendente eadem pila uacuatur; ergo fit in natura nouum uacuum.

Resp. Si verum est fieri nouum uacuum, etiam verum est impleri vacuum vetus; quod non est minus illo quod fit de nouo: habetur autem insuper quod pila magis accedat ad centrum & secundum naturam suam feratur: igitur etiam data paritate utriusque vacui, est cur moueatur potius quam quiescat.

Resp. ad argumentum directe negando maiorem. Ad probationem nega pilam in casu prædicto implere vllum locum. Constat ex ipsa hypothese hanc non contineri ab vlla superficie corporis ambientis. Est quidē illa pila in loco formaliter; quia etiam ibi est per vlicationem sibi intrinsecam, & ibi etiam habet proportionem propinquitatis & distantie cum alijs corporibus vniuersi. Non est tamen in loco materialiter qui sit locus ipsius quia non contingitur ab vlla superficie corporis circumfusi.

Dices: superficies corporis ambientis ipsum vacuum dici potest locus pilæ prædictæ; ergo pila habet locum proprium quem impleat. Probatur antecedens: quia inter prædictam superficiem & pilam nihil intermediat; ergo talis superficies est prima superficies corporis ambientis pilam; ergo est immediata seu immediate applicata pilæ.

Resp. negando antecedens. Ad probationem dic inter pilam & superficiem mediare vacuum, adeoq. aliquid mediare, quantum suffi-

fufficit vt superficies prædicta non contingat pilam. Illa superficies dici poteft immediata immediatione quadam negatiua, non autem poſitiua: quatenus inter ipſam & pilam nullum corpus mediat, ipſa autem pilam non rangit, ſed eſt inter veramq. interuallū replebile alio corpore, vt patet. Vidimus autem ad rationem loci requiri vt non ſit neq. maior neq. minor locato, quod non reperies in ſuperficie prædicta.

## QVAESTIO VI.

### De Tempore.

**T**empore nihil notius, nihil tamen difficilius explicari. Quid ſit tempus omnes intelligimus cum de tempore loquimur, & alios loquentes audimus. Quid ſit tempus ſi interrogamur reſpondere neſcimus vt merito dixerit Auguſtinus: quid ergo eſt tempus? Si nemo ex me quærat, ſcio: ſiquærenti explicare velim; neſcio. Difficultas autem iſta maxime apparet ex ijs quæ ibidem ſibi proponit idem Auguſtinus. Habes hæc in libris Confefſionum quos facile euolues.

Definitur tamen ab Ariſtotele 4. Phyſic. textu 101, *numerus motus ſecundum prius & poſterius*. Hanc definitionem explicat Philoſophus diſtinguendo duplicem numerum. Alius enim eſt numerus numeratus, ſeu numerabilis; alius numerus numerans. Numerus numerans ſunt ipſi actus intellectus, quibus numeramus dicendo. *unum, duo,*

*tria, prius posterius, &c.* Numerus numerabilis est ipsamet rerū successio, seu partiū; quæ per huiusmodi actus, sunt numerabiles. Hanc Philosophi definitionem amplectitur Schola peripatetica: diuersimode tamen à diuersis exponitur. Sunt qui dixerint tempus non esse quid reale, sed consistere solum in actibus intellectus metientis hoc & illud per prius & posterius: puta dicentis: prius est A Eneas quam Iulus, prius Iulus, quam Numa, & sic de cæteris.

Reijciūtur hi ex hoc quod numerū quo numeramus, pro tēpore accipiant. Hic enim in nobis est nō in rebus: tēpus autē in rebus est, nō solū in nobis. In huiusmodi quæstionibus tota difficultas est in nimia facilitate. Est enim euidentis successionem importare prius & posterius: puta diem hanc quæ successiue fluit, non esse totam simul, sed fluere per partes, quarum aliæ sunt matutinæ, aliæ meridianæ, aliæ vespertinæ. Qui autem quærit vbi sint huiusmodi partes; ita torquetur sicut torquentur pueri dicentes se habere quinque annos: si rogentur vbi sint illi anni an in crumena an alibi? quod accidit ijs omnibus qui in qualibet denominatione de præsentī, quærunt omnia de præsentī.

Hoc posito satis intelligitur definitio Aristotelica: quomodo videlicet tempus sit numerus seu mensura cuiuslibet habentis prius & posterius; *Dicimus enim ait Philosophus motum esse plurem & minorem secundum tempus eo quod eadem mensura uni motui pluries applicetur quam alteri.* Puta mensis est maior hebdomada quia mensura diurna pluries applicatur mēsi, quam hebdomada-

domadæ. Meritum autem illud quod inest motui ad mensurationem huiusmodi dicitur tempus ipsius. Hoc modo vita Petri dicitur tanti vel tanti temporis, prout assignata mensura toties vel toties illi applicatur.

Mensura autem ipsa, ut ait Philosophus, qua metimur motum, debet esse aliquid notissimum: ut contingit in alijs, quæ alio genere mensuræ metimur: dum dicimus pannum esse tot, vel tot palmorum. Quemadmodum autem mensura panni est panno extrinseca; sic etiam mensura motus erit extrinseca motui. Hanc mensuram alij ponunt in circulatione Solis, alij in circulatione primi mobilis: utrique eadem ratione ducuntur, aientes, hi quidem circulationem primi mobilis esse & regularissimam & notissimam; illi autem hoc idem de circulatione Solis. In fauorem primi mobilis est illud Philosophi: *primum in unoquoque genere est mensura ceterorum*. In fauorem Solis est quod motus ipsius nobis familiarius innotescit. Hinc tot Soles hunc vel illum vixisse dicimus, metientes annos & dies per totidem revolutiones Solis; annos quidem per integram revolutionem per duodecim signa Zodiaci; dies autem per excursu Solis ab Oriente ad Occidentem. Et quidem circa hoc nequit esse difficultas,

Neque tamen hoc obstat quin ad metiendos hos & illos motus alijs etiam mensuris utamur. Puta etiamsi recte metiamur motu primi mobilis, aut Solis alios motus, eosdem etiam metiri poterimus motu Luncæ & Martis. Sicuti etiamsi pannum recte metiamur cubitis, ad huc eundem metimur & palmis.

Immo qualibet ex illis mensuris deficiente, poterit qualibet alia recte substitui.

Iuxta hanc doctrinam dixit Augustinus quod etiam cessante motu primi mobilis, Solis & Cælorum; non propterea deficeret omnis mensura eorum quæ successiue fiunt. Nam, ait ille, posset ita regulariter moueri rota figuli vt huiusmodi rotæ circulationes essent pro mensura rerum magis vel minus, prius aut posterius durantium. In tali hypothese res durans per centum circulationes eiusdem rotæ plus duraret quam res durans per sexaginta solum. Et res durans in prima circulatione prior esset, re durante in secunda dumtaxat.

## Q V Æ S T I O VIII.

### *De Tempore intrinseco.*

**S**copus præsentis quæstionis est inuenire an quemadmodum res est hic, non per seipsam, neque per complexum ex se & hoc loco extrinseco; sed per vlicationem vtriq. superadditam, quæ dicitur ipsum hic huius rei: ita etiam res sit nunc, non per se ipsam neque per complexum ex se & hoc tempore extrinseco; sed per durationem vtriq. superadditam; quæ sit ipsum nunc rei nunc existentis.

Diceudum est rem esse nunc per durationem sibi & tempori extrinseco superadditam. Hæc duratio dicitur tempus intrinsecum rei, estque modus essentialiter affixus tum rei quam durantisicat, tum tempori imaginario

nario cui illam præsentat. Probatur Conclusio iisdem argumentis quibus probata est conclusio circa locum intrinsecum. Puta : Petrum existere, & existere millionesimam circulationem primi mobilis, non est formaliter Petrum esse in millionesima circulatione primi mobilis ; ergo requiritur aliquid huic rei, & huic circulationi superadditum, per quod hæc res sit in hac circulatione ; seu huic circulationi coexistat. Antecedens probatur : quia si intelligas existentiam Petri ante prædictam circulationem, & circulationem ipsam, in eo imaginario tempore cui est essentialiter affixa : intelligis & existentiam Petri, et circulationem ipsam : nec tamen intelligis Petrum existentem in ipsa ; ergo, &c.

Hæc cōclusio de tempore intrinseco quamvis æque certa, ac de loco, non tamen adeo facile intelligitur à tironibus. Ratio est, quia *ly est*, & *ly existit* consignant tempus, & quidem præsens. Si autem consignant præsens : eo ipso quod de re dicunt *existit*, sibi videntur ponere quantum sufficit ad hoc, ut tempori præsentati coexistat, & tamen nihil ponere præter existentiam rei. In hoc quod putant se sufficienter importare coexistentiã rei huic tempori, cum dicunt : *Res existit*, non decipiuntur : decipiuntur autem in hoc, quod putent se nihil dicere, aut ponere, nisi existentiam rei. Ex hoc enim ipso quod consignant tempus, aliquid aliud significant præter existentiam rei.

Dices : impossibile est existere hoc tempus extrinsecum, & existere Petrum, quin Petrus coexistat huic tempori extrinseco : sed per

hoc ipsum quod coexistat huic tempori extrinseco, existit in hoc tempore; ergo impossibile est existere hoc tempus extrinsecum, & existere Petrum, quin Petrus existat in hoc tempore. Maior probatur: quia si existat hæc dies, & existat Petrus, manifestum est Petrum coexistere huic diei; ergo & Petrum existere in hac die.

Hoc argumentum est apparens, propter hoc verbum *Existit*, quod indiuisibiliter importat, & rem, & tempus rei. In forma negativa maiorem. Ad probationem, scias oportet, quod ipsum existere, seu esse debet hic accipi non secundum quod consignificat tempus, sed secundum quod significat ipsummet esse secundum se, quod est distinctum à tempore. Iuxta hanc acceptionem si Petrus existat heri, vel nudius tertius vel cras, vere existit, & etiam hæc dies existit, & tamen Petrus non existit in hac die: potest igitur intelligi in natura existentia vera realis, & physica Petri, & existentia huius diei, quin intelligatur coexistentia Petri huic diei.

Instabis: eo ipso quod Petrus non est nunc, simpliciter non est; ergo eo ipso quod simpliciter est, nunc est; ergo ad esse nunc sufficit esse: seu: ergo ut sit nunc, sufficit ut sit simpliciter.

Resp. negando antecedens. Ad probationem abutitur Aduersarius ratione consignificata per verbum: non autem accipit esse, seu existere, secundum præcisam rationem essendi, seu existendi. Etiam si igitur intelligas Petrum in alia differetia temporis existentem, intelligis Petrum verè, et propriè existentem, & tamen non intelligis coexistentem huic



huic nunc, quod de facto datur, quando intelligis Petrum cras, vel heri existentem: eadem igitur existentia Petri vere, & realiter posita in natura est omnino indifferens, ut huic, vel illi tempori extrinseco coexistat, et consequenter indifferentia huiusmodi debet aliunde determinari.

Replicabis: per hoc præcise quod existat Petrus, et simul existat hæc dies; Petrus existit in hac die: in hoc nihil importatur præter existentiam Petri, et existentiam huius diei; ergo præcise per existentiam Petri, et existentiam huius diei, Petrus existit in hac die.

Resp. concessa maiori: negando minorem. In prædicta denominatione præter existentiam Petri, et existentiam huius diei, importatur simultas utriusque existentiae, quæ simultas non habetur per utramque existentiam solum. Patet hoc, quia eadem existentia Petri est omnino indifferens, ut coniungatur cum existentia huius, vel cum existentia alterius diei: ergo quod coexistat huic, vel alteri, habetur per aliquid utriusque superadditum.

Dices iterum: quod datur heri, vel cras existentia Petri, non est quod Petrus existat, sed quod Petrus extiterit, vel extiturus sit; ergo per hoc præcise quod existat, existit hodie; ergo ut existat hodie nihil requiritur præter existentiam ipsius, et existentiam huius diei. Antecedens est manifestum. Nemo enim dicit: existit dies hesternus: aut: existit dies crastinus. Probatur iam consequenter, quia per hoc præcise quod verum sit: *Existit*, verum est existit hodie.

Resp. distinguendo antecedens: quod datur esse non est quod existat si attendatur solum

lum ratio significata: nego, si attendatur etiã ratio consignificata; concedo. Et eodem modo distingue consequens: per hoc præcise quod existat, attendendo tam ad rationem significatam, quàm ad rationem consignificatam, existit hodie: concedo; attendendo ad solam rationem significatam: nega consequentiam. Breuiùs etiam respondebis sic: per hoc præcise quod existat, existit nunc ratione rei significatæ: nego, ratione rei consignificatæ: concedo. Hoc igitur argumentum, quod vim habet in verbo; habet etiam solutionem in verbo, immò probationem conclusionis in Verbo. Nam ideo dum dico: *Petrus est*, dico Petrum esse nunc, quia per verbum *est* non solum significatur existentia, sed insuper significatur tempus; rursus non significatur quodlibet tempus talis existentiae: sed tale tempus per quod hæc existentia coexistat cum hoc instanti extrinseco: puta, cum instanti vespertino diei octauæ Iunii: igitur præter existentiam, per verbum ipsum, quo affirmas rem existere, ponis in re distinctum aliquid, per quod huic instanti coexistat. Hoc autem est, quod vocamus durationem, seu tempus intrinsecum.

Circa durationem autem eadem fere dubitantur quæ circa vicationem. Primo à qua causa, et quando producatur illa duratio; per quam ego sum nunc. Huic dubitationi eodem modo satisfiit, quo satisfactum est alteri, dicendo rem durantem esse suæ durationis productiuam, eamque produci in illo eodem instanti, in quo res est cum puta præcedentia naturæ rei, quæ durat, ad durationem, qua durat, Atque in  
hæc

hac re idem omnino dicendum est, quod superius dictum est de vicatione.

Dubitatur secundo. An in composito omnia durent vna duratione, an singula singulis.

Resp. singula singulis. Probatur, quia durante materia deficit duratio formæ, et infinitorum accidentium durantium in materia; ergo non est vna duratio materiæ, et duratio formæ, aut aliorum receptorum in materia. Quemadmodum autem hunc et illum locum explicandum duximus per habitudinem propinquitatis, & distantie ad hæc, & illa puncta, vel realiter, vel imaginarie fixa: ita etiam hanc & illam durationem, seu hoc & illud tempus optimè explicatur secundum habitudinem ad hæc, vel illa instantia, vel realiter, vel imaginarie fixa, & immobilia. Ità tuus Proauus fuit in alio tempore quam sis tu; quia si compares durationem tui Proauis, & tuam, cū instanti crastino, vel quolibet alio inuenies diuersam habitudinem durationis prædictæ tui Proauis, & tuæ ad illud idem instans. Quando autem duo eidem indiuisibili instanti, indiuisibili autem tantum formaliter, quàm æquiualeuter coexistunt: sibi coexistunt: v.g. si Petrus, & Paulus coexistunt hodierno instanti meridiano; Petrus, & Paulus sibi coexistunt.

Non tamen valet absolute: quæ coexistunt eidem tertio sibi coexistunt: Petrus, & Paulus coexistunt eidem tertio, ergo Petrus, & Paulus sibi coexistunt. Maior enim est falsitas illud tertium possit ita durare, vt secundum vnâ partem suæ durationis coexistat vni, secundum alteram alteri extremo. Nunc

de facto coexistimus multis iam senibus, qui dum essent pueri, alijs coexisterunt, quibus non coexistimus. Idem apparet in hoc alio argumento: quæ sunt proxima vni tertio sunt proxima inter se, sed Italia, & Hispania sunt proximæ vni tertio, ergo sunt proximæ inter se. Minor probatur: quia vtraque est proxima Galliæ. Maior autem est euidenter falsa: cum tertium possit esse adeò amplū vt faciat maximam extremorum à se inuicem distantiam.

Hinc diuina Aeternitas non recte accipitur pro mensura durationum creaturarum secundum prius, & posterius, aut secundum simul. Certum est enim quotquot sunt, fuerunt, & erunt, intra diuinam Aeternitatem suis singula temporibus esse, adeoque omnia quæ sunt, fuerunt, vel erant coexistentiam habere cum Aeternitate diuina: hæc tamen est indiuisibilis; ergo non quæcumque coexistunt durationi indiuisibili, eo ipso sibi coexistunt. Ratio est, quia hæc ipsa Aeternitas quamuis formaliter indiuisibilis, est æquiuolenter diuisibilis, adeoque per diuersas quoad æquiuolentiam partes, intra idem indiuisibile instans habetur habitudo propinquitatis, aut distantiae secundum tempus eorum, quæ vel à se mutuo distant, vel sibi mutuo propinquantur.

Aeternitas quoad hoc intelligitur per immensitatem. Diuina enim immensitas & vbi que est, & vbique tota est; adeoque & quod Romæ est, & quod est Neapoli sunt eidem immensitati præsentia; non tamen, sunt sibi mutuo præsentia. Hinc & immensitas, & eternitas sunt mensura, hæc quidem durantiū,  
illa

illa locatorum, sed mensura excedens, & incommensurabilis. Definitur autem diuina Aeternitas: *Interminabilis uite tota simul, & perfecta possessio.* Deus enim non plus habet durationis post infinita secula, quam in quolibet instanti; sicut non plus habet immensitatis in toto vniuerso, quam in quolibet puncto vniuersi: quamuis & aeternitas, & immensitas explicentur per ordinem, & ad quælibet spacia, & ad quælibet tempora: quorum vtraque, si in infinitum amplifikes, non habes quibus diuinam tum aeternitatem tum immensitatem compræhendas.

## Q V A E S T I O IX.

*De numquam, & nullibi creature  
existentis.*

### A R T I C V L V S I.

*Possis nè esse, & nunquam esse?*

**S**Vnt qui affirmant, quia duratio est id per quod aliquando es: potes esse sine omni duratione; ergo potes esse, & numquam esse. Maior patet ex dictis. Minor probatur, quia duratio ipsa est quid consequens ad esse; ergo non repugnat ipsam esse haberi sine duratione. Antecedens etiam patet ex dictis. Probatur consequentia: quia potest Deus re posita, seu te posito in natura velle suspendere omnem suum concursum in ordine tum ad quemlibet alium effectum

à te ponendum, tum in ordine ad ipsammet  
durationem.

Confirmatur; quia certum est te non posse quidquam producere neque intra te, neque extra te, Deo non concurrente; certum est insuper posse Deum suspendere suum concursum, seu denegare suum concursum in ordine ad multa, quæ tamen necessitate naturali consequuntur ad tuum esse; putà in ordine ad quemlibet actum vitalem, ad quamlibet qualitatem in te producendam; & sic de infinitis alijs: igitur poterit etiam negare suum concursum in ordine ad durationem ipsam.

Præterea esse, et non esse in vlllo tempore, non est esse, et non esse: ergo non repugnat esse, et non esse in vlllo tempore; et consequenter esse, et nunquam esse. Antecedens probatur: quia non esse cum aliquo addito, non opponitur contradictoriè esse simpliciter: non esse autem in vlllo tempore est non esse, cum aliquo addito, ut patet; ergo non opponitur contradictoriè huic, quod est esse simpliciter. Maior probatur: quia non esse hic, non esse album, etc. non opponuntur huic quod est, esse simpliciter: non nisi quia esse his modis, seu non esse his modis, est non esse cum addito; ergo etc.

Vltèriùs: intelligere quod sis, non est intelligere quod sis in vlllo tempore, neque determinatè, neque indeterminatè; ergo quod sis reipsa, non est quod sis in vlllo tempore neque determinatè, neque indeterminatè: rursus intelligere tuum esse præcisum ab omni tempore, non est intelligere chimeram; ergo poni tuum esse præcisum ab omni  
tem.

tempore non est poni chimeram: sed esse præcisum ab omni tempore, est esse, et numquam esse; ergo te esse, et numquam esse, non est chimera.

Sed contrà est quod ait Philosophus: quòd est et numquam est, et nullibi, est sicuti Sphinx, et Hyppocentaurus, quod idem significat apud Philosophum, ac Chimera, et Hircoceruus. Non posse rem esse, et numquam esse fuit adeò notum Philosopho, ut numquam conaretur hoc demonstrare. Et reipsa potissimum argumentum contra numquizationes est in intelligibilibus numquizationis. Fac enim te dicere: Cæsar, et Scipio, et Epaminondas alijque Heroes fuere, sed non sunt: et ità dicentem rogari ab Auditoribus: quando nam fuere? et rogationi respondere: numquã. Si non ridearis, aut pro irrisore habearis, potest aliquid esse, et numquam esse: Si autē hoc ipso vel rideas, vel ridearis, ridiculum est dicere fuisse aliquid, et numquam fuisse.

Item si Deus spondeat Aduersario illam fore Beatam: roganti autem quando, respondeat: numquam: non putabit Aduersarius promissam sibi beatitudinem. Quamuis autem Aduersarij in hoc præcipue hæreant, quod videlicet impossibilitas numquizationis nequeat demonstrari; puto demonstrari, et quidem ad euentiam, modo conueniant nobiscum in primis principijs. Sit igitur hæc demonstratio.

Implicat quod res sit & non sit verum: *res est*: ergo implicat quod res sit & numquam sit. Antecedens est euidens; nam de omni quod est, verum est dicere: *est*. Probatur autem consequentia. Hæc propositio: *Petrus est*

*est* est de secundo adiacente, ergo *li est* habet vim verbi: sed eo ipso quod *li est* habet vim verbi significat cum tempore: ergo in hac propositione: *Petrus est li est* significat cum tempore: significare autem cum tempore & consignificare tempus sunt vnum & idem, ergo *li est* in propositione prædicta consignificat tempus: sed hæc propositio est vera, ergo impossibile est Petrum esse quin de ipso vera sit propositio consignificans tempus: sed eo ipso quod necessario vera est propositio significans existentiam Petri, & consignificans tempus; necessario cum existentia Petri datur aliquod tempus; & consequenter necessario Petrus est cum aliquo tempore, adeoque in aliquo tempore.

Totus hic discursus fundatur in primis principijs summularum: & hæc ipsa necessitas affirmandi aliquod tempus quotiescunq; hæc propositio de secundo adiacente euincit rem esse non posse, quin in aliquo tempore sit. Et hæc impossibilitas affirmandi solam existentiam fundatur in impossibilitate quã habet quælibet res, vt sola sit & sine omni consequente ad suum esse.

Dices: hæc propositio: *Deus est* est de secundo adiacente: in hac propositione non consignificatur tempus, ergo non in omni propositione de secundo adiacente consignificatur tempus. Maior est euidens: nam istæ duæ propositiones: *Deus est*: & : *Petrus est* sunt eiusdem omnino rationis nec differunt nisi secundum materiam. Minor autem probatur: quia hæc propositio: *Deus est* vera est ante omne tempus: vera etiam futura si nullo tempore daretur: ergo hæc propositio  
non



non significat tempus; vel propositio significans tempus potest esse vera etiam si res non sit in vlllo tempore. Consequentia est euidens. Igitur hæc propositio: *Petrus est* vel non necessario significat tempus; vel etiam si significet tempus; potest esse vera dato etiam quod non detur vlllum tempus.

Resp. ex dictis supra Deum esse semper: adeoque si quis diceret: *Deus numquam est* esset similis insipienti qui dixit in cordo suo *non est Deus*. Illud autem semper quod est semper Dei, est ipsamet æternitas, quæ Deus est: adeoque quamuis nos dum dicimus: *Deus est* respiciamus ad tempus in quo sumus, quando tamen Deus dicit: *Ego sum* longe in alio sensu habet illud sum, quam habeamus nos; nam per idipsum per quod est, Deus est, & semper est, & vbique est, adeoque etiam si præter ipsum nihil esset & consequenter nulla tempora essent: vere diceret: *ego sum* non significans aliquid, quia non per aliquid à se distinctum semper est, immo & per seipsum semper est, & per seipsum formaliter, non per aliud à se dicit: *ego sum*. Non est igitur putandū quod quemadmodum verbum de presenti in propositione quam formas, præter rem quam significat significat etiam tempus ab eadem distinctum; ita etiam in propositione qua Deus dicit: *ego sum*, si *sum* aliquid significet distinctum à Deo.

Ad argumentum in forma concessa maiori nega minorem. Etiam in hac propositione: *Deus est* si est significat tempus. Dum Angelus dicit: *Deus est*; & dum homo dicit: *Deus est*; & dum quælibet creatura di-

cit:

cit: *Deus est*, per *li est* non solum significat existentiam Dei sed consignificat rationem qua Deus ipsi cognitioni coexistit qua dicitur *Deus est*. Ad probationem dist. ante omne tempus verum est: *Deus est* veritate propositionis factæ à creatura: nega suppositum, veritate quæ sit Deus ipse conc. Hæc autem ipsa veritas qua Deus dicit *ego sum* importat illam ipsam sempiternitatem, qua Deus semper est, quæ eminenter est omne tempus, & mensura supercomprehendens omne quod vnquam est.

Instabis: etiam ante omne tempus potuit esse aliqua creatura: in tali hypothese & Deus diceret: *Creatura est*: & Creatura ipsa diceret: *ego sum*, & tam Deus quam creatura diceret verum: sed in tali hypothese non esset in vlllo tempore, ergo de creatura potest verificari quod sit, etiamsi non sit in vlllo tempore. Minor est euidentius, quod enim est ante omne tempus, non est in vlllo tempore: probatur tamen hoc idem euidentius: quia quod est ante omnem diem, non est in vlla die: quod est ante omnem circulationem solis, non est in vlla circulatione solis; ergo quod est ante omne tempus non est in vlllo tempore. Maior autem probatur: quia non implicat creatam fuisse aliquam creaturam ante omnia tempora.

Resp. ex hac ipsa instantia suggeri argumentum pro nostra sententia. Da enim creatum fuisse aliquid huiusmodi. Implicat hoc ita fuisse creatum, vt neque ante ipsum neque post ipsum possit aliud creari: sed eo ipso quod ante ipsum, & post ipsum potest aliquid creari; est in tempore; ergo impli-

cat

eat aliquid creari & aliquid esse, & non esse in tempore. Maior est evidens: quia quancumqueingas creatum aliquid, potes intelligere fuisse ante creabile, & post ipsum aliud creabile: nisi in aliqua re creata intelligas diuinam æternitatem, antequam implicat aliquid esse & post quam implicat aliquid esse. Minor autem probatur: quia eo ipso quod aliquid ante ipsum, aut aliquid post ipsum est creabile, habet relationem seu habitudinem prioris & posterioris ad hoc & illud, & mediij inter hoc & illud: potest igitur mensurari cum hoc & illo secundū prius est posterius; quod formalissime est esse in tempore.

Aequiuocatio Aduersarij consistit in hoc, quod putet rem non esse in tempore nisi simul cum re ponatur aliquid extrinsecum rei cui res coexistat, & cuius motus motum rei mensuret. Quando autem dicimus rem, eo ipso quod est, aliquando esse, per li *aliquando* non intelligimus aliquod tempus extrinsecum, puta aliquam circulationem solis, aut primi mobilis. Quis enim dicat impossibile esse rem vllam existerre quin alicui motui huiusmodi coexistat? sed per li *aliquando* intelligimus necessitatem alicuius temporis intrinseci, temporis formalis & metaphysici, per quod illa res respondeat his vel illis instantibus etiam non realibus, sed saltem imaginarie fixis & immobilibus vt dictum est alibi.

Igitur ad argumentū in forma nega posse quid quam creari ante omne tempus, loquendo de tempore formali & de antecedentia excludente ab eo quod creatur omne tempus,

tempus, in sensu explicato. Ad probationem in contrarium dic posse creari aliquid ante omnem diem & ante omnes annos, & ante quamlibet aliam mensuram extrinsecā maioris vel minoris, prioris vel posterioris durationis: non tamen ante omne tempus intrinsecum ut patet ex dictis; ita ut verū sit: *res est simpliciter; & falsum: est aliquod tempus.*

Idem argumentum quod supra attulimus paucis variatis sic proponi posset ad probationem nostræ sententiæ. Omnis creatura existens coexistit æternitati diuinæ: igitur vel coexistit adæquate & totaliter, vel inadæquate & partialiter. Si adæquate & totaliter, eo ipso semper est: si inadæquate solum & partialiter eo ipso aliquando est. Si primum; toti æternitati æquatur: si secundum; correspondet alicui dumtaxat parti virtuali eiusdem æternitatis. Rursus Deus potest intra eandem suam æternitatē aliquid ante, & aliquid post prædictam creaturam creare; ergo idem quod prius. Ex hoc eodem discursu vides quod creatura correspondens adæquate toti æternitati diuinæ, eo ipso semper esset; adeoque falsificaret propositionem dicentem: nunquam est, sicut Deus per suam sempiternitatem illam eandem falsificat. His positis respondendum est ad argumenta initio huius articuli proposita.

Ad primum concessa maiori nega minorē. Ad probationem concessio ant. nega consequ. Ad prob. consequ. nega ant. Cuius falsitas patet ex dictis. Hoc dictum *qui dat esse dat consequentia ad esse* ita intelligendum est ut ea quæ naturaliter solum consequuntur, natu-  
rali

rali necessitate etiam dentur. Quæ autem metaphysice & indispensabiliter consequuntur nequeunt villo modo denegari. Ita inuenies in tractatu de relatione apud eos qui illam constituunt in modo superaddito: non posse per vllam potentiam poni album *A* & album *B* quin eo ipso consequatur modus relationis inter vtrumque. Item qui substantiam ponunt in modo superaddito nature singulari completæ, dicunt impossibile esse à natura singulari completa diuisa ab omni alio non pullulare modum illum. Et sic de alijs. Ad confirmationem patet ex dictis: non quæcunque consequuntur ad meum esse, eadem necessitate consequuntur.

Ad secundum disting. ant. esse & , &c. non est esse & non esse, formaliter: conc. antec. non est esse & non esse, consequenter: nega ant. & conseq. Ad probationem antec. dist. iterum: non esse cum aliquo addito necessario necessitate metaphysica consequente ad esse, non opponitur contradictorie esse simpliciter, oppositione de formali: conc. oppositione de consequenti: nega. Non esse autem cum aliquo addito nullo modo contradictorie opponitur si illud additum non sit aliquid omnimoda necessitate consequens ad esse. Propterea esse & non esse album, esse & non esse hic, nullo modo opponuntur.

Ad vltimum concede totum præter vltimam minorem subsumptam. Tuum esse est non solum præcisum, sed realissime distinctum ab omni tempore, adeoque dari tuum esse non est formaliter dari vllum tempus neque determinate neque indeterminate: est tamen quod in aliquo tempore sis consequenter

ter propter metaphysicam necessitatem superius dictam. Esse igitur tuum quamvis distinctum realiter à quolibet & omni tempore, eo ipso tamen quod detur, datur in aliquo tēpore, adeoq; implicat dari te vel quidlibet aliud huiusmodi, quin eo ipso præter te, aut quidlibet aliud huiusmodi, aliud detur. Sermo autem est hic de ijs quæ durant itaut non sint sibi sua duratio.

## ARTICVLVS II.

*Possis ne esse & nusquam esse?*

**A**Rgumenta priori articulo proposita in fauorem nunquizantium eodem robore pugnant pro nusquizantibus. An eadem etiam facilitate soluantur, patebit ex dicendis. Interim.

Dicendum est: implicat te esse & nusquam esse.

Hæc conclusio nequit eodē argumēto probari, quo probata est antecēdēs nā propositio de secundo adiacente non significat locū, sicut significat tempus. Hoc tamen dat conclusioni præsentī conclusio antecēdēs, quod ostenderit non esse de ratione antecēdētis posse per diuinam omnipotentiam carere omni consequenti: & consequenter tollit ab Aduersarijs hoc antecēdēs: *omne quod antecedit potest carere quolibet quod se consequatur.*

Probat̃ur vlt̃erius Conclusio ab innata persuasione cuiuslibet intellectui quod eo ipso quod res sit, alicubi sit. Et hæc est argumentum Philosophi 4. Physic. textu 1. Vbi sic habet:

habet: quæ sunt: omnes existimant alicubi esse: quod vero non est nusquam esse: ubi enim est *Hircocervus* aut *sphinx*? In quo vides hæc duo apud Philosophum haberi pro æqualiter certis ac manifestis: quod non est nullibi est; & : quod est, alicubi est. Et sicut absurdus esset qui diceret alicubi esse, id quod non est; ita etiam ridiculus erit qui dicet nullibi esse id quod est.

Præterea probatur eadem Conclusio argumento simili illi quod factum est contra numquizes. Quidquid est, ita est ut sit intra divinam immensitatem: vel potius ut aliquammodo correspondeat divinæ immensitati: vel igitur correspondet immensitati totaliter, vel partialiter solum; hoc est secundum aliquam partem virtuales eiusdem immensitatis: si primum: est ubique, si secundum: est alicubi, ergo vel est ubique vel alicubi: neutro autem ex istis modis est nullibi, ergo nihil est quod sit nullibi. Insuper: implicat ita poni in natura aliquam creaturam ut non possit poni alia & alia creatura: rursus: implicat creaturam prædictam cum alijs creaturis non habere ullam proportionem propinquitatis & distantiae; ergo eo ipso quod ponitur illa creatura, est capax propinquitatis & distantiae cum alijs creaturis. Hoc autem inuoluit locum in tali creatura, seu potius ponit talem creaturam in loco, ergo implicat esse creaturam & non esse in loco. Explicatur hoc idem. Finge creari à Deo rem illam quam Aduersarius dicit nullibi poni. Hoc posito proba esse alicubi. Possibile est creari à Deo aliam & aliam creaturam: creet igitur. Creatura prius posita habet aliquam

proportionem vel proximitatis vel distantie: aliam proportionem cum vna, aliam cum altera: per aliam sui partem vnā propius, alteram minus prope respicit. Hoc autem est esse in loco; ergo creatura illa est in loco. Quis autem dixerit quod creata illa re, de qua disputatur, non possit Deus alia creare diuersimode se habentia ad illam rem, itaut aliud sit infra, aliud supra, aliud ad hoc, aliud ad illud aliud latus. Esse autem huiusmodi est formalissime esse in loco.

Ad ea quæ opponi possent & solent responsum est supra.

Obijcitur tamen insuper. Ipse mundus & est, & nullibi est, ergo non repugnat aliquid esse & nullibi esse. Antec. prob. quia locus est superficies corporis continentis; sed nulla superficies vllius corporis continet mundum; ergo mundus non est in vlllo loco.

Resp. neg. ant. Ad prob. dic nos non agere hic vtrum possit aliquid esse, & non esse in vlllo loco physico & materiali. Hoc enim est omnino possibile: sed quærimus vtrum aliquid possit esse & non esse in vlllo loco formali & metaphysico. Hic mundus non est in vlllo loco materiali physico, &c. est tamen in aliquo loco formali & metaphysico; habet enim relationem, aut habere potest, proximitatis & distantie cum illis punctis, quæ imaginariis immobiliter fixa intra spatia imaginaria, diffusa in infinitum vltra vniuersum.

Dicas: res illa quam Aduersarius ponit nullibi non haberet relationem neque proximitatis neque distantie cum vlla alia creatura: ergo non esset in loco. Probatur con-




consequentia: quia esse in loco est habere habitudines huiusmodi; ergo non habere, est non esse in loco. Probatur iam antecedens: illa creatura posset ita esse, ut nulla alia creatura esset: in tali hypothese non haberet relationem neque propinquitatis, neque distantie: ergo ita esset ut &c. Maior est evidens: quis enim neget posse aliquam creaturam esse unicam. Minor probatur ex dictis in Logica, quia relatio habetur formaliter per hoc & illud: & consequenter relatio propinquitatis & distantie huius ad hoc, per vicationem huius & huius. Quæ autem non sunt, nullibi sunt, & consequenter non faciunt relationem prædictam. Hoc argumentum si quid probat, probat mundum non esse in loco.

Resp. disting. ant. non haberet relationem prædictam realiter, & physicè: concedo, non haberet formaliter & imaginarie: nego. Ad probationem dic relationem prædictam ut sit secundum se totam petere illas alias vicationes, ex quibus constat: nihil autem aliud petere in re illa quæ est. Adeoque vis argumenti consistit in hoc quod res illa absque vlla sui mutatione intrinseca, sed ad puram positionem aliarum rerum haberet relationem prædictam: sed prædicta relatio habetur per loca intrinseca eorum quæ sic referuntur; ergo iam in illa re supponitur locus intrinsecus. Aduerte autem nos relationem huiusmodi in casu posito appellasse imaginariam: non quod locus illius rei sit aliquid pure imaginarium, nisi forte intelligas de loco extrinseco: sed quia alia requisita ad relationem huiusmodi, cum realiter non sint,

Solum imaginariæ sunt, & consequenter tota relatio non est realiter, & physicè, quamuis formaliter & denominatiuè.

Concluditur igitur hæc demonstratio sic. Res illa quæ est & quam Aduersarius dicit esse nullibi, sine vlla sui mutatione potest esse in loco, ergo illa res de facto est in loco. Probatur antecedens: quia posita illa re non repugnat circa illam rem creati alias res, cū quibus se habeat in ratione distantis vel propinquæ sine vlla sui mutatione; ergo illa res quæ dicitur nullibi esse, potest sine vlla sui mutatione esse in loco. Quia relationes huiusmodi secundum locum sunt. Probatur iam consequentia: quia relationes huiusmodi habentur per vocationes eorum quæ hoc modo se habent; ergo in illa re iam ponitur vbiatio; aliter non ita se haberet ad alia, sine vlla sui mutatione intrinseca. Hoc argumentum quicūque bene meditabitur inueniet esse conuincens. Verum quidem est Aduersarios magnam partem non peti hoc argumento, quia magna pars Aduersariorum nobis non contradicit, dum nihil aliud contendit, nisi rem non esse in loco physico extrinseco, quod possibile esse, ultro damus.





## DISPUTATIO VIII.

## De Infinito.

## QVAESTIO I.

*Quid sit & quomplex infinitum.*



**MA**XIME Physici est considerare si sit magnitudo sensibilis infinita: ait Philosophus 3. Physic. textu 34. Infinitum autem & impertransibile pro eodem habet ibidem. Porro

dupliciter dicitur impertransibile: vno modo quod impossibile est transire, eo quod non est aptum natura transiri: siue eo quod non est aptum vt in eo motus exerceatur: hoc modo punctum impertransibile est; & infinitum dici potest. Caret enim omni magnitudine, & consequenter caret omni fine magnitudinis. Huiusmodi infinitum dici potest infinitum negative: quod enim magnitudinem non habet, necesse est nec vltimum magnitudinis habere. Hæc omnia ex Philosopho, qui ait eodem modo punctum esse infinitum, sicut vox est inuisibilis.

Alio modo dicitur impertransibile, non quod careat magnitudine, adeoque ineptum sit vt in ipso motus exerceatur; sed quod ha-


beat transirum inconsummabilem. Hoc modo, si daretur spatium aliquod per palmos non tot quin plures extensum, impossibile esset spatium huiusmodi pertransire: non quod careret omni magnitudine, sed quod magnitudinem haberet sine carentem. Finge enim te spatium huiusmodi ingredi & per transeundo conficere mille & postea mille, & si vis milliones & milliones passuum: numquam verum erit, te totum hoc spatium transeundo consummasse. His positis ponit Philosophus definitionem qua veteres finiebant infinitum.

*Infinitum*, aiebant illi, *est id cuius nihil est extra*. Definitionem hanc Philosophus improbat, aitque non infinitum hac, sed totum, seu perfectum describi. Totum, enim recte dicitur à quo nulla pars abest, sine cuius nihil est extra. Ita homo perfectus secundum considerationem physicam, à quo nec brachium nec auris nec oculus abest: imperfectus futurus, si quodlibet ex his ab ipso recidas & extra ponas.

Huic autem definitioni suam opponit dicendo: *Infinitum est cuius aliquid semper est extra*. Quæ definitio ut explicabitur optima apparebit. Est autem sensus ex magnitudine infinita quantumlibet accipiat, aliquid semper ulterius accipiendum esse. Puta si sit linea infinita quantumlibet repetas acceptionem per palmos, & per quamlibet finitam multitudinem palmarum, ultra palmos acceptos alij semper & alij remanent accipiendi: iuxta illud: *infinitum per ablationem finiti numquam absumitur*.

Sciendum est autem dupliciter considerari posse

posse partes in qualibet quantitate. Videlicet ita ut communicent : & ita ut non communicent. Communicantes dicuntur quarum una habet aliquid de suo intra alteram. Non communicantes quarum una est adæquate extra alteram. In quantitate bipalmari palmi non communicantes sunt duo ; communicantes sunt non tot quin plures , ut patet in subiecta linea , in qua non communicantes sunt *AB* & *BC*. Reliqui autem *DE*, *FG* &c. cum iisdem communicant, ut patet .



Rursus aliæ dicuntur proportionales, alię certę seu determinatę magnitudinis : seu æquales uni certę. In quantitate palmari est assignabilis medietas & medietas : & in qualibet medietate alia medietas, sunt enim medietates medietatum in infinitum . Quod si in eadem quantitate partem aliquam determines huius vel illius determinatę magnitudinis : comparando deinde reliquum magnitudinis cum illa, dividendo illud in partes ipsi æquales , non abibis in infinitum. Puta si in in palmo designes magnitudinem digitalem, non inuenies nisi decies aut duodecies magnitudinem huiusmodi ; adeoque accipiendo duodecies magnitudinem digitalem, unam semper extra aliam & semper novam ultra acceptas, totum palinum absumes.

Secundum partes huiusmodi vna magnitudo dicitur alia maior, puta magnitudo trium palmorum, maior est magnitudine bipalmari. Secundum partes autem proportionales non metimur magnitudinem aut paruitatem, æqualitatem aut inæqualitatem magnitudinum. Vnde inepte argueres: hic Gigas non pluribus medietatibus constat, quam hic Pigmæus, ergo hic Gigas non est maior hoc Pigmeo. Recte autem: hic Gigas pluribus palmis constat quam hic Pigmeus, ergo est maior.

Hinc habes magnitudines illas, quæ in magnitudine infinita reperiri debent non tot quin plures, esse debere determinatæ alicuius & certæ mensuræ. Vnde aiunt infinitum in magnitudine constare partibus non tot quin pluribus vni certæ æqualibus: Debes autem præterea tenere quod dictum est; videlicet partes illas debere esse non communicantes, adeoque infinitum erit quod diuisibile est in partes non tot quin plures non communicantes, æquales vni certæ & determinatæ magnitudinis: puta linea illa erit infinita, quæ diuisibilis erit in palmos non tot quin plures non communicantes. Palmus enim est vna certa pars huius determinatæ magnitudinis.

Rursus huiusmodi designatio seu diuisio debet esse secundum illam rationem, secundum quam est infinitum. Puta si columna sit altitudinis infinitæ, designatio partium non tot quin plurium æqualium vni certæ, fieri debet secundum altitudinem. Si enim columnam prædictam secundum altitudinem diuidas in partes minores & minores in infinitum,

nitum, ad huc habebis partes illas equales  
vni certæ secundum diametrum: sed hæc æ-  
qualitas, vt vides, impertinenter se habet  
ad infinitatem altitudinis.

Infinitum secundum magnitudinem sen-  
sibilem definiuimus: quia hoc maxime est  
physicæ considerationis. Pótest autem hæc  
definitio proportionaliter adaptari infinito  
secundum perfectionem. Solemus enim per-  
fectionem etiam in quosdam gradus expli-  
cationis causa, diuidere; eodem modo phi-  
losophantes de partibus intensiōis, quo de  
partibus extensiōis. Infinitum tamen in  
omni genere perfectionis quale est, extra om-  
nem controuersiam, Deus, perfectionem  
non habet constantem gradibus huiusmodi  
nisi per æquivalentiam quamdam, & ex mo-  
do imperfecto, quo diuina intelligimus. Hu-  
iusmodi infinitum non est præsentis consi-  
derationis.

Infinitum igitur de quo hic agimus est  
secundum quantitatem. Quantitas autem  
alia est continua, alia discreta. Continua  
dicitur, cuius partes vniuntur aliquo ter-  
mino communi. Huiusmodi est linea pal-  
maris, bipalmaris &c. Quantitas discreta  
cuius partes non vniuntur termino commu-  
ni. Huiusmodi est quilibet numerus Homi-  
num, Angelorum, &c. Infinitum in quãtita-  
te continua esset linea constans palmis non  
tot quin pluribus; in quantitate discreta  
esset numerus Hominum vel Angelorũ con-  
stans vnitatibus non tot quin pluribus. Pal-  
mi vt faciant continuum debent simul vniri:  
homines faciunt numerum etiam diuisi.

Aduerte obiter numerum, eo ipso quod

habet unitates non tot quin plures, habere etiam ternarios & millenarios & quasilibet alias collectiones huiusmodi non tot quin plures. Pater hoc. Si per detractionem millenarij finities factam, absumis numerum; absumes etiam per detractionem unitatum item finites factam. Quilibet enim millenarius per detractionem unitatum millies factam totus absumitur, igitur centum millenarij absumuntur per detractionem unitatum centies millies factam. Idem dic de quolibet numero finito quorumlibet finitorum numerorum. Adde quod si infinitum absumeretur per repetitam finities detractionem quantilibet numeri finiti, infinitum per ablationem finiti absumeretur, quod est chimericū. Idem applica infinito secundum quantitatem continuam: quæ eo ipso quod palmos habet non tot quin plures, habet milliaria non tot quin plura, & sic de qualibet & quantalibet extensione finita.

Præcipua autem diuisio infiniti est in Categorematicum, & Syncategorematicum. Categorimaticum vocant de quo verificari potest esse positum totum actu. Linea habens actu palmos non tot quin plures est infinita categorematice. Mundus si esset ab æterno, iam durasset infinite categorematice: verificaretur enim positos esse actu dies non tot quin plures, vnum adæquate extra aliū, &c. Ex quo vides ad rationem infiniti non requiri vt constitutiuæ sibi coexillant. Quod si requireretur, stultum esset quærere an sit possibilis æterna duratio Mundi & infinitū in continuo successu.

Syncategorematicum appellant cuius  
quid.



quidquid est, finitum est, huic autem superadditur sepe plus & plus in infinitum. Propterea dicitur esse partim actu, & partim potentia. Exemplum huius est in illa aeternitate quam habent & Anima rationalis & Angeli. Huius durationis quidquid est & quidquid unquam verificabit quod sit, finitum est: huic autem semper aliquid, & ulterius aliquid, & aliquid addetur. Puta post mille annos verum erit: quantum duravit finitum est, & quidquid unquam erit ipsi additum etiam erit finitum: sed tamen alij mille &, mille & post quotlibet mille, alij mille anni huic durationi addentur, adeoque nunquam erit finis addendi finita; & consequenter dicuntur finita in infinitum.

## QVÆSTIO II.

### *De creatura omnium possibilium perfectissima.*

**D**ico omnium possibilium; quia non est dubium existere creaturam omnium quæ unquam creabuntur perfectissimam. Dubitatur autem an sit possibilis creatura qua repugnet creatura perfectior. In hac dubitatione tenenda est sententia negativa dicendo. Repugnat creatura omnium possibilium perfectissima. Probatur Conclusio ex conceptu diuinæ omnipotentiae, cuius est quantumcunq. sese communicaverit creaturæ, posse sese ulterius & ulterius communicare, & non inuenire in vlla re creata quod dicere possit: hucusque venies & ad nihil

perfectius extenderis. Ratio hæc aliter etiam explicatur. Est de conceptu diuinæ perfectionis esse semper magis & magis imitabilem in creaturis; ergo data qualibet creatura, & quæ quantumlibet diuinam perfectionem imitetur, erit possibilis alia quæ magis imitetur eandem.

Confirmatur quia quacunque creatura posita: inter ipsam & Deum dabitur semper infinita distantia, ergo inter ipsam & Deum erit aliquid semper vltterius possibile quod magis & magis accedat ad perfectionem diuinam. Probatur consequent: quia perfectio diuina secundum excessum supra quamlibet erit semper imitabilis per aliam & aliam. Imitabilis autem non per creaturam sibi similem: quod implicat, sed per excessum creaturæ supra creaturam, vt pateat nihil adeo perfectum creari à Deo, quo non possit creari perfectius. Hoc idem magis patebit ex sequentibus.

Dices: faciat Deus perfectissimam creaturam quam potest facere: Hoc posito erit omnium possibilium perfectissima; ergo talis creatura non repugnat. Probatur postulatum; quia Deus potest facere perfectissimum quod potest facere. Igitur postulare quod hoc faciat, nõ est postulare chimeram.

Resp. neg. suppositum. Implicat quod vlli obiecto conueniat esse perfectissimum quod Deus possit facere: finge nã postulare à te. Cogita numerum maximum quem potes cogitare. Ineptus es si mihi des hoc postulatum: Quidquid enim cogitaueris statim ostendam non esse maximum. Dicam enim huic numero posse addi vnitatem, &  
sic

sic in infinitum. Dicam esse duplicabilem & sic ostendam quencunq. cogitaueris, non esse maximum quem cogitare potueris. Quid si dicas Deo: fac maximum numerum quem facere potes.

Obijecitur primo. Inter omnes creaturas possibiles & Deum non est possibilis vlla alia creatura; inter omnes creaturas possibiles & Deum datur distantia infinita; ergo ratione distantiae infinitae inter quamlibet creaturam & Deum non probatur possibilitas alterius creaturae. Maior videtur clara ex terminis; si enim dicas inter omnes creaturas & Deum mediare aliquam creaturam, eo ipso non ponis pro extremo comparationis omnes creaturas: nam illa aliqua quam dicis mediare est aliqua, adeoque est inter omnes. Minor autem probatur: quia certum est omnia possibilia simul accepta si comparantur cum Deo esse minus quam guttulam aquae comparatam cum toto Oceano. Patet hoc quia guttula adeo multoties multiplicari potest vt aequet Oceanum: quantumlibet autem multiplices omnia possibilia, & totam perfectionem omnium possibilium, nunquam assequeris perfectionem diuinam. Ratio est euidentis quia tota illa perfectio semper erit creata & dependens; cum diuina perfectio sit essentialiter increata & independens.

Resp. negando maiorem. Dico autem inter omnem creaturam & Deum mediare semper aliam & aliam creaturam. Probat hae nostra responsio: quia vel *omnis* accipitur seu supponitur distributue vel collectue; v:olubet modo accipiat, semper inuenies crea-

creaturam mediam. Si enim accipitur colle-  
ctiue: accipitur chimera: nam nulla est col-  
lectio quæ sit omnium creaturarum possibi-  
bilitum: sicut nullus est numerus qui sit col-  
lectio omnium numerorum possibilitum. In-  
ter chimeram autem & Deum mediat omnis  
creatura nulla omnino excepta. Si autem ac-  
cipiatur distributiue, ut debet, eo ipso inter  
omnem mediat omnis: nam inter quamli-  
bet & Deum, mediat quælibet alia; immo  
inter quamlibet & Deum mediât nō tot quin  
plures, hoc est finitē in infinitum; & conse-  
quēter quomodolibet accipias li *omnem* ac-  
cipis terminum inter quem & Deum medi-  
ent creaturæ non tot quia plures, quod erat  
demonstrandum.

Obijcies secundo. Est possibilis aliqua  
creatura quæ æquiualeat immo emineat spe-  
ciebus infra se possibilibus non tot quin  
pluribus. Huiusmodi creatura esset perfe-  
ctissima; ergo est possibilis creatura perfectis-  
sima. Minor probatur: quia creatura huius-  
modi continet, & supercontinet perfectionē  
omnium specierum quas habet infra se, er-  
go supercontinet perfectionem specierum  
non tot quin plurium. ergo est infinite per-  
fecta, ergo omnium perfectissima.

Resp. concessa maiori; negando mino-  
rem, Ad probationem dic quod etiam si pro-  
baretur hoc argumento creaturam illam esse  
infinite perfectam: non tamen probaretur  
esse perfectissimam omnium possibilitum. Pa-  
ter hoc euidenter: quia etiam illa species  
creaturæ quæ est immediate post ipsam æ-  
quiualeat, & eminet speciebus non tot quin  
pluribus infra se possibilibus; adeoq. eodē  
argu-

argumento probatur esse perfectionis infinitæ implicat enim sub creatura prædicta contineri species non tot quin plures, & sub specie ipsi immediate proxima non contineri item species non tot quin plures: aliter species illæ per additionem vnius euaderent non tot quin plures. Rursus est evidens speciem quæ est immediate infra creaturâ prædictâ non esse omnium perfectissimam, quandoquidem in ipsa hypothesi aliam habet se perfectiorem. Est igitur evidens quod si hoc argumentum probet perfectionem prædictâ esse infinitam, non tamen probat esse maximâ quæ haberi possit. Adeoq. quoad rem præsentem potes ad probationem minoris omittere totum, præter ultimam consequentiam.

Quia tamen falsum est quod omittis: ideo non ad repellendam creaturam omnium perfectissimam, sed ad repellendam falsitatem nega creaturam perfectiorem alijs infra se possibilibus non tot quin pluribus, esse infinite perfectam. Quod est æque evidenter falsum ac falsum est quantitatem palmarem esse magnitudinis infinitæ. Quantitas palmaris æquivaleret & super æquivaleret magnitudinibus infra se possibilibus non tot quin pluribus: ergo est magnitudinis infinitæ. Probatur antecedens: quia non solû palmus sed dimidium palmi diuisibile est in partes proportionales minores & minores non tot quin plures; & tamen certum est dimidium palmi & palmû ipsum plusquam æquivalentem magnitudinibus huiusmodi minoribus & minoribus in infinitum, non esse magnitudinis infinitæ.

Ratio à priori est illa quam dedimus ini-

tio questionis; magnitudinem videlicet aut paruitatem non esse metiendam per multitudinem partium proportionalium: quæ ratio valet tam in ijs quæ comparantur secundum gradus perfectionis, quam in ijs quæ comparantur secundum partes extensionis: quemadmodum igitur infinitæ illæ magnitudines minores & minores infra palmum, non adæquant magnitudinem palmi, ita omnes illæ perfectiones infra perfectionem muscæ quamvis sint nō tot quin plures minores & minores non adæquāt perfectionē muscæ.

Dices si per possibile, vel impossibile ponerentur à parte rei species illæ possibles infra muscam, poneretur eo ipso perfectio infinita: musca est æqualis & plusquam æqualis toti illi perfectioni; ergo musca est perfectionis infinitæ.

Resp. hoc argumento recte probari quod æquivalētia perfectionibus huiusmodi non est æquivalentia perfectioni infinitæ: cum evidenter probet muscam fore perfectionis infinitæ. In forma ad argumentum nega maiorem. Et retorque. Si ponerentur omnes illæ magnitudines minores & minores infra palmum poneretur magnitudo infinita; palmus æquivalet & superaquivalet magnitudini huiusmodi; ergo palmus est magnitudo infinita. Vides quam evidenter sit falsa maior. Utrobique ponitur infinita multitudo ibi perfectionum, hic magnitudinum: sed facientium ibi vnam perfectionem exigua nedum finitam; hic, magnitudinem parvam, ut patet.

Obijcitur tertio. Est possibilis creatura omnium imperfectissima, ergo etiam omnium per-

perfectissima. Consequentia patet quia non est potior ratio pro vna quam pro alia. Cur enim Deus poterit adeo modice se communicare, vt non possit minus; non autem tam liberaliter & tam ample vt non possit plus.

Resp. primò Potest dari numerus omnium minimus, ergo etiam maximus. Probatur antecedens, quia infra binarium non est possibilis vllus numerus. Vnitas enim non est numerus sed principium numeri. Patet etiam falsitas consequentis quia quocumq. numero assignato potest illi aliquid superaddi, adeoq. supra quencumq. numeri assignabile est assignabilis alius numerus. Hinc patet veritas huius propositionis: *præter omnes numeros est possibilis alius numerus*, quæ non satis animaduertentibus apparet mirabilis. Ratio est quia si omnes non potest accipi nisi distributivè vt dictum est supra.

Resp. secundo negando antecedens. Quæmadmodum enim data qualibet parte in quantitate potes hanc vltèrius & vltèrius diuidere in partes minores & minores in infinitum, ita data qualibet participatione diuinæ perfectionis dari potest alia minor, & consequenter nec infra deuenitur ad minimum nec supra peruenitur ad maximum.

Obijcitur quarto. Est possibilis creatura ita perfecta in aliquo genere vt nequeat dari in illo perfectior, ergo est possibilis aliqua creatura ita perfecta simpliciter vt nequeat dari perfectior simpliciter. Probatur antecedens: vnio hypostatica v. g. est ita perfecta in genere vnionis vt non sit possibilis vnio perfectior. B. Virgo est ita perfecta in genere Matris vt nequeat dari maternitas perfectior; ergo, &c.

Resp.

Resp. concessio antecedenti: negando consequentiam. Non licet arguere à secundum quid ad simpliciter. Etiam in quantitate assignabis ultimum in aliquo genere, non tamen assignabis ultimum simpliciter. Puta assignabis ultimum palmum: ultimum digitum, & sic in quolibet genere partis determinatæ magnitudinis: non tamen assignabis ultimum simpliciter, quia quodcunque assignaueris erit in plura diuisibile. Dicitur Unio hypostatica perfectissima in genere unionis, ratione termini quem attingit & quem vnit, qui terminus est Deus ipse: adeoque impossibile est vllam unionem attingere terminum perfectiorem. Idem dic de maternitate B. Virginis quæ terminatur ad Deum, Cæterum ipsa B. Virgo potuit esse perfectior, & quamdiu vixit semper creuit in perfectione, adeoq. si vixisset diutius, adhuc creuisset ulterius.

## Q V A E S T I O    I I I .

*An sit possibile infinitum?*

### A R T I C V L V S    I .

*Non repugnat syncategorematicum, secus categorematicum.*

**C**onclusionis prima pars probata est articulo superiori, adeoq. hic solum confirmanda est. Confirmatur autem primo per aternitatem Angeli, & Animæ rationalis. In quocumq. enim determinato dic



die designetur duratio & Angeli, & Animæ rationalis semper hæc, & ille vixerint per dies finitos, seu potius per numerum dierum finitum: quorquor autem dies addideris diebus designatis, remanent semper addendi alij plures, & plures in infinitum: hoc est absq. eo quod vnquam sit finis addendi, quamuis id quod additur, sit semper finitum. Hoc qui meditatur; & intelligit infinitum syncategorematicum, & in alijs sit sapiens; dum eternitatem suam recogitat.

Confirmatur secundò, ex conceptu Diuinæ omnipotentix. Nam qualibet Angelorum multitudine posita, potest alios, & alios Angelos creare absque eo quod vnquam tot crearet, vt ulterius in creando progredi non possit. Hoc autem est esse possibile infinitum syncategorematicum, de quo videlicet quidquid vnquam verificatur, quod actu sit, finitum est: huic autem quod finitum est, semper aliud, & aliud in infinitum addi potest. Hoc idem facile intelliges in quantitate continua. Si enimingas lineam cuiuscumq. magnitudinis, numquam talem fines cui non possint addi palmi plures, & plures in infinitum.

Dices: quando illa linea peruenerit ad vltimam superficiem mundi, ibi necessario finietur; ergo falsum est, quod huic lineæ possint addi palmi plures, et plures in infinitum. Antecedens probatur: quia vltra vltimam superficiem, nõ est in quo describatur talis linea.

Resp. Mathematicum eque benè describere in nihilo, ac in tabula, suas lineas. Resp. secundo negando antecedens. Deus enim etiã  
vltra

Resp. concessio antecedenti: negando consequentiam. Non licet arguere à secundum quid ad simpliciter. Etiam in quantitate assignabis ultimum in aliquo genere, non tamen assignabis ultimum simpliciter. Puta assignabis ultimum palmum: ultimum digitum, & sic in quolibet genere partis determinatæ magnitudinis: non tamen assignabis ultimum simpliciter, quia quodcunque assignaueris erit in plura divisibile. Dicitur Unio hypostatica perfectissima in genere unionis, ratione termini quem attingit & quem unit, qui terminus est Deus ipse: adeoque impossibile est ullam unionem attingere terminum perfectiorem. Idem dic de maternitate B. Virginis quæ terminatur ad Deum, Cæterum ipsa B. Virgo potuit esse perfectior, & quamdiu vixit semper crevit in perfectione, adeoque si vixisset diutius, adhuc creuisset ulterius.

## QVAESTIO III.

*An sit possibile infinitum?*

### ARTICVLVS I.

*Non repugnat syncategorematicum,  
secus categorematicum.*

**C**onclusionis prima pars probata est articulo superiori, adeoque hic solum confirmanda est. Confirmatur autem primo per aternitatem Angeli, & Animæ rationalis. In quocumq. enim determinato die

die designetur duratio & Angeli, & Animæ rationalis semper hæc, & ille vixerint per dies finitos, seu potius per numerum dierum finitum: quotquot autem dies addideris diebus designari, remanent semper addendi alij plures, & plures in infinitum: hoc est absq. eo quod vnquam sit finis addendi, quamuis id quod additur, sit semper finitum. Hoc qui meditatur; & intelligit infinitum syncategorematicum, & in alijs sit sapiens; dum eternitatem suam recogitat.

Confirmatur secundò, ex conceptu Diuinæ omnipotentix. Nam qualibet Angelorum multitudine posita, potest alios, & alios Angelos creare absque eo quod vnquam tot crearet, vt vltèrius in creando progredi non possit. Hoc autem est esse possibile infinitum syncategorematicum, de quo videlicet quidquid vnquam verificatur, quod actu sit, finitum est: huic autem quod finitum est, semper aliud, & aliud in infinitum addi potest. Hoc idem facile intelliges in quantitate continua. Si enimingas lineam cuiuscumq. magnitudinis, numquam talem fines cui non possint addi palmi plures, & plures in infinitum.

Dices: quando illa linea peruenerit ad vltimam superficiem mundi, ibi necessario finietur; ergo falsum est, quod huic lineæ possint addi palmi plures, et plures in infinitum. Antecedens probatur: quia vltra vltimam superficiem, nõ est in quo describatur talis linea.

Resp. Mathematicum eque benè describere in nihilo, ac in tabula, suas lineas. Resp. secundo negando antecedens. Deus enim etiã  
vltra

ultra Mundum potest extendere lineam. Quod si nolis extendi; ipsa Mundi superficies ampliari potest magis, et magis in infinitum; et consequenter et linea ipsa.

Pro secunda parte conclusionis. Primum argumentum fit contra infinitum in quantitate discreta; proportionaliter valens contra infinitum in quantitate continua. Si daretur multitudo infinita, idem esset æquale, et non æquale eidem secundum idem; consequens repugnat; ergo et antecedens. Sequela maioris probatur. Sint duæ multitudines hominum infinitæ, altera hominum alborum, altera verò nigrorum. Duæ istæ multitudines per hypothese[m] sunt æquales. Hoc posito deme à multitudine nigrorum mille homines, alia multitudine prorsus intacta: roga iam, an duæ istæ multitudines sint inter se æquales; si affirmet Aduersarius; argue contra ex principijs per se notis: si ab æqualibus inæqualia demas, ea quæ remanent non sunt æqualia: sed in casu posito ab æqualibus inæqualia demis, videlicet ab vna multitudine mille; ab altera vel nihil, vel decem homines; ergo quæ remanent non sunt æqualia. Si autem neget Aduersarius esse æquales sic probabis contra. Quia etiam multitudo ex qua dempti sunt mille homines est infinita, ergo est æqualis alteri multitudini. Antecedens probatur: quia antequam demeres mille homines erat infinita; ergo adhuc demptis mille hominibus est infinita: implicat enim et multitudinem finitam per additionem cuiuslibet numeri finiti, euadere infinitam; et multitudinem infinitam per deductionem cuiuslibet numeri finiti euadere finitam.

Vt autem rectè intelligas consequentiam. Finge prædictos homines albos, et nigros ità disponi, vt vtraque multitudo infideat lineæ infinitæ; quælibet suæ. Hoc posito habebis duas lineas infinitas alteram opertam hominibus albis, alteram hominibus nigris: ità autem dispone vtramque lineam vt singuli albi singulis nigris respódeant. In hac vtrorumq; hominum dispositione ex hac parte, ex qua incipis vtrosque numerare, deme ab vna linea mille homines, et sint homines nigri. Hoc facto priusquam incipias numerare vllum hominem nigrum, numerabis mille homines albos: relinquatur enim spatium mille hominum non occupatum ab vilo ex hominibus nigris. Hoc facto trahere multitudinem nigrorum itaut occupet spatium relictum à mille hominibus quos abstulisti, et quære ab Aduersario, an versus illam partem, qua vtraque multitudo in infinitum protenditur, singulis albis singuli nigri respondeât? si affirmet, ergo multitudo nigrorum etiam post ablationem prædictam est æqualis multitudini alborum; si neget: ergo multitudo nigrorum ex infinita euasit finita per ablationem prædictam. Probat hęc vltima consequentia, quia vbi incipit excessus alborum supra nigros, ibi est terminus nigrorum; & consequenter multitudo illa per ablationem mille hominum ex infinita euasit finita.

Habes ex eodem discursu etiam multitudinem hominum alborum esse finitam. Probat: quia ex hypothese multitudo alborum superat multitudinem nigrorum mille hominibus diuinitat: implicat autem quod mul-

multitudo superans multitudinem finitam quocumq; numero finito dumtaxat, sit infinita; ergo illa ipsa multitudo hominum alborum non est infinita.

Hoc idem argumentum facile conuerteres contra infinitum in quantitate continua: ducantur duæ lineæ infinitæ insidentes superficie huius scholæ versus Orientem. Hoc posito ab altera ex lineis demantur mille palini, et deindè trahatur ad eandem superficiem. In hac hypothese ita philosophare comparando palmos vnius cum palmis alterius; sicut philosophatus es comparando homines nigros cum hominibus albis.

Familiaris aduersariorum responsio est æquale, inæquale, tot quot, minus, maius, etc. et alia huiusmodi usurpari non posse in infinito vtpotè designatiua passionum quantitatis finitæ. Huiusmodi responsionem habes apud Gabrielem Vasquez, et alios.

Sed contrà est id, quod habetur in varijs Concilijs, et Symbolo S. Athanasij, vbi de personis diuinis dicitur, quòd coæternæ sunt et coæquales, cum tamen certum sit eas esse perfectionis infinitæ. Quod si plura supposita perfectionis infinitæ vere, et in omni rigore dicuntur inter se æqualia; cur plures longitudines, aut multitudines infinitæ dici non poterunt inter se æquales. Certè si infinitudo in perfectione non officit æqualitati in perfectione; nec infinitudo in multitudine officiet æqualitati in multitudine.

Præterea iuxta Euclidem ea sunt æqualia, quæ sibi mutuo congruunt; sed non est contra rationem duorum infinitorum, ut sibi mutuo congruant; ergo non est contra ratio-

nem duorum infinitorum, ut sint inter se æqualia. Adde quod præscindendo à finito, & infinito recte intelliges multitudines illas esse æquales, quorum neutra excedit neutra exceditur: tales autem esse duas multitudes infinitas non repugnat; ergo non repugnat esse æquales. Quod si Aduersarij nolint vlllo modo nos loqui de quantitate infinita secundum rationes notissimas quantitatis: proculdubio non impugnabuntur.

Eodem argumento probatur totum non esse maius sua parte, continens non esse maius contento; & alia huiusmodi, quæ repugnant primis principijs. Infinitum illud, de quo supra, continet ut partem sui, illos mille homines, & cum illis mille, reliqua multitudo vnā multitudinem facit: & consequenter multitudo illa est pars totius multitudinis conflata ex ipsa, & mille illis hominibus; sed ipsa sola, ut ostensum est, est æqualis multitudini conflata ex ipsa, & illis, ergo pars est æqualis toti: contentū æquale continenti.

Explicatur hoc idem ex dictis. Constat enim multitudinem infinitam plures multitudes infinitas in se continere. Hinc sequitur quod si ex infinita multitudine, multitudinem infinitam abstuleris, adhuc remanet multitudo infinita. Res patet exemplo. In multitudine infinita Angelorum inveniuntur infiniti millenarij: si enim millenariorum numeri sunt finiti, infinitum per ablationem finiti absumitur. Deme igitur ex singulis millenarijs vnum Angelum: eo ipso demis multitudinem infinitam Angelorum: vnitas enim infinities multiplicata facit

facit multitudinem infinitam. Immo eo ipso quod ex singulis millenarijs demis vnū, non solum infinitas vnitates, sed infinitos millenarios demis. Patet hoc, quia eo ipso demis multitudinē infinitam, & consequenter & post ablationem, & ante ablationem est eodem modo infinita: nec maiorem multitudinem habes ante ablationē, quam post: quod est inintelligibile.

Responder Aduersarius in casu hic proposito fore vnum infinitum, alio maius quoad continentiam, non verò quoad correspondentiam. Effet maius quoad continentiam, quia vnā multitudo continet plura quam alia: putā antequam demas vel mille homines, vel infinitas illas vnitates, hæc omnia continebantur intra multitudinem A, dempta autem, non ampliùs in eadem continentur, vt patet: & consequenter multitudo illa ante ablationem maior est; quam post ablationem quoad continentiam; non est autem maior quoad correspondentiam: quia vtraque multitudo eidem mensuræ correspondet. Putā si singas Mundum esse ab æterno, & singulis diebus duos homines creatos, vnum album, & alterum nigrum: etiam ablatis mille nigris, vtraque hominum multitudo retroeunti toti æternitati æqualiter respondebit, nec vlli diei respondebit homo albus, cui non respondeat suus homo niger.

Sed contrā est primò: quia hoc ipsum ex terminis apparet incredibile, quod videlicet creatis singulis diebus vno albo, & vno nigro, ablatis deinde mille ex nigris, nullus dies non habeat tam suum nigrum, quam suum



suum album. Secundo probatur, duo hæc infinita non esse æqualia quoad correspondentiam. Sit multitudo infinita Zerbino-  
rum, qui singuli suum annulum habeant proprio nomine inscriptum. Hoc posito erit & infinita multitudo annulorum, & multitudo infinita binariorum annulorum, ut patet ex dictis. Hoc est erunt non solum infiniti annuli, sed infiniti binarij annulorum. Iuxta doctrinam Aduersariorum infinitum binariorum non erit minus infinito annulorum, quoad correspondentiam. Sit igitur mensura communis vtriusque infiniti ipsa multitudo Zerbino-  
rum. Sequitur autem binarios eidem omnino mensuræ respondere, cui respōdent singuli annuli. Incipiat igitur Ganimedes accipere duos annulos. Totidem accipiat Giges, & sic de cæteris, & vide an intelligere possis singulis Zerbiniis æque dari posse duos annulos, ac vnum. Si autem hoc est in intelligibile, & ex terminis euidenter falsum: est etiam euidenter falsum binarios annulorum æquales esse vnitatibus eorundem. Certè si singas primum ex Zerbiniis accipere suum, & alienum: numquam intelliges totam illam multitudinem, non multiplicatis vlteriùs annulis, annulandam.

Hæc & alia huiusmodi argumenta petuntur ex principijs per se notis. Sint mille homines singuli habentes suum annulum: proiciant omnes quisque suum, anulos in vnum aceruum: Petrus pro vno, quem proiecit resumat duos: idem faciat Paulus, idem Bartolomeus, & sic de cæteris; & post quingentos defecerit aceruus. Hoc idem facias in

maiori, & maiori multitudine, in multitudine, seu finita, seu infinita, nec vnquam intelliges singulos habentes, & proicientes vnum annulum, posse resumere duos.

Alia Aduersariorum responsio: dum arguis totum non fore maius sua parte, est negando suppositum: quod videlicet in infinito detur pars. Ratio negandi est: quia pars ab Euclide definitur, quæ sæpius replicata adæquat totum: sed nulla, inquiunt, magnitudo in infinito quantumlibet replicata adæquat infinitum; ergo nulla magnitudo in infinito est pars.

Verum ex hac ipsa partis definitione deberet Aduersarius cognoscere impossibilitatem infiniti. Est enim euidenter lineam infinitam constare palmis non tot quin pluribus; & palmos non tot quin plures esse constitutiuos lineæ infinitæ: esse autem constitutiuum lineæ, & esse partem sunt vnum, & idem: rursus illi iidem palmi non sunt partes, quia quantumlibet replicentur non adæquant totum; ergo sunt partes, & non partes, & consequenter ex hac ipsa definitione Euclidis appareret per infinitum verificari contradictoria. Quilibet palmus in prædicta longitudine est pars; constituit enim & integrat illam longitudinem, qui est conceptus per se notus partis: rursus quantumlibet replicetur non adæquat totum; ergo non est pars: quia pars est quæ &c. ergo ille palmus in longitudine infinita est pars, & non est pars; & consequenter repugnat palmum esse in vlla longitudine infinita, adeoque omnis longitudo infinita repugnat.

Obiter nota partem ex Euclide aliam es-

se aliquotam aliam, aliquantam. Aliquota est, quæ sæpius repetita totum suum commensurat. Huiusmodi est vnitas in quolibet numero. Huiusmodi est binarius in quaternario, senario, alijque huiusmodi. Nam & vnitas sæpius repetita quemlibet numerum, putà septies septenarium; & binarius repetitus quaternariū, ter positus senariū, & sic de cæteris commensurat. Pars aliquanta est, quæ sæpius repetita non commensurat, sed vel à toto deficit, vel totum excedit. Huiusmodi est ternarius in denario. Nam ter acceptus deficit, quater acceptus, excedit. Partem aliquantam non esse propriè loquendo partem, sed partes docet idem Euclides, sed quidquid sit; hoc tenendum est, illam videlicet ita multiplicari posse, vt totum excedat.

Secundum argumentum sic proponitur. Infinitum vtrinque terminatum repugnat: sed si daretur infinitum secundum quantitatem, esset vtrinque terminatum; ergo infinitum secundum quantitatem repugnat. Vtraque præmissa probanda est. Quamuis enim maior videatur ex terminis nota, nota, negatur tamen à quibusdam. Philosophus 1. de Cælo textu 39. ait: linea cuius finis est, impossibile est esse infinitam. Quod etiam apparet ex definitione superius explicata. Adde quod terminari, & finiri: sunt vnum & idem: infinitum igitur vtrinque terminatum, & vtrinque finitum, erunt vnū & idem; videtur autem in terminis repugnare infinitum finitum.

In gratiam tamen gratis omnia negantiū, probanda est vltteriùs maior. Si daretur infi-

nitum vtrunque terminatum linea finita per additionem magnitudinis finitæ euaderet infinita, consequens est absurdum; ergo & antecedens. Sequela maioris probatur sic. Ducatur à puncto *A* vsque ad punctum *B* linea infinita. Postulatum nequit negari, cum sit ipsamet Aduersariorum hypothesis. In hac linea dantur aliqui palmi, qui infinite distant à primo, & aliqui qui solum finite. Hoc etiam videtur euidentius. Si enim nullus palmus infinite distet à primo, implicat lineam esse longitudinis infinitæ. Quod autem aliqui distent solum finite patet, quia sextus, & septimus, millesimus, & millionesimus finite solum distant à primo. His positis pete assignari palmos finite distantes à primo, ijsq. assignatis adde alterum palmum, & roga an linea euaserit infinita. Si negent, ergo etiam palmus additus solum finite distabat à primo, & consequenter non fuerunt assignati palmi omnes distincti à palmis infinite distantibus, si autem concedant habes intentum, quod videlicet longitudo finita per additionem vnius palmi euaserit infinita.

Effugium Aduersariorum est: non esse assignabiles omnes palmos finite solum distantes à primo: adeoq; nec vltimum inter omnes distantes finite solum à primo. Sed contrà est, quia de facto in illa linea dantur palmi finite, & palmi infinite distantes à primo. Cur igitur nequeunt assignari? Secundò. Potest vltimum assignare Aduersarius inter infinite distantes; ergo multò magis inter finite distantes. Consequentia est à fortiori: quia infinito repugnat vltimum

ex conceptu communi ; secus finito. Quod si Aduersarius probet non posse vltimum assignari nè sequatur id, quod intendimus, non soluit nostrum argumentū, sed destruit suum positum,

Præterea si inter palmos solum finite distantes à primo non est assignabilis vltimus; sequitur palmos finite distantes à primo esse infinitos, & transitum habere inconsummabilem: consequens repugnat in terminis; ergo & antecedens. Sequela maioris probatur: quia in palmis solum finite distantibus à primo habes partes non tot quin plures nō communicantes æquales vni certæ, & consequenter habes magnitudinem infinitam actu in extensione, in qua nullus palmus infinite distat à primo.


Probanda est iam minor primi syllogismi ; quod nimirum si daretur infinitum in quantitate esset vtrunque terminatum. Probatur autem sic. Detur linea à puncto *A* in infinitum producta. Pete ab Aduersario, an aliquis palmus in tali linea distet infinite à puncto *A*, an nullus? Si nullus, ergo non est infinita; est enim ex terminis euidens lineā illam non esse infinitam, cuius nulla pars à primo puncto distet infinite. Si autem aliquis: eo ipso linea illa palmo assignato, & puncto *A* tota comprehenditur: seu: palmo illo & puncto *A* longitudo infinita comprehenditur, adeoq. vtrunque terminatur. Dicere autem nullum palmum assignari posse in linea prædicta infinite distātem à primo, seu à puncto *A* est irrationabile cum linea illa ponatur infinita.

Eadē min.

A

B

prob. sic: à  
pūcto *A* du-  
cantur duæ  
lineæ infi-  
nitæ altera  
versus *B*, al-  
tera versus  
*C* facientes  
simul angu-  
lum rectū.  
Inter utrāq; *C*  
lineam du-



cantur lineæ transversales hac lege ut prima  
linea sit vnus palmi: Secunda duorum pal-  
morum: tertia trium, & sic in infinitum, ita-  
ut linea posterior totidem palmis constet,  
quot sunt lineæ anteriores. Hoc posito sic  
argue. Inter lineas *AB*, & *AC* sunt ducibi-  
les lineæ transversales in infinitum. Suppo-  
nimus enim utrāq; in infinitū produci; ergo  
aliqua ex huiusmodi lineis est infinita: Que-  
libet ex his lineis est vtrinque terminata, ergo  
aliqua linea infinita est vtrinque terminata.

Probatur hoc, & explicatur vltimis. Ali-  
qua ex lineis constat tot palmis quot sunt  
lineæ transversales; lineæ transversales sunt  
infinitæ, ergo aliqua constat palmis infini-  
tis: linea constans palmis infinitis est infi-  
nita; ergo aliqua ex prædictis lineis est in-  
finita. Rursus omnes prædictæ lineæ clau-  
duntur lineis *AB*, & *AC*; aliqua ex prædi-  
ctis lineis est infinita; ergo aliqua linea in-  
finita vtrinque terminatur, quod erat pro-  
bandum.

His autem argumentis quibus probata  
est

est maior primi syllogismi recte probabis nullam figuram posse esse infinitam. Nam secundum Euclidem: figura est quæ sub aliquo, vel aliquibus terminis comprehenditur: adeoq. est vndiq. terminata; sed vndiq. terminatum nequit esse infinitum; ergo figura nequit esse infinita.

Hoc idem argumentum eadem vi petit quantitatem discretam. Detur enim multitudo infinita Angelorum. In hac multitudine non omnis numerus distans à primo erit infinitus. Millenarius enim nō est infinitus nec infinite distans à primo. Rursus in hac eadem multitudine, aliquis numerus infinite distat à primo. Implicat enim multitudinem esse infinitam, in qua nullus numerus excedat infinite unitatem, aut binarium. Quemadmodum autem in quantitate continua rogasti assignari tibi palmos finite, & palmos infinite distantes à primo; ita etiam roga hic, assignari tibi, & numeros finite, & numeros infinite distantes à primo. Cuilibet numero, qui assignetur, ut ultimus inter finite distantes, adde unitatem, & vide an facias infinitum, & argumentum instaure.

Præterea si daretur numerus infinitus Angelorum, in tali numero vel continerentur omnes species numerorum finitorum, vel non, si non; ergo aliqua species numeri finiti non est intra numerum infinitum, quod repugnat ex terminis. Est enim inexcogitabilis numerus finitus, qui non contineatur, & excedatur ab infinito. Si contineantur; sequitur aliquam speciem numeri finiti esse infinitam. Probatur hæc sequela: quia vel numerus omnium numerorum finitorum

est finitus, vel infinitus: si finitus; dic huic numero superaddi unitatem, & pete, an euaserit infinitus? Si affirment, ergo finitum per additionem finiti euasit infinitum; immò numerus finitus per additionem vnus unitatis euasit infinitus. Si negent: ergo non assignarunt numerum omnium numerorum finitorum, quâdoquidem huic potest superaddi alius, & alius finitus.

Si autem dicant numerum omnium numerorum finitorum esse infinitum sequitur aliquam speciem numeri finiti esse infinitâ. Certum est enim in aliquo ex prædictis numeris nō pauciores unitates inueniri, quam sint numeri intra eundem numerum contenti. Hoc vt intelligas accipe numerum aliquem numerorum finitorum, seu numerum aliquem continentem plures numeros finitos. Sit v. g. quinarium. In quinario continetur binarius, ternarius, quaternarius, & si vis ipse quinarium: ecce habes in quinario quatuor numeros, seu quatuor species numerorum. Numera iam unitates, quibus constat ipse quinarium, & inuenies esse quinque. Verum est igitur in quolibet numero numerorum, reperiri aliquem constantem unitatibus non paucioribus, quam sint numeri contenti intra numerum prædictum. Idem enim quod apparet in quinario est euidentius in omnibus; ergo si numerus omnium numerorum finitorum est infinitus, in ipso numero numerorum finitorum reperietur aliquis numerus infinitus, adeoq. aliqua species numeri finiti erit infinita.

Aduersariorum in hac materia responsiones sunt infinitæ, & inter se discordes. Ali-

qui



qui dicunt probationes nostras niti suppositis mathematicis, quæ non faciunt, nisi ad quantitatem finitam. Alij dicunt non esse ordinate loquendum de infinito, quod impossibile est esse ordinatum. Alij in hoc potissimum vim faciunt, quod putent eadem omninò argumenta eadem vi militare contra infinitum syncategorematicum: quod tamen admissum est supra.

## ARTICVLVS II.

*Satisfi nennullis obiectionibus.*

**O**bjicitur primò. Quæcumq; militant contra categorematicum militant etiam contra syncategorematicum; ergo vel neutrum tenendum est, vel vtrumq; Antecedens probatur. Sint duæ multitudines infinitæ syncategorematicæ, altera hominum nigrorum, & altera hominum alborum. Ab vna multitudine demantur mille: ab altera vel duo, vel nemo. Hoc posito istæ duæ multitudines crunt æquales, & non æquales; ergo &c. Probatur hoc ratiocinatione superioris allata contra infinitum categorematicum.

Item: in infinito Syncategorematico hominum sunt plures oculi quam homines, & simul non sunt plures. Sunt plures quia singuli homines habent binarium oculorum; & consequenter multitudo oculorum est dupla multitudinis hominum: non sunt plures quia tam homines sunt infiniti, quam infiniti oculi. Ostensum est autem esse eo ipso æquales: quia si oculi excederent homines,

vbi est excessus oculorum supra homines, ibi terminaretur hominum multitudo. Ex his patet ad alia argumenta: quod totum non esset maius sua parte; & sic de cæteris.

Resp. neg. ant. Ad probationem tenendum est id quod sæpius hætenus dictum est; videlicet quidquid datur de Syncategorematico finitum esse, quamuis huic aliud & aliud addi possit in infinitum. Petere autem poni à parte rei vel sumi per modum vnius collectionis id omne quod importatur per infinitum Syncategorematicum; est petere non infinitum Syncategorematicum, sed categorematicum. Nequit igitur vnum infinitum comparari cum alio infinito nisi secundum determinatas hinc & inde multitudines; quæ cum semper finitæ sint, facile est inter eas decidere vtra sit maior, Puta: creet Deus per singulos dies æternitatis futuræ duos homines vnum album & alterum nigrum. vt compares nigros, cum albis: debes accipere vtrosque secundum collectiones determinatas. Quemadmodum enim nequeunt venire per modum vnius collectionis omnes dies æternitatis prædictæ, ita nec omnes homines albi aut nigri: quascunque autem collectiones conferas habebis vnde alteram alteri vel æques, vel præponas: puta post mille annos erunt mille albi & mille nigri: si à nigris auferas centum; ab albis decem; plures erunt albi quàm nigri: quia si ab æqualibus inæqualia, &c. Idē dic de quibuslibet collectionibus acceptibilibus intra vtrumque infinitum.

Quod si urgeat Aduersarius vt & omnes albos & omnes nigros cōpares ad inuicē: vtrosque collectivè acceptos; negandū est suppositum  
quia

quia non est assignabilis vlla collectio quæ sit omnium futurorum in hypothese facta; sicut nulla est assignabilis collectio quæ sit omnium dierum æternitatis. Sed quemadmodum qualibet collectione assignata dierum manent aliæ & aliæ, ita qualibet collectione assignata hominum, siue alborum, siue nigrorum manent aliæ & aliæ in infinitum. Explicatum est hoc supra per numeros. Si quis enim roget vt assignes omnes numeros possibiles eosque in vnum colligas; recte negabis suppositum: quia quocunque numero assignato potes assignare maiorem. Hinc patet ad argumentum. Admitte & infinitum Syncategorematicum hominum nigrorum, & infinitum Syncategorematicum hominum alborum. Si comparentur ista duo per collectiones determinatas: & collectiones vtriusque ponantur æquales. Illa manebit minor à qua plura dementur. Si petat Aduersarius comparari inuicem duo hæc infinita secundum omne quod dicunt de potentialitate: li *omne* vel potest accipi distributue vel collectiue. Si accipiatur distributue; eo ipso accipitur secundum collectiones finitas, & habes quod dicas. Si collectiue: nega suppositum. Si enim esset collectiue acceptibilis & per modum vnius multitudo possibilium, hæc non esset infinita Syncategorematice sed categorematice.

Dices: duæ multitudines Syncategorematice infinitæ secundum id quod post quamlibet acceptionem finitam manet in potentia, vel sunt æquales vel non sunt æquales: neutrum dici potest; ergo nulla responsio. Maior est euidens: quia est disiunctiua inter

contradictoria. Minor probatur: quia si dicas esse æquales habes contra te argumenta iam facta. Si dicas non esse æquales: habes alia iam iterum repetita.

Resp. primò. Transmissa maiori: negando minorem, & dico prædictas multitudines non esse æquales. Ratio est quia hæc propositio: *multitudo Syncategorematicæ infinita secundum id omne quod dicit de potentia non est æqualis huic vel illi*; est propositio negatiua, adeoque etiam de subiecto non supponente potest concedi, cum propositio negatiua ad sui veritatem non exigat constantiam subiecti. Quod si inferas: *ergo est inæqualis alteri multitudini*: negatur consequentia: quia inæquale non dicitur nisi de eo quod est aut esse potest. Hæc propositio: *Petrus est inæqualis Antichristo* petit dari Petrum comparabilem cum Antichristo. Hæc alia propositio: *Chimera non est æqualis Antichristo* non petit dari Chimeram.

Resp. secundò. Neg. suppositum maioris; quod videlicet sit acceptibilis vlla multitudo Syncategorematicæ infinita secundum omnia quæ dicit in potentia; & quod in huiusmodi multitudine fieri possit vlla acceptio, postquam non sit alia, & alia factibilis. Igitur post quamlibet acceptionem finitam fieri potest alia & alia acceptio item finita. Quod si urgeas post omnem non remanere vllam; respondeo post omnem distributiue acceptam, remanere aliam & aliam: post omnem collectiue acceptam, negando suppositum.

Obijecitur secundò. Inter omnes collectiones finitas possibilium nulla est quæ non sit possi-

possibilis; ergo omnes collectiones finitæ sunt simul possibiles; ergo est possibile infinitum categorematicum. Probatur prima consequentia: quia possibilitas vnius collectionis non pugnat cum possibilitate vllius alterius, ergo si omnes sunt seorsim possibiles, omnes sunt simul possibiles; sed si nulla est quæ non sit possibilis omnes sunt seorsim possibiles, ergo si nulla est quæ non sit possibilis; omnes sunt simul possibiles.

Confirmatur: quia quotiescunque plura sunt singillatim possibilia & vnum alteri non opponitur, toties illa sunt possibilia simul; sed huiusmodi sunt vel homines, vel Angeli possibiles; ergo sunt possibiles simul & omnes Angeli & omnes homines. Explicatur maior. Sessio & negatio sessionis sunt seorsim possibiles. *Est & non est* circa idem sunt seorsim possibilia: quia tamen & sessio negationi sessionis, & *est* opponitur *li non est* non possunt poni simul. Non sic de Petro & Paulo: nam & Petrus est possibilis, & Paulus est possibilis; nec iuter Petrum & Paulum datur vlla oppositio; erunt igitur non solum seorsim, sed etiam simultaneè possibiles. Probatur iam minor: quia nullus ex Angelis possibilibus dicit vllam repugnantiam cum vlllo alio, nec vllus ex hominibus: & sic de cæteris. Poterunt igitur non solum seorsim & distributive, sed simul & collectiue poni omnes Angeli & omnes collectiones finitæ hominum & Angelorum possibilium. Quod autem hæc sint infinitæ paret ex dictis; cum post quamlibet acceptionem finitam sint aliæ & aliæ non tot quin plures.

Resp. Latuam huius argumenti facile de-  
trahi

collectio cum vlla alia collectione pugnet; sed ex eo quod hic terminus: *omne possibile* & alij similes, puta; *omnes homines possibiles*. *Omnes Angeli possibiles*. Si li *omnes* supponat collectivè; sint de subiecto non supponente, quæcunque tandem propositio fiat in qua pro subiecto ponantur, vt patet ex dictis. Répugnantia igitur est in ipsamet collectione omnium.

Dices: à distributio ad collectivum bona est consequentia; ergo si singula distributive sintabilia: suntabilia omnia collectivæ. Maior probatur. Est bona hæc consequentia: Petrus est Sanctus, & Paulus est Sanctus, Andreas est Sanctus, & sic de cæteris: ergo omnes Apostoli sunt Sancti. Est bona inquam consequentia etiamsi li *omnes* supponat collectivæ. Nonnisi quia à distributio valet ad collectivum; ergo, &c. Valet igitur eodem modo: & Angelus B est possibilis, & Angelus A est possibilis & sic de cæteris; ergo omnes Angeli sunt possibiles, etiamsi li *omnes* accipiatur collectivæ.

Resp. primò. Rogando an valeat hoc argumentum. Et Petrus est vnus homo, & Paulus est vnus homo & Andreas est vnus homo; & sic de cæteris, ergo omnes Apostoli sunt vnus homo, etiamsi li *omnes* supponat collectivæ. Item an valeat hoc aliud: & hæc particula huius montis est quid modicum, & hæc alia particula est quid modicum, & sic de cæteris, ergo *omnes* istæ particule sunt quid modicum, etiamsi li *omnes* sonet collectivæ. Quæ si valent habes & omnes Apostolos collectivæ acceptos esse vnum hominem, & montem Olimpum immo totum Vniuersum

sum esse quid modicum, itaut non sit amplius mirum, posse illud Pancratij viribus dimoueri.

Resp. secundò. Negando maiorem. Ad probationem dic prædictas illationes esse bonas ratione materiæ, non autem ratione formæ vt patet ex alijs, quæ cum eadem forma in alia materia ponunt falsum. Aduerte tamen discrimen inter hanc illationem, & Petrus est vnus homo, & Paulus est vnus homo, & sic de cæteris, ergo omnes Apostoli etiam collectiue accepti sunt vnus homo: & hanc aliam: & Angelus *A* est possibilis, & Angelus *B* est possibilis, & sic de cæteris, ergo omnes Angeli etiam collectiue accepti sunt possibiles. In prima falsitas consequentis non habetur ex hoc quod omnes Apostoli nequeant in vnâ collectionem vniri: sed ex hoc quod ipsa collectio quamuis possibilis & realis nequeat sustinere prædicatum quod conuenit singulis in ipsa contentis. Collectio enim plurium entium per se non est ens per se, vt patet; sed aggregatum per accidens. In secunda autem falsitas habetur ex hoc quod collectio omnium possibilium sit Chimerica vt patet ex dictis. Ratio cur in aliquibus rectè inferas à distributiuo ad collectiuum ratione materiæ, in alijs non: est quia in aliquibus fieri potest enumeratio adæquata, in alijs non: in Apostolis fieri potest; quia post duodecim non habes alios quos enumeres: Secus in possibilibus in quibus post quamlibet enumerationem, sunt alia & alia enumeranda. Immo in ijs ipsis in quibus fit enumeratio adæquata, nō valet pro omni prædicato, vt visum est supra, quod

quod signum est consequentiam à distribu-  
tione ad collectivum nunquam esse forma-  
lem.

Obijecitur secundo. Non datur infinitum  
categorematicum, ergo datur infinitum cate-  
gorematicum. Probatur hæc mirabilis con-  
sequentia: quia si non dantur infiniti Ange-  
li, dantur infinitæ negationes Angelorum;  
ergo si non datur infinitum rerum, datur in-  
finitum negationum. Probatur antec. quia  
quot possent existere Angeli & non existunt,  
tot dantur negationes Angelorum; sed pos-  
sent existere Angeli non tot quin plures, &  
non existunt; ergo dantur non tot quin plu-  
res negationes Angelorum. Vbi nota quod  
Angeli qui possent esse, & non sunt, sunt  
possibiles: negationes autem non sunt possi-  
biles sed existentes. Maior probatur: quia  
singuli Angeli singulis negationibus exclu-  
duntur, ergo, &c. Antecedens probatur: quia  
quilibet ex Angelis qui possunt existere &  
non existunt, potest coexistere negationi cu-  
iuslibet alterius; ergo nullus Angelus exclu-  
ditur per negationem ullius alterius. Patet  
consequentia: est enim impossibile quidli-  
bet coexistere exclusivo sui.

Hoc argumentum nullam vim habet con-  
tra nos qui de negationibus sentimus, ut  
oportet. Nam neque dantur res neque ne-  
gationes rerum, quamvis ex duabus propo-  
sitionibus contradictorijs necessario alteru-  
tra vera sit, alterutra falsa. Diximus autem,  
vbi de negationibus, necessario dari rem vel  
negationem rei, in ratione veri, non autem  
in ratione rei. Quod nihil aliud est nisi ne-  
cessario rem esse vel non esse. Ad argumen-



rum igitur in forma: concede antecedens  
nega consequentiam. Ad probationem; nega  
antecedens, & patet ad reliqua.

Qui admittunt negationes obiectiuas  
sunt in triplici classe, & inter se discordes  
Alij negationes obiectiuas ponunt in aliquo  
extra Deum. Alij in decretis Dei. Primi di-  
cunt negationes esse non tot quin plures &  
infinitas Syncategorematicæ, nec aliter ac-  
ceptibiles quam per collectiones finitas, si-  
cut & de illorum terminis dicitur. Secundi  
inter se dissentiunt; alij tot decreta ponunt  
quot sunt termini negati; & de ijs decretis  
ita philosophantur sicut alij de alijs nega-  
tionibus obiectiuis; ea videlicet esse accep-  
tabilia secundum collectiones finitas in in-  
finitum, sicut & sunt acceptibiles termini  
eorundem. Alij vnico decreto ea omnia ex-  
cludunt quæ non sunt cum esse possent. Ad  
argumentum in oppositum facilis est respô-  
sio, videlicet decretum *A* esse exclusiuum eo-  
rum quæ non sunt; non futurum idem decre-  
tum, si ex ijs quæ non sunt aliqua sint: adeoq.  
si ponas existere Angelum *A* non autem An-  
gelum *B* ponis eo ipso decretum quo exclu-  
datur Angelus *B* non autem Angelus *A*.  
Immo facile est intelligere vnicum decretum  
quo & ponantur, quæcunq; umquam sunt, &  
excludantur quæcunq; non sunt, cum esse  
possint. Et consequenter nulla res coexistet  
negationi sui; cum per ipsam hypothese[m]  
per quam res ponitur, excludatur quodlibet  
decretum exclusiuum ipsius. Adde decreta  
huiusmodi esse volitiua & nolitiua harum  
& illarum rerum pro his & illis differentiis  
temporis. Puta est in Deo decretum exclu-  
siuum

suum Antichristi nō simpliciter & absolute sed pro hac differentia temporis; & illud idem est volituum Antichristi simpliciter & absolute non tamen pro hac; sed pro alia differentia temporis. Hæc dicta sint ad intelligentiam decretorum, quæ quamvis putemus male adduci pro negationibus & priuationibus: certum est tamen dari in Deo, cū nihil sit in natura nisi ipso volente, nihil nō sit ex ijs quæ esse possunt, nisi ipso vel nolente, vel non volente.

Responsiones dissentientiū à nobis argumento proposito non satisfaciunt. Nam termini negati intantum non faciunt vnā collectionem, adeoq. vnum infinitū, inquantum implicat eos simul poni: seu inquantum quacumq. terminorum collectione intellecta potest & intelligi & poni alia & alia in infinitum; sed horum terminorum existunt de facto negationes: tot enim reipsa negationes sunt in natura, quot desunt termini qui esse possent & non sunt: quemadmodū igitur si per impossibile ponerentur omnes illi termini, reipsa daretur infinitum: ita cū de facto ponantur & sint in natura distinctæ inter se negationes omnium terminorum, vere ponitur in natura infinitum categorematicum negationum. Hoc valet non contra omnes sed contra aliquos. Qui enim vno actu voluntatis diuinæ omnia excludunt. Hac ratiocinatione non feriuntur.

Obijcitur tertio. Deus potest facere quidquid potest facere. Faciat ergo. Possibili enim in actu posito nullū sequitur absurdum. Sed si hoc faciat faciet infinitum, ergo Deus potest facere infinitū. Probat minor sub-

sump-

sumpta. Quia nullum finitum est quidquid potest Deus facere; ergo quidquid Deus potest facere, est quid infinitum, ergo si faciat quidquid potest facere, faciet infinitum. Rursus: non repugnat Deum facere quidquid potest facere: nullum finitum est quidquid Deus potest facere; ergo non repugnat Deum facere quid, quod non sit finitum. Hoc autem est infinitum; ergo idem quod prius.

Ad hoc argumentum inuenies qui sic respondeant. Deus potest facere quidquid potest facere, eo modo quo potest facere: concedo; alio modo quam potest facere: nego. Ad postulatam: faciat ergo idem dicunt: faciat modo quo potest: do; modo quo non potest: nego postulatam. Modum autem sic explicant. Deus potest facere quidquid potest facere non collectivè, sed distributivè. Exemplificant in diebus æternitatis. Omnes, inquit, dies æternitatis potest Deus facere: implicat tamen quod faciat omnes illos simul. Ratio est quia sunt essentialiter successivi, adeoque esse omnes dies & esse simul dicit pugnantia.

Hæc explicatio non facit ad rem. Primò quia etiam quæ successiva sunt faciunt vnam collectionem. Duodecim enim dies sunt vna & vera collectio dierum, & tamen tam implicat esse simul duodecim dies quam esse simul omnes dies æternitatis futuræ. Præterea petere potest Aduersarius vt Deus faciat quidquid facere potest non in genere successiuorum, sed in genere permanentium. Puta. faciat Deus quidquid facere potest in genere Angelorum vel in genere muscarum

rum. Hoc non erit finitum; ergo infinitum. Hic nequit dici repugnantiam esse ut Angelus coexistat Angelo, adeoque non<sup>3</sup> posse fieri simul. Vides igitur explicationem horum terminorum: collectivæ & distributivæ non recte fieri quando per li distributivæ idem intelligas quod per li successivæ.

Resp. igitur distinguendo: Deus potest facere quidquid potest facere, si li *quidquid* supponat collectivæ: nega suppositum, si distributivæ: concede, & tunc sensus est ex ijs omnibus quæ possunt fieri à Deo, nihil esse quod non possit fieri à Deo: quamvis nec ullus numerus nec vlla collectio siue rerum successivarum, siue rerum permanentium, sit totus numerus & tota collectio quam Deus possit facere. Quandoquidem facta qualibet collectione quarumlibet rerum potest Deus aliam & aliam facere. Hæc responsio tam est pro permanentibus quam pro successivis ut constat. Ad postulatum: faciat, da quod petit Aduersarius, Ad argumentum dic quod quidquid Deus potest facere nec est finitum nec infinitum sed finitum in infinitum, hoc est infinitum Syncategorematicè. Adeoque quodlibet fecerit nūquam fecerit quidquid potest facere, sed semper aliud, & aliud remanebit factibile. Hoc clarissimè intelliges si repetas ea, quæ dicta sunt, & explicata per numeros. Si enim dicatur tibi: cogitare potes omnem numerum, quem cogitare potes. Cogita ergo. Vel hic numerus est finitus, vel infinitus. Si infinitus habetur intentum. Si finitus eo ipso non est omnis numerus, quem cogitare potes. Vides vel Aduersarium accipere ly *omnem* distributivè, & nihil

nihil dicere. Vel collectivè, & errare in supposito. Quomodo erret in supposito dictum est satis. Quomodo nihil dicat patet ex terminorum explicatione. Si enim accipiat distributivè nihil aliud petit, nisi ex omnibus numeris, quos cogitare potes, nullum esse quem cogitare non possis, siue quemlibet ex numeris à te excogitabilibus, esse à te excogitabilem.

Obijcitur quarto. Numerus maior omni numero finito est infinitus; est possibilis numerus maior omni finito; ergo est possibilis numerus infinitus. Maior videtur nota ex terminis. Probatur tamen ulterius. Si numerus maior omni finito non est infinitus est finitus. sed implicat quod numerus maior omni finito sit finitus; ergo implicat quod numerus maior omni finito nō sit infinitus. Maior est evidens: omne .n. quod est, & nō est infinitum, finitum est. Minor probatur quia eo ipso quod finitus est non est maior omni finito, quandoquidē nō est maior seipso. Valet hoc argumentum etiā in quantitate continua. Est possibilis longitudo maior omni finita: huiusmodi longitudo est infinita; ergo possibilis est longitudo infinita. Minor eodem argumento probatur quo probata est maior primi syllogismi. Probatur iam minor eiusdem primi syllogismi: quia quocunq. numero assignato vel assignabili potest dari maior: sed omnis numerus finitus est assignabilis; ergo potest dari numerus maior omni finito.

Resp. primò hoc argumentum solui per probationem minoris, in qua tollitur æquivocatio huius syncategorematis: *omni*. Certum

tum est quocunque numero assignato posse assignari maiorem; adeoque non posse assignari omnem numerum assignabilem si *li omnem* accipias collectivè. Si autem accipias distributivè nihil aliud dicis nisi: quolibet numero finito, adeoq. quolibet numero simpliciter, posse dari maiorem. Ex hoc autem quod possibilis sit maior quolibet assignato non sequitur esse maiorem quolibet assignabili: quandoquidem ipse numerus quem assignas post quemlibet assignatum, est & ipse numerus assignabilis. Eadem igitur evidentia implicat numerus maior quocunq. assignabili, qua implicat numerus maior seipso. Sensus tamen huius propositionis: *Est possibilis numerus maior quocunque assignabili*, posset esse hic: nullus numerus assignari potest quo non sit assignabilis alius maior. Et in hoc sensu propositio est vera. Ad argumentum in forma transmissa maiori nega minorem. Ad probationem minoris primi syllogismi: nega maiorem. Cuius falsitas patet ex eo quod nullum numerum inuenies, qui non fuerit assignabilis, adeoq. nullus est maior quocunque assignabili.

Resp. secundo Huius propositionis: *est possibilis numerus maior omni finito* posse esse hunc sensum. *Dato quolibet numero finito potest dari maior* & hæc propositio est vera. Sed in hoc sensu falsum est numerum maiorem omni finito esse infinitum. Quando quidem supra quemlibet finitum, potest dari maior, etiam finitus. Quod nihil aliud est nisi & in assignandis numeris nunquam deiniri ad maximum, & in assignandis finit

nitis procedi in infinitum. Iuxta hunc sensum ad argumentum in forma : nega maiorem,

## ARTICVLVS VLTIMVS.

*Expediuntur cetera que pertinent ad infinitum.*

**A**lia difficultas circa infinitum peti solet ex intellectu diuino; cui omnia possibilis & omnia futura simul obijciuntur. Sic igitur arguunt. Obiectum intellectus diuini non est chimera: omnes dies æternitatis futuræ sunt obiectum intellectus diuini; ergo non sunt chimera.

Resp. transmittendo totum. Neq. enim dicimus omnes dies æternitatis futuræ esse chimeram: si enim *omnes* est indifferens vt supponat vel collectiue vel distributiue. Si distributiue: verum est videri omnes; si collectiue negandum est suppositum, quod scilicet sit vlla collectio obiectiua quæ sit omnes dies æternitatis.

Instabis: Deus videt simul & non successiue omnes dies æternitatis futuræ; ergo Deus videt omnes dies æternitatis non solū distributiue sed etiam collectiue. Antecedens explicatur: quamuis dies æternitatis successiue fluant vnus post alium, non tamen successiue veniunt in intellectum diuinum, sed vnico illo instanti quo videt vnum, videt & reliquos nullo non viso: igitur Deus non distributiue sed collectiue videt omnes dies æternitatis.

Resp. concessio antecedenti: negando consequen-

sequentiam. In probatione antecedentis, perperam adhibetur tam *collectiue* quam *distributiue*. Neuter ex istis terminis cadit supra videre aut intelligere: vterq. supra li *omnes*. Ineptum est dicere quod quemadmodum nō possunt nisi successiue esse, ita nō possunt nisi successiue cognosci. Dum dicis: *annus* intelligis duodecim menses qui nequeunt simul esse: non tamen propterea nō intelligis simul illos; & vniuersaliter loquendo ineptum est à modo essendi obiecti, arguere modum cognoscendi obiectum: cum proloquiū sit: res est in cognoscente per modum, seu secundum modum ipsius cognoscentis, vt explicatum est vbi de ideis Platoniceis. Sed aliud est omnes dies æternitatis esse simul in mente diuina: aliud omnes collectiue acceptos dies æternitatis esse in mente diuina. Primum verum est: quia Deus ita cognoscit omnes, & ita cognoscit vnum post alium fore, vt non prius cognoscat vnum, et postea alterum. Secundum est falsum: quia nō datur vlla collectio, quæ sit omnium dierū æternitatis. Quandoquidem qualibet & quantalibet collectione posita vel cogitata ponenda est, & cogitabilis alia & alia in infinitum.

Dicis: nullus est dies in æternitate quem Deus non videat ergo Deus videt omnes dies æternitatis sumendo li *omnes* collectiue. Probatur consequentia quia nisi videt omnes, li *omnes* supponendo collectiue, præter omnes dies quos Deus videt est alius dies: sed si præter omnes quos Deus videt est alius; non est verum quod nullus sit quem



non videat: videt omnes etiam collectivè.

Resp. concessio antecedenti: negando consequentiam. Ad probationem concessa maiori: nega minorem. Vel si velis distingue propositionem hanc: præter omnes dies quos videt Deus, est alius dies, quem non videat: nega; est alius dies quem videat: concede. Rationem alibi adduximus: quia videlicet si *omnes* nequit supponere collectivè. Igitur præter omnes dies quos videt, est alius quem videt: hoc est præter quemlibet, alium videt. Quod dico de diebus æternitatis dico de omnibus cogitationibus per totam æternitatem futuris. Nulla est cogitatio per totam æternitatem quam Deus non videat. Et præter omnes cogitationes quas Deus videt, aliquam aliam videt. Nullam cogitationem Deus videt, postquam aliam non videat: nullus est dies in æternitate post quem Deus non videat alium diem: si postquam non cadit supra videat; quasi vero prior sit visio unius quam visio alterius; sed supra cogitationem & diem quia post quamlibet diem erit alia dies. Est enim de essentia æternitatis futuræ ut aliquis dies sit in potentia.

Dices iterum: nulla est dies in tota æternitate quæ non possit esse actu; ergo falsum est esse de essentia æternitatis quod aliqua dies sit in potentia. Probatur consequentia: quia si nulla est quæ non possit esse actu possunt omnes esse actu: sed si omnes sunt actu, non est aliqua in potentia, ergo si nulla est quæ non possit esse actu, non est de essentia æternitatis ut aliqua sit in potentia.

Resp. has propositiones: nulla est dies  
quæ

quæ non possit esse actus; & : aliqua dies necessario debet esse in potentia, & alias similes non esse contradictorias: sicut non sunt contradictoriæ: nulla navis est necessaria ad nauigandum; & : aliqua navis est necessaria ad nauigandum. Cum dicis: nulla navis est necessaria ad nauigandum, dicis nullam navim determinate acceptam necessariam esse ad nauigandum: & verum dicis: excurrendo enim per singulas naues, potes dicere de singulis: hæc non est necessaria ad nauigandum. Dum dicis: aliqua est necessaria ad nauigandum; dicis requiri indeterminate aliquam vt nauigetur: requiri autem indeterminate aliquam & nullam determinate requiri non opponuntur. Eodem modo dū dicis . nulla est dies quæ non possit actu existere; dicis nullam determinate acceptam diem non posse actu existere: dum dicis: necessario aliqua est in potentia; seu: aliqua non actu existit; dicis præter quamlibet determinate acceptam, esse indeterminate aliquam in potentia. Hæc autem non opponuntur. Idem habes in alijs exemplis. Nenter ex oculis est necessarius ad videndum; alteruter ex oculis est necessarius ad videndum. Nullus calamus est necessarius ad scribendum. Aliquis calamus est necessarius ad scribendum. Eodem modo: nulla dies æternitatis est necessario in potentia. Aliqua dies æternitatis est necessario in potentia. Hoc idem applica cuilibet infinito Syncategorematico. Puta: nullus Angelus est necessario in potentia: Aliquis Angelus est necessario in potentia. *Li nullus & li aliquis* mutant suppositionem. Primum est in suppositione de-

terminata, secundū in suppositione indeterminata. Et ex his patet ad argumentum in quo concessio antec. nega conf. Ad probationem; vel concessa utraq. præmissa: nega consequentiam: vel distingue li *omnes* ut supra.

Deniq. dices: sequitur quod si dicam alicui: dabo tibi nummum possem numquam dare, & tamen non deesse promissis. Consequens est absurdum; ergo & antecedens. Sequela maioris probatur quia si dixerō tibi: *dabo* & cras petas promissum non teneor dare; idem accidit si post annum, idem si post mille annos. Semper enim potero dicere: adhuc est tempus pro satisfaciendo promissis: nondum enim elapsum est omne quod significatur per *dabo*. *Dabo* enim significat omne tempus futurum: & quia in tempore futuro est essentialiter semper aliquid & aliquid futurū; per totā æternitatē nō dabo nummum nec exprobarare mihi poteris quod non stem promissis.

Resp. promissiones huiusmodi à multis rejci vt promissiones nugaces propter rationem adductam in obiectione. Est enim evidens. Post quemlibet numerum annorū adhuc remanere annos non tot quin plures significatos per verbum de futuro: adeoque quamvis in quolibet instanti possit verificari: *dabo*: in nullo tamen instanti potest falsificari *dabo*. Probatnr hoc: quia si hodie dicas: *dabo*: & cras vel postridie des, cras vel postridie verificas tūc *dabo*: etiam si autem neq. cras neq. postridie des; non propterea falsificas: *dabo*: quia est alia dies in qua dare possis.


Hoc idem apparet in spatio vnus horę. Si enim dicas : intra spatium horę , dabo tibi nummum : potes in quolibet momento determinate accepto verificare promissionē tuam : in quoqunq. enim momento illius horę dederis verifcas promissionem factam per *dabo*: nullum tamen est momentum intra illam horam determinate acceptum , in quo per hoc quod non des , falsifices tuam promissionem : non enim falsa est per hoc quod nō des in primo, cum non dans in primo possis dare in vltimo : nec falsa est per hoc quod non des in vltimo cum non dans in vltimo, dare possis in primo vel in quolibet alio & sic de cæteris. falsificatur autem promissio tua per hoc quod elapsa tota hora in nullo dederis : sed nequit falsificari promissio extendens se ad omne tempus & ad æternitatem per hoc quod hac elapsa in nullo ipsius momento dederis rem promissam : implicat enim esse vnuquam elapsam æternitatem futuram significatā per *li dabo*. Propterea Legislatores vel statuunt tempus huiusmodi promissionibus indeterminatis, vel habent eas pro nullis.

Aduertendum est tamen hanc promissionem: *dabo* aliter esse à Deo aliter à creatura. Contingere potest vt hanc promissionem homo homini faciat non determinans sibi vllum spatium intra quod satisfaciat. Nequit autem contingere vt Deus dicat *dabo* non determinando vllum momentum in quo det , vnde eo ipso quod Deus dicit : *dabo* determinate sibi repræsentat illud instans in quo daturus est quod promittit : adeoque etiamsi talis promisso possit esse nulla facta

homini ab homine, nequit tamen esse nulla facta homini a Deo.

Notandum est prætereà, quod hæc promissio, ut impleatur in aliquo determinato instanti impletur. Quidquid enim fit, in aliquo determinato instanti fit. Hinc sequitur, quod videns determinate singula instantia per totam æternitatem futura ita ut nullum determinate non videat, si in nullo ex his determinate accepto videt promissionem impleri; promissio est simpliciter falsa. Dum igitur dicis: *dabo*: vel in aliquo determinato instanti daturus es, vel non: si primum: est vera promissio; si secundum: est falsa. An autem in aliquo instanti determinate accepto intra æternitatem, des, videt is, qui singula instantia determinate videt; quatinus non videat ullam collectionem omnium instantium per totam æternitatem futurorum. Atque hic nota discrimen inter hæc duo. *In nullo instanti determinate accepto est debita res promissa: & : In nullo instanti determinate accepto datur res debita.* Primum stat cum veritate propositionis promissivæ; secus secundum. Quod enim debetur indeterminate in aliquo, si soluitur, soluitur in aliquo determinate. Hoc modo visio fieri debet per aliquem oculum indeterminate acceptum: si tamen fit; per aliquem oculum determinate acceptum fit. Debes creditori nummum, non tamen nummum *A* potius, quam nummum *B*, si tamen solvis; nummus, quæ solvis, est potius *A*, quam *B*, ut patet. Quemadmodum igitur non satisfacis obligationi, qua teneris ex iustitia erga creditorem, nisi dando nummum, quem non teneris

teneris dare: cum de nullo verum sit quod tenearis illum dare: ità non satisfacis obligationi, qua teneris erga Promissarium, nisi des rem promissam in instanti, in quo non teneris dare; cum de nullo verum sit. *In hoc teneris.* Ex his nega sequelam maioris. Ad probationem sufficit quod dictum est.



## DISPUTATIO IX.

### De Quanto.

#### QVAESTIO I.

##### *De Quidditate, & effectu formali Quantitatis.*

**E**FFECTVM formalem quãtitatis, præter nostram consuetudinem, prius inquirimus quam quantitatem ipsam definiamus. Quantitas secundum rudem quandam intelligentiam, dicitur id quo satisfacimus interroganti quanta sit res. Ita interroganti quanta sit hæc tabula, respondes esse tripalmarem. Roganti quot sint nostri discipuli, respondes esse ducentos: Primæ interrogationi satisfacis per quantitatem continuam; secundæ per quantitatem discretam. De prima hic agimus, quam vocant etiam quantitatem molis.

Prima sententia est rationem quantitatis consistere in ratione mensuræ aptitudinalis, siue actiue, siue passiuæ. Mensura aptitudinalis actiua est illa, qua vnum aptum est alterum mensurare; passiuæ qua vnum aptum est ab altero mensurari.

Hæc sententia reiicitur communiter ex hoc quod ipsamet mensurabilitas vnius per alterum sit potius quid consequens ad quantitatem, quam ipsa quantitas. Quemadmodum enim effectus formalis qualitatis, non est reddere simile, sed tale; quamuis ad tale, & tale sequatur similitudo, vel dissimilitudo; ita etiam effectus formalis quantitatis non est reddere æquale, quamuis ad hoc & illud quantum sequatur æquale, vel inæquale.

Secunda sententia est: effectum formalem quantitatis consistere in extensione locali partium. Hæc sententia pro eodem habet quantitatem, ac vlicationem: partes enim localiter extenduntur per locum ipsum intrinsecum. Non est igitur confundenda quantitas cum vlicatione, cum eadem quantitate retenta mutetur vlicatio. Habes hoc in Venerabili Sacramento Eucharistiæ; in quo Christus Dominus eandem habet quantitatem quam habet in Cœlo, non tamen eandem extensionem localem partium. Hanc eandem sententiam alij, alijs verbis loquuntur, dum aiunt effectum formalem quantitatis consistere in extremitate partium in ordine ad locum. Idem est enim partes esse extra partes in ordine ad locum, ac partes extendi localiter.

Tertia sententia est: effectum formalem quan-

quantitatis cōsistere in extremitate partium in ordine ad se. Per huiusmodi extremitatē intelligunt exigentiā, quæ inest partibus, ut nō quælibet cuiuslibet immediate vniatur: puta ut caput non immediate vniatur humeris, sed collo mediante, &c. Huiusmodi extremitatem habent partes prædictæ etiam præscindendo ab omni quantitate: sunt enim natæ factæ facere totum huius, & illius figuræ; igitur nō recte assignatur extremitas huiusmodi pro formali quantitate.

Tenendum est igitur cum sententia receptissima inter recentiores, effectum formalem quantitatis consistere in naturali impenetrabilitate, cum alio subiecto eodem accidente affecto. Hoc est per quantitatem præstari, ut quantum cum quanto nequeat naturaliter compenetrari. Probatum autem hæc sententia: quia sola quantitas molis, & omnis hac definitione comprehenditur: & ad hoc prædicatum consequuntur alia omnia, quæ sub experientiam cadunt, ut patebit ex sequentibus.

Quæritur autem hic quid sit quantitas molis; an videlicet accidens superadditum rei quantæ? Qua in re sententiam sequimur affirmativam, quam tamen rationibus philosophicis, & pure naturalibus non tuebimur; sed altioribus argumentis; petitis videlicet ex venerabili Mysterio Eucharistiæ. Substantia est realiter separabilis à sua quantitate, & quantitas à substantia; ergo substantia seipsa formaliter non est quanta. Consequentia est evidens; antecedens probatur. In hostia consecrata non remanet substantia panis; remanet tamen impenetrabilitas tam



enim nequit Hostia consecrata penetrari cum alia consecrata; quam nequit penetrari panis cum pane. Igitur in Hostia, pereunte pane, remanet quantitas. Diximus enim quantitatem esse ipsammet naturalem impenetrabilitatem quanti cum quanto.

Aliud argumentum ex eodem Venerabili Sacramento deducitur. Certum est Hostiam consecratam frigesieri, & calefieri prout approximaturs illi agens naturale, aut frigidum, aut calidum; productio autem caloris, aut frigoris, sine concursu subiecti nequit naturaliter haberi: igitur in Hostia consecrata datur aliquid, quod per modum subiecti concurrat ad productionem talium qualitatum. Hoc autem subiectum non est, neque substantia panis, quæ periit, neque Corpus Christi, quod pereunti successit. Hoc enim neque à calore patitur, neque à frigore, neque ab ullo alio accidente in Eucharistia: igitur assignanda est quantitas.

Dices: posset pro subiecto assignari quodlibet aliud accidens ex præexistentibus; ergo non est cur assignetur quantitas. Probaturs consequentia: quia non est potior ratio pro quantitate, quam pro quolibet alio.

Resp. negando antecedens. Ad probandum: nego iterum antecedens. Rationem potiore pro quantitate affert D. Thomas: quia quantitas est primum omnium accidentium, adeò ut quantitatem materiæ coæquam, immò æque, ac materiam incorruptibilem, & ingenerabilem multi censuerint. Est autem potior ratio, cur primum sit basis sequentium. Ratio à priori huius primitatis esse posset: quia per quantitatem  
su-

subiectum redditur aptum agere, & pati. Nam impenetrabilitas est exigentia extensionis, actio autem secundum quale, est in ea, quæ sunt extensa. Nota sermonem esse hic de ijs accidentibus, quæ Hostiæ consecrate superveniunt. Nam de præexistentibus facile diceretur, quod sint sine omni subiecto.

Dices iterum: in Eucharistia accidentia sunt sine subiecto; ergo non est necesse, ut maneat quantitas pro subiecto aliorum accidentium.

Resp. distinguendo antecedens: accidentia omnia collectivè accepta sunt sine subiecto: concedo antecedens; Omnia distributivè accepta, seu singula sunt sine subiecto; iterum subdistinguo: sunt sine subiecto ultimo, & fundamentalì; concedo; sine subiecto proximo, & immediato: nego antecedens, & consequentiam. Collectio accidentium includit quantitatem ipsam, quæ in Sacramento est sine subiecto. Cætera autem cum sint in ipsa, non sunt sine subiecto immediato: quævis sint sine subiecto fundamentalì, & ultimo, hoc est sine illa substantia, cuius sunt accidentia.

Obijcitur primo: partes Corporis Christi in Eucharistia habent suam quantitatem: non habent impenetrabilitatem; ergo quantitas non est impenetrabilitas. Maior patet ex dictis. Minor probatur: quia Corpus Christi Domini in Eucharistia ubicatur definitivè, adeoque non habet partes extra partes, in ordine ad locum: sed ubi est caput, ibi est & brachium; est enim totum in tota, & totum in qualibet parte totius Hostiæ: adeoque pars

penetratur cum parte; ergo non habet in Eucharistia inpenetrabilitatem.

Resp. concessa maiori: negando minorem. Ad probationem concessio antecedenti, nega consequentiam. Actualis penetratio partis cum parte, stat cum naturali impenetrabilitate: sicut actualis replicatio stat cum naturali irreplicabilitate. Et vniuersaliter loquendo quidquid supra naturam fit, aut contra naturæ exigentiam fit in sensu composito cum exigentia oppositi. Actualis impenetratio habetur per hoc, quod vnum sit extra locum alterius; Impenetrabilitas per hoc quod vnum exigit esse extra locum alterius. Prima opponitur cum penetratione, secus secunda.

Obijcitur secundo. Non est assignabile quomodo ad impenetrabilitatem consequatur ea, quæ sub experientiam cadunt in corpore quanto; ergo falsum est impenetrabilitatem recte assignari pro quantitate ex hoc capite.

Resp. negando antecedens. Ad impenetrabilitatem sequitur sensibilis diuisibilitas subiecti. Si enimingas molem aliquam, seu corpus, putà lignum esse naturaliter cum alio penetrabile; nec securis, nec ferra, nec hac cia diuidet, secabit, aut scindet lignum: sed ferrum in eodem loco existens cum ligno non diuidet palmum à palmo, vt inter vtrumq. se se insinuet; sicut v. g. si cogites Angelum penetratum cum hoc ligno, non propterea diuidens lignum diuidis Angelum, sed vbi calibem ponis, ibi manet & Angelus.

Ad hanc eandem impenetrabilitatem sequi-

quitur localis extensio per quam pars est extra partem localiter: Da enim possibilem esse penetrationem; non erit cur primus palmus nequeat in eodem loco esse cum secundo: sicut quia possibilis est de potentia absoluta eadem penetratio; de potentia absoluta ponetur primus palmus in eodem indivisibiliter loco, ac secundus.

Dices: Materia prima etiam præscindendo à quantitate habet exigentiam extensionis localis; & impenetrationis, tum cum alia materia, tum cum quolibet corpore; ergo essentia quantitatis non est reddere subiectum naturaliter impenetrabile, & exigentium extensionis localis.

Resp. distinguendo antecedens: materia prima habet huiusmodi exigentiam per se ipsam formaliter, & proxime: nego antecedens; radicaliter, & remote: concedo antecedens; & nego consequentiam. Materia prima per seipsam præcise exigit quantitatem, quæ quantitas est formalis, & proxima exigentia impenetrationis. Materia igitur, est formalis exigentia quantitatis: quantitas formalis exigentia impenetrationis: & consequenter materia ipsa est radicalis exigentia impenetrationis.

Obijcies ultimo. Philosophus 7. metaph. textu 8. dicit quantitatem non esse substantiam sed substantiæ inesse, ergo secundum Philosophum quantitas est aliquid superadditum rei quantæ: sed Philosophus non potuit hoc scire nisi ex rationibus naturalibus; ergo rationibus naturalibus potest probari quantitatem esse accidens superadditum rei quantæ.

Resp.

Resp. primò. Utinam Philosophus aliquam ex ijs rationibus reliquisset! Resp. secundò. Multa Philosopho adeo fuisse certa ut rationes non inquireret. Resp. tertio Philosophum loco citato nomine quantitatis intelligere trinam dimensionem; quæ apud Mathematicos plerunque ita sonat ac quantitas. Verba Phil. sunt hæc: *longitudo vero latitudo & profunditas quantitates quædã & non substantiæ sunt. Quantitas enim non est substantia, sed magis cui hæc ipsa primo insunt, illud est substantia.*

Denique nota nos non dicere quantitatem ut accidens superadditum rei quantæ non esse quid demonstrabile: sed solum non demonstrari à nobis; quibus non vacat ad grauiora properantibus examinare an hæc & illa ratio euincat.

## Q V Æ S T I O I I.

### *De compositione continui.*

#### A R T I C V L V S I.

*Proponitur sententia Zenonis & impugnatur.*

**C**ircà continuum est communis Philosophorum sententia, nullam sententiam esse certam. An hæc communis sententia vera sit, est etiam incertum. Est celeberrima inter alias sententia Zenonis, qui & continuum permanens ex punctis indiuisibilibus, & successiuum ex puris instantibus  
con.

constare opinabatur. Hoc articulo ponuntur argumenta quædam contra Zenonem.

Primum est. Omnis linea diuisibilis est in duas partes æquales : hoc est falsum in sententia Zenonis ; ergo sententia Zenonis est falsa. Maior apud Mathematicos habetur pro primo principio . Minor probatur in qualibet linea constante punctis imparibus . Da enim lineam constantem punctis tredecim, Diuide illam si potes in duas partes æquales .

Secundum argumentum est . In sententia Zenonis circulus minor est æqualis maiori ; consequens est euidenter falsum ; ergo & antecedens. Probatur maior. Describatur circulus cuius diameter sit vnus palmi. Et deinde a cetro eiusdem circuli ducatur circulus maior puta cuius diameter sit trium palmorum. Hoc posito à quolibet puncto circuli maioris ducatur linea recta ad centrum. Nequit hoc postulatum negari . quia à quolibet puncto ad quodlibet punctum licet ducere lineam rectam . Hoc tamen posito sequitur circulum minorem esse æqualem maiori. Probatur hoc : quia quælibet linea ducta à quolibet puncto circuli maioris transibit per punctum circuli minoris : & nusquam plures lineæ ductæ à circulo maiori incident in idẽ punctum circuli minoris. Lineæ enim ductæ a punctis circumferentiæ nusquam coincidunt nisi in centro vt demonstratur , & demonstratum supponimus à Magistro Mathematicos. Hinc sequitur totidem esse puncta circuli minoris quot sunt puncta maioris : lineæ autem constantes numero punctorum æli, sunt æquales : puta linea constans centum punctis

punctis est æqualis lineæ constanti centum punctis. Duo igitur prædicti circuli erunt æquales, quòd erat demonstrandum.

Tertium. Punctum additum puncto non facit extensionem; ergo longitudo non constat punctis. Antecedens probatur: quia vel punctum tangit aliud punctum secundum se totum, vel secundum aliquid sui; non secundum aliquid sui: quia in puncto non datur aliquid & aliquid; ergo secundum se totum: sed si secundum se totum, eo ipso punctum penetratur cum puncto: penetratum autem cum ipso non facit extensionem cum ipso. Idem dic de quolibet puncto superueniente; quotquot enim puncta tibi repræsentantes ea omnia repræsentabis in puncto.

Hoc idem argumentum de puncto cum puncto, fit de linea cum linea in ordine ad superficiem, & de superficie cum superficie, in ordine ad profunditatem. Pro quo sciendum est quod eadem ratione qua linea constat ex puris punctis, superficies constat ex puris lineis, & profunditas ex puris superficiebus. Hoc posito sic arguunt. Vel linea vnitur lineæ secundum se totam in ordine ad latitudinem, vel secundum aliquid sui: non secundum, aliquid sui: cum sit omnis latitudinis expers, ergo secundum se totam: si secundum se totam, penetratur; ergo, &c. Minor probatur: quia quotiescunque duo tangunt se secundum se tota, eo ipso compenetrantur. Puta siingas manus dexteram & sinistram tangere se secundum se totas; singes manus inter se penetrari: non penetrare autem, pars tangit partem. Idem de superficie, cum superficie.

Quartum & celeberrimum est certamen Achillis cum Testudine de velocitate morus. Sequitur Achillem non moueri velocius quam moueatur Testudo: adeoque non dari motum velociorem & tardiolem: consequens est euidenter absurdum; ergo & antecedens. Sequela maioris probatur conferendo motum vnus cum motu alterius. Achilles in instanti *A* nec plus conficit quam punctum, nec minus: non plus quia si conficit duo puncta spatij, conficit prius primum, quam secundum; & consequenter datur in instanti *A* prius & posterius, quod repugnat: non minus: quia in puncto non datur dimidium & dimidium; adeoque aliquid quod altero prius possit pertransiri. Item: Testudo in instanti *A* non conficit minus neque plus quam punctum vt constat ex iisdem rationibus. Igitur in instanti *A* sunt pares Idem dic in instanti *B*, idem in instanti *C*, & numera quotlibet instantia, nec vmquam inuenies intra parem numerum instantium, adeoque intra par temporis spatium, aut plura puncta transitu consummata ab Achille, aut pauciora à Testudine. Hoc argumentum adeo inualuit apud veteres vt omne argumentum in qualibet sententia conuincens aut conuincere apparens, nuncuparetur Achilles.

Hæc sunt potissima argumenta quæ contra Zenonem proponuntur à Peripateticis; quibus non defendendi Zenonis grãtia, sed disputandi, vel veram vel apparentem quorundam solutionem articulo sequenti subteximus.



## ARTICVLVS I.

*Respondent aliqui pro Zenone.*

**A**D primum. Vel negatur maior vel distinguitur: omnis linea est diuisibilis in duas partes æquales diuisione vel reali vel imaginaria: concedo; diuisione reali: nego. Ad veritatem axiomatis mathematici sufficit diuisibilitas per imaginationem. Potest autem dupliciter imaginari diuisionem lineæ; videlicet vel per hoc quod pars à parte recedat nullo puncto absumpto per lineam diuidentem: vel per hoc quod linea diuidens ex vtraque parte puncti in quod incidit, æqualem numerum punctorum secernat: Primo modo lineam constantem numero punctorum impari non diuides in partes æquales; secundo modo diuides. Primum modum adhibebis in diuisione lineæ constante numero pari, secundum in linea constante numero impari punctorum. Axioma mathematicum est: quælibet linea est diuisibilis bifariam; diuiditur autem bifariam etiam si in vna parte ponas septem & in alia sex puncta, unde compositio ex punctis non militat contra axioma vt sonat.

Ad secundum nega sequelam. Ad postulatam quod videlicet à quolibet puncto maioris circuli ducatur linea quæ transeat per circulum minorem sine contactu ipsius cum alia linea, nega suppositum. Immo non solum in puncto circuli minoris linea tanget lineam, sed in ipso met puncto circuli maioris, sicut in eodem circulo punctum tangit punctum:

punctum : adeoque petere ut à singulis punctis circuli maioris ducantur lineæ rectæ ad centrum, est petere quod ponatur superficies quandoquidem ita linea vnita lineæ facit superficiem, sicut punctum additum puncto facit lineam. Hoc idem apparebit in figura si lineam ducas à puncto *B*, quod est proximum puncto *A*, ita ut quemadmodum inter punctum *A* & punctum *B* nihil intermediat, sic nihil intermediet inter lineam *A* & lineam *B*. Ad illud. A quolibet puncto ad quodlibet punctum licet ducere lineam rectam concedi. sed quid inde? si linea prope lineam superficiem facit.

Ad hoc igitur ut plures lineæ ductæ à circulo maiori non faciant superficiem, seu non coalescant in vnā latitudinem oportet ut inter puncta à quibus ducuntur, medient alia puncta à quibus non ducantur : & tunc etiā si singulæ lineæ tangant puncta distincta, seu secant in punctis distinctis circulum minorem, non eueniet tot puncta reperiri in circulo minori quot in maiori, adeoque circulus maior & circulus minor non erunt inter se æquales.

Ad tertium nega antecedens, & dic punctum additum puncto facere longitudinem. Ad probationem responderetur primo; negando suppositum. Hæc enim propositio disiunctiua : vel tangit secundum se totum vel secundum aliquid sui, fieri nequit nisi circa id in quo reperitur & ratio partis & ratio totius : quod non habetur in puncto. Responderetur secundo punctum tangi à puncto secundum se totum abutendo hac voce *totum* in gratiam arguentis. Negatur tamen quod penetren-

netrentur hoc ipso. Penetrari vnum cum alio est vnum in eodem loco esse ac aliud: tangi autem vnum ab alio nihil aliud est, quam vnum iuxta aliud esse, itaut inter vtrumque nil mediet; in casu posito habes punctum iuxta punctum, non autem punctum *A* in eodem loco cum puncto *B*.

Quod si rogeris an punctum *B* iuxta ponatur puncto *A* ex parte Orientali, an ex Occidentali: responde cum distinctione: si rogatio sit circa partem puncti: nega suppositum; si circa partem spatij puncto circumfusi; responde quod lubet, videlicet si punctum *B* iuxta ponatur puncto *A* ex parte Orientali: eo ipso lineam pergere Orientem versus, incipiendo à puncto *A*; secus si ex parte Occidentali. Nec nouum est ad idem punctum duci lineas intra spatium circumfufum ex partibus inter se oppositis: cum punctum quod ponitur pro centro circuli, respiciat pariformiter omnia puncta circumferentiæ, à quibus vsque ad ipsum ducibiles sunt lineæ rectæ.

Rursus quod tangere se duo secundum se tota, non sit penetrari præterquam quod hoc appareat ex diuersis conceptibus tangentium se, & compenetratorum; probatur insuper ex eo quod si ponas Angelum *A* in toto spatio palmari *A*, & Angelum *B* in toto spatio palmari *B* itaut quemadmodum inter palmum *A* & palmum *B* nihil mediat, ita nihil mediet inter Angelum *A* & Angelum *B*: isti duo Angeli se mutuo tangent, & quidem secundum se totos, nec tamen compenetrabuntur. Aliud est igitur compenetrari, aliud tangere se secundum se tota,

Ad quartum. Negatur sequela maloris. Ad probationem dic quod si ita contingeret ut proponitur, vere æque celeriter moueretur Testudo ac Achilles: si enim singulis instantibus vtrumque mobile singula puncta consumat, nec fiat vlla in motu interpolatio manifestum est quod in numero instantium æquali, æquale spatium consumetur. Sed res non ita accidit: nam in primo instanti v.g. Achilles conficit vnum punctum & deinde in quinto instanti, secundum, interposita inter vtrumque morula trium instantium. Testudo vero in primo instanti conficit vnum punctum & vigesimo conficit secundum, interposita inter vtrumque, mora tam longiori, quam tardior est in motu Testudo quam Achilles. Per morulas huiusmodi plures vel pauciores qui explicant tarditatem & velocitatem motus, non premuntur Achille.

Quod si petas nullas moras intercipi neque in motu Achillis neque in motu Testudinis: negant suppositum; petis enim in vtroque motum omnium motuum possibilem velocissimum; adeoque petis impossibile: sicut peteres si peteres numerum omnium numerorum maximum. Confirmant suam hanc responsonem dicendo non aliter posse ex motibus vnum esse altero velociorem. Si enim dicas motum illum esse altero velociorem qui plus loci pertransit intra idem tempus; respondent te quidem verum dicere, sed explicare hoc ipsum non posse, nisi per morulas. Quomodo enim plus spatij conficitur intra idem tempus ab Achille quam à Testudine, si tam Testudo quam Achilles incessant.

incessanter mouetur. Confirmant iterum  
vrgendo aliud assignari per quod plus spatij  
conficiat vnum mobile quàm alterum intra  
idem tempus, quod aiunt à nemine hæcenus  
assignatum.

Contra huiusmodi morulas infinita con-  
geruntur ad infinitis. Primum est sequi ex  
huiusmodi morulis etiam primum mobile  
motum suum morulis interpolare. Probatur  
hoc: quia est possibilis motus velocior mo-  
tu primi mobilis; & consequenter in motu  
primi mobilis datur id, per quod est minus  
velox motu illo possibili. Immo sequitur  
impossibilem esse motum localem nullis  
morulis interpolatum. Pater hoc: quia est  
impossibilis motus quo non sit possibilis  
alius velocior.

Hæ omnes sequelæ facile conceduntur:  
immo ponuntur pro conclusionibus à Mo-  
rulis, & reipsa si motus à motu differt in  
velocitate per morulas, petere quod huius-  
modi sequelæ negentur est petere principiū.  
Secundum sit. Incredibile est molem asma-  
riam è concauō Lunæ ruentem deorsum mo-  
rulis interpolare suum descensum, & ita  
deorsum ferri, sicut sursum fertur. Alauda  
suspendendo identidem libratis pennis suū  
ascensum. Confirmatur hoc: quia nulla est  
ratio quiescendi, cum habeas & in mole ru-  
ente, & in medio intra quod ruit determina-  
rium adæquatum ad motum. Idem dicitur  
de pila quam eiacularur bombardæ. Est enim  
incredibile pilam huiusmodi suum motum  
intercipere morulis interiectis, & tamen cer-  
tum est possibilem esse motum motu huius-  
modi velociorem.

Ad hæc omnia respondetur nihil esse mirabilius in morulis molæ asinarię aut pilæ emissæ à bombarda, quam in morulis primi mobilis quod procul dubio velocius his omnibus fertur. Ad confirmationem respondetur quod eadem ratio cur sit tanta velocitas & non maior, est etiam cur sint tot morulæ non autem plures aut pauciores. Et quam difficulter assignabis cur tam velociter, & non plus mobile moveatur, tam, sed non magis difficulter assignabitur, cur tot non autem pluribus aut paucioribus morulis motus misceatur.

Tertium est. Si motus intercipitur morulis huiusmodi, cum tam multæ sint morulæ, deberent esse sensibiles sicut est sensibilis motus ipse: consequens est falsum; ergo & antecedens. Sequela maioris apparet in Testudine comparata Achilli: adeo enim pro multitudine morularum intercipientiũ motum, sensibiliter vincitur ab Achille; ut præ illo magis quiescat quam moveatur. A Testudine progredi licet ad alia, puta sagitta emissã tam sensibiliter vincit lapidẽ proiectũ, ut in lapide proiecto plures debeant esse morulæ; seu plura instantia pro morulis, quam pro motu; ergo tam sensibilis deberet esse quies prædicti lapidis, quam motus eiusdem.

Resp. ad hoc ea sensibilitate percipi morulas, qua percipitur tarditas motus, seu victoria vnus mobilis supra alterum: igitur quam percipis lapidem proiectum à te, vinci à sagitta quam alius emittit; tam percipis motum lapidis per morulas interpolari. Idem dic de quolibet alio huiusmodi firmo.

implere, vel virtualiter, vel æquiuvalenter diuisibile; quatenus ubi est vbicatio vnius puncti; possent esse duæ vel tres, vel si vis etiam non tot quin plures vbicationes aliorum punctorum: itaque vnum punctum in ordine ad locum est virtualiter multa puncta: & inter puncta alia sunt maiora, alia minora & minora, non formaliter & secundum se; sed virtualiter & secundum spatium quod replent. Rursus quia de ipso spatio posses philosophari sicut de re, quæ est in spatio: ipsa puncta spatij sunt etiam eiusdem rationis ac puncta rei locatæ; comparanturq. cum spatijs illis imaginarijs quibus respondent, sicut puncta ipsa rei locatæ.

Dum autem dicitur in loco illo vbicationis *A* quæ est vna & indiuisibilis posse esse tres vel quatuor, vel etiam non tot quin plures vbicationes minores & minores in infinitum: non est ita intelligendum quasi vel vbicatio ipsa sit formaliter diuisibilis in plures minores & minores: sed ita vt locus ille imaginarius qui hac vna vbicatione repletur, repleti possit alijs pluribus non resultantibus ex diuisione maioris præexistens, sed succedentibus maiori pereunti. In hac sententia quælibet linea etiam constans punctis imparibus diuisibilis erit in duas partes æquales. Da enim lineam constantem quinq. punctis: hanc in duas æquales diuides si ex vtrâq. parte punctis duobus sepositis, punctum medium virtualiter in duo diuidas: hoc est vel loco puncti maioris duo minora substituas, vel loco vbicationis per punctum repletæ duas alias vbicationes

minores : nam & punctum, & vbicatio puncti sunt formaliter quidem indiuisibilia : diuisibilia autem virtualiter modo explicato. Puncta huiusmodi vulgo inflata dicuntur ; non quod semper tumescant , sed quia vel tumescunt , vel detumescunt, prout expedit hanc sententiam sustinenti.

Hanc sententiam non alia ratione magis refelli existimo quam recta ipsius explanatione : non tamen prætereundum est etiam puncta temporis , hoc est instantia eiusdem omnino rationis esse ac puncta continui permanentis. Quemadmodum igitur datur punctum in hoc palmo ligni, quod ratione vel sui, vel vbicationis quam implet , est virtualiter viginti septem alia puncta. Ita in hac hora & in hac re durante in hac hora , datur vnū instans vel ratione sui vel ratione temporis imaginarij, quod replet , viginti septem minoribus instantibus æquiualeus ; adeoque quod est modo prædicto viginti septem instantia. Non omnes tamen qui puncta instant, instant & instantia , metuentes ne si vnicum instans intumescat in horam, aliquid derogat diuinæ omnipotentiae, vt pote gloriari potens se intra totam illam horam non posse destrui.

In hac sententia aiunt & vitari argumenta quæ sunt contra Zenonem, & saluari doctrinam Philosophi de diuisibilitate continui in infinitum. Vitantur argumenta contra Zenonem inflando alia , & reprimendo alia puncta per virtualem diuisibilitatē spatiij aut intrinseci aut extrinseci ; prout varij varia in hac re. Puta punctum *A* tangit punctum *B* non secundum se totum, tam formaliter



liier quam virtualiter; sed secundum se totum quidem formaliter; cum in ipso non sit pars & pars; secundum autem partem sui virtualiter: quia vel ipsum vel spatium vel vtrumque est virtualiter septemdecim puncta minora; quæ singula sunt veluti partes puncti tumidioris. Idem applica proportionaliter alijs argumentis.

Exemplum sit in Achille contra quem etiam in hac sententia varij varie militant. Alij enim & puncta quibus constat Achilles & instantia intrinseca quibus durat ita inflât vt ea proportionem quodlibet ex his sit maius quolibet puncto vel instanti Testudinis; qua velocitas Achillis superat tarditatem Testudinis. Alij sola punctorum inflatione contenti, aiunt in vno instanti & punctum ab Achille & punctum à Testudine confici: sed punctum Achillis esse centies maius puncto Testudinis; adeoq. eo tempore quo Testudo conficit vnum milliare, Achilles conficit centum, vt recte computanti parebit.

Diuisibilitatem autem in infinitum per eandem æquivalentiam explicant. Nā quæmadmodum Aristotelici dicunt non esse assignabilem in vlla quantitate vel minimam particulam quæ non sit vltimè diuisibilis; ex quo manifeste sequitur quamlibet esse diuisibilem in infinitum; ita Punctuales isti aiunt non esse in vlla quantitate vllum punctum, nec vllam vllius puncti vocationem, cuius loco non possint substitui duæ minores; ex quo sequitur posse dari semper minores & minores in infinitum: in hoc discrepantes à primis, quod primi ex parte

præexistente faciant duas minores, adeoque formaliter diuidant vnum in plura; ipsi vero non punctum maius in duo minora, aut vlicationem maiorem in duas minores partiantur, sed loco vnius maioris duo minora reponant: & hoc vocent diuisibile virtualiter ratione spatij.

Hac eadem doctrina explicant in libris de Elementis rarefactionem corporum. Condensatur aer v. g. per hoc quod singula aeris puncta minores vlicationes acquirant, destructis prioribus: rarefit autem per hoc quod eadem puncta maiores acquirant. Idem dic de alijs corporibus. Sunt autem qui hec puncta ita distribuunt in varias species corporum, vt corpora perfectiora tumidioribus: imperfectiora vero pressioribus punctis conflentur: argumentantes ab ordine quem animaduertunt in Elementis ad ordinem quem imaginantur in mixtis. Puta terra est infimum elementorum: & constat punctis omnium pressissimis: aqua supernatans terræ, est nobilior terra, adeoque in suis etiam punctis tumidior: & consequenter si moles aquæ tanta, quanta est caput acus, constet mille punctis; par terræ moles conflabit quater aut quinquies mille. Idem dic de aere comparato cum aqua, de igne comparato cum aere: eo pauciora puncta ponendo in qualibet mole comparatiue ad æqualem, quo est rarior aqua li. Est enim euident decem puncta v. g. æqualem molem conflare, ac viginti duplo minora.

Hac sententia nulla alia facilior; nulla inuersionilior. Nulla facilior; quia naturam rerum omnino sibi accommodat, non se  
rerum

rerū naturæ: & ex hoc ipso capite est omnino inverisimilis. Ob facilitatem, defensores habet non paucos, quibus persuasum est in hac materia posse dici quidlibet, quia nihil scitur.

Quia vero conuenit, vel conuenire se putat cum Aristotele de diuisibilitate in infinitum: priusquam hanc redarguamus, opere pretium erit indagare an huiusmodi diuisibilitas in infinitum sustineri possit: & obseruare an in sententia prædicta recte teneatur.

#### A R T I C V L V S IV.

*An continuum sit in infinitum diuisibile.*

**I**ndiuisibilia Zenonis reiciuntur passim non solum à Physicis, sed etiam à Mathematicis opinantibus non posse ullam quantitatem haberi per indiuisibilia nisi numero infinita. Iuxta hos nulla est linea quæ punctis infinitis non constet: nulla superficies quæ non lineis infinitis, nulla profunditas quæ non infinitis superficiebus. De punctis Zenonicis satis diximus, de infinitis patet ex dictis: eadem enim argumenta quæ militant contra multitudinem infinitam hominum, militant etiam contra multitudinem infinitam punctorum. Vtramq. igitur sententiam falsam existimant vnanimiter Peripatetici: si autem falsum est quantum seu continuum diuidi in indiuisibilia, cum necesse sit diuidi posse, manifestum est non diuidi nisi in diuisibilia. Ex eo autem quod si diuidatur necesse est in ea diuidi, quæ vl-

terius diuidi possint; manifestum est quodlibet quantum esse diuisibile in infinitum.

Proponitur breuiter hic discursus. Quodlibet quantum est diuisibile in vltcrius diuisibile, quod est diuisibile in vltcrius diuisibile est diuisibile in infinitum; ergo quodlibet quantum est diuisibile in infinitum. Major probatur: quia si diuidi posset in ea, quæ non essent vltcrius diuisibilia, eo ipso constaret ex indiuisibilibus: vnumquodque enim ex his componitur in quæ resoluitur. Supponitur autem probatum non posse continuum resolui in indiuisibilia. Minor verò est euident: quia si quælibet in quæ diuidatur sunt vltcrius diuisibilia; numquam finem facies diuidendi: adeoque etiam si in æternum diuidas, numquam ad vltimam ex possibilibus diuisionem peruenies.

Contra hanc sententiam sunt quædam argumenta, quæ imaginationem humanam plusquam mediocriter torquent.

Primum, & celeberrimum est de ala Muscæ. Sequitur, inquiunt, posse ex vnica ala muscæ fieri velum, quo regatur tota superficies vniuersi; & mille alæ, & centies mille alæ superficies huiusmodi: consequens videtur ridiculus, ergo & antecedens. Sequela maioris est manifesta. Ala Muscæ quantumuis tenuis non est vna superficies indiuisibilis, adeoque suam habet profunditatem, & secundum profunditatem est in infinitum partibilis: diuide igitur alam muscæ in duas partes secundum profunditatem; habes iam secundum longitudinem, & latitudinem duplum alæ: rursus quamlibet ex istis eodem modo diuide, & sic in infinitum: numquam enim

enim deuenies ad indiuisibile secundum profunditatem, & consequenter tam multas diuisiones imaginari potes, vt ex ala muscæ tegumentū conficias totius orbis & mille, & non tot quin plurium orbium. Minor autem non indiget probatione.

Resp. concedendo sequelam maioris, quæ in sententia Philosophi est euidentis. Si intellectus imaginationi præualeat, res erit minus mirabilis. Certum est alam Muscæ diuidi posse etiam secundum profunditatem in plura, & plura dimidia. Finge igitur ab aliquo diuidente diuidi. Certum est præterea post quodlibet diuidens posse dari aliud subtilius, & subtilius diuidens: da igitur post quodlibet qualibet subtilitate diuidens, poni aliud subtilius diuidens, & videbis id quod priori non fuit vltcrius diuisibile, diuisibile esse subsequenti; adeoque post quolibet diuisionem aliam diuisionem esse possibilem. Qui rem ita considerat non obstupescit ad primam propositionem alæ per diuisionem sui dantis velum vniuerso.

Porro in punctis inflatis habes omnino idem, & præterea aliquid aliud. Habes idem quia quemadmodum Aristotelici diuidunt formaliter alam, inflatores diuidunt illam virtualiter, dum punctis minoribus, & minoribus in infinitum quodlibet alæ punctum æquiualeat; si igitur illa puncta accipias secundum quod extenduntur in superficiem, pro vna superficie alæ habebis non tot quin plures minores, & minores secundam virtualement illam profunditatem. Est & aliud longe mirabilius; videlicet vnum punctum posse ita locari, vt intumescat ad quamlibet

amplitudinem; ita tamen ut ubicatio ipsius sit formaliter indiuisibilis cum virtuali diuisibilitate modo supradicto. Ex quibus habes non solum alam, sed punctum alae posse regere totum vniuersum.

Obijecitur secundò. Sequitur ex diuisibilitate in infinitum impossibilem esse motum localem; consequens est impossibile, ergo & antecedens. Sequela maioris probatur: quia nullum spatium est pertransibile; ergo est impossibilis motus localis. Probatur antecedens eodem argumento, quo pugnatum est contra Zenonem. In quolibet spatio, puta in spatio palmari sunt infinita dimidia; ergo ut pertranscas spatium palmare, pertransire debes infinita dimidia: sed pertransire infinita dimidia est impossibile, ergo est impossibile pertransire spatium palmare. Rursus in quolibet spatio prius debet pertransiri prima medietas, quam secunda: sed quaelibet medietas est aliquod spatium; ergo in qualibet medietate debet prius pertransiri prima medietas, quam secunda. Medietates autem medietatum sunt non tot quin plures; ergo ut transeas quolibet medietatem cuiuslibet medietatis, pertransire debes medietates non tot quin plures, adeoque infinitas: sed infinitum non est pertransibile, ergo pertransire debes impertransibile, quod est chimericum.

Hoc argumentum soluit euidenter Philosophus dum ait, spatium infinitum infinito tempore pertransiri. Ostendit autem eandem in tempore; puta in vno minuto, infinitatem esse, quæ est in spatio, puta in palmo. Quemadmodum enim palmi sunt dimidia non tot quin plura; etiam minuti sunt dimidia

midia non tot quin plura, & quemadmodū dimidia dimidiorum in palmo sunt minora, & minora; ita etiam dimidia dimidiorum in minuto; & quemadmodum dimidia dimidiorum in palmo habēt ordinem priorum, & posteriorum secūdum locum; itā dimidia dimidiorum in minuto habēt ordinem priorum, & posteriorum secūdum tēpus. Et quemadmodum enumerando dimidia dimidiorum in palmo; nunquam absolues, ita enumerando dimidia dimidiorum in minuto. Ad argumentum igitur patet. Spatium infinitum nequit pertransiri, tempore finito: concedo, tempore infinito: nego.

Verū nec palmus loci, nec minutum temporis infinita sunt, vt patet ex dictis de infinito; nec enim ad rationem infiniti sufficit, quod res constet dimidijs non tot quin pluribus: sunt enim partes huiusmodi proportionales, ex quarum infinitate non habetur infinitas compositi, vt dictum est in loco.

Ad probationem patet, quod quemadmodum diuidendo per partes proportionales nulla vnquam determinata pars absoluitur itā si motum consideres per partes huiusmodi nihil vnquam spatij conficies. Debet igitur aliter examinari motus, non applicando partes proportionales spatij partibus proportionalibus temporis; sed determinatas determinatis: putā in quolibet minuto conficies palmum, & centum minutis centum palmos spatij pertransibis.

Obijcitur tertio. Si quodlibet quantum est in infinitum diuisibile, quodlibet est æquale cuilibet; consequens est falsum; et:

go & antecedens. Sequela maioris probatur: quia nullum quantum paucioribus partibus constat, quam vllum aliud.

Resp. negando sequelam. Ad probatio- dictum est alibi. Maius, & minus dicuntur secundum partes determinatæ magnitudinis, & per ordinem ad certam mensuram: non autem secundum partes proportionales.

Obijcitur quartò. Nullus numerus fini- tus est diuisibilis in infinitum, ergo nec vl- la quantitas continua finita. Antecedens probatur, quia quicunq. numerus assignetur resoluitur in tot, vel tot vnitates, vltra quas non est vltcrius diuisibilis. Probatur autem consequentia: quia eadem ratio est de quan- titate continua, quæ de discreta, igitur etiam continua resolui debet in primo componen- tia, vltra quæ non debet vltcrius diuidi.

Resp. quòd quemadmodum numerus cen- tenarius hominum resoluitur in centum ho- mines, & non est vltcrius in alios homines diuisibilis, ita continuum centipalmare re- soluitur in centum palmos, & vltcrius ne- quit diuidi in alios palmos: & consequen- ter quoad hoc eodem modo se habent, & quantitas discreta, & quantitas continua. Rursus ex iis vnis in quæ resoluitur nume- rus aliqua sunt diuisibilia, aliqua indiuisi- bilia; putà numerus centenarius Angelorum resoluitur in centum indiuisibilia; numerus centenarius hominum in centum diuisibilia: cum primis nequit comparari continuum, seu quantum: cum hoc sit materiale, illa verò immaterialia, & ratione immateriali- tatis indiuisibilia. Potest cum secūdis. Qui- libet homo est diuisibilis in duas medieta- tes,



res, quarum neutra sit homo; quilibet pal-  
mus diuisibilis est in duas medietates, qua-  
rum neutra sit palmus. Quamuis autem neu-  
tra ex partibus, in quas diuiditur palmus sit  
palmus: vtraque tamen est lignum: vtraque  
aer, &c. si vel lignum, vel aerem palmarem;  
vel &c. accipias. Disparitas igitur inter par-  
tes numeri, & partes continui non est in in-  
diuisibilitate simpliciter, sed in indiuisibi-  
litate in plura, quibus communis sit ratio  
rei diuisæ. Puta homo est diuisibilis in par-  
tes non tot quin plures, & palmus ligni est  
diuisibilis in partes non tot quin plures.  
Singula in quæ diuiditur homo, non sunt  
homo; singula in quæ diuiditur quantum,  
sunt quanta, in quæ diuiditur lignum sunt  
ligna. In homine habes, & rationem homi-  
nis, & rationem quanti: hominem diuides  
non in plures homines, sed in plura quan-  
ta: tam enim quælibet pars hominis est diui-  
sibilis in plures alias, quam quælibet pars  
ligni. In ligno palmari habes & lignum, &  
quantum, & palmum. Diuides lignum pal-  
mare non in plures palmos, sed in plura  
quanta, & in plura ligna. Ratio cur non ho-  
mo in homines, sed quantum in quanta, li-  
gnum in ligna diuidantur, est quia nec li-  
gnum, nec quantum talem in sui partibus  
dispositionem requirunt; secus autem ho-  
mo, & alia huiusmodi.

Ex his patet ad argumentum. Quantitas  
discreta resoluitur in indiuisibilia simplici-  
ter, nega, in indiuisibilia secundum quid:  
omite, & idem dona de quantitate conti-  
nua. Quemadmodum enim numerus homi-  
num in homines ita continuum polipalma-

re in palmos: & quemadmodum homo in homines non diuiditur, sic nec palmus in palmos. Adeoq. numerus rerum materialium resoluitur in vnitates rerum diuisibilibus, sicut continuum in partes diuisibiles. Contingit autem partes partium esse eiusdem rationis in continuo cum suo toto, quod non contingit in partibus constituentium numerum, propter harum quidem heterogeneitatem, illarum verò homogeneitatem.

## ARTICVLVS V.

*An diuisibilitas in infinitum sit per potentiam physicam?*

**P**Ræter opiniones hætenus recitatas est & alia nō ignobilis inter recentiores. Opinantur igitur nonnulli continuum permanens esse quidem diuisibile in infinitum, loquendo de potentia absoluta: at si sermo sit de potentia physica deueniri tandem ad particulas adeò exiguas, vt per nullam vim naturalem vltèrius diuidi possint. Particulas huiusmodi vocant minima physica.

Qui ita sentiunt, ideò ita sentiunt, quia difficile cum sit decidere, an in continuo dentur partes inter se actu distinctæ, & supposito quod dentur, an omnes sint actu distinctæ, an aliquæ distinctæ actu, aliquæ solum potentia: an contra nullæ actu distinctæ, sed omnes in potentia; absurdum rati, & omnes distinguere, nè detur infinitum, & nullas nè palmus *A* sit palmus *B* in quanto bipalmari; mediā quamdam viam ineunt, aientes constare continuum ex partibus partium

tim in actu, & partim in potentia.

Partes quę sunt in actu, sunt illa minima, quę sunt numero finita, adeoq. in ipsis habent distinctionem sine infinitate. Partes quę sunt in potētia, sunt alię partes minores, & minores, in quas quodlibet minimum est absolute diuisibile: per hęc minimi diuisibilitatē saluāt diuisibilitatē cōtinui in infinitū.

Præterea sunt & alia commoda minimē contemnenda in his minimis. Nam per ipsa vitantur argumenta petita ex contradictorijs, ex relationibus æqualitatis, & similitudinis, causę, & effectus, quę contra eos militant, qui in continuo nullas, nisi potentiales partes admittunt. Exemplo rem explico. In hoc ligno bipalmari palmus *A* est æqualis palmo *B*. Hęc propositio videtur euidens: ergo inter palmum *A*, & palmū *B* datur relatio æqualitatis: relatio non est, nisi inter distincta; ergo palmus *A*, & pal-*B* sunt realiter distincti: Qui non admittunt partes actnales, & actualiter distinctas, negare debent antecedens, vel suppositum antecedentis: quod videlicet detur in ligno bipalmari palmus *A*, & palmus *B*. Hęc autem negatio videtur absurda. Qui admittunt minima, minimē hoc argumento premuntur. Si enim minimum à minimo, etiam palmus a palmo distinctus est. Hęc pro relatione æqualitatis, quę mutatis nominibus identificiunt pro relatione similitudinis. Accipe iam aliud pro relatione causalitatis.

Contingit aliquando flum ita comburi, vt ab vno extremo ad alterum serpat ignis continuatus. In hoc casu videtur euidens, quod vna pars ignis huiusmodi sit. causa al-  
terius

terius; putà si filum est bipalmare primus palmus ignis est causa secundi: & quia etià in primo palmo est prima, & secunda medietas; videtur prima medietas causa sequentis, & quia & filum, & flamma in quam conuertitur filum sunt in infinitum diuisibilia; assignando semper partem priorem, & posteriorem in qualibet assignata; quælibet prior erit causa posterioris. Si autem quælibet prior est causa posterioris datur inter hanc, & illam relatio causalitatis, quæ certum est non posse esse, nisi inter distincta. Est enim evidens nihil à seipso causari; cum præcipuè hic sermo sit de causa efficiente. Rursus dici nequit, quod vnum indiuisibile ignis sit causa alterius indiuisibilis: tum quia indiuisibilia supponuntur reiecta; tum etiam quia indiuisibile non agit, vt ex multis Philosophi dictis, hic recitant.

Minimistę igitur hic sua minima esse omnino necessaria putant; aiuntq. rem facile saluari per hoc, quod primum minimum causet secundum, secundum tertium, & sic vsque ad vltimum: nam in continuo quolibet est numerus determinatus minimorum, vltra quem non licet vltius progredi. Hęc autem minima quamuis partibus potentialibus content, producuntur tamen quodlibet totum simul. Si enim dicas etiam in minimo *A* esse primam, & secundam medietatem; negant: vel distinguunt; concedentes vtramq. in potentia, neutram in actu. Res autem agit non secundum quod in potentia est, sed secundum quod in actu. Cur autem non minus, quam minimum producat agens naturale; ratio est, quia nihil datur naturaliter

liter minus minimo; cur autem uon plus, ratio est, quia minimum *A* recte assignatur pro causa minimi *B*, cum appareat in filo prædicto flammam successiue produci. Porro de partibus potentialibus huius minimi non licet dicere; hoc, & illud: cum non habeant vltimum complementum in ratione huius, & illius: de quibuslibet autem minimis, dicere licet hoc & illud, ex quibus patet aliter componi minimum ex partibus potentialibus sui, aliter continuum ex suis minimis. Componitur minimum ex partibus potentialibus, adeoq. non habentibus vltimam actualitatem: componitur continuum ex minimis, habentibus singulis suam actualitatē. Hinc si rogetur Minimista quot sint minima in palmo ligni, rectē respondebit esse viginti quatuor milliones. Si rogetur quot sint partes potentiales in quolibet minimo, vel negabit suppositum; vel respondebit esse non tot quin plures.

De continuo autem successiuo res est paulo difficilior: discordant enim; dum alij dicunt dari etiam minima physica in duratione rerum, alij negant. Qui affirmant, designant in tempore particulas adeo exiguas vt naturaliter nequeant dari minores. Quidquid autem est, saltem per vnā ex istis particulis est: siue quidquid est, saltem per vñ ex his minimis durat. Sed quia dare durationem non est agentis naturalis; propterea recedunt alij ab hac sententia dicentes nullam esse durationem, quæ dici possit naturaliter debita; decerni autem à Deo hanc vel illam tantæ vel tantæ extensio-  
 minino  
 libere. Ita quidem vt pro sin-  
 iratio-  
 bus

nibus tamquam pro singulis beneficijs, singulas grates quælibet creatura debeat creatori, assignanti hanc pro primo; illam pro secundo beneficio, & sic de cæteris. Hanc & alias alienas à Philosopho sententias rejiciemus vbi Philosophi veram ac germanam sententiam statuerimus.

## ARTICVLVS VI.

*An in continuo partes insint actu, an solum potentia?*

**S**ententia peripatetica est inesse continuo partes non in actu, sed in potentia; hoc est magnitudinem quamlibet esse actu vnam magnitudinem, potentia autem plures & plures. Hanc sententiam stabiliiuit Philosophus per ipsammet definitionem *Quanti*; quam tamen admittunt etiam qui nobis contradicunt. Philosophus igitur 5. Metaph. cap. 13. sic habet. *Quantum est id quod est in ea quæ insunt diuisibile, quorum vtrumque aut singulum vnum quid, aut quod quid aptum est esse.* Ad intelligentiam huius definitionis repræsentatibi duplex genus diuisionis seu separationis partis à parte. In ligno potes separare & formam à materia, & palmum à palmo: per primam separationem, neutra pars remanet vnum quid, aut quod quid: hoc est neutra pars remanet intra speciem totius quod diuisum est. Per secundam autem vtræque pars remanet vnum quid, aut quod quid: & si vtramque rursus diuidas in semipalmos, & semipalmarum dimidia sagula remanebunt vnum quid, & quod quid;

quid; & intra speciem totius quod diuidis-

Ex hac autem definitione duo habes. Primum est in continuo plura inesse. Pater hoc ex his particulis: *in ea quæ insunt diuisibile*. Secundum est; ea quæ insunt, non actu sed potentia esse. Constat hoc ex his alijs particulis: *quorum utrumque aut singulum vnum quid, aut quod quid aptum est esse*.

Explicatur vis argumenti, accipiendo lignum bipalmare. Si in ligno bipalmari insunt actu duo palmi insunt actu duo ligna; sed in ligno bipalmari non insunt actu duo ligna; ergo in ligno bipalmari non insunt actu duo palmi. Major probatur: quia duo palmi qui insunt ligno non sunt palmi ut sic, nec ut proponuntur imaginationi Mathematici, sed duo palmi ligni; adeoque duo ligna ambo palmaria. Minor etiam probatur: quia si insunt duo ligna actu non solum vtrumque ex ijs quæ insunt, aptum est esse vnum quid aut quod quid; sed de facto est vnum quid aut quod quid. Igitur ex ipsa definitione apparet veritas sententiæ peripateticæ.

Confirmatur hoc ratiocinium ex communi conceptu hominum. Nemo videns lignum bipalmare dicit esse duo ligna, quamuis omnes dicant effici posse ex hoc ligno duo vel plura ligna: nemo autem supponit esse actu id quod dicit effici posse. Vbi obiter nota quod si dixeris: ex hoc ligno efficiam duo ligna nemo arguet: si dixeris: ex hoc ligno duo alia ligna generantur; omnes te arguent dicentque ex hoc ligno fungos generari posse, non ligna. Idem eueniet si dicas producturum te ex hoc ligno duo ligna. Ex quo

quo patet vocabulorum diuersitatem plus aliquando valere quam rerum.

Ex his tamen eruo argumentum pro sententia Philosophi. Conceditur & sine vlla controuersia conceditur ex vno ligno effici duo ligna: non conceditur ex vno ligno creari aut generari duo ligna: ita ut qui dicit: *fiunt*, assensum obtineat: qui dicit: *creantur & generantur* moueat risum; ergo inditum est intellectui aliqua fieri, quæ neque per creationem neque per generationem fiunt. Tria igitur, vt ita dicam fiendi genera hic attende. Aliqua fiunt per creationem, cuiusmodi sunt materia prima, anima rationalis & Angelus; quæ fieri dicuntur nullo concurrente subiecto. Aliqua per generationem & hoc modo fiunt substantiæ sensibiles ex alijs substantijs per eductionem videlicet huius vel illius formæ de potentia materiæ, hoc est subiecti communis huic & illi formæ. Aliqua denique per meram diuisionem, & hoc modo ex vna quantitate maiori fiunt plures quantitates minores; seu ex vna magnitudine maiori, fit multitudo minorum magnitudinum, iuxta illud: *in homogenies numerus nascitur ex diuisione continui*. Nasci autem numerum ex vno, & ex vno fieri plura; sunt vnum & idem.

Probatur eadem Conclusio auctoritate eiusdem Philosophi. 8. Physic. textu 68. *In continuo insunt infinita dimidia sed non actu, sed potentia*. Igitur partes in quas est diuisibile quodlibet continuum, ipsi insunt potentia, non actu. In palmo igitur semi palmus, in semipalmo eiusdem dimidium, & sic de cæteris, potentia insunt. Sunt qui  
Philo-



Philosophum sic interpretantur ut non dimidia sed infinita dimidia potentia dumtaxat inesse continuo intelligant. Puta palmo inest actu semipalmus, semipalmo actu dimidium semipalmi & quotquot dimidia dixeris: actu insunt; quia numquam dixeris infinita: infinita autem non insunt actu, sed potentia.

Hæc interpretatio non placet; immo nulla sententia magis displicet, quam quæ continuum conflat ex partibus partim actu, & partim potentia inexistentibus. Ratio est: quia meum nominare hanc & illam, hoc & illud dimidium non facit hanc & illam, hoc & illud actu dari, nec è conuerso meum non nominare hæc & illa dimidia facit non actu esse hæc & illa dimidia, sed distinctio seu pluralitas est aliquid quod est ex parte obiecti. Hinc sic argue: dantur aliquæ partes actu in continuo: ergo dantur omnes: seu, ne ludaris in hoc vocabulo *omnes*: ergo dantur plures. Deinde: ergo dantur non tot quia plures. Probabis consequentiam: quia ideo dantur plures quia continuum quodlibet est diuisibile in plures: sed est diuisibile in non tot quin plures; ergo dantur non tot quin plures. Est autem ineptum ex terminis concedere tibi pro partibus actualibus eas omnes, quas numeras, negare eas quas numerare non potes, cum evidens sit eandem esse de omnibus rationem.

Dupliciter ad hoc argumentum responderi solet. Prima responsio est non omnes partes acceptibiles esse collectivæ, adeoque posse dici de singulis quod distinguantur ab inuicem, non autem de omnibus. Non posse  
accipi

accipi collectivè autem esse doctrinam communem de infinito .

Hæc responsio non subsistit : quia si nequeunt accipi omnes collectivè , nequeunt esse omnes : sunt autem omnes ; ergo , &c. Esse omnes in quas est divisibile hoc lignum , eadem ratio probat , quæ probat esse aliquas . Quamvis enim diuidendo numquam devenias ad ultimam : nulla tamen est possibilis seu separabilis ab alia , quæ de facto non existat , & non componat cum alia hoc lignum : dum igitur dicis quod est à parte rei ; eo ipso dicis facere cum alijs unam collectionem . Implicat autem facere collectionem cum alijs & non facere illam infinitatem ; cuius omnes partes sint actus .

Secunda responsio est : partes in continuo distingui actus , actus esse plures , sed actus non constituere numerum . Adeoque interroganti quot sint , & an sint finitæ vel infinitæ ; respondetur non esse in ullo numero ; nec infinitas nec finitas : cum tam finitas quam infinitas passionibus sint numerorum . Non constituunt numerum : quia non habent singulæ suam unitatem , numerus autem nihil aliud est quam multiplicitas unitatum . Non habent autem suam unitatem ; quia non habet ulla ex partibus assignabilibus esse indivisibile in se & divisibile à quocunque alio cum quo faciat unum intra eandem speciem : unum autem est indivisibile in se & divisibile à quocunque alio . Hoc idem alij aliter dicunt : partes videlicet non habere in continuo ultimam rationem per quam sint una , duæ , & tres , quia non habent ultimam terminationem ; de non habentibus autem ultimam termina-

minationem male quæritur quot sint. Hæc autem vltima terminatio consistit vel in aliquo negatiuo, puta in negatione vnionis cū vltiori magnitudine: vel in aliquo positiuo; puta in aliquo puncto terminante hanc vel illam lineam; illamque in se sic sistente sicut coronis vulgo il *cornicione* sistit palatium in se. In vtrolibet autem ex his consistat talis terminatio, ea deficit in parte vnita alteri parti; sicut subsistentia seu consistat in positiuo seu in negatiuo, deficit, si natura vnatur vltiori substantiæ.

Hæc responsio subsistere potest apud eos qui pluralitatem sine multitudine, multitudinem sine numero: aut distinctionem sine pluralitate admittere possunt. Huic fauet illud ipsum dictum quod supra retulimus: in homogeneis numerus nascitur ex diuisione continui. Sed sicut numerus sine diuisione non stat: ita nec distinctio. Est enim etiam inter vnita pluralitas, & in hoc ipso quanto licet Aduersario numerum assignare, eodem iure, quo distinctionem & pluralitatem assignat. Puta si rogetur quot palmi ligni sint in hac tabula respondebit esse quatuor. Si quot semipalmi, respondebit esse octo, & sic per quamlibet ex ijs multiplicationibus quas habetis ex vestra Mathesi. Hinc argue: in hoc quanto est numerus palmorum & semipalmorum: in hoc quanto non est diuisio palmorum à palmis, semipalmorum à semipalmis, ergo in hoc quanto est numerus sine diuisione, ergo falsum est quod in homogeneis numerus nascatur dumtaxat ex diuisione continui.

Si neget esse quatuor palmos: esse octo  
semi-

semipalmos, & sic de ceteris, eodem iure tu negabis esse plures, & esse inter se distinctos. Quod si dicat palmum cum palmo facere numerum quia quamvis sit vnitus alteri palmo cum quo faciat vnum lignum; non est tamen vnitus alteri cum quo faciat vnum palmum: & consequenter quamvis non habeat vnitatem in ratione palmi, habet tamen vnitatem in ratione ligni.

Contra est: quia idem dices de reliquis omnibus partibus. Singulæ enim ita faciunt vnum cum singulis vt nulla faciat vnum in tali determinata mensura; puta millesima palmi ita facit vnum lignum & vnum palmum cum alijs mille, quibus mediate vel immediate vnitur; vt cum nulla faciat vnâ millesimam; adeoque si palmus & palmus simul vniti faciunt numerum omnes simul vnitæ facient numerum. Præterea dictum est supra palmos & semipalmos non dari, nisi ex aliqua materia: igitur si sunt actu quatuor palmi erunt actu quatuor quanta. Puta si sint quatuor palmi ligni, erunt quatuor ligna palmaria: & si sunt quatuor palmi vniti erunt quatuor ligna vnita. Quemadmodum enim palmus *A* & palmus *B* vnientur vt due extensiones minores in vnam maiorem; ita lignum *A* & lignum *B* vnientur vt duo ligna minora in vnum maius. Cur enim poterit esse extensio minor actualis vnita cum altera in maiorem; & non poterit esse vnum lignum minus actuale, vnitum cum altero in maius? vnum autem lignum esse actu plura ligna quis dicet?

## ARTICVLVS VII.

*Stabilitur magis eadem sententia argumen-  
torum solutione.*

**O**bjicitur primò: debent in continuo admitti aliqua puncta, ergo continuū conitat ex punctis; ergo reducitur in puncta. Probaturs antecedens. Sphæra tangit planum in puncto. Cylindrus tangit planum in linea; planum alteri plano superpositum tangit illud in superficie; ergo datur punctum, linea, & superficies. Probaturs antecedens: quia si sphæra tangit planum & non in puncto, tangit illud in aliqua parte diuisibili, consequens repugnat; ergo & antecedens. Probaturs hæc minor: quia si pars diuisibilis spheræ tangit planum; linea curua commensuratur rectæ seu adaptatur rectæ, quod est impossibile. Idem dic de Cylindro qui si non tangit in linea, tangit secundum aliquam latitudinem, in quo est idem inconueniens, adaptatio videlicet curuæ ad rectam. De plano autem super planum si non se contingant in pura superficie, contingunt se secundum aliquam profunditatem; & consequenter datur penetratio plani cum plano.

Probaturs iam primi enthymematis primæ consequentia: quia sphæra si voluitur super plano semper tangit in puncto; ergo totus ille circulus secundum quem sphæra contingit planum, constat ex punctis: tota autē sphæra in circulos huiusmodi diuisibilis est, & consequenter tota illa superficies secundum quam apta est volui super plano & contin-  
gere

gere planum; tota quanta est, ex punctis est. Idem proportionaliter dic de alijs.

Respondent aliqui concessio antecedenti: negando consequentiam. Concedunt antecedens: quia putant in quanto præter partes in quas est diuisibile dari puncta tum copulatiua, tum terminatiua. Puncta copulatiua sunt vniones partium cum partibus; terminatiua autem sunt illa quæ faciunt hanc & illam quantitatem positue sistere in se. Hi homines quando respondent argumentis probantibus puncta: dant puncta modo terminatiua modo copulatiua: Quando respondent alijs probantibus non constare ex punctis: dant partes diuisibiles: Quando alijs probantibus partes esse distinctas dant distinctas; Quando probantibus non esse distinctas, dant non distinctas: quia & aliqua puncta admittunt, & partes in infinitum diuisibiles; & inter has aliquas actuales, aliquas pure potentiales: commode quidem: sed non vere.

Resp. igitur transmissio antecedenti, neg. consequentiam. Transmitto antecedens quia hoc dictum: *Sphæra tangit planum in puncto* est veluti axioma, sed in sensu legitimo non inferens: ergo *datur punctum*. Ratio est quia sensus huius axiomatis est præcisius; in consequenti autem positue ponitur punctum. Quando igitur Mathematicus dicit: *sphæra tangit planum in puncto*, significat quod ad contactum sphæræ cum plano, nulla omnino magnitudo requiritur: sed quæcunque magnitudo signetur erit diuisibilis in duas partes, quarum altera tangat altera non tangat: nec vnquam quidquam designabis in sphæra, de quo verum sit: hoc totum requi-

ritur

ritur ad contactum. De sphaera volue animi  
ad Cylindrum. Dicitur hic tangere planum  
in linea, quatenus ad contactum ipsius cum  
plano non requiritur vlla determinata lati-  
tudo, sed quaecunque assignetur erit diuisi-  
bilis in duas longitudes; quarum altera  
tangat, altera non tangat. De plano super  
plano idem omnino dices. Dicuntur sese  
contingere in superficie, quatenus ad conta-  
ctum non requiritur vlla determinata pro-  
funditas. Itaque ad argumentum responde-  
re posses: sphaera tangit planum in puncto,  
præsiue: concedo, positiue: nego, & sic de  
cæteris. Sensum distinctionis habes ex dictis.

Dices: ex doctrina allata sequitur partes  
in continuo esse actu distinctas; ergo hæc do-  
ctrina repugnat sententiæ quæ hic sustinetur.  
Antecedens probatur: quia in sphaera aliqua  
pars tangit, aliqua non tangit. Item id secun-  
dum quod sphaera tangit planum, diuisibile  
est in partem tangentem & partem non tan-  
gentem: tangere & non tangere sunt contra-  
dictoria; ergo partibus in sphaera assignabili-  
bus conueniunt contradictoria: quibus au-  
tem conueniunt contradictoria, ea sunt di-  
stincta realiter.

Resp. negando sequelam. Ad probatio-  
nem respondeo cum distinctione: assignatur  
pars, &c. potentialis: concedo; actualis: ne-  
go. Sensus igitur distinctionis adductæ est,  
quod quælibet pars potentialis designetur in  
globo, ea per diuisionem potest euadere due,  
quarum altera tangat, altera non tangat.

Instabis: ex duabus quarum altera tangat,  
altera non tangat potest accipi illa quæ tan-  
git, relinqui illa quæ non tangit: sunt enim

à se diuisibiles, vt patet. Accipiatur ergo. Hæc vel est diuisibilis vel indiuisibilis, si in diuisibilis habetur intentum. ; si diuisibilis linea curua aptatur rectæ ; ergo vel dantur indiuisibilia ; vel linea curua aptatur rectæ.

Resp. concedendo ex duabús illis posse alteram accipi, relicta altera. Ad argumentum dico illam partem quæ accipitur & tangit esse diuisibilem in duas, quarum altera tangat, & altera non tangat. Quod si rursus accipias post talem diuisionem eam quæ tangit ; rursus dico hanc esse diuisibilem in duas, quarum altera tangat, & altera non ; quæ omnia dicta sunt dum diximus quamlibet partem assignabilem in globo secundum quam contingat planum, diuisibilem esse in duas, quarum altera tangat & altera non.

Obiter tamen monendus es multos esse qui ad solutionem argumenti huius dicant & plana perfecta & perfectos globos & alia huiusmodi repugnare. Nos autem damus hæc omnia, & idem dicimus de linea Cylindri, de superficie plani proportionaliter, quod de puncto spheræ.

Obijecitur secundò. In continuo successiuo debent admitti indiuisibilia ; ergo etiam in continuo permanenti. Probatur consequentia : quia si sint instantia non potest mobile vno instanti conficere partem spatij diuisibilem. Probatur hoc : quia in qualibet parte diuisibili pertransit prius prima medietas quam secunda ; implicat autem quod in instanti sit prius & posterius. Probatur iam antecedens : quia ex dictis dantur actiones instantaneæ : puta Deus actione instantanea creat Angelum, materiam primam, & quodlibet



libet aliud quod creet. Agens naturale instantaneè producit totam formam substantialem. Et luminosum instantaneè producit in toto spatio ad quod extenditur ipse actiuitas, totam lucem quam producit, ergo dantur instantia.

Hoc argumentum est simile primo, quamuis facilius illudat imaginationi quam primum. In forma nega antecedens. Ad probationem concede antecedens, nega consequentiam. Dicuntur actiones instantaneæ non quod sint in instanti mathematico temporis; sed quod producant terminum totum simul & non per partes. Producitur autem terminus non per partes dupliciter, videlicet vel eo quod careat partibus, & hoc modo producit Angelus & anima rationalis. Vel eo quod etiamsi constet partibus non tamen producit vna prius altera: adeoque idem est dari actiones instantaneas ac dari actiones productiuas indiuisibiliter totius termini. Hoc modo indiuisibiliter mea manus dextera tangit meam sinistram; non quod hæc aut illa sint indiuisibiles, sed quod per applicationem vnius ad alteram non prius vna pars tangatur quam altera.

Dicuntur etiam prædicti termini produci in instanti seu instantaneè, in sensu præcisivo sicut dictum est de sphaera tangente planum in puncto, quatenus videlicet non requiritur ad eorum productionem vlla determinata extensio temporis; sed qualibet assignetur, diuisibilis est in duas, in quarum altera res producat, in altera non. Et quia circa hoc ipsum potest instari sicut instatum est supra, postulando videlicet vt partem in

quæ producitur res, diuidas ab illa parte temporis, in qua non producitur, eadem responsiones tenendæ sunt, dando diuisiones postulatæ: sed non dando vllam particulam temporis, quæ non sit diuisibilis in duas, in quarum altera producat, & in altera non. Hinc obiter nota non posso assignari vllam temporis particulam, in qua res ita producat, vt intra eandem non conseruetur: atque hoc est quod aiunt, non dari primam productionem contradistinctam ab omni conseruatione.

Obijecitur tertio. Contigua sunt quorum extrema sunt simul: Continua quorum extrema sunt vnum, ergo tam in contiguis quam in continuis dantur actu extrema; ergo debent copulari aliqua vnione; hæc vnio recte dicitur consistere in punctis copulatiuis; ergo debent admitti puncta copulatiua.

Resp. concessio antecedenti; negando consequentiam. Immo ex hac definitione continui: videlicet: *cuius extrema sunt vnũ*, recte confirmatur nostra sententia: extrema videlicet esse solum potentialia: si enim actualia sunt, non sunt vnum sed plura. In ætherogeneis quælibet coalescentia in vnum quid, relinquit pluralitatem coalescentium: ita in homine aliud est corpus, aliud anima. Aliud caput, aliud brachium, aliud pes, aliud cerebrum, aliud cor, aliud pulmo, si hæc ætherogenea sunt, de quo in libris de anima. In homogeneis autem coalescentia plurium in vnum non relinquit pluralitatem. Puta ex pluribus guttis aquæ coalescentibus in vnum, ita fit vna aqua, vt ineptum sit dicere hanc esse actu plures aquas.

## ARTICVLVS VIII.

*Satisfit alijs obiectionibus .*

**O**bjicitur quarto . Quæcunque sunt separabilia, sunt distincta : in ligno bipalmari palmus *A* & palmus *B* sunt separabiles , ergo in ligno bipalmari palmus *A* & palmus *B* sunt distincti . Idem dic de gutta *A* & gutta *B* in aqua diuisibili in vtramque . Maior est primum principium . Nihil enim à seipso separabile est . Ex quo sic argue . Nihil separatur à se ipso : palmus *A* separatur a palmo *B*, ergo palmus *A* non est palmus *B*. minorem vtriusque syllogismi probat securis vel ferra .

Hoc argumentum est omnium argumentorum quæ hic sunt optimum . Et quia æqualiter militat contra quodlibet minimum ac contra totum Oceanum , ideò omnis Intellectus philosophicus qui inter vnam & alteram medietatem Oceani det distinctionem actualem , debet illam dare inter vnam & alteram medietatem cuiuslibet minimi physici . Nam quæcunque separabilia sunt, sunt distincta ; partes cuiuslibet minimi sunt à se inuicem separabiles ; ergo sunt distinctæ . Ad maiorem non nisi male adhibebitur hæc distinctio : quæ separabilia sunt naturaliter : concedo ; de potentia absoluta : nego : implicat enim per quamlibet potentiam , seu per vllam potentiam idem à se ipso separari, si sit idem realiter, non autem metaphorice , sicut ait amicus de amico pforans in discessu amici se à se separari .

qua producitur res, diuidas ab illa parte temporis, in qua non producitur, eadem responsiones tenendæ sunt, dando diuisiones postulatas: sed non dando vllam particulam temporis, quæ non sit diuisibilis in duas, in quarum altera producat, & in altera non. Hinc obiter nota non possit assignari vllâ temporis particulam, in qua res ita producat, vt intra eandem non conseruetur: atque hoc est quod aiunt, non dari primam productionem contradistinctam ab omni conseruatione.

Obijcitur tertio. Contigua sunt quorum extrema sunt simul: Continua quorum extrema sunt vnum, ergo tam in contiguis quam in continuis dantur actu extrema; ergo debent copulari aliqua vnione; hæc vnio recte dicitur consistere in punctis copulatiuis; ergo debent admitti puncta copulatiua.

Resp. concessio antecedenti; negando consequentiam. Immo ex hac definitione continui: videlicet: *cuius extrema sunt vnũ*, recte confirmatur nostra sententia: extrema videlicet esse solum potentialia: si enim actualia sunt, non sunt vnum sed plura. In ætherogeneis quælibet coalescentia in vnum quid, relinquit pluralitatem coalescentium: ita in homine aliud est corpus, aliud anima. Aliud caput, aliud brachium, aliud pes, aliud cerebrum, aliud cor, aliud pulmo, si hæc ætherogenea sunt, de quo in libris de anima. In homogeneis autem coalescentia plurium in vnum non relinquit pluralitatem. Puta ex pluribus guttis aquæ coalescentibus in vnum, ita fit vna aqua, vt ineptum sit dicere hanc esse actu plures aquas.

## ARTICVLVS VIII.

*Satisfit alijs obiectionibus .*

**O**bjecitur quarto . Quæcunque sunt separabilia, sunt distincta : in ligno bipalmari palmus *A* & palmus *B* sunt separabiles , ergo in ligno bipalmari palmus *A* & palmus *B* sunt distincti . Idem dic de gutta *A* & gutta *B* in aqua diuisibili in vtramque . Maior est primum principium . Nihil enim à seipso separabile est . Ex quo sic argue . Nihil separatur à se ipso: palmus *A* separatur a palmo *B*, ergo palmus *A* non est palmus *B*. minorem vtriusque syllogismi probat securis vel ferra .

Hoc argumentum est omnium argumentorum quæ hic sunt optimum . Et quia æqualiter militat contra quodlibet minimum ac contra totum Oceanum , ideò omnis Intellectus philosophicus qui inter vnā & alteram medietatem Oceani det distinctionem actualem , debet illam dare inter vnā & alteram medietatem cuiuslibet minimi phyfici . Nam: quæcunque separabilia sunt, sunt distincta ; partes cuiuslibet minimi sunt à se inuicem separabiles ; ergo sunt distinctæ . Ad maiorem non nisi male adhibebitur hæc distinctio : quæ separabilia sunt naturaliter : concedo ; de potentia absoluta nego : implicat enim per quamlibet potentiam , seu per vllam potentiam idem à se ipso separari, si sit idem realiter, non autem metaphorice , sicut ait amicus de amico plorans in discessu amici se à se separari .

nor autem æque probatur per diuinam omnipotentiam ac per; hanciam & securim.

Resp. Ex duobus syllogismis in obiectione propositis vnum, videlicet secundum, esse verum, & occasionem dare clariori explanationi nostræ sententiæ. Nostra sententia est, non palmum *A* esse palmum *B* neque enim dicimus in hoc ligno bipalmari palmum *A* esse palmum *B*; sed negamus in ligno bipalmari esse actu aut palmum *A* aut palmum *B*. Si autem neque sit palmus *A* neque palmus *B* adhuc verum est palmum *A* non esse palmum *B*. Hac in re decipiuntur multi ita philosophantes de palmo *A* & palmo *B* sicut philosophamur de animali & rationali. In homine rationale non distinguitur realiter ab animali: nec solum non distinguitur sed identificatur actu: non enim solum vera est hæc propositio: rationale non distinguitur ab animali in homine: quæ vera esset etiam si in homine nec animal esset nec rationale, sicut verum est: hinnibile non distingui à quadrupede in hoc ligno. Sed etiam vera est hæc alia: in homine animal identificatur cum rationali, quæ propositio supponit esse in homine & animal & rationale, & recte supponit: quia quamuis animal & rationale non distinguantur, datur tamen aliquid quod actu est & animal & rationale, ut patet ex dictis alibi. Non sic philosophandum est de palmo *A* & palmo *B* in quanto bipalmari. Verum est palmus *A* non est palmus *B*: quia neuter datur. Falsum est: palmus *A* est palmus *B* quia nec datur *A* nec *B*: nec quidquam quod sit *A* &  
*B* nisi.

*B* nisi in potentia. Nihil enim datur nisi hoc lignum quod potentia quidem est hoc & illud, actu autem neutrum. Prima unitas quam considerauimus in animali & rationali est unitas propria rei indiuisibilis in partes phÿsicas; secunda quam ponimus in quolibet quanto est propria rei diuisibilis in multa eiusdem speciei, cum re diuisa.

Ad argumentum in forma: quæcunque separabilia sunt cum constantia subiecti; sunt inter se distincta: concedo maiorem. si ne constantia subiecti, subdistingue: sunt distincta distinctione pure logica: omitte; distinctione phÿsica: nega. Distingui distinctione logica habetur per negabilitatē vnius de alio. Distingui distinctione phÿsica habetur per hoc quod vtrumque extremum sit actu, & neutrum sit alterum. Prima reperitur etiam inter ea quæ non sunt, secus secunda.

Obijcitur quinto. Quæcunque verificant actu & cum constantia subiecti contradictoria, sunt actu distincta: palmus *A* & palmarum *B* verificant actu & cum constantia subiecti, contradictoria; ergo sunt actu distincti. Maior est euidens: quia idem de eodem negari nequit & simul affirmari. Minor probatur: quia in hoc ligno palmus *A* est albus, & palmarum *B* non est albus: Esse actu album, probatur: quia actu subiectat albedinem, albedo autem non est actu in subiecto quod sit solum in potentia. Ita autem subiectari in palmo *A* vt non subiectetur in palmo *B*, patet ad oculum. Ex quo sic argue. Palmus *A* subiectat actu albedinem; ergo actu

est; palmus *B* non subiectat actu albedinem; ergo palmus *A* qui actu est distinguitur a palmo *B*

Resp. concessa maiori; negando minorem. Ad probationem nega albedinem subiectari in palmo *A* actu; li actu appellante actualitatem palmi. Verum est albedinem non subiectari actu in subiecto quod solum sit in potentia: sed falsum est subiectari in palmo qui sit actu, & non in potentia. Subiectatur autem actu in ligno quod actu est; & est potentia palmus *A* & palmus *B*.

Idem dic proportionaliter de tempore: dum actu loqueris, non loqueris in tempore quod potentialiter sit tempus; sed quod potentialiter est hæc & illa hora; actu autem tempus, & quidem vnum tempus, impotens esse plura nisi per diuisionem, quæ ex vno maiori, fierent plura minora.

Dices: ergo idem subiectat actu, & non subiectat albedinem. Probatur consequentia: quia lignum tam est palmus *B* quam palmus *A*, secundum palmum *A* subiectat actu albedinem, secundum palmum *B* non subiectat; ergo idem subiectat & non subiectat.

Resp. negando consequentiam. Ad probationem nego suppositum maioris. Lignum hoc non est actu neque hic neque ille palmus. Lignum hoc subiectat simpliciter & absolute; adeoque falsum est simpliciter & absolute quod non subiectet. Idem lignum subiectat etiam nigredinem & quidem ita ut utramque qualitatem habeat in summo. Non enim repugnat idem lignum secundum diuer-



diuersas sui partes summe dealbari & summe denigrari . Vnde habes quod idem subiectum potest subiectare contraria; & de eodem ligno dicere potes: est summe album, & est summe nigrum . Ad hoc enim sufficit quod illud lignum sit diuisibile, quod habetur etiam sine actuali partium distinctione .

Obijcitur sexto . Sequitur lignum bipalmare esse indiuisibile : consequens est absurdum ; ergo & antecedens . Sequela maioris probatur : quia dum dicitur diuidi in duo re ipsa destruitur & fiunt duo ligna de nouo : adeoque non aliter diuiditur quam diuidatur punctum maius in duo minora .

Resp. negando sequelam maioris . Ad probationem . Disparitas inter punctum & lignum est quod formaliter diuiditur lignum, & ex ipso fiunt duo . Punctum autem non diuiditur formaliter vt patet ex dictis . Dicitur lignum bipalmare per diuisionem destrui quantitatiue, sicut duo ligna palmaria fieri dicuntur quantitatiue ; Quia etiam hic suo modo generatio vnius est corruptio alterius . De hac autem factione & destructione dictum est supra .

Obijcitur septimo . Euidens est in homine esse caput & pedes, & caput non esse pedes ; ergo euidens est in homine caput distinguere realiter & physice à pedibus : caput & pedes sunt partes eiusdem continui ; ergo euidens est inter partes continui dari realem & physicam distinctionem .

Resp. concesso toto primo enthememate & minori subsumpta : distinguendo consequens : inter partes continui secundum ra-

tionem continui : nega , secundum aliâ rationem concede . In homine diuersitas partium habetur vel à formis substantialibus diuersis : vel à diuersis accidentalibus . Quomocunque habeatur hæc diuersitas , ratio talem diuersitatem constituens principaliter significatur per has & illas denominationes harum & illarum partium . Cum igitur vel forma substantialis capitis , si detur , vel accidentalis , vel vtraque distinguatur realiter à forma pedis , quæcunque illa sit , recte dicitur caput realiter distingui à pedibus . Quia in ætherogeneis denominatio diuersa habetur à formis dissimilantibus .

Dices : in Statua aurea vel marmorea non potest recurri ad diuersitatem formæ : in Statua datur caput & pes , & caput non est pes ; ergo etiam præscindendo à formis dissimilibus datur distinctio inter partem & partem eiusdem continui .

Resp. negando maiorem . Etiam Statua & infinita alia artefacta formis constant in suo genere ætherogeneis , quæ dicuntur per ordinem ad formas ætherogeneas naturales . Ita igitur in statua distinguitur caput à pede sicut in homine . Et sicut in statua non est aliud marmor caput , aliud pes , ita in homine non erit alia caro caput ; alia pes : sed & in statua idem marmor erit pes & caput , & in homine eadem caro .

Obijecitur octauo . Relatio causæ & effectus dicit distinctionem realem ; inter partes continui datur relatio causæ & effectus ; ergo inter partes continui datur distinctio realis . Maior est euidens : minor probatur in flam-

ma, quæ supra accendimus, excurrente per filum bipalmare. Ad intelligentiam penitiorẽ difficultatis considera flammam in medio fili quod accenditur, illa flamma est; & flamma quæ corripit aliud dimidium, non est: ergo flamma quæ est in primo dimidio nequit facere vnum cum flamma quæ erit in secundo. Antecedens est euidens. Cõsequencia probatur: quia id quod est nequit facere vnum cum eo quod non est, ergo &c. Idem sub alijs terminis sic propone. Est in natura flamma primi dimidij cum negatione flammæ secundi dimidij; ergo flamma secundi dimidi non facit vnum cum flamma primi.

Hoc idem argumentum mutatis nominibus facies contra continuum quodlibet successiuum. Puta primum dimidium horæ est, & non est secundum dimidium eiusdem. Immo primum dimidium horæ coexistit cū negatione secūdi dimidij horæ, ergo inter primū & secūdu dimidiū horæ datur distinctio realis. Antecedens est euidens: consequencia probata est supra.

Resp. difficultatem continui magis apparere in successiuo quam in permanenti. Est tamen verum non magis distingui partes in successiuo quam in permanente. In permanente vt ex pluribus fiat vnum debent illa plura esse, & simul esse. Puta vt ex pluribus guttis fiat vna aqua, debent esse & simul esse. In continuo autem successiuo ad hoc vt ex pluribus fiat vnum debent quidem illa esse, non tamen simul esse, puta vt ex duobus dimidijs horæ; fiat vnum tempus, debent cū duo illa dimidia, non tamen simul esse.

Hinc ex eo quod quando est primum dimidium, non fit secundum, non recte inferes nō fieri vnum ex primo & secundo.

Ad argumentum in forma; concessa maiori; nega minorem. Ad probationem distingue: existit prima medietas flammæ non existente secunda pro ea differentia temporis pro qua requiritur vt faciat vnum: nega; pro alia differentia temporis: concede. Ignis qui accenditur vel continue accenditur vel cum interruptione; si continue accenditur numquam est secundum ultimam terminationem nisi toto filo absumpto; si cum interruptione: ibi est ignis secundum ultimam terminationem, vbi interruptitur accensio. Si post interruptionem vterius pergit flamma; ex flamma quæ de nouo fit; et præexistente vnafit sicut ex duobus aquis vna aqua: & quemadmodum in aqua quæ fit ex duabus aquis non remanet actu hæc & illa aqua: ita in flamma quæ fit ex duabus flammis, non remanet hæc & illa flamma, In tali autem casu interruptionis flamma prior est causa posterioris; relationem autem causæ ad effectum non retinet cum coalescit in vnā; sicut non retinet esse quod erat: vt patet ex dictis. Vbi autem sine interruptione fit prædicta accensio: causa flammæ quæ corripit filum, est vel candela quæ filum accendit, vel quilibet alius ignis.

Instabis: ergo causa quæ non est, agit. Probatur consequentia: quia dum accenditur vltima medietas fili, candela extincta est; ergo vltima medietas flammæ est ab igne non existente.

Resp. negando consequentiam. Ad pro-

probationem dic flammam quæ corripit vltimam medietatem fili & flammâ quæ corripuit primam non esse duas; adeoq. falsum est non existere ignem quando est flâma quæ corripit vltimam medietatem fili. Tota æquiuocatio in hac materia est in concipienda identitate seu vnitatem tum illius flammæ tum cuiuslibet alterius continui. Non enim debes concipere identitatem seu vnitatem rei indiuisibilis, sed vnitatem propriam rei diuisibilis, in qua non datur hoc & illud: sed hoc quod per diuisionem aptum est dare hoc & illud. Si igitur bene concipis flammâ illam quæ incipit vrere filum & flammam quæ absoluit, esse vnam, recte intelliges ignem qui accendit filum coexistere flammæ, quæ totam filum absorbit: coexistere autem non indiuisibiliter, sed diuisibiliter.

Ad illud de tempore idem dic. Prima medietas horæ coexistit negationi secundæ, quæ negatio sit pro illa differentia temporis quæ requiritur ad diuisionem: nego, quæ negatio sit pro alia differentia temporis: omittit. Ut ex primo & secundo dimidio totius successui fiat vnum non debent primum & secundum dimidium sibi coexistere, sed vnum post alterum fluere. Vnum autem post alterum, non realiter vnum & alterum, sed per relationem eiusdem diuisibilis in plura; ad varias differentias temporis vel realis vel imaginarij, hoc est ad varios motus vel reales vel imaginarios quibuscum comparatur.

## ARTICVLVS VLTIMVS.

*Expediuntur reliqua circa quantitatem.*

**E**X dictis tota hac disputatione habes ex duabus sententijs quarum vna continuum conflat ex punctis Zenonicis, altera ex punctis, vt aiunt, inflatis, quamuis vtraque sit falsa, primam tamen esse longe probabiliorem secunda. Ratio est quia prima dum ponit indiuisibilia retinet in indiuisibilibus propriam rationem indiuisibilium, adeoque tibi non contradicit: secunda autem dum indiuisibilia ponit & eadem inflat vel reprimat prout oportet ad tuendum quod dicit, destruit in indiuisibilibus veram rationem indiuisibilium. Nam indiuisibile commensurari spatio diuisibili repugnat in terminis. Sermo enim est de indiuisibili materiali, adeoque vero & reali corpore, cuius proprium est esse in loco commensurabiliter.

Præterea est omnino contra rationem corporis esse totum in toto, & totum in qualibet parte totius spatij diuisibilis: quod tamen dicitur de quolibet ex punctis inflatis. Puta vnicum punctum aeris tantumdem loci occupat quantum mille puncta terræ, idque per vlicationem indiuisibilem, & consequenter act est in toto illo spatio in quo essent mille particule terræ, itaut totus aer impleat totum illud spatium, & totus quælibet partem illius spatij, quod à tota terra totum impletur, & à singulis partibus secundum singulas partes sui. Et quia nullum est corpus quo non possit dari aliud natura sua

rarius

rarius. Posset punctum alicuius corporis tantum spatij implere, quantum totus mundus, & tamen esse indiuisibile quod est ineptum ex terminis. Quod autem aiunt, punctum non esse corpus, sed punctum corporis, seu vnum ex indiuisibilibus conflatibus corpus: est mirabilius: quandoquidem vnico puncto corporeo, hoc est ex materia constante & forma, repletur impenetrabiliter spatium, cuiuslibet corpori par: vt possit esse in omni rigore metaphysico, verum illud Senecæ: *punctum est in quo pugnamus, &c.*

Insuper rationes quibus huiusmodi puncta explicantur à nonnullis nequeant sustineri. Petitur enim granditas & paruitas puncti à perfectione & imperfectione corporis quod constat; ita vt quæ perfectiora sunt tumidioribus, quæ imperfectiora depressioribus punctis consent. Hoc autem falsum esse manifestum est: nam contingit substantias corporeas imperfectiores, esse rariores perfectioribus. Puta aer & ignis quæ sunt elementa longe rariores sunt quibuscumque mixtis: nam quis dicat lignum esse rarius igne, adeoque quando lignum comburitur materiam transire in partem substantiæ densioris: & tamen certum est transire in partem substantiæ imperfectioris. D. Thomas ubi gradus sensibilibus ponit, ponit pro infimo Elementa, ab elementis ascendit ad mixta non viuentia; ab his ad viuentia. Si igitur corpora quo perfectiora sunt eo maioribus punctis conflatantur, oportet vt in conuersione elementorum in mixta, punctum materię quod erat in elemento, acquirat ybicationem

maio-

maiolem in mixto; adeoq. quodlibet mixtū sit rarius quolibet elemento. Hęc contra aliquos, non contra omnes. Multi enim punctorum tumorem non metiuntur ex perfectione corporum, aientes, & rationabiliter quidem; raritatem & densitatem aliunde peti quam ex perfectione entitatiua corporum.


Uterius: non est verum vbicationem maiorem esse meliorem, nam etiam quæ contra naturam rarefunt, vbicationē acquirunt maiorem, nec tamem melius vbicantur cum vbicantur violenter, quam cum se habent secundum naturam. In huiusmodi rebus bonitas & malitia dicuntur relative ad finem subiecti, & illa accidentia dicuntur meliora vel deteriora, per quæ melius aut deterius se habet subiectum in ordine ad suos fines. Puta si quis quæreret: vter est melior motus; tardus ne an velox? Si bene respondeas dices: vterq. & neuter. Neque velox est melior Testudini neq. tardus est melior Aquilæ: sed & tardus melior Testudini & velox melior Aquilæ. Eodem modo: vtra vbicatio est melior an ingens an modica? Vtraq. & neutra: ingens est melior Boui, modica est melior Ranæ; nec modica est melior Boui, nec ingens melior Ranæ. Ratio autem a priori, in fauorem doctrinæ quam hic obiter impugnamus, est inepta. Dicitur enim vbicationem ampliorem exigere ob æquiualentiam vnius rei pluribus. Quasi vero res quæ in perfectione pluribus æquiualeat etiam æquiualeat debeat in occupatione loci. Non est necesse quod quidquid plus participat de vna perfectione diuina formaliter



litor plus etiam participet formaliter de qualibet alia. Puta non est necesse ut quælibet creatura perfectior altera, eo plus duret quam altera quo est perfectior. Est enim certum viuentia imperfectiora diutius vivere perfectioribus: & Angelos inæquales equaliter vivere seu durare, quandoquidem simul creati simul in æternum erunt. Dicere autem quod perfectior plus duret imperfectiori, quia quodlibet instans ipsius æquivaleret pluribus alterius: est extra rem, cum uterque simul creatus sit, & neuter unquam desinat esse, adeoque illud instans tumidius inapte excogitatur in altero ut diutius viuat.

Si autem de ratione perfectionis creaturæ non est plus participare de æternitate, cur erit de ratione eiusdem plus participare de immensitate? Quod si de qualibet perfectione diuina formaliter accepta plus participet creatura perfectior quam imperfectior, debeat quilibet creatura perfectior esse sapientior, misericordior imperfectiori: adeoque aer erit sapientior aqua, quodlibet mixtum sapientius elemento, & sic de cæteris: quæ omnia, sunt inepta ex terminis; nec venire possunt in mentem hominis plusquam superficialiter philosophantis.

Denique quid sciendum sit de minimis indicatum est supra: ubi offensum est homini videnti intellectui æque laborandum in minimo, ac in toto Oceano. Et consequenter eadem prorsus facilitate dices in bipedali non esse actum, sed potentia duos pedes; ac in minimo non esse actum, sed potentia duas partes eiusdem. Atque hæc de contingentiis.



## DISPUTATIO VLTIMA.

*In libros de Mundo, & Cælo.*

## QVAESTIO I.

*An Mundus sit vnus, & perfectus.*



VNDVS est compages è Cælo, terraq; coagmentata, & ex ijs naturis, quæ inter ea continentur. De hoc quæritur, an sit vnus, an plures.

Dicendum est 1. Mundus est vnus. Conclusionem hanc probat D. Thomas 1. parte, quæst. 47. art. 9. Probat autem ratione altissima, & à priori; desumpta videlicet à sapientia conditoris. Mundus vt sit sapienter conditus debet in eo dari ordo eorum, quæ sunt in ipso, ad se inuicem, & eorundem ad Deum: sed in ordine huiusmodi consistit vnitas, ergo si est sapienter conditus, est vnus: sed certum est esse sapienter conditum; ergo certum est esse vnum. Minorem probat: quia vnitas consistit in hoc, quod omnia inter se ita colligentur, vt sibi inuicem correspondent, & per huiusmodi correspondentiam conditoris sui sapientiam montrent. Nam scire ordinare ait Philosophus, maxime est sapientis,

Con-

Confirmat suam hanc doctrinam Doctor Angelicus animaduertendo, quod ij solum posuere plures mundos, qui vnā mundi causam eamq; sapientissimam ignorauere. Inter hos fuit Democritus, ijq. omnes, qui ex fortuitu atomorum concursu fieri omnia opinati sunt. Quæ autem casu fiunt, inordinatè fiunt.

Eandem hanc rationem affert Philosophus vbi vnitatem Mundi probat ex vnitatè primi mouentis omnia propter seipsum facientis, & ordinantis ad seipsum, vt ad vltimum finem. Si autem omnia ordinet ad seipsum, necesse est inter se ipsa ordinari, cum inordinata non ordinentur ad vnum. Rationes huiusmodi probant non modo mundum esse vnum, sed non posse esse, nisi vnum. Nam implicat fieri multa non ordinata ad vnum ab eo, qui omnia propter semetipsum operatur: hoc est à Deo. Et consequenter implicat ea multa, quæ fiunt, non habere vnitatem, quam hic propugnamus.

Dices: dici solet Deum posse facere mundos non tot quin plures; ergo non implicat mundum non esse vnum.

Resp. negando consequentiam. Etiam illi Mundi non tot quin plures essent vnus mundus vnitatè illa, quam supra explicauimus. Quando igitur aiunt esse possibiles plures mundos nihil aliud intelligunt, nisi possibiles esse plures creaturas, & plures collectiones creaturarum similes illis collectionibus, quæ de facto sunt. Plures autem illæ collectiones haberent ordinem inter se, & omnes ordinarentur ad Deum.

Dicendum secundo. Mundus est perfectus. Constat hoc ex ipso nomine: Idem enim dicit mundus, ac ornatus elegans, & concinnus, unde illa ornamenta, quibus vanæ mulierculæ ornantur, latine mundus muliebris appellantur. Probatur etiam Mundi perfectio ex diuinis litteris: Dei perfecta sunt opera: Mundus est opus Dei; ergo mundus est perfectus. Item: Mundus est valde bonus quod est valde bonum est perfectum; ergo &c. Probatur maior: quia vidit Deus omnia que fecerat, & erant valde bona.

Perfectionem Mundi probat Philosophus in libris de Cælo; argumento Pythagorico Omne trinum est perfectum, tria enim est vndeque perfectio. Sed in Mundo sunt ista tria, ergo Mundus est perfectus. Namine istorum trium intelligit Philosophus cum Pythagoricis trinam dimensionem, quæ conuenit corpori perfecto, immò per quam corpus dicitur quid perfectum. Sed Mundus habet trinam dimensionem; ergo Mundus est perfectus. Valeat hoc argumentum quantum valere potest.

Obijcies: in Mundo dantur plures corruptiones, dantur multa monstra; ergo mundus non est perfectus. Antecedens est manifestum. Omnes morimur, & sicut aqua dilabimur, aiebat illa ad Dauidem. De monstris autem quod plura sint nequit dubitari præcipuè in Africa, unde est illud: *In Africa semper aliquid noui*. Oritur autem ista monstrorum frequentia in Africa ex infrequentia fontium. Contingit enim animalia specie diuersa ad eosdem fontes simul concurrere, ibique monstra concipere. De mon-

istis alibi dictum, est ubi de causis per accidens.

Resp. concesso antecedenti, negando consequentiam. Hic ipse rerum interitus pulchritudinem affert vniuerso, cum interitus vnius sit ortus alterius. Hanc vniuersi pulchritudinem ortā ex ortu, & interitu rerum explicat Augustinus elegantissimè in libro de natura boni, & alibi per comparisonem cum Musica, siue Harmonia, quæ habetur per hoc quod alijs tonis intereuntibus, alij enascantur, qui si simul essent non facerent Harmoniam, sed confusionem, vt notum est virtuosus.

De monstris etiam certum est, quod faciunt ad pulchritudinem vniuersi, & etiam ad voluptatem. Patet hoc ex concursu vulgari co properantis, ubi monstra monstrantur. Monstra esse quandam vniuersi deformitatem putant insipientes, quia non totum vniuersum animo speculantur: qui autem totum vniuersum inspiciunt, sic considerant monstrum, sicut in formoso corpore naeuum, qui pulchritudinem non minuit, sed commendat; unde qui naeuo carent a natura sæpe illum ab arte sibi adsciscunt. De monstris vide Augustinum de Ciuit. Dei lib. 16. cap. 8. ubi sic habet. *Deus enim creator est omnium, qui ubi, & quando creari quid oporteat, vel oportuerit ipse nouit: sciens vniuersitatis pulchritudinem, quarum partium, vel similitudine, vel diuersitate contexat: sed qui totum inspicere non potest, tamquam deformitate partis offenditur; quoniam cui congruat, aut quo referatur ignorat.*

## QVAESTIO II.

*De partibus Mundi.*

## ARTICVLVS I.

*De Mole terraquea.*

**M**Oles terraquea, vt ex ipso nomine patet, est totum illud, quod ex terra, & aqua constat, nobisq. & quadrupedibus, & piscibus natura obtingit ad incolatum. De hac mole queritur hic cuiusnam figuræ sit.

Dicendum primò. Molem terraqueam non esse mathematicè rotundam. Patet hæc conclusio consideranti quod superficies terræ alicubi extollitur in montes, alicubi deprimitur in valles, adeoq; puncta superficie non omnia æqualiter distant à centro.

Dicendum secundò. Molem terraqueam esse physice rotundam. Dicitur physice rotunda, quia oculo ex debita distantia hanc consideranti apparebit rotunda. Probatur autem hæc conclusio ex umbra quam emit, quæ semper est conica. Conicam vocant, quæ illius figuræ est, quam habes in fructibus, seu pomis Cyparissi, vnde dicit Poeta; *Et conspera Cyparissi.* Vel si aliam explicationem desideres, obijce corpori luminoso nilam luforiam, & vmbra illam, quam proiecit conum appella.

Probatur secundò ex ortu Planetarum, qui prius oriuntur regionibus Orientalibus

Si enim in Aequinoctiali ab ortu pergas ad Occasum, post singula nongenta miliaria, vna hora tardiùs tibi Sol orietur.

Probatur tertio. Quia naus recedens à litore paulatim ita deprimitur, vt de illa primū non appareat, nisi summitas puppis dein ipsa puppis tota abscondatur, & appareant vela, & antennæ, denique quod in ipsa summum est, extremum appareat, donec tota à conspectu recedat. Si autem aliquis altissimam in litore turrin ascendat, hoc ipsum videbit manifestius, diutiusq. nauim ipsam aspiciet, quam qui sunt infra. Sunt & alia rotunditatis huiusce argumenta. Sed facilliora attulisse in re non omninò nostra, sufficiat.

Obijcitur tamen: Si moles terraquea esset rotunda ijs qui sunt in litore mare appareret decliue, hoc est deorsum vergens. Consequens est falsum; ergo & antecedens. Minor probatur experientia, qua constat mare aspicientibus, illud eleuari potius, quam deprimi.

Resp. negando maiorem. Cuius falsitas ostenditur in regulis Prospectuæ. Oculus humilia subleuat, & sublimia deprimat. Constat hoc experientia. Finge te esse in aliquo longissimo ambulacro, cuius plana tam superius, quam inferius sint parallela. Videbis planum inferius eo magis eleuari, quo magis ab oculo recedit, secus verò, planum superius eo magis deprimi; itaut quæ prope aspicientem à se inuicem notabiliter distant, procul ab aspiciente sibi proxima videantur.

Ratio a priori talis apparentiæ est, quia  
radij

radij visuales, per quos puncta vtriusq. plani feruntur ad oculum, quo longius producuntur eo magis accedunt ad lineas parallelas, cum altero, seu cum quolibet, vel potius cum utroque plano. Lineæ autem huiusmodi admovent apparenter planum superius plano inferiori, ut consideranti patebit.

Ratio physica conclusionis suprapositæ est: quia omnia æqualiter grauiæ æquali impetu tendunt, seu feruntur ad centrum terre unde est ille ordo in corporibus, per quem grauiora propius centro circum applicantur, adeoque secundum differentiam grauitatis inter se habent differentiam propinquitatis, & distantie à centro, cui vndique circumfunduntur.

## ARTICVLVS II.

*De ijs, quæ mediant inter Cælum,  
& terram.*

**A** Globo terraqueo vsque ad Cælum circumfunditur vel solus aer, vel aer, & ignis. Totam aeris profunditatem in tres regiones communiter diuidunt, infimam, supremam, & mediam. Infima globo terraqueo immediatè circumfunditur, & ab eius superficie ad quingentos circiter altitudinis passus assurgit. Media vsque ad quartum à terra milliarc. Suprema ad quinquaginta duo milliaria extenditur. Totam hanc aeris profunditatem Atmosphæram appellât, hoc est sphaeram vaporum, siue halituum. Exsurgant enim halitus à globo terraqueo non  
altius



altius eleuari, quam ad quinquaginta duo milliaria.

Post aerem; an detur sphaera ignis, contro- uersum est, & de mente Philosophi vix pro- ferri potest certa sententia. Existimant sa- tis communiter recentiores Philosophi à globo terraqueo immediate vsque ad con- cauum Firmamenti diffundi corpus quod- dam tenue, ac subtile, quod ratione hali- tum ab eodem globo terraqueo incessan- ter effluentium vsque ad certam distantiam, vno nomine vocant: post quam distantiam, quia depuratum est ab hālitibus huiusmodi aliud nomen sortitur. Prope nos vbi per- mixtum est crassioribus spiritibus dicitur aer: vbi autem depuratum est a crassioribus, & tenuioribus abundat vsque ad concauum Lunæ ignem appellant; quamuis sit eadem vbique substantia, & ob differentiam in puritate halituum differentia nomina sor- tiatur.

Alij putant dari verum, & proprium ignem supra regionem aeris supremam; sphæramq. ignis illam mundi partem voca- ri, non quod abundet spiritibus igneis, hoc est subtilioribus, sed quod ignem contineat, qui verè, & substantialiter ignis sit; adeoq. negant intra illam sphaeram esse substantiam eiusdem rationis cum illa, quæ infrà diffun- ditur ad superficiem globi terraquei. Hæc cōtrouersia nullius momenti est, & vnicuiq. prout libuerit decidenda.

## QVÆSTIO III.

*De Systemate Vniuersi.*

## ARTICVLVS I.

*Systema Copernicanum.*

**S**ystema vniuersi nihil aliud est, quam partium vniuersi ordinatio: seu distributio partium vniuersi secundum locum. Tertiam esse in medio mundi sapientiores inter veteres vnanimi sententia existimarunt, ut videre est apud Platonē, Aristotelē, Ptolomæum, aliosq; innumerabiles. Non desuere tamen, qui pro centro mundi ponerent Solem circa quem Tellus aliq; Planetæ voluerentur. Hanc sententiam multis seculis obliuione sepultam renouauit in lucem Nicolaus Copernicus, eamq; tam multis argumentis inuehere conatus est, ut Systema hoc, merito Copernicanum dicatur.

Ponit igitur Copernicus Solem pro centro Mundi. Circa Solem voluuntur Mercurius, Venus, Tellus, Mars, Iuppiter, Saturnus; eodem ordine, quo hic enumerantur à nobis. Post immensam deinde à Saturno distantiam est Firmamentum, seu Cælum stellarum fixarum. Circa Tellurem autem, seu Terram voluitur Luna cæteris Planetis excentrica, ut apparet in prima figura pag. 673.

Prius quam hoc Systema Copernicanum rejiciatur à nobis declarandi sunt motus, qui

qui à quolibet Planeta sunt. Primò igitur circa Solem immobilem voluitur Mercurius, suamq. reuolutionem conficit octoginta diebus. Supra Mercurium voluitur Venus suamq. reuolutionem absoluit mensibus circiter nouem. Sequitur orbis Terræ, quem vocant orbem magnum siue annum, eo quod spatium vnius anni compleatur. Circa Terram circumagitur Luna, cuius cursus mense vno conficitur. Supra orbem Lunæ est orbis Martis, cuius reuolutio est duorum circiter annorum. Supra orbem Martis est orbis Iouis, cuius reuolutio annis duodecim. Supra orbem Iouis est orbis Saturni, cuius reuolutio annis triginta peragitur. Inter Saturnum autem, & Firmamentum ingens, ac pene immensum est interuallum.

Rursus præter motum annum Terræ est eiusdem, & alius motus, quem diurnum vocant, quo videlicet ab Occidente voluitur ad Orientem spatium viginti quatuor horarum. Motum hunc motum veruginis vocant.

Iuxta hanc hypothese[m] septem Planetæ sunt Mercurius, Venus, Tellus, Luna, Mars, Iuppiter, Saturnus, in ijs Sol non adnumeratur, cuius immotus maneat pro centro vniuersi. Atque hinc desumitur prima impugnatio Systematis Copernicani, omnes enim Solem pro Planeta, & naturæ ductu, allegerunt Solem circa terram circumagi, circa terram inquam, immotam, & positam pro medio mundi.

Respondent Copernicani, quod siue Sol moueatur immota terra, siue Sole immoto Terra moueatur eadem omnino sunt appa-

rentiæ, vt patet ex apparentia, quâ oculis eorum, qui in naui etiam citatissima recedunt à littore, videntur terra, & littus recedere eodem modo, ac si immota naui ipsa recederent, vnde ait Poeta: *Trrraq. vrbesq. recedunt.* Quamuis reipsa non terræ, & vrbes, sed naui recedat.

Hæc responsio non fauet Aduersarijs. Assume quod dant, nimirum in vtraque hypothesi, videlicet & in Copernicana, & in contraria easdem fore apparentias: ex hoc quid inferes, nisi ex apparentijs nihil concludi? Quid igitur dicendum sit vnde scies, nisi ab eo, qui fecit? Hunc audi Ecclesiastis 1. *Generatio præterit, Generatio aduenit, terra autem in æternum stat: oritur Sol, & occidit, & ad locum suum reuertitur.* Vides hic ortum, & occasum ipsamq. Solis circulationem expressè affirmari; Terræ autem immobilitas non adeò expressè hic affirmatur; sed potius eiusdem perseverantia in esse, seu constantia: comparatur enim hic stare terræ cum præterire, & aduenire generationis: sensusq. esse potest hic: multa quotidie nascuntur, & multa intereunt, terra autem ex quo est, eadem est, & eadem vsq. in finem sæculorum manebit.

Alibi tamen terræ immobilitas non minus euidenti scripturæ testimonio confirmatur. Dicitur enim Psalm. 103. *Qui fundasti terram super stabilitatem suam, non inclinabitur in sæculum sæculi.* Copernicani aiunt illam perpetuò inclinari, dum aiunt moueri tum motu diurno, tum annuo. Aiunt igitur intelligendas esse scripturas non secundum rem, sed secundum apparentiam.

Hanc

Hanc responsionem reijcit decretum Sacrae Congregationis 5. Martij 1616. quo doctrina de mobilitate terræ, & Solis stabilitate declaratur falsa, & repugnans diuinæ scripturæ. Tunc enim consulti sacrorum librorum interpretes ita vnanimiter sensere: Quibus additi sunt sapientiores Philosophi, qui doctrinam hanc absurdam in Philosophia censuerunt.

Et reipsa hæc responsio manifestè repugnat doctrinæ Patrum, hanc in intelligendis scripturis regulam tradentium, vt in proprio sensu intelligantur vbi nihil ebitat; sed etiam iuxta Copernicanos nihil obstat, quin intelligatur vera, & realis immobilitas terræ, vera, & realis reuolutio Solis circa terram; ergo ita debent intelliigi: & reipsa ita intelliguntur etiam à Mathematicis sapientioribus, vt habes apud Ricciolium, & alios, quamuis aliqui, vt videantur posse contradicere, & obstinari contra Philosophos, quod magno honori sibi ducunt, aliter sentiant, non alio argumento, nisi quia non possunt cogi ad bene sentiendū, hoc est, quia non possunt inuiti sapere.

Argumenta mathematica contra hanc sententiam habes innumera apud prælaudatum Ricciolium, quæ cum non sint huius fori, non vacat huc referre:

## ARTICVLVS II.

*Proponuntur duo alia Systemata.*

**R**epudiato Systemate Copernicano; superesset verum Systema describere, &  
f f iij vni-

num: supra crystallinum est Empyreum statio Beatorum, in qua describendi Vniuersi finem facimus. Vide tertiam figuram.

## Q V Æ S T I O IV.

### De Cælo.

#### A R T I C V L V S I.

##### *De Fluiditate, & corruptibilitate Cælorum.*

**D**ividimus Cælos in eos, qui infra, & eos qui supra firmamentum sunt. Hoc posito.

Dico primò. Firmamentum est solidum. Probatur hæc conclusio ex ipso nomine Firmamenti, quod soliditatem quandam sonat. Probatur secundò ex ijs, quæ infra dicemus.

Dico secundò. Cælos tam qui infra, quàm qui supra Firmamentum sunt esse fluidos. Probatur hæc conclusio: quia Deus fecit Firmamentum in medio aquarum, & Firmamento diuisit aquas ab aquis; ergo Firmamentum non est fluidum, sed solidum. Probatur consequentia: quia si esset fluidum non esset aptum diuidere fluidum superius ab inferiori; sed cum utroque continuaretur. Ex eodem antecedenti infer: ergo tam supra, quàm infra Firmamentum est fluidum, quod intelligitur nomine aquarum. Neque enim hic nomine aquæ intelligitur illud elementum, quod immediatè superfunditur

terræ ; sed substantia tenuis , & fluida.

Probatur præterea ex nomine cœli crystallini , quod sonat substantiam quandam diaphanam , & tenuem. Empyreum autem ignem potius sonat quam aquam , sed nomine ignis intelligi debet corpus tenuissimum. lucidissimum , & fluidissimum , adeoque per alia corpora facile permeabile. Hæc de cœlis superioribus.

Quoad Cœlos , qui infra Firmamentum sunt , facilius probabis eos esse fluidos . Si enim sint fluidi aptiores sunt motibus Planetarum. Igitur à superficie globi terraquei vsque ad Firmamentum diffunditur substantia tenuis , & permeabilis , in qua superiorum corporum motus facillimè fiant. Quia verò primus omnium Planetarum est Luna , ultimus verò Saturnus ; ideò ab orbe Lunæ vsque ad orbem Saturni spatium designatur , in quo moueantur Planetæ sicut in mari pisces , quod spatium propterea Cœlum Planetarium appellatur.

Si tamen nullum aliud esset argumentum fluiditatis : nimis fluido argumento hæc sententia niteretur ; veteres enim Planetarum motum cum cœlorum soliditate , nihil hæsitantes composuerunt. Est igitur aliud unde prædicta fluiditas arguatur. Obseruarunt recentiores infinita Phænomena , quæ ab Antiquis ignorata fuere , ex quorum motu cœlorum fluiditatem demonstrant. Huiusmodi Phænomena fuere plures Cometæ ; qui supra orbem Lunæ depræhensi fuerunt ab Astronomis. Talem aiunt fuisse eum qui apparuit 1577. Talem alium 1618. Talis etiam fuit depræhensus à nobis ille , qui apparuit

paruit anno 1652. Talis denique qui ante octo annos terruit orbem terrarum .

Porro hi Cometæ tales motus habuere in Cælo planerario , vt omnes rerum celestium gnari pronuntiarent , non posse eos cum Cælorum soliditate componi, quos videlicet ascendendo & descendendo ita permearent , sicut tota maris profunditas permeatur à piscibus .

Notandum autem est hic iisdem omnino argumentis Astronomos descripsisse Systema à nobis traditum , & admissum pro vero ; quibus descripsere Cometæ supra Lunam, & alium ordinem Planetarum . Iurant enim se Venerem & Mercurium & Martem ipsum aliquando infra , aliquando supra Solem vidisse ; sicut iurant se Cometæ vidisse in Cælo Planetario . Et consequenter eadem est vtriusque rei probatio , depositio videlicet testium oculatorum, & consentientium, cum iuramento .

Quæres quomodo deprehendi possit altitudo illa & depressio vnius Phænomeni supra vel infra aliud .

Resp. deprehendi per parallaxim. Phænomena quo depressiora sunt eo maiorem; quo altiora eo minorem exhibent parallaxim . *Est autem parallaxis: varia secundum apparentiam habitudo eiusdem Phænomeni ad eadem puncta supra se: Phænomeni, inquā vel ex uno, vel ex diuersis locis asperiti .* Et quia facilior est intelligentia huius rei si ex oppositis punctis idem spectetur Phænomenon , propterea parallaxim huiusmodi descriptam habes in vltima figura ex suprapositis pag. 678.



Habes in prædicta figura duo Phænomena *D* & *C* : utrumque spectatum ex punctis *A* & *B* manifestum est autem radios visuales perforantes Phænomenon *D* magis inter se diuarguari, & in puncta Firmamenti incidere a se inuicem remotiora ; quam radios perforantes Phænomenon *C* vsque ad idem Firmamentum productos. Primum quod est propius Terræ patitur maiorem, secundum quod est à terra remotius, minorem parallaxim, quo igitur sublimiora sunt Phænomena eo minorem, quo Terræ propiora eo maiorem exhibent parallaxim.

## ARTICVLVS II.

*An Cæli sint corruptibiles.*

**R**espondetur affirmative. Probatur Conclusio auctoritate sacre Scripturæ. Habetur enim in Epistola D. Petri quod Cæli ardentes calore soluentur. Quia tamen dicere posset aliquis per huiusmodi testimonia non probari Cælos esse corruptibiles, sed solum de facto destruendos à Deo, seu redigendos in nihilum, afferri debent alię probationes. Antequam tamen afferantur notandum prædicto testimonio non affirmari solum dissoluendos esse Cælos, sed ardentes, adeoque conuectendos in ignem, ab igne deuorandos. Si autem hoc modo soluantur per veram corruptionem solvantur.

Sunt qui dicunt perituros Cælos ab igne, quamuis naturaliter corrumpi nequeant, nec ab igne, nec ab yllo alio agente naturali;

li; Nequeunt autem: quia ad hoc ut ignis vel quodlibet aliud agens agat in ipsos, debet ipsis applicari: nequit autem ullum ex his agentibus ipsis applicari, igitur nequit ullum ex his in ipsos agere. Minor probatur: quia hæc agentia sunt à Cælis remotissima. Propterea dicunt Cælos esse remote, non autem proxime corruptibiles. Verum controuersia non est an Corporibus celestibus applicari possint, an non, agentia corruptiua eorundem; sed an corpora celestia ita sint constituta natura, ut corrumpi possint. His igitur omisissis.

Probatur Conclusio ex Phænomenis quæ obseruauerunt curiosiores Astronomi. Aiunt hi & iureiurando affirmant, se in Cælo planetario generationes obseruasse nouorū corporum, quod fieri nequit sine corruptione, cum ex nihilo nihil fiat, generatioque vnius sit corruptio alterius. Anno 1572. apparuit Stella de nouo genita in Cassiopea, hoc est respondens signo Cassiopeæ. Alia 1600. in pectore Cygni, & quidem lucidissima. 1604. in genu Serpentarij, quæ omnia suse examinata reperies apud Ricciolinum, qui insigniorum Mathematicorum testimonia in hanc rem plura exaggerat.

Hæc tamen argumenta non sunt adeo efficacia ut negari non possit, etiam his stantibus, corruptibilitas Cæli. Quemadmodum enim ex generatione Cometarum qui in Planetario Cælo accenduntur, non infertur efficaciter eos generari ex corporibus celestibus, ita etiam dicere posses ignes illos, seu illa corpora non ex alijs celestibus corporibus esse genita: sed quemadmodum exhalationes

tionnes ab his inferioribus adeo sublimiter  
 efferuntur vt Cælum Planerarium permeent  
 ad materiam Comezarum ; ita etiam dicere  
 posses corpora illa , quæ nouæ Stellæ nunc-  
 cupatæ fuerunt ab exhalationibus sursum  
 elatis genita, nouorum syderum opinionem  
 induxisse in homines ; qui cum maxime cre-  
 duli sint , nihil magis profitentur quam se  
 nihil credere .

Credamus , & nos cum præcipue tantam  
 altitudinem prædictorum ignium suis instru-  
 mentis deprehendisse se iurent vt non sit fa-  
 cile credibile terrestrem ac sublunarem ma-  
 teriam tam alte ascendisse. Adde quod vni-  
 cuique in sua facultate insigni, par est ab  
 alijs aliquam fidem haberi . Cum igitur  
 qui hoc testantur sint insignes Astronomi,  
 nostræ prudentiæ est , aliquid ipsis credere.

Testimonia veterum contra fluiditatem,  
 & corruptibilitatem Cælorum congeri pos-  
 sent infinita ; sed parcendum est antiquis ,  
 quod multa ignorauerint hac in re euiden-  
 ter demonstrata à recentioribus : qui Cælum  
 non fluititia , vt ille , sed sapientia perie-  
 runt , ibique multa inspexerunt , de qui-  
 bus male philosophando veteres diuina-  
 runt .

Aristoteles ipse Cæli incorruptibilitatem  
 ex falsis principiis probat , videlicet ex eo  
 quod sit ingenitum , & ex eo quod sit sedes  
 Deorum . Vtrumque falsum est : nam in  
 principio creauit Deus Cælum & Terram :  
 nec dantur Dij qui Cælum istud Planeta-  
 rium incolant. Eodem fere argumento vtitur  
 qui incorruptibilitatem Cæli probant ,  
 ex æternitate secundum speciem rerum cor-  
 rupti-

ruptibilium . Implicat enim continuari seu propagari in æternum generationes rerum , quæ quotidie oriuntur & occidunt deficientibus causis vniuersalibus ; sed causæ vniuersales istorum sunt Cæli ; ergo implicat generationes istas in æternum extendi deficientibus Cælis . Rursus absurdum est esse corruptibile id, quod necessarium est numquam corrumpi : Cælum numquam corrumpi est necessarium , ergo absurdum est Cælos esse corruptibiles . Maior est euidens . Minor probatur: quia eadem necessitate necessarium est Cælos existere , qua necessarium est existere secundum speciem hæc corruptibilia : hæc autem corruptibilia existere semper secundum speciem est necesse ; ergo & Cælos semper existere .

Hæc omnia argumenta nihil aliud probant quam Cælos numquam corruptum iri , si sinatur natura suos cursus agere ; non autem probant esse talis naturæ vt corrumpi nequeant .

### ARTICVLVS III.

*An materia Cælestis sit eiusdem rationis cum nostra .*

**R**erum cælestium materiam diuersam esse à materia rerum sublunarium est opinio satis recepta præcipue apud veteres . Argumenta quibus huiusmodi opinio nititur potissima sunt hæc .

Primo. Corpora cælestia sunt longe nobiliora corporibus sublunariis ; ergo materia

reria corporum caelestium differt à materia sublunarium.

Secundum. Materia rerum sublunarium est subiectum generationum, & corruptionum quæ continuo accidunt: materia rerum caelestium non est huiusmodi; ergo hæc est diuersa ab illa. Maior probatur tum ex definitione eiusdem materiae, tum ex argumentis quibus necessitatem materiae probauimus ex transmutationibus per quas fit ex quolibet quodlibet. Minor autem probatur quia corpora caelestia ex quo creata sunt eadem permanserunt, nec Stella aut quodlibet aliud corpus caeleste in vllum aliud conuersum est, ex quo sic argue: materia rerum caelestium nunquam transiit ab vna forma ad aliam formam; ergo non est apta transire ab vna forma ad aliam formam. Vel: materia caelestis nunquam transiit à forma ad formam ergo non appetit transire à forma ad formam. Probatur vtraque consequentia: quia frustra est aptitudo seu potentia, quæ nunquam in actum redigitur: stultus appetitus cui nūquā potest satisfieri.

Præterea. Materia rerum caelestium nunquam transibit à forma ad formam; ergo frustra est in ipsa potentia ad plures formas: in materia sublunari est potentia ad plures formas: ergo materia caelestis & materia sublunaris non sunt vna. Maior probatur: quia vel Cæli in æternum durabunt, vel omnino annihilabuntur. Si durent in æternum, nunquam materia mutabit formam: si autem annihilentur, nec formam mutabit: quia per annihilationem: ipsa etiam materia destruetur.

Denique forma cælestis adæquate implet totam capacitatem materiæ, & materiam plane satiat in ratione appetentis: nulla forma perfecte implet aut satiat materiam rerū sublunarium; ergo istæ duæ materiæ differunt. Confirmatur: quia & natura materiæ cælestis & natura materiæ sublunaris est accommodata finī vtriusq. materiæ: fines autem vtriusque sunt diuersi; ergo & vtraque est diuersa. Maior probatur: quia vniuscuiusque rei natura est secundum proprium finē: minor autem probatur: quia finis materiæ sublunaris est perpetua vicissitudo generationum & corruptionum; vnde dicitur à D. Thoma materia primā à forma elementi tendere ad formam mixti, à forma mixti imperfectioris ad formam perfectioris; donec tandem in forma omnium optima conquiescat. Finis autem materiæ cælestis non est huiusmodi: ut patet ex dictis; videlicet ex perpetuitate corporum cælestium non solum secundum speciem, quod contingit etiam in sublunaribus; sed etiam secundum indiuidua. Puta primus ignis sublunaris qui à Deo conditus est durat adhuc in specie, extinctus tamen in indiuiduo. Idem dic de primo homine, de primo Elephante. At vero Sol ille qui conditus est initio mundi in cælo, durat adhuc, non solum in specie, sed in indiuiduo, duraturus quoad diu mundus durabit. His non obstantibus.

Materia Cælestis & sublunaris sunt eiusdem rationis. Probatur Conclusio argumentis tum negatiuis tum etiam positiuis. Negatiuis: quia nulla est necessitas diuersitatis inter materiam cælestem & materiam sublunarem;

narem; ergo sine fundamento asseritur talis diuersitas. Secundo perfectio maior vnius corporis præ alia non ponit diuersitatem in materia, ergo etiam si detur corpora cælestia perfectiora esse sublunaribus, non propterea dabitur materiam esse diuersam à materia. Tertiò Non probatur sed supponitur corpora cælestia esse perfectiora sublunaribus. Quartò. Hoc ipsum falso supponitur, & quod mirabile est, ab ijs supponitur qui alibi supponunt contradictorium. Supponunt enim viuentia ex toto genere perfectiora esse non viuentibus; hoc est infimum inter viuentia perfectius esse supremo inter non viuentia; puta Formicam aut vermiculum, immo vel vnicum foliolum Pimpinellæ esse perfectius, præstantissimo Syderum v. g. Sole; hic vero, vbi de materia Cæli: à maiori perfectione rerum cælestium supra sublunares materię diuersitatem conantur ostendere: transeuntes à secundum quid, ad simpliciter, videlicet à maiori aliqua alicuius generis perfectione, ad maiorem perfectionem absolute, puta à perpetuitate qua prævalent sublunaribus, ad prævalentiam simpliciter supra sublunaria.

Probatur Conclusio posita argumentis positius per generationem & corruptionem corporum quæ oriuntur & occidunt in Cælo, ex quibus apparet etiam ibi esse materiā aptam transire ab vna ad aliam formam. Generationes huiusmodi alibi probatæ sunt testimonio Astronomorū quibus hac in re credendum est. Ex his autē patet etiam ex corporibus cælestibus alia in alia transmutari. Quod vero neque Sydus in Sydus neque Cælum

lum in aliud Cælum transmutetur non probat incapacitatem materiæ ad transmutationes, cum hic etiam sint multa corpora nunquam in alia transmutanda. Ex his patet ad ea quæ initio articuli proponuntur.

Ad primum. Resp. primò transmissio antecedenti: negando consequentiam. Quæ si valeret: materia hominis esset diuersa specie à materia aliorum corporum & vniuersaliter quot sunt species corporum habentes inter se differentiam in perfectione, tot essent species materiæ.

Resp. secundò negando ant. Cuius falsitas constat ex principio communi & recepto etiam ab Aduersarijs, quod viuens toto genere vincit in perfectione non viuens: corpora autem cælestia non viuunt cum infinita sublunaria viuunt. Stultum est enim dicere solem esse ingens quoddam animal quod aspectu suo illuminet & exhilaret mundum sibi subiectum. Et sic de cæteris corporibus cælestibus.

Ad secundum. Materia cælestis non est subiectum transmutationū. &c. Respondeo cum distinctione: non est subiectum in exercitio subiecti & in actu secundo: omitto; in actu primo & in aptitudine: nego. Omissi non esse subiectum in exercitio, quod tamen falsum ostendunt qui generationes nouorum corporum obseruant in Cælo.

Ad tertium. Patet ex dictis materiam cælestem transire aliquando à forma ad formam. Omissio tamen quod non transeat non propterea inferes non esse aptam transire. Hoc principium frustra est potentia nunquam redigenda ad actum negari debet. Nam potentie



sentia huiusmodi infinita & in æternum dantur. Dabitur in te per totam æternitatem potentia videndi hoc Romanum Collegium, potentia scribendi hanc lectionem, quam tamen per totam æternitatem numquam amplius scribes, &c. Materia Cælestis nõ transit à forma ad formam quia non est agens ipsi applicatum, quod ipsam promoueat à forma ad formam. Et hoc idem dici potest de materia infinitorum corporum sublanarium. Neque enim incredibile est non fore in fine mundi vllum saxum ex ijs quæ fuerunt initio, & sic de alijs infinitis, pro quibus vides infaturari posse idem argumentum.

Ad vltimum iam dictum est. Ad id quod dicitur quod forma cælestis satiet plene capacitatem materiae: dic, idem dici de forma aquæ & qualibet alia forma huiusmodi, ut patet ex dictis initio Physicæ. Quod si vis illa perfecte satiativa haberetur ex nobilitate formæ plus satiare materiam forma Pimpinellæ, quam forma Solis, aut vllius corporis Cælestis: cum constet formam Pimpinellæ vipote formam viuientis esse perfectiorem qualibet forma Cælesti. Ad illud de appetitu, eodem modo se habet materia cælestis ac sublunaris, neutra enim appetit habere simul duas formas, vtraque in sensu diuiso ab ea quam habet appetit aliam: quia neutra potest naturaliter habere duas formas; aut naturaliter carere omni forma. Transitus materiae à forma ad formam non est tribuendus materiae appetenti promotione sui ab ignobiliore ad nobiliorem, sed agentibus naturalibus, vnum corruptentibus & alteri gignentibus. D. Thomas vbi hoc dicit, ma-

gis dicit ad exemplificandum id quod ibi explicat; quam ad probandum hoc ipsum ex professo.

Præter ea quæ obiecta sunt initio posset ulterius argui ex Philos. 2. de Cælo ubi probat, vel probare intendit motum corporum Cælestium numquam desitutum. Quia videlicet motus corporum Cælestium est circularis, motus autem circularis non habet contrarium, adeoque numquam desinit. Non sic dici potest de motu recto qui habet sursum & deorsum, adeoque in contrarium mutatur, dum ex deorsum fit sursum, ut accidit in pila resiliente: aut ex sursum deorsum, ut contingit in lapide sursum proiecto relabente in caput projectoris. Ex hac doctrina Philosophi sic arguunt. Motus Cælestis nō debet nec potest naturaliter desinere; ergo neque corpora Cælestia, ergo corpora cælestia sunt naturaliter incorruptibilia. Probatur prius consequentia: quia implicat motum naturaliter perpetuum esse in subiecto naturaliter non perpetuo; ergo si motus est naturaliter perpetuus etiam subiectum naturaliter perpetuum erit. Antecedens probatur: quia motus nequit esse nisi in subiecto, ergo ad deficientiam subiecti deficit motus; ergo ex necessitate vel potentia qua debet vel potest deficere subiectum, debet vel potest deficere motus.

Resp. circa hoc principium Philosophi multa esse dicenda. Motus Rotæ figuli est motus circularis: motus circularis numquam debet desinere, ergo motus rotæ figuli numquam debet desinere: adeoque impressio semel impetu quo rota voluitur, debet im-

prellor

pressior recedere securus rotationis æternæ.

Facile tamen est huic nostræ instantiæ satisfacere; assignādo disparitatem inter motū circularem corporis cælestis & motum circularem rotæ figuli. Corpus cæleste mouetur in medio non resistente motui corporis quod mouetur: rota figuli mouetur in medio resistente. Secundò. Corpus cæleste non est graue adeoque per motum ipsius non ascendit neq; descendit graue in medio leuiori: rota figuli est corpus graue, adeoque dū mouetur ascendit & descendit graue in aere, propterea qui mouet rotam, dum rotat defatigatur, quia rotatione huiusmodi mouet sursum quamuis non per lineam rectam corpus graue, hoc est natura suā tendens deorsum; adeoque motus rotæ potest dici vno modo naturalis, alio modo violentus; naturalis: quia est secundum naturam talis artefacti: violentus quia est contra naturam ligni sursum moueri; quod contingit singulis partibus rotæ successiue, dum illa rotatur: & quia motus proprius artefacti est ab extrinseco, naturalis autem ab intrinseco: propterea rota sibi relicta non voluitur circa axem, sed deorsum ruit motu recto: sicut Statua non progreditur, sed cadit.

Aliud tamen argumentum ex ipso Cælo hæreres contra Philosophum. Motus circularis numquam desinet: motus Cometæ est motus circularis, ergo motus Cometæ numquam desinet: sed motus qui numquam desinet subiectum petit incorruptibile, ergo motus Cometæ subiectum habet incorruptibile: & consequenter Cometa est incorruptibilis. Minorem non facile probabis: quamuis multi pro

ti pro vera statim illam accipiant. Vix enim aliquid est circa Comeram magis arduum quam motum ipsius inuenire : sed quidquid sit de veritate ipsius, idem robur habet apud Philosophum. Sed omissis instantijs .

Respondendum est in forma cum distinctione : motus circularis numquam desinet cum constantia subiecti seu corporis quod mouetur : omitte ; sine constantia talis corporis : nega. Motus circularis non desinet vel per motum oppositum , sicut desinit motus sursum in lapide per relapsum eiusdem , vel per quietem corporis in quo est, sicut motus deorsum in lapide, quando attigit centrum : sed per destructionem corporis in quo recipitur sicut cessat motus Comeræ quicumque ille sit : qui durante Cometa durat, pereunte perit . Huiusmodi perpetuitatem in motu celestium corporum admittere oportet , quia videlicet tamdiu moueantur quamdiu sunt .

Inmo videtur euidens & corpora ipsa cælestia & motum eorundem esse ex naturæ rei perpetua simpliciter , nec desitura nisi eo iubente cuius ad nutum mouentur : quando videlicet Cæli calore liquefcent , & tota sublunatis natura igne consumetur. Hoc tamen non probat corpora huiusmodi esse naturaliter incorruptibilia : sed solum naturam ita esse dispositam in suis partibus secundum locum ; vt celestibus corporibus secundum motus naturæ ordinatorum nequeant applicari agentia à quibus absumantur : sicut v. g. ignis qui nunc est in Persia numquam me comburet ; quamuis & ipse sit naturaliter combustibilis, & ego combustibilis.

Ratio est : quia generationes & corruptiones

tiones rerum sunt ex natura rei perpetuæ :  
 ad has autem concurrunt per modum causa-  
 rum vniuersalium corpora cælestia : con-  
 currunt, inquam, applicando per motum cir-  
 cularem varios influxus prout naturæ ordo  
 requirit, puta motus Solis applicat modo  
 plus modo minus caloris prout requiritur  
 ad hoc vt granum frumenti quod in terram  
 cecidit modo marcescat, modo erumpat in  
 herbam, modo adolescat in spicam, & sic de  
 cæteris. Fundatur hæc generationum & cor-  
 ruptionum perpetuitas in hoc quod alibi sæ-  
 pe diximus, videlicet quod generatio vnius  
 sit corruptio alterius & e conuerso, vnde fit,  
 vt nihil unquam intereat, quin aliquid in  
 locum ipsius Natura substituatur. Quod quam-  
 diu fiet numquam tota interibit. Hinc habes  
 rationem philosophicam cur impossibile sit  
 scire finem mundi. Hic enim est in volunta-  
 te omnino arbitraria Dei, vnde dicitur :  
*non est vestrum nosse tempora vel momenta*  
*quæ Pater posuit in sua potestate.* Vnde si  
 consulas Mathematicum quando & quanta  
 erit Eclipsis Solis, respondebit & recte & as-  
 seueranter fore die 17. Febr. hora 18. cum  
 dimidia & tribus minutis, eamq. tantam &  
 talem vt tertiam Solis partem occupet. Et  
 de hac re omnis Mathematicus habet euiden-  
 tiam. Si autem quæras ab eodem quando  
 desinet Cælum moueri, tuam interrogatio-  
 nem ridebit, cum in ipsa Cælo videat ra-  
 tionem cur moueatur : nullam rationem ag-  
 noscat cur unquam quiescat : & re ipsa non  
 erit vlla ratio præter voluntatem facientis.  
 Propterea aiunt mundum desitutum per  
 miraculum quia tunc resugabit Deus exi-  
 gentiæ

gentiæ causarum secundarum, perentium  
ulterius propagari saltem secundum speciem  
sui.

## ARTICVLVS IV.

*An Cæli sint animati.*

**M**Oueri Cælos ab intrinseco duplex  
Philosophorum classis affirmat. Pri-  
ma est eorum, qui Cælos putant esse anima-  
tos. Secunda eorum qui quamuis animam  
Cælo negent dant tamen illi principium in-  
trinsecum motus: neq. enim ad hoc vt ali-  
quid moueatur ab intrinseco necesse est esse  
animatum. Ignis ab intrinseco sursum mo-  
uetur, lapis deorsum: cum nec ignis nec  
lapis sit animatus. Vbi aduertere obiter disci-  
men inter motum quo mouet se animal; &  
motum quo mouetur lapis. Verumq. recte  
dixeris moueri ab intrinseco: non recte di-  
xeris vtrumque mouere se. De animali recte  
dixeris mouet se: non autem de lapide.

Qui dixerunt Cælum esse animatum dixe-  
runt consequenter Cælum mouere se. Esse  
autem animatum ea potissimum ratione per-  
suadere conantur quod nequeat efficaciter  
probari oppositum. Præterea corpora cælestia  
à Platone & Aristotele dicuntur passim no-  
bilia subluaribus: sed multâ ex subluar-  
ibus esse animata est certum & euidentius;  
ergo ipsa etiam corpora cælestia sunt anima-  
ta. Consequentia probatur: quia videtur  
notum ex terminis quodlibet non viuens ef-  
se ignobilius quolibet viuente. Ignitur ex-  
cellentia cælestium corporum supra sublu-  
naria

haria stare nequit cum carentia vitæ in ijsdem corporibus.

Tertio non solum videntur esse animati Cæli, sed insuper videntur esse sapientes. Probatür hoc: quia secundum Philosophum: ordinare est sapientis: cæli autem ordinant hæc inferiora; ergo Cæli non solum viuunt sed etiam sapiunt. Minor probatur: quia totus ordo naturæ sublunaris debetur cælorum influxibus; qui si impedirentur, deordinaretur natura. Vtcrius motus ipse calorum est ordinatissimus & per hoc quod sit in se ordinatus ordinat hæc inferiora, adeoq. dupliciter in his inferioribus ordinationem meditari posses, vnam qua ordinantur in se, alteram qua ordinantur in causa: vtraq. autem videtur monstrare sapientiam causæ, cuius est rem ad extra ponendam prius ordinare in se, & postea extra facere ordinate. Explicatur hoc cum exemplo Pictoris, tum exemplo Architecti. Hic priusquam domum ædificet, adeoq. ita ordinet inter se lapides, vt exurgant & aptentur in ædificium, ordinat in se ipso eosdem lapides; qui propterea dicuntur prius ordinari in esse intentionali, quod habent in anima Architecti, quam in esse physico & reali. Hinc dicitur Architectus facere prius domum in anima, quam extra. Ille vero priusquam disponat colores in tela, eosdem disponit in anima, adeoq. in ipsis etiam coloribus præter ordinationem in re, habes ordinationem in mente pingentis.

Quarto. Corpora celestia dicuntur causæ vniuersales rerum inferiorum: inter res autem inferiores multæ sunt quæ viuunt, ergo etiam corpora cælestia viuunt. Maior est cer-

ta; vnde est quod ait Philosophus *Sol & homo generant hominem*, ex quo patet cælestia corpora esse causas rerum etiam animatarum. Probatur autem consequentia quia in causa debet præcontineri perfectio, quæ est in effectu: causa enim dat effectui quidquid est in effectu: sed in effectu est perfectio animati; ergo causa dat effectui perfectionem animati: si autem dat etiam habet: iuxta illud & apud Philosophos & apud Legislas receptum: *nemo dat quod non habet*.

Confirmatur hoc ipsum, & promouetur ex doctrina D. Thomæ. Dicit enim Doctor Angelicus causam principalem eorum viuentium quæ gignuntur ex putri esse corpora cælestia: sed causa principalis debet continere vel vniuoce, vel æquiuoce totam perfectionem effectus; ergo corpora Cælestia debent continere vel vniuoce vel æquiuoce totam perfectionem viuentium quæ gignuntur ex putri. Vel contineant æquiuoce vel vniuoce, sunt viuentia; ergo corpora cælestia sunt viuentia. Minor subsumpta probatur: quia continere vniuoce est esse eiusdem speciei cum perfectione contenta: implicat autem non viuens esse eiusdem speciei cum viuente. Continere æquiuoce est esse perfectionis altioris, adeoque corpora cælestia debent esse maioris perfectionis quam viuentia, quæ gignuntur ex putri: non viuentia autem nequeunt esse perfectiora viuentibus.

His addi posset illud Scripturæ: *qui fecit Cælos in intellectu*. Quibus verbis videtur innui Cælos non solum anima sed intelligente anima præditos esse.



Hanc controuersiam vt resoluas notandū est non eadem probabilitate sustineri posse Cælos esse animatos, qua sustinetur Cælos moueri ab intrinseco. Hæc enim positio : *cælum est animatum*, est ridicula. Hæc alia: *Calum mouetur ab intrinseco* est probabilis. Hanc esse probabilem ostendemus, priusquā eos repellamus qui inepte putarunt Cælum esse animatum. Prima ratio suadens moueri ab intrinseco corpora cælestia est perpetuitas & necessitas talis motus ad conseruationem naturæ sensibilis. Est enim probabile quod quemadmodum grauib. est innatum principium ad descensum, leuib. ad ascensum; sic etiam corporibus cælestibus innatum sit principium motus, quo circulariter mouentur. Porro principium illud est æque in bonum naturæ ac principium aliorum motuū vt patet ex dictis : neq. enim magis exigit natura graua ferri deorsum, leuia sursum, quam Solem & Lunam aliaq. huiusmodi circumagi.

Atque hic obiter nota nos de Sole & Luna alijsq. planetis hic loqui iamquam de causis vniuersalibus istorum inferiorum. Cum enim sint causæ naturales eorum quæ fiunt in mundo sublunari, videntur habere à natura quidquid requiritur vt fungantur munere Causarum : ad hoc autem requiritur vt moueantur in orbem, habent igitur à natura principium quo mouentur in orbem.

Neq. obstat quod omnis motus in ijs quæ mouentur naturaliter & non viuunt sit motus sursum vel deorsum. Nam vel hoc ponitur pro principio vniuersali; itaut extendatur tam ad motum Cælestium quam ad

mo:

motum sublunarium; & principium hoc nihil valet, quia petit principium. Est enim positio: quod quemadmodum ex sublunari-  
bus alia sursum alia deorsum feruntur, ita Cælestia mouentur in orbem, omnia autem ab intrinseco. Vel principium hoc est circa sublunaria duntaxat, & à sublunaribus arguitur ad Cælestia: & tunc dupliciter peccatur; Primo dum assumitur in sublunaribus nihil moueri ab intrinseco inter inanimata nisi vel sursum, vel deorsum. Multi enim alios motus naturales recognoscunt, qualis est v. g. motus tractionis, qui sic veluti per diametrum quadrati: & huiusmodi motum aiunt videre se in Cometis etiam sublunaribus. Secundo peccant in eo quod à motibus quibusdam arguunt ad omnem, decepti eo argumento, quo per inductionem probatur à bestiis, nos etiam esse bestias. Finge enim equum philosophari circa te: en ipsius ratiocinium. Et asinus est bestia, & Rana est bestia, & Elephas &c. & ego sum bestia: ergo etiam homo est bestia. Ecce argumentum ab inductione: nec villo argumento ab inductione, magis concluditur.

Nos autem non ab inductione sed ab idēitate rationis per motum lapidis deorsum, ignis vero sursum concludimus Cælestia corpora moueri in orbem æque ab intrinseco ac illa alia: quæ sursum feruntur & deorsum.

Confirmatur hoc nostrum ratiocinium per doctrinam Doctoris Angelici, qui gra-  
uia & leuia moueri dicit ab auctore naturæ ad sua centra sicut sagitta mouetur à Sagittario ad suum scopum. Mouetur autem sa-

gitta per impetum impressum à Sagittario hanc dirigente ad scopum, igitur & graue deorsum, & leue sursum mouetur ab auctore naturæ per impetum vtriq. inditum, à dirigente alterum sursum, alterum vero deorsum; sicut autem auctor naturæ vni impetum quo deorsum, alteri vero impetum quo sursum moueatur, indidit: cur non etiam corporibus cælestibus impetum indiderit quo moueantur in orbem?

Ea quæ contra huiusmodi motum obijci possunt, audiemus sequenti articulo. Iam enim expedienda est altera positio: qua statuimus Cælum non esse animatum.

Omnis anima est vel vegetatiua, vel sensitua vel intellectiua. Nulla ex his animat Cælum, ergo Cælum non est animatum. Maior continet diuisionem animæ adæquatam. Si enim Aduersarius velit aliquod aliud forme genus esse animam controuersia erit de nomine: & eodem iure asseres lapidem esse animatum, quo hic asserit animatum esse Solem aut quodlibet aliud ex cælestibus Minor probatur quia in Cælo nullum est iudicium neque vegetatiuæ, neque sensitivæ, neq. intellectiua: stultum est autem ibi animam ponere vbi nullum est animæ indicium. Vnde argumentum primo loco propositum pro anima cælesti laborat in supposito: non enim ibi ponenda est anima, vbi non probatur efficaciter eam non esse; sed potius ibi neganda est anima, vbi non probatur efficaciter adesse.

Quod si ea omnia esse probarentur, quæ non probantur, efficaciter non esse, quid non liceret affirmare Proba efficaciter hac  
hora

horæ Turcam non saltare, & alia huiusmodi infinita. An propterea est certa positio: Turca saltat; & aliæ huiusmodi infinitæ.

Porro non esse indicium in Cælo ullius animæ apparet: quia nullum est argumentum vegetationis, sensationis intellectiōis. Quis enim dicat Cælum nutriri, augmentari, sentire? Cum potius ex ipsius constructione appareat constare partibus omnino homogeneis sine ullo prorsus indicio organizationis requisitæ ad functiones vitales. Ipsa autem vniformitas motus quo corpora cælestia mouentur perpetuo non est inditiū quod moueantur ab anima intelligente, quæ ipsa animet; nam anima intelligens non vniformiter mouet, cum sit libera. Motus autē Cæli est ita Cælo necessarius vt nullum sit indicium ipsum sic mōueri, quia vult: vnde ordo ille inuariabilis quo mouentur Cæli adeo non probat Cælos esse sapientes, vt probet necessario moueri vel à forma determinata ad vnum, quo pacto mouentur mobilia inanimata, vel ab aliquo mouente extrinseco, sicut mouetur rota figuli.

Ex his patet ad ea quæ initio proponuntur. Ad primum retorquetur. Non probatur ullo argumento non solum effici, sed neque probabili Cælos esse animatos, ergo stulte asseritur esse animatos.

Ad aliud de perfectione dictum est alibi negando corpora cælestia perfectiora esse simpliciter & ex toto genere quam sublunaria.

Ad illud de causis Vniuersalibus dic, ita esse causas vniuersales vt non sint causæ adequatæ istorum sublunarium. Non autem est

de ratione causę partialis continere totam perfectionem, nec uniuoce nec æquiuoce, quę est in effectu. Ad confirmationem. Verum est Doctorem Angelicum ponere pro causa principali genitorum ex putri corpora cęlestia: sed vel nomine causę principalis intelligit causam applicatiuam agentis ad passum: vel in causa principali non exigit tantum perfectionis quantum est in effectu. Causa principalis si idem est apud ipsum ac causa applicans actiua passiuus; potest Cælum dici causa principalis eorum, quę gignuntur ex putri, utpote applicans per motum semina eorum quę gignuntur; puta murium, serpentium, ranarum; materię aptę per huiusmodi semina animari in vermes, ranas & mures. Quę omnia alibi ex professo tractabuntur. Quod autem si ponat Cælum pro causa principali huiusmodi effectuum nõ exigit in causa principali tantum perfectionis, quantum est in effectu manifestum est: quia est apud D. Thomam veluti primum principium: quodlibet viuens perfectius esse quolibet non viuente.

Ad alia quę naturali ratione nituntur patet ex dictis. Ad illud de scriptura dic ibi commendari non intellectum quo cęli intelligant; sed intellectum & sapientiam eius qui Cęlos condidit Dicitur enim Deus fecisse Cęlos & omnia in intellectu, quia sapienter fecit omnia.

## ARTICVLVS V.

*Audiuntur rationes contra motum ab intrinseco.*

**A**rticulo superiori id vnum fuit nobis propositum vt Ostenderemus Cælos non esse animatos. Eosdem autem moueri ab intrinseco prababile esse ibidem statui-  
mus. Contra tamen.

Obijcitur primo Cæli mouentur ab intelligentijs, ergo Cæli non mouentur ab intrinseco. Probatur antecedens tum auctoritate scripturæ, tum ratione. Scriptura Dei maiestatem describens dicit: coram quo curuantur qui portant orbem: dantur igitur aliqui qui portant orbem; igitur orbis mouentur ab extrinseco, ferunturq. circulariter ab intelligentia assistente. Probatur hoc idem ex consensu Patrum, qui vnanimiter motum corporum cælestium tribuunt intelligentiæ assistenti; quam aiunt ita mouere Cælum sicut equus mouetur à se flore, currus ab auriga, &c. Probatur denique ratione: quia motus corporum cælestium sunt implicatissimi vt patet ex Systemate à nobis tradito, in quo non omnes planetæ sunt cōcentrici. Nam centum Lnnę & Solis, Iouis & Saturni est centrum mundi circa quod voluntur. Ipse autem Sol est centrum Mercuris Veneris & Martis. Adde quod planetæ ipsi dissimili velocitate feruntur. Motus autem implicati & non vniformes longe congruentius tribuntur motori extrinseco & intelligenti, quam qualitati innatę. Immo ne-

queunt congruenter tribui alteri quam intelligenti, sicut v.g. motus Statuarij aut cuiuslibet alterius artificis non tribuitur instrumento quod mouet, sed ipsi Artifici. De hoc motu nō vniiformi planetarum multa habes apud Ricciolium.

Dicendum est probabilissimum esse quod Cæli moueantur ab extrinseco hoc est ab Intelligentia assistente. Hanc intelligentiam aliqui ex veteribus Cæli animā appellarūt. Ita alicubi loquitur Philosophus. Plato autem & Platonici fere vbicunq. de Cælorum motu loquuntur. Non eodem tamen sensu loquitur Philosophus & Plato; Plato enim sic animari putat Cælum ab intelligentia; sicut corpus humanum animatur ab anima rationali: vtrunq. tamquam à forma assistente. In sensu autem Philosophi corpus humanum animatur ab anima rationali, tamquam a forma informante; Cælum autem non habet intelligentiam pro anima nisi metaphoricè: sicut naus dicitur habere pro anima Gubernatorem; exercitus Imperatorem.

Hęc sententia de motu Cælorum ab intelligentia est communis & alteri, quam supradiximus esse probabilem, præferendā præcipue ob auctoritatem Sapientum, & ob difformitatem illam motuum, quam in planetis obseruant rerum Cælestium peritiores.

Qui tamen oppositam tueri volet, habet in articulo præcedenti vnde satisfaciat argumentis hic propositis.

Ad illud de scripturâ facile est dicere nō esse ibi sermonem de ijs qui rotant, sed qui portant orbem, adeoque eodem argumento

probari posse præter rotatores suos, habere etiam orbem vniuersum suos portatores, quod est ineptum. Per eos qui portant orbem poteris eos intelligere, qui in orbe sunt primi potentatus, adeoq. inter omnes creaturas primatum tenent: qui tamen coram Deo nihil sunt, & ideo curuantur hoc est agnoscunt se præ Deo minus esse quam exigua arena præ toto orbe terrarum, & vel guttula præ toto oceano,

Ad auctoritatem Patrum & Sapientum dic esse etiam Sapientes qui oppositum censuerunt.

Ad difformitatem motus dic hoc ipsum non ita constare vt inter se non certent Astronomi & adhuc sub iudice lis sit.

## Q V A E S T I O V L T I M A.

### *De aternitate mundi.*

#### A R T I C V L V S I.

##### *Mundus potuit esse ab aeterno.*

**M**Vndum esse ab æterno & duraturum æternum existimauit Philosophus, & errauit: Deus enim in principio creauit Cælum & terram. Controuersia igitur inter eos qui credunt Scripturæ, non est de facto sed de possibili. In hac controuersia licet vnicuiq. per religionem sentire quid velit: nec enim minus Catholici sunt qui putant potuisse mundum esse ab æterno, quam qui secus, & inter præcipua Catholicæ religio-



nis Columina fuere & sunt quibus pro indubitato est potuisse mundum esse ab æterno .

Augustinus ubi contra eos disputat qui Mundum putant fuisse ab æterno , non negat immo supponit potuisse. En tibi argumentum quod in fauorem æternitatis sibi proponit nomine Philosophi gentilis. Vel Deus potuit creare Mundum & non creauit cum posset : vel non potuit : vtrumq. Deo repugnat, ergo , &c. Minor probatur : quia si voluit, sed non potuit : Deus est impotens : est enim impotentia non posse quod velis ; Si potuit, sed noluit ; fuit inuidus : est enim inuidia non facere alteri bonum quod potes , sine præiudicio tuæ felicitatis. En responsum Augustini. Deus noluit etiam cum posset : nec fuit impotens per hoc quod non posset, nec inuidus per hoc quod etiam potens nollet, sed creando in tempore ostendere voluit , quam liberaliter daret id quod dat, & quam non indigeat ijs quæ creauit qui per totam æternitatem æque Deus & consequenter æque felix fuit sine illis , ac fuisset cum illis. In hac responsione vides non supponi ab Augustino impossibile mundum fuisse ab æterno , quandoquidem libertati diuinæ tribuit quod non fuerit. His positis explicanda est , & stabilienda positio quam habes, pro titulo.

Hæc propositio. Mundus potuit esse ab æterno potest facere duplicem sensum. Primus sensus est potuisse mundum esse ante quodlibet instans assignabile : seu nullum esse instans cogitabile , ante quod mundus non potuerit esse. Secundus sensus est mundum.

dum posse verificare nunc: *Fuit ab æterno*, per hoc quo reipsa æternum durauerit. In primo sensu ly *Ab æterno* sumitur syncategorematicè, in secundo sumitur categorematicè. In primo sensu intelligenda est conclusio posita. De secundo videbitur postea.

Probatur autem conclusio posita, quia in quolibet instanti Deus creauit mundum, ita creauit illum, vt potuerit creare ante; adeoq. quodlibet instans, quod reipsa fuit primum potuit esse non primum. Hoc est potuisse esse ab æterno syncategorematicè; ergo mundus potuit esse ab æterno syncategorematicè. Hoc eodem modo dicitur æternum duraturus, seu posse in æternū durare, quia vg. in nullo instanti destruetur, in quo nō possit cōseruari; adeoq. quandoumq. destruetur; ita destruetur, vt verū sit: posset durare vltcrius. Sicut .n. volentis fuit creare potius quando creauit, quā mille annis antea; ita volentis destruere, quando destruit potius quam mille annis postea.

Est igitur verum mundum potuisse esse ab æterno; sicut verum est posse in æternum durare. Quia quemadmodum per hoc dicitur posse in æternum durare, quod possit durare post quodlibet instans assignabile: ita dicetur potuisse esse ab æterno, per hoc quod potuerit esse ante quodlibet instans assignabile. Non tamen est verum mundum ita fuisse ab æterno, sicut verum est creaturam futuram in æternum. Quia non quemadmodum anima erit post quodlibet instans assignabile, ita mundus fuit ante quodlibet instans assignabile.

Dices: Non est assignabile vllum instans.

in quo non fuerit mundus, ergo mundus fuit in quolibet instanti assignabili. Antecedens probatur: quia implicat ante mundū, seu ante omnem creaturam fuisse aliquam creaturam: sed quodlibet instans est aliqua creatura; ergo implicat ante omnem creaturam fuisse aliquod instans.

Resp. distinguendo antecedens: non fuit vllum instans realiter, & reale: concedo, possibiliter, aut imaginarium: nego. Ante mundum non fuit vllum tempus; quia ante omnem creaturam non fuit vlla creatura. Vnde quærenti quid Deus faceret antequam quidquam faceret, fidenter respondit Augustinus: nihil faciebat: & vtinam sic omnia scirem, sicut scio, quod Deus antequam quidquam faceret, nihil faciebat. Si autem nihil faciebat, nec faciebat tempus, & consequenter antequam quidquam faceret non erat tempus.

Instabis: Deus est ante mundum, ergo ante mundum fuit tempus. Probatur consequentia; quia si Deus est ante mundum, præcedit tempore mundum; non enim est ante, puta anterioritate causæ. Nam quod est ante aliud pura anterioritate causæ habet illud aliud sibi coæuum, vt patet, & in Sole habente coæuam lucem, & in pede coæuum habente vestigium.

Resp. concesso antecedenti: negando consequentiam. Deus mundum præcedit non solum natura, sed æternitate; quia ita semper est, vt sit impossibile ipsum ante fuisse. Mundus autem est in tempore, & tempus ipsum est, ita vt potuerit esse ante. Absorbet igitur Deus æternitate sua tempus non solum

lūm quod est, sed quod potuit esse per modum mensuræ supereminentis, & incommensurabiliter supercontinentis quodlibet mensurabile. Mundus autem ita duravit, ut durare potuerit tempore duplo maiori: quia pro quinquies mille annis, qui fluxerunt hæctenus à constitutione mundi; potuit fieri, ut iam decies, & centies, & millicies mille fluxissent.

## ARTICVLVS II.

*Mundus non potuit esse ab æterno.*

**I**N quo sensu accipienda sit hæc secunda conclusio dictum est supra: ita videlicet; ut in hac, vel qualibet alia temporis differentia sit necessariò falsum: *Mundus æternum stetit, aut duravit.* Et in hoc sensu fit quæstio, an mundus esse potuerit ab æterno. Vbi aduerte differentiam inter has duas propositiones. *Creatura potest in æternum durare: &: Creatura in æternum durabit.* De hoc mundo verum est: In æternum potest durare: falsum est: in æternum durabit. De anima rationali, de homine, de Angelo verum est verumq. nam & possunt in æternum durare; & in æternum durabunt.

Probatur autem conclusio primo ex dictis in tractatu de infinito. Implicat infinitum categorematicum, tam in quantitate permanenti, quam in successiva: sed si mundus esset ab æterno daretur infinitum categorematicum, saltem in quantitate successiva, aut etiam tam in successiva, quam in permanenti; ergo nequit dari mundus ab æterno.

no. Quod daretur infinitum categorematicum in quantitate successiva, probatur: quia ab hac die retrocedendo per durationem mundi essent assignabiles dies non tot quin plures, adeoque partes non tot quin plures in tempore elapso: non communicantes æquales vni certæ, & determinatæ magnitudinis. Hoc autem est dari infinitum categorematicum in quantitate successiva. Quod etiam in permanenti, probatur: quia non implicat coexistere mundo aliquam magnitudinem, cui singulis diebus factum sit additamentum vnius palmi; hoc autem facit quantitatem simpliciter infinitam; ergo &c. Explicatur hoc. Linea cui per mille annos, singulis annis addita sit longitudo palmaris est linea mille palmorum: & cui per annos centies mille, singulis annis additus sit vnus palmus, est linea palmorum centies mille, & sic in infinitum. Igitur linea, cui per annos infinitos datus sit annis singulis vnus palmus, est linea palmorum infinitorum. Hoc autem ita contingere non implicat, non implicante multitudine annorum infinita.

Dices: infinitum categorematicum est totum actu: etiam si mundus esset ab æterno duratio mundi numquam esset tota actu; ergo etiam si mundus esset ab æterno, non daretur infinitum categorematicum. Maior probatur: quia discrimen inter infinitum categorematicum, & syncategorematicum est quod hoc sit partim actu, & partim potètia, illud verò sit totum actu. Minor autem probatur: quia duratio mundi est successiva, successuum autem non est totum simul, sed in eo pars est post partem.

Resp.

Resp. nos non definuisse infinitum categorematicum: id quod est totum actu: ut patet ex dictis. Si enim ad rationem infiniti requireretur coexistentia partium constituentium infinitum, inepte quæreretur, an sit possibile infinitum in quantitate successiva. Infinitum in quantitate est id, cuius semper aliquid extra est accipere, hoc est, quod divisibile est in partes non tot quin plures æquales vni certæ, non communicantes. In permanentibus partes huiusmodi sunt simul vel in actu, vel in potentia, in fluentibus, seu successivis una est post aliam. Et quia si mundus esset ab æterno essent in duratione ipsius assignabiles anni non tot quin plures, de quibus omnibus dici posset actu fuisse; propterea in huiusmodi duratione esset vera infinitas. In forma ad argumentum nega maiorem. Ad cetera patet ex dictis.

Probatur secunda conclusio. Datur necessitas metaphysica, ut quodcumq. creatus sit Mundus potuerit ante creari; ergo impossibile est Mundum fuisse æternum, accipiendo ly *æternum* categorematice. Probatur consequ. quia si creatus in instanti *B* potuit esse ante; puta in instanti *A*; potuit ante æternitatem ipsius esse instans *A*. Si autem potuit ante æternitatem ipsius esse instans *A* datur æternitas utrinque clausa. Nam & illud instans *A*, & instans præsens sunt duo extrema æternitatis ipsius. Aeternitatem autem utrinque clausam repugnare patet ex ijs, quæ diximus de infinito utrinque terminato. Datur igitur necessitas metaphysica, ut æternitas illa, quæ Mundus dicitur potuisse esse ab æterno sit æternitas syncategorematica.

Simili ratiocinio ostendes ex necessitate, quod æternitas à parte post sit æternitas syncategorematica deduci impossibilitatem, quod æternitas à parte post sit æternitas categorematica. De conceptu quidditativo æternitatis à parte post, qua videlicet erimus in æternum, vel miseri, vel beati: est ut post quemlibet annum assignabilem sit futurus alius annus, ergo est de conceptu ipsius, ut non possit assignari vlla collectio annorum; de qua dici possit: hæc est æternitas, qua æterni sumus, seu qua æternum duraturi sumus. Si autem implicat collectio huiusmodi eo ipso implicat æternitas categorematica; ergo &c.

Dices: Ante creationem mundi, in quocumque tandem instanti creetur, implicat fuisse vllum instans; ergo male assignatur instans possibile ante creationem mundi, cum instante præsentis pro duobus extremis durationis mundi. Ergo etiam si illa duratio sit æterna; non habetur per prædictum instans & instans præsens, æternitas clausa utrinque. Probatur antecedens ex dictis. Implicat ante omnem creaturam creari aliquam creaturam; ergo implicat instans possibile ante omnem durationem creatam; & consequenter qui claudit omnem durationem creatam ex vna parte per instans præsens, & ex altera per instans possibile, claudit durationem creatam inter chimeram, & instans; si autem claudit per chimeram: euadet.

Resp. hoc ratiocinium laborare in æquivoco. Hæc propositio: *Ante omnem creaturam implicat fuisse aliquam creaturam*, potest facere duplicem sensum. Primus est, quod

quòd potuerit accidere esse aliquam creaturam, ita: verum sit: *Est aliqua creatura, & nulla est creatura.* Et hic sensus est manifestè ineptus, & falsus. Secundus sensus est: *Hæc ipsa creatura, quæ primo fuit in instanti B potuit esse ante instans B, puta in instanti A, & hoc ipsum instans A, quod est primum potuit esse non primū, per hoc quod ante ipsum fuissent mille alia instantia.* In hoc secundo sensu verum est Mundum potuisse esse antequam fuit; videlicet non in composito cum primo fuisse, quando de facto fuit: quod implicat in terminis, sed in sensu diuiso. Ex his patet ad argumentum. In forma: nega antecedens. Ad reliqua vtere distinctione iam data.

His positis in quocumq. instanti creatus sit mundus finge creatum fuisse, vt potuit, in instanti antecedenti; vel si vis cuiusq. durationi quam durauerit mundus finge addi à parte ante vnum instans. Si duratio illa fuit æterna; per additionem vnius instantis non desinit esse æterna, & extra æternitatem illam est illud instans, quod addis. Igitur illud instans ex vna parte, & instans præsens ex altera claudunt vtrinque istam æternitatem.

Confirmatur doctrina proposita ostendendo necessitatem temporis ante creationem cuiuslibet creaturæ, adeoq. quod in aliquo possibili tempore Deus præcedat creaturam; quia omnis creatura necessario est ex nihilo: oportet igitur vt præcesserit possibiliter aliquod instans, in quo cum esset possibilis, non tamen erat. Probatnr hoc, quia si esse ex nihilo habetur sufficienter per hoc, quod an-



te ipsam nihil fuerit de ipsa : etiam Deus dici potest esse ex nihilo : nam ante Deum nihil fuit de Deo : oportet igitur quod ante creaturam, ita nihil fuerit de ipsa, ut potuerit esse; adeoq. ut præcesserit necessario Deus suam quamlibet creaturam in ratione ducentis; ut patebit infra.

Dices : etiam instans *B* est ex nihilo : instans *B* non potuit esse ante hoc tempus imaginarium ; ergo instans *B* non fuit possibile antequam esset. Minor probatur : quia instans *B* est essentialiter affixum huic tempori imaginario, adeoq. impotens existere non existente hoc tempore imaginatio.

Resp. transmissis maiori, & minori : negando consequentiam. Hoc ipsum instans *B* quod nequit esse, nisi in hoc nunc imaginario, est ab æterno possibile, est possibile antequam sit ; & necessario præceditur ab infinitis alijs instantibus, vel realibus, vel imaginarijs. Finge hoc instans esse millesimum inter instantia de facto creata. Hoc posito habet quidem necessitatem non existendi, nisi post illa nonaginta nonaginta novem, quæ ante fluxerunt : non tamen habet necessitatem, quod illa eadem realiter fluxerint; neque ut sola illa realiter fluxerint; contingere potuit, ut non esset millesimum, sed primum, vel millionesimum. Si foret primum non realiter, sed imaginariè, & possibiliter fluxissent antecedentia, si foret millionesimum, non solum possibiliter, & imaginariè, ut de facto contigit; sed realiter, & physice fluxissent illa omnia, quæ numerum millionesimum constant. Hæc omnia patebunt clariùs ex dicendis.

## ARTICVLVS III.

*Satisfit nonnullis obiectionibus.*

**O**bjicitur primo auctoritas Augustini relati à nobis initio huius quæstionis: videtur enim ibi supponere Augustinus fuisse in libertate Dei creare, vel non creare Mundum ab æterno; quo posito licet sic argumentari. Deus fuit liber ad creandum, vel non creandum Mundum ab æterno; ergo libertati diuinæ tribuitur, quod Mundus non fuerit ab æterno: quod autem libertati diuinæ tribuitur, ita tribuitur vt tribui possit oppositum; ergo eidem libertati tribui potuit, quod Mundus fuisset ab æterno.

Resp. Augustinum non disputare ibi an Mundus potuerit vel non potuerit esse ab æterno, sed respondere Philosophis gentilibus probare conantibus Mundum de facto fuisse ab æterno. Ita autem dissoluit illorum argumenta vt non litiget de possibilitate. Immo ex hac ipsa responsione Augustini posset quis ratiocinari pro nostra sententia. Deus creauit Mundum in tempore vt ostenderet se ex pura liberalitate creare, ergo non potuit creare nisi in tempore. Antecedens ostensum est initio quæstionis: consequentia probatur: quia debuit ita creare, ex suppositione quod crearet, vt ostenderet se liberaliter creare: non potuit autem aliter quam debuit, sed ostendit se liberaliter creare dum ostendit se &c. tota antecedenti æternitate æque beatum fuisse sine illo ac cum illo; adeoque se non ex indigentia alicuius boni creasse; debuit igitur

igitur potuisse creare antequam creauit, & quodocunque creauit, ita creasse, vt ostenderet potuisse se quolibet ante assignabili tempore, creare.

Ad argumentum in forma nega esse in libertate Dei creasse vel non creasse Mundum ab æterno.

Obijcitur secundò. Mundus contingenter est in tempore; ergo Mundus potuit esse ab æterno. Probatur consequentia quia si contingenter est in tempore; est indifferens vt sit vel nō sit in tempore; sed si est ita indifferens est indifferens vt sit vel in tempore, vel ab æterno; ergo si contingenter est in tempore, potuit esse ab æterno.

Resp. concesso ant. neg. conseq. Ad probationem concessa maiori, nega minorē. Est indifferens ad esse vel non esse in tempore per hoc præcise quod sit indifferens ad esse & nō esse. Aliud autem est esse indifferens ad esse & non esse; aliud ad esse in tempore, vel esse ab æterno. Quia tamen argumentum procedit sine malitia, & asserit Mundum esse indifferentem etiam in hypothese essendi, esse vel non esse in tempore: siue: creaturam etiam in hypothese essendi, contingenter esse in tempore.

Resp. secundò: negando antec. Mundus ex suppositione quod sit non contingenter, sed necessario est in tempore: quod ijsdem rationibus euincitur, quibus euincitur non potuisse esse ab æterno.

Obijcitur tertio. Potentia libera creandi Mundum est æterna; ergo mundus potuit esse ab æterno. Probatur consequentia: quia nunquam datur potentia libera completa ad aliquem

aliquem effectum quin eo ipso dari possit talis effectus; ergo si potentia adæquata creandi mundum est æterna, Mundus ipse potuit esse æternus.

Hoc argumentum posset totum concedi in fauorem primæ conclusionis. Hæc propositio : numquam datur potentia adæquata ad vllum effectum quin dari possit talis effectus : bene intelligētibus est manifesta. Facit enim hunc sensum : *nullum est instans assignabile in quo detur potentia adæquata, & non possit dari effectus* : quod est verissimum. Si enim à primo instanti in quo Mundus creatus est per infinitum recurras in tota diuina æternitate, nullum inuenies instans in quo non potuerit esse Mundus ; quamuis ante quodlibet instans inuenturus sis aliud instans : immo per hoc ipsum quod ante quodlibet instans inuenturus sis aliud instans in quo esse potuerit Mundus : recte probasti superius implicare æternitatem categorematicam Mundi.

Atque hic aduerte nos de illo *numquam* idem omnino philosophari , quod philosophati sumus de *omne* & alijs huiusmodi ybi de infinito. Dictum est autem ibi quod si li *omne* sumitur collectivè propositio est de subiecto non supponente. Dicitur hic idem omnino si li *numquam* accipitur collectivè. Quemadmodum enim non est accipere omnes Angelos possibiles aut omnes dies futuros per totam æternitatem per modum vnius collectionis, ita non est accipere omnia instantia possibilia intra æternitatem diuinam autecedentia Mundum per modū vnius collectionis. Iuxta hanc eandem doctrinam sol-

ues hoc aliud : sine potius hoc alio modo propositum argumentum. Quotiescunque datur potentia adæquata ad aliquem effectū potest dari talis effectus : sed ab æterno datur potentia adæquata ad Mundum : ergo ab æterno potest dari Mundus. Totum hoc argumentum fundatur in li *quotiescunque* quod non potest recte accipi nisi distributive, adeoque facit hunc sensum : in quolibet instanti detur potentia adæquata ad effectum dari potest effectus : sed in quolibet instanti intra æternitatem assignabili, datur causa adæquata Mundi ; ergo in quolibet instanti intra totam æternitatem assignabili potest dari Mundus. Quod totum est verum. Qui igitur argumentum propositum sic resolvere potest, totum concedat. Qui non potest det responsionem communem, videlicet concessa maiori ; distinguendo minorem : ab æterno datur potentia adæquata ad mundum in tempore : concedo ; ad Mundum ab æterno : nego minorem & consequentiam. Hoc eodem modo ad obiectionem propositam.

Respondetur cum distinctione potentia creativa mundi ab æterno, est æterna : nego antecedens, & suppositum antecedentis : creativa mundi in tempore, est æterna : concedo antecedens & nego consequentiam. Solet hoc explicari per potentiam, quæ hodie est creandi durationem crastinam. Nunc enim & heri & semper est potentia creandi durationem crastinam : cum nec nunc, nec heri, nec unquam detur potentia creandi nunc vel heri aut semper durationem crastinam. Conceditur igitur æternitas potentia creativa ; non conceditur potentia creativa æternitatis.

Dices : si causa creatiua mundi esset causa necessaria , eo ipso quod ipsa esset æterna, mundus esset æternus; ergo cum sit causa libera, Mundus potest esse æternus. Probatur antec. quia per hoc ipsum quod sit causa necessaria non antecedit nisi natura suum effectum ; ergo inter existentiam ipsius & existentiam effectus non intercedit vllum tempus nec reale nec imaginarium , nec possibile. Hoc modo dicit Augustinus explicando Mysterium Trinitatis quod si sol esset æternus, esset & lux æterna ; & alia huiusmodi. Quæ patent ex terminis intelligenti naturam causæ necessario operantis . Probatur iam consequentia : quia quod necessario est ex suppositione causæ necessariæ ; ex suppositione causæ liberæ potest esse ; ergo si supposita eternitate causæ necessariæ infertur quod sit æternus effectus ; supposita eternitate causæ liberæ, infertur posse esse æternum effectum. Confirmatur : quia vnicum discrimen inter causam necessariam & causam liberam est quod illa necessario, hæc ex suo placito operatur. Non enim differt causa necessaria à libera per hoc quod illa quidem non antecedit tempore ; hæc autem tempore antecedit effectum : nam voluntas humana in illo eodem instanti in quo est completa ad amorem libere exercendum, potest illum exercere, si velit, vel non exercere, vel loco illius exercere odium ; prout est complete libera vel sola libertate contradictionis, vel etiam libertate contrarietatis .

In hoc argumento sunt aliqua consideranda. Primum est quod si causa creatiua mundi esset causa necessaria , esset longe aliter  
necessa

necessaria, quam sint necessariæ causæ secundæ, quæ tamen dicuntur simpliciter necessariæ. Da enim Deum esse causam necessariam; implicabit Metaphysice ipsius effectum non existere; adeoque ratio causæ necessariæ in Deo ponit metaphysicam necessitatem essendi in effectu. Non ita accidit in alijs causis, quæ dicuntur necessariæ: non enim implicat metaphysice solem existere sine sua luce, ignem sine suo calore. Ratio est quia causæ secundæ cum tota sua necessitate agendi, subordinantur causæ superiori ita omnia moderanti, ut nihil oriatur aut occidat nisi ipsa volente. Deus autem nequit ulli superiori causæ subordinari, unde in ipso necessitas agendi esset necessitas simpliciter & absolute metaphysica; adeoque tam implicaret non esse Mundum, quam implicat non esse Deum.

Ex hoc eodem sequitur quod hypothesis faciens Deum causam necessariam tollit rationem contingentis in Mundo, aut qualibet creatura cuius ponatur Deus esse causa necessaria. Eo ipso autem quod ponitur Deus causa necessaria, ponitur determinatè ad hoc; cum non sit ab ulla alia superiori causa determinabilis. Ponit igitur in Deo impotentiam essendi sine illa creaturâ: unde quemadmodum non est liberalitatis sed naturæ, quod sol producat lucem, & consequenter non soli, sed Deo debet agere gratias lux quod existat; sic non esset liberalitatis sed naturæ Dei quod existeret Mundus; adeoque nulli deberet gratias agere quod existat. Ex his alijsque capitibus constat quâ male philosophati fuerint, qui Deum causam necessariam putauerunt; non animadver-

tentes

rentes quod per hoc ipsum quod sit causa necessaria non est Deus. Hinc super illa verba : *De ventre matris mea Deus meus es tu*, aiūt ita loqui Filium Dei ex quo factus est filius Virginis, quia videlicet per hoc quod sit Filius Virginis & homo, factus est quatenus talis, minor Patre: vnde potest dicere Patri: *Deus meus es tu*, quod nequit dicere secundum quod Filius Dei est, quandoquidem ut talis non habet nec Deum nec Dominum. Quamuis enim etiam ut Filius procedat à Patre, non procedit à Patre ut Domino, quia Pater non est Dominus ipsum generandi vel non generandi; cum tam necessario detur generatio filij, quam necessario datur Deus: vnde hoc maxime cauent qui Myſterium explicanti Trinitatis, ne inter personas producentes & productas aliqua videatur inæqualitas esse.

Ad argumentum in forma transmiſſo antecedenti: nega conſequentiam. Transmittitur antecedens: quia ille ipſe effectus eſſet & non eſſet effectus, & hoc habetur ex conceptu formali effectus neceſſarij æterni. Ratio neceſſarij æterni tollit rationem effectus, quandoquidem tollit rationem contingentis: vnde recte hic dicere poſſes quod frequenter non recte dicitur: *eſſet, & non eſſet*. Eſſet æternus & neceſſarius quandoquidem eſſet à cauſa neceſſaria æterna: non eſſet effectus: quia ut probatū eſt ſupra, non eſſet quid contingens, & eadem repugnantia implicaret ipſum non eſſe, qua repugnat non eſſe Deum. Diſtincto autem antecedenti, nega conſequentiam. Ex eo enim quod effectus neceſſarius cauſæ neceſſariæ eſ-



fer & non esset, non inferriur quod effectus causæ liberæ esse posset. Vbi aduerte discrimen inter id quod procedit ex Deo præcise, & id quod procedit ex Deo vt effectus. Primum non verificat *est & non est*; quamuis sit æque æternum ac principium à quo procedit; secundum, in hypothesi in qua æque esset æternum & necessarium ac suum principium verificaret: *est & non est effectus* ob rationem adductam; quia videlicet per eandem hypothesim per quam supponitur effectus, supponitur quid contingens, & per hoc quod supponatur necessarius, supponitur non contingens.

Alij sic respondent. Concedo antecedens: nego consequentiam. Supponere Deum causam necessariam est supponere chimerā: quod ad rationem causæ necessariæ in Deo sequatur necessaria æternitas in mundo: est quod ad vnā chimeram sequatur alia chimera: ex hoc autem quod ad chimeram sequatur chimera male inferitur quod ad non chimera possit sequi chimera, quod tamen accideret si ex æternitate causæ liberæ sequeretur posse esse æternum effectum. Hæc responsio pluribus satisfacit.

Ad confirmat. Distinguunt: vnicum discrimen inter causam necessariam veram, & causam liberam, est quod &c. concedunt: inter causam necessariam chimericam, & liberam: negant. Ipsa ratio perquam est chimerica, est ratio æternæ: & hæc sola infert æternitatem effectus, hæc eadem ratio in causa quam non chimerizet, non ponit potentiam ad æternitatem effectus.

Præterea hæc propositio: *Causa libera*  
crea

creatiua Mundi est aterna, siue est ab a-  
 terno potest dupliciter intelligi. Primo  
 itaut prædicta causa sit sibi sua æternitas:  
 & in hoc sensu est vera, hac autem æterni-  
 tate qua ipsa æterna est, tam implicat quic-  
 quā aliud ab ipsa esse æternū, quā aliud ab  
 ipsa esse ipsam, & consequenter nequit vl-  
 lo modo intelligi libera ad effectum æter-  
 num hac æternitate. Secundo: itaut ipsi  
 causæ per se ipsam æternæ confluat æternitas  
 quædam; sicut v. g. Homini centenari-  
 o confluunt centum anni ab eodem distincti:  
 & in hoc sensu causa creatiua Mundi non  
 est ab æterno, nisi syncategorematicè quod  
 nihil aliud est nisi in tempore retro accepti-  
 bili, & possibili esse cum æternitate diuina:  
 esse semper ulterius & ulterius proceden-  
 dum: & in hoc sensu potuit Mundus esse  
 ab æterno. Hoc secundum genus æternita-  
 tis multi imaginantur in Deo, dum dicunt  
 Deum esse ab æterno: & si li *ab æterno* su-  
 mant categorematicè falsum dicunt. Si au-  
 tem hoc genere æternitatis esset ab æterno,  
 non solum esset possibilis, sed daretur de  
 facto creatura æterna. Cum autem alio-  
 dumtaxat genere æternitatis æternus sit, cum  
 implicet aliud ab ipso esse eadem æternita-  
 te æternum: nec ipse intelligi potest liber  
 ad quicquam faciendum hac æternitate æter-  
 num. causa necessaria æterna, si fingatur æ-  
 terna æternitate quæ sit ipsa, nec ipsa neces-  
 sario hac æternitate quicquam faciet æter-  
 num. Si autem æternitate distincta, iam  
 in ipsa hypothese ponitur quid æternum et  
 factum. Deus autem nec est, nec esse po-  
 test

test eternus eternitate à se distincta, quamvis ad eternitatem syncategorematicè acceptam sit potens. Hanc eternitatem appellant dum dicunt. *Quandocumque, quotiescumque est causa adequata Mundi; potest esse Mundus*; quæ vera sunt, quia: ut dictum est supra, per huiusmodi particulas appellantur quælibet instantia possibilis ante quælibet alia. Qui Deum fingit causam eternam necessariam in agendo: fingit eo ipso eternum eternitate à se distincta, & consequenter fingit eternitatem factam; & ab ea quæ necessario est in tali hypothesi; infert possibilitatem eiusdem in hypothesi vera; in qua non datur huiusmodi eternitas. Hinc patet ad argumentum. In forma conc. antec. nega conseq. eternum necessario agens dicit eternitatem factam, data autem una eternitate facta, non repugnat alia. Ad confirmat. Idem dicendum est, causa necessaria æterna dicit eternitatem creatam, adeoque differt per hoc ipsum formaliter in genere eternitatis à causa æterna solum in essendo, non autem necessaria in ratione causæ.

Quod si supponas causam æternam necessariam non dicentem ullam eternitatem creatam, sicut v. g. datur principium necessarium æternum non dicens ullam eternitatem creatam: puta Pater æternus principium Filij, facis hypothesin destruendam se ipsam. Pater æternus est principium Filij non datus illi eternitatem distinctam ab ea qua Pater ipse æternus est, causa autem in ratione causæ dicit rem à se distinctam cuius causa est: & causa necessaria æterna, æ-

ternita-

ternitatem à se distinctam cuius causa est ,  
& hoc dicit formaliter in hypothesi causæ  
necessariæ æternæ .

Ad primam responſionem replicabis : ra-  
tio effectus necessarij non tollit rationem  
contingentis , ergo etiamſi à causa necessa-  
ria æterna procederet effectus adhuc ille ef-  
fectus eſſet contingentis . Antecedens pro-  
batur : quia per hoc quod à Sole necessario  
procedat lux , ab igne calor , & ſic de cæ-  
teris non tollitur contingentia à luce , à ca-  
lore , aut à cæteris , ergo ratio contingentis  
ſtat cum ratione effectus necessarij .

Reſp. diſtinguendo antecedens : ratio ne-  
ceſſarij ſecundum quid , non tollit rationem  
contingentis : concedo antecedens ; neceſſa-  
rij ſimpliciter : nego antecedens & conſe-  
quentiam . Ad probationem eodem modo  
diſtingue conſequens . Effectus neceſſarij  
causæ contingentis exiſtentis duplicem ha-  
bent contingentiam . Prima contingentia eſt  
in contingentia causæ , puta lux quæ eſt à  
Sole eſt à causa neceſſaria , non tamen à  
causa neceſſario exiſtente ; & conſequenter  
lux ipſa non exiſtit neceſſario ſimpliciter  
ſed ſolum ex ſuppoſitione ſolis , quæ ſup-  
poſitio eſt contingentis . Secunda contingen-  
tia eſt in ſubordinatione ipſiuſmet cauſæ ne-  
ceſſariæ alteri cauſæ ſuperiori & liberæ ,  
qua volente cauſa creata operatur , no-  
lente non operatur , & quia cauſa illa ſu-  
perior libere omnino concurrit vel ſuſpen-  
dit concurſum cum cauſis creatis , ideo li-  
bere omnino , libertate cauſæ ſuperioris , eſt  
vel non eſt effectus cauſæ creatæ . Hoc autem  
eſt eſſe contingentis .

Neutram ex illis contingentibus haberet effectus necessarius causæ simpliciter & absolute necessariæ. Eo enim ipso quod causa necessario simpliciter est, caret prima. Ex eo quod nulli subordinetur, caret secunda contingentia effectus. Deus autem & necessario est & nulli subordinatur ut superiori, adeoque effectus Dei nequit habere contingentiam in cōtingenti existentia suæ causæ: Deus nulli causæ superiori subordinatur, & consequenter effectus Dei nequit habere contingentiam in libertate dominante causæ à quo procedit. Hæc omnia clara sunt intelligenti.

## ARTICVLVS VLTIMVS.

*Expediuntur cætera de eternitate mundi.*

**D**ICTUM est supra quod si mundus esset ab æterno daretur infinitum categorematicum. Contra hoc sic arguitur. Per hoc quod Mundus futurus sit in æternum non sequitur infinitum categorematicum, ergo per hoc quod Mundus fuisset ab æterno non sequeretur infinitum categorematicum. Probatur antecedens: quia de facto admittitur creatura duratura in æternum, nec tamen admittitur infinitum categorematicum. Probatur iam consequentia primo: quia duratio per æternitatem futura saluatnr per solam infinitatem syncategorematicam; ergo etiam duratio per æternitatem præterita saluari potest per solam infinitatem syncategorematicam. Secundo. Ideo æternitas à parte post non infert infinitatem categorematicam.

cam quia qualibet collectione accepta dierum futurorum accipitur quid finitum, & plura alia finita in infinitum remanent accipienda: sed idem accideret in æternitate à parte ante, dierum præteritorum; ergo non magis vna quam altera poneret infinitatem catechorematicam.

Resp. discrimen inter æternitatem à parte ante & æternitatem à parte post, iam alibi fuisse indicatum. Nulla est collectio dierum quæ sit tota collectio dierum fluentium in æternitate à parte post; adeoq. dies futuri per totam æternitatem non sunt acceptibiles per modum vnius collectionis. Hinc non est assignabilis vlla dies intra totam æternitatem futuram in qua verum sit: *Auxerunt dies non tot quin plures*: est enim de essentia æternitatis futuræ vt post omnes qui fuerint, futurus sit alius, adeoque semper alius & alius sit in potentia. De diebus autem æternitatis præteritæ non idem dices: cum enim omnes actu fuerint, sunt acceptibiles per modum vnius collectionis: nec est necesse vt præter eos qui fuerint, sint alii & alii in potentia; & consequenter de his qui fuerunt potes dicere: *isti sunt omnes qui fuerunt*; in æternitate autem futura non potes accipere de quibus dicas: *isti sunt omnes qui erunt*. Ex his patet ad argumentum. Concedo antecedens: nego consequentiam. Ad probationem nega maiorem. Ratio cur æternitas futura ponat infinitum solum syncategorematicum, præterita autem catechorematicum: est, quia futura numquam tota elabetur, præterita autem iam tota, elapsa esset. Ceterum etiam in præterita possent

possent accipi plures & plures collectiones finitæ in infinitum: sed insuper posset accipi per modum vnius, collectio dierum, in qua reperiretur prædicta infinitas. Vbi aduerte hanc propositionem circa æternitatem futuram esse necessario veram: *præter omnes dies qui erunt, necessario aliquis alius erit*: non autem fore veram hanc circa æternitatem præteritam: *præter omnes dies qui fuerunt, necessario aliquis alius fuit*. Est etiam verum: *præter omnes dies ante possibiles, necessario aliquis alius est possibilis*; vnde infinitas syncategorematica communis est diebus futuris & diebus ante possibilibus, non autem diebus futuris, & diebus præteritis.

In probatione superius ad Aduersario posita est etiam falsa minor, quod videlicet in æternitate præterita quæcunque collectio accipiarur accipitur quid finitum; tum quia potest accipi per modum vnius collectionis tota ipsa æternitas; tum quia etiam partes proportionales puta dimidia, tertia, quarta, & aliæ huiusmodi multitudinis infinite, sunt etiam infinite. Da enim tertiam infiniti non esse infinitam & dabis multitudinem infinitam constantem tribus multitudinibus finitis; adeoque infinitum per ablationem finiti absumptibile. Hoc idem non inuenies in æternitate futura, cuius nulla pars est dimidia, nulla tertia, nulla quarta. Quæcunque enim dierum multitudinem assignes intra æternitatem futuram, nunquam verum erit: *post tot alias equales multitudines, elapsa erit tota æternitas*. Ratio differens est eadem quæ supra. Collectio

lectio quæ tota est actu, seu tota acceptibilis est, est etiam in suas partes proportionales diuisibilis: secus quæ tota nequit accipi.

Obijcitur iterum. Ratio æterni non pugnat cum ratione creati; ergo potest dari creatura æterna. Sermo est de æterno non syncategorematice sed categorematice. Antecedens probatur: quia non est de conceptu æterni esse quid increatum. Confirmatur: quia ad huc æternitas creaturæ esset infinite infra æternitatem diuinam: primo quia esset contingens, illa necessaria; esset dependens; illa independens &c.

Resp. idem argumentum mutatis terminis retorquendo. Ratio immensi; ratio omnipotentis non pugnat cum ratione creati; ergo potest dari creatura immensa, creatura omnipotens. Antecedens probatur: quia non est de ratione immensi, de ratione omnipotentis esse increatum: confirmatur quia adhuc immensitas & omnipotentia creata discriminaretur ab omnipotentia & immensitate diuina; illa enim esset contingens, cum hæc sit necessaria, illa dependens, hæc independens &c.

Huic retorsioni facilius est satisfacere ex capite omnipotentia quam ex capite immensitatis. Clarius enim apparet rationem omnipotentis non stare cum ratione creati, quam rationem immensi. Creatum in suo conceptu formali est dependens; nam esse creatum est esse ab alio; esse autem omnipotens dicit esse independens. Quod enim non potest existere sine alio nec nisi ab alio, non dicitur esse omnipotens. At vero ratio  
creati



creati in suo conceptu formali præscindit ab esse in vno vel pluribus vel omnibus locis .

Possset tamē etiam in instantia persisti adhuc ex capite omnipotentia. Nam etiam secunda Persona est ex prima , & tertia est ex prima & secunda : Filius enim est à Patre , Spiritus Sanctus ex patre filioque procedit : & tamen æque Filius ac Pater , æque Spiritus Sanctus ac Pater & Filius est omnipotēs. Itē vna Persona diuina nequit esse sine alia, nec propterea non est omnipotens . Verum quidem est hic etiam dari disparitatem; nam illa creatura non posset esse sine alio, quod est quid distinctum seu res distincta ab ipsa. At vero persona non est res distincta ab alia Persona ; adeoque Patrem non posse esse sine filio est non posse esse sine eo, siue sine ea re , quæ est realiter ipse . Hinc non est alia omnipotentia Patris, alia omnipotentia Filij : esset autem alia omnipotentia creatura, alia creatoris. Potentia Filij quamuis Filius sit ex Patre non est omnipotentia dependens ab omnipotentia Patris, sed est ipsamet omnipotentia Patris, quod et de aliis huiusmodi attributis intelliges .

Resp. secundo non examinari hic an ratio creati pugnet cum ratione æterni ; sed an Mundus potuerit esse ab æterno . Mundus enim non est quælibet creatura, sed creatura successiue durans ; adeoque ex hypothese æternitatis inferens durationem diuisibilem in dies non tot quin plures, adeoque infinitam . Ex iis qui hæc in re nobiscum sentiunt sunt qui putent potuisse existere ab æterno aliquam creaturam durantem alio genere

nere durationis, siue illa duratio fuisset distincta, siue indistincta à re durante. Ratio est quia in huiusmodi creatura non inueniebant infinitum illud categorematicum quod apud ipsos erat vnicum argumentum negandi aternitatem Mundi. Hinc inuenies apud Autores quæstionem hanc diuisam in duas. Prima est an Mundus esse potuerit ab æterno quoad successiua. Secunda an saltem quoad permanentia. Apud aliquos vtramque partem assertam reperiens: apud alios vtramque negatam, apud alios primam negatam, secundam assertam. Quoad propositam quæstionem potes ab vtraque præscindere. Quoad veritatem.

Resp. tertio negando antecedens. Cuius falsitas apparet ex dictis. Præterea Deus in ratione æterni debet præcedere quamlibet creaturam; adeoque debet ante quamlibet quam creauit, potuisse aliam vel eandem creare. Dixi: secundum rationem propriam æterni, adeoque non solum secundum maiorem perfectionem entitatiuam æternitatis, sed secundum rationem durantis.

Explicatur hoc. Deus est potens: & creatura etiã est potens. Deus est sapiens, & creatura etiam est sapiens. Deus est bonus & creatura etiam est bona. Necessè est autem vt & in ratione potentis, & in ratione sapientis, & in ratione boni formaliter Deus vincat quamlibet creaturam; hoc est non solum per hoc quod & hæc sapientia, & hæc potentia sit nobilioris subiecti; qua ratione. v. g. cognitio Angelica de obiecto A clara vt septem; vincit cognitionem Hominis de eodem obiecto eiusdem claritatis: sed ita ut  
plus

plus possit & plus cognoscat . Eodem modo necesse est Deum in ratione formatissima durantis, ita vincere quamlibet creaturam ; ut necessario plus duret , adeoque quod ante quamlibet, fuerit possibilis alia & alia in infinitum .

Obijcitur ultimo Aristoteles, qui & Mundum posuit ab æterno, & negavit infinitum categorematicum , ergo ex mundo ab æterno non sequitur infinitum .

Resp. Philosophum hac in re male philosophatum, & hac respõsione tota hæc questio concluditur ad laudem & gloriam Onnipotentis Dei .

F I N I S .

# I N D E X

## R E R V M.

### A

- A**ccidens reale an detur. p. 20. & seqq. Reale à modali in quo differat. p. 252. Accidentia quomodo sint sine subiecto in Eucharistia. p. 611.
- A**ctio quid sit. p. 309. an sit modus superadditus causæ, & effectui. p. 306. an identificetur realiter cum passione. p. 309. & seqq. an recipiatur in passo. p. 312. & seqq. An mere corruptiua implicet. p. 196. & seqq. Sic ne vna Dei, & creaturæ simul concurrentium ad effectum. p. 317. Sitne vna plurium causarum. p. 317. An quæ est Dei simul & creaturæ possit esse à solo Deo. p. 307. An sit essentialiter alligata conditionibus. p. 317. & seqq. An sit perfectio Agentis. p. 313. & seqq. An eadem actione qua ponitur vnio ponatur & forma. in substantijs adæquatè materialibus. p. 370. & seqq. An actio denominet agens subiectum in quo est. p. 315. & seqq. An sit prior natura effectui. p. 413. & seqq. An actioeductiua sit vnio accidentis ad subiectum. p. 271. & seqq. An sit vnio formæ substantialis ad subiectum. p. 274. & seqq. An actio sit quandoque violenta ipsi agenti. p. 288. & seqq. Quæ sit partim spontea partim violenta. p. 295. & seqq. Quomodo dicatur instantanea. p. 650. & seqq.
- A**ctus entitatus, & phisicus quid sint. p. 89.
- A**gens creatum an agat ex abundantia. p. 313. & seqq.
- A**ppetitus diuiditur in elicitem, & innatum. pag. 154.
- E**liciti definitio. p. 154. Innati definitio. p. 155. Appetitus materiæ ad formas substantiales. p. 154. & seqq. An sit elicens. p. 156. An sit innatus. p. 156. An sit æqualis ad formas inæquales. p. 163. & seqq. sub qua ratione respiciat formas. p. 164. & seqq. An appetitus vnus formæ sit odium alterius. p. 159. & seqq. An appetitus sequatur semper ad aliquam formam. p. 157. & seqq. An appetitus dicatur metaphoricè de materia, potentia propriè. p. 162. & seqq. An materia appetat formam sub ratione boni. p. 168. & seqq. An materia secundum rationem subiecti sit magis principaliter propter vnam, quam propter aliam formam. p. 172. An magis appetat vnam formam, quam aliam

# I N D E X

appetitu non proprio. p. 172. An appetitus & potentia materiæ sit ad omnes formas simpliciter. p. 173. & seqq. an etiam ad corruptas. p. 183. An appetitus naturalis possit esse conditionatus conditione per impossibile. p. 182.

Artis duplex acceptio. p. 295. Ars ex parte artificis quid sit? p. 295. Ex parte artefacti quid sit. p. 296. Comparatur cum natura. p. 296. & seqq. An possit esse simul cum natura. p. 297. An mediate possit facere operam naturæ. p. 298. An possit facere verum aurum? p. 300, & seqq.

Atomorum sententia exponitur. p. 15. & seqq.

## B

**B**onum quomodo moueat. vide Finis.

## C

**C**ausa efficiens quid sit? p. 303. & seqq. An causet effectus indifferentes, ut pendeant ab hac, vel illa causa per actionem sibi, & effectui superadditam? p. 306. Causa finalis quid sit? An causalitas in actu primo causæ finalis consistat adæquatè in bonitate obiecti quod mouet? p. 311. An causet secundum esse intentionale *ly secundum* quid appellet. pag. 314. & seqq. An causæ finalis effectus sint media ad obtinendum finem. p. 328. An amor finis sit illius effectus. p. 329. & seqq. An causa finalis, & effectus ipsius mutuò se causent. p. 331. Causalitas ipsius in actu secundo quid sit? p. 331. & seqq. An causa passiuæ possit suppleri à Deo in genere causæ passiuæ, p. 334. & p. 374. & seqq. An possit suppleri in alio genere causæ. ibidem. An causa formalis possit suppleri à Deo, aut ab vlla alia causa ad eundem effectum formalem. p. 234. & p. 379. Causa idealis quid sit. p. 339. & seqq. An consistat in conceptu obiectiuo an in formali. p. 342. & seqq. An sit in genere causæ efficientis. p. 344. & seqq. Causa per accidens quid sit? p. 348. Catus quid sit? p. 349. Fortuna quid sit? p. 350. Fati diuersæ acceptiones. p. 351. & seqq. Monstrum quid sit? p. 352. & seqq. An causæ benè diuidantur quadrifariam. p. 436. Causarum variæ diuisiones. p. 436. & seqq. Quæ sit causa productiua vocationis? pag. 510. quæ durationis? pag. 540.

Quomodo materia causet formam? p. 354. & seqq. An causet per sustentationem? p. 355. Causare per sustentationem quid sit? p. 357. & seqq. An materia & forma causent totum per vñionem. p. 363. & seqq. non verò per sustentationem p. 364. An sola materia causet vñionem per sustentationem? p. 365. & seqq. Dis-

scrimen inter materiam, & formam in causando.  
p. 373. & seq.

Causalitas Vide Actio. mutua: vide Prioritas.

Cœlorum divisio. p. 779. An Firmamentum sit solidū?

p. 779. An Cœli qui sunt supra, & infra Firmamen-  
tum sint fluidi. p. 779. & seqq. An Cœli sint corru-  
ptibiles. p. 682. An solum remotè non autem proxi-  
mè? p. 683. & seq. An materia cœlestis sit eiusdem ra-  
tionis cum nostra? p. 685. & seqq. An sit subiectum

transmutationum? p. 689. An motus corporum cœle-  
stium possit desinere. p. 691. & seqq. An Cœli sint ani-

mati? p. 695. An moveantur ab intrinseco? p. 698. &  
seqq. Contra Cœlos animatos argumenta p. 700. An

corpora cœlestia sint perfectiora sublunaribus? p. 701.  
An Cœli moveantur ab intelligentijs. p. 703. & seqq.

Coeffectus quænam sint? p. 431. & seqq.

Conditio in quo differat à causa. p. 437. & seqq. An

conditio aliqua neque possit suppleri à Deo. p. 333.  
An cognitio sit mera conditio respectu causæ finalis.

p. 333.

Continuum an constet indivisibilibus Zenonicis. p. 614.  
& seqq. Achillis cum testudine certamen de veloci-

tate motus. p. 617. & 621. & seq. An punctum addi-  
tum puncto & linea addita lineæ faciat extensionem

p. 616. & 619. & seq. An omnis linea in sententia

Zenonis sit divisibilis in duas partes æquales. p. 615.  
& 618. An in sententia Zenonis circulus minor sit

æqualis maiori. p. 615. & 619. & seq. Morulæ inter-  
polantes motum. p. 621. & seqq. Defenditur ab ali-

quibus Zenon. p. 618. Proponuntur indivisibilia divi-  
sibilibus locata. p. 624. & seqq. Quomodo hæc pun-

cta sint formaliter indivisibilia, & virtualiter divi-  
sibilia. p. 624. & seqq. Instantia in hac sententia an

sint eiusdem rationis, ac alia puncta. pag. 626. Quo-

modo in hac sententia vitentur argumenta quæ sunt  
contra Zenonem. p. 626. & seq. Quomodo sint hæc

puncta divisibilia in infinitum. p. 627. & seq. Rare-

factio, & condensatio quomodo explicentur in hac  
sententia. p. 628. An continuum sit in infinitum di-

visibile. p. 629. An ala muscæ possit ita dividi, ut te-  
gat totum Cælum. pag. 630. & seqq. An possibilis sit

motus localis admissa divisibilitate continui in infi-  
nitum. pag. 632. & seqq. An maius & minus dicantur

secundum partes determinatæ magnitudinis. p. 633.  
& seqq. An divisibilitas in infinitum sit per potentia

physicam. p. 636. & seqq. An minima physica sol-  
vant difficultates in continuo. p. 637. An dentur mi-

nima physica in continuo successivo. p. 639. & seq.  
An in continuo partes sint actu, an solum poten-

tia. p. 640. & seqq. Quanti definitio. p. 640. Minimi-  
ta impugnantur. p. 643. An partes in continuo sint

# I N D E X

- actu distinctæ, & non constituent numerum. p. 645. & seqq. Quomodo debeat intelligi tangere in puncto, in linea, in superficie. pag. 647. & seqq. Actiones quomodo dicantur instantaneæ pag. 650. Quomodo pars sit separabilis à parte continui. p. 653. & seqq. An lignum per diuisionem destruat. p. 657. An dentur partes actuales in homine p. 657. & seq. An detur relatio inter partes continui p. 658. & seqq. An indiuisibilia diuisibiliter locata repugnent in terminis. p. 662. An ubicatio maior sit melior. p. 663. & seqq. An eædem difficultates sint pro minimis, ac pro negantibus.
- Compræhensionis duæ definitiones. p. 175. An ad compræhensionem relationis transcendentalis sit necesse distinctè attingere quemlibet terminum ipsius. p. 175.
- Corpus naturale constet ex corpusculis? p. 15. & seqq. An ex materia & forma substantiali? p. 31. & seqq.
- Creatura omnium perfectissima. p. 573. & seq. An vlli creaturæ conueniat esse perfectissimam, quam Deus potest facere. p. 564. An inter omnes creaturas possibile & Deum mediet alia creatura. pag. 565. & seq. An creatura continens eminenter perfectionem creaturarum non tot quin plurimum sit perfectissima. pag. 566. & seqq. Possitne dari creatura omnium imperfectissima. p. 569. An data possibilitate huius creaturæ, inferatur possibilitas perfectissimæ. p. 569. An sit possibilis creatura in aliquo genere ita perfecta, vt in illo nequeat dari perfectior. p. 569. An ex hoc inferatur posse dari creaturam omnium perfectissimam. p. 570. Creatura æterna. V. Mundus.
- Distinctio modalis & realis in quo differant. p. 97.

## D

**D**uratio an sit superaddita rei duranti, & tempori extrinseco. p. 536. *Ly est & existit* quomodo con- significant durationem. pag. 537. & seq. An per hoc quod existat Petrus, & hæc dies, Petrus existat in hac die p. 539. An in composito omnia durent vna duratione, an singula singulis. p. 541. An diuina æternitas rectè accipiat. pro mentura durationum creaturarum secundum prius & posterius. pag. 542. An quæ coexistunt vni tertio tibi etiam coexistent. p. 542. An possit Creatura esse & nunquam esse. p. 543. & seqq. argumenta pro negativa. p. 545. & seq. An hæc propositio *Deus est* consignificet tempus. p. 546. & seqq. An potuerit esse creatura ante omne tempus. p. 548. & seq. An duratio metaphysica necessitate consequatur ad esse rei. p. 550. & seq.

## E

**E**ffectus simultanei . Vide Coeffectus . V. Causa . V. Actio .

Essentia an distinguatur realiter ab existentia in rebus creatis? p. 97. & seq. Discrimen inter *ly est* acceptum modo in vi copulæ, modo in vi verbi. p. 98. & seq. An indifferentiam quam habet essentia habeat etiam existentia. p. 100. & seqq.

Existentia. Vide Essentia .

## F

**F**inis variaz diuisiones. p. 318. & seq. An agentia intellectualia agant propter finem? p. 235. An etiam Bruta? p. 235. An etiam non cognoscitiua. p. 236. Diuersitas operandi propter finem in intellectualibus, in Brutis, & non cognoscitiuis. p. 232. & seq. An Deus agat propter finem. p. 348. Vide Causa .

Formarum diuisio. p. 340. Forma substantialis probatur. p. 21. & seqq. & 37. Forma substantialis quid sit? p. 207. An forma substantiæ physicæ sit tota quidditas compositi. p. 210. & seq. Homo quomodo sit idem puer, & senex quamuis mutet materiam. pag. 223. & seq. An forma sit natura. p. 282. An formâ fiat ex nihilo sui, non ex nihilo subiecti. p. 55. & seq.

Fortuna, V. Causa .

## G

**G**eneratio, an sit æquè propriè hominis ab homine, ac equi ab equo? pag. 372. Per quid vna substantia denominetur generata ab alia. p. 374.

## I

**I**nclinationum varia genera. p. 292.

Infinitum quid sit? p. 552. & seqq. quotupliciter accipiatur. p. 552. & seq. Partes infiniti cuius rationis sint. p. 560. & seq. Infinitum in magnitudine definitur. p. 560. Infinitum secundum perfectionem quid sit? p. 560. & seq. An infinitum per ablationem finis consumatur? p. 562. An in quantitate in qua dantur infinitæ vnitates, dentur etiam infiniti millenarij. p. 562. Infinitum aliud categorematicum, aliud syncategorematicum. p. 562. & seq. Syncategorematicam an sit possibile? p. 570. & seq. Categorematicum an sit possibile? p. 572. & seqq. Primum argumentum contra categorematicum in quantitate continua. p. 572. & seqq. Contra idem indifferetia. p. 574. An vnum



# I N D E X

infinitum possit esse æquale alteri infinito. p. 574. & seq. An dentur partes in infinito. p. 578. & seq. Pars alia, aliquota, alia aliquanta. p. 579. Secundum argumentum contra infinitum categorematicum in quantitate continua. p. 579. & seqq. Idem argumentum contra categorematicum in quantitate discreta. p. 583. An possit dari infinitum utrinque terminatum. p. 579. & seqq. Quomodo vnum infinitum syncategorematicum cum alio compareretur. p. 586. & seqq. Quomodo sit acceptibile. pag. 588. An quæ militant contra infinitum categorematicum militent etiam contra syncategorematicum. p. 585. & seqq. An omnes Angeli possibiles sint simul possibiles. pag. 589. & seqq. An valeas arguere à sensu distributivo ad collectivum? p. 491. & seqq. An detur infinitum categorematicum negationum. p. 563. & seq. An Deus possit facere quidquid potest facere. p. 595. & seq. An sit possibilis numerus maior omni finito, an hic sit infinitus. p. 598. & seqq. Quomodo Deus videat omnes dies æternitatis futuræ. p. 600. & seq. An præter omnes dies quos Deus videt in æternitate sit alius dies, p. 601. & seq. Examinatur veritasistarum propositionum. *Nulla est dies in æternitate, qua non possit esse ætern.* *Est aliqua dies in æternitate essentialiter in potentia.* p. 602. & seqq. Infinitas secundum quid an semper dicat perfectionem. pag. 176.

## L

**L**ocus quid sit? p. 455. & seqq. Quid dicat determinatè quid indeterminatè? p. 456. & seq. Quomodo sit eadem superficies aere mutato. pag. 457. Loci proprietates. p. 457. & seqq. Locus alius proprius alius communis. p. 458. An sit loco. p. 459. An Mundus sit in loco. p. 462. Per quid formaliter res sit in loco. p. 487. An per hoc quod ipsa est locus extrinsecus sint? p. 487. & seq. An per vicationem sibi & loco superadditam. p. 488. An per hoc quod sit, & non sit in villo alio loco. p. 489 & seq. An per motum antecedentem, & impulsum. p. 490. & seq. Lux an sit accidens reale? p. 23. & seq. Quomodo propagetur? p. 24.

## M

**M**ateria prima an detur. p. 33. & seq. p. 52. & seqq. Materia diuiditur in primam, & secundam. Materia prima quid sit. p. 71. & seq. & p. 75. An sit ingenerabilis & incorruptibilis. p. 78. & seq. An sit perfectior forma substantiali. p. 84. & seq. An sit alterabilis.

lis. p. 85. & seq. An sit pura potentia. pag. 88. & seq. An habeat suum actum entitativum. p. 90. & seq. An habeat actum physicum. p. 89. & seq. An posset existere per existentiam forinse ex suppositione Thomistica distinctionis inter essentiam, & existentiam? p. 126. & seq. An habeat potentiam ad formas sibi superadditam. p. 142. & seq. An sit vna omnium subluarium. p. 150. & seq. Materia nature, & materia artis, in quo conueniant, & in quo differant. p. 152. An materia impliciter, implicante aliqua forma substantiali. p. 180. An homo ex diuersa materia constans sustineret denominationem hominis. p. 209. An materia prima possit naturaliter spoliari omni forma substantiali. p. 196. An supernaturaliter possit. p. 199. An spoliata omni forma substantiali deberet connaturaliter destrui. p. 201.

Motus quid sit? p. 440. Motus variaz species. p. 444. & seq. An instantaneus sustineat definitionem Aristotelis? p. 443. A quo specificatur? pag. 445. & seq. Possint idem subiectum pro diuersis sui partibus moueri localiter ad contraria? p. 447. Possint eadem res indiuisibilis diuisibile spatium occupans intra spatium ad equatum moueri ad partes oppositas. p. 447. Possint idem corpus naturaliter moueri secundum locum, & motibus contrariis, aut diuersis secundum idem? p. 447. & seq. Experimentum pro sententia affirmatiua. p. 448 & seq. An idem subiectum secundum quantum possit moueri duobus motibus contrariis. p. 450. An eandem oppositionem quam habent in eodem subiecto qualitates habeant etiam motus ad ipsas. p. 451. Experimentum probans posse idem subiectum moueri ad qualitates oppositas. p. 452.

Mundus siue vnus? p. 666. An sit perfectus. p. 668. An Deus possit facere plures Mundos? p. 667. Moles terraquea quid sit? p. 670. Quomodo moles terraquea sit rotunda? p. 670. Cur sit rotunda? pag. 670. De ijs quae mediant inter Cælum, & terram. p. 672. In quot regiones diuidatur profunditas aeris? p. 672. Possit aerem an detur sphaera ignis? p. 673. Mundi systema Copernicanum. p. 674. & seq. Quinam motus à quolibet planeta fiant? p. 675. Systema Copernicanum impugnatur. p. 676. & seq. Systema Ptolemaicum describitur. p. 678. Verum systema proponitur? p. 678. & seq. An Mundus potuerit esse ab æterno. pag. 706. & seq. In quo sensu potuerit? pag. 706. In quo sensu non potuerit? p. 709. An si fuisset ab æterno daretur infinitum categorematicum in quantitate discreta. pag. 710. An etiam in quantitate continua? p. 710. An esset possibilis æternitas vtrinque terminata? p. 711. & seq. An ante omnes creaturas potuerit esse alia. pag. 712. & seq. An necessariū præcedat Deus tempore crea-

# I N D E X

creaturam? p. 713. & seq. & p. 731. & seq. An sit liberum Deo creare, vel non creare Mundum ab æterno? p. 719. An ex suppositione quod Deus esset causa necessaria Mundi, Mundus esset necessariò ab æterno, & an esset effectus. p. 719. & 721. & seq. Quod detur causa productiva Mundi ab æterno quotupliciter possit intelligi. p. 727. & seq. An præter omnes dies, qui erunt in æternitate futura, necessariò aliquis alius erit? p. 728. An ratio æterni pugnet cum ratione creati? p. 729. & seq.

## N

**N**atura quotupliciter accipitur? p. 276. & seq. Quid sit? p. 277. & seq. An materia sit natura? p. 280. & seq. An forma sit natura. p. 282. An unio sit natura. p. 282. An anima secundum præcisam rationem intellectiua sit natura. p. 283. & seq. An secundum rationem taliter intellectiua, sensitiua, & vegetatiua sit natura? p. 283. & seq. An totum physicum proprie sit natura, an naturale. p. 282. & seq. An corpus omninò immobile esset naturale? p. 285. & seq. Naturali quid apponatur. p. 289. & seq.

Negationes, & priuationes formales an sint aliquid. p. 223. & seq. Quomodo differant. p. 221. An sint aliquid impossibile cum re, quæ non est. p. 223. An sint entia abusiva, siue diminuta. p. 225. & seq. Priuatio sapientiæ, & auditus per quid differant. p. 227. & seq. An sit aliquod bonum? p. 229. & seq. An sit solum in esse veri, non in esse rei. pag. 232. An decretum Dei tolerabilius dicatur esse verificatiuum huius propositionis *Est lux*, quam huius non est lux? pag. 241. & seq.

Numerus alius numerans alius numerabilis. p. 533. & seq.

## O

**O**pera naturæ an fieri possint per artem? v. natura.

## P

**P**arallaxis quid sit? p. 681. Quomodo per ipsam deprehendatur altitudo, vel depressio vnius phænomeni supra, vel infra aliud. p. 681. & seq.

Partes aliæ essentielles, aliæ integrales. p. 30. & seq. Aliæ communicantes, aliæ non communicantes. pass. 359.

Aliæ proportionales, aliæ certæ ac determinatæ mensuræ. p. 359. & seq. Aliæ aliquotæ aliquantæ. p. 379.

Quomodo causent totum. p. 387. & seq.

Passio. Vide Actio.

Penetratio corporum an repugnet simpliciter? p. 463. An repugnet naturaliter? p. 463. & seq.

Persona quid sit. p. 390. & seq. vide substantia.

Potentia: Vide Appetitus.

Potentialitas an dicat imperfectionem? p. 177. Principium.

# R E R V M.

pium definitur. p. 3. Principiorum diuifio. ibid: Principium in cognoscendo quid fit? p. 5. Inttinfecum quid fit. p. 13. Principia corporis naturalis in fieri tria materia, forma, & priuatio. p. 33. in faëto effe duo materia, & forma. p. 33. Priuatio formæ anteceden-  
tis an fit principium corporis in fieri. p. 41. & feqq. Priuatio quando principiet. pag. 52. Principium hoc *ex nihilo nihil fit*, quomodo intelligendum. p. 34. & feq. Principium per quod venimus in cognitionem di-  
ftinctionis an fit falſificabile. p. 475. & feqq.

Prioritatis variæ acceptiones. p. 407. Prioritas naturæ quid fit? pag. 407. & 410. An dicat neceſſariò priori-  
tatem temporis? p. 410. An conueniat cauſæ finali ad ſuum effectum. p. 411. An conueniat efficienti. p. 411. & feq. An formæ reſpectu vnionis. p. 413. An prioritas mutua repugnet. pag. 415. & feqq. An repu-  
gnet ſecundum idem eſſe in eodem inſtanti reali. p. 417. & feqq.

D

**Q**uantitas quid fit? p. 608. & feq. An ſit primum om-  
nium accidentium. p. 610. & feq. An partes cor-  
poris Chriſti in Euchariſtia habeant impenetrabi-  
litate. p. 611. & feq. Quid ſequatur ad quantitatem? p. 612. & feq. Quam exigentiam impenetrationis ha-  
beat materia prima præſcindendo à quantitate. p. 613.

## R

**R**eplicatio an ſit poſſibilis. p. 466. An poſſit idem corpus de potentia abſoluta eſſe ſimul in vno loco definitiuè, in alio circumſcriptiuè? p. 466. & ſeq. An de potentia abſoluta poſſit eſſe in pluribus locis circumſcriptiuè? p. 467. & feqq. An data replicatione ſecundum vbi circumſcriptiuum, poſſet idem corpus moueri motibus contrarijs ſecundum qualitates? p. 473. An ſecundum locum? p. 472. An daretur actio in diſtans. p. 473. & feq. Si lapis poneretur in duplici loco extra centrum quid contingeret? p. 479. & feqq. An candela replicata poſſet illuminare totum Mun-  
dum. p. 483. & feq. An Petrus replicatus vtrobique poſſet moueri? p. 481. & feq. An Baiulus millies re-  
plicatus poſſet ferre quantum mille Baiuli? p. 489. & feqq. In ordine ad quid æquiualeat pluribus, corpus replicatum. p. 486. An Petrus replicatus poſſet in eodem inſtanti Romæ aſſentire obiecto, & eidem di-  
ſentire Florentiæ. p. 486. & feq. An ad replicationem vnus extremi connaturaliter replicetur, & aliterum abſolutum à loco ſi vtumq; extremum vnio intrin-  
ſecè afficiat? p. 496. & feq. An ſi vnio non afficiat in-  
trinſecè vtunque extremum? p. 497. & feqq. An re-  
pugnet ex duobus extremis intrinſecè vnus vnus replicari altero non replicato? pag. 498. An ipſum vbi ſit.

# I N D E X

fit replicabile. p. 502. & seq. An vbiatio sit talis di-  
stantia à punctis fixis. p. 506. Discremen inter indif-  
ferentiam Petri, & vbi replicabilis. pag. 506. & seqq:  
An vbi Romanum replicatum in subiecto Mediola-  
ni faceret subiectum existens Mediolani. p. 507. An  
duratio sit replicabilis? pag. 508. & seq. Cur vbiatio  
possit replicari non duratio. p. 509. An vbi quod re-  
plicatur replicetur per aliud vbi? p. 512. An replica-  
tum præstet suum effectum formalem. p. 514. & seq.

## S

**S**ubsistentia, suppositum, & persona quomodo di-  
stinguantur. p. 585. & seq. An consistat in modo po-  
sitiuo. p. 387. & seqq. An nihil superaddat positiuum  
naturæ. p. 389. & seq. Cur in diuinis superaddat na-  
turæ aliquid positiuum non in creatis. p. 393. & seqq.

## T

**T**empus definitur. p. 533. An sit aliquid reale, an  
consistat in actibus intellectus. p. 534. Mensura  
temporis quænam sit? p. 535. & seq. Vide Duratio.  
Totum an distinguatur realiter à singulis partibus? p.  
376. An distinguatur à suis partibus simul sumptis?  
p. 377. & seqq. An partes collectivæ acceptæ cauant  
totum. p. 382. & seq.

## V

**V**acuum quid sit? p. 515. Extra Mundum an detur?  
p. 518. An naturaliter repugnet? pag. 516. & seqq.  
Experimenta probantia vacuum possibile naturaliter.  
p. 518. & p. 520. & p. 522. An in vacuo fieret mo-  
tus localis leuium, & grauium. p. 527. & seq. An fie-  
ret in instanti? p. 531. An fieret nouum vacuum, si  
pila moueretur in vacuo. p. 531. & seq.  
Vbiatio definitiua, & circumscriptiua quid sint. pag.  
465. & seq. Vide replicatio, & locus.  
Violentum mistum spontaneo. p. 293. & seqq. Violenti-  
variz acceptiones p. 294.  
Vnionum triplex genus. p. 245. & seq. Vnio substantia-  
lis an sit modus superadditus materiæ, & formæ? p.  
250. An saluetur vnio substantialis per coexistentiam  
materiæ ad formam? p. 246. An per intimam præsen-  
tiam actus & potentiæ. p. 247. An per vltimam di-  
spositionem materiæ ad formam? p. 247. An per ab-  
sentiam cuiuslibet alterius formæ substantialis in  
materia vltimò disposita, & compenetrata cum for-  
ma? p. 248. & seq. Vnio accidentium absolute ad  
subiectum an sit modus superadditus? p. 252. An sit  
actio eductiua. p. 271. & seq. Vnio materiæ & for-  
mæ substantialis an sit accidens. p. 253. An sit vna in  
composito. p. 260. & seq. Vnio sub conceptu vnianis  
an respiciat extrema sub ratione subiecti. p. 266. & seq.

Pag. Vers. Errata.

13.	4.	prinoipia
	34.	particulares
	30.	velocitase
25.	6.	corpuscusa
26.	2.	notahile
	13.	corpuscita
	23.	interlora
31.	8.	auuris
36.	1.	agen
41.	13.	att
61.	8.	nou
74.	16.	compositio
86.	12.	aiiter
87.	2.	retinedo
89.	14.	propositiz
	18.	cutis
	30.	actus metaphysicus
97.	25.	putemus
98.	1.	repeili
102.	18.	vnio vnionem
	36.	essendi
116.	19.	null
117.	35.	quodditatusue
131.	18.	vera
	35.	ulterius
135.	25.	si
146.	7.	pirus
148.	14.	bebeat
150.	34.	potest
151.	22.	latere
	32.	dierfis
163.	34.	est
165.	7.	formaliler
177.	19.	cum
179.	3.	offensicum
187.	17.	secundum, ad
	23.	potentiam
191.	8.	ula
195.	11.	alter
	17.	huic
201.	30.	malius
232.	12.	est
233.	10.	oculo
244.	27.	intellectas
247.	20.	fit
264.	18.	hypostatica
269.	16.	viroque
270.	27.	denominatione
274.	4.	realier
279.	5.	mau
	16.	ad

Corrige.

principia
particulas
velocitate
corpuseula
notabile
corpuseula
interiora
auris
agens
est
non
composito
aliter
retinendo
propositz
entis
( sicut
actus.altermetaphy.
putemus
repelli
vnionem
essendi
nulli
quidditatiue
versa
alterius
se
prius
debeat
posset
latere
diuersis
esset
formaliter
cum
offensi cum
secundum quid , ad
potentia
illam
altera
huius
melius
esse
oculo
intellectus
fit
hypostatica
vtraque
denominationem
realiter
mou
sed

Pag. Vers. Erratâ

284.	9.	elaboratiua]
	16.	pfatam
285.	14.	moneri
286.	1.	naturalis]
	13.	qua
311.	30.	altero
315.	1.	per ætum
320.	19.	propterea
340.	11.	anima
344.	4.	obiectiue
357.	15.	huis
365.	24.	quodlibet
373.	15.	di
379.	8.	hoc vel
389.	24.	dupplere
390.	18.	an
	10.	compositio
395.	14.	determino
396.	23.	diuinam
404.	15.	personalitata
419.	11.	sui, non
421.	34.	materiam
424.	7.	ultima
426.	20.	non æ
428.	16.	ingrediena
	19.	Quarum
444.	35.	alias
473.	21.	fieri
490.	1.	rectes
494.	18.	plurum
495.	34.	ex
548.	15.	ips-
508.	1.	conguere
511.	11.	neg. con
518.	21.	natura
520.	26.	superfocē
521.	16.	media
528.	17.	datur
594.	29.	innt
601.	21.	est
602.	1.	videat, videt
604.	33.	tum
616.	17.	argumento

Corrige.

elaboratiua
præcisam
moueri
naturalis
quo
altera
per ætum
propter
est anima
obiectiuo
huius
quolibet
dic
hoc sit, vel
supplere
ad
composito
termino
diuinum
personalitatem
sui, & non
materia
ultimam
nouæ
ingrediens
Quantum
alius
feret
recte
plurium
&
ipsa
congruere
negatiue, concedo
naturam
superfocet
medio
datur
sunt
&
videat, ergo videt
tuum
argumentum









